



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES





3 3433 07437653 8




George Bancroft









BIBLIOTHECA

CLASSICA LATINA

SIVE

COLLECTIO

AUCTORUM CLASSICORUM LATINORUM

CUM NOTIS ET INDICIBUS

EXCUDEBAT FIRMINUS DIDOT,
REGIS ET GALLICARUM ACADEMIARUM TYPOGRAPHUS.

TITUS LIVIUS

PATAVINUS

AD CODICES PARISINOS RECENSITUS

CUM VARIETATE LECTIIONUM

ET SELECTIS COMMENTARIIS

ITEM SUPPLEMENTA J. FREINSHEMII

CURANTE

N. E. LEMAIRE

VOLUMEN TERTIUM

NEW YORK
PUBLIC
LIBRARY



PARISIIS

COLLIGEBAT NICOLAUS ELIGIUS LEMAIRE

POESEOS LATINÆ PROFESSOR

MDCCCXXII

JAE

18

ROY W
JUN
YARL



PRÆMONITIO EDITORIS

AD LECTOREM BENEVOLUM.

Notabis, si placet, amice lector, hoc volumine tertio contineri nonum et decimum ipsius LIVII librum, quibus prima DECAS absolvitur; prætereaque decem Joannis Freinshemii libros, quibus supplere conatus est (quantum recentiore manu suppleri fas fuit), secundam historiæ Livianæ DÉCADEM, invidiosa fati malignitate perditam.

De quibus Supplementis vide, lector optime, quæ ad calcem hujus voluminis pauca subjungimus. Vive et vale.

Lutetiæ Parisiorum, anno 1822.

N. E. LEMAIRE.

deduntur, et Postumius feciali rom. genu femur violenter percussit dicens, se samnitem civem esse, et Romanos, feciali legatque contra jus gentium violato, eo justius bellum gesturos. — XI; Pontius non accipit deditioem, et incusat fidem populi romani, qui semper aliquam fraudi speciem juris imponat. — XII; Samnites Fregellas fraude capiunt, et concremant victos: Papirius in Apuliam pergit ad Luceriam, ubi equites romani, obsides ad Caudium dati, custodiebantur; Publilius in Samnio subsistit prope Caudium. — XIII; Samnites, a Publilio fusi castrisque exuti, Apuliam petunt et Luceriam: Papirius Arpos proficiscitur et inde Luceriam, quo et mox venit collega. — XIV; Legati tarentini denuntiant Samnitibus Romanisque, ut bellum omittant: sed consules hostium castra expugnant, et vix imperio ac minis coercent milites cædis avidos. — XV; Publilius Apuliam peragrat: Papirius Luceriam capit, et 7000 Samnites, interque eos Pontium, sub jugum mittit. — XVI; Debellantur Forentani, et Satricum, quod ad Samnites defecerat, dupli proditione capitur: laus L. Papirii Cursoris. — XVII; Alexander magnus comparatur ducibus rom. — XVIII; ejus fortuna fortunæ populi romani. — XIX; Macedonum Romanorumque milites, numero, armis et genere, seu indole. — XX; Samnites miserrimis precibus inducias biennii, non fœdus, impetrant: Apuli Teanenses, Canusini, Teates et Forentani in deditioem veniunt: Nerulum in Lucania vi capitur: novæ tribus, Ufentina ac Falerina: Antiatibus dantur a senatu rom. ad jura statuenda ipsius coloniæ patroni. — XXI; L. Æmilius dictator obsidet Saticulam, et Samnites, sociorum causa rebellantes, iisque auxilio venientes, fundit. — XXII; Q. Fabius dictator ab eo accipit exercitum, et Q. Aulus Cerretanus magister equitum, non consulto dictatore, Samnites a castris rom. submovet, sed perit; Saticula Romanus per deditioem, Plistia per vim Samni potitur. — XXIII; Inde Fabius ad Soram proficiscitur; quæ ad Samnites defecerat: cum his ad Lautulas accipiti prælio dimicat; sed mox ingentem iis cladem infert. — XXIV; Sora capitur, occulta in arcem via a transfuga monstrata. — XXV; Ausona, Minturna et Vescia, Ausonum urbes, suspectæ de societate clam cum Samnitibus inita, proditione in potestatem rom. veniunt; et, quia absentibus ducibus nullus modus cædibus est, deletur Ausonum gens, vix certo defectiois crimine. — XXVI; Luceria iterum et ad Samnites deficit, et

a Romanis capitur, eoque mittuntur coloni : C. Mænius dictator dicitur quæstionibus exercendis tum de occultis principum conjurationibus Capuæ, tum de nobilium coitionibus, honorum adipiscendorum causa, Romæ factis. — XXVII; Samnites a M. Pœtelio et C. Sulpicio inter Caudium Capuamque vincuntur. — XXVIII; C. Pœtelius dictator, vel C. Junius Bubulcus cos. Freggellas et Nolam capit : Suessam Auruncorum, Pontias, Interamna et Casinum coloniæ deducuntur. — XXIX; Ob etrusci belli famam dictator dicitur C. Junius Bubulcus. Ap. Claudius censor viam munit : aquam ducit in Urbem : libertinorum filios in senatum legit : solus censuram retinet : et sacrorum ad aram maximam Herculis curam, quod familiare Potitorum fuerat sacerdotium, servis publicis tradit; unde XII familiæ Potitorum intra annum cum stirpe exstinguuntur, et Appius post aliquot annos fit cæcus. — XXX; Senatus citatur eo ordine, qui ante censores Ap. Claudium et C. Plautium fuerat : L. Atilius et C. Marcius tribuni pl. rogationem perferunt, ut tribuni militum seni deni in quatuor legiones a populo creentur; et M. Decius trib. pl., ut duumviros navales classis ornandæ reficiendæque causa idem populus jubeat : tibicines, prohibiti a proximis censoribus in æde Jovis vesci, Tibur abeunt, et vino sopiti plaustris Romam reportantur. — XXXI; Cluvia et Bovianum expugnantur, et Romani, quamvis oblata pecorum præda in saltum ingentem illecti, vincunt Samnites. — XXXII; Omnes Etruriæ populi præter Arretinos bellum parant, et ordiuntur ab oppugnando Sutrio : ibi Q. Æmilius Barbula cum iis configit ancipiti prælio, quod nocte dirimitur. — XXXIII; Ap. Claudius censor nulla vi compelli potest, ut, circumactis duodeviginti mensibus, exemplo C. Plautii collegæ, magistratu se abdicet; negatque, se Æmilia lege teneri, quia optimo jure censor creatus sit. — XXXIV; Eum gravi oratione increpat P. Sempronius trib. pl. et prendi jubet : sed tribuni tres appellanti Appio auxilio sunt; isque summa invidia omnium ordinum solus censuram gerit. — XXXV; Etrusci iterum ad Sutrium vincuntur a Romano duce Q. Fabio cos. et in silvam Ciminiam confugiunt, quæ invia est et horrenda. — XXXVI; Eam transit Fabius, speculandi causa præmisso fratre M. Fabio, et opulenta Etruriæ arva vastat. — XXXVII; Hinc indignatione concientur Etruriæ Umbriæque populi, et ingens ad Sutrium venit exercitus : Fabius pugnam detrectat, sed proxima nocte, paulo ante lucem, hostes in ca-

stris opprimit, et stratos obruncat. Tusci, pacem petentes, inducias in triginta annos impetrant. — XXXVIII; Classis rom. a P. Cornelio in Campaniam agitur; et socii inde navales agrum nucerinum depopulantur, sed ab agrestibus compelluntur ad naves: C. Marcius Rutilus cos. dimicat cum Samnitibus prælio atroci et incerto eventu: alter consul Q. Fabius, senatusconsulto compulsus, dictatorem dicit L. Papirium Cursorem, cui privatim infestus erat. Huic legem curiatam de imperio ferenti triste omen diem diffindit, quod prærogativa curia est Fautia, duabus insignis cladibus: sed postero die, repetitis auspiciis, legem perfert.—XXXIX; Papirius ad Longulam pervenit; Umbri funduntur, et opes Etruscorum, qui, lege sacrata coacto exercitu, quum vir virum legisset, maximis copiis animisque dimicant, ad Vadimonis lacum franguntur ingenti clade. — XL; Duo Samnitium exercitus, scutis auro argentoque cæclatis, aliisq; insignibus armis fulgentes, a Papirio dict. vincuntur: auratis eorum scutis ornatur forum rom. Campani autem Samnitium ornatu gladiatores armant: Etrusci, ad Perusiam a Fabio profligati, dedunt hoc oppidum, et pacem petunt. — XLI; P. Decius bene res gerit in Etruria, et idem Fabius III consul adversus Samnites, Marsos, Pelignos et Umbros. — XLII; A L. Volumnio vincuntur Sallentini, a Q. Fabio Proc. Samnites ad Allifas; — XLIII; a Q. Marcio Tremulo Hernici, a P. Cornelio Arvina Samnites: Hernici in deditionem accipiuntur, et aliis eorum populis suæ redduntur leges, et concilia connubiaque inter ipsos permittuntur, aliis adimuntur. Censores vias per agros publica faciunt impensa, et ædem Salutis locant: cum Carthaginensibus tertio renovatur fœdus. — XLIV; Samnites in campum Stellatam agri campani incursiones faciunt, et occisione occiduntur a L. Postumio et Ti. Minucio. — XLV; Samnitibus fœdus petentibus redditur, daturque etiam Marrucinis, Marsis, Pelignis, Frentanis: Æquorum XLI oppida expugnantur intra L dies, et nomen eorum prope ad interuiccionem deletur. — XLVI; Cn. Flavius scriba, libertino patre natus, a forensi factione creatur ædilis curulis: civile jus, repositum in penetralibus pontificum, et fastos evulgat: ædem Concordiæ dedicat: ad collegam agrum visendi causa venit; et, quia nobiles ibi assidentes ei non asurgunt, curulem afferri sellam eo iubet, ut de illa inimicos spectet: propter ejus comitia plerique nobilium annulos aureos et phaleras deponunt: et forensis factio, Ap. Claudii

censura vires nacta, atque per omnes tribus divisa, in foro cam-
poque dominatur : Q. Fabius censor illam deinde in quatuor
tribus conjicit urbanas, et Maximi inde cognomen accipit : ab
eodem institutum dicitur, ut equites id. jul. ab æde Honoris in
Capitolium transveherentur.

I. SEQUITUR hunc annum nobilis clade romana
caudina pax¹, T. Veturio Calvino, Sp. Postumio con-
sulibus. Samnites eo anno imperatorem C. Pontium²,
Herennii filium, habuerunt, patre longe prudentissimo
natum, primum ipsum bellatorem ducemque. Is, ubi
legati, qui ad dedendas res³ missi erant, pace infecta
redierunt : « Ne nihil actum, inquit, hac legatione
« censeatis, expiatum est, quidquid ex fœdere rupto
« irarum in nos cælestium fuit. Satis scio, quibus-
« cunque diis cordi fuit⁴, subigi nos ad necessitatem
« dedendi res, quæ a nobis ex fœdere repetitæ fuerant,
« iis non fuisse cordi tam superbe ab Romanis fœderis
« expiationem spretam. Quid enim ultra fieri ad pla-
« candos deos mitigandosque homines potuit, quam
« quod nos fecimus? Res hostium in præda captas,
« quæ belli jure nostræ videbantur, remisimus : au-
« ctores belli⁵, quia vivos non potuimus, perfunctos
« jam fato dedidimus : bona eorum, ne quid ex con-

CAP. I. 1. *Caudina pax*, ad Cau-
dium facta, vide cap. 5.

2. *C. Pontium*; *Herennii f.* confer
Drak., qui ex Cic. de Sen. cap. 12, et
Aurel. Vict. ill. cap. 30, docet, et
patrem et filium dictum fuisse *C. Pon-
tium*, illum vero habuisse cognomen
Herennii (unde *Herennius Pontius*
cap. 3, vocatur, hoc est, *Pontius He-
rennius*, de quo vide ad III, 1, n. 1),
hunc *Thelesini*.

3. *Ubi legati, qui ad dedendas res*,
etc. confer VIII, 37.

4. *Quibuscunque diis cordi fuit*,
confer ad VI, 9, n. 1 ; Livio ante ocu-
los fuisse putat Gron. orationem Nicie
apud Thucyd. VII, 77 : ἱκανὰ γὰρ
τοῖς τε πολεμίοις εὐτύχηται· καὶ, εἰ-
πω-
θεῶν ἐπίφθοι ἰστρατεύσαμεν, ἀπο-
χρώντως ἦδη τιτιμωρήμεθα, etc. ED.

5. *Auctores belli*, etc. propr. non
nisi unum; confer VIII, 39. Sed res
oratorie augetur et invidiose. — *Per-
functos fato*, Brutulum Papium intel-
ligit, cujus exanime corpus deditum
erat. ED. — *Dedidimus* ; al. *dedimus*.

« tagione noxæ remaneret penes nos, Romam por-
 « tavimus. Quid ultra tibi, Romane, quid fœderi, quid
 « diis arbitris fœderis debeo? Quem tibi tuarum ira-
 « rum, quem meorum suppliciorum iudicem⁶ feram?
 « neminem, neque populum, neque privatum, fugio.
 « Quod si nihil cum potentiore juris humani relinqui-
 « tur inopi, at ego ad deos vindices intolerandæ su-
 « perbiæ confugiam; et precabor, ut iras suas vertant
 « in eos, quibus non suæ redditæ res, non alienæ
 « accumulatæ satis sint; quorum sævitiam non mors
 « noxiorum, non deditio exanimatorum corporum,
 « non bona sequentia domini deditioem exsatient;
 « placari qui nequeant⁷, nisi hauriendum⁸ sanguinem
 « laniandaque viscera nostra præbuerimus. Justum est
 « bellum, Samnites, quibus necessarium; et pia arma,
 « quibus nulla nisi in armis relinquitur spes. Proinde,
 « quum rerum humanarum⁹ maximum momentum sit,
 « quam propitiis rem, quam adversis agent diis, pro

minus recte, nisi præsens est tempus verbi *dedere*, non sine *ἰσχυρία* et affectu quodam; Bauer. At præcedit *remisimus*, et sequitur *portavimus*.

6. *Quem tibi tuarum irarum... iudicem feram*, vide ad III, 24, n. 6. Tam liquida est Samnitiū causa, ut quovis iudice vincere facile possint; Gron. — *Fugio* vide ad VIII, 33, n. 5. — *Nihil cum potentiore*, adversus eum, *juris humani relinquitur inopi*, nihil præsidii in jure humano: quod Cic. Off. I, 8, *jus societatis humanæ* dicitur; Ern. — *Iras suas vertant. iram suam* Leid. 2. Sed signanter *iras* plurali numero dici, quum sermo est de diis, observat Cerda ad *Æneid.* I, 11; laudatis etiam his Livii exemplis III, 7: *Veniām irarum cælestium, finemque pesti exposcunt*, etc. VIII, 33: *preces quæ deorum iras placant.*

Adde supra hoc cap. *Quidquid ex fœdere rupto irarum in nos cælestium fuit.* Ed.

7. *Placari qui nequeant*: ita et Stroth. inseruit *qui*, quum in nonnullis MSS *placarique* et *placari quæ* exstet. *Exsatient: placari nequeant*, etc. legabatur ante Drak. qui dedit: *exsatient. Placari nequeunt*, etc. motus auctoritate MS Klockii, a quo tamen sæpe conjecturas pro codicis lectione venditari passim jam monuit Stroth.

8. *Hauriendum sanguinem*, vide ad VII, 10, n. 6. — *Justum bellum et pia arma*, v. ad I, 22, n. 6, et I, 30, n. 7.

9. *Quum rerum humanarum maximum momentum sit*, confer ad I, 47, n. 7, et III, 27, n. 6. Mox Gron. conj. *quam propitiis, quam adversis agentur diis*. Sed bene Stroth. monet, *adverbium intendendi quam* ab hoc loco

« certo habete, priora bella adversus deos magis,
« quam homines, gessisse; hoc, quod instat, ducibus
« ipsis diis gesturos. »

II. Hæc, non læta magis, quam vera, vaticinatus, exercitu educto, circa Caudium castra, quam potest occultissime, locat: inde ad Calatiam, ubi jam consules romanos castraque esse audiebat, milites decem pastorum habitu mittit; pecoraque diversos, alium alibi¹, haud procul romanis pascere jubet præsiidiis: ubi inciderint in prædatores, ut idem omnibus sermo constet, *legiones Samnitium in Apulia esse, Luceriam omnibus copiis circumsedere: nec procul abesse, quin vi capiant*. Jam is etiam rumor, ante de industria vulgatus, venerat ad Romanos: sed fidem auxere captivi, eo maxime, quod sermo inter omnes congruebat. Haud erat dubium, quin Lucerinis opem Romanus ferret, bonis ac fidelibus sociis²; simul ne Apulia omnis ad præsentem terrorem deficeret. Ea modo, qua irent, consultatio fuit; duæ ad Luceriam ferebant

alienum esse, quum nulla res *adversis diis bene*, nulla *propitiis male* geri possit, nihilque referat, utrum parum, an multum adversi, vel propitii sint; et jungenda esse *quam rem agant*, hoc est, quæ res agatur (*was man unternehme*), vel *quam rem agant* scilicet homines; quod substant. latere dieit in præc. adjunct. *humanarum*, ut passim alia in verbis, substantivis aut adjectivis cognati significatus. Confer ad V, 49, n. 5. *Agamus* MS Lovel. 2, quæ lectio non temere speruenda. Ed. — Post *Deos*, vel *gesturos* excidit forte *nos*, vel *vos*. Alterutrum certe suppl.

CAP. II. I. *Diversos, alium alibi*, confer ad III, 60, n. 1. — *Ut idem omnibus sermo constet*, ut non discrepent a se invicem, nec alii alia, vel alio

tempore aliud dicant; Ern. Sic fere X, 26, n. 5, *constare res incipit*, hoc est, eodem modo ab omnibus referri, XXI, 38, n. 6, *id inter omnes scriptores constat*, in eo consentiunt, *locus et ratio mortis constat* XXV, 17, n. 2, *ne ipsis quidem, quid vellent, satis constabat* XXXII, 19.

2. *Lucerinis, bonis ac fidelibus sociis*: de quo nec Livius antea, nec alii, quod sciam, memoriae quidquam prodidere. Luceria est oppid. Apuliæ antiquissimum (vide Strab. VI, pag. 196), et Apuli fœdus quidem fecerant cum Romanis, sed paulo post defeccerant. Confer VIII, 25; XXXVII, 39. Urbs illa post Caudinam cladem ad Samnites defecisse videtur, et mox a Romanis capitur; v. cap. 12, ibiq. n. 4.

viæ; altera præter oram superi maris³ patens aperta-
que, sed, quanto tutior, tanto fere longior; altera
per Furculas Caudinas brevior; sed ita natus⁴ locus est:
saltus duo alti, angusti, silvosique sunt, montibus circa
perpetuis inter se juncti; jacet inter eos satis patens,
clausus in medio, campus, herbidus aquosusque, per
quem medium iter est; sed ante, quam venias ad eum,
intrandæ primæ angustiae sunt, et aut eadem, qua te
insinuaveris, retro via repetenda⁵; aut, si ire porro
pergas, per alium saltum arctiorem impeditioremque
evadendum. In eum campum via alia per cavam ru-
pem, Romani, demisso agmine, quum ad alias angu-
stias⁶ protenus pergerent, septas dejectu arborum
saxorumque ingentium objacentem molem invenere;
quum fraus hostilis apparuisset, præsidium etiam in
summo saltu conspicitur. Citati inde retro, qua vene-
rant, pergunt repetere viam; eam quoque clausam
sua obice⁷ armisque inveniunt. Sistunt inde gradum
sine ullius imperio; stuporque omnium animos, ac
velut torpor quidam insolitus membra tenet: intuen-

3. *Præter oram superi maris.* Non facile intelligitur quomodo ab urbe Campaniæ Calatia ad Mediterraneam Apuliæ urbem Luceriam euntibus superi maris ora legenda sit. Hæc igitur aut mendosa esse, aut incuriose a Livio scripta suspicari licet. Ed. — *Per Furculas* (sive *Furcas*) *Caudinas*, angustias, a forma furcæ, seu furcillæ aut literæ *F* sic dictas. Confer ad Sil. VIII, 565.

4. *Sed ita natus locus est*, vide ad V, 37, n. 6. — *Clausus in medio*: « quid hoc est? An inter medios saltus? Nam dixit *inter eos*. Forte leg. *clausus undique*. » Bauer.

5. *Aut eadem, qua te insinuaveris, retro via repetenda*, vide ad III, 70,

n. 2; VII, 10, n. 6, et XXV, 27, n. 5. *Mox alium saltum altiorem impeditioremque* (hoc est, itineris impeditioris, minus pervidum, ut XXXVI, 30, n. 3) quidam libri rectius forsitan ob præc. *saltus duo alti angusti*.

6. *Ad alias angustias*, ad alteras, diversas, oppositas, ut *alia pars* XXIV, 27. — *Protenus* scripsi pro *protinus*, non improb. Bruero, qui id pæne quidem redundare monet ob voc. *pergant*, sed et *porro pergere* et *pergere* pro ire, proficisci sæpe nostro dici, ut *mox pergunt repetere*. Confer ad II, 45, n. 10, et XXII, 50, n. 3.

7. *Eam quoque clausam sua obice*, scilicet arboribus dejectis saxorumque mole. Hæc quasi propria obex horum

tesque alii alios (quum alterum quisque compotem magis mentis ac consilii ducerent) diu immobiles silent. Deinde ubi prætoria consulum erigi videre, et expedire quosdam utilia operi⁸, quanquam ludibrio fore munientes, perditis rebus ac spe omni adempta, cernebant; tamen, ne culpam malis adderent, pro se quisque, nec hortante ullo, nec imperante, ad munendum versi, castra propter aquam vallo circumdant; sua ipsi opera laboremque irritum (præterquam quod hostes superbe increpabant) cum miserabili confessione eludentes⁹. Ad consules mœstos, ne advocantes quidem in consilium (quando nec consilio nec auxilio locus esset), sua sponte legati ac tribuni conveniunt: militesque ad prætorium versi, opem, quam vix diu immortales ferre poterant, ab ducibus exposcunt.

III. Querentes magis, quam consultantes, nox oppressit, quum pro ingenio quisque fremerent: « alius, « per obices viarum; alius, per adversa¹ montium, « per silvas, qua ferri arma poterunt, eamus. Modo « ad hostem pervenire liceat, quem per annos jam « prope triginta vincimus², omnia æqua et plana erunt

locorum, cui opponitur *armorum obex*; Stroth.

8. *Expedire quosdam utilia operi*, instrumenta muniendis castris apta, *Schanzzeug*; Doer.

9. *Cum miserabili confessione eludentes*, confer ad I, 36, n. 4. Elegans oratio pro vulgari: quum non solum hostes superbe riderent, sed ipsi cum dolore et irrisione faterentur, frustra opera sua et laborem esse; Doer. — *Ad prætorium versi*: quidem in *prætorium*; nostram vero lectionem tuentur Pall. duo cum Thuan. uterque Voss. Helm. florent. Leid. duo, Lovel. 2, 3,

4; Harlei. Gaertn. Portug. Haverk. etc. tot itaque codicum fide nixam in contextum recipere non dubitavimus. Vide inf. XXVIII, 46; XXIX, 35; XXXVI, 15; XXXVIII, 41, etc. eodem tamen sensu *versus* cum præpositione in Livium construxisse videbimus ad lib. XXXVI, 15. Ed.

CAP. III. I. *Alius per adversa (al. diversa) montium*, vide ad IV, 27, n. 1. Vox *alius* delenda videbatur Mur. et Gron. Recte, opinor. — et subscribit unus e nostris cod. Ed.

2. *Quem per annos jam prope XXX vincimus*: verba gloriantium et rem

« Romano, in perfidum Samnitum pugnanti³. Alius :
 « Quo, aut qua eamus? Num montes moliri sede sua
 « paramus? Dum hæc imminebunt juga, qua tu ad
 « hostem venies? Armati, inermes, fortes, ignavi, pa-
 « riter omnes capti atque victi sumus. Ne ferrum qui-
 « dem ad bene moriendum oblaturus est hostis : sedens
 « bellum conficiet⁴. » His invicem sermonibus, qua
 cibi, qua quietis⁵ immemor, nox traducta est. Ne Sam-
 nitibus quidem consilium in tam lætis suppetebat re-
 bus; itaque universi Herennium Pontium⁶, patrem
 imperatoris, per literas consulendum censent. Jam is
 gravis annis non militaribus solum, sed civilibus quo-
 que, abscesserat muneribus : in corpore tamen affecto
 vigeat vis animi consiliique; is, ubi accepit, ad Fur-
 culas Caudinas inter duos saltus clausos esse exercitus
 romanos, consultus ab nuntio filii, censuit, omnes
 inde quamprimum inviolatos dimittendos; quæ ubi
 sprete sententia est, iterumque, eodem remeante nun-
 tio, consulebatur, censuit, ad unum omnes interfi-
 ciendos : quæ ubi tam discordia inter se, velut ex an-
 cipiti oraculo, responsa data sunt : quanquam filius
 ipse inprimis jam animum quoque patris consensuisse
 in affecto corpore rebatur; tamen consensu omnium

numerumque argentium. Samnites pri-
 mum victi anno Urbis 412 (vide VII,
 33) adeoque ante annos XXII *vinci-*
mus ex uno MS recepit Drak. et ex
 ed. Gryph. Bauer. ut rectius quam *vi-*
cinus, bello scilicet nondum finito,
 more Liv. ut XXIII, 13, n. 1, *nunc*
quam vincimus, quam victores sumus.

3. *In perfidum Samnitum pugnanti*,
 confer ad VIII, 6, n. 7. — *Quo aut*
qua eamus, confer ad III, 70, n. 2.
 — *Montes moliri sede sua*, vide ad
 VI, 11, n. 5. — *Ad bene moriendum*,
 honeste, ut decet virum fortem. —

Confer ad XXII, 50, n. 2; ad Sil. II,
 705; III, 123; IV, 508, et Cuperi
 Obs. I, 8.

4. *Sedens bellum conficiet*, vide ad
 VII, 37, n. 4.

5. *Qua cibi, qua quietis* (vide ad
 II, 35, n. 3) *inmemor nox t. e. pro*
ab immemoribus; vide ad III, 36, n. 8.

6. *Herennium Pontium*, etc. confer
 Appian. Samn. Exc. IV. — *In corpore*
tamen affecto, debilitato senectute.
 Hinc mox *animum quoque patris con-*
sensuisse (confer ad I, 22) *in affecto*
corpore. Confer ad V, 10, n. 6.

victus est, ut ipsum in consilium acciret. Nec gravatus senex plastro in castra dicitur advectus, vocatusque in consilium ita ferme loquutus esse, ut nihil sententiæ suæ mutaret; causas tantum adjiceret: *Priore se consilio, quod optimum duceret, cum potentissimo populo per ingens beneficium perpetuam firmare pacem amicitiamque: altero consilio in multas ætates, quibus, amissis duobus exercitibus, haud facile receptura vires romana res esset, bellum differre: tertium nullum consilium esse.* Quum filius aliique principes percunctando exsequerentur⁷, *Quid si media via consilii caperetur, ut et dimitterentur incolumes, et leges iis jure belli victis imponerentur?* « Ista quidem sententia, inquit, ea est, quæ neque « amicos parat, neque inimicos tollit. Servate modo, « quos ignominia irritaveritis. Ea est romana gens, « quæ victa quiescere nesciat. Vivet semper in pectoribus illorum⁸, quidquid istuc præsens necessitas « inusserit; neque eos ante multiplices pœnas expetitas a vobis quiescere sinet. »

IV. Neutra sententia accepta, Herennius domum e castris est avectus. Et in castris romanis quum frustra multi conatus ad erumpendum capti essent, et jam omnium rerum inopia esset; victi necessitate legatos mittunt, qui primum pacem æquam peterent: si pacem

7. Percunctando exsequerentur, vid. ad V, 15, n. 7. Frequens apud Livium illud loquendi genus. VI, 14: *exsequerentur quærendo, ubi tantæ rei furtum occultaretur.* Hoc lib. cap. 16: *itaque subinde exsequentes legati, quoniam pacto,* etc. XXII, 3: *Summa omnia cum cura inquirendo exsequerentur.* XXV, 29: *exsequentibus sciscitando, quæ acta cum Romanis essent, dilucere id, quod erat, cepit,*

etc. XXXV, 28: *quem locum capturus ipse esset, cogitando ac quærendo exsequerentur,* et multa alia ex. passim occurrent. Ed.

8. *Vivet semper in pectoribus illorum,* in memoria erit et penitus insidabit, vel vivida quasi memoria erit ignominie, seu maculae, a necessitate iis inusta. — *Quidquid istuc* (hoc est, istud; confer ad Tac. Ann. XI, 7, n. 1) *inusserit illis ignominie.*

non impetrarent, uti provocarent ad pugnam. Tum Pontius, *debellatum esse*, respondit, *et, quoniam ne victi quidem ac capti fortunam fateri scirent*¹, *inermes cum singulis vestimentis sub jugum missurum : alias conditiones pacis æquas victis ac victoribus fore ; si agro Samnitium decederetur, coloniæ abducerentur, suis deinde legibus Romanum ac Samnitum æquo fœdere victurum*². *His conditionibus paratum se esse fœdus cum consulibus ferire : si quid eorum displiceat, legatos redire ad se vetuit.* Hæc quum legatio renuntiaretur³, tantus gemitus omnium subito exortus est, tantaque moestitia incessit, ut non gravius accepturi viderentur, si nuntiaretur, omnibus eo loco mortem oppetendam esse. Quum diu silentium fuisset, nec consules aut pro fœdere tam turpi, aut contra fœdus tam necessarium hiscere possent; tum L. Lentulus, qui tum⁴ princeps legatorum virtute atque honoribus erat, « Patrem meum, inquit, consules, sæpe audivi « memorantem, se in Capitolio unum non fuisse au- « ctorem senatui redimendæ auro a Gallis civitatis, « quando nec fossa valloque ab ignavissimo⁵ ad opera « ac muniendum hoste clausi essent, et erumpere si « non sine periculo magno, tamen sine certa pernicie « possent. Quod si, ut illis decurrere ex Capitolio ar- « matis in hostem licuit (quo sæpe modo obsessi in « obsidentes eruperunt), ita nobis æquo, aut iniquo

CAP. IV. 1. *Fortunam fateri scirent*, vide ad XXXVIII, 52, n. 1. — *Inermes cum singulis vestimentis sub jugum missurum*, vide ad III, 19, n. 9. — *Alias conditiones pacis... fore*, diversas ab iis, quas legati romani de pace æqua postulassent; Doer. Imo Livius *alias* dixit pro reliquis (vide ad IV, 10, n. 2); quæ et statim adjiciuntur : *si agro*, etc.

2. *Æquo fœdere victurum*, vide ad VII, 30, n. 2.

3. *Hæc quum legatio renuntiaretur*, vide ad XXIII, 6, n. 2. — *Tanta moestitia incessit*, vide ad II, 27, n. 10.

4. *Tum L. Lentulus, qui tum*; saltem *tunc*; sed potius del. Oratio ejus pulcherrimos sublimesq. sensus spirat.

5. *Ignavissimo ad opera*, ut lib. V, cap. 22, n. 6.

« loco dimicandi tantummodo cum hoste copia esset,
« non mihi paterni animi indoles in consilio dando
« deesset. Equidem mortem pro patria præclaram esse
« fateor : et me vel devovere pro populo romano le-
« gionibusque, vel in medios me immittere hostes pa-
« ratus sum. Sed hic patriam video; hic quidquid roma-
« narum legionum est. Quæ, nisi pro se ipsis ad mortem
« ruere volunt⁶, quid habent, quod morte sua servent?
« Tecta urbis, dicat aliquis, et moenia, et eam turbam,
« a qua urbs incolitur. Imo hercule produntur ea
« omnia, deleto hoc exercitu, non servantur. Quis
« enim ea tuebitur? Imbellis⁷ videlicet atque inermis
« multitudo? tam, hercule, quam a Gallorum impetu
« defendit. An a Veiis exercitum Camillumque ducem
« implorabunt? Hic omnes spes opesque sunt, quas
« servando, patriam servamus : dedendo ad necem,
« patriam deserimus ac prodimus. At foeda atque igno-
« miniosa deditio est : sed ea caritas patriæ est, ut tam
« ignominia eam, quam morte nostra, si opus sit,
« servemus : subeatur ergo ista, quantacunque est,
« indignitas; et pareatur necessitati, quam ne dii qui-

6. *Pro se ipsis ad mortem ruere*, pro gloria sua, ut ignominiam arceant, nulla patriæ ratione habita. Paulo ante alterum *me* ante *immittere* delendum recte videbatur Gronovio, qui etiam *immittere* pro *mittere*, Sigonio momento, restituit. Et ita Cic. Parad. I, 3 : *Quæ patrem Decium, quæ filium devovit, atque immisit in armatas hostium copias*. Tuscul. I, 48 : *Codrum, qui se in medios hostes immisit famulari veste*. Noster VIII, 9 : *Armatus equum insiluit, ac se in medios hostes immisit*. XL, 48 : *eos quum per aliquot dies armaturam levem immittendo, in stationes lacessisset parvis præliis*. Curt. de Hypside VII, 7 : *itaque*

subditis calcaribus equo, in medios hostes se immisit. ED.— *Quid habent, quod morte sua servent?* Nihil : nam urbs et imbelles cives in ea relictis mox pariter peribunt. — *Produntur*; quidam *perduntur*; sed vulgatum verius est; mox hoc ipso capite : *Quas servando, patriam servamus; dedendo ad necem, patriam deserimus ac prodimus*. ED.

7. *Imbellis videlicet*, etc. vide ad IV, 5, n. 2. — *An a Veiis exercitum Camillumque ducem implorabunt?* Camillus ipse quidem Ardea, exercitus vero ejus Veiis accitus erat, quare et ipse Veiis accitus dicitur, ut XXII, 3, ubi id jam monuit Stroth.

« dem superant. Ite, consules, redimite armis civita-
« tem⁸, quam auro majores vestri redemerunt. »

V. Consules profecti ad Pontium in colloquium, quum de foedere victor agitaret, negarunt, injussu populi foedus fieri posse¹, nec sine feacialibus ceremoniaeque alia solenni. Itaque non, ut vulgo credunt, Claudiusque etiam scribit, foedere pax Caudina, sed per sponsionem, facta est : quid enim aut sponsoribus in foedere opus esset, aut obsidibus, ubi precatione res transigitur? *Per quem populum fiat, quominus legibus dictis stetur², ut eum ita Jupiter feriat, quemadmodum a feacialibus porcus feriatur.* Spoponderunt consules, legati, quæstores, tribuni militum; nomina-

8. *Redimite armis civitatem*, armis hosti tradendis, aut traditis, tanquam pretio redemptionis. *Majores vestri*; nostri Voss. duo, Lovel. 1, 2, 3, Harles. Portug. Klockian. Haverken. Fragm. Hav. Hearnii oxoniensis B. et vett. edd. ante Frobenian. 1535. Vulgatum quod est in Flor. Leid. 2, Lovel. 4, et Gaerto. præferendum arbitramur, quia convenire non videtur Lentulo, ut dicat majores nostri, quum supra narraverit, patrem suum in Capitolio unum non fuisse auctorem senatui redimendæ auro a Gallis civitatis. Ed.

CAP. V. 1. *Negarunt, injussu populi foedus fieri posse*, etc. Nota Stroth. est hæc : « confer I, 24, unde intelligitur, quid sit foedus, quo ritu fiat, ac quomodo a sponsione differat, scilicet ut apud nos *Friedensschluss*, seu *Vertrag* et *Capitulation*. Foedus enim erat, ubi utraque pars et postulabat vicissim, et promittebat : in sponsione alterius erat postulare, alterius respondere, vel promittere. Præterea ritu et solemnibus differebant, ut ipse Livius addit. In sponsione enim sponsores erant, qui

subscriptis suis nominibus tenebantur ea, donec eam universa respublica retam haberet : unde cap. 8, *me sponsione obstrinxi; qua tamen, quando injussu populi facta est, non tenetur popul. rom.* In foedere feaciales erant, qui, a populo rite constituti, populi nomine foedus feriebant, ita ut eo statim universus populus teneretur. In sponsione obsides dabantur, ab his qui promiserant, his qui postulaverant : in foedere non item, ubi utraque pars Jovem ultorem invocat precaturque, ut in eam partem animadvertat, que non steterit foedere. » Confer Grot. de jure B. et P. II, 15 et 16. Aliis scriptoribus hæc similesque, *sponsiones* dicuntur *foedera*; vide Duker. ad hunc locum et Sigon. de ant. jur. Ital. I, 1. Cæterum apud Caudium a consulibus male pugnatum esse, tradunt Cic. de off. III, 30, de Sen. 12; Zonar. lib. 7 extr. et Plut. Parall. pr. — *Claudiusque*, vide ad VI, 42, n. 4.

2. *Quominus legibus dictis stetur*, ut mox *si pacto non staretur*. Confer ad III, 36, n. 11. — *Ut eam ita Jupiter feriat*, etc. confer I, 24.

que omnium, qui sponderunt, exstant: ubi, si ex fœdere acta res esset, præterquam³ duorum feacialium, non exstarent; et propter necessariam fœderis dilationem obsides etiam sexcenti equites imperati, qui capite luerent, si pacto non staretur. Tempus inde statutum tradendis obsidibus exercituque inermi mittendo⁴. Redintegrit luctum in castris consulum adventus, ut vix ab iis abstinerent manus, quorum temeritate in eum locum deducti essent; quorum ignavia fœdus inde, quam venissent, abituri. *Illis non ducem locorum, non exploratorem fuisse, bel-luarum modo cæcos in foveam missos.* Alii alios intueri, contemplari arma mox tradenda, et inermes futuras dextras, obnoxiaque corpora hosti⁵: proponere sibimet ipsi ante oculos jugum hostile, et ludibria victoris, et vultus superbos, et per armatos inermium iter; inde fœdi agminis miserabilem viam⁶, per socio-rum urbes reditum in patriam ac parentes, quo sæpe ipsi majoresque eorum triumphantes venissent. *Se solos sine vulnere, sine ferro, sine acie victos: sibi non stringere licuisse gladios, non manum cum hoste conferre: sibi nequidquam arma, nequidquam vires, nequidquam animos datos.* Hæc frementibus hora fa-

3. *Præterquam duorum feacialium*: tot etiam Cic. de Leg. II, 9, n. 21, memorat: alii plures.

4. *Exercituque inermi mittendo* sub jugum, et dimittendo *exercitui*; vide ad IV, 12, n. 7. — *Abituri*: durius abesse *essent*, monet Bauer. Sed modo præcessit, et ita repetendum fuisset. *Cæcos*, incautos, improvidos, non utentes quasi oculis mentis ac lumine rationis, ut IV, 35, et VII, 34. Drak.

5. *Obnoxiaque corpora hosti*, vide ad III, 39, n. 1.

6. *Miserabilem viam*, luctuosum

acerbumque iter *agminis fœdi*, pudendi et ignominiosi. — *Reditum in patriam ac parentes*: Stroth. huc pertinere putabat, quæ monuimus ad I, 33, n. 7. Sed cum Gron. potius et MS Helmst. leg. *in patriam ad parentes*. — Sic edidit Campanus: et quum ipsa ratio et perpetua Livii consuetudo postulent *ad*, et id etiam reperitur in uno scripto, ut testatur Gronovius, admittendum censemus. Ed. Confer II, 13, n. 4; II, 49, n. 7; XXII, 60 med. et Plaut. Capt. Prol. 43: «Reducemque faciet liberum in patriam ad patrem.»

talis ignominia advenit, omnia tristiora experiundo factura, quam quæ præceperant animis⁷. Jam primum cum singulis vestimentis inermes extra vallum exire jussi, et primi traditi obsides, atque in custodiam adducti; tum a consulibus abire lictores jussi, paludamenta que detracta: tantam inter ipsos, qui, paulo ante eos exsecrantes, dedendos lacerandosque censuerant, miserationem fecit⁸, ut, suæ quisque conditionis oblitus, ab illa deformatione tantæ majestatis, velut ab nefando spectaculo, averteret oculos.

VI. Primi consules prope seminudi¹ sub jugum missi: tum, ut quisque gradu proximus erat, ita ignominia objectus: tum deinceps singulæ legiones. Circumstant armati hostes, exprobrantes eludentesque: gladii etiam plerisque intentati: et vulnerati quidam necatique, si vultus eorum indignitate rerum acrior² victorem offendisset; ita traducti sub jugum, et, quod pæne gravius erat, per hostium oculos. Quum e saltu evasisent, etsi, velut ab inferis extracti, tum primum lucem aspicere visi sunt, tamen ipsa lux ita deforme intuentibus agmen omni morte tristior fuit. Itaque, quum ante noctem Capuam pervenire pos-

7. *Quam quæ præceperant animis*, vide ad VII, 26, n. 5.

8. *Tantum inter ipsos... miserationem fecit*, etc. « Non coherent hæc cum antecedd. Debebat *fecerunt*; aut ante *tantam* insere *id*, vel *quod*. Sed forte oblitus sui est, ob hunc ipsum usum participii, notantis, *quod sunt jussi*, quod *sunt* paludamenta detracta; quasi *jussio* ut abirent, *detractio* paludamentorum, τὸ *juberi*, τὸ *detrahi*, ut Græci infinitivo utuntur, et Itali hodie. Possis et *jussos* legere pro *jussi*: sed res ut gesta monstratur, nec modo, quid miserationem fecerit, sed et,

quid factum, narratur; » Bauer. *id post tantam* excidisse putabat Drak.

CAP. VI. 1. *Prope seminudi sub jugum missi*, vide ad III, 19, n. 9. — *Tum deinceps*, vide ad I, 21, n. 8. — *Eludentesque*, vide ad I, 36, n. 4.

2. *Vultus eorum indignitate rerum acrior*, non ob *indignitatem*, sed *quam pro indignitate*, si acrior, contumacior, minacior esset vultus, quam ferret indignitas et conditio obnoxia, quam submissus deceret vultus, non fortis; Bauer. — *Traducti per hostium oculos*, vide ad II, 38, n. 4. — *Lucem aspicere visi sunt* sibi ipsi.

sent; incerti de fide sociorum, et quod pudor præpediebat, circa viam haud procul Capua omnium egeni³ corpora humi prostraverunt; quod ubi est Capuam nuntiatum, evicit miseratio justa sociorum superbiam ingenitam Campanis: confestim insignia sua consulibus, fasces, lictores, arma, equos, vestimenta, commeatus militibus benigne mittunt: et venientibus Capuam cunctus senatus populusque obviam egressi, justis omnibus hospitalibus, privatisque et publicis funguntur officiis: neque illis sociorum comitas vultusque benigni et alloquia⁴ non modo sermonem elicere, sed ne, ut oculos quidem attollerent, aut consolantes amicos contra intuerentur⁵, efficere poterant: adeo super mœrorem pudor quidam fugere colloquia et cœtus hominum cogeat! Postero die quum juvenes nobiles, missi a Capua, ut proficiscentes ad finem campanum⁶ prosequerentur, revertissent, vocatique in curiam percunctantibus majoribus natu, *multo sibi mæstiores et abjectioris animi visos*, referrent; *adeo*

3. *Omnium egeni corpora*, etc. rectius forte al. *egena*, hoc est, omnibus, quibus corpora curantur, et veteres diligentius quam nos curare solebant, destituta at fraudata; quum et puderet et dedignarentur, quærere, aut sumere, quæ usui essent; Gron. — Hæc lectio, quæ editos ante Sigonium obtinebat, quam tuentur duo e Gronovianis, tres e nostris scriptis antiquissimi, merito placuit magis Gronov. quam ea quæ a Sigon. subjecta fuit. Ed. — *Egena* poetice plane dictum, et possit ferri, quum poetica non abhorreat Livius; Bauer. — *Evicit*, vicit. — *Benigno mittunt*, vide ad III, 63, n. 2.

4. *Vultusque benigni et alloquia*, consolationes παραμύθια (*Zureden*, *Zuspruch*), ut et al. *allocutiones*. Conf.

Drak. ad hunc locum; Doer. ad Catull. XXXVIII, 5, et Intpp. Hor. Epod. XIII, 18. — *Non hoc loco non modo omissum esse, ut pessime sequente ne quidem*, monet Doer. Confer ad I, 40, n. 1. Sed præcedit *neque*.

5. *Amicos contra intuerentur*, conf. ad I, 16, n. 8.

6. *Ad finem campanum*, vide ad II, 49, n. 10. Mox suspicari possis *vocati in curiam... referunt*, quia desideratur h. l. apodosis. Sed ea quæranda in princ. cap. seq. Confer ad V, 24, n. 6. — *Abjectioris animi*; alii *abjectiores animi*; hoc est, animo, prob. Bauero; sed si Livii, orationem omni modo variare captantis, morem sequi velimus, recipienda erit lectio, quam contra Sigon. defendit Gron. Ed.

silens, ac prope mutum agmen incessisse: tacere⁷ indolem illam romanam, ablatosque cum armis animos. Non reddere salutem, non salutantibus dare responsum⁸, non hiscere quemquam præ metu potuisse, tamquam ferentibus adhuc cervicibus jugum, sub quo emissi essent. Habere Samnites victoriam, non præclaram solum, sed etiam perpetuam⁹; cepisse enim eos non Romam, sicut ante Gallos, sed, quod multo bellicosius fuerit, romanam virtutem ferociamque.

VII. Quum hæc dicerentur audirenturque, et deploratum pæne romanum nomen¹ in concilio sociorum fidelium esset; dicitur Ofilius Calavius, Ovii filius, clarus genere factisque, tum etiam ætate verendus, longe aliter se habere rem dixisse: *Silentium illud obstinatum, fixosque in terram oculos, et surdas ad omnia solatiâ aures, et pudorem intuendæ lucis, ingentem molem irarum² ex alto animi cientis indicia*

7. *Tacere indolem illam rom.*, torpere, se non excutere, haud animadverti; quod aptius esse hoc loco ob præc. et seqq. quam *jacere* (vide ad X, 35, n. 3), quod Grut. conj. et Drak. probavit, monent Gron. et Doer. Conf. ad X, 35, n. 3. Contra Bauer. contendit, nil absurdius esse hac lectione: non enim ante clamasse illam indolem. Confer et Drak. *indolem rom.* ut cap. 7, *ingenia romana*.

8. *Non salutantibus dare responsum* haud dubie glossa, verbis *non reddere salutem* adscripta; quæ et sententia est Sitroth. — *Ferentibus cervicibus* absoluti ablativi, nisi leg. *ferentes*; Bauer.

9. *Sed etiam perpetuam victoriam*, « fructus perpetui, valituram in omne tempus. *Romanam virtutem ferociamque cepisse*, ademisse Romanis, exuisse illos omni animo et fortitudine, ut

nunquam posthac ausuri sint rebellare »; Bauer.

CAP. VII. 1. *Deploratum rom. nomen*, vide ad I, 10, n. 2, et III, 38, n. 3. — *In concilio*; al. *consilio*, non male, quia senatus erat; Bauer. vide ad I, 54, n. 1.

2. *Ingentem molem irarum* (in quibusdam MSS *minarum*) *ex alto animo cientis* hominis cujusvis *indicia esse*: sed cum aliis potius leg. *animi ex alto* et quasi profundo sui, vel imo pectore *cientis* ac velut spirantis: alte namque in pectus descenderat illata contumelia; Gron. *anima bene in se*; *altus animus* est, qui occultat consilia sua: sed genitivus *cientis* tunc non habet, unde pendeat; nisi legere *maheris cientium*; Bauer. *animi* Voss. 1. Confer ad Tac. Ann. II, 82, n. 6. *Alto animo*, seu *animi* opponitur summo, vel imo animo: nisi meram taciturnitatem eo

esse : aut romana se ignorare ingenia , aut silentium illud Samnitibus flebiles brevi clamores gemitusque excitaturum ; caudinaeque pacis aliquanto Samnitibus quam Romanis tristioremem memoriam fore . Quippe suos quemque eorum³ animos habiturum , ubicumque congressuri sint : saltus caudinos non ubique Samnitibus fore . Jam Romae etiam⁴ sua infamis clades erat : obsessos primum audierunt : tristior deinde ignominiosae pacis magis , quam periculi , nuntius fuit ; ad famam obsidionis delectus haberi coeptus erat : dimissus deinde auxiliorum apparatus , postquam deditio- nem tam foede factam acceperunt ; extemploque sine ulla publica auctoritate consensum in omnem formam luctus est⁵ . Tabernae circa forum clausae ; iustitiumque in foro sua sponte coeptum prius , quam indictum :

significari malis ; Ern. — Nulla hic , ut recte observat Gronovius , obscuritas , nisi a posita verborum ; *indici- esse animi dicens* hoc velat spirantis ex alto et quasi profundo sui , alte enim in pectus injuria descenderat , *ingen- tum* , etc. scripti tamen habent *ex alto animo* ; sed minus commode ; primae editiones dedere *animi* , quod planiorem sensum efficit . Ed.

3. *Quemque eorum* , scil. Romanorum habiturum suos animos , virtutem Romanis propriam . Pro *eorum* quaedam edd. *coram* , quae lectio ex errore operarum Elsevir. orta est .

4. *Jam Romae etiam* (al. *R. et* , vel *et R.*) *sua* , quam civis sui experti essent , *infamis clades erat* , rancorem infamiae sparserat ; Doer. — *Tristior magis ignominiosae pacis , quam periculi , nuntius fuit* , redundat magis , et saepe , ut Graeci *μᾶλλον* , comparativis , aut verbo *μᾶλλον* , additur . Confer ad XXII , 34 , n. 8 , et XLI , 23 , n. 3 ; Drak. ad hunc loc. Duker. ad Thucyd.

VII , 29 ; Heyn. ad Virg. Cult. 78 ; Schlessneri Lex. N. T. verb. *μᾶλλον* . — Eodem modo Justinius III , 2 : *non inventione earum magis , quam exemplo clarior* . Sic et potius jungitur cum alia voce comparativi gradus , supra in praefatione Livii , et apud Cicer. Epist. IX , 2 ad familiares . Ed. — Possit tamen et sic intelligi : *Tristior fuit nuntius pacis , quae magis ignominiosa esset , quam periculum : quippe et periculum erat ignominiosum , tam turpiter deprehensis sua culpa et obsessis , ignominiosior tamen pectio* ; Bauer.

5. *Consensum in omnem formam luctus est* : al. *concessum* , quod valde arridet Bauero ; et facile ex ipso Livio defendi posset , si in melioribus libris non esset *consensus* . Caeterum *consensus* et *concessus* in MSS commutari solere monuit Drakenborch. ad Liv. III , 26 , § 6 . Ed. — *Tabernae circa forum clausae* , vide ad III , 27 , n. 3 . — *Iustitiumque in foro sua sponte coeptum prius , quam indictum* , vide ad III , 3 ,

lati clavi, annuli aurei positi; pæne mœstior exercitu ipso civitas esse : nec ducibus solum atque auctoribus sponsoribusque pacis irasci, sed innoxios etiam milites odisse, et negare Urbe tectisque accipiendos. Quam concitationem animorum fregit adventus exercitus, etiam iratis miserabilis : non enim tamquam in patriam revertentes ex insperato incolumes, sed captorum habitu vultuque ingressi sero in Urbem, ita se in suis quisque tectis abdiderunt, ut postero atque insequentibus diebus nemo eorum forum, aut publicam aspiceret⁶ vellet. Consules in privato additi, nihil pro magistratu agere, nisi quod expressum senatusconsulto est, ut dictatorem dicerent comitiorum causa. Q. Fabium Ambustum dixerunt, et P. Ælium Pætum magistrum equitum : quibus vitio creatis, suffecti M. Æmilius Papus dictator, L. Valerius Flaccus magister equitum. Nec per eos comitia habita : et, quia tædebat populum omnium magistratum ejus anni, res ad interregnum rediit. Interreges Q. Fabius Maximus, M. Valerius Corvus; is consules creavit Q. Publilium Philonem et L. Papirium Cursorem iterum, haud dubio consensu civitatis, quod nulli ea tempestate duces clariores essent.

n. 2. — *Lati clavi, annuli aurei* (senatorum equitumque insignia) *positi*, depositi, ut sæpe in luctu. Cf. IX, 46; XXXIV, 7; XLIII, 16; Suet. Aug. 100; Plin. XXXIII, 1, s. 6 (qui etiam de sero usu *annuli aurei*, Romæ ascito, agit); ad Tac. Ann. II, 75, n. 6; Cujac. ad Paull. Sentent. I, 21, n. 14; Kirchman. de fun. II, 17. — *Annulum aureum senatores et equites romanos gestavisse* constat, sed non vetustioribus reipublicæ temporibus, quibus usum annulorum rarissimum fuisse, eosque primo ferreos gestari solitos esse tradit

Plinius loco citato. Et re quidem ipsa hæc prima mentio apud Livium annulorum aureorum occurrit; nec ex hoc loco colligendum est tum vulgares admodum fuisse. Ed.

6. *Publicum aspiceret et in privato additi*, vide ad II, 24, n. 6. — *Nihil pro magistratu agere*, vid. ad II, 7, n. 4.

7. *Quibus vitio creatis*, vide ad V, 17, n. 4. — *Q. Fabius Maximus*, vide ad VIII, 18, n. 2. — *Is consules creavit*, vide ad VII, 16, n. 6. — *Philonem*, adde *tertium* : nam fuit Philo consul iterum an. 428. Cf. VIII, 22. Ed.

VIII. Quo creati sunt die, eo (sic enim placuerat Patribus) magistratum inierunt, solennibusque senatusconsultis perfectis¹; de pace caudina retulerunt. Et Publilius², penes quem fasces erant, « Dic, Sp. Postumi, inquit. » Qui ubi surrexit, eodem illo vultu, quo sub jugum missus erat: « Haud sum ignarus, inquit, consules, ignominiae, non honoris causa me primum excitatum jussumque dicere, non tamquam senatorem, sed tamquam reum qua³ infelicis belli, qua ignominiosae pacis. Ego tamen, quando neque de noxa nostra, neque de poena retulistis, omissa defensione, quae non difficillima esset apud haud ignaros fortunarum humanarum necessitatumque, sententiam de eo, de quo retulistis, paucis⁴ peragam. Quae sententia testis erit, mihine, an legionibus vestris pepercerim, quum me seu turpi, seu necessaria sponsione obstrinxi. Qua tamen, quando injussu⁵ populi facta est, non tenetur populus romanus; nec quidquam ex ea, praeterquam corpora nostra, debentur Samnitibus. Dedamur per faciales nudi vinctique: exsolvamus religione populum⁶, si qua obligavimus; ne quid divini humanive obstet,

CAP. VIII. 1. *Quo creati sunt die*, etc. confer Drak. — *Solennibus senatusconsultis perfectis*, nam novi consules, inito magistratu, ad senatum referre, vel eum consulere solebant primum de religione foerisque latinis (confer ad XXI, 63, n. 10; Cic. ad Quir. p. red. 5, et Gell. 14, 7), tum de republica (vide ad XXII, 1, n. 7; Cic. loco laudato, et Phil. VI, 1), hoc est, quomodo respublica in annum administranda domi militisque, qui in provincias mittendi et revocandi, quot milites conscribendi et dimittendi sint.

2. *Publilius, penes quem fasces erant*,

vide ad II, 1, n. 11. — *Qui ubi surrexit*: nam stantes sententiam dicebant senatores, longioribus orationibus utentes; unde mox *me primum excitatum* id surgendum *jussumque dicere*. Confer ad XXVII, 34, n. 2, 3, et Cie. ad Att. I, 13.

3. *Qua infelicis belli, qua i. p. conf.* ad II, 35, n. 3.

4. *Paucis peragam sententiam*, vide ad I, 18, n. 10.

5. *Qua tamen, quando injussu*, etc. confer ad VIII, 5, n. 1.

6. *Exsolvamus religione populum*, si qua obligavimus, vide ad V, 23, n.

« quo minus justum piūque⁷ de integro ineatur
 « bellum. Interea consules exercitum scribere, armare,
 « educere placet; nec prius ingredi hostium fines,
 « quam omnia justa in deditionem nostram perfecta
 « erunt. Vos, dii immortales, precor quæsoque, si
 « vobis non fuit cordi⁸, Sp. Postumium, T. Veturium
 « consules cum Samnitibus prospere bellum gerere,
 « at vos satis habeatis, vidisse nos sub jugum missos,
 « vidisse sponsione infamæ obligatos, videre nudos
 « vinctosque hostibus deditos, omnem iram hostium
 « nostris capitibus excipientes. Novos consules legio-
 « nesque romanas ita cum Samnite gerere bellum ve-
 « litis, ut omnia ante nos consules bella gesta sunt. »
 Quæ ubi dixit, tanta simul admiratio miseratioque
 viri incessit omnes⁹, ut modo vix crederent, illum
 eundem esse Sp. Postumium, qui auctor tam fœdæ
 pacis fuisset: modo miserarentur, quod vir talis etiam
 præcipuum apud hostes supplicium passurus esset ob
 iram diremptæ pacis. Quum omnes, laudibus modo
 prosequentes virum, in sententiam¹⁰ ejus pedibus

7. — *Quid divini humanive*, vide ad III, 17, n. 6.

7. *Justum piūque... bellum*, confer ad I, 22, n. 6. — *Quam omnia justa in deditionem nostram perfecta erunt*, quæ ad deditionem nostram pertinent in deditionem nostram perfecta, vel in deditionem nostram perfecta, id est, ut omnia redeant ad deditionem et per eam perficiantur, conj. Ern.

8. *Si vobis non fuit cordi*, vide ad VI, 9, n. 1.

9. *Miseratioque viri incessit omnes*, confer ad II, 27, n. 10, *hominēs pro omnes* plerique MSS et edd. ante Drak. sed non nisi unum genus hominum senatui interesse poterat; Gron. — *Ob*

iram diremptæ pacis, vide ad I, 5, n. 5.

10. *In sententiam ejus pedibus irent* (vide ad I, 32, n. 13), huic ipsi viro acerbam futuram, eamque sic tacite approbarent, nisi quod (*modo pro tantummodo*; Drak.) *laudibus* eandem simul extollerent; Stroth. qui sententiam requirere hoc modo putabat. Sed Baueri nota est: « Cur modo? qua alia re prosequerentur? An hoc vult, parcere ei potuisse, et servare virum in civitate? Sic certe intelligenda, si vera, lectio. E superioribus prave repetitum delendumque, acute conjecit Faber. Si sit *meritis*, probarim. Sed vix dignum est Postumio. Possit tamen et exponi: modo, nil aliud (facientes) quam laudibus prosequentes

irent, tentata paulisper intercessio¹¹ est ab L. Livio et Q. Mælio, tribunis plebis, qui, *neque exsolvi religione populum, aiebant, deditioe sua, nisi omnia Samnitibus, qualia apud Caudium fuissent, restituerentur; neque se pro eo, quod, spondendo pacem, servassent exercitum populi romani, poenam ullam meritos esse; neque ad extremum, quam sacrosancti essent*¹², *dedit hostibus violatrive posse.*

IX. Tum Postumius: « Interea dedite, inquit, pro-
« fanos¹ nos, quos salva religione potestis: dedetis
« deinde et istos sacrosanctos, quum primum magi-
« stratu abierint; sed, si me audiat, prius, quam
« dedantur, hic in comitio virgis cæsos, hanc jam ut
« intercalatæ poenæ usuram habeant. Nam quod dedi-
« tione nostra negant exsolvi religione populum, id

pleni laudum ejus, et omnium immemores, quibus merito succenserent, effuse eum laudantes, unice et sine ulla nota; adde, sine cunctatione, dubitatione, an ei assentirentur, non disceptantes de sententia ab eo peracta, sed eum laude dicentis statim probantes. »

11. *Tentata paulisper intercessio est ab trib. pl.*, coepertunt dicere, ex quibus intelligeretur, eos cupere intercedere, ut viderent, quemodo sociarentur, et an tuto intercedere possent; Ern. — *Tribunis plebis*; qui quum apud Caudium spondidissent, postea ad urbem reversi tribunis plebis fuissent; non potuissent esse ad exercitum, quum tribunis plebis non heeret diem integrum ab Urbe abesse. Ern.

12. *Quum sacrosancti essent*, vide ad II, 8, n. 3. Itaque hi tribunis creati ex iis, qui sub jugum missi fuerant ad Caudium.

CAP. IX. I. *Interea dedite nos profanos*, ante quam dedatis illos sacro-

sanctos. E MSS Rottend. malim: *Dedite interea, dedite*; quæ repetitio constantiam in adhortanda deditioe impense exprimit; J. Gron. — Assentirentur tres e nostris antiquissimi; sic II, 40, mater Coriolano: *Sine, sine, priusquam complexum accipio, sciam, inquit, etc.* Ut illic ex secundo MS Pal. annotatum est. XXX, 14: *Non est, non, mihi crede, tantum ab hostibus armatis atati nostræ periculum.* V, 4: *Invidus in hac parte orationis, invidus, Quiridos, moror*, ut ex quibusdama libris admonuit J. F. Gronovius. Ern. — *Hic in comitio*, vide ad I, 36, n. 6. — *Hanc jam ut... intercalatæ*, in diem dilatae (confer not. 15), *poenæ usuram* hoc, tanquam *usuram*, id est, premium; nisi poenâ innuitur soluta, vel sumpta ante quam justa leatur, adeoque *usuræ* instar præter hanc exacta et accepta. Metaphoræ sunt apte ac notæ; *jâ* nunc, priusquam, hostibus dediti, solidam poenam subeant, tantisper dilatae; Bauer.

« istos magis, ne dedantur, quam quia ita se res ha-
 « beat, dicere, quis adeo juris feccialium² expers est,
 « qui ignoret? Neque ego infitias eo³, Patres con-
 « scripti, tam sponsiones quam foedera sancta esse
 « apud eos homines, apud quos juxta divinas religio-
 « nes fides humana colitur: sed injussu populi nego
 « quidquam sanciri posse, quod populum teneat. An,
 « si eadem superbia, qua sponsionem istam⁴ expresse-
 « runt nobis Samnites, coegissent nos verba legitima
 « dedentium urbes⁴ nuncupare, deditum populum ro-
 « manum vos tribuni diceretis, et hanc urbem, tem-
 « pla, delubra, fines, aquas, Samnitium esse? Omitto
 « deditionem, quoniam de sponsione agitur. Quid tan-
 « dem, si spondissemus, urbem hanc relicturum
 « populum romanum? si incensurum? si magistratus,
 « si senatum, si leges non habiturum? si sub regibus
 « futurum? Dii meliora⁵! inquis. Atqui non indignitas
 « rerum sponsionis vinculum levat. Si quid est, in

2. *Juris feccialium*, quorum colle-
 gium de ceremoniis belli foederisque
 rite observandis sententiam ferebat,
 quosque Cic. de Leg. II, 9, dicit esse
foederum, pacis, belli, induciarum
oratores et judices. Confer cap. 11, n.
 6; XXXI, 8; XXXVI, 3; et Drak.
 ad hunc loc. iidem fecciales curabant,
 ne sociis legatisque injuria fieret, et
 pax foedusque ullo modo violaretur.
 Confer XXXVIII, 42, n. 2; Valer.
 Maxim. VI, 6, e. 3, 5; Dionys. Halic.
 II, 72.

3. *Neque ego infitias eo*, vide ad
 VI, 40, n. 2. — *Juxta divinas religio-
 nes*, eodem modo, eadem reverentia,
 ac divinae religiones. Ed.

4. *Verba legitima dedentium urbes*,
 vide I, 38. — *Delubra, fines, aquas*;
 forte *agros*, ut VII, 31, in pari causa:
 neque enim a Persis res agitur, *aquam*

terramque petentibus (vide XXXV,
 17); Bauer.

5. *Dii meliora*, scilicet dent, et
 illud prohibeant: formula abominantis
 deprecantisque a se mala (*Behüte
 Gott!*), ut XXXIX, 10. Conf. Heyn.
 ad Tibull. III, 4, n. 1. Pro *inquis* qui-
 dam libri *inquit*; recte forsitan; vide ad
 VI, 40, n. 3. *Inquit Oxoniens*. C. apud
 Hearnium, qui similiter etiam a viro
 docto ad marginem ed. Rom. principis
 emendatum fuisse monet. Id factum
 videtur quia, quum praecesserit *vos
 Tribuni, diceretis*, et *inquis* minus con-
 venire posse credebatur. *Inquit* autem
 adhiberi, licet de pluribus sermo sit,
 Gron. docuit ad XXXIV, 3; ea tamen,
 quae laudat, huic loco omnia non con-
 veniunt. Ed. *Mox in quod obligari* multi
 boni MSS *in quo* Drak. et antt. edd.
 Male, quum sequatur *in omnia*; Bauer.

« quod obligari populus possit, in omnia potest.
« Et ne illud quidem⁶, quod quosdam forsitan mo-
« veat, refert, consul, an dictator, an prætor sponpon-
« derit. Et hoc ipsi etiam Samnites⁷ judicaverunt,
« quibus non fuit satis consules spondere; sed legatos,
« quæstores, tribunos militum spondere coegerunt.
« Nec a me nunc quisquam quæsiverit, quid ita spo-
« ponderim⁸? quum id nec consulis jus esset; nec
« illis spondere pacem, quæ mei non erat arbitrii,
« nec pro vobis, qui nihil mandaveratis, possem. Ni-
« hil ad Caudium, Patrès conscripti, humanis consiliis
« gestum est: dii immortales et vestris et hostium
« imperatoribus mentem ademerunt. Nec nos in bello
« satis cavimus; et illi male partam victoriam male
« perdididerunt, dum vix locis, quibus vicerant, cre-
« dunt, dum quacumque conditione arma viris in
« arma natis auferre festinant. An, si sana mens fuis-
« set, difficile illis fuit, dum senes ab domo ad con-
« sultandum arcessunt, mittere Romam legatos? cum
« senatu, cum populo, de pace ac fœdere agere? tri-
« duum iter expeditis⁹ erat. Interea in induciis res fuis-
« set¹⁰, donec ab Roma legati aut victoriam illis cer-
« tam, aut pacem afferrent. Ea demum sponsio esset,
« quam populi jussu sponpondissemus. Sed neque vos
« tulissetis, nec nos sponpondissemus: nec fas fuit
« alium rerum exitum esse, quam ut illi, velut som-
« nio lætiore, quam quod mentes eorum capere pos-
« sent, nequidquam eluderentur¹¹; et nostrum exer-

6. *Et ne illud quidem, quod quosdam forsitan moveat, refert*, vide ad VIII, 39, n. 3, et del.; Bauer.

7. *Samnites judicaverunt*, vide ad VIII, 19, n. 7.

8. *Quid ita sponponderim*, vide ad V, 51, n. 2.

9. *Tridui iter expeditis*, vide ad V, 16, n. 2.

10. *Interea in induciis res fuisset*, vide ad VII, 38, n. 1.

11. *Velut somnio lætiore... nequidquam eluderentur*; aut pleonasmus est, aut brevilloquentia pro: elusi, velut

« citum eadem, quæ impedierat, fortuna expediret :
 « vanam victoriam ¹² vanior irritam faceret pax ; spon-
 « sio interponeretur, quæ neminem, præter sponso-
 « rem, obligaret. Quid enim vobiscum, Patres con-
 « scripti, quid cum populo romano actum est? Quis
 « vos appellare potest ¹³? quis se a vobis dicere dece-
 « ptum? hostis? an civis? Hosti nihil spondistis :
 « civem neminem spondere pro vobis jussistis. Nihil
 « ergo vobis nec nobiscum est, quibus nihil mandastis ;
 « nec cum Samnitibus, cum quibus nihil egistis. Sam-
 « nitibus sponsores nos sumus, rei satis ¹⁴ locupletes.
 « In id, quod nostrum est ; in id, quod præstare pos-
 « sumus, corpora nostra et animos ; in hæc sæviant ;
 « in hæc ferrum, in hæc iras acuunt. Quod ad tribu-
 « nos attinet, consulite, utrum præsens deditio eorum
 « fieri possit, an in diem differatur ¹⁵. Nos iaterim,

somnio, nec quidquam tanta commo-
 da tenuissent ; ut ita *elusus* et *deceptis*
nequidquam acta omnia essent ; Bauer.
 — *Quæ impedierat fortuna, expedi-*
ret, vide ad VII, 34, n. 4.

12. *Vanam victoriam*, non virtute
 et gloriose, sed dolo et *male partam*
 (ut paulo ante dictum ; vel, ut cap.
 14, ubi errorem *fraus superbe vicisset*),
 quæ itaque speciem potius victoriæ
 haberet, quam ejus nomine digna es-
 set, *irritam faceret vanior pax*, quæ vel
 minus pax vere dicenda esset, quippe
 cum iis facta, quæ eam facere non
 possent, quorumque sponsione non
 teneretur populus rom., cujus injussu
 facta esset. Confer ad I, 8, n. 3.

13. *Quis vos appellare potest*, ob-
 jurgare, ut apud Cic. Off. I, 25, vel
 potius a vobis exigere, quod sponpon-
 dimus, ut *appellare sponsorem*, vel
debitorem de pecunia, hoc est, solutio-
 nem debiti postulare ; vide ad Tac.
 Annal. lib. VI, cap. 17, n. 3.

14. *Rei satis locupletes*, satis digni,
 a quibus fides sponsionis extigatur ;
 Doer. Immo, qui fidem præstare et
 possunt, et volunt deditioe sua. Conf.
 seqq. *Locupletes* propr. qui solvere
 possunt, et fidem habent : unde *testes*
locupletes fide digni. — *Iras exacuunt*
 habet Lovel. 4 ; sed *simplici acuere* in
 his locutionibus Livius uti solitus est ;
 infra XL, 27 : *quibuscumque irrita-*
mentis poterat, iras militum acuebat.
 Ita *acuere curam, studia*, et similia,
 apud etiam passim occurrunt. Deinde
iram Flor. Verum de uno homine *iras*
 usurpari nemo est qui ignoret ; et inf.
 videbimus ad librum XXIX, 22. Hic
 autem de Samnitibus in genere dici-
 tur. Ed.

15. *An in diem differatur*, sc. certum
 donec magistratu abierint ; conf. primo
 cap. vel in futurum tempus, ut *pænas*
reservare in diem apud Cic. Cœl. 24.
In diem hoc loco opponitur *præsentis*
deditio, ut apud Cic. petit. cons. 12

« T. Veturi, vosque cæteri, vilia hæc capita luendæ
« sponsionis¹⁶ feramus, et nostro supplicio liberemus
« romana arma¹⁷. »

X. Movit Patres conscriptos tum causa¹, tum au-
ctor; nec cæteros solum, sed tribunos etiam plebei,
ut se in senatus dicerent fore potestate. Magistratu
inde se extemplo abdicaverunt, traditique facialibus
cum cæteris Caudium ducendi. Hoc facto senatus-
consulto, lux quædam affulsisse² civitati visa est.
Postumius in ore erat³; eum laudibus ad cælum fe-
rebant: devotioni P. Decii consulis, aliis claris facino-
ribus æquabant. *Emeruisse civitatem ex obnoxia⁴ pace
illius consilio et opera: ipsum se cruciatibus et hostium
iræ offerre, piaculæque pro populo romano dare.
Arma cuncti spectant et bellum. En unquam⁵ futurum,
ut congredi armatis cum Samnite liceat?* In civitate,

τῶ statim. In diem, scilicet certam
emere dixit Nep. Att. 9.

16. *Vilia hæc capita luendæ spon-
sionis causa* (vide ad III, 56, n. 4)
feramus ad hostem, vel ei offeramus.
Possit etiam legi *sponsioni*, aut jungi
capita luendæ sponsionis, id est, eos
homines, per quos, a quibus præci-
pue, maxime luenda sit sponsio: sane
enim *capita rei Cosæ* erant; Bauer.
Luere sponsionem, prop. culpa sic con-
tracta se liberare, purgare, et hinc pœ-
nam pro ea luere, ut *l. eadem, temeri-
tatem*, al. I, 26; V, 18; XXXVIII, 48.

17. *Nostro supplicio liberemus rom.
arma*, pœnam luendo Romanos sol-
vamus scelere impio (ita c. 10 extr.);
vel religione exolvamus, ut bellum
justum gerere possint; vel supplicium,
quod nos meruimus, non in Romanos
bellum reparatos transferamus, ira
deorum ob perfidiam nostram in cæ-
teros omnes cives concitata.

CAP. X. I. *Movit Patres e. tum
causa*, res ipsa, a Postumio exposita.
— *Se in senatus fore potestate*, vide
ad II, 56, n. 16.

2. *Lux quædam affulsisse, etc.* Cic.
Phil. I, 2; X, 6. — *Lux quædam
affulsisse civitatis* legit Flor. Male;
nihil mutandum; *affulgero* transdata
significatione, et quidem cum dativo,
Livio frequens est; infra XXVII, 28,
*Magoni jam haud ferme fidenti prima
spes, morte nuntiata Marcelli, afful-
sit*; XXX, 30, *et mihi talis aliquando
fortuna affulsit*; XLII, 45, *obstinatis
mori spes affulsit*. En.

3. *Postumius in ore erat*, vide ad
II, 36, n. 3. — *Devotioni P. Decii...
æquabant eum*, vide ad V, 23, n. 4.

4. *Emeruisse civitatem ex obnoxia
pace*, vide ad II, 29, n. 7, et VI, 28,
n. 5. — *Arma cuncti spectant*, vide
ad I, 9, n. 3.

5. *En unquam futurum, etc.* vide

ira odioque ardente, delectus prope omnium voluntariorum fuit: rescriptæ ex eodem milite novæ legiones, ductusque ad Caudium exercitus. Prægressi faciales ubi ad portam venere, vestem detrahi pacis sponsoribus jubent, manus post tergum vinciri. Quum apparitor verecundia majestatis Postumium laxè vinciret; « Quin tu, inquit, adducis lorum, ut justa fiat dedicatio? » Tum, ubi in coetum Samnitium et ad tribunal ventum Pontii est, A. Cornelius Arvina facialis ita verba fecit: « Quandoque hinc homines⁶ injussu populi romani Quiritium foedus ictum iri sponderunt, atque ob eam rem noxam nocuerunt; ob eam rem, quo populus romanus scelere impio sit solutus, hosce homines vobis dedo. » Hæc dicenti faciali Postumius genu femur⁷, quanta maxime poterat vi, perculit, et clara voce ait, *se samnitum civem esse, illum legatum; facialem a se contra jus gentium violatum⁸; eo justius bellum gesturos.*

ad IV, 3, n. 6. — *Delectus omnium voluntariorum fuit*, id est, ita habitus, ut nemo non voluntarius scriberetur: omnes, qui scriberentur, voluntarii erant: cogi neminem attinebat; Bauer. — *Rescriptæ legiones* (iterum scriptæ, ut *reficere tribunum*; confer ad II, 56, n. 4) *ex eodem milite*, seu exercitu, scilicet qui ad Caudium missus erat sub jugum. Confer XXV, 6. Hinc cap. 12 extr. pro *Publilius in Samnio substitit adversus caudinas legiones* (Samnitium exercitum ad Caudium victorem) Sigon. e quibusdam libris vett. substitui malebat *adducens caudinas legiones*, scilicet Romanorum. Confer XXV, 6, n. 7.

6. *Quandoque hinc homines*, etc. vide ad V, 25, n. 3.

7. *Faciali Postumius genu femur...* perculit: quidam MSS h. l. et cap. 11

perculit, probb. Ernesto et Bauero.

8. *Facialem a se contra jus gentium violatum*: Stroth. « Væ! inquit, isti nequam, qui magnanimus dicitur. Quis eum Samnitum civem fecerat? deditum, obnoxium Samnitibus? num hæc est ista Romanorum laudata fides et probitas? Ego quidem nullum majus flagitium, nullam majorem perfidiam inter barbaros novi. Hoc erat eludere deos, religionem ac fidem. Verissima contra sunt, quæ adversus hæc Pontius monet, quem postea Romani crudeliter interfecerunt. » Passim obvia sunt similia exempla inhonestissimarum artium, quibus Romani potissimum usi sunt adversus hostes, in quos quidlibet licere sibi existimasse videntur, Samnites tamen non minus fraudulentuler et multo crudelius egisse, vel ex cap. 12 intelligitur.

XI. Tum Pontius, « Nec ego istam deditionem acci-
« piam, inquit, nec Samnites ratam habebunt. Quin
« tu, Sp. Postumi, si deos esse censes, aut omnia ir-
« rita facis, aut pacto stas¹? samniti populo omnes
« quos in potestate habuit, aut pro eis pax debetur.
« Sed quid ego te appello, qui te captum victori, cum
« qua potes fide, restituis? Populum romanum ap-
« pello; quem si sponsionis ad Furculas Caudinas fa-
« ctæ poenitet, restituat legiones intra saltum, quo
« septæ fuerunt. Nemo quemquam deceperit²: omnia
« pro infecto sint: recipiant arma, quæ per pactionem
« tradiderunt; redeant in castra sua; quidquid pridie
« habuerunt, quam in colloquium est ventum, ha-
« beant: tum bellum et fortia consilia placeant; tunc
« sponsio et pax repudietur. Ea fortuna, iis locis, quæ
« ante pacis mentionem habuimus, geramus bellum:
« nec populus romanus consulum sponsionem, nec
« nos fidem populi romani incusemus. Nunquamne
« causa defiet³, cur victi pacto non stetis? Obsides
« Porsenæ dedistis; furto eos subduxistis: auro civi-
« tatem a Gallis redemistis; inter accipiendum aurum
« cæsi sunt: pacem nobiscum pepigistis, ut legiones
« vobis captas restitueremus; eam pacem irritam fa-

CAP. XI. 1. *Pacto stas*, vide ad III, 36, n. 11. — *Samniti pax debetur*, vide ad VIII, 15, n. 1. — Sensus est: Samnitibus debentur aut exercitus et omnes, quos ad Furculas clausos ac captivos in potestate habuerunt, aut pax debetur, sponsione expressa. Ed. — *Quem si sponsionis poenitet*, displicet ea, improbat: neque enim populus ipse sponderat; Bauer. Confer ad II, 54, n. 16:

2. *Nemo quamquam deceperit*, nullus alterum decepisse videatur; Doer. — *Ea fortuna*, in eadem conditio-

et statu exercituum, cum eadem spe ac metu; Gron. Ante *fortuna* ed. Gryph. inseruit *vero*, quod esse potest *quin immo*; nisi potius leg. *vere*, ut sit: pristina fortuna, pristina loca, non imagines rerum, restituantur in integrum; Bauer. Illud tamen *vero* abest ab omnibus MSS et edd. ante Gryph. Mox *incusemus* e quibusdam MSS pro vulg. *accusemus* recepit Stroth. tanquam minus tritum.

3. *Nunquamne causa defiet*; plerique MSS *deficiet* ex interpr. — *Inter accipiendum aurum*, v. ad VI, 39, n. 5.

« citis, et semper aliquam fraudi speciem juris impo-
 « nitis. Non probat populus romanus ignominiosa
 « pace legiones servatas? Pacem sibi habeat⁴, legiones
 « captas victori restituat : hoc fide, hoc foederibus, hoc
 « fetialibus ceremoniis dignum erat. Ut tu quidem,
 « quod petisti, per pactionem habeas, tot cives inco-
 « lumes ; ego pacem, quam hosti tibi remittendo⁵ pa-
 « ctus sum, non habeam : hoc tu, A. Corneli, hoc vos,
 « feciales, juris gentibus dicitis? Ego vero istos, quos
 « dedi simulatis, nec accipio, nec dedi arbitror; nec
 « moror, quo minus in civitatem obligatam⁷ sponsione
 « commissa, iratis omnibus diis, quorum eluditor nu-
 « men, redeant. Gerite bellum, quando Sp. Postu-

4. *Pacem sibi habeat*, pace facile carere possumus; statuat de ea populus rom., ut lubet, dummodo *legiones c. v. r.*, Duk. Pacem ne communicet cum non postulante, vel ego non postulo, ut nos : *er mag es für sich behalten ; ich verlange es nicht*; Stroth. Immo : pacem ejus arbitrio relinquamus, de pace pro lubitu statuat populus romanus; Doer. Hac formula *sibi habeat* utitur, qui, quod non habet ipse, quum habeant alii teneantque, eo se facile carere testatur : hic vero utrisque simul aut habenda pax, aut non habenda erat; neutri poterant habere, vel aspernari sine alteris : ergo senatus pascere videtur *pacem ne habeat*, *legiones c. v. restituat*; Gron. Mox forte leg. *dignum erit*.

5. *Hosti tibi remittendo*, scilicet tot cives : sed potius cum Gron. leg. *has tibi r.* Nam nihil huc facit vox *hosti*, et firmant ejus conjecturam Camp. et unus ex MSS Hearnii. Ed. Vulgo post *non habeam* signum interrog. ponitur. Tum ut dictum, ut IV, 2, n. 9. Alii post *restituat* *στιγγήν τάλαιαν* ponunt, et seqq. usque ad *non habeam* conclu-

dunt in unam periodum; quod probabat Duk.

6. *Hos vos, feciales, juris gentibus dicitis*, vide ad cap. 9, n. 2. — *Nec moror*, ut nos : *ich will sie nicht aufhalten*; Stroth. Confer ad II, 24, n. 5.

7. *In civitatem obligatam* (confer ad V, 23, n. 7) *sponsione commissa*, hoc est, cujus conditio exstitit (nam pacem sponderant consules, si Romani incolumes dimitterentur, quod factum est; et sic *commissa stipulatio* in Pandectis est ea, cujus conditio exstitit, quum ex ea deberi ceptam est, et agi ac peti potest), vel populus rom., quum sponsionem, firmatam jure jurando et execratione in capita sponsorum et in populum rom., ratam non haberet, *commisit sponsionem*, hoc est, id, quod execrationibus ac diris illis locum faceret, ut apud Cis. pro Cluent. 37, et Verr. III, 12, *committere poenam et mulctam*, hoc est, quod poenae locum facit; Duk. *Sponsione commissa*, cui necessario satis faciendum est, quoniam nos, altera pars, conditionem explevimus; Ern. Interposita et nunc, impleta, sub qua facta

« mius modo legatum facialem genu perculit. Ita dii
« credent⁸, samnitum civem Postumium, non civem
« romanum esse, et a Samnite legatum romanum vio-
« latum; eo vobis justum in nos factum esse bellum.
« Hæc ludibria religionum non pudere⁹ in lucem pro-
« ferre? et vix pueris dignas ambages senes ac consu-
« lares fallendæ fidei exquirere? I, lictor, deme vincula
« Romanis: moratus sit nemo, quo minus, ubi visum
« fuerit, abeant.» Et illi quidem, forsitan et publica, sua
certe liberata fide, ab Caudio in castra romana invio-
lati redierunt.

XII. Samnitibus, pro superba pace infestissimum
cernentibus renatum bellum, omnia, quæ deinde ve-
nerunt¹, non in animis solum, sed prope in oculis
esse: et sero ac nequidquam laudare senis Pontii
utraque consilia; inter quæ se media lapsos victoriæ

est, conditione, necessario implenda, ut *devotio convicta et commissæ* apud Cic. pro domo 57 (ubi vide Græv.) quæ, quum consequuti sumus, quod voto suscepto a diis consequi voluimus, necessario impleri debet; Stroth. Similiter *hereditas, hypotheca, et fiducia commissæ* (perdita, quum committimus, ut perent; ut nos: *ein verfallenes Pfand*) apud Cic. Verr. I, 10; II, 14; ad Div. XIII, 56, et Flacc. 21, quod jam monuit Ern. in clav. Cic. Confer *Salmes de modo usur.* cap. 14, pag. 614; et Græv. ad Cic. p. domo cap. 57. Pro *obligatam MSS obtinetam, oblitam, obrutam: unde pollutam* conj. J. Fr. Gron. sed rectius *obtrietam* Jac. Gron. coll. IX, 35, et X, 38. Mox *genu perculit*, vide ad cap. 10, n. 7.

8. Ita dii erodent, etc. *σιπειρωτικῆς* diota mirabilem in modum.

9. Hæc ludibria religionum non pudere vos in lucem proferre, scilicet quis putet? — *Ambages fallendæ fidei ex-*

quirere, confer ad I, 55, n. 6, et III, 35, n. 1.

CAP. XII. 1. *Quæ deinde venerunt*, evenerunt, contigerunt. Confer I, 7 pr. ad X, 45, n. 2; XXIV, 40, n. 11; XXIX, 20, n. 3; XLIV, 17, n. 3; ubi *qui classis venisset* dicitur pro *evenisset*, et alterutrum conjicerem cum Græv., nisi *provinciam alicui sorte venisse* legeram XXIX, 20, n. 3; et apud Justin. XIII, 4, n. 10; et Ern. ad Cic. Verr. V, 6. — *Evenerunt* habent et duo nostris; quum tamen illud *evenerunt* non nisi in suspectæ fidei codicibus, si tres exceperis, occurrat, potius esse censemus ut *alteram venerunt* servetur. Nam *venire* pro *evenire* nonnunquam poni ex loc. supra laud. liquet. Confer et Tac. Ann. XII, 32; Sall. Jugurth. cap. 4, et Phæd. Fab. I, 2, ubi vide Burmann. Ed. — *Senis Pontii Herennii utraque consilia* (vide cap. 3) *inter quæ media consilia*, inter, vel per quorum medium, aut *media via* (ut cap.

possessionem pace incerta mutasse; et, beneficii et maleficii occasione amissa, pugnatuos cum eis, quos potuerint in perpetuum vel inimicos tollere, vel amicos facere. Adeoque, nullo dum certamine² inclinatis viribus, post caudinam pacem animi mutaverant, ut clariorem inter Romanos deditio Postumium, quam Pontium incruenta victoria inter Samnites, faceret: et geri posse bellum Romani pro victoria certa haberent, Samnites simul rebellasse et vicisse crederent Romanum. Inter hæc Satricani ad Samnites defece- runt, et Fregellæ colonia nec opinato adventu Samnitium (fuisse et Satricanos cum iis satis constat) nocte occupata est. Timor inde mutuus utrosque usque ad lucem quietos tenuit: lux pugnae initium fuit; quam aliquandiu æquam, et quia pro aris ac focis dimicabatur³, et quia ex tectis adjuvabat imbellis multitudo, tamen Fregellani sustinuerunt. Fraus deinde rem inclinavit, quod vocem audiri præconis passi sunt, *In- columem abiturum, qui arma posuisset*. Ea spes remisit a certamine animos, et passim arma jactari coepta. Pertinacior pars armata per aversam portam erupit; tutiorque eis audacia fuit, quam incautus ad credendum cæteris pavor: quos circumdatos igni, nequidquam deos fidemque invocantes, Samnites con-

3 extr. si mediâ via consilii caperetur) se lapsos, ineundo mediam viam se lapsos per imprudentiam.

2. Nullo dum certamine, prælio, inclinatis, imminutis (confer ad III, 16, n. 4), vel mutatis viribus Samnitium, ut mox fraus rem inclinavit, nisi potius rem inclinare hoc loco, ut XXXII, 30, n. 3, et al. eodem sensu dicitur, quo VII, 33, et al. acies, vel pugna inclinât (se), scilicet se, vel inclinatur (ut I, 12, n. 4, et al.) in al-

terutram partem, seu fugam, et res inclinata XXII, 6, n. 4, de victoria ad Pœnos versa, seu vergente, vel potius quo XXV, 18. Momentum rei facere, et nos: der Sache den Ausschlag geben, et h. loc. leg. inclinatis rebus, scilicet Romanorum et Samnitium. Ad utrumque populum etiam seqq. spectant. — Mutaverant; quidam se mutaverant, sine dubio e gloss. interp. v. II, 3, n. 2.

3. Pro aris ac focis dimicabatur, vide ad V, 30, n. 2.

cremaverunt. Consules, inter se partiti provincias, Papirius in Apuliam ad Luceriam pergit⁴, ubi equites romani obsides ad Caudium dati custodiebantur: Publius in Samnio substitit adversus caudinas⁵ legiones. Distendit ea res Samnitium animos⁶; quod nec ad Luceriam ire, ne ab tergo instaret hostis; nec manere, ne Luceria interim amitteretur, satis audebant. Optimum visum est committere rem fortunæ, et transigere cum Publilio certamen. Itaque in aciem copias educunt.

XIII. Adversus quos Publius consul quum dimicaturus esset, prius alloquendos milites ratus, concionem advocari jussit. Cæterum sicut ingenti alacritate ad prætorium concursum est, ita præ clamore poscentium pugnam nulla adhortatio imperatoris audita est: suus cuique animus, memor ignominie, adhortator aderat. Vadunt igitur in prælium urgentes signiferos; et, ne mora in concursu pilis emittendis stringendisque inde gladiis esset, pila, velut dato ad id signo, abjiciunt, strictisque gladiis cursu in hostem feruntur. Nihil illic imperatorie artis ordinibus aut subsidiis locandis fuit: omnia ira militaris prope vesano impetu

4. *In Apuliam ad Luceriam pergit*, etc. Conf. ad cap. 2, n. 2. Quomodo Luceria in Samnitium potestatem devenit, nusquam prodidit Livius. Cf. ad X, 33, n. 5. — Supra cap. 2, ante caudinam pacem, Lucerini dicuntur boni fidelesque Romanorum socii. Sed nimirum intelligendum est eos postea in potestatem Samnitium venisse, quamvis id noster non memoraverit. Plura apud Livium aliosque accuratissimos scriptores, præsertim rerum romanarum, reperiri suo loco et tempore præterita, quæ deinde tamen, quasi jam ante tradita, per occasionem verbo tantum referuntur; sive memoriam eorum fugerint, quum justior de

illis agendi erat locus; sive ipsi de industria ac brevitate studio prætermiserint, et ex narratione posteriorum intelligi voluerint priora ejusdem negotii; jam observavit Claud. Perizon. *Animadv. Histor. c. 4, p. 164. Ed.*

5. *Adversus caudinas legiones*, hoc est, Samnitium exercitum, qui ad Caudium rem gesserat; vide ad cap. 10, n. 5. Ed.

6. *Distendit ea res Samnitium animos*, cf. III, 23, n. 1. — *Transigere certamen*; ut ap. Sil. X, 471: « Dum rapta volucris Transigerit cursu sonipes certamina campi. » Similiter Tac. *Histor. II, 38: Singulis velut ictibus transacta sunt bella. Ed.*

egit. Itaque non fusi modo hostes sunt; sed, ne castris quidem suis¹ fugam impedire ausi, Apuliam dissipati petiere: Luceriam tamen, coacto rursus in unum agmine, est perventum. Romanos ira eadem, quæ per mediam aciem hostium tulerat, et in castra pertulit. Ibi plus, quam in acie, sanguinis ac cædis factum, prædæque pars major ira corrupta. Exercitus alter cum Papirio consule locis maritimis pervenerat Arpos per omnia pacata, Samnitium magis injuriis et odio, quam beneficio ullo populi romani. Nam Samnites ea tempestate in montibus vicatim habitantes², campestria et maritima loca, contempto cultorum molliore, atque, ut evenit fere, locis simili genere, ipsi montani atque agrestes depopulabantur. Quæ regio si fida Samnitibus fuisset, aut pervenire Arpos exercitus romanus nequisset, aut interjecta³ inter Romam et Arpos, penuria rerum omnium, exclusos a com meatibus absumpsisset. Tum quoque profectos inde ad Luceriam, juxta obsidentes obsessosque⁴, inopia vexavit. Omnia ab Arpis Romanis suppeditabantur; cæterum adeo exigue, ut militi, occupato stationibus vigiliisque et opere, eques folliculis in castra ab Arpis

CAP. XIII. 1. *Ne castris quidem suis*, ad ea confugiendo, *fugam impedire*, inhibere. — *Plus sanguinis ac cædis factum*, vide ad II, 30, n. 8.

2. *In montibus vicatim habitantes*, vide ad V, 5, n. 2. — *Contempto* (male contemptu in plerisque MSS et edd.) *cultorum* (campestria et maritima loca incolentium) *molliore*, atque, *ut evenit* (fit, fieri solet) *fere*, *locis simili genere*: nam ingenia hominum ad indolem fere locorum, in quibus degunt, attemperantur. Cf. V, 33 extr.; XXI, 37 extr.; XXIX, 25 extr.; XLV, 30 fin.

3. *Aut interjecta inter Romam et*

Arpos, scilicet hæc regio, id est, dum interjecta esset, *penuria*, per penuriam, *exclusos a com meatibus Romanos absumpsisset*: nisi leg. *interjecta ea*, ut sint ablat. absol. et *penuria* nominativus; Stroth. Malim: *interjecta*, scilicet loca... *absumpsissent*; Gron.; sed nihil mutandum. Ed. *Arpi* Apuliæ opp., de quo vide ad XXV, 12, n. 6.

4. *Juxta obsidentes obsessosque*, vide ad V, 6, n. 3. — *Opere*, vide ad V, 22, n. 6. Mox copula *et* ante *obsessis* abest a MS Flor. probb. Gronovio et Drakenb. at in quibusdam edd. non male, quia *et* bis repetitur.

frumentum veheret; interdum occursum hostium co-geretur, abjecto ex equo frumento, pugnare. Et obsessis prius, quam alter consul victore exercitu advenit, et commeatus ex montibus Samnitium invecti erant, et auxilia intromissa. Arctiora omnia adventus Publilii fecit; qui, obsidione delegata in curam collegæ, vacuus⁵ per agros cuncta infesta commeatibus hostium fecerat. Itaque quum spes nulla esset, diutius obsessos inopiam laturos, coacti Samnites, qui ad Luceriam castra habebant, undique contractis viribus, signa cum Papirio conferre.

XIV. Per id tempus, parantibus utrisque se ad prælium, legati tarentini interveniunt, denuntiantes Samnitibus Romanisque, ut bellum omitterent. Per utros stetisset¹, quominus discederetur ab armis, adversus eos se pro alteris pugnaturus. Ea legatione Papirius audita, perinde ac motus dictis eorum, cum collega se communicaturum respondit: accitoque eo, quum tempus omne in apparatu pugnae² consumpsisset, colloquutus de re haud dubia, signum pugnae proposuit. Agentibus divina³ humanaque, quæ assolent quum acie dimicandum est, consulibus, tarentini legati occursare, responsum exspectantes, quibus Papirius ait: « Auspicia secunda esse, Tarentini, pullarius nun-

5. *Vacuus per agros*, etc. hoc est, liber a cura obsidionis, nisi leg. *vagus*; Duker. Possis et *vacuos per agros*. Conf. ad III, 40, n. 8. — Quum omnes libri in vulgatum conspirent, omnino præferendum est. Eo sensu vacuus est apud Tacit. Hist. I, 80: *Quo magis vacuus jussa exsequeretur*. Cic. in Bruto, cap. 5: *hunc elegimus diem, quum te sciremus esse vacuum*, etc. et de Legib. I, 4: *Quoniam vacui sumus, dicam*. Confer et Ovid. Trist. II, v.

239; IV, 8, v. 27. Ed. — *Infesta*, vide ad I, 7, n. 7.

CAP. XIV. 1. *Per utros stetisset*, vide ad II, 31, n. 7.

2. *In apparatu pugnae*: ita omnes fere MSS. Plerique editores delevere voc. *pugnae*, quia mox repetitur. Sed vide ad I, 3, n. 8. — *Signum pugnae*, scilicet tunicam purpuream. Confer VI, 12. Ed.

3. *Agentibus divina* (auspicia et sacrificia) *humanaque*, vide ad III, 17,

« tiat; litatum præterea est egregie. Auctoribus diis, « ut videtis, ad rem gerendam proficiscimur. » Signa inde ferri jussit, et copias eduxit, vanissimam increpans gentem, quæ, suarum impotens⁴ rerum præ domesticis seditionibus discordiisque, aliis modum pacis ac belli facere æquum censeret. Samnites ex parte altera, quum omnem curam belli remisissent, quia aut pacem vere cupiebant, aut expediebat simulare, ut Tarentinos sibi conciliarent, quum instructos repente ad pugnam Romanos conspexissent, vociferari, *se in auctoritate Tarentinorum manere*⁵, *nec descendere in aciem, nec extra vallum arma ferre. Deceptos potius, quodcumque casus ferat, passuros, quam ut sprevisse pacis auctores Tarentinos videantur. Accipere se*⁶ *omen, consules aiunt, et eam precari mentem hostibus, ut ne vallum quidem defendant. Ipsi, inter se partitis copiis, succedunt hostium munimentis, et, simul undique adorti, quum pars fossas explerent*⁷, *pars velarent vallum, atque in fossas proruerent, nec virtus modo insita, sed ira etiam, exulceratos ignominia stimulare animos, castra invasere: et pro se quisque, non hæc Furculas, nec Caudium, nec saltus invios esse, ubi errorem fraus superbe vicisset; sed romanam virtutem, quam nec vallum, nec fossæ arcerent, memorantes, cædunt pariter resistentes fusosque*⁸, in-

n. 6. — *Litatum*, vide ad V, 38, n. 1.

4. *Suarum impotens rerum*, ne suæ quidem civitati regendæ par. Contra regni potens, ei administrando par, XXIV, 4, n. 7, et potentes rerum suarum atque urbis XXIII, 16, n. 3. Cf. ad XXII, 42, n. 5, et III, 36, n. 2. — *Aliis modum*, normam, leges, pacis ac belli facere, præscribere, ut XXV, 40 extr. et eodem sensu cum quibus bellum et pacem habeamus, mo-

dum imponere, lib. XXI, c. 34, n. 3.

5. *Se in auctoritate Tarentinorum manere*, vide ad II, 56, n. 16.

6. *Accipere se omen*, v. ad I, 7, n. 11.

7. *Pars fossas explerent, pars velarent vallum, atque in fossas proruerent*, vide ad Tac. Annal. I, 68. — *Non hæc loca Furculas, etc.*

8. *Cædunt pariter resistentes... impubes, h. jumentaque: in impubes, expugnationibus urbium sæpe memo-*

ermes atque armatos, servos, liberos, puberes, impuberes, homines, jumentaue. Nec ullum superfuisset animal, ni consules receptui signum dedissent, avidosque cædis milites e castris hostium imperio ac minis expulissent. Itaque apud infensos ob interpellatam dulcedinem iræ confestim oratio habita est, ut doceretur miles, *minime cuiquam militum consules odio in hostes cessisse, aut cessuros: quin duces, sicut belli, ita insatiabilis supplicii, futuros fuisse, ni respectus equitum sexcentorum, qui Luceriæ obsides tenerentur, præpedisset animos; ne desperata venia hostes cæcos in supplicia eorum ageret, perdere prius, quam perire⁹, optantes*. Laudare ea milites, lætariue obviam itum iræ suæ esse, ac fateri, omnia patienda potius, quam proderetur salus¹⁰ tot principum romanæ iuventutis.

XV. Dimissa concione, consilium habitum, omnibusne copiis Luceriam premerent, an altero exercitu et duce Apuli circa¹, gens dubiæ ad id voluntatis, tentarentur. Publilius consul, ad peragrandam profectus Apuliam, aliquot expeditione una populos aut vi subegit, aut conditionibus in societatem accepit. Papirio quoque, qui obsessor Luceriæ restiterat, brevi ad² spem eventus respondit. Nam, insessis omnibus viis, per quas commeatus ex Samnio subvehebantur,

rantur exempla similis iræ et crudelitatis victorum: sed quæri potest, cur Samnites *impuberes*, ætatem minime bello aptam, secum in castra ducere voluerint; Duk. Hæc copiosius ac gravius dicta pro cædunt sine discrimine omnes, neque singulorum enumerationi acriter inhærendum cogitandumve de servis, inermibus, aut impuberibus, qui fuerint in castris; Stroth. Confer ad VI, 16, n. 4.

9. *Perdere prius quam perire*: leg. *perirent*; Gron.

10. *Quam proderetur salus*, etc. Confer ad II, 43, n. 5.

CAP. XV. I. *Apuli circa*, vide ad I, 4, n. 11. — *Ad id*, vide ad II, 23, n. 3. — *Luceriæ restiterat*, vide ad IV, 58, n. 5.

2. *Brevi (tempore) ad spem eventus respondit*, ut XXVIII, 6, n. 2, hoc est, spei, seu exspectationi, gall. ré-

fame domiti Samnites, qui Luceriæ in præsidio erant, legatos misere ad consulem romanum, ut, receptis equitibus, qui causa belli essent, absisteret obsidione. His Papirius ita respondit; *Debuisse eos³ Pontium, Herennii filium, quo auctore Romanos sub jugum misissent, consulere, quid victis patiendum censeret. Cæterum, quoniam ab hostibus in se æqua statui, quam in se ipsi ferre, maluerint, nuntiare Luceriam jussit, arma, sarcinas, jumenta, multitudinem omnem imbellem intra mœnia relinquerent; militem se cum singulis vestimentis sub jugum missurum⁴, ulciscentem illatam, non novam inferentem ignominiam.* Nihil recusatum. Septem millia militum sub jugum missa, prædaque ingens Luceriæ capta, receptis omnibus signis armisque, quæ ad Caudium amiserant; et, quod omnia superabat gaudia, equitibus recuperatis, quos pignora pacis custodiendos Luceriam Samnites dederant. Haud ferme alia mutatione subita rerum clarior victoria populi romani est: siquidem etiam (quod quibusdam in annalibus invenio) Pontius, Herennii filius, Samnitium imperator, ut expiaret consulum ignominiam, sub jugum cum cæteris est missus. Cæterum id minus miror, obscurum esse de hostium duce dedito missoque sub jugum: id magis mirabile est, ambigi, Luciusne Cornelius⁵ dictator cum L. Pa-

pondre à son attente. Confer Ern. et Wolf. ad Suet. Cæs. 46. Sic et simpl. *eventus respondent*, scilicet spei, vel votis, optatis, XXX, 30, n. 9.

3. *Debuisse eos Pontium... censeret:* amare dicta. *Docuisse* quidam MSS unde *decuisse* conj. Gron. — *Quam in*, contra, *se ipsi ferre* sententiam, statuere.

4. *Cum singulis vestimentis sub jugum missurum*, vide ad III, 19, n. 9. — *Amiserant* Romani, sed in pluribus

MSS *rectius amissa erant*, quia caudinae legiones, quæ amiserant, cum Publilio erant in Apulia; Gron. *Amissa erant*, duo quoque e nostris scriptis habent. Ern. Id ex superioribus non apparere, et adversari XXV, 6, monet Drak. Confer tamen hujus cap. princ. et ad cap. 10, n. 5. — *Quos ut pignora pacis custodiendos Luceriam dederant, miserant, nisi leg. duxerant.*

5. *Lucius Cornelius Lentulus forsam,*

pirio Cursore, magistro equitum, eas res ad Caudium, atque inde Luceriam gesserit, ultorque unicus romanæ ignominia, haud sciam an⁶ justissimo triumpho ad eam ætatem secundum Furium Camillum, triumphaverit, an consulum Papiriique præcipuum id decus sit. Sequitur hunc errorem alius error⁷, Cursorne Papirius⁸ proximis comitiis cum Q. Aulio Cerretano iterum, ob rem bene gestam Luceriæ continuato magistratu, consul tertium creatus sit, an L. Papirius Mugillanus, et in cognomine erratum sit.

XVI. Convenit, jam inde¹ per consules reliqua belli perfecta. Aulius cum Ferentanis² uno secundo prælio debellavit; urbemque ipsam, quo se fusa contulerat acies, obsidibus imperatis, in deditiōnem accepit. Pari fortuna consulum alter cum Satricanis, qui cives romani post caudinam cladem ad Samnites defecerant, præsidiumque eorum in urbe acceperant, rem gessit. Nam quum ad moenia Satrici admotus esset exerci-

cui familiæ hinc *Caudini* cognomen inditum putatur. Tres hoc anno dictatores in fastis Capitol. memorantur, C. Mænius, L. Cornelius et T. Manlius. Dictaturæ Mæni mentio quidem fit cap. 26, sed ea fuit altera: prætermissa a Livio prior, in qua res a Mænio in Campania gestas tradit Diod. l. XIX. Cf. Pigh. Ann. ad ann. 433 et 439.

6. *Haud sciam an* (confer ad II, 2, n. 3) *justissimo triumpho*, etc. At conf. ad cap. 10, n. 7. — *An consulum Papiriique*, etc. Vide ad III, 25, n. 3.

7. *Sequitur hunc errorem alius error*, id est, dubitatio, quod e particulis *ne* et *an* intelligitur; ut cap. 45, et apud Ovid. Fast. IV, 669, *errantem*; Ern. Confer ad I, 24, n. 1; XXVII, 47, n. 7; et XL, 55, n. 1.

8. *Cursor Papirius... consul tertium creatus*: ita fasti Capitol. et ipse Li-

vius, qui tertium ejus consulatum non alibi memorat, sed modo primum VIII, 23; alterum IX, 7; quintum IX, 28; adeoque tertium h. loc. et quartum IX, 22 pr. ubi nomina consulum incuria librariorum excidisse et ex Diodori lib. XIX, fastisque Capitol. hoc modo restituendâ esse: *Consules novi, L. Papirius Cursor IV, et Q. Publilius Philo IV, sicut superiores, Romæ manserunt*, jam suspicatus est Pighius. — Pro Aulio al. *Æmilio*.

CAP. XVI. 1. *Convenit jam inde*, deinde, *per consules reliqua belli* (vide IV, 27, n. 1) *perfecta esse*; v. I, 3, n. 4.

2. *Cum Ferentanis*; imo *Forentanis*: et sic quoque cap. 20 (ubi *Tarento, Acheronto, Florento, Torento* in MSS) scribendum *Forento*: nam *Ferentinum* et *Frentanos* (nec non *Ferentinos*, seu *Ferentinates*) novimus, at *Ferentanos*

tus, legisque missis ad pacem cum precibus petendam³, triste responsum ab consule redditum esset, nisi præsidio Samnitium interfecto aut tradito, ne ad se remearent; plus ea voce, quam armis illatis, terroris colonis injectum. Itaque subinde exsequentes quærendo⁴ a consule legati, quoniam se pacto paucos et infirmos crederet præsidio tam valido et armato vim allaturos, ab iisdem consilium petere jussi, quibus auctoribus præsidium in urbem accepissent, discedunt: ægreque impetrato, ut de ea re consuli senatum, responsaque ad se referri sineret, ad suos redeunt. Duæ factiones senatum distinebant; una, cujus principes erant defectionis a populo romano auctores; altera, fidelium civium. Certatum ab utrisque tamen est, ut ad reconciliandam pacem consuli opera navaretur⁵. Pars altera (quum præsidium Samnitium, quia nihil satis præparati erat ad obsidionem tolerandam, excessurum proxima nocte esset) enuntiare consuli satis habuit, qua noctis hora, quaque porta, et quam in viam egressurus hostis foret. Altera, quibus invitis descitum ad Samnites erat, eadem nocte portam etiam consuli aperuerunt, armatosque clam hostes⁶ in urbem acceperunt. Ita duplici prodi-

nullos; Gron. Recte, opinor; vide ad Tac. Ann. XV, 53, n. 4. *Forentum* opp. Apuliæ, hod. *Forenza*.

3. *Ad pacem cum precibus petendam*, suppliciter p., ut *precibus petere* I, 16, p. *orare* II, 2, p. *petere pacem* XLIII, 4. Videtur hæc inprimis forma solennis et religiosa fuisse, eodemque modo sine emphasi dicta, uti *fraudem fraudare, servitatem servire, occidione occidi*; Ern.

4. *Exsequentes quærendo*, v. V, 15, n. 7. — *Duæ factiones senatum satricanum distinebant*, v. III, 23, n. 1.

5. *Ut ad reconciliandam pacem consuli opera navaretur*, ut consuli aliquid præstaretur, quo *ad reconcil. p.* permoveri posset, facta nimirum ei præsidium Samnitium opprimendi copia; Doer. — *Enuntiare*, arcana prodere, sic lib. XXXIX, 10: Si coacta caritate ejus, silenda enuntiasset. Et Cicero pro Rosc. Amer. c. 110: *Cæterorum legatorum consilia et voluntatem Chrysogono enuntiat*. Vid. Gron. et Drak. *Enuntiantur* arcana, *nuntiantur* audita, aut visa. Hinc etiam lib. XXV, c. 9, n. 3, et lib. XLI, cap. 24 pr. *enuntiare* pro

tione et præsidium Samnitium, in sessis circa viam silvestribus locis, nec opinato oppressum est, et ab urbe plena hostium clamor sublatus; momentoque unius horæ cæsus Samnis, Satricanus captus, et omnia in potestate consulis erant. Qui, quæstione habita, quorum opera defectio esset facta, quos sontes comperit, virgis cæsos securi percussit: præsidioque valido imposito, arma Satricanis ademit. Inde ad triumphum decessisse Romam Papirium Cursorem scribunt, qui eo duce Luceriam receptam Samnitesque sub jugum missos⁷ auctores sunt. Et fuit vir haud dubie dignus omni bellica laude, non animi solum vigore, sed etiam corporis viribus excellens. Præcipua pedum pernecitas inerat, quæ cognomen etiam dedit⁸: victoremque cursu omnium ætatis suæ fuisse ferunt, et, seu virium vi, seu exercitatione multa, cibi vinique eundem capacissimum: nec cum ullo asperiozem (quia ipse invicti⁹ ad laborem corporis esset) fuisse militiam pediti pariter equitique. Equites etiam aliquando ausos ab eo petere, ut sibi pro re bene gesta laxaret aliquid

nuntiare substituend. monuere intpp.

6. *Armatosque clam hostes*, Romanos, nisi leg. *armatosque Romanos clam hoste*, Samnitibus, vel *clam suis*, reliquis civibus non earum partium; Gron. *Clam nocte multi MSS. Male!* — Hi hostes intelligendi sunt ipsi Romani, oppugnatores urbis, qui et paulo infra eodem nomine designantur: *ab urbe plena hostium*, nempe Rom. Ed.

7. *Sub jugum missos esse, auctores sunt*, vide ad II, 58, n. 1.

8. *Quæ cognomen etiam dedit*; sic et Zonar. VII, 26. Sed idem jam avo ejus fuit. Cf. VI, 5, n. 11; IX, 34. Hinc q. c. *avo jam dedit* conj. Sigon. Forte Livius aliquid humani passus est; aut pedum pernecitas huic L. Papirio con-

firmavit cognomen majorum, quale quid supra V, 31, n. 2, et VI, 39, n. 3, vidimus; Drak. Cui vero h. l. non succurrit πόντας ὠκὺς Ἀχιλλεύς? — *Nec cum ullo duce*. De gente Papiria vide Cic. ad Div. IX, 21. — *Virium vi*; parum usitata sane locutio, et cuius haud facile fortassis exemplum reperias: dicitur tamen, non absimili figura loquendi, *robur virium*. Ed.

9. *Invicti ad* (κατὰ² quod attinet ad) *laborem corporis*, ut apud Ovid. Met. XII, 167, et *inv. a labore*, etc. apud Cic. Off. I, 20, et infra XXXIX, 40. Sic et *prælio magis ad* (κατὰ) *eventum* (si eventus spectatur, vel ejus ratio habetur) *secundo quam levi* XXXII, 9, n. 2; *nequaquam pari ad virtutem*

laboris : quibus ille, « Ne nihil remissum dicatis, re-
« mitto, inquit, ne utique dorsum demulceatis, quum
« ex equis descendetis. » Et vis erat in eo viro imperii
ingens pariter in socios civesque. Prænestinus¹⁰ præ-
tor per timorem segnius ex subsidiis suos duxerat in
primam aciem. Quem quum inambulans ante taber-
naculum vocari jussisset, lictorem expedire securim
jussit. Ad quam vocem exanimi stante Prænestino,
« Agedum, lictor. . . . excide radicem hanc, inquit,
« incommodam ambulatibus : » perfusumque ultimi
supplicii metu¹¹, mulcta dicta, dimisit. Haud dubie
illa ætate, qua nulla virtutum feracior fuit, nemo
unus erat vir, quo magis innisa res romana staret.
Quin eum parem destinant animis magno Alexandro
ducem, si arma, Asia perdomita, in Europam ver-
tisset.

XVII. Nihil minus quæsitum a principio hujus ope-
ris videri potest, quam ut plus justo ab rerum ordiné
declinarem, varietatibusque distinguendo opere, et le-

viro XXVI, 16. Confer ad VI, 18, n. 2. — *Ne utique* (vide ad II, 30, n. 1) *dorsum demulceatis*, ut al. cervicem equorum. Cf. Sil. IV, 264, et XVI, 356.

10. *Prænestinus prætor* « non vide-
tur fuisse magistratus municipii præ-
nestini (nam Præneste tum nondum
municipium fuisse probabile est, et
Prænestini hi inter socios militarunt ;
municipia autem jus legionis habuisse
docet Spanhem. Orb. Rom. I, 9), sed
præfectus cohortis socialis, ut VIII,
11, *prætor Laviniensium*, et XXIII,
19. Manicius, *prætor* prænestinus,
hoc est, præfectus cohortis prænesti-
næ, qui antea *scriba* fuit, adeoque vix
magistratus esse potuit » ; Duker. Conf.
Plin. XVII, 11 ; Aurel. Victor. de Vir.
ill. cap. 31 ; Sigon. de ant. jur. Ital.

II, 14 ; Lips. Mil. rom. I, 7 ; II, 10 ;
Periz. diss. de Prætorio § 19, et supra
ad VI, 42, n. 7.

11. *Ultimi supplicii metu* (vid. ad III,
58, n. 11) *perfusum*, consternatum,
vel repletum, ut II, 63 ; IX, 16 ; X,
38 ; XXVI, 50 ; XXX, 16, et al. *im-
buere*. Confer ad XXXIX, 8, n. 3. —
Nemo unus erat vir, vide ad III, 12,
n. 2. — *Quin eum parem destinant*,
non, ut quidam libri, *destinarant* ; nisi
malis *destinarunt* ; scil. scriptores et
homines, qui postea fuere et nunc sunt ;
non Romani ejus temporis : nam Li-
vius non ita immemor sui et eorum,
quæ cap. 18, dicit, *Alexandrum ne
fama quidem illis notum arbitror fuisse* ;
Gron. Præterea Romani ejus temporis
neminem in futurum ducem destinare

gentibus velut deverticula amœna¹, et requiem animo meo quærerem : tamen tanti regis ac ducis mentio, quibus sæpe tacitis cogitationibus volutavit animum, eas evocat in medium; ut quærere libeat, quinam eventus romanis rebus, si cum Alexandro foret bellatum, futurus fuerit. Plurimum in bello pollere videntur militum copia et virtus, ingenia imperatorum, fortuna per omnia humana, maxime in res bellicas, potens. Ea, et singula intuenti et universa², sicut ab aliis regibus gentibusque, ita ab hoc quoque, facile præstant invictum romanum imperium. Jam primum, ut ordiar ab ducibus comparandis, haud equidem abnuo, egregium ducem fuisse Alexandrum; sed clario-rem tamen eum facit, quod unus fuit, quod adoles- cens, in incremento rerum, nondum alteram fortunam expertus; decessit. Ut alios reges claros ducesque omittam, magna exempla casuum humanorum; Cy- rum, quem maxime Græci laudibus celebrant, quid, nisi longa vita, sicut Magnum modo Pompeium, ver- tenti præbuit fortunæ³? Recenseam duces romanos, nec omnes omnium ætatum, sed ipsos eos, cum qui- bus consulibus aut dictatoribus Alexandro fuit bellan-

solebant, sed, qui quoque tempore consul esset, aut ex tempore a consule dictator diceretur, dux erat; Stroth. Confer ad XXXV, 20 pr.

CAP. XVII. 1. *Deverticula amœna*, vide ad I, 51, n. 2. De consilio, quod Livius in hoc episodio, cap. 17 - 19, sequutus sit, vide ad cap. 18, n. 6. — *Tamen*, vide ad I, 12, n. 1. — *Quibus sæpe tacitis cogitationibus volutavit* hæc mentio, imago, cogitatio rei, *animum meum*, occupavit, agitavit, exercuit: sed hypallage fere est: nam alioqui *res volutari animo* dicitur, non *re animus*; Bauer. Haud dubie per

elegantissimam hypallagen dictum; Ern. — *Eas evocat ex animo in medium*, seu vulgus.

2. *Ea, et singula intuenti et uni- versa... facile præstant invictum rom. imperium*, promittunt et spondent, hoc invictum semper fore; Ern. Conf. ad Juvenal. XIV, 212. *Tò ita* forte delendum, quia ab omnibus fere MSS abest, et sæpe post *sicut* omittitur. Confer ad XXXIV, 9, n. 7; XXXIX, 41, n. 1; XLIV, 20, n. 4, et vide IV, 27; XXIV, 33; XXV, 15; XXIX, 8.

3. *Vertenti præbuit fortunæ*, vide ad II, 3, n. 2. Idem alii probarunt iis-

dum; M. Valerium Corvum, C. Marcium Rutilum, C. Sulpicium, T. Manlium Torquatum, Q. Publilium Philonem, L. Papirium Cursorem, Q. Fabium Maximum, duos Decios, L. Volumnium, M'. Curium. Deinceps ingentes sequuntur viri, si punicum romano prævertisset⁴ bellum, seniorque in Italiam trajecisset. Horum in quolibet tum indoles eadem, quæ in Alexandro erat, animi ingeniique; tum disciplina militaris⁵, jam inde ab initiis urbis tradita per manus, in artis perpetuis præceptis ordinatæ modum⁶ venerat. Ita reges gesserant bella; ita deinde exactores regum Junii Valeriique; ita deinceps Fabii, Quintii, Cornelii;

dem aliisque exemplis, v. c. *Cyri* Euseb. in vita Const. I, 7. Priami, Mithridatis, Cræsi, Marii et *Pompeii M.* Juvenal. X, 258-288. Mox forte leg. *Alexandro fuisset bellandum.* Ob hanc digressionem Dodwell. de Cyclis diss. X, s. 73, multis exagitat Livii in doctrina temporum imperitiam, quia Alexander jam sexennio ante obierit. Cui respondere conatus est Clericus ad hunc locum dicens, licuisse Livio agere de eventu belli, si id Alexander Romanis intulisset, ubicumque sermo fuit de magistratu viri fortis, qui Alexandri æqualis fuit. Imo ipse Livius mox dicit, Alexandri M. tanti regis ac ducis mentionem effecisse, ut quærere libuerit, quinam eventus romanis rebus futurus fuerit, si cum Alexandro foret bellatum: non autem addit, se id fecisse eo anno, quo Alexandrum mortuum crederet; Drak.

4. *Si punicum romano prævertisset* (vide ad II, 24, n. 3) *bellum*: nam duo bella post devictam Asiam animo concepisse credebatur, romanum et punicum (saltem punicum, de quo vid. Justin. XXI, 6): et si prius adversus Pœnos bellum gessisset, *senior factus*

demum in Italiam trajecisset, atque in illos incidisset *ingentes viros*: quinam vero hi fuerint, præter Postumium, Æmilium et P. Cornelium Scipionem, haud satis mihi constat; Stroth. Alexander natus est Olymp. 106, 1, et mortuus Olymp. 114, 1, vel anno Urbis conditæ 430, a. Chr. nat. 324. Jam qui fastos rom. inspiciet, plura deprehendet nomina *ingentium virorum*, consulum et dictatorum, qui deinde vixerunt, etsi minus inclaruere, quoniam Liviana hujus temporis historia intercedit. Quomodo autem Alexander, qui anno ætatis XXXIII obiit (confer ad Tac. Ann. II, 73, n. 2), *senior in Italiam trajecisset, si punicum romano prævertisset bellum?* Non Pœnos tantum, sed maximam Africæ partem antea armis subjugare voluisse censendus est.

5. *Disciplina militaris jam inde ab initiis urbis tradita per manus*, confer ad I, 3, n. 7.

6. *In artis perpetuis præceptis ordinatæ modum venerat*, ut nostri vulgo: in systema, seu formam artis redigere; Ern. *Perpetuis*, continuis, junctis ordine systematico; Bauer. Confer ad IV,

ita Furius Camillus, quem juvenes ii, quibus cum Alexandro dimicandum erat, senem viderant. Militaria opera pugnando obeunti Alexandro (nam ea quoque haud minus clarum eum faciunt) cecisset⁷ videlicet in acie oblatus par Manlius Torquatus, aut Valerius Corvus, insignes ante milites, quam duces: cecissent Decii, devotis corporibus in hostem ruentes: cecisset Papirius Cursor, illo corporis robore, illo animi: victus esset consiliis juvenis unius, ne singulos nominem, senatus ille, quem qui *ex regibus constare*⁸ dixit, unus veram speciem romani senatus cepit: Id vero erat periculum⁹, ne solertius, quam quilibet unus ex iis, quos nominavi, castris locum caperet, commeatus expediret, ab insidiis præcaveret, tempus pugnae deligeret, aciem instrueret, subsidiis firmaret¹⁰. Non

6, n. 1. — *Quem juvenes ii*: in MSS quibusdam *hii*; unde *hi* vel *ii* legendum esse jam monuere alii. Duo edd. vett. quos putant esse T. Manlium Torquatum et M. Valerium Corvum. Cur vero *duo* tantum, et *hi* potissimum? — *Quem ii*, quibus cum Alexandro bellandum erat, juvenes senem viderant. Cæterum hic edidimus *ii*, ubi vulgati habent *duo*, ex auctoritate antiquissimi nostri codicis, ad quem alludunt alii, tam Gronovio, tum nobis excussi, in quibus legitur *hii*. Nimirum τὸ *ii* sumptum pro nota numeri, ut recte conj. Gronovius, peperit errorem vulgatæ lectionis. Non enim soli duo, sed fere omnes *ii* qui recensentur a Livio, juvenes Camillum viderant senem. Ed.

7. *Cecisset videlicet* (εἰρωνικῶς dictum; vide ad IV, 5, n. 2, unde delevi interrog. signa, post *duces*, *ruentes*, *animi* et *cepit* posita) *in acie oblatus par Manlius Torquatus*, vide ad VII, 33, n. 1. *Par* deletum a Stroth. quia

vix in duobus exstat MSS. Sed aptissimum est.

8. *Senatus ille, quem ex regibus constare dixit* Cineas, Pyrrhi dux et legatus; quod notissimum vel ex Floro I, 18; Plutarch. in Pyrrho pag. 395; Appian. Samn. Exc. 10. — *Cepit mente*, percepit, intellexit, *veram romani senatus speciem*, dignitatem, amplitudinem; ut cap. 40, et XXXII, 36, n. 4; XXXIV, 52 extr.; XXXVII, 40, al. — Vera sub imagine romanum senatum sibi exhibuit: veram senatus romani notionem assecutus est. Sic Horat. Satir. II, 3, vers. 208: *qui species alias veris...capiet*, id est, qui imagines rerum, sive notiones sibi finget diversas a veris. Ed.

9. *Id vero erat periculum*, timendum, etc. ut cap. 18, n. 6; X, 7; XLV, 23; quæ loca vel per ironiam accipienda, quod placet, vel interrog. nota addenda; Stroth. — *Quilibet unus*, vide ad III, 55, n. 13.

10. *Subsidiis firmaret aciem*, vide

cum Dario rem esse dixisset, quem, mulierum ac spadonum agmen trahentem, inter purpuram atque aurum, oneratum fortunæ apparatus¹ suæ, prædam verius, quam hostem, nihil aliud quam bene ausus vana contemnere, incruentus devicit. Longe alius Italiæ, quam Indiæ, per quam temulento agmine comissabundus incessit, visus illi habitus esset, sal- tus Apuliæ ac montes Lucanos cernenti et vestigia recentia domesticæ cladis, ubi avunculus ejus nuper Epiri rex Alexander absumptus erat.

XVIII. Et loquimur de Alexandro nondum¹ merso secundis rebus, quarum nemo intolerantior fuit. Qui, si ex habitu novæ fortunæ novique, ut ita dicam, ingenii, quod sibi victor induerat, spectetur, Dario magis similis, quam Alexandro, in Italiam venisset, et exercitum Macedoniæ oblitum degenerantemque jam in Persarum mores adduxisset. Referre in tanto rege piget superbam mutationem vestis², et desideratas humi jacentium adulationes, etiam victis Macedonibus

ad lib. II, 20, n. 2; et II, 31, n. 1.

11. *Oneratum fortunæ suæ apparatus*, ut apud Sen. de Ben. VI, 31; *multitudinem indigestam et gravem metuendam esse ducenti* Kerxi: *non enim vires, sed pondus habere.* — *Nihil aliud quam*, etc. Vide ad II, 8, n. 9. Quum fere nihil aliud opus esset, quam ut quis, quemadmodum Alexander bene fecit, vana illa Persarum contemnere auderet; Stroth. — *Comissabundus*, vide ad III, 29, n. 2.

CAP. XVIII. 1. *Merso secundis rebus*, corrupto, soluto (vide ad VI, 14, n. 6), *quarum nemo intolerantior fuit*, in earum usu nemo insolentior; Doer. Imo: nemo minus sapienter ac moderate tulit magnam fortunam, magisque ea elatus est ac superbior factus.

Confer seqq.; Hor. Od. III, 27, v. 74 (ubi vide Mitscherl.), et inpr. Curt. III, 12, § 20, qui eandem sententiam ita exprimit: *Nondum Fortuna se animo ejus superfudera: itaque orientem eam moderate et prudenter tulit: ad ultimum magnitudinem ejus non cepit.*

2. *Superbam mutationem vestis*, confer Curt. VI, 6, et Athenæi lib. XII. — *Desideratas humi jacentium*, προσκυνούντων (hoc est, eorum, qui more Orientis humi prosternendo corpus, genuaque alicujus amplectendo osculandoque summam ei reverentiam testantur) *adulationes, venerationes*, ut XXX, 16, apud Valer. Max. IV, 7 ext. 2; VI, 3, ext. 2, et κολλᾶσθαι apud Xenoph. Cyrop. 1: nam *adulari*

graves³, nedum victoribus; et foeda supplicia⁴, et inter vinum et epulas cædes amicorum, et vanitatem ementiendæ stirpis. Quid, si vini amor⁵ in dies fieret acrior? quid, si trux ac præfervida ira? (nec quidquam dubium inter scriptores refero) nullane hæc⁶ damna imperatoriis virtutibus ducimus? Id vero periculum erat, quod levissimi ex Græcis, qui Parthorum quoque contra nomen romanum gloriæ favent, dictitare solent, ne majestatem nominis Alexandri (quem ne fama quidem illis notum arbitror fuisse) sustinere non po-

et προσκυνῶν proprie dicuntur canes (κύνας), qui dominis suis adulari ac blandiri solent pedes eorum lambendo et ad illos se provolvendo humi. Itaque nolim emendare *adorationes*, quæ vox h. loc. minus apta est et proprium venerationis ritum exprimit, quo quis in Oriente *ori* suo admovet manum et huic dat oscula, quæ deinde porrigit quasi jacitque ad eos, quibus honos habetur. Conf. ad Juvenal. IV, 118. Res ipsa de regibus Orientis, imprimis Persarum, et de Alexandro nota. Confer ad XLV, 44, n. 10; Curt. VI, 6, n. 3; VIII, 5, n. 6 (*More Persarum Macedones venerabundos ipsum salutare prosternentes humi corpora. Non deerat talia concupiscenti perniciosæ adulatio, perpetuum malum regum, quorum opes sæpius assentatio, quam hostis evertit*); 21, 22; Justin. VI, 2, n. 13; XII, 7 pr.; Nep. Con. III, 2; Polyb. XV, 1.

3. *Etiam victis Macedonibus graves, etiamsi victi fuissent et ab externo hoste domiti*; Gron. ad Sen. de Ben. I, 10. Confer supra ad V, 2, n. 7, et ad rem Curt. VI, 6, n. 3.

4. *Fœda supplicia.... amicorum*, nota e Curtio, Arriano et al. — *Vanitatem ementiendæ stirpis*, seu generis, quod tum a Perseo et Hercule (vide

Arrian. III, 1, et Strab. 17), tum ab Achille (vide Curt. IV, 6, n. 29; VIII, 4, n. 26; Vellei. I, 6, n. 5; ad Sil. XV, 292), et hinc ab ipso Jove (patre Æaci, avo Pelei et proavo Achillis) deducebat, quod vel e Curt. IV, 7, n. 8; et VIII, 5, n. 5 sq. notum. Jovem vero non modo generis auctorem, sed et patrem suum fuisse, forsitan credi potius voluit, quam credidit ipse.

5. *Quid? si vini amor*, etc. confer ad IV, 5, n. 1. — *Nec quidquam dubium i. s. refero*, certa tantum affero, taceo de aliis, de quibus inter scriptores non satis constat; Stroth.

6. *Nullane hæc damna*, nonne hæc adversa et repugnantia; Doer. — *Id vero periculum erat* (confer ad cap. 17, n. 8), *quod levissimi ex Græcis* (conf. ad XXVI, 31, n. 1; ad Juvenal. III, 60, 73 seq.; X, 174, et Cic. orat. pro Flacco, cujus maxima pars ad levitatem perfidiamque Græcorum probandam spectat), *qui Parthorum quoque*, etc. Gloriæ Romanorum adversus hos ævi sui scriptores, qui eam post Crassi cladem elevasse videntur, defendendæ causa totum pæne hoc deverticulum quæsisvisse videtur Livius. — *Quem ne fama quidem*, etc. Freinsheimius ad Curt. X, 4, § 15, scribit: *Livium studio extollendi romana te-*

tuerit populus romanus; et, adversus quem Athenis, in civitate fracta Macedonum armis⁷, cernente tum maxime prope fumantes Thebarum ruinas, concionari liberi ausi sint homines (id quod ex monumentis orationum⁸ patet), adversus eum nemo ex tot proceribus romanis vocem liberam missurus fuerit. Quantalibet magnitudo hominis concipiatur animo, unius tamen ea magnitudo hominis erit, collecta paulo plus decem annorum⁹ felicitate : quam qui eo extollunt, quod populus romanus, etsi nullo bello, multis tamen præliis victus sit, Alexandro nullius pugnæ non secunda fortuna fuerit, non intelligunt, se¹⁰ hominis res gestas et ejus juvenis, cum populi jam octingentesimum bellantis annum rebus conferre. Miremur, si, quum ex hac parte sæcula plura numerentur, quam ex illa anni, plus in tam longo spatio, quam in ætate tredecim annorum, fortuna variaverit? Quin tu ho-

mere prolapsum, ut hoc diceret. Mirum sane est, ut jam Dukerus monuit, tantæ doctrinæ virum potuisse fidem habere levissimis Græculis, qui apud Arrianum VII, 15, a Romanis ad Alexandrum, ex India Babylonem redeuntem, legatos missos tradiderunt. Debuerat potius sequi Arrianum ipsum, multis, iisque non infirmis, rationibus hanc fabulam refellentem. Confer Casaubon. ad Lampridium, Alex. Sever. cap. 63; et ibi Salmas. En.

7. *Athenis, in civitate fracta Macedonum armis, victoria Philippi ad Charoneam.* — *Fumantes Thebarum ruinas, urbis ab Alexandro dirutæ :* de quo vide Plut. in Alex. cap. 20; Arian. I, 5; Polyb. IV, 23; V, 10; IX, 28; Diodor. 17, 9; Justin. XI, 4.

8. *Ex monumentis orationum, Demosthenis et al.*

9. *Paulo plus decem annorum, pro*

paulo plurium quam d. a. Sed leg. *duodecim*; unde et mox in *ætate tredecim annorum.* — *Eo extollunt quod p. r. etsi nullo bello, multis, etc.* Idem de populo romano prædicavit etiam Lucilius apud Non. Marc. voce *Bellum et prælium*: « Romanus populus victus vi et superatus præliis sæpe est multis; bello vero nunquam. » Contrarium vero de Alexandro M. ominatur Livius cap. seq. *prælio victus Alexander, bello victus esset.* En.

10. *Se hominis unius res gestas, et ejus, et quidem, et simul, seu præterea juvenis, etc.* — *Octingentesimum annum* Livius, de sua ætate loquens, pro octavo sæculo dixit, ut cap. 34; *decem annos* pro decennio; Stroth. Cf. Bredenkamp. in *Magaz. für öffentliche Schulen und Schullehrer* tom. I, p. 444 seq. ubi monet, Livium nunc etiam Romanos sui ævi comparasse cum

minis cum homine¹¹, et ducis cum duce, fortunam cum fortuna confers? Quot romanos duces nominem, quibus nunquam adversa fortuna pugnae fuit? Paginas in annalibus magistratum fastisque percurrere licet, consulum, dictatorumque, quorum nec virtutis, nec fortunae ullo die populum romanum poenituit. Et, quo sint mirabiliores, quam Alexander, aut quisquam rex, denos vicenosque dies quidam dictaturam, nemo plus quam annum consulatum gessit: ab tribunis plebis delectus impediti sunt: post tempus ad bella ierunt: ante tempus comitorum causa revocati sunt: in ipso conatu rerum circumegit se annus: collegae nunc temeritas, nunc pravitas, impedimento, aut

Alexandro, quia Graeci illi scriptores contenderint, eum non modo tum Romanis parem fuisse, sed et liviana etate, si ea viveret, fore. Mea qualicumque sententia *to octingentesimum* debetur potius libraribus, vel glossatoribus, liviana respicientibus tempora (quod ab hoc loco alienum) legendumque omnino *quingentesimum annum*; hoc est, quintum saeculum, ob verba adjecta: *quum ex hac parte*, scilicet Romanorum *plura numerentur saecula* (hoc est, aetates hominum, generationes, *γενεαι*, spatia XXXIII circiter annorum) *quam ex Alexandri parte anni*: nam XIII ejusmodi saecula conficiunt 429 annos, et tum agebatur annus Urbis conditae 435. Alexander autem ne per *aetatem* quidem, hoc est, spatium *XIII annorum* bellavit.

11. *Quin tu hominis cum homine... fortunam cum fortuna confers?* verba vitiosa, et, quamvis illa *cum fortuna*, quae plane otiosa sunt, ejeceris, non satis menti apta Livii, qui in anteced. et seqq. non singulum quemdam hominem et ducem rom. cum Alexandro conferri cupit, sed plures omnino ho-

mines et duces, dignos, qui cum Alexandro comparentur, ex historia rom. laudari posse affirmat: unde, *Quin tu homines cum homine, et duces cum duce, fortunam* (qua plures Romanorum gavisi sunt) *cum fortuna* (qua Alexander gavisus est) *confers?* scribendum puto; Doer. Sed vel sic verba *fortunam cum fortuna*, quae aliis in tpp. non displicuisse mireris, parum apta sunt. Praestiterit: *Quin tu homines cum homine, duces cum duce, populum cum populo confers?* Argumentatio enim Livii eo potissimum spectat, ut ostendat, ineptum esse, et hominem cum populo, et felicitatem XIII annorum cum fortuna 435 annorum conferri: quod a graecis scriptoribus factum videtur. Omnino etiam multo magis probanda est ratio eorum, a quibus Alexander variis rom. ducibus comparatus est, verbi causa Germanico a Tac. Ann. II, 73; Caesari ab Appiano B. C. II, 149 sqq. — *Nec fortunae ullo die popul. romanum poenituit*; vide ad II, 54, n. 16. — *Denos vicenosque dies*, forte *vicenosque*: sed et cap. seq. *quaterni quiniq;*; Bauer.

damno fuit : male gestis rebus alterius¹² successum est : tironem, aut mala disciplina institutum exercitum acceperunt. At, Hercule, reges, non liberi solum impedimentis omnibus, sed domini¹³ rerum temporumque, trahunt consiliis cuncta¹⁴, non sequuntur. Invictus ergo Alexander cum invictis ducibus bella gessisset, et eadem fortunæ pignera¹⁵ in discrimen detulisset. Imo etiam eo plus periculi subisset, quod Macedones unum Alexandrum habuissent, multis casibus non solum obnoxium, sed etiam offerentem se : Romanis multi fuissent, Alexandro, vel gloria, vel rerum magnitudine, pares; quorum suo quisque fato, sine publico discrimine, viveret morereturque.

XIX. Restat, ut copiae copiis comparentur, vel numero, vel militum genere, vel multitudine auxiliorum. Censebantur ejus ætatis lustris¹ ducena quinquagena millia capitum. Itaque, in omni defectione sociorum

12. *Male gestis rebus alterius successum est*; vide ad IV, 11, n. 1.

13. *Sed etiam* (vide ad I, 40, n. 1) *domini rerum temporumque*, etc. Gron. comparat verba Demosth. in Olynth. I pr. τὸ γὰρ εἶναι πάντων ἰσθῖνον, ἕνα ἕνα, κύριον καὶ ῥήτων, καὶ ἀποβήτων, καὶ ἀμὰ στρατηγὸν, καὶ δεσπότην, καὶ ταμίαν, καὶ πανταχοῦ αὐτὸν παρῆναι τῷ στρατεύματι. πρὸς μὲν τὸ τοῦ πολέμου ταχὺ καὶ κατὰ καιρὸν πράττεσθαι πολλοῦ προέχει. Ed. Confer et Tac. Ann. II, 73.

14. *Trahunt consiliis cuncta*, ducunt quo volunt, h. e. regunt, sibi parere cogunt, *non sequuntur* aliorum consilia et mandata : metaphora a fune petita. Similiter XXXIII, 9, n. 4, *partem profligatam* exercitus hostium *cætera* (f. *cæteras*) *tracturam*.

15. *Eadem fortunæ pignera*, eodem honore duces; Ern. Imo idem no-

men, eandem gloriam, eandem memoriam perpetuæ secundæ fortunæ, ille non magis ac hi invictus, adversæque fortunæ inexpertus, *in discrimen detulisset*: non plus sibi a fortuna tributum habebat, quam romani duces; Stroth. — *Quorum suo quisque fato*, etc. quorum unusquisque sibi viveret, sibi moreretur, ita ut ex vita ejus, aut morte nihil discriminis respublica sentiret, nihil detrimenti caperet. Ed.

CAP. XIX. 1. *Censebantur ejus ætatis lustris*, etc. Proximus census, qui a Livio refertur, inf. occurrit, X, 47; ubi censa capitum *millia ducenta sexaginta duo trecenta viginti duo* haud longe absunt a numero liviano hujus loci. Et tamen inter hunc annum et censum ibi memoratum vix tantum viginti quatuor anni intersunt; unde fit, ne numerus hio editus mendæ suspectus esse possit. Confer Drak. ad

latini nominis, urbano prope delectu decem scribebantur legiones. Quaterni quinque exercitus sæpe per eos annos in Etruria, in Umbria, Gallis hostibus adjunctis, in Samnio, in Lucanis gerebant bellum. Latium deinde omne cum Sabinis et Volscis et Æquis et omni Campania et parte Umbriæ Etruriæque et Picentibus et Marsis Pelignisque, ac Vestinis atque Apulis, adjunctaque omni ora Græcorum inferi maris a Thuriis, Neapolim et Cumas, et inde Antio atque Ostiis tenus Samnites, aut socios validos Romanis, aut fractos bello invenisset hostes. Ipse trajecisset mare, cum veteranis Macedonibus, non plus triginta millibus hominum, et quatuor millibus equitum, maxime Thessalorum: hoc enim roboris erat. Persas, Indos, aliasque si adjunxisset gentes, impedimentum majus, quam auxilium traheret. Adde, quod Romanis ad manum domi supplementum esset². Alexandro (quod postea Hannibali accidit) alieno in agro bellanti,

hunc locum. Ed. — *Decem scribebantur legiones.* Decem legionum ex urbano exercitu mentio est lib. VII, 25; at lib. VIII, 8, tantum quatuor legionum urbani exercitus meminit, quatuor item Latinorum; nec satis liquet, in tanta urbis necessitate cur non meminerit etiam decem legionum. Præterea L. Lentulus, quum duo consulares exercitus apud Caudium obsiderentur, quos ego quatuor intelligo legiones, auctoribus Polybio, Dionysio Halic. ac Vegetio, fatetur, IX, 4, illic patriam esse, et quicquid rom. legionum, etc. Et Antiochum magnum quatuor legiones vicere. Quanquam ea rhetorica arte excusationem habent, lectoris tamen suspensus manet. Vide Glar. ad hunc locum. Ed. — *Latium deinde omne cum Sabinis... atque Apulis, et Samnites, adjuncta omni ora Græcorum*

inferi maris a Brutiis (populo inferi maris, nondum perdomito, nec societate Romanis juncto: non *Thuriis*, qui ad sinum tarentinum pertinent, et inter quos Græcosque inferi maris Romanorum socios multi erant tum populi interjecti, quibus nihil cum Romanis) *Neapolim et Cumas* (oppida græcæ originis: unde h. l. appellantur, quum jam nominata sit Campania) *et inde Antio atque Ostiis tenus* (hoc est, junctis qui sunt, vel porriguntur inde a Cumis sine Antii et Ostiæ, ut erant Aurunci, vel Ausones, et Rutuli, aliquando a vetere Latio divisi; non *Samnites*, quibus hic locus non est), *aut socios*, etc. emend. Gron. « At unde librario *Thurii*? Qui, etsi in sinu tarentino, latius tamen *inferi maris ora* accipi potest »; Bauer. De *Thuriis* vide ad X, 2, n. 2.

2. *Romanis ad manum domi sup-*

exercitus consenuisset. Arma, clypeus, sarissæque illis: Romano scutum, majus corpori tegumentum; et pilum, haud paulo, quam hasta, vehementius ictu missuque telum; statarius uterque miles, ordines servans: sed illa phalanx immobilis, et unius generis; romana acies distinctior, ex pluribus partibus constans: facilis partienti quacumque opus esset, facilis jungenti³. Jam in opere quis par Romano miles? quis ad tolerandum laborem melior? Uno prælio victus Alexander, bello victus esset⁴. Romanum, quem Caudium, quem Cannæ non fregerunt, quæ fregisset acies? Næ ille sæpe, etiamsi prima prospere evenissent, Persas et Indos, et imbellem Asiam quæsisset⁵, et cum

plementum esset, vide ad V, 20, n. 1. — *Exercitus consenuisset*; vide ad I, 22, n. 3. — *Sarissa* hasta longior Macedonum. Cf. XXXI, 39; XXXII, 17; XXXIII, 8; XXXVII, 42; XXXVIII, 7; XLIV, 40. Confer Heins. et Burm. ad Ovid. Metam. XII, 466. Hinc phalanx, seu phalangitæ *Sarissophori*, *Macedonum robur*, XXXVI, 18, n. 3. De forma sarissarum, quæ olim XVI, et postea XIV cubitorum erant, vide loc. class. Polyb. XVIII, 12. Hinc *immobiles longitudine et gravitate hastæ* dicuntur XLIV, 41. — *Pilum*, vel majus, vel minus; pili majoris tam lignum quam ferrum tricubitale erat, ita tamen, ut dimidia ferri pars ligno infixæ esset; vide ad Sil. IV, 550, loc. class. Polyb. VI, 23, 8 seq. et Dionys. Hal. 5; Lips. Mil. rom. III, 4. Mox *ordines servans* forsan glossa est, utpote manifesta explicatio τοῦ *statarius miles*, qui opponitur varie discurrentibus velitibus, et levi armaturæ; Stroth. Sic et *statarius* XXII, 18, n. 3, et *stataria pugna*, de qua vide ad VI, 12, n. 7. — *Statarius uterque miles, ordines servans*; forte *utrique*, vel

utrimque: sed non urgeo; Bauerus.

3. *Illæ phalanx immobilis* (confer XXXIII, 9) *et unius generis*, non manipulatim, neque, ut *romana acies*, ex pluribus partibus, hastatis, principibus et triariis, *constans*, et per hos divisa (conf. ad VIII, 8, n. 1): *facilis partienti, quacumque parte opus esset, facilis jungenti* eam, h. e. ad partendum et jungendum, ut fere colloquium in secreto habitum et hinc liberum fingenti, ad fingendum XXX, 32, n. 4, et XXVI, 38, n. 8. De incommodis phalangis conf. XXXI, 39; XXXIII, 9; XLI, 37, 40; inpr. Polyb. XVIII, 12-16, et simil. locus inf. XLIV, 41.

4. *Bello victus esset*, devictus, debellatus.

5. *Imbellem Asiam quæsisset*, desiderasset (*vermissen*), iterum sibi optasset. *Quærere et requirere* passim designant desiderium rei absentis, vel amissæ, quam recuperare cupimus. Sic *quærere occasionem omissam et prætermisam* XXV, 38, n. 8; XXXI, 15, n. 2; *socium Philippum* XXXI, 29; *licentiam* II, 3, n. 1. Cf. Intpp.

feminis sibi bellum fuisse⁶ dixisset : quod Epiri regem Alexandrum mortifero vulnere ictum dixisse ferunt, sortem bellorum in Asia gestorum ab hoc ipso juvene cum sua conferentem. Equidem quum per annos quatuor et viginti, primo punico bello classibus certatum cum Pœnis recordor, vix ætatem Alexandri suffecturam fuisse reor ad unum bellum; et forsitan quum et foederibus vetustis juncta punica res⁷ romanæ esset, et timor par adversus communem hostem, duas potentissimas armis virisque urbes armarer, simul punico romanoque obrutus bello esset. Non quidem Alexandro duce, nec integris Macedonum rebus; sed experti tamen sunt Romani Macedonem hostem adversus Antiochum, Philippum, Persen, non modo cum clade ulla, sed ne cum periculo quidem suo. Absit invidia verbo, et civilia bella sileant, nunquam ab equite⁸ hoste, nunquam a pedite, nunquam aperta acie, nunquam æquis, utique nunquam no-

Virg. Æn. I, 217; Tibull. II, 3, 26, et Ovid. Met. II, 239.

6. *Cum feminis bellum sibi fuisse antea in Asia: unde Epiri regem Alexandrum (de quo v. VIII, 24) dixisse ferunt: se quidem ad Romanos ivisse, quasi in ἀνδρωτίτην, Macedonem Alexandrum isse ad Persas, quasi in γυναικωνίτην vide Gell. XVII, 21.*

7. *Fœderibus vetustis juncta punica res publica romanæ, vide ad II, 8, n. 10, et VII, 27, n. 2. — Non quidem Alexandro; forte non Alexandro quidem: neque enim ita incipere quidem, aut præmitti solet ei, ad quod referatur; Bauer. — Absit invidia verbo (al. vero), ut XXVIII, 39, n. 4, et al. præfiscine dixerim, et nostrum: ohne Ruhm zu melden. Formula est malum omen ex nimia felicitatis suæ prædicatione avertentis; Stroth. Simi-*

liter XXII, 39, ominis tibi causa absit C. Flamini (qui temeritate sua periit, de quo v. XXII, 4 sq.) memoria, h. e. nolo mali ominis causa Flamini mentionem fecisse; Ern. Nolim pro malo omine memorasse Flaminium: quod inverse dictum pro: non adsit ut ominis causa, tanquam omen non adsit; Bauer.

8. *Nunquam ab equite hoste, etc. Hæc non possunt eo exponi sensu, ut Romani nunquam ab equitatu, peditate hostili victi fuisse dicantur; quum res ipsa clamet Romanos multis præliis victos esse. Hæc igitur fuisse videtur mens Livii: nunquam ob eam causam laboravimus, quod hostis aut equitatum, aut peditatum nostro meliorem haberet. Quod tamen non accurate verum esse probat ille Hannibalis equitatus longe romano superior,*

stris locis laboravimus. Equitem, sagittas, saltus impeditos⁹, avia commeatibus loca, gravis armis miles timere potest: mille acies, graviores quam Macedonum atque Alexandri, avertit, avertetque; modo sit perpetuus hujus, qua vivimus, pacis amor, et civilis cura concordiae.

XX. M. Foslius Flaccinator inde, et L. Plautius Venno consules facti. Eo anno ab frequentibus Samnitium populis de foedere renovando legati quum senatum humi strati movissent, rejecti ad¹ populum, haudquaquam tam efficaces habebant preces. Itaque, foedere negato, induciae biennii, quum per ali-

ipso teste Livio, XXI, 47, et XXVI, 38. Hic nempe deflexit nostrum a vero nimis patriae laudis amor; quoniam enim modo qui Allienis Cannensisque cladium meminerit, jactare potest Romanos nunquam aperta acie laborasse? Ed. — *Nunquam æquis, utique nunquam nostris locis laboravimus*; vid. ad I, 56, n. 10; II, 30, n. 1, et III, 31, n. 1. « At quid sunt *loca nostra*? Opportunane? Hæc sunt *æqua*. An romana, italica? Ubi ergo Cannæ, aut Trasimenus? Omnino jactantiae crimen, vix est, quin subeat h. loc. noster: nam æquis quoque locis a Romanis laboratum est; raro tamen. Forte delendum *nunquam*, et *æquis utique nostris* jungendum; » Bauer. *Loca æqua* sunt commoda hostibus non minus, quam Romanis, *nostra* solis Romanis opportuna. Quum tamen sæpius Romani victi sint, Livium nunquam sibi persuasurum, id semper iniquis locis, vel ex insidiis accidisse, eumque studio extollendi romana temere prolapsam, ut hoc diceret, monent Duk. et Drak. Verum Livius non negat, Romanos sæpius victos esse, quod potius cap. præc. ipse fatetur, sed eos unquam

laborasse ab hostibus; de quo vide ad III, 31, n. 1. — *Equitem et sagittas miles romanus timere potest*, ut apud Hor. Od. II, 13, 17 (ubi cf. Mitscherl.), *Miles sagittas et celerem fugam Parthi perhorrescit*: nam ad Parthos etiam Livii verba spectant. Hi a Romanis maxime timebantur, Crasso Antonioque victis: unica vero equitatu valebant, et fugam simulantes hostem temere persequentem vel in insidiis trahere solebant, vel *sagittis* retro missis, equisve repente versis *petere*. Cæterum et hæc verba non repugnare crediderim superioribus *nunquam ab equite hoste laboravimus* (vide ad III, 31, n. 1). — De his omnibus confer luculentum *ἔργον* opus, cui gallice titulus est: *Examen critique des historiens d'Alexandre, par Saint-Croix*, pag. 478. Ed.

9. *Saltus impeditos*, ut caudinos et teutoburgienses. — *Avia commeatibus loca*, in quibus non nisi difficulter et longe petiti commeatus suppetere possunt, quod *militi armis gravi periculum* erat; Drak.

CAP. XX. 1. *Rejecti ad populum*, vide ad II, 22, n. 4.

quot dies fatigassent singulos precibus, impetratæ. Et ex Apulia Teanenses Canusinique populationibus fessi, obsidibus L. Plautio consuli datis, in deditionem venerunt. Eodem anno primum præfecti Capuæ creati cœpti, legibus ab L. Furio prætore datis²; quum utrumque ipsi pro remedio ægris rebus discordia intestina petissent: et duæ Romæ additæ tribus³, Ufentina ac Falerina. Inclinatorum semel in Apulia rebus, Teates quoque Apuli ad novos consules, C. Junium Bubulcum, Q. Æmilium Barbulam, fœdus petatum ve-

2. Eodem anno præfecti Capuæ creati cœpti, legibus ab L. Furio Camillo prætore datis; conf. XXIII, 7, n. 4; XXVI, 16; XXXII, 2. Præfectura dicebatur Italiæ civitas, vel oppidum, quod nec leges nec magistratus suos habebat, sed ab uno, pluribusve præfectis, vel suffragiis populi creatis, vel a prætore urbano quotannis Romam missis, administrabatur; vid. Festum, Sigon. ant. jur. ital. II, 10 sq. Cujac. Obs. XI, 24. Sed bello demum hannibalicò Capua in formam præfecturæ redacta est; vide XXVI, 16. Itaque præfectus forte h. l. et prætor XXIII, 7, dicitur summus Campanorum magistratus, qui eorum lingua *Medixtuticus* vocabatur (vide XXVI, 6), quique non Romæ a populo designatus Capuam mitteretur, sed Capuæ crearetur ex ipsis Campanis, arbitrio forsitan Romanorum, quum discordiæ intestinæ causa inter ipsos non conveniret. Si tamen Romæ creatum, adeoque cum Gron. e pluribus MSS et edd. ant. Capuam (hoc est, qui Capuam mitterentur) legendum esse, verius videtur; ex ipsis Campanis tamen creatum esse putabo. Certe Campani erant Pacuvius Calavius summus Capuæ magistratus et Marius Blossius prætor campanus, XXIII, 2, n. 7.

Quin etiam Camillus Peregr. in Camp. fel. diss. IV, p. 513, præfectum Capuæ creatum et leges a prætore datas arctæ amicitie et amicæ societatis effectum, non penam, aut legem deditionis fuisse observat. — Drak. Confer ad XXXII, 2, n. 3. — Capuæ. Andreas, quinque e nostris codd., quatuor a Gronovio allegati, et alii plures, quorum meminuit Drakenb. Capuam habent; longe elegantius et clarius, ut intelligas creatos fuisse præfectos, qui Capuam mitterentur; quominus tamen ea in contextum lectio recipiatur, videtur obstare quod non hoc tempore, sed bello demum punico secundo Capuæ in formam præfecturæ redacta fuerit. Conf. Drak. ad hunc loc. Ed.

3. Duæ Romæ additæ tribus. Tuneque una et triginta tribus factæ. Vide VIII, 17. Ufentina, sive Oufentina, ab Ufente, sive Oufente fluvio in Volscis, qui non longe a Terracina in mare labitur. Vide Festum. Falerina, ab agro falerno, ut videtur. Ed. — Inclinatorum semel in Apulia rebus; vide ad III, 16, n. 4, et IX, 12, n. 2. — Teates Apuli forte non iidem, qui paulo ante Teanenses (Teani Apuli incolæ) dicuntur, et jam fœdus petatum impetraverant; nisi forte nunc pacis per omnem Apuliam præstandæ

nerunt, pacis per omnem Apuliam præstandæ populo romano auctores⁴; id audacter spondendo impetravere; ut foedus daretur: neque ut æquo tamen foedere, sed ut in ditione populi romani essent. Apulia perdomita (nam Forento quoque⁵ valido oppido Junius potitus erat) in Lucanos perrectum: inde repentino adventu Æmilii consulis, Nerulum vi captum. Et postquam res Capuæ stabilitas romana disciplina, fama per socios vulgavit; Antiatibus quoque, qui se sine legibus certis, sine magistratibus agere querebantur, dati ab senatu ad jura statuenda ipsius coloniæ patroni: nec arma modo, sed jura etiam romana late pollebant.

XXI. C. Junius Bubulcus, et Q. Æmilius Barbula consules, exitu anni non consulibus ab se creatis, Sp. Nautio, et M. Popillio, cæterum dictatori¹ L. Emilio legiones tradiderunt. Is cum L. Fulvio magistro equitum Saticulam oppugnare adortus, rebellandi causam dedit. Duplex inde terror illatus Romanis; hinc Samnis, magno exercitu coacto ad eximendos ob-

auctores eos venisse cum Sigon. credideris. Teate Marrucinorum opp. ab h. l. alienum est, et inde Teatini dicuntur. Theates et supra Theanenses in multis MSS. Cannenses Canusinique (qui vicini erant populi) supra conj. Gron. et h. l. Teanenses, vel potius Teanite (confer Polyb. III, 91, 5), vel Teanates, ut Arpinates, Antiates, Casinates, Privernates. — Teanenses conjiciebat Doujatius, a Teana Apulie oppido, vel Uriates ab Uria ejusdem regionis, sub monte Gargano. Ed.

4. Pacis per omnem Apuliam præstandæ populo romano auctores, promittentes spondentesque, se pacem effecturos esse. Conf. ad II, 48, n. 7. — Neque ut æquo tamen foedere, sed ut

in ditione p. r. essent. Cf. VII, 30, n. 2.

5. Forento quoque; vide ad c. 16, n. 2. — Agere; vide ad VII, 24, n. 2. — Coloniæ patroni. Urbes enim, ac postea, aucto imperio, provinciæ etiam et regna patronos Romæ habebant. Ed.

CAP. XXI. 1. Cæterum dictatori, pro sed dictatori, ut cap. 27, 46; X, 5; XXVIII, 11, al. Stroth. — Elegans est cæterum post non, aliamve negationem, pro sed. Nostri loc. l. adde illud Curt. IV, 8: Cupido, haud injusta quidem, cæterum intempestiva, incesserat. Quin et, licet non præcesserit negatio, tamen eo sensu usurpari docuit Freinshemius in indice Flori ad hanc vocem. Ed.

sidione socios, haud procul castris Romanorum castra posuit; hinc Saticulani magno cum tumultu, patefactis repente portis, in stationes hostium incurrerunt. Inde pars utraque, spe alieni magis auxilii, quam viribus freta suis, justo mox praelio inito Romanos urgent; et quanquam anceps dimicatio erat, tamen utrimque tutam aciem dictator habuit: quia et locum haud facilem ad circumveniendum cepit, et² diversa statuit signa: infestior tamen in erumpentes incessit; nec magno certamine intra moenia compulit. Tum totam aciem in Samnites obvertit; ibi plus certaminis fuit; victoria sicut sera, ita nec dubia, nec varia fuit. Fusi in castra Samnites, extinctis nocte ignibus, tacito agmine abeunt: et spe abjecta Saticulae tuendae, Plistiam ipsi socios Romanorum³, ut parem dolorem hosti redderent, circumsidunt.

XXII. Anno circumacto, bellum deinceps ab dictatore Q. Fabio gestum est. Consules novi, sicut superiores, Romae manserunt¹: Fabius ad accipiendum ab Emilio exercitum, ad Saticulam cum supplemento venit²; neque enim Samnites ad Plistiam manserant: sed, accitis ab domo novis militibus, multitudine freti, castra eodem, quo antea, loco posuerunt: lacessentesque praelio Romanos avertere ab obsidione conabantur. Eo intentius dictator in moenia hostium versus, id bellum tantum ducere³ quod urbem oppugnabat:

2. *Diversa statuit signa*, ad utramque partem contrariam, versam aciem; Str.—*Diversa saepe dicuntur adversa et contraria*; vide ad Tac. Annal. II, 60, n. 2.

3. *Plistiam... socios Romanorum*; vide ad III, 47, n. 1, et X, 3, n. 6.

CAP. XXII. 1. *Consules novi... manserunt*; vide ad cap. 15, n. 7. — *Consules novi*, Papirius Cursor quartum,

Q. Publilius Philo quartum, memorati Fastis Capitolinis, Diodoro, lib. XIX et aliis. Horum nomina per librarium incuriam deesse videntur, non ipsius Livii, qui in nominibus consulum reddendis diligens est. Ed.

2. *Ad Saticulam cum supplemento venit*; conf. ad VIII, 1, n. 1.

3. *Id bellum tantum ducere*, existimabat, pro bello habebat, in eo tantum

securior ab Samnitibus agere, stationibus modo oppositis, ne qua in castra vis fieret. Eo ferocius adequitare Samnites vallo, neque otium pati; et quum jam prope in portis castrorum esset hostis, nihil consulto dictatore, magister equitum Q. Aulius Cerretanus, magno tumultu cum omnibus turmis equitum evector, summovit hostem; tum in minime pertinaci genere pugnae, sic fortuna exercuit opes⁴, ut insignes utrimque clades, et clara ipsorum ducum ederet funera. Prior Samnitium imperator, aegre patiens quo tam ferociter adequitasset, inde se fundi fugarique, orando hortandoque equites praelium integravit; in quem insignem inter suos cientem pugnam, magister equitum romanus infesta cuspide ita permisit equum⁵, ut uno ictu exanimem equo praecipitaret: nec, ut fit, ad ducis casum percussa magis, quam irritata est multitudo. Omnes, qui circa erant, in Aulium temere invectorum per hostium turmas tela conjecerunt: fratri praecipuum decus ulti Samnitium imperatoris dederunt; is victorem detractum ex equo magistrum equitum, plenus mœroris atque iræ trucidavit: nec multum abfuit, quin corpore etiam, quia inter hostiles ceciderat turmas, Samnites potirentur. Sed extemplo ad pedes descendens ab Romanis est, coactique idem Samnites facere; et repentina acies circa corpora ducum pe-

omne bellum positum putabat, ut urbem oppugnaret. Samnitium exercitum contemnebat. Sic XXVIII, 32, Scipio milites adhortans ait, *immemorem esse rerum suarum gestarum, qui id bellum ducat*. Olim hic legebatur *tanti* in omnibus fere MSS inepte. Correxerit ex conjectura Gronovius. Ed. — *Adequitare Samnites vallo*, alii *obequitare*. Conf. ad XXIV, 31, n. 4.

4. *Sic fortuna exercuit opes*, ita vim

suam exeruit, seu ostendit; Str. Imo: sic exercuit et perdomuit *opes*, h. e. hostiles copias, utrumque exercitum; Doering.

5. *In quem...cientem pugnam* (v. ad I, 12, n. 2) *infesta cuspide ita permisit equum*; vide ad I, 13, n. 2, et II, 56, n. 1. — *Fratri, scilicet imperatoris Samnitium; dederunt*, penes eum esse voluerunt; *deditum* conjic. Walch. Emend. Liv. p. 75. Ed.

destre prælium iniit, quo haud dubie superat Romanus: recuperatumque Aulii corpus, mixta cum dolore lætitia, victores in castra referunt. Samnites, duce amisso, et per equestre certamen tentatis viribus, omissa Saticula, quam nequicquam defendi rebantur, ad Plistiæ obsidionem redeunt: intraque paucos dies Saticula Romanus per deditionem, Plistia per vim Samnis potitur.

XXIII. Mutata inde belli sedes est; ad Soram ex Samnio Apuliaque traductæ legiones: Sora ad Samnites defecerat¹, interfectis colonis Romanorum; quo quum prior romanus exercitus, ad ulciscendam civium necem recuperandamque colouiam, magnis itineribus prævenisset, et sparsi per vias speculatores, sequi legiones Samnitium, nec jam procul abesse, alii super alios nuntiarent; obviam itum hosti, atque ad Lautulas ancipiti prælio dimicatum est; non cædes, non fuga alterius partis, sed nox incertos, victi victoresne essent, diremit. Invenio apud quosdam, adversam eam pugnam Romanis fuisse, atque in ea cecidisse Q. Aulium, magistrum equitum. Suffectus in locum Aulii C. Fabius magister equitum, cum exercitu novo ab Roma advenit; et per præmissos nuntios consulto dictatore, ubi subsisteret, quove tempore, et qua ex parte hostem aggrediretur, substitit occultus, ad omnia satis exploratis consiliis². Dictator, quum per aliquot

CAP. XXIII. 1. *Sora ad Samnites defecerat*, etc.; conf. Diodor. XIX, p. 710, 711. — *Quo quum prior... prævenisset*, ut prius præcipere XXI, 32; *consilia ante tempus immatura præcipere* XXII, 38, n. 6; *prius præmeditari* XXXVIII, 3; *ante præcogitare* XL, 4; *ante præmeditari* XI, 23; *ante præoccupare* XXI, 20; XLII, 47; *prior prægressus* XXVII, 12 pr.

Confer ad II, 45, n. 10; XXXVI, 17, n. 6. — *Ad Lautulas ancipiti prælio dimicatum est*; vidè Diodor. loc. sup. laud. — *Invenio apud quosdam*, etc. Inter eos qui rem a Romanis male fuisse gestam, Auliumque magistrum equitum in acie cecidisse referunt, est etiam hodie supra memor. Diodor. lib. XIX, pag. 711. Ed.

2. *Satis exploratis consiliis* dictato-

dies post pugnam continuisset suos intra vallum, obsessi magis quam obsidentis modo, signum repente pugnae proposuit; et efficacius ratus ad accendendos virorum fortium animos, nullam alibi, quam in semetipso cuiquam relictam spem, de magistro equitum novoque exercitu militem celavit; et tanquam nulla nisi in eruptione spes esset; « Locis, inquit, angustis, « milites, deprehensi³, nisi quam victoria patefecerimus, viam nullam habemus. Stativa nostra munito satis tuta sunt, sed inopia eadem infesta; « nam et circa omnia defecerunt, unde subvehi commeatu poterant: et si homines juvare velint, iniqua « loca sunt. Itaque non frustrabor ego vos⁴, castra hic « relinquendo, in qua infecta victoria, sicut pristino « die, vos recipiatis; armis munimenta, non munitis arma tuta esse debent, castra habeant repetantque, quibus operae est trahere bellum⁵: nos om-

ris. — *Signum repente pugnae proposuit*; vide ad VI, 8, n. 1. — *Nullam alibi, quam in semetipso*, etc.; ex *semetipso* Voss. 2 et Lovel. 1; a *semetipso* Leid. 1. Sed nihil mutandum. Infra XXXIX, 31, in illis spem omnem vincendi, et retinendae Hispaniae esse; XL, 32, postquam receptus pulsis nullus erat, nec usquam, nisi in certamine, spes. Ed. — *De magistro equitum celavit*. Quibusdam constructio sibi minus nota displicuit, quae tamen saepe apud Ciceronem occurrit; pro Dejot. tap. 6, *de insidiis celare te voluit*; pro Cluent. c. 66, *non est profecto de illo veneno celata mater*; pro Sull. c. 13, *credo, iudices, celatum esse Cassium de Sulla uno*; Epist. ad Fam. VII, 20, *Bassus noster me de hoc libro celavit*; ibid. V, 2, *debes existimare te maximis de rebus a fratre esse celatum*. Ed.

3. *Locis angustis deprehensi*, repente et praeter opinionem oppressi; ut *deprehendi* tempestate subito ingruente XXI, 58, n. 5, et *deprehensi genere pugnae* (improvisio illati in talem pugnam, praeter opinionem ea oppressi et circumventi, gallice *surpris*; Bauerus); lib. XXXVIII, c. 21, n. 4. Conf. ad XXII, 29, n. 1; XXVIII, 30, n. 4; et Mitscherl. ad Hor. Od. II, 16, n. 2. — *Infesta*, contr. *roû tuta*. Conf. ad I, 7, n. 7.

4. *Itaque non frustrabor ego vos*, exspectationem et spem, quam forte reposuistis in castris hic relinquendis. — *Pristino die*, non placere potest Klockii conjectura qui ex Gell. X, 24 legere jubebat: *die pristini*; quod Livio in usu fuisse aliunde non constat; vide ad IV, 32, n. 5. Ed.

5. *Quibus operae est trahere bellum*; conf. ad I, 24, n. 10, et II, 61,

« nium rerum respectum, præterquam victoriæ, nobis
« abscindamus. Ferte signa in hostem: ubi extra val-
« lum agmen excesserit, castra quibus imperatum est
« incendant: damna vestra, milites, omnium circa
« qui defecerunt populorum præda sarcientur. » Ea
oratione dictatoris, quæ necessitatis ultimæ index erat,
milites accensi, vadunt in hostem: et respectus ipse
ardentium castrorum, quanquam proximis⁶ tantum
(ita enim jusserat dictator) ignis est subditus, haud
parvum fuit irritamentum. Itaque velut vecordes illati
signa primo impetu hostium turbant; et in tempore,
postquam ardentia procul vidit castra magister equi-
tum (id convenerat signum), hostium terga invadit;
ita circumventi Samnites, qua potest quisque fugam
per diversa petunt⁷. Ingens multitudo in unum metu
conglobata ac semetipsam turba impediens⁸, in medio
cæsa. Capta hostium castra, direptaque; quorum præda
onustum militem in romana castra dictator reducit;
haudquaquam tam victoria lætum, quam quod præter
exiguam deformatam incendio partem, cætera contra
spem salva invenit.

XXIV. Ad Soram inde reditum, novique consules
M. Poetelius, C. Sulpicius exercitum ab dictatore Fa-
bio accipiunt; magna parte veterum militum dimissa,
novisque cohortibus in supplementum adductis. Cæ-
terum quum propter difficilem urbis situm¹ nec oppu-
gnandi satis certa ratio iniretur, et aut tempore lon-

n. 6. — *Omnium rerum respectum*;
conf. ad XXI, 44, n. 6.

6. *Proximis tantum castris*, hoc est,
castrorum locis. Conf. cap. extr.

7. *Fugam per diversa (loca) pe-
tunt*; cf. I, 25, n. 7, et III, 60, n. 1.

8. *Semetipsam turba impediens, in
medio cæsa*; vide ad VI, 8, n. 2.

CAP. XXIV. I. *Propter difficilem
urbis situm*, h. e. qui faciebat, ut non
sine magna difficultate adiri et expu-
gnari posset urbs, quippe quæ rupibus
munita erat. « Sic *urbs, via, aditus,
scopulus* et res aliæ cum difficultate
superandæ dicuntur *difficiles*. » Doer.
ad Ov. Fast. II, 727, in Eclog. poet.

ginqua, aut præceps periculo victoria esset, Soranus transfuga clam ex oppido profectus, quum ad vigiles romanos penetrasset, duci se extemplo ad consules jubet, deductusque traditurum urbem promittit. Visus inde (quum, quonam modo id præstaturus esset, percunctantes doceret) haud vana afferre, perpulit prope adjuncta mœnibus romana castra ut sex² millia ab oppido removerentur: fore ut minus intentæ in custodiam urbis diurnæ stationes ac nocturnæ vigiliæ essent; ipse insequenti nocte sub oppido silvestribus locis cohortibus insidere jussis, decem milites delectos secum per ardua ac prope invia, in arcem ducit; pluribus quam pro numero virorum³ missilibus telis eo collatis. Ad hæc saxa erant, et temere jacentia, ut fit, in aspretis, et de industria etiam, quo locus tutior esset, ab oppidanis congesta. Ubi quum constituisset Romanos⁴, semitamque angustam et arduam, erectam ex oppido in arcem ostendisset: « Hoc quidem ascensu, inquit, vel tres armati quamlibet multitudinem arcuerint. Vos et decem numero, et quod plus est, Romani, Romanorumque fortissimi viri estis; et locus pro vobis, et nox erit, quæ omnia ex incerto majora territis ostentat. Ego jam terrore omnia implebo: vos arcem intenti tenete. » De-

— Mox periculo eadem ratione cognato præceps additur, ac tempore τῷ longinqua, ut exacte sibi respondeant membra: simul vero τῷ præceps inesse videtur notio τῷ maturata; Str.

2. Sex millia, scilicet passuum; ut c. 44, 45; X, 25, 27 al. — Ut minus intentæ in custodiam urbis, etc. ad Portag. Gaertn. et Haverck. Ita II, 18: ut intentiores essent ad dicto parendum; III, 8: instructum et ad certamen intentum; X, 43: partem copiarum

revocare instructam intentamque ad oppugnandum; XXIV, 19: intento consule ad oppugnandum Casilinum; et alibi. Verum etiam intentus in aliquid Livio frequens; id igitur quum in optimæ fidei codd. et reliquis aliis constanter supersit, nihil mutandum recte judicavit Drakenborch. Ed.

3. Pluribus, quam pro numero virorum, vide ad VII, 33, n. 2.

4. Constituisset Romanos, statuisset, stitisset; v. infra ad lib. XXVII, c. 16.

currit inde quanto maxime poterat cum tumultu, « ad arma, et pro vestram fidem, cives! clamitans, arx ab hostibus capta est, ite, defendite. » Hæc incidens principum foribus, hæc obviis, hæc excurrentibus in publicum pavidis increpat⁵. Acceptum ab uno pavorem plures per urbem ferunt: trepidi magistratus, missis ad arcem exploratoribus, quum tela et armatos tenere arcem multiplicato numero audirent, avertunt animos a spe recuperandæ arcis. Fuga cuncta complentur, portæque ab semisomnis, ac maxima parte inermibus refringuntur: quarum per unam præsidium romanum clamore excitatum irrumpit, et concursantes per viam pavidos cædit. Jam Sora capta erat, quum consules prima luce advenere; et quos reliquos fortuna ex nocturna cæde ac fuga fecerat, in deditionem accipiunt. Ex his ducentos viginti quinque, qui omnium consensu destinabantur⁶ et infandæ colonorum cædis, et defectionis auctores, vinctos Romam deducunt: cæteram multitudinem incolumem, præsidio imposito, Soræ relinquunt. Omnes, qui Romam deducti erant, virgis in foro cæsi, ac securi percussi summo gaudio plebis: cujus maxime intererat, tutam ubique, quæ passim in colonias mitteretur, multitudinem esse.

XXV. Consules ab Sora profecti, in agros atque urbes Ausonum bellum intulerunt: mota namque omnia adventu Samnitium, quum apud Lautulas dimicatum est, fuerant, conjurationesque circa Campa-

5. *Excurrentibus in publicum pavidis increpat*; confer ad II, 24, n. 6; et III, 3, n. 1. — *Portæ...refringuntur, rescinduntur* conjiciebat Gebhardus; male. *Refringere* Livio in hac re proprium est. Infra X, 10: *porta refracta, consul exercitusque romanus sine certamine urbem invasere*; XXIII,

18: *moliri portas et claustra refringere parat*; XXV, 9: *vigiles obtruncant, refringuntque portam maximam*; confer et *ibid.* cap. 24 et 25; Ovid. *Metam.* VI, 597. Ed.

6. *Omnium consensu destinabantur, putabantur esse et i. c. cædis, et defectionis auctores, ut XXXIII, 28, n. 2.*

niam passim factæ; nec Capua ipsa crimine caruit: quin Romam quoque et ad principum quosdam inquirendos ventum est¹: cæterum Ausonum gens² prodicione urbium, sicut Sora, in potestatem venit. Ausona, et Minturnæ, et Vescia, urbes erant: ex quibus principes juventutis duodecim numero in prodicionem urbium suarum conjurati ad consules veniunt: docent, *suos jampridem; exoptantes Samnitium adventum, simul ad Lautulas pugnatum audierunt, pro victis Romanos habuisse, juventute et armis Samnites juvisse: fugatis inde Samnitibus, incerta pace agere, nec claudentes portas Romanis, ne arcessant bellum, et obstinatos claudere, si exercitus admoveatur. In ea fluctuatione animorum, opprimi incautos posse.* His auctoribus mota propius castra, missique eodem tempore circa tria oppida milites; partim armati, qui occulti propinqua mœnibus insiderent loca; partim togati³, tectis veste gladiis, qui sub lucem apertis portis urbes ingrederentur. Ab iis simul custodes trucidari cœpti, simul datum signum armatis, ut ex insidiis concurrerent: ita portæ occupatæ, triaque oppida eadem hora, eodemque consilio, capta. Sed quia absentibus ducibus impetus est factus, nullus modus cædibus fuit; deletaque Ausonum gens, vix certo defectionis crimine, perinde ac si internecivo bello certasset.

XXVI. Eodem anno, prodito hostibus romano præsidio, Luceria Samnitium facta: nec diu proditoribus

CAP. XXV. 1. *Nec Capua ipsa crimine caruit: quin Romam quoque et ad principum quosdam inquirendos ventum est;* verba obscuriora, quæ cap. seq. explicantur: sed e duobus MSS leg. *inquirendo*; Stroth. Copulam et delendum putat Doer.

2. *Ausonum gens*, de cujus variis in Italia sedibus vide Heynii Exc. 4, ad Virg. Æn. VII. — *Vescia*, vide ad VIII, 11, n. 3. Mox forte leg. *pugnatum audierint*.

3. *Partim armati... partim togati*, vide ad III, 50, n. 1.

impunita res fuit. Haud procul inde exercitus romanus erat : cujus primo impetu urbs, sita in plano, capitur. Lucerini ac Samnites ad interneccionem cæsi : eoque ira processit, ut Romæ quoque, quum de colonis mittendis Luceriam consuleretur senatus, multi delendam urbem censerent. Præter odium, quod execrabile in his captos erat¹, longinquitas quoque abhorrere a relegendis tam procul ab domo civibus inter tam infestas gentes cogebat : vicit tamen sententia, ut mitterentur coloni : duo millia et quingenti missi. Eodem anno, quum omnia infida Romanis essent, Capuæ quoque occultæ principum conjurationes factæ : de quibus quum ad senatum relatum esset, haudquaquam neglecta res est ; quæstiones decretæ, dictatoremque quæstionibus exercendis dici placuit. C. Mænius dictus : is M. Foslium magistrum equitum dixit. Ingens erat magistratus ejus terror ; itaque sive timore ejus, seu conscientia, Calavios, Ovium, Noviumque² (ea capita conjurationis fuerant) priusquam nominarentur apud dictatorem, mors haud dubie ab ipsis conscita judicio subtraxit. Deinde, ut quæstioni campanæ materia decessit³, versa Romam interpretando res : non nominatim, qui Capuæ, sed in univer-

CAP. XXVI. 1. *Præter odium, quod execrabile in his captos erat.* Quando initio hujus libri, cap. 2, Luceria Romanis amica esset, verisimile est fodere, non oppugnatione, Romanorum factam ; quod Livius tamen speciatim de hac urbe non meminit, de Apulio tamen non omisit, anno 428. Deinde eadem urbs Samnitium facta est, videlicet in quam Samnites Romanorum obsides ponere non dubitarunt. Id autem intelligimus actum, dum ad Furculas Caudinas Romani obsidebantur, etiam Livius ne verbo qui-

dem meminerit. Rursus deinde Papirius Cursor cepit, sed quum ad Samnites rursus defecisset, hic secundo capitur. Ter igitur Romanorum fuit, sed bis capta. Ed. C. Mænius dictus dictator ; vide ad cap. 15, n. 5.

2. *Ovium Noviumque gentis Calaviæ prænom.* Confer cap. 7 pr.

3. *Deinde ut quæstioni campanæ materia decessit,* ubi per mortem principum conjurationis ulterius de conjuratione, Capuæ facta, inquirendi defuit materia, *Romam versa*, translata est res, causa, interpretando, sub hoc

sum, qui usquam coissent, conjurassentve adversus rempublicam, quæri senatum jussisse: et coitiones honorum adipiscendorum causa factas, adversus rempublicam esse: latiorque et re et personis quæstio fieri; haud abnuente dictatore sine fine ulla quæstionis suæ jus esse. Postulabantur ergo nobiles homines: appellantisque tribunos⁴ nemo erat auxilio, quin nomina reciperentur⁵. Inde nobilitas, nec hi modo in quos crimen intendebatur, sed universi simul negare nobilium id crimen esse, quibus, si nulla obstetur fraude, pateat via ad honorem, sed hominum novorum. Ipsos adeo dictatorem magistrumque equitum reos magis, quam quæsitores idoneos ejus criminis esse: intelleturosque ita id esse, simul magistratu abissent. Tum enimvero Mænius, jam famæ magis quam imperii memor, progressus in concionem, ita verba fecit: « Et
« omnes anteactæ vitæ vos conscios habeo, Quirites,
« et hic ipse honos, delatus ad me, testis est innocen-
« tiæ meæ: neque enim quod sæpe alias, quia ita tem-
« pora postulabant reipublicæ, qui bello clarissimus
« esset, sed qui maxime procul ab his coitionibus
« vitam egisset, dictator deligendus exercendis quæ-
« stionibus fuit. Sed quoniam quidam nobiles homi-
« nes (qua de causa vos existimare⁶, quam me pro

prætextu, non nominatim. — Romæ quoque quæstiones haberi cœptæ, quum eam esse senatusconsulti vim dictator interpretaretur, ut sibi negotium datum esse diceret inquirere, non in eos nominatim, qui Capuæ, sed in eos omnes, qui usquam coissent, conjurassentve adversus rempublicam. ED. — *Sine fine ulla*, nullo certo fine et limite circumscriptum esse *jus quæstionis suæ*, seu inquirendi; Doer. — *Coitiones*, vide ad lib. III, 35, n. 10. —

Postulabantur, id. qd. accusabantur.

4. *Appellantibus tribunos*, vide ad II, 27, n. 2.

5. *Quin nomina reciperentur*, scilicet reorum a quæsitore, vel judice quæstionis, qui tum dictator erat. Ita sæpe nomina reorum ad prætorem deferri et ab eo recipi, seu accipi dicebantur, ut XXXVIII, 55, n. 3, al. — *Hominum novorum*, vide ad I, 34, n. 8.

6. *Qua de causa vos existimare*, vide ad lib. IV, cap. 15, n. 1.

« magistratu⁷ quicumque incompertum dicere melius
 « est) primum ipsas expugnare quæstiones omni ope
 « annisi sunt: dein, postquam ad id parum potentes
 « erant, ne causam dicerent, in præsidia adversa-
 « riorum, appellationem et tribuniciam auxilium, pa-
 « tricium confugerunt. Postremo repulsi inde (adeo om-
 « nia tutiora, quam ut innocentiam suam purgarent,
 « visa) in nos irruerunt, et privatis dictatorem po-
 « scere reum verecundiæ non fuit: ut omnes dii homi-
 « nesque⁸ sciant, ab illis, etiam quæ non possint, ten-
 « tari, ne rationem vitæ reddant; me obviam ire
 « crimini, et offerre me inimicis reum, dictatura me
 « abdicō. Vos, quæso, consules, si vobis datum ab se-
 « natu negotium fuerit, in me primum et hunc M. Fo-
 « siliam quæstiones exerceatis; ut appareat innocentia
 « nostra nos, non majestate honoris, tutos a crimina-
 « tionibus istis esse.» Abdicat inde se dictatura, et
 post eum confestim Fosilius magisterio equitum: pri-
 mique apud consules (iis enim ab senatu mandata
 res est) rei facti, adversus nobilium testimonia egregie
 absolvuntur. Publilius etiam Philo, multiplicatis sum-
 mis honoribus, post res tot domi belloque gestas,
 cæterum invisus nobilitati, causam dixit, absolutus-
 que est. Nec diutius, ut fit, quam dum recens erat,
 quæstio per clara nomina reorum viguit: inde labi
 coepit ad viliora capita, donec coitionibus factionibus-
 que, adversus quas comparata erat, oppressa est.

XXVII. Earum fama rerum, magis tamen spes cam-
 panæ defectionis, in quam conjuratum erat, Samnites
 in Apuliam versos, rursus ad Caudium revocavit: ut

7. Pro magistratu, vide ad II, 7,
 n. 4.— Dum gero personam magistra-
 tus, cujus gravitate indignum est quic-
 quam incompertum dicere. Eb. — Ip-

sas expugnare quæstiones, impedire.

8. Omnes dii hominesque, vide ad
 III, 17, n. 6. Mox etiam quæ non pos-
 sunt plurimi MSS prob. Doer.

inde ex propinquo, si qui motus occasionem aperiret¹, Capuam Romanis eriperent. Eo consules cum valido exercitu venerunt: et primo circa saltus, quum utrimque ad hostem iniqua via esset, cunctati sunt: deinde Samnites per aperta loca brevi circuitu in loca plana², campanos campos, agmen demittunt, ibique primum castra in conspectu hostibus data: deinde levibus praeliis, equitum sæpius quam peditum, utrimque periculum factum: nec aut eventus eorum Romanum, aut moræ, qua trahebant bellum, poenitebat. Samnitium contra ducibus, et carpi parvis³ quotidie damnis, et senescere dilatione belli vires suæ videbantur: itaque in aciem procedunt; equitibus in cornua divisis: quibus præceptum erat, intentiores ad respectum castrorum, ne qua eo vis fieret, quam ad prælium starent: aciem pediti tutam fore. Consul Sulpicius in dextro, Poetelius in lævo cornu consistunt: dextra pars, qua et Samnites raris⁴ ordinibus, aut ad circumeundos hostes, aut ne ipsi circumirentur, constiterant, latius patefacta stetit; sinistris, præ-

CAP. XXVII. 1. *Si qui motus occasionem aperiret*, al. *aperirent*.

2. *Per aperta loca brevi circuitu in loca plana*; confer ad I, 3, n. 8. Verba *campanos campos* delenda putabat Camill. Peregr. Diss. II, de Capua (loca enim plana esse, in quibus sita Suesula, ubi Samnites prius ad prælium provocaverint Romanos), et mox in *conspectum data* emend. Gron. — Se facile in Gronovii sententiam iturum proficitur Doujatius. Ita sup. III, 49: *Insequens dies hostem in conspectum dabit*; ubi tamen quidam codd. et edd. antiq. præferunt *in conspectu*; XXX, 13: *Rex vincitus in conspectum datus est*; Cic. in Verr. V, cap. 33: *Tum se tamen in conspectum nautis paulisper*

dedit. Cæterum non tantum *dare in conspectum* fuisse in usu, sed etiam in *conspectu* jam pridem docuit Burmann. ad Phæd. V, 2, v. 15. Ed. — *Poenitebat*; vide ad II, 54, n. 16.

3. *Et carpi parvis quotidie damnis, et senescere vires*; vide ad III, 5, n. 1, et I, 22, n. 3. — *Aciem peditum tutam fore* MS Helmst. prob. Gron. ut sensus sit: peditem ipsum per se solum satis tutam præstaturum aciem ex sese constantem. Parum interest. — *Consul Sulpicius in dextro, Poetelius, etc.*, pro: e consulibus, vel consulum alter, ut XXII, 40, n. 6; et *equitum Numidas XXIII, 29, n. 3. Consules alii*, quod non minus rectum; Duk.

4. *Raris ordinibus*, attenuatis, ut

terquam quod confertiores steterant, repentino consilio Pœtelii consulis additæ vires : qui subsidiarias cohortes ⁵, quæ integræ ad longioris pugnæ casus reservabantur, in primam aciem extemplo emisit, universisque hostem primo impetu viribus impulit. Commota pedestri acie Samnitium, eques in pugnam succedit, in hunc transverso agræ inter duas acies se inferentem romanus equitatus concitat equos : signaque et ordines peditum atque equitum confundit, donec universam ab ea parte avertit aciem. In eo cornu non Pœtelius solus, sed Sulpicius etiam hortator adfuerat; auctus ab suis nondum conserentibus manus ad clamorem ab sinistra parte prius exortum. Unde haud dubiam victoriam cernens, quum ad suum cornu tenderet cum mille ducentis viris, dissimilem ibi fortunam invenit : Romanos loco pulsos, victorem hostem signa in percultos inferentem. Cæterum omnia mutavit ⁶ repente consulis adventus; nam et conspectu ducis reffectus militum est animus : et, majus quam pro numero auxilium, advenerant fortes viri : et partis alterius victoria audita, mox visa etiam, prælium restituit. Tota deinde jam vincere acie Romanus, et, omisso certamine, cædi capique Samnités : nisi qui Maleventum ⁷, cui nunc urbi Beneventum nomen est, perfugerunt : ad triginta millia cæsa aut capta Samnitium, proditum memoriæ est.

XXVIII. Consules, egregia victoria parta, protinus

mox *latius patefactis*, quibus *confertiores* opponuntur, ut XXIII, 27.

5. *Subsidiarias cohortes*; vide ad II, 20, n. 2. — *Emisit*; vide ad X, 5, n.

4. — *Impulit*; vide ad I, 14, n. 8.

6. *Cæterum omnia mutavit*, etc.; confer c. 21, n. 1. — *Quorum omnia*, Harlei.; quæ, Hearn. Oxon. Ed.

7. *Maleventum*, a gravitate ventorum sic dictum (ita Procop. Goth. I, 15), cui nunc urbi Beneventum nomen est, inde ab anno Urbis 485, quo facta et colonia rom. et mall' ominis nomen commutatum. Confer Plin. III, 11, seu 16, et Festus voc. *Beneventum*, ubi vide quæ notavit Scalig.

inde ad Bovianum¹ oppugnandum legiones ducunt: ibique hiberna egerunt, donec ab novis consulibus L. Papirio Cursore² quintum, C. Junio Bubulco iterum, nominatus dictator C. Poetelius cum M. Foslio magistro equitum, exercitum accepit. Is quum audisset arcem Fregellanam ab Samnitibus captam, omisso Boviano ad Fregellas pergit. Unde nocturna Samnitium fuga, sine certamine receptis Fregellis, praesidioque valido imposito, in Campaniam reditum, maxime ad Nolam armis repetendam: eo se intra moenia, sub adventum dictatoris, et Samnitium omnis multitudo et Nolani agrestes, contulerant. Dictator, urbis situ circumspecto, quo apertior aditus ad moenia esset, omnia aedificia (et frequenter ibi habitabatur) circumjecta muris incendit. Nec ita multo post, sive a Poetelio dictatore, sive ab C. Junio consule (nam utrumque traditur), Nola est capta. Qui captæ decus Nola ad consulem trahunt, adjiciunt, Atinam et Calatiam, ab eodem captas³: Poetelium autem pestilentia⁴ orta clavi figendi causa dictatorem dictum. Suessa, et Pontia, eodem anno coloniæ deductæ sunt; Suessa Auruncorum fuerat: Volsci Pontias insulam sitam in conspectu litoris sui, incoluerant: et Interamna et

CAP. XXVIII. 1. *Ad Bovianum*, caput Samnitium Pentrorum, h. *Boiano*, ad radices Appennini; vide ad Silium Italicum, VIII, 566.

2. *L. Papirio Cursore V*; confer ad cap. 15, n. 7. — *C. Poetelius Libo Visolus dictator* etiam memoratur in tabulis Capitol. sed pro Foslio M. Poetelius Libo mag. eq., et a Diodoro lib. XIX; Q. Fabius dict. et res, ad Fregellas ab eo gestæ. — *Arcem Fregellanam ab Samnitibus captam*, ut antea urbem, vide c. 12. Videntur ergo Romani medio tempore urbem rece-

pisse, quod præterit Livius, ut sæpe de aliis urbibus solet; Duker. Confer Periz. anim. hist. cap. 4.

3. *Atinam et Calatiam, ab eodem captas*; illa urbs in Volscis, hæc et Nola in Campania erant: sed nihil obstat, quominus Romani rem diversis locis gerere, et Samnites Atinam in Volscis tum tenere potuerint, ut Fregellas et Soram (vide cap. 12, et 43), Duker.

4. *Poetelium pestilentia orta clavi, etc.*; conf. VII, 3. — *Suessa Aurunca*, vide ad VIII, 15, n. 1. — *Pontia*, al.

Casinum ut deducerentur coloniæ, senatusconsultum factum est : sed triumviros creavere⁵, ac misere colonorum quatuor millia insequentes consules, M. Valerius, P. Decius.

XXIX. Profligato fere Samnitium bello¹, prius quam ea cura decederet Patribus romanis, etrusci belli fama exorta est : nec erat ea tempestate gens alia, cujus, secundum gallicos tumultus², arma terribiliora essent, quum propinquitate agri, tum multitudine hominum. Itaque, altero consulum in Samnio reliquias belli persequente, P. Decius, qui graviter æger Romæ restiterat, auctore senatu dictatorem C. Junium Bubulcum dixit³. Is prout rei magnitudo postulabat, omnes juniores sacramento adigit : arma, quæque alia res poscit, summa industria parat; nec tantis apparatus elatus, de inferendo bello agit; quieturus haud dubie, nisi ultro arma Etrusci inferrent. Eadem in comparando cohibendoque bello consilia et apud Etruscos fuere; neutri finibus egressi; et censura clara eo anno Appii Claudii⁴, et C. Plautii fuit : memoriæ

Pontia, ut apud Diodor. XIX, 111, et Suet. Tib. 54, sed *Pontia* apud Suet. Cal. 15, et Dion. Cass. 59, nam propr. tres, vel quatuor fuere insulæ in sinu formiano, seu caletano, quarum præcipua et maxima κατ' ἐξοχήν dicta *Pontia*, hodie *Ponza*. *Suessa et Pontia* coloniæ deductæ pro vulg. *Suessam et Pontias*, ut mox *Interamna*, etc. et sic de iisdem aliisque coloniis apud Vellei. I, 14. Confer infra X, 3, n. 3; XXXIV, 53; XXXIX, 44; XL, 34 al.

5. *Triumviros creavere*, scilicet coloniæ deducendæ.

CAP. XXIX. 1. *Profligato fere S. bello*, vide ad III, 50, n. 5.

2. *Secundum gallicos tumultus*, vid. ad I, 4, n. 1; et II, 26, n. 1. — *Reli-*

quias belli persequente, v. IV, 27, n. 1.

3. *Dictatorem C. Junium Bubulcum dixit* : locus haud dubie mancus, cujus lacunam Sigon. et Pigh. in Annal. ad ann. 441; e fastis Capitol. ita explent : *dictatorem C. Sulpicium Longum, is magistrum equitum C. Junium Bubulcum dixit*. — *Nec tantis apparatus... agit*; nec cogitat de inferendo bello, elatus tantis apparatus; id est, non eo elatus est tantis apparatus, ut cogitaret de lacessendis ultro hostibus, v. ad II, 32, n. 2. Ed.

4. *Censura clara eo anno Appii Claudii Crassi*, qui postea *luminibus captus* (vide cap. extr.) et hinc *Cæcus* cognominatus est. Pro *C. Plautio* apud Frontin. de aquæd. V, in quibusdam

ensoribus² erant in æde Jovis vesci, quod traditum antiquitus erat, ægre passi, Tibur uno agmine abierunt: adeo, ut nemo in urbe esset, qui sacrificiis præcineret³. Ejus rei religio tenuit Senatum⁴, legatosque Tibur miserunt, ut darent operam, ut hi homines Romanis restituerentur. Tiburtini benigne polliciti, primum accitos eos in curiam hortati sunt, uti reverterentur Romam: postquam perpelli nequibant, consilio haud abhorrente ab ingeniis hominum⁵, eos aggrediuntur. Die festo alii alios per speciem celebrandarum cantu epularum causa invitant, et vino, cujus avidum ferme genus est, oneratos sopiunt: atque ita in plaustra somno vinctos⁶ conjiciunt, ac Romam deportant: nec prius sensere, quam, plaustris in foro relictis, plenos crapulæ eos lux oppressit. Tunc concursus populi factus, impetratoque, ut mainerent, datum, ut triduum quotannis⁷ ornati, cum

IV, cap. 34, legitur: *classibus ad Fidenas pugnatum*, id alio sensu exponendum esse visum est. Ed.

2. *Tibicines, quia prohibiti a proximis censoribus*, etc.; cf. qui eandem historiam, etsi non plane eodem modo, narrant, Ovid. *Fast.* VI, 653-692; Val. Maxim. II, 5, 4, et Plutarch. in *Problem. rom.*

3. *Qui sacrificiis præcineret*: nullum vero sacrificium sine tibicine, a quo canendum erat in aurem sacrificantis, ne ab eo audirentur verba mali ominis, quibus sacra turbarentur. Confer Cic. pro Domo, cap. 47.

4. *Ejus rei religio tenuit senatum*; cf. ad II, 5, n. 4. — *Terruit senatum* Lovel. 4; verba hæc sæpe in MSS commutantur; hic nihil mutatione opus est. *Ejus religio tenuit*, etc. h. e. ea res religioni fuit senatui. Infra XLIII, 13. « Quædam religio tenet, quæ illi pru-

dentissimi viri publice suscipienda censuerint, ea pro dignis habere, quæ in meos annales referam. » Sic et eleganter dicitur *tenere* opinio. Vide I, 28; X, 26, et alibi. Ed. — Mox prius ut ante *darent* superfluum videbatur Gron. Malim pro eo *qui legere*.

5. *Consilio haud abhorrente ab ingeniis hominum*, scilicet onerandi eos vino, cujus avidum ferme genus est, scil. hoc hominum, nisi potius *id e* quibusdam MSS ante *genus* inserendum. Ab omni autem ævo cantores amarunt humores. — Mox delendam esse vocem *causa*, ut superfluum, et e notis insertam jam monuere Gron. et Pigh. in *Annal.* ad ann. 442, pag. 365. Ed.

6. *Somno vinctos*, vide ad lib. V, 44, n. 6.

7. *Ut triduum quotannis* ab Id. Jun., vel die Quinquatrum min. *ornati sto-*

cantu, atque hac, quæ nunc sollemnis est, licentia per urbem vagarentur: restitutumque in æde vescendi jus iis, qui sacris præcinerent. Hæc inter duorum ingentium bellorum curam gerebantur.

XXXI. Consules inter se provincias partiti; Junio Samnites, Æmilio novum bellum Etruria forte obvenit. In Samnio Cluviam¹, præsidium romanum, quia nequiverat vi capi, obsessum fame in deditionem acceperant Samnites, verberibusque foedum in modum laceratos occiderant deditos. Huic infensus crudelitati Junius, nihil antiquius² oppugnatione cluviana ratus, quo die aggressus est mœnia, vi cepit, atque omnes puberes interfecit. Inde victor exercitus Bovianum ductus: caput hoc erat Pentrorum³ Samnitium, longe ditissimum atque opulentissimum armis virisque. Ibi quia haud tantum irarum erat, spe prædæ milites accensi, oppido potiuntur. Minus itaque sævitum in hostes est: prædæ plus pæne, quam ex omni Samnio unquam, egestum, benigneque omnis militi concessa. Et postquam præpotentem armis Romanum nec acies subsistere⁴ ullæ, nec castra, nec urbes poterant; omnium principum in Samnio eo curæ sunt intentæ, ut insidiis quæreretur locus, si qua licentia populando effusus⁵ exercitus excipi ac circumveniri posset. Transfugæ agrestes et captivi quidam, pars forte, pars con-

lis et personati *per Urbem vagarentur*; conf. Ovid. l. I. et Pigh. Ann. ad an. 442. — *In æde Jovis.*

CAP. XXXI. 1. *Cluviam* (oppidum incerti situs), *præsidium romanum*, ubi erat *præsidium Roman.*, h. e. milites oppidi defendendi causa ibi locati: qui dicuntur *in præsidio esse*, vel *præsidio loci relinqui* XXIV, 40; ut *dux præsidio loci præesse* XXVII, 42; Duker. ad XXXVIII, 11, et nos

ad Tacitum, Annal. lib. II, c. 67, n. 1.

2. *Nihil antiquius*, v. I, 32, n. 3.

3. *Pentrorum Samnitium*, qui etiam memorantur XXII, 62, et in Diomys. Hal. Exc. ed. Vales. p. 533, et t. ans Apenninum coluere, ut et Caraceni, seu Caracini Samnites.

4. *Romanum nec acies subsistere*; vide ad I, 4, n. 12.

5. *Populando effusus exercitus*; cf. ad I, 14, n. 7.

silio oblatis, congruentia ad consulem afferentes, quæ et vera erant, pecoris vim ingentem in saltum⁶ avium compulsam esse, perpulerunt, ut prædatum eo expeditæ ducerentur legiones. Ibi ingens hostium exercitus itinera occultus insederat, et, postquam intrasse Romanos vidit saltum, repente exortus cum clamore ac tumultu incautos invadit. Et primo nova res trepidationem fecit, dum arma capiunt, sarcinas congerunt in medium: dein, postquam, ut quisque liberaverat se onere, aptaveratque armis, ad signa undique coibant, et, notis ordinibus in vetere disciplina militiæ, jam sine præcepto ullius sua sponte struebatur acies, consul, ad ancipitem maxime pugnam advectus, desilit ex equo, et Jovem Martemque atque alios testatur deos, *se, nullam suam gloriam inde, sed prædam militi quærentem, in eum locum devenisse; neque in se aliud, quam nimiam ditandi ex hoste militis curam, reprehendi posse: ab eo se dedecore nullam rem aliam, quam virtutem militum, vindicaturam. Conniterentur modo uno animo omnes invadere hostem, victum acie, castris exutum, nudatum urbibus, ultimam spem furto insidiarum⁷ tentantem, et loco,*

6. *In saltum avium*; conf. ad X, 2, n. 6; Pigh. ex Zonara VIII, 1, conj. *in saltum Avernum*; is vero, si intelligendus est, qui lacum cognominem cingebat, longe distabat a Boviano nuper expugnato, et a Samnio, in quo hæc gesta (vide cap. 32 pr.), et situs est in Campania non procul a mari: quare mihi verius videtur, vel Zonaram deceptum errasse, vel alios, quam Livium, auctores sequutos esse; Drak. — *Repente exortus*, ut passim *exoriri* et *cooriri* pro: ex insidiis consurgere, v. c. XXI, 55; XXII, 28; XXV, 15, 16; XXVII, 27; XXIX, 34; XLII,

15. — *Ut quisque liberaverat se onere aptaveratque se armis*, ad arma sumenda adhibendaque; vel iis sumptis (ut *armis* sexto casu accipiatur) aptaverat se pugnae; vel legend. *aptaverat arma*, ut V, 49; X, 33; XXII, 19; XLIV, 34.

7. *Furto insidiarum*, furtivis insidiis, occulta eorum fraude, ut *furto* XXVI, 39, 7; *furto diei* XXVI, 51; ac *furto et fraude agere* XLIII, 10; *furtum* dicitur, quidquid furtim, seu clam sit, et *furari*, ut κλέπτειν, clam aliis quid facere. Conf. ad Sil. VI, 70; VII, 136-487; XVII, 90.

non armis, fretum. Sed quem esse jam virtuti romanæ inexpugnabilem locum? fregellana arx soranaque, et ubicumque iniquo successum erat loco, memorabantur: his accensus miles, omnium immemor difficultatum, vadit adversus imminentem⁸ hostium aciem. Ibi paulum laboris fuit, dum in adversum cli-
vum erigitur agmen; cæterum, postquam prima signa planiciem summam ceperunt, sensitque acies æquo se jam institisse loco, versus extemplo est terror in insidiatores, easdemque latebras, quibus se paulo ante texerant, palati atque inermes fuga repetebant: sed loca difficilia⁹, hosti quæsita, ipsos tum sua fraude impediabant. Itaque ergo perpaucis effugium patuit: cæsa ad viginti millia hominum, victorque Romanus ad oblatam ultro ab hoste prædam pecorum discurrit.

XXXII. Dum hæc geruntur in Samnio, jam omnes Etruriæ populi præter Arretinos ad arma ierant, ab oppugnando Sutrio¹, quæ urbs, socia Romanis, velut claustra Etruriæ erat, ingens orsi bellum. Eo alter consulum Æmilius cum exercitu ad liberandos obsidione socios venit; advenientibus Romanis Sutrini commeatus benigne in castra ante urbem posita advexere². Etrusci diem primum consultando, matura-

8. *Imminentem hostium aciem*; vide ad VIII, 23, n. 8.

9. *Loca difficilia* (vide ad cap. 24, 1), *hosti*, ab hoste, *quæsita*.—Id egerant Samnites ut hostem, Romanum, in loca difficilia pertraherent; sed tum ipsa illa difficultate locorum impediti, suamet ipsi fraude circumveniebantur. Ed.

CAP. XXXII. 1. *Sutrio, quæ urbs socia Romanis*; vide ad VI, 31, n. 1.—*Claustra Etruriæ, ut compedes Græciæ* XXXII, 37, n. 2. Conf. VI, 9; XLII, 67; XLIV, 7; XLV, 11; ad

XXXVII, 15, n. 1; et ad Tac. Ann. II, 59, n. 12. Pro *claustra* quidam MSS *claustrum*: sed erat ad *urbs* refertur; Stroth.

2. *Sutrini commeatus benigne... advexere*; cf. ad III, 63, n. 2.—*Commeatus benignos* Flor. sed vox *benigne* non apparet in Leid. 2 et Lovel. 1. Melius eam cæteri servant, quæ hic eleganter pro largiter, copiose accipi potest, ut infra: *ager heracleensis benigne ad omne genus operum materiam suppeditabat*. Ita contra *maligne* est parce: sup. VIII, 9, *materiam autem*

rent, traherentne bellum, traduxerunt : postero die, ubi celeriora, quam tutiora, consilia magis placuere ducibus, sole orto signum pugnae propositum est, armatique in aciem procedunt. Quod postquam consuli nuntiatum est, extemplo tesseram³ dari jubet, ut prandeat miles, firmatisque cibo viribus arma capiat; dicto paretur : consul, ubi armatos paratosque vidit, signa extra vallum proferri jussit, et haud procul hoste instruxit aciem. Aliquamdiu intenti utrimque steterunt, expectantes ut ab adversariis clamor et pugna inciperet; et prius sol meridie se inclinavit⁴, quam telum hinc aut illinc emissum est : inde, ne infecta re abiretur, clamor ab Etruscis oritur, concinuntque tubæ, et signa inferuntur; nec segnius ab Romanis pugna initur. Concurrunt infensis animis; numero hostis, virtute Romanus superat : anceps praelium multos utrimque et fortissimum quemque absumit; nec prius inclinata⁵ res est, quam secunda acies romana ad prima signa, integri fessis, successerunt : Etrusci, quia nullis recentibus subsidiis fulta⁶ prima acies fuit, ante signa circaque omnes ceciderunt. Nullo unquam praelio fugæ minus, nec plus cædis fuisset, ni obstinatos mori Tuscos nox texisset; ita ut

præbebat criminibus ager in latino falernoque agro maligne plebei divisus.

Ed. — *Celeriora quam tutiora consilia magis placuere ducibus;* conf. XXII, 38 extr. Herodot. p. 596 (γνούς ὡς ταχύτερα αὐτὸς ἢ σοφώτερα ἐργασμένοσ εἶη), et Schæf. ad Longi Pastor. p. 374.

3. *Extemplo tesseram dari jubet;* vide ad VII, 35, n. 1.

4. *Prius sol meridie se inclinavit, ut meridies inclinat (se)* pro : dies vergit ad occasum apud Hor. Od. III, 28, v. 5, ubi Mitscherl. jam monuit,

non nimis stricte hæc accipienda, sed de die magnam partem præterlapso cogitandum, formatam autem hanc locutionem esse ad Græcorum rationem; quippe quibus, æqua utrimque diei lance, μεσημέρια σταθερὰ ἴστασθαι, meridies stare, sole in summum cæli fastigium evecto, exquisite dicatur. Conf. ad IV, 9, n. 6.

5. *Nec prius inclinata res est;* conf. ad cap. 12, n. 2.

6. *Recentibus subsidiis fulta acies;* vide II, 20, n. 2. — *Pro ceciderunt,* Voss. 2, et Lovel. 3, *ceciderant.* *Ed.*

victores prius, quam victi, pugnandi finem facerent. Post occasum solis signum receptui datum est : nocte ab utroque in castra reditum : nec deinde quidquam eo anno rei memoria dignæ apud Sutrium gestum est; quia et ex hostium exercitu prima tota acies deleta uno prælio fuerat, subsidiariis⁷ modo relictis, vix quod satis esset ad castrorum præsidium; et apud Romanos tantum vulnere fuit, ut plures post prælium saucii decesserint, quam ceciderant in acie.

XXXIII. Q. Fabius, insequentis anni consul^r, bellum ad Sutrium excepit : collega Fabio C. Marcius Rutilus datus est. Cæterum et Fabius supplementum ab Roma adduxit, et novus exercitus domo accitus Etruscis venit. Permulti anni jam erant, quum inter patricos magistratus tribunosque nulla certamina fuerant; quum ex ea familia, quæ velut fatalis tum tribunis ac plebi erat, certamen oritur. Ap. Claudius censor, circumactis decem et octo mensibus, quod

7. *Subsidiariis modo relictis*; qui *subsidiarii* primæ aciei opponuntur etiam VI, 8; IX, 27; XXIV, 15. Sed si *subsidiarii relictis* fuerunt, non video, quomodo prima acies, quod paulo ante dixit, non *subsidiis fulta fuerit*; Duker. Subsidiarii immoti sedisse, nec primæ aciei successisse videntur; Stroth.

CAP. XXXIII. I. *Quintus Fabius... consul*. Hic addendum iterum; nam primum fuit anno 432; VIII, 38; postea vero etiam ter. Maximi nomen ad finem hujus libri meruit, quanquam in prioribus sæpe huic appositum est. Notam Fabio iterati consulatus, librorum negligentia omissam fuisse jam existimavit Pigh. in Ann. ad an. 443, pag. 368. Ed. — *Familia, quæ velut fatalis tum tribunis ac plebi erat*, perpetuis cum his certaminibus (fati

quadam necessitate) destinata et assueta; Ern. Conf. ad V, 19, n. 3. At rō tum non modo supervacuum, sed etiam ineptum est, debeturque Frobenio. In omnibus MSS et antt. edd. est cum, et in plerisque plebe. Ingeniose conj. Gronov. *velut nata* (possis et *facta*) *litibus cum t. ac plebe*. Aliquid excidisse putabat Stroth. et leg. *fatalis litibus cum t. ac plebe*, vel *cui velut fatalis lis cum*, etc. — *Circumactis... mensibus*; actis quatuor e scriptis; pariter fere Phæd. lib. I, fab. 18, v. 2 : « Instante partu mulier, actis mensibus Humi jacebat. » Ubi vide Burm. Nihil tamen hic mutandum, quia vulgat. cæteri codd. servant, et hoc sensu *circumagere* noster sæpius usurpavit. III, 8, *gravioere tempore anni jam circumacto*; VI, 8, *neque eum abdicare se dictatura, nisi circumacto as-*

Æmilia lege² finitum censuræ spatium temporis erat, quum C. Plautius collega ejus magistratu se abdicasset, nulla vi compelli, ut abdicaret, potuit. P. Sempronius erat tribunus plebis; qui finiendæ censuræ intra legitimum tempus actionem susceperat; non popularem magis³, quam justam, nec in vulgus, quam optimo cuique, gratiorem. Is, quum idem legem Æmiliam recitaret, auctoremque ejus Mam. Æmilium dictatorem laudibus ferret, qui quinquennalem ante censuram et longinquitate⁴ potestatem dominantem intra sex mensium et anni coegisset spatium: « Dic, « agedum, inquit, Ap. Claudii, quidnam facturus fueris, si eo tempore quo C. Furius et M. Geganius « censores fuerunt, censor fuisses. » Negare Appius, *interrogationem tribuni magno opere ad causam pertinere suam: nam etsi tenuerit lex Æmilia eos censores*⁵, quorum in magistratu lata esset, quia post illos censores creatos eam legem populus jussisset, quodque

no, passi sunt; XXIII, 30, circumacto tertio anno punici belli; XXVI, 40, magna parte anni circumacta: et pluribus aliis locis. Ed.

2. Æmilia lege finitum, definitum, constitutum. Cf. IV, 24. — Quum C. Plautius. Hoc loc. et in orat. Sempronii mox secutura ea dicit Livius, ex quibus colligi debere videatur C. Plautium non abdicasse se censura, nisi circumactis decem et octo mensibus; et quidem sic memorat Front. de Aquæd. lib. I. Videndum an hæc conciliari facile possint cum iis, quæ de ejusdem Plantii abdicacione supra scripta sunt, cap. 29. Ed.

3. Non popularem magis, id. qd. mox non in vulgus gratiorem (confer ad II, 8, n. 1), h. e. communiter, omnibus, vel potius vulgo, plebi (vide ad Tac. Ann. I, 76, n. 5); nam addi-

tur quam optimo cuique (quoniam et justa erat), et duplex est h. l. ejusdem vocis (*gratior*) constructio, ut sæpe apud Tacitum; vide ad Tacit. Ann. I, 7, n. 23.

4. Longinquitate potestatem dominantem (ut IV, 24, diuturnitate temporis nimiam, non civilem, sed pæne regiam) intra anni coegisset spatium; vide ad XXXII, 2, n. 4. — Magno opere; vide ad III, 18, n. 3.

5. Nam etsi tenuerit lex Æmilia eos censores, quia bis de illorum magistratu sciverit populus, primum comitiis censoriis, ut censuram in quinquennium obtinerent, deinde legem ferente Æmilio dict. ut obtinerent in XVIII menses: itaque videri latam hanc legem in eos tantum censores, qui tum fuerint; Sigonius. Glareanus hic aliquot verba intercidisse putabat.

*postremum jussisset*⁶, *id jus ratumque esset; non tamen aut se, aut eorum quemquam, qui post eam legem latam creati censores essent*⁷, *teneri ea lege potuisse.*

XXXIV. Hæc sine ullius assensu cavillante Appio :
« En¹, inquit, Quirites, illius Appii progenies, qui,
« decemvir in annum creatus, altero anno se ipse
« creavit; tertio, nec ab se, nec ab ullo creatus, pri-
« vatus fasces et imperium obtinuit; nec ante conti-
« nuando abstinit magistratu, quam obruerent eum
« male parta², male gesta, male retenta imperia. Hæc
« est eadem familia, Quirites, cujus vi atque³ injuriis
« compulsi, extorres patria, sacrum montem cepistis :
« hæc, adversus quam tribuniciam auxilium vobis
« comparastis : hæc, propter quam duo exercitus
« Aventinum insedistis : hæc, quæ fenebres leges ;
« hæc, quæ agrarias semper impugnavit : hæc connu-
« bia Patrum et plebis interrupit : hæc plebi ad cu-

Conf. not. 7. Sed neuter cavillationis vim percepisse videtur. Vide ad X, 47, n. 3.

6. *Quodque postremum jussisset*, sc. ut illi, tam in quinquennium creati censorum, non nisi in XVIII menses obtinerent; Doer. Cf. ad X, 47, n. 3.

7. *Qui post eam legem latam creati censores essent* : « quasi hi iterum æque ac antea alii in quinquennium creati essent, ita ut lex Æmilia tantummodo ad censores ejus temporis pertinisset. Cæterum post, aut ante creati excidisse videtur *optimo jure* aut *lege optima*; » Stroth. Recte, opinor: et ex cap. seq. probabile fit, orationem Appii obscuriorem esse, quia ea pars illius omissa, ad quam maxime pertinuit Appii cavillatio, quam tribunus ibi refellit. Confer ad cap. 34, n. 8. Sed vide ad lib. X, cap. 47, n. 3.

III.

CAP. XXXIV. 1. *En, inquit, scil. P. Sempronius trib. pleb. — Fasces et imperium obtinuit: accepit* Voss. 2 et Lovel. 3. Sed nihil mutandum. *Accipit* de glossa in textum irrepsit. *Obtinere* hic non est consequi, sed perseverare in tenendo, obstinate tenere, quomodo hoc verbum supra accipiendum docuit Gronov. ad lib. III, 36. Eo sensu nunc poni, demonstrat sequens *continuando*, ut et, quod deinde vocat, *retenta imperia*. Ed.

2. *Obruerunt eum male parta... imperia*; vide ad VI, 14, n. 6.

3. *Cujus vi atque injuriis... comparastis*; conf. II, 29, 30, 32, 33. — *Propter quam duo exercitus Aventinum insedistis*; vide III, 51 sq. — *Quæ fenebres leges*, etc.; vide VI, 39 seq. — *Hæc connubia Patrum et plebis interrupit*; vide IV, 1 sq. — *Hæc plebi ad cu-*

6

« rules magistratus iter obsepsit : hoc est nomen multo
 « quam Tarquiniorum, infestius vestræ libertati. Itane
 « tandem, Ap. Claudii, quum centesimus⁴ jam annus
 « sit ab Mam. Æmilio dictatore, tot censores fuerint,
 « nobilissimi fortissimique viri, nemo eorum duodecim
 « tabulas legit? nemo id jus esse, quod postremo po-
 « pulus jussisset, scivit? Imo vero omnes sciverunt;
 « et ideo Æmiliæ potius legi paruerunt, quam illi an-
 « tiquæ, qua primum censores creati erant, quia hanc
 « postremam jusserat populus : et quia, ubi duæ con-
 « trariæ leges sunt, semper antiquæ obrogat⁵ nova.
 « An hoc dicis, Appi, non teneri Æmilia lege popu-
 « lum? an populum teneri, te unum exlegem esse?
 « Tenuit Æmilia lex violentos illos censores, C. Furium
 « et M. Geganium, qui, quid iste magistratus in re-
 « publica mali facere posset, indicarunt, quum, ira
 « finitæ potestatis⁶, Mam. Æmiliam, principem ætatis
 « suæ belli domique, ærarium fecerunt : tenuit dein-
 « ceptus omnes censores intra centum⁷ annorum spa-
 « tium : tenet C. Plautium collegam tuum, iisdem
 « auspiciis, eodem jure creatum. An hunc non, ut qui
 « optimo jure censor creatus esset⁸, populus creavit?
 « tu unus eximius es, in quo hoc præcipuum ac sin-

curules magistratus iter obsepsit; vide IV, 6; VI, 40.

4. *Centesimus jam annus* : quem jam præterisse significat; Sigon. Proprie jam erat annus centesimus vigesimus quartus. Conf. IV, 24, sed rotundis fere numeris utitur Livius.

5. *Semper antiquæ obrogat nova lex* : al. non male antiquam abrogat, sed perperam antiquæ abrogat. Conf. ad IV, 58, n. 10.

6. *Ira finitæ potestatis*, ob iram, vel ab ira propter potestatem non tam certo, quam minori temporis spatio

circumscriptam; vide ad I, 5, n. 5.—*Ærarium fecerunt*; vide IV, 24, n. 5.

7. *Intra centum annorum spatium*; conf. not. 4.

8. *Qui optimo jure censor creatus esset*, etc., ut passim *optimo jure vel optima lege et conditione*, h. e. ea, quæ plenissimum jus alicujus rei, seu muneris affert, quæ, ut nunc vulgo dicitur, cum omnibus privilegiis, seu prærogativis conjuncta est : formula in creatione magistratuum sacerdotumque adhiberi solita; vid. Ern. clav. Cic. voc. *jus*, et Festus in *optima lex*,

« gulare valeat? Quem tu regem sacrificiorum crees,
« amplexus regni nomen⁹, ut qui optimo jure rex Romæ
« creatus sit, creatum se dicet? quem semestri dicta-
« tura, quem interregno quinque dierum contentum
« fore putes? quem clavi figendi, aut ludorum causa
« dictatorem audacter crees? Quam isti stolidos ac
« socordes¹⁰ videri creditis eos, qui intra vicesimum
« diem, ingentibus rebus gestis, dictatura se abdic-
« verunt, aut qui vitio creati abierunt magistratu?
« Quid ego antiqua repetam? Nuper intra¹¹ decem

cujus tamen verba, si ad censores transferantur, cum hoc loco vix conciliari poterant. « Omnis Appii fallacia versabatur circa hanc formulam meram solennem, quales et hodie sunt multæ, ut *mit allen Rechten und Vorzügen*, quæ sæpe nihil sunt præter verba: quibus inhærere, instare, ea postulare, quæ posita sint in iis, ineptum foret; » Stroth. Quæ hic adjicit, jam animadvertit Gronov. cujus nota est: « Formula hac abutebatur ad libidinem suam Appius: aiebat se censorem optima lege creatum: ex ea formula quinquennalem sibi censuram deberi: eam enim de censura optimam legem esse, non legem Æmiliam. Respondet vere tribunus, post legem Æmiliam promulgatam nihil extra mensium sex et anni spatium largiri eam formulam censoribus. Perinde facere Appium, ac si rex sacerorum, captans argutias ex vocabulo regni, quod et ipse optimo jure rex creatus sit, omnia jura omnemque potestatem et imperium Romuli cæterorumque regum sibi arrogare velit; dicendo eam optimam legem de rege romano esse, quæ de imperio Romuli rogata sit, atque accepta initio Urbis conditæ. Item si hæc interpretatio valeret, interreges quoque ac dictatores maxime clavi figendi, aut

ludorum causa dictos, quippe qui omnes, ut qui optimo jure, eadem elusuros ad potestatem sibi augendam. » Cf. ad X, 47, n. 3. — *Quem tu regem sacrificiorum.* Quem tu regem sacrificulum creaveris, sive, qui rex sacrificulus creatus fuerit, urgens vim ipsius vocabuli, et nomen regni jactitans, Appii exemplo dicet se creatum esse, ut qui optimo jure rex Romæ creatus sit, et eodem jure sibi regiam potestatem, quo Appius quinquennalem censuram, vindicabit. Quod additur, dictatura semestri, et quinque dierum interregno non fore contentos homines, id non satis videtur accuratum. Quum enim nunquam aut dictatura ultra sex menses, aut interregnum ultra quinque dies excurrisset, appiana cavillatio ad ea munera ultra hos temporum fines producenda locum habere non poterat. En.

9. *Amplexus regni nomen*, urgens, arrepto eo, tanquam argumento. Forte leg. *amplexune*, aut oserte punctum post *dicet* ponendum. — *Semestri dictatura*, etc.; vide ad III, 29, n. 5.

10. *Quam isti Appio* (δουρικῶς) *stolidos ac socordes videri creditis*, Quirites; ad quos oratio se convertit ab Appio.—*Vitio creati*; v. V, 17, n. 4.

11. *Nuper intra decem annos C.*

« annos C. Mænius dictator, quia, quum quæstiones
 « severius, quam quibusdam potentibus tutum erat,
 « exerceret, contagio ejus, quod quærebat ipse, cri-
 « minis objectata ab inimicis est, ut privatus obviam
 « iret¹² crimini, dictatura se abdicavit. Nolo ego istam
 « in te modestiam : nè degeneraveris a familia impe-
 « riosissima et superbissima : non die, non hora ci-
 « tius, quam necesse est, magistratu abieris; modo
 « ne excedas finitum tempus, satis est, aut diem, aut
 « mensem censuræ adjicere? Triennium, inquit, et
 « sex menses ultra, quam licet Æmilia lege, censuram
 « geram, et solus geram. Hoc quidem jam regno si-
 « mile est. An collegam subrogabis¹³, quem ne in
 « demortui quidem locum subrogari fas est? Pœnitet
 « enim¹⁴, quod antiquissimum solenne et solum ab
 « ipso, cui fit, institutum deo ab nobilissimis antisti-
 « tibus ejus sacri ad servorum ministerium religiosus
 « censor deduxisti; gens¹⁵ antiquior originibus urbis
 « hujus, hospitio deorum immortalium sancta, propter
 « te ac tuam censuram intra annum ab stirpe extincta

Mænius dict., etc.; conf. cap. 26. Pro decem annos legendum quinque annos; Jac. Gron. Alii putant, Livium in annorum ratione varios auctores sequutum esse. Cf. tamen ad cap. 18, n. 10. — Quintus hic annus agitur ab eo, quo Mænium dictatorem Livius exhibuit. At Fasti capitolini totis decem ante hanc Sempronii actionem annis eum dictatorem habent. Videtur igitur auctores alios secutus esse Livius in memoranda ipsa Mæni dictatura, alios in hac Sempronii oratione concinnanda. Conf. Pigh. lib. V Annal. ad ann. 433, et Drakenb. ad hunc locum. Ed. — *Contagio ejus criminis* (vide ad II, 5, n. 3), *quod quærebat ipse*, cujus ipse quæsitior erat, vel quæstionem

exercebat. Conf. ad lib. II, 29, n. 3.

12. *Obviam iret crimini*, criminationi. — *Nolo*, non postulo, *ego istam in te modestiam*, etc., acerbe dicta.

13. *An collegam subrogabis*, etc.; conf. V, 31.

14. *Pœnitet enim* (vide ad II, 54, n. 16) *quod antiquissimum solenne sacrum Herculis, et solum... extincta est*; conf. cap. 29, et ad I, 7, n. 5. — *Religiosus censor amara cum irrisione dicitur*.

15. *Gens (Potitia) antiquior*, etc.; vide I, 7. — *Hospitio deorum immortalium*, propr. unius tantum Herculis, hospitio ab ea et Evandro excepti: sed res invidiose augetur. — V. Virg. nost. edit. vol. III, p. 421, sqq. Ed. — *Ab*

« est : nisi universam rempublicam eo nefario¹⁶ ob-
« strinxeris, quod ominari etiam reformidat animus.
« Urbs eo lustru capta¹⁷ est, quo, demortuo collega
« C. Julio censore, L. Papirius Cursor, ne abiret ma-
« gistratu, M. Cornelium Maluginensem collegam sub-
« rogavit. Et quanto modestior illius cupiditas fuit,
« quam tua, Appi? Nec solus, nec ultra finitum lege
« tempus L. Papirius censuram gessit: tamen neminem
« invenit, qui se postea auctorem sequeretur: omnes
« deinceps censores post mortem collegæ se magistratu
« abdicarunt; te, nec quod dies exit¹⁸ censuræ, nec
« quod collega magistratu abiit, nec lex, nec pudor
« coercet: virtutem in superbia, in audacia, in con-
« temptu deorum hominumque ponis. Ego te, Ap.
« Claudii, pro istius magistratus majestate ac verecun-
« dia, quem gessisti, non modo manu violatum, sed
« ne verbo quidem inclementiori a me appellatum
« vellem: sed et hæc, quæ adhuc egi, pervicacia tua

stirpe extincta est; funditus interiit, ita ut soboles non superesset. Ab stirpe tollidixit inf. Liv. XXXIV, 2: Virorum omne genus in aliqua insula conjuratione muliebri ab stirpe sublato esse. Item Sallustius ab stirpe interire, Catil. 10: Carthago æmula imperii romani ab stirpe interiit. Noster autem eandem historiam referens, cum stirpe extinguere, supra h. lib. a. 29: Omnes intra annum cum stirpe extinctos. Ed.

16. *Nisi universam rempublicam eo nefario scelere* (ita non poterat non dicere Livius, quia nefas ablativo caret; Ern.) et sic simul poenæ divinæ (quam et gens Potitia et ipse Appius hinc; de quo vide cap. 29 extr.) obstrinxeris, ejus participem reddideris, ut X, 38; et XXVI, 48. Sic et *illigare* XXXI, 25; XXXII, 21 al. *obstrinxeris* scilicet ad id expiandum; Doer.

17. *Urbs eo lustru capta est... surrogavit; vide ad V, 31.*

18. *Quod dies exit censuræ, al. exiit; forte rectius. Sic et induciarum dies exiit, hoc est, tempus earum finitum est, IV, 30; XXX, 24, n. 5; XLII, 47 extr. coll. IV, 58 pr. stipendii (solvendi) dies exierat (qui nobis terminus dicitur) XXII, 33, n. 4. — Non modo non manu violatum, etc.; cf. ad I, 40, n. 1. — Pervicacia; pertinacia Portug. Harlej. et Haverk. quod ex interpretis glossa esse videtur, qui indicare voluit, pervicaciam hic malo sensu pro pertinacia sumi; nam teste Nonio, pervicacia et pertinacia hoc distant; pervicacia est interdum bonarum rerum perseverantia: pertinacia semper malarum. Certe pervicax malo sensu etiam infra occurrit LXII, 62: Quod si Romani tum quoque insita per-*

« et superbia coegit me loqui; et, nisi Æmiliæ legi
 « parueris, in vincula duci jubebo; nec, quum ita
 « comparatum a majoribus sit, ut, comitiis censoriis
 « nisi duo confecerint legitima¹⁹ suffragia, non re-
 « nuntiato altero comitia differantur, ego te, qui solus
 « censor creari non possis, solum censuram gerere
 « patiar. » Hæc taliaque quum dixisset, prendi cen-
 sorem et in vincula duci jussit: approbantibus sex tri-
 bunis actionem collegæ, tres appellanti Appio auxilio
 fuerunt; summaque invidia omnium ordinum solus
 censuram gessit.

XXXV. Dum ea Romæ geruntur, jam Sutrium ab
 Etruscis obsidebatur; consulique Fabio, imis monti-
 bus¹ ducenti ad ferendam opem sociis tentandasque
 munitiones si qua posset, acies hostium instructa
 occurrit. Quorum ingentem multitudinem quum osten-
 deret subjecta late planities: consul, ut loco pauci-
 tatem suorum adjuvaret, flectit paululum in clivos
 agmen (aspreta erant strata saxis); inde signa in ho-
 stem obvertit. Etrusci, omnium, præterquam multitu-
 dinis suæ, qua sola freti erant, immemores, prælium

*tinacia æqua aspernarentur, deos ho-
 minesque et moderationis Persei, et
 illorum pervicacis superbie futuros
 testes. Ed.*

19. *Confecerint legitima suffragia;*
 vide ad III, 64, n. 3.

CAP. XXXV. 1. *Consulique Fabio
 imis montibus,* ad radices montium,
ducenti exercitum (confer ad I, 23, n.
 4). — *Si qua ratione, vel parte* (vide
 ad III, 70, n. 2) *posset scilicet tentare
 munitiones:* nam *tentare aliquem, vel
 aliquid est experiri, quo animo sit
 vel qualis et quale illud sit, ut XXVI,
 24; XXVIII, 45; XL, 5 al. vel num
 id consequi possis* (ut IV, 10; XXI,
 12; XLIV, 45) *sive precibus, sive*

*fraude, sive vi: hinc sollicitare ad de-
 fectionem, etc., aut adoriri, oppugna-
 tionem tentare, seu moliri, oppugnare,*
 ut h. l. 24, 7 pr. (nisi ibi est sollici-
 tare) XXXI, 46; XXXIII, 5; XLV,
 11. Confer ad X, 16, n. 1. — *Aspreta
 erant strata saxis; aspera* Palat. 2;
 Harlej. et Haverk. male. Supra cap.
 24: *ad hæc saxa erant, et temere ja-
 centia, ut fit, in aspretis; XXVII,
 18: per aspreta primum nihil aliud,
 quam via inpediti iere; XXXI, 15:
 ea aspreta rupesque interjectas habet;*
 XXXV, 28: *tabernacula statuere in
 aspretis et inæquabili solo difficile erat.*
 Ita dat Klockian: *flectit paululum
 agmen in clivosa, aspera, etc. Ed.*

ineunt adeo raptim et avide, ut, abjectis missilibus, quo celerius manus consererent, stringerent gladios, vadentes in hostem. Romanus contra nunc tela, nunc saxa, quibus eos affatim locus ipse armabat, ingerere: igitur scuta galeæque ictæ quum etiam, quos non vulneraverant, turbarent (neque subire erat facile ad propiorem pugnam, neque missilia habebant, quibus eminus rem gererent), stantes et expositos ad ictus quum jam satis nihil teget, quosdam etiam pedem referentes, fluctuantemque et instabilem aciem², redintegrato clamore, strictis gladiis hastati et principes invadunt: eum impetum non tulerunt Etrusci, versisque signis, fuga effusa castra repetunt. Sed equites romani, prævecti³ per obliqua campi, quum se fugientibus obtulissent, omisso ad castra itinere, montes petunt: inde inermi pæne agmine ac vexato vulneribus in silvam Ciminiam penetratum. Romanus, multis millibus Etruscorum cæsis, duodequadraginta signis militaribus captis, castris etiam hostium cum præda ingenti potitur: tum de persequendo hoste agitari coeptum.

XXXVI. Silva erat Ciminia magis tum invia atque horrenda, quam nuper fuere germanici saltus¹; nulli ad eam diem ne mercatorum quidem adita: eam intrare haud fere quisquam, præter ducem ipsum, au-

2. *Fluctuantemque et instabilem aciem*; vide ad III, 60, n. 7.

3. *Sed equites romani prævecti*, prætervecti; Stroth. (Conf. ad I, 45, n. 7). Imo vulgari sensu dicuntur *prævecti*, prævertentes celeritate equorum agmen hostium, ut prior prævenit cap. 23. — *Per obliqua campi itinera*, per obliquos campos, vel oblique viam trajiciendo in campo. Confer ad II, 39, n. 3, et IV, 27, n. 1; infra XXI,

34 extr. *occursantes per obliqua*, ex transverso, ab utraque parte, oblique, ut *per obliquum* apud Hor. Od. III, 27, 6; *in obliquum*, ap. Virg. Georg. I, 98; vel *ex et ab obliquo*.

CAP. XXXVI. I. *Quam nuper fuere germanici saltus*, hercynii, in quibus Cæsar Germanos quæsit; quosque patefecit Drusus; vide Flor. I, 17; III, 10, 14, et IV, 12, 27. — *Nulli adita*; vide ad V, 12, n. 5.

debat; aliis omnibus cladis caudinæ nondum memoria aboleverat². Tum ex iis, qui aderant (consulis fratrem M. Fabium³, Kæsonem alii, C. Claudium quidam, matre eadem, qua consulem, genitum tradunt), speculatum se iturum professus, brevique omnia certa allaturum. Cære educatus apud hospites, Etruscis inde literis eruditus erat, linguamque etruscam probe noverat. Habeo auctores⁴, vulgo tum romanos pueros, sicut nunc græcis, ita etruscis literis⁵ erudiri solitos. Sed propius est vero, præcipuum aliquid fuisse in eo, qui se tam audaci simulatione hostibus immiscuerit. Servus ei dicitur comes unus fuisse, nutritus una, eoque haud ignarus linguæ ejusdem : nec quidquam aliud proficiscentes, quam summatim regionis, quæ intranda erat, naturam ac nomina principum in populis acceperere⁶; ne qua inter colloquia insigni nota hæsitantes deprehendi possent : iere pastoralis habitu,

2. *Nondum memoria aboleverat; obsoleverat leg. conjiciebat Salvinius; ita infra XXI, 52: suspectaque ei gens erat, ut alia vetustate obsolevisent, ob recentem Boiorum perfidiam; XXXVIII, 43: veterem et obsoletam viam ingressos Ambracienses dixit. Sed nisi quod obsoleverat præferat Lovel. 4, aboleverat superest in omnibus scriptis et editis, eaque lectio nostro indigna censi nequit; sæpe enim abolescere, forma activa, posuit significatione passiva, pro aboleri. Confer I, 23, n. 1. Ed.*

3. *Consulis fratrem M. Fabium, scilicet nonnulli, Kæsonem alii, etc., nisi leg. consulis frater M. Fabius, Kæsonem, etc. Vel cum aliis consulis frater M. Fabium, etc. Male quidam M. Fabium Kæsonem alii: nam Kæso est prænomen. Confer Flor. I, 17, et Frontin. Strat. I, 2, n. 2, qui*

adhuc incognitas fuisse Romanis ducibus sagaciores explorandi vias dicit.

4. *Habeo auctores, etc.; vid. ad II, 58, n. 1.*

5. *Etruscis literis, origine græcis (vide Garii Epit. Musei etrusci, pag. 106), erudiri solitos; Cic. de Div. I, 41: « quo circa bene apud majores nostros senatus tum, quum florebat imperium, decrevit, ut de principum filiis sex singulis Etruriæ populis in disciplinam traderentur, ne ars tanta propter tenuitatem hominum, a religionis auctoritate abduceretur ad mercedem atque quæstum. » Confer etiam Valer. Max. I, 1, ex. 1; Fontanin. de antt. Hortæ I, 7. — Eoque; vide ad I, 11, n. 6.*

6. *Nomina principum in populis accipere, percunctati sunt; Doer. Quævis verbi apta est, sed vix alio exemplo firmari poterit.*

agrestibus telis⁷, falcibus gæsisque binis armati. Sed neque commercium linguæ, nec vestis armorumve habitus sic eos texit, quam quod abhorrebat ab fide, quemquam externum ciminios saltus intraturum : usque ad Camertes Umbros penetrasse dicuntur. Ibi, qui essent, fateri Romanum ausum : introductumque in senatum consulis verbis egisse de societate amicitiaque : atque inde comi hospitio acceptum, nuntiare Romanis jussum, commeatum exercitui dierum triginta præsto fore, si ea loca intrasset ; juventutemque Camertium Umbrorum in armis paratam imperio futuram. Hæc quum relata consuli essent, impedimentis prima vigilia præmissis, legionibus post impedimenta ire jussis, ipse substitit cum equitatu : et, luce orta, postero die obequitavit stationibus hostium, quæ extra saltum dispositæ erant : et, quum satis diu tenuisset hostem, in castra sese recepit ; portaque altera egressus, ante noctem agmen adsequitur. Postero die, luce prima, juga Cimini montis tenebat : inde, contemplatus opulenta Etruriæ arva, milites emittit. Ingenti jam abacta præda, tumultuariæ⁸ agrestium Etruscorum cohortes, repente a principibus regionis ejus concitatæ, Romanis occurrunt, adeo incompositæ, ut vindices prædarum prope ipsi prædæ fuerint ; cæsis fugatisque iis, late depopulato agro, victor Romanus opulentusque rerum omnium copia in castra rediit.

7. *Agrestibus telis, securibus* (conf. ad I, 40, n. 7, et III, 50, n. 1), nisi potius horum epexegetis sit *falcibus gæsisque*; Stroth. De *gæsis* v. ad VIII, 8, n. 3. — *Consulis verbis*, nomine et mandato, ut not. 9; XXVI, 6, n. 7, et XXXVII, 36, n. 4.

8. *Tumultuariæ a. Etruscorum cohortes*; vide ad I, 37, n. 4. — *Opulentusque rerum omnium copia*; τὸ

copia a duob. melioribus Paul. et Vossian. altero exsulat; τὸ *que* recidendum etiam Gronovio videtur; nec sane displicet locutio, e Græcis sumpta *opulentes rerum*, ut et *dives agri*, qua Livium usum fuisse ex MSS lib. XXXV, cap. 1 verisimile fit; nihil tamen mutandum est, quum cæteri omnes vulgatum tueantur; nec delenda particula *que*, quæ in nullo etiam cod. deficit.

Eo forte quinque legati cum duobus tribunis⁹ plebis venerant, denuntiatum Fabio senatus verbis, ne saltum ciminium transiret : lætati serius se, quam ut impedire bellum possent, venisse, nuntii victoriae Romam revertuntur.

XXXVII. Hac expeditione consulis motum latius erat, quam profligatum¹, bellum : vastationem namque sub Ciminii montis radicibus jacens ora senserat, conciveratque indignatione non Etruriæ modo populos², sed Umbriæ finitima. Itaque, quantus non unquam antea, exercitus ad Sutrium venit; neque e silvis tantummodo promoti castra, sed etiam aviditate dimicandi quam primum in campos delata acies : deinde instructa primo suo stare loco, relicto hostibus ad instruendum³ contra spatium : dein, postquam detrectare hostem sensere pugnam, ad vallum subeunt. Ubi postquam stationes quoque receptas intra munimenta sensere, clamor repente circa duces ortus, ut *eo sibi e castris cibaria ejus diei deferri juberent; mansuros se sub armis, et aut nocte, aut certe luce*

Confer supra IV, 34 : *exercitum victorem opulentumque præda triumphans Romam reduxit*; VII, 24 : *Victorem exercitum opulentumque Gallicis spoliis Romam reduxit*. Ed.

9. *Legati cum duobus tribunis pleb.* quod notandum. — *Senatus verbis*; vide not. 7.

CAP. XXXVII. 1. *Profligatum bellum*; vide ad III, 50, n. 5.

2. *Non Etruriæ modo populos, sed etiam*; vide ad I, 40, n. 1.

3. *Ad instruendum*; vide ad III, 8, n. 5. Al. *ad instruendam*, scilicet aciem; quo in sensu verbo *instruere* non semel utitur Livius; X, 19 : *et Romani exercitus nec pariter ambo ducti, nec satis temporis ad instruendum fuit*;

XXX, 21 : *sed vix spatium instruendi fuit*. Ed. — *Mansuros se sub armis*. Nota locutionem *sub armis*, pro, armatus, armis indutus; gallice *sous les armes*, ex qua, quod ævo Theodosiano inprimis usitata sit, efficere videtur voluisse Spanhem. de præst. et usu numism. Dissert. XI, pag. 518. Manilium poetam, cui eadem familiaris est, circa illa tempora vixisse. Verum non eo tantum, sed et optimo ævo in communi usu fuisse docet hic locus Livii. Similiter etiam infra XLIV, 34 : *Aptari corpori arma, experiri que sub his membrorum agilitatem*. Adde Virg. Æneid. V, v. 440 : « Aut montana sedet circum castella sub armis; » vide nostr. edit. vol. III, p. 46 : adi

prima castra hostium invasuros. Nihil quietior romanus exercitus imperio ducis continetur : decima erat fere diei hora, quum cibum capere consul milites jubet; præcipit, ut in armis sint, quacumque diei, noctisve hora signum dederit. Paucis milites alloquitur, Samnitium bella extollit⁴, elevat Etruscos : *nec hostem hosti, nec multitudinem multitudini comparandam ait esse. Præterea telum aliud occultum scituros in tempore : interea taceri opus esse.* His ambagibus prodi simulabat hostes, quo animus militum multitudine territus restitueretur : et, quod sine munimento consederant, verisimilius erat, quod simulabatur. Curati cibo corpora quieti dant, et quarta fere vigilia sine tumultu excitati arma capiunt. Dolabræ calonibus dividuntur ad vallum⁵ prouendum fossasque implendas : intra munimenta instruitur acies : delectæ cohortes ad portarum exitus collocantur. Dato deinde signo paulo ante lucem, quod æstivis noctibus sopitæ⁶ maxime quietis tempus est, proruto vallo erupit acies : stratos passim invadit hostes : alios immobiles, alios semisomnos in cubilibus suis, maximam partem ad arma trepidantes⁷, cædes oppressit; paucis armandi se datum spatium est. Eos ipsos, non signum certum, non ducem sequentes, fundit Romanus, fugatos eques persequitur : ad castra, ad silvas⁸ diversi tendebant; silvæ tutius dedere refugium; nam castra

quoque Burm. ad Ovid. Met. VIII, v. 313. Ed.

4. *Samnitium bella extollit, elevat Etruscos*; vide ad III, 21, n. 5. — *Telum* (vide ad III, 50, n. 1) *aliud occultum scituros in tempore* (vide ad II, 47, n. 4), quod simulabatur quidem, ut animus militum m. t. restitueretur, sed verisimile videbatur, quod sine munimento consederant hostes et hinc

facile poterant opprimi. — *His ambagibus*; vide ad I, 55, n. 6.

5. *Ad vallum prouendum fossasque implendas*; confer ad cap. 14, n. 7.

6. *Sopitæ maxime quietis*; vide ad I, 41, n. 6, et VIII, 6, n. 3.

7. *Ad arma trepidantes*; vide ad I, 14, n. 6; et III, 49, n. 4.

8. *Ad castra, ad silvas diversi*, alii ad castra, alii ad silvas, *tendebant*,

in campis sita eodem die capiuntur. Aurum argentumque jussum referri ad consulem : cætera præda militis fuit : cæsa aut capta eo die hostium millia ad sexaginta. Eam tam claram pugnam trans ciminiam silvam ad Perusiam pugnatum, quidam ⁹ auctores sunt; metuque in magno civitatem fuisse, ne interclusus exercitus tam infesto saltu ¹⁰, coortis undique Tuscis Umbrisque, opprimeretur : sed, ubicumque pugnatum est, res romana superior fuit. Itaque a Perusia, et Cortona, et Arretio, quæ ferme capita Etruriæ populorum ea tempestate erant, legati, pacem foedusque ab Romanis petentes, inducias in triginta annos impetraverunt.

XXXVIII. Dum hæc in Etruria geruntur, consul iter C. Marcius Rutilus Allifas de Samnitibus vi cepit : multa alia castella vicique ¹, aut deleta hostiliter, aut integra in potestatem venire. Per idem tempus et classis romana a P. Cornelio, quem senatus maritimæ oræ præfecerat, in Campaniam acta, quum appulsa Pompeios esset, socii inde navales ad depo-

vide ad III, 60, n. 1; et IV, 19, n. 1.

9. *Quidam auctores sunt*; vide ad II, 58, n. 1.

10. *Tam infesto saltu*; vide ad I, 7, n. 7.

CAP. XXXVIII. 1. *Multa alia castella vicique*; vide ad V, 5, n. 2. — *Mox socii navales, qui nautæ, vel remiges et sunt et dicuntur* (conf. XXI, 50; XXII, 19; XXIV, 11), sed nonnunquam milites classici fiunt (vide XXVI, 17; XXVII, 17; Schweigh. ad Polyb. X, 17, n. 12, et X, 35, n. 5), vel armati operam militarem præstant; *οἱ ἀπὸ τοῦ στόλου* apud Polyb. III, 76. Confer infra XXI, 49, 50, 61; XXII, 11, 31; XXIII, 21, 40; XXVI, 35, 48; XXVIII, 36; ad XLV,

2, n. 1; Polyb. VI, 19, n. 2, 3 (ubi docet, cives, infra quatuor millia æris census, ad nauticos usus reservari solitos esse, sed, casu graviore urgente, eosdem quoque pedibus meruisse) Lips. Mil. rom. V, 18; Scheffer. de Mil. nav. II, 3; Schel. ad Hygin. pag. 1057; Sigon. de ant. jur. prov. II, 6; Noodt. de jurisd. I, 13. Socii navales conscribebantur ex libertinis, quia hæc minus honorata erat militia; vide XXXVI, 2; XL, 18 extr.; XLII, 27, et 31; Scheffer. de Mil. nav. II, 4. — Sed præter hos Romanos etiam alii sociis imperabantur, scilicet sociis maritimis Italiæ, qui usum rei nauticæ habebant, et Romanis etiam naves ex foedere dare tenebantur; unde XLIII, 12, n. 4; et

pulandum agrum nucerinum profecti, proximis raptim vastatis, unde reditus tutus ad naves esset, dulcedine (ut fit) prædæ longius progressi, excivere hostes. Palatis per agros nemo obvius fuit, quum occidione occidi² possent: redeuntes agmine incauto haud procul navibus assequuti agrestes exuerunt præda, partem etiam occiderunt: quæ superfuit cædi, trepida multitudo ad naves compulsa est. Profectio Q. Fabii trans ciminiam silvam quantum Romæ terrorem fecerat, tam lætam famam in Samnium ad hostes tulerat: *interclusum romanum exercitum obsideri, cladisque imaginem furculas caudinas memorabant; eadem temeritate avidam ulteriorum³ semper gentem in saltus invios deductam; septam non hostium magis armis, quam locorum iniquitatibus esse.* Jam gaudium invidia quadam miscebatur, quod belli romani⁴ decus ab Samnitibus fortuna ad Etruscos avertisset. Itaque armis virisque ad obterendum⁵ C. Marcium consulem concurrunt; protenus inde Etruriam per Marsos ac Sabinos petaturi, si Marcus dimicandi potestatem non faciat. Obvius iis consul fuit: dimicatum prælio utrimque atroci, atque incerto eventu est; et quum anceps cædes fuisset, adversæ

Italia (post quæ verba numerus excidit) pro ex sociis italicis. Duas partes Romanorum, tertiam sociorum fuisse, scribit Livius XLII, 31. Sed ex solo hoc loco non confici potest, id semper servatum fuisse. — Duk.

2. *Quum occidione occidi possent; excidione* quatuor e scriptis præferunt; male; *occidi occidione* sæpius apud nostrum occurrit; hoc libro, cap. 44: *occidione occisi hostes*; X, 39: *Auream olim atque argenteam Samnitium aciem a parente suo occidione occisam*; XXVIII, 43: *Quum duo exercitus*

eorum prope occidione occisi essent; XXX, 32: *Tot exercitus occisione occisos.* Conf. ad II, 51, n. 9. Ed. Mox parum venuste repetitur *occiderunt.* Forte leg. *ceciderunt.*

3. *Avidam ulteriorum*, plura et majora appetentem, ut *inventis ulteriora petit* apud Ovid. Am. II, 9, 10.

4. *Belli romani* conficiendi decus, gloriam; vel gloriam ex bello, cum Romanis feliciter gerendo, redundantem.

5. *Ad obterendum C. Marcium*, pendendum; *aufreiben*; D. — *Opprimendum* Lovel. 2 et Haverk. sed nihil

tamen rei fama in Romanos vertit⁶, ob amissos quosdam equestris ordinis tribunosque militum atque unum legatum, et (quod insigne maxime fuit) consulis ipsius vulnus. Ob hæc etiam aucta fama (ut solet) ingens terror Patres invasit, dictatoremque dici placebat : nec, quin Cursor Papirius diceretur, in quo tum summa rei bellicæ ponebatur⁷, dubium cuiquam erat : sed nec in Samnium nuntium perferri, omnibus infestis⁸, tuto posse; nec vivere Marcium consulem satis fidebant. Alter consul Fabius infestus privatim Papirio erat : quæ ne ira obstaret bono publico, legatos ex consularium numero mittendos ad eum senatus censuit; qui sua quoque eum, non publica solum, auctoritate moverent, ut memoriam simultatium patriæ remitteret⁹. Profecti legati ad Fabium quum senatusconsultum tradidissent, adjecissentque orationem convenientem mandatis, consul, demissis in terram oculis, tacitus ab incertis, quidnam acturus esset, legatis recessit : nocte deinde silentio (ut mos est) L. Papirium dictatorem dixit. Cui quum ob animum egregie victum legati gratias agerent, obstinatum silentium obtinuit, ac sine responso ac mentione facti sui legatos dimisit, ut appareret, insignem dolorem ingenti comprimi animo. Papirius C. Junium Bubulcum magistrum equitum dixit : atque

mutatione opus. Sic infra XXVII, 41 : ut *Sterni obterique*, priusquam *instruantur*, possint. Ed.

6. *Fama in Romanos vertit*; confer ad II, 3, n. 2.

7. *In quo tum summa rei bellicæ ponebatur*; vide ad III, 5, n. 6.

8. *Omnibus infestis*, quum omnia essent intuta; vide ad I, 7, n. 7. — *Fabius infestus privatim Papirio erat*: nempe hic Fabius consul est ille ipse,

quem magistrum equitum dictator ultimo supplicio afficere voluerat, ut fuse narravit Livius supr. VIII, 30 et seqq. Ed.

9. *Memoriam simultatium patriæ remitteret*; vide ad II, 35, n. 5. — *Nocte deinde silentio... dixit*; vide ad II, 18, n. 3; VIII, 23, n. 12. — *Obstinatum silentium obtinuit*; vid. III, 36, n. 12. — *Mentione facta sui habent* Harlei. Tarvis. utraque, et alii. Ed.

ei, legem curiatam de imperio ferenti¹⁰, triste omen diem diffidit, quod Faucia curia fuit¹¹ principium, duabus insignis cladibus, captæ Urbis et caudinæ pacis : quod utroque anno eadem curia fuerat principium. Macer Licinius¹² tertia etiam clade, quæ ad Cremeram accepta est, abominandam eam curiam facit.

XXXIX. Dictator postero die, auspiciis¹ repetitis, pertulit legem; et profectus cum legionibus, ad terrorem traducti silvam ciminiam exercitus nuper scriptis, ad Longulam pervenit : acceptisque a Marcio consule veteribus militibus, in aciem copias eduxit; nec hostes detrectare visi pugnam; instructos deinde armatosque (quum ab neutris prælium inciperet) nox oppressit : quieti aliquamdiu, nec suis diffidentes viribus, nec hostem spernentes, stativa in propinquo habuere. Interea res in Etruria gestæ; nam et cum Umbrorum exercitu acie depugnatum est (fusi tamen magis, quam cæsi, hostes, quia cœptam acriter non tolerarunt pugnam); et ad Vadimonis lacum² Etrusci,

10. *Legem curiatam de imperio ferenti* (vide ad IV, 58, n. 10, et V, 46, n. 8), *triste omen diem diffidit*; vide ad VIII, 23, n. 13. — *Legem curiatam ferenti*; ferenti de solenni more legem ad populum curiatim convocatum, qua sibi daretur imperium militare. Magistratibus enim rem militarem attingere non licebat, priusquam comitiis curiatis imperium militare populus ipsis mandasset. Hinc lib. V, cap. 52, comitia curiata dicuntur rem militarem continere. Ed. — *Diem diffidit*, rem in posterum diem rejicere coegit. Ed.

11. *Faucia curia fuit principium*, etc.; vide ad III, 51, n. 3. — *Principium* est hic idem quod *prærogativa*;

centuria, curia, tribus *principium* dicebatur, quæ prima rogabatur suffragium; vide Gronov. *Observat.* lib. IV, cap. 1. Ed.

12. *Macer Licinius* (confer ad IV, 7, n. 7) *tertia clade... abominandam*, mali ominis, *eam curiam facit*, scilicet memorans, eam illo quoque tempore prærogativam fuisse. Perperam Ernesti h. l. *curiam* accepit de loco, in quo *senatus sit habitus*.

CAP. XXXIX. 1. *Auspiciis repetitis pertulit legem*; vide ad V, 17, n. 4. — *Ad terrorem traducti*, etc.; vid. ad I, 5, n. 5; et I, 7, n. 7.

2. *Ad Vadimonis lacum* in Etruria (hodie *Lago di Bassano*, de quo vide Fontanini in *Antiq. Hortæ*), natanti-

lege sacrata³ coacto exercitu, quum vir virum legisset, quantis nunquam alias antea simul copiis, simul animis, dimicarunt : tantoque irarum certamine gesta res est, ut ab neutra parte emissa sint tela. Gladiis pugna coepit, et, acerrime commissa, ipso certamine, quod aliquamdiu anceps fuit, accensa est; ut non cum Etruscis toties victis, sed cum aliqua nova gente, videretur dimicatio esse. Nihil ab ulla parte movetur fugæ : cadunt antesignani; et, ne nudentur propugnatoribus signa⁴, fit ex secunda prima acies : ab ultimis deinde subsidiis cietur miles : adeoque ad ultimum laboris ac periculi ventum est, ut equites romani, omissis equis⁵, ad primos ordines peditum per arma, per corpora evaserint : ea velut nova inter fessos exorta acies turbavit signa Etruscorum. Sequuta deinde impetum eorum, utcumque affecta⁶ erat, cætera multitudo tandem perrumpit ordines hostium : tunc vinci pertinacia cœpta, et averti manipuli quidam; et, ut

bus admirandum; vide Plin. II, 95; Polyb. II, 20; Plin. Ep. VIII, 20, et Sen. Quæst. nat. III, 25.

3. *Lege sacrata*; vide ad IV, 26, n. 2. — Recte observat Doujatius hanc legem videri quid simile fuisse ei, qua Samnites delectum habuisse memorantur infr. X, 38 : *Ut nempe qui juniorum non convenisset ad imperatorium edictum, quique injussu abisset, caput Jovi sacratum esset. Lex enim sacrata, teste Festo, est ea qua sancitum est, qui quid adversus eam fecerit, sacer alicui deorum sit.* Ed. — *Quum vir virum*, quilibet miles gommilitonem, legisset, neque electo ex lege sacrata licuisset militiam detrectare; de quo vide Drak. Conf. inprim. X, 38 extr. Alio sensu hæc dixit Virgil. Æn. XI, 632, exemplo Hom. Il. IV, 472. — Vir virum legere dicebatur, quum in

delectu habendo aliquot primo ab imperatore lecti milites, singuli singulos notos sibi, quorumque virtuti confiderent, legebant; hi deinceps alios numero pares sibi, sicque eodem semper ritu ac tenore, donec is copiarum numerus efficeretur, qui opus erat. Ed.

4. *Ne nudentur propugnatoribus signa*, id. qd. *antesignanis*; vide ad II, 20, n. 3. — *Ab ultimis subsidiis*; vide ad II, 20, n. 2. — *Ad ultimum laboris ac periculi ventum est*; confer ad II, 56, n. 4. Forte leg. *ad extremum*, ne eadem vox bis posita sit. Sed vide ad I, 3, n. 8.

5. *Omissis equis*, ut *relictis equis*, VII, 7 extr.

6. *Utcumque affecta erat multitudo*. Quantumcumque, quantumlibet ægra ac fatigata erat. Confer ad IV, 10, n. 6. Ed.

semel dedere terga, etiam certiozem capessere fugam. Ille primum dies fortuna veteri abundantes Etruscorum fregit opes : cæsum in acie, quod roboris fuit; castra eo impetu capta direptaque.

XL. Pari subinde periculo, gloriæque eventu bellum in Samnitibus erat; qui, præter cæteros belli apparatus, ut acies sua fulgeret novis armorum insignibus, fecerunt. Duo exercitus erant : scuta¹ alterius auro, alterius argento cælaverunt : forma erat scuti : summum latius, qua pectus atque humeri teguntur, fastigio æquali; ad imum cuneatior, mobilitatis causa. Spongia pectori tegumentum² : et sinistrum³ crus ocrea tectum : galeæ cristatæ⁴, quæ speciem magnitudini cor-

CAP. XL. I. *Scuta alterius auro, alterius argento cælaverunt*; confer ad Sil. II, 432 (*lævum chypei latus asperum signis*); III, 32, 34; XI, 277. Sed legend. *cælaverant*, et paulo ante fecerant : mox variato scribendi genere dicitur *summum latius*, scilicet scutum, quod est summa pars ejus, et deinde, adjectivo *cuneatior*, quo noster etiam XLIV, 4, utitur, ad voc. forma accommodato, *ad imum cuneatior* : forma igitur scuti ferme triangularis; et *fastigio æquali* ad pectus refertur; Stroth. « Romanos a Samnitibus usum scuti didicisse, tradit Athen. VI, 21, p. 273 (VI, 106, ed. Schweigh.), et Itanum Samnitum primum fabricasse scutum, Clemens Alex. Strom. lib. I, p. 307, et ex eo Euseb. Præp. X, 6; sed forte is fuit Tritannus in gladiatorio ludo Samnitium armatura celebris apud Plin. VII, 20, et scuti gladiatorum Samnitium inventor; » Duk. Cf. Lips. Mil. rom. III, 2; Salmas. ad Vopisci Firm. cap. 4, et in exercit. Plin. p. 26.

2. *Spongia pectori tegumentum*, thoracis genus, ab externa forma et

spongiæ similitudine, opinor, ita appellatum; Doer. Conf. Lips. Mil. rom. III, 6, et Saturn. Serm. II, 11, qui intelligit thoraces laneos, seu coactiles (θώρακας πλῆτοις apud Suidam), e lana coacta (πλήμασι, seu πλωτοῖς, coactilibus, gall. *feutre*, germ. *Fils*), quæ, si addatur acetum, etiam ferro resistit. Vide Plin. VIII, 48, seu 73, ibique Intpp. Tales fuere *spongiæ*, quas Tertull. retiariis, et *baltei*, quos Samnitibus, alii gladiatorum generi, una cum tota armatura, h. l. descripta, tribuit Juvenal. VI, 256, unde et hi gladiatores *Samnitium nomine compellati*; quod Livius mox tradit. Cf. ad Juvenal. loc. cit. et Lips. ll. ll.

3. *Sinistrum crus ocrea tectum*. Non raro apud antiquos una tantum ocrea militi assignatur; ac, pro vario populorum more, alii sinistrum crus, alii dextrum tegebant. De ea re vide Lips. de Mil. rom. III, 7. Conf. etiam VIII, 8, n. 7. Ed.

4. *Galeæ cristatæ*, κόρυθες ἰπποδαοῖαι, quæ speciem magnitudini corporum adderent, speciem magnitudinis corporum auferent; more heroum,

porum adderent. Tunicae auratis militibus⁵ versicolores, argentatis linteae candidae: his dextrum cornu datum: illi in sinistro consistunt. Notus jam Romanis apparatus insignium armorum fuerat; doctique a ducibus erant, *horridum militem esse debere*⁶: *non caelatum auro et argento, sed ferro et animis fretum: quippe illa praedam verius, quam arma, esse; nitentia ante rem, deformia inter sanguinem et vulnera: virtutem esse militis decus, et omnia illa victoriam sequi; et ditem hostem quamvis pauperis victoris praemium esse.* His Cursor vocibus instinctos milites in praelium ducit: dextro ipse cornu consistit; sinistro praefecit magistrum equitum. Simul est concursum, ingens fuit cum hoste certamen; non segnius inter dictatorem et magistrum equitum, ab utra parte victoria inciperet. Prior⁷ forte Junius commovit hostem, laevo dextrum cornu, sacratos more Samnitium milites, eoque candida veste et paribus candore armis insignes: *eos se Orco mactare*⁸ Junius dictitans, quum intulisset signa, turbavit ordines, et haud dubie impulit⁹ aciem: quod ubi sensit dictator: « Ab laevone « cornu victoria incipiet? inquit, et dextrum cornu, « dictatoris acies, alienam pugnam sequetur, non par-

quorum tamen cristae simul ad horrorem incutiendum valent, δεινον λóφος καθύπερθεν νεύει. Conf. ad Sil. XIII, 143. Idem tamen poeta VIII, 419, Sabinis, a quibus Samnites originem ducebant, *conos implumes*, h. e. galeas sine cristis, tribuit.

5. *Auratis militibus et argentatis*, hoc est, quibus erant scuta auro et argento caelata. Sic et Livius mox *militem caelatum auro et argento* dixit. Conf. ad IV, 16, n. 2.

6. *Horridum militem esse debere*; conf. ad Juvenal. II, 11, 12; VIII,

114 sq. et XIV, 194 sq. — *Nitentia ante rem* gerendam, pugnam. — *Instinctos*; *instructos* codd. decem; *vulgatum* tamen minime mutandum; cf. IV, 32; V, 15; VI, 14; X, 14. Ed.

7. *Prior* (prius) *forte Junius* Bulbus mag. eq. — *Sacratos milites*; vide ad c. 39, n. 3. — *Eoque*; vide ad I, 11, n. 6.

8. *Eos se Orco mactare*: quo dicto alludere videtur ad nomen *sacrorum* militum; Stroth. Cf. ad IV, 26, n. 2.

9. *Haud dubie impulit aciem*; vide ad I, 14, n. 8.

« tem maximam victoriæ trahet? » Concitat milites; nec peditum virtuti equites, aut legatorum studia ducibus cedunt. M. Valerius a dextro, P. Decius ab lævo cornu, ambo consulares ad equites in cornibus positos evehuntur: adhortatique eos, ut partem secum capessent decoris, in transversa latera hostium incurrunt: is novus additus terror quum ex parte utraque circumvasisset aciem, et ad terrorem hostium legiones romanæ, redintegrato clamore, intulissent gradum, tum fuga ab Samnitibus cœpta. Jam strage hominum armorumque insignium campi repleri; ac primo pavidos Samnites castra sua acceperere: deinde ne ea quidem retenta: captis direptisque ante noctem injectus ignis. Dictator ex senatusconsulto triumphavit; cujus triumpho longe maximam speciem captiva arma præbuere. Tantum magnificentiæ visum in iis, ut aurata scuta dominis argentariarum¹⁰ ad forum ornandum dividerentur: inde natum initium dicitur fori ornandi ab ædilibus, quum tensæ¹¹ ducerentur. Et Romani quidem ad honorem deum insignibus armis hostium usi sunt: Campani¹², ab superbia et odio

10. *Dominis argentariarum* (non, ut in MSS et antt. edd. *argentariorum*), scil. tabernarum; quæ (vide XXVI, 11, 27; XL, 51) ut omnes fere tabernæ, in foro erant; vide Ind. et ad III, 27, n. 3; VII, 21, n. 3.

11. *Quum tensæ ducerentur* (vide ad V, 41, n. 2), vel ludi ederentur stati et publici, Romani, Florales, etc., *ædiles* signis tabulisque *ornabant forum* et plateas, per quas pompa circensis ducebatur; vide Cicer. Verr. I, 54; III, 4, et Nat. Deor. I, 9.

12. *Campani...gladiatores eo ornatu armarunt Samnitiumque nomine compellarunt*, earumque exemplo Romani. Cf. not. 2. Verba *ornatus*, or-

namenta et ornari ad armaturam quidem referri, sed ad cæteram potius et externam, quam ad gladios aut tela eaque arma, quæ sint ad vim faciendam, monet Ernesti in Exc. ad Suet. Tit. 9, et Tac. Hist. III, 63. Qualis h. l. *ornatus* designetur, patet ex not. 1-4. Verba tamen illa, ut synon. *armare et armamenta*, de omnibus, quibus aliquis *instruitur*, vel instructus est, rebus et armis adhibetur. Confer I, 43, n. 16; VII, 14, n. 5; XXI, 50 (ibi et XL, 26, n. 4, *ornata classis*, ut *instructa* XXII, 19 pr. et al. *armata*, est omnibus necessariis instructa, *ausgerüstete Flotte*); XXIV, 48; XXXV, 23, n. 4 (ubi *arma eque-*

Samnitium, gladiatores (quod spectaculum inter epulas erat) eo ornatu armarunt, Samnitiumque nomine compellarunt. Eodem anno cum reliquis Etruscorum ad Perusiam, quæ et ipsa induciarum fidem ruperat, Fabius consul nec dubia, nec difficili victoria dimicat. Ipsum oppidum (nam ad moenia victor accessit) cepisset, ni legati dedentes urbem exissent: præsidio Perusiæ imposito, legationibus Etruriæ amicitiam petentibus præ se Romam ad senatum missis, consul, præstantiore etiam, quam dictator, victoria triumphans, Urbem est invectus. Quin etiam devictorum Samnitium decus magna ex parte ad legatos, P. Decium et M. Valerium, est versum: quos populus proximis comitiis ingenti consensu consulena alterum, alterum prætorem declaravit.

XLI. Fabio ob egregie perdomitam Etruriam continuatur consulatus: Decius collega datur. Valerius prætor quartum creatus. Consules partiti provincias: Etruria Decio, Samnium Fabio evenit: is profectus ad Nuceriam Alfaternam¹, tum pacem petentes, quod

stria sunt german. Pferdegeschirre); XL, 47; XLIV, 1; Cic. Cæcin. 21; sup. ad VI, 5, n. 3; et inf. ad XXI, 49, n. 7; XLII, 45, n. 4. Hinc et *per ornamenta* (arma) *percuti et feriri* dixit Sen. Ep. 14, et Nat. quæst. 4, in præf., eademque ob causam *ornari provinciæ* XL, 36, earumque magistratus dicuntur, quum decernuntur his a senatu exercitus, stipendia, legati, viaticum, instrumenta prætoris domus, magistratus minores, comites, ministri aliaque necessaria: nisi hæc potius pertinent ad *ornatum* magistratuum provincialium, quo et spectat græca loquendi formula, *κόσμον ἐν ἀρχῇ προστιθέναι*. Conf. ad XLII, 1, n. 5; Ernesti clav. Cicer., Sigon. ant.

jur. prov. II, 11, et Intpp. Sueton. Cæs. 18. *Ornati armatique* junguntur XXVII, 12, n. 5, nisi posterius verbum glossatori debetur. — *Quod spectaculum inter epulas erat*: quem barbarum morem Campanis etiam tribuunt Sil. XI, 51 sq.; Strab. V, p. 175; Ath. IV, 13. Eundem adsciverunt Romani; vide Lips. Sat. Serm. I, 6. *Quod spectaculum pro quorum spectaculum*, nisi ita legend.: vel *spectaculum* ipsi dicuntur gladiatores, qui spectaculo sunt aut illud præbent. — *Samnitium nomine compellarunt*; conf. Scalig. ad Varr. de L. L. IV, p. 34, et Salmas. ad Solin. p. 26. Ed.

CAP. XLI. 1. *Nuceriam Alfaternam* (vide ad Sil. VIII, 532), *tum pacem*

uti ea, quum daretur, noluisent, aspernatus, oppugnando ad deditionem subegit. Cum Samnitibus acie dimicatum; haud magno certamine hostes victi: neque ejus pugnae memoria tradita² foret, ni Marsi eo primum praelio cum Romanis bellissent: sequuti Marso- rum defectionem Peligni eandem fortunam habuerunt. Decio quoque alteri consuli secunda belli fortuna erat: Tarquiniensem metu subegerat frumentum exercitui praebere, atque inducias in quadraginta annos petere. Volsiniensium castella aliquot vi cepit: quaedam ex iis diruit, ne receptaculo hostibus essent: circumferendoque passim bello³, tantum terrorem sui fecit, ut nomen omne etruscum⁴ foedus ab consule peteret; ac de eo quidem nihil impetratum: induciae annuae datae; stipendium exercitui romano ab hoste in eum annum pensum, et binae tunicae in militem exactae: ea merces induciarum fuit. Tranquillas res jam Etruscis turbavit repentina defectio Umbrorum, gentis integrae a cladibus belli, nisi quod transitum exercitus ager senserat. Ii, concitata omni juventute sua, et magna parte Etruscorum ad rebellionem compulsa, tantum exercitum fecerant, ut, relicto post se in Etruria Decio, ad oppugnandum inde Romam ituros, magni-

petentes; vide ad III, 47, n. 1. — Quum daretur; vide ad III, 21, n. 3.

2. Neque ejus pugnae memoria tradita foret, forte legend. ea pugna memoriae tradita foret; Gronov. — Castella; vide ad V, 5, n. 2.

3. Circumferendoque passim bello; vide ad I, 38, n. 3; I, 53, n. 3, et IX, 45, n. 9. Sic et circumferre ad singulas urbes arma XXVIII, 3 pr. XXX, 9 pr. et spargere bellum, h. e. diversis locis, vel dispersis divisisque copiis, vel vagando bellum gerere. Cf. ad Tac. Ann. III, 21, n. 4.

4. Nomen omne etruscum; vide ad I, 10, n. 2. — Foedus peteret; peterent Gaertn. Haverck. et Hearnii Oxoniensis B. Sic et supra VII, 17, concitatur deinde omne nomen etruscum, et, Tarquiniensibus Faliscisque ducibus, ad Salinas perveniunt. Quum autem optimi vulgato adhæreant, nihil est mutandum. Ed.

5. Binæ tunicæ in militem exactæ; conf. ad VIII, 36, n. 9. — Gentis integrae a cladibus belli, nondum iis fractæ, adeoque integris adhuc gaudentis viribus, unversehrt; Duk.

face de se ac contemptim de Romanis loquentes, jactarent. Quod inceptum eorum ubi ad Decium consulem perlatum est, ad Urbem ex Etruria magnis itineribus pergit, et in agro pupiniensi⁶ ad famam intentus hostium consedit. Nec Romæ spernebatur Umbrorum bellum : et ipsæ minæ metum fecerant expertis a gallica clade, quam intutam urbem incole- rent. Itaque legati ad Fabium consulem missi sunt, si quid laxamenti a bello Samnitium esset, in Umbriam propere exercitum duceret : dicto paruit consul, mag- nisque itineribus ad Mevaniam, ubi tum copiæ Um- brorum erant, perrexit. Repens adventus consulis, quem procul Umbria in Samnio bello alio occupatum crediderant, ita exterruit Umbros, ut alii recedendum ad urbes munitas, quidam omittendum bellum cen- serent. Plaga una⁷ (Materinam ipsi appellant) non continuit modo cæteros in armis, sed confestim ad certamen egit : castra vallantem Fabium adorti sunt. Quos ubi effusos ruere in munimenta consul vidit, revocatos milites ab opere, prout loci natura tempus- que patiebatur, ita instruxit : cohortatusque prædica-

6. *In agro pupiniensi*; vid. XXVI, 9, n. 8. — *Expertis a gallica clade*, a Gallis illatæ, acceptæ. Præpositio *a* abest a multis MSS, et recte forsân. — *Quid laxamenti*; cf. ad II, 24, n. 4.

7. *Plaga una*; *Materinam ipsi appellant* : h. l. pars exercitus hostilis, forte græce πлагία, acies quadrata parte altera longior; Glar. Est pagus, vel tribus; Stroth. Tractus, seu pars Umbræ; Duk. *Plaga, amplissimum spatium vel cæli, vel agri*, Nonius Marc. cap. 4. Proprie est regio, seu pars Umbræ, et h. l. pars militum ex ista plaga conscriptum, ut *civitates* apud Justin. II, 12, sunt milites na- vesque ab certis civitatibus contributi;

Jac. Gronov. Eodem modo nomina re- gionum et urbium sæpe pro earum in- colis ponuntur; Drak. Conf. ad III, 47, n. 1. *Pars illa Umbræ ignota*. Cf. ad III, 50, n. 1. — *Instruxit; cohortatusque... jubet; instruit ex suis legi jubeat* J. F. Gronovius, quamvis cæ- teri omnes scripti principesque edd. *instruxit* sibi vindicarent, motus for- tasse quod sequatur *jubet*; verum ea- dem tempora etiam junguntur supra III, 46, *domum se recepit, collegis- que in castris scribit*; ibid. 51, *porta Collina urbem intravere, sub signis, mediaque urbe agmine in Aventinum pergunt*; hoc lib. cap. 40, *dextro ipse cornu consistit; sinistro præfecit magi-*

tione vera qua in Tuscis, qua in Samnio⁸ partorum decorum, exiguam appendicem etrusci belli⁹ conficere jubet : et vocis impiæ poenas expetere, qua se urbem romanam oppugnaturus minati sint. Hæc tanta sunt alacritate militum audita, ut clamor, sua sponte ortus, loquentem interpellaverit ducem : ante imperium deinde concentu tubarum¹⁰ ac cornuum cursu effuso in hostem feruntur. Non tanquam in viros, aut armatos incurrunt : (mirabilia dictu!) signa primo eripi cœpta signiferis; deinde ipsi signiferi trahi ad consullem, armatique milites ex acie in aciem transferri, et, sicubi est certamen, scutis magis¹¹, quam gladiis, geritur res : umbonibus incussaque ala sternuntur hostes. Plus capitur hominum, quam cæditur : atque una vox ponere arma jubentium per totam fertur aciem : itaque inter ipsum certamen facta deditio est a primis auctoribus belli. Postero insequentibusque diebus, et cæteri Umbrorum populi deduntur. Ocriculani sponsione in amicitiam accepti.

strum equitum. Vide etiam Cortium ad Plin. V, ep. 15, et quæ notavit Drak. ad primum Livii locum. Ed.

8. *Qua in Tuscis, qua in Samnio;* vide ad II, 35, n. 3.

9. *Exiguam appendicem etrusci belli,* exiguas Umbrorum copias viresque etruscis eorumque copiis majoribus junctas, quasi accumulatas. Conf. ad VII, 30, n. 3, et XXI, 5, n. 9.

10. *Concentu tubarum ac cornuum,* iis concinentibus, ut c. 32, et XXX, 5. Conf. ad VII, 40, n. 4. Plenius aptiusque quidam MSS *ante concentum tubarum ac corn.* neque enim tigna canebant ante imperium; Gronov. Interdum tamen in magno ardore militum aliter factum legi infr. cap. 43; apud Florum, IV, 2, 66, et Hirt. de

Bell. Afric. c. 82, monet. Duker. — *Cursu effuso;* vide ad I, 14, n. 7.

11. *Scutis magis, quam gladiis* (qui non ipso pugne initio adhibebantur, ne citius redderentur inutiles), *geritur res : umbonibus incussaque ala sternuntur res;* conf. ad IV, 19, n. 4; inpr. XXX, 34, n. 4; Polyb. XV, 13, n. 1 (ubi vide Schweigh.); XV, 15, n. 8; XV, 16, n. 3. *Ala summi humeri pars posterior* Isidor. Orig. XI. *Ala* ea pars humeri brachique, qua adjutrice in conflictu et pugna cominus clypeus in hostem impellitur; Lips. Mil. rom. III, 2. Dum humeris contra hostes nituntur; Stroth. Humero obverso, in hostem oblique mixo, veluti quum hodie verato (*baïonnatte*) in brachium obliquo pugnans, *mit ge-*

XLII. Fabius, alienæ sortis victor belli¹, in suam provinciam exercitum reduxit. Itaque ei, ob res tam feliciter gestas, sicut priore anno populus continuaverat consulatum, ita senatus in insequentem annum, quo Ap. Claudius, L. Volumnii consules fuerunt, prorogavit, maxime Appio adversante, imperium. Appium censorem petisse consulatum, comitiaque ejus ab L. Furio tribuno plebis interpellata², donec se censura abdicavit, in quibusdam annalibus invenio. Creatus consul, quum collegæ novum bellum, Sallentini³ hostes decernerentur, Romæ mansit, ut urbanis artibus opes auget, quando belli decus penes

fältem Gewehre; Bauer. Conf. ad Sil. IV, 352 sq. et IX, 322 sq.

CAP. XLII. 1. *Fabius victor belli*, in bello, *alienæ sortis*, quod sorte evenerat alii, scil. collegæ; Stroth.— *In suam provinciam*; conf. ad II, 40, n. 9. — *Itaque ei senatus prorogavit imperium*, proconsulare dedit. « *Senatus*, i. e. populus interveniente decreto senatus: nam imperium a populo prorogabatur comitiis tributis; sed sæpe ex senatusconsulto; » Duk. Conf. ad XXXII, 28, n. 3. — *In insequentem annum*; *insequente anno*. Gron.; sed optimi in vulg. consentiunt. Ed.

2. *Comitiaque ejus ab L. Furio trib. pl. interpellata, donec se censura abdicavit*, forte *abdicavit*. Nota Dukeri est: « Tribunus intercessit, ne quid comitiis consularibus a populo peragi posset: nam tribuni pl. non poterant intercedendo efficere, ut consules comitia centuriata convocare non possent. Id Gruch. de Com. I, 4 probat ex Liv. VII, 17; Dionys. VIII, 90, et Epit. Liv. CV. Est tamen ratio nonnulla dubitandi de eo ex Liv. VI, 35, nisi hoc ita accipiendum est, convocata quidem esse comitia centuriata,

verum sine effectu propter intercessionem tribunorum plebis: quod in re idem erat, ac si plane nulla habita fuissent. Idque ex eo probabilis fit, quod in comitiis, quæ legum ferendarum causa habebantur, tribuni plebis non intercedebant, nisi quo die populus legis jubendæ causa convocabatur. Cf. VI, 35. Et eandem rationem in mulctarum certationibus ad populum obtinuisse, ex XXV, 5 colligitur.

3. *Sallentini hostes*; conf. ad X, 2, n. 2. — *Ut urbanis artibus opes auget; per artes urbanas* intelligit Livius juris et eloquentiæ peritiam, quam App. Claudio tribuit, et peritiæ militari opponit X, 22: « Esse præterea viros natos militiæ, factis magnos, ad verborum linguæque certamina rudes: ea ingenia consularia esse. Callidos solertesque, juris atque eloquentiæ consultos, qualis Appius Claudius esset, urbi ac foro præsidēs habendos. » Alibi sæpe eo sensu inter *belli pacisque artes* distinguitur. Per *opes* autem hic intelligitur auctoritas, potentia, amplitudo. Vide ad I, 4, n. 1; IX, 46, n. 15; X, 15, n. 13. Ed. — *Quando belli decus, dum,*

alios esset. Volumnium provinciæ haud pœnituit⁴; multa secunda prælia fecit : aliquot urbes hostium vi cepit. Prædæ erat largitor, et benignitatem per se gratam comitate adjuvabat : militemque iis artibus fecerat et periculi et laboris avidum. Q. Fabius proconsul ad urbem Allifas cum Samnitium exercitu signis collatis confligit : minime ambigua res fuit; fusi hostes, atque in castra compulsi : nec castra forent retenta, ni exiguum superfuisset diei : ante noctem tamen sunt circumsessa, et nocte custodita, ne quis elabi posset. Postero die, vixdum luce certa, deditio fieri cœpta : et pacti, qui Samnitium forent, ut cum singulis vestimentis⁵ emitterentur; hi omnes sub jugum missi : sociis Samnitium nihil cautum; ad septem millia sub corona venire⁶. Qui se civem Hernicum dixerat, seorsum in custodia habitus : eos omnes Fabius Romam ad senatum misit : et, quum quæsitum esset, delectu, an voluntarii pro Samnitibus adversus Romanos bellassent, per latinos populos custodiendi dantur; jussique eam integram rem novi consules, P. Cornelius Arvina, Q. Marcius Tremulus (ii enim jam creati erant), ad senatum referre : id ægre passi Hernici. Concilium populorum omnium habentibus Anagninis in circo, quem Maritimum vocant, præter Alatrinatem Ferentinatemque et Verulanum, omnes hernici nominis⁷ populo romano bellum indixerunt.

XLIII. In Samnio quoque, quia decesserat inde Fabius, novi motus exorti. Calatia et Sora præsidiaque, quæ in iis Romana erant, expugnata : et in captivorum corpora militum foede sævitum : itaque eo P. Corne-

4. *Volumnium provinciæ haud pœnituit*; vide ad II, 54, n. 16.

5. *Cum singulis vestimentis, etc.*; vide ad III, 19, n. 9.

6. *Sub corona venire*; vide ad II, 17, n. 3.

7. *Omnes hernici nominis*; vide ad I, 10, n. 2.

lius cum exercitu missus. Marcio novi hostes (jam enim Anagninis Hernicisque aliis bellum jussum¹ erat) decernuntur. Primo ita omnia opportuna loca hostes inter consulum castra interceperunt, ut pervadere expeditus nuntius non posset, et per aliquot dies incerti rerum omnium, suspensique de statu² alterius, uterque consul ageret, Romamque is metus manaret; adeo ut omnes juniores sacramento adigerentur, atque ad subita³ rerum³ duo justi scriberentur exercitus. Cæterum hernicum bellum nequaquam pro præsentî terrore, ac vetustate gentis gloriæ fuit: nihil usquam dictu dignum ausi, trinis castris intra paucos dies exuti, triginta dierum inducias, ita ut ad senatum Romam legatos mitterent, pacti sunt bimestri stipendio, frumentoque, et singulis in militem tunicis: ab senatu ad Marcium rejecti, cui senatusconsulto permissum de Hernicis erat: isque eam gentem in deditionem

CAPUT XLIII. 1. *Hernicisque aliis bellum jussum erat a populo, qui jubere et sciscere dicitur, ut senatus censere et decernere.* Conf. XLI, 7, et XLII, 36. Hinc *populus jussit de pace XXX, 43, n. 2, et de bello XXXVIII, 45; sed et bellum senatus jussisse dicitur VI, 14, et XLII, 33, n. 3, quod Dukerus explicat de senatusconsultis post jussum populi (XXXVIII, 45) factis de genere ac numero militum, etc. Hernicis bellum jussum, scilicet fieri, ut plene IX, 45, et eodem modo bellum senatus Perseo jussit XLII, 33, n. 3, et bellum regi eorum et senatus decreasset et populus jussisset XLII, 36, n. 1; quibus locis cum Perseo et cum rege (ut XXXI, 8; XXXVI, 2) conj. Gron. Sed ita quoque supplendum esse sumi, ut XXXVI, 2; vel esse, ut ibidem, vel geri, fieri, etc., monet Drakenborch. ad hunc locum.*

2. *Suspensi de statu alterius (vide ad II, 32, n. 5) uterque consul ageret; cf. ad VII, 24, n. 2. Vocem uterque ita et cum singul. et cum plur. jungi, haud placet. Non male cod. Rottend. nuntius non posset. Per aliquot.... agere, Romamque is metus manarat.*

3. *Ad subita rerum; vide ad IV, 27, n. 1. — Justî exercitus; vide ad VI, 13, n. 3. — Bellum nequaquam pro præsentî terrore, etc.; vide VII, 33, n. 2.*

4. *Singulis in militem tunicis, ut not. 10; vide ad VIII, 36, n. 9. — Rejecti; vide ad II, 22, n. 4. — Cui permissum de Hernicis erat, scilicet statuendi arbitrium; ut senatui de re permittere XXXIII, 13; XXXVI, 35, et inter permittentes in vicem XXXVII, 52; quum uterque alterius arbitrio rem permitteret; Ern. Conf. ad XXXVIII, 32, n. 2.*

accepit⁵. Et in Samnio alter consul superior viribus, locis impeditior⁶ erat : omnia itinera obseperant hostes, saltusque pervios ceperant, ne qua subvehi com meatus possent : neque eos, quum quotidie signa in aciem consul proferret, elicere ad certamen poterat ; satisque apparebat, neque Samnitum certamen præsens, nec Romanum dilationem belli laturum. Adventus Marcii, qui, Hernicis subactis, maturavit collegæ venire auxilio, moram certaminis hosti exemit ; nam, ut qui ne alteri quidem exercitui⁷ se ad certamen credidissent pares, conjungi utique passi duos consulares exercitus nihil crederent superesse spei, advenientem incomposito agmine Marcium aggrediuntur. Raptim collatæ sarcinæ in medium, et, prout tempus patiebatur, instructa acies : clamor primum in stativa perlatus, dein conspectus procul pulvis tumultum apud alterum consulem in castris fecit. Isque, confestim arma capere jussis, raptimque eductis in aciem militibus, transversam hostium aciem atque alio certamine occupatam invadit ; clamitans : *summum flagitium fore, si alterum exercitum utriusque victoriæ compotem sinerent fieri, nec ad se sui belli vindicarent decus*. Qua impetum dederat, perrumpit ; aciemque per mediam in castra hostium tendit, et vacua defensoribus capit atque incendit. Quæ ubi flagrantia Marcianus miles conspexit, et hostes respexere, tum passim fuga cepta Samnitium fieri : sed omnia obtinet cædes, nec in ullam partem tutum perflugium

5. *Gentem in deditionem accepit* ; vide ad VIII, 20, n. 7.

6. *Locis impeditior erat* : propriæ loca impeditiora erant ad iter faciendum, vel ejus iter impediabant. Conf. XXI, 9, n. 1, et ad V, 16, n. 2. Similiter *impedita loca* pro inviis IX,

2, n. 5 ; XXV, 11, n. 2, al. et *munitio nibus saltum impedire* pro impeditiorem reddere XXXVI, 16 pr.

7. *Ut qui ne alteri quidem exercitui, etc.* ; conf. ad VIII, 30, n. 7. — *Conjungi utique passi*, si passi essent ; vide ad V, 2, n. 7. Ante *conjungi*

est. Jam, triginta millibus hostium caesis⁶, signum receptui consules dederant, colligebantque in unum copias, in vicem inter se gradantes; quum repente visa procul hostium novae cohortes, quae in supplementum scriptae fuerant, integravere caedem. In quas, nec jussu consilium, nec signo accepto, victores vadunt, *malo tirocinio imbuendum Samnitum*⁹, clamitantes. Indulgent consules legionum ardori, ut qui probe scirent, novum militem hostium inter percussos fuga veteranos ne tentando quidem satis certamini fore. Nec eos opinio fefellit; omnes Samnitium copiae, veteres novaeque, montes proximos fuga capiunt: eo et romana erigitur acies: nec quidquam satis tuti loci victis est, et de jugis, quae ceperant, funduntur; jamque una voce omnes pacem petebant. Tum, trium mensium frumento imperato, et annuo stipendio, ac singulis in militem tunicis¹⁰, ad senatum pacis oratores missi. Cornelius in Samnio relictus. Marcius de Hernicis triumphans in Urbem rediit; statuaque equestris in foro decreta est¹¹, quae ante templum Castoris posita est. Hernicorum tribus populis, Alatrinati, Ve-

forte excidit copula et, certe supplenda est.

8. *Jam triginta millibus hostium caesis*; Stroth. ad h. l. et X, 45 extr. Auctus est sine dabbio et h. l. et alibi caesorum hostium numerus. E Samnio, quae regio magnitudiae vix terris saxonicis par erat, intra 29 annorum spatium caesi sunt ad 250,000, capti ultra 60,000. Namque 190,000 caesi nominatim referuntur a Livio, praeter illos, quos, numero non relato, ingenti multitudine caesos ait, ut VII, 33, 37; VIII, 36, 39; IX, 13, 23, 40. — *Conf. quae ipse Livius de hac re disputavit VI, 12.*

9. *Malo tirocinio imbuendum Sam-*

nitem; nos: man müsse den Samniter übel in die Lehre nehmen: tironibus enim constabant novae hostium cohortes; Doer.

10. *Imperato*, etc. Imperare in hac re frequens ac solenne est, et passim apud nostrum occurrit. Cf. Drak. ad h. l. En. — *Singulis in militem tunicis*; vide ad VIII, 36, n. 9, et sup. n. 4.

11. *Statuaque equestris in foro decreta est, quae... posita est*: imo leg. *decreta ei*, quod et monuit Gronov. Cf. ad VIII, 13, n. 7. — *Quae ante templum Castoris posita est*; confer Cicer. Phil. VI, 5; Plin. XXXIV, 5, et Pigh. Ann. ad ann. 447, p. 375. — *Quia maluerunt suas leges retinere,*

rulano, Ferentinati, quia maluerunt, quam civitatem, suæ leges redditæ : connubiumque inter ipsos, quod aliquamdiu soli Hernicorum habuerunt, permissum. Anagninis, quique arma Romanis intulerant, civitas

quam civitatem rom. accipere, suæ leges redditæ (relictæ, ut VIII, 14), connubiumque inter ipsos permissum, ut liceret Alatrinati Verulanam, aut Ferentinatam ducere et vice versa, quod illi aliquamdiu Hernicorum soli habuerunt, quum contra reliquis hernici nominis populis non liceret enubere ex sua cuivis civitate; Strothius. Contra Anagninis concilia connubiaque adempta; vide ad VIII, 14, n. 9, et XXIII, 20, n. 1. Docta est super h. l. disputatio Dukeri, ex qua hæc excerpimus : « Ex Dionys. VIII, 69; coll. IX, 5, 35, 67, et Liv. II, 64; III, 4, 22, suspicari licet, Hernicis jam olim jus civitatis, invito senatu populoque romano, a Sp. Cassio III consule datum, deinde ademptum fuisse; vel eos, quum auctor illius non ita multo post supplicio affectus fuisset, et res in magna invidia esset, sponte eo abstinuisse. Atque ea causa esse potest, cur Livius II, 41 fœderis tantum cum Hernicis icti, non civitatis tum iis datæ mentionem faciat.—Hunc locum tractarunt Sigon. de ant. jur. Ital. II, 7, et Spanhem. Orb. rom. I, 12. Ille scribit, municipiis, quibus suffragium non dabatur, suas leges permissas; quæ suffragio ornabantur, legibus romanis obstricta fuisse. Hic vero, auctoribus Cic. et Gellio, qui municipia non aliis legibus Romanorum obstricta fuisse tradunt, quam in quas populi illi fundi facti fuerant, negat, municipia cum jure suffragii continuo suis legibus spoliata fuisse; et paulo post addit, negari non posse, quod vel ex h. l. Liv. pateat, eam fuisse, municipi-

piorum aliquot conditionem, ut cum romana civitate Romanorum legibus, amisso legum suarum arbitrio, deinceps obstricta forent. Ex his disputationibus non plane intelligo, quodnam fuerit vetus jus municipiorum illius temporis, de quo hic agit Livius; quem locum lubricum esse, vere dicunt viri docti. Nam mihi de jure municipiorum sine suffragio omnia alia, atque illi voluerunt, ex Livio colligi videntur. Quum dicunt, municipia, quibus civitas romana cum suffragio dabatur, simul cum illa leges romanas accepisse, eo ipso pro certo ponunt, Alatrinatibus, Verulanis et F. civitatem cum suffragio oblatam fuisse. Hoc non diserte quidem tradit Livius; sed probabile est, his fidelibus sociis plus tributum fuisse, quam rebellibus Hernicorum populis, quibus civitas sine suffragii latatione data. Sed illi, ne leges suas amitterent, munere illo uti nolere. Unde consequens est, eos, qui civitatem romanam cum suffragio accipiebant, etiam leges romanas una cum civitate accepisse. Sed qua ratione putaverint ex h. l. Liv. intelligi, eos, quibus civitas sine suffragio dabatur, leges suas retinuisse, non assequor, et contrarium potius ex eo confici existimo, quod Anagninis cæterisque Hernicorum populis, qui defecerant, cum civitate sine suffragio data magistratibus interdictum est. Cur enim, si leges suæ illis relictæ erant, magistratus adimebantur? An enim, ubi leges sunt, magistratus non debent esse, qui ex iis jus dicant? Et Sig. ipse sibi in hac re non satis constat. Nam ad h. l. et de

sine suffragii latione data: concilia connubiaque adempta; et magistratibus, præterquam sacrorum curatione, interdictum¹². Eodem anno ædes Salutis a C. Junio Bubulco censore locata est¹³, quam consul bello Samnitium voverat: ab eodem collegaque ejus M.

ant. jur. Ital. II, 10, 12, 13, ex verbis Livii *magistratibus interdictum* et ex Festo longe aliud docet, scilic. Anagninam in præfecturæ formam redactam, in præfecturas autem quotannis Roma præfectos, qui ibi ex legibus romanis jus dicerent, missos fuisse. Hoc si verum est, cur credemus, cæteros Hernicorum populos, qui in eadem causa erant, quibus itidem magistratibus interdictum, ut Anagninis, leges suas retinuisse? aut quomodo hinc quasi regulam conficiemus, omnibus municipiis, quæ civitate romana sine suffragio donabantur, leges suas relictas fuisse? Nec confirmatur hæc sententia ex Livio, IX, 45, ubi *Æqui civitatem sine suffragio Hernicis datam pœnam interpretantur*. Jam vero quum in ea re per se nihil pœnæ sit, quippe quum interdum bene meritis honoris causa civitatem sine suffragio datam legamus, pœna illa in hoc solo sita esse potuit, quod civitatem ita datam legum suarum amissionem sequebatur: quos multos civitati romanæ etiam cum suffragio datæ præposuisse, ex his locis cognosci potest. Nam, quod alibi Livius aliique Latinos Italicosque jus civitatis rom. cupidissime appetiisse tradunt, id ad posteriora tempora pertinet. Et ad eadem referenda, quæ Spanhem. adv. Sig. de populis fundi disputat. Verum quemadmodum non puto, ex his duobus locis Livii ostendi posse, olim municipia omnia, quibus civitas romana sine suffragio data erat, leges suas retinuisse, ita neque affirmare velim, ea omnia leges suas cum

civitate romana amisisse. Nam fortassis aliquid discriminis fuit inter populos, quibus Romani hoc honoris causa tribuebant, ut Cæritibus apud Strab. V, p. 220, et Gell. XVI, 13, et Fundanis Formianisque apud Liv. VIII, 14, et eos, qui, quum, a societate eorum descivissent, deinde ab aliis victi subactique fuerant, ut hic Hernici. Quando autem primum inductum sit, ut municipia non aliis legibus Romæ tenerentur, quam in quas populi illi fundi facti fuerant, nusquam, quod sciam, traditum est; sed verum esse potest, quod Otto putat, id capisse obtinere post bellum sociale. »

12. *Magistratibus, præterquam sacrorum curatione, interdictum*, iis magistratus, vel tituli saltem eorum relicti. sed interdictum, aliqua muneris parte, præter sacrorum curationem, fungi: quibus rite peragendis nulli præesse posse existimabantur, quam qui titulo illo magistratum veterum gaudebant: ex qua eadem superstitione Romanos regem sacrorum creasse post reges ejectos, ut publica sacra, olim per ipsos reges factitata, curaret, Liv. II, 2, auctor est; Drak. « Hoc ideo videtur dicere, quod non Romæ tantum, verum etiam in aliis urbibus, multi, qui magistratus gerebant, sacerdotiis quoque fungebantur. Hos igitur sacerdotia, non magistratus, retinere voluerunt: nam alioqui sacerdotia proprie non sunt magistratus; » Duk.

13. *Ædes Salutis a censore locata est* redemptoribus qui eam extruerent; vide ad V, 23, n. 6.

Valerio Maximo viæ per agros publica impensa factæ. Et cum Carthaginiensibus eodem anno foedus¹⁴ tertio renovatum : legatisque eorum, qui ad id venerant, comiter munera missa.

XLIV. Dictatorem idem annus habuit P. Cornelium Scipionem, cum magistro equitum P. Decio Mure : ab iis, propter quæ creati erant, comitia consularia habita, quia neuter consulum potuerat bello abesse : creati consules L. Postumius, Ti. Minucius. Hos consules^r Piso Q. Fabio et P. Decio suggerit, biennio exempto, quo Claudium Volumnumque, et Cornelium cum Marcio consules factos tradidimus : memoriane fugerit in annalibus digerendis, an consulto binos consules, falsos ratus, transcenderit, incertum est. Eodem anno in campum Stellatem² agri campani Samnitium incursiones factæ. Itaque ambo consules, in Samnium missi, quum diversas regiones, Tifernum Postumius, Bovianum Minucius, petissent ; Postumii prius ductu ad Tifernum pugnatum : alii haud dubie Samnites victos, ac viginti millia³ hominum capta tradunt : alii Marte æquo discessum, et Postumium, metum simultantem nocturno itinere, clam in montes copias

14. *Cum Carthaginiensibus foedus tertio renovatum* ; vide VII, 27, n. 2. — Tria foedera Romanorum cum Carthaginiensibus ante punica bella memorat Polyb. lib. III. Primum refert ad primum constitutæ in urbe Roma libertatis annum. Secundam quo tempore ictum fuerit, non docet. Tertium Pyrrhi bello factum fuisse scribit. Livius unius tantum ante hoc tempus foederis meminit, lib. VII, c. 27. Ed.

CAP. XLIV. 1. *Hos consules Piso* (vide I, 55, n. 8) *Q. Fabio et P. Decio suggerit* (vide ad II, 8, n. 5), *biennio exempto de numero annorum, omisso.*

— *Memoriane, num e memoria ejus fugerit, exciderit, sc. hoc biennium* : nisi potius explicandum : num *memoria* (primo casu) *fugerit eum*, ut apud Plaut. Bacch. I, 1, 2. Sic et : *hoc fugit me.* — *Memoriane, scripti plures edd. ; sed vulgatum non displicet. Ed.*

2. *In campum Stellatem, fertilissimum in Campania mediterranea. Cf. XXII, 13 ; Cic. Agr. I, 7 ; II, 31 ; Sueton. Cæs. 20, et Camilli Campan. Fell. Diss. II, c. 33 sq.*

3. *Viginti millia ; in aliis libris adeo XXX millia : sed forte pro XX millia ex Diodor. lib. XX, p. 779 ; legend.*

abduxisse; hostes sequutos duo millia⁴ inde locis munitis et ipsos consedissee. Consul, ut stativa tuta copiosaque⁵ (et ita erant) petisse videretur, postquam et munimentis castra firmavit, et omni apparatu rerum utilium instruxit, relicto firmo præsidio, de vigilia tertia, qua duci proxime potest⁶, expeditas legiones ad collegam, et ipsum adversus alios sedentem⁷, ducit. Ibi, auctore Postumio, Minucius cum hostibus signa confert; et, quum anceps prælium in multum diei processisset, tum Postumius integris legionibus defessam jam aciem hostium improvise invadit. Itaque, quum lassitudo ac vulnera fugam quoque præpedissent, occidione occisi hostes; signa unum et viginti capta:

duo millia « στρατιώτας δὲ ἐξωρήσαν ὑπὲρ τοὺς δισχιλίους. » Sic sæpe numeri a librariis confusi, auctique videntur. Conf. ad c. 43, n. 8.

4. *Hostes sequutos ad duo millia passuum inde consedissee*, ut in omnibus fere MSS, cap. 45; ubi multæ editiones, etiam Drakenb., *millibus* habent. Conf. ad cap. 24, n. 2.

5. *Stativa tuta copiosaque*, copia omnium rerum abundantia. — *Rerum utilium*; vide ad III, 42, n. 2. — *De vigilia tertia*, ab ejus initio, post eam inceptam, et ante illam exactam, h. e. a media nocte (vide ad Sil. VII, 154 sq.), ut XXVIII, 7; XL, 4; apud Cæs. Bell. Civ. II, 35; Bell. Gall. V, 9. Sic et *de multa ac media nocte* ap. Cic. et al. passim; et *potare de medio die*, vel *de media luce* apud Hor. Sat. II, 8, 3; et Epist. I, 14, 34; I, 18, 91 (ubi vide Bentl.); quo sensu etiam dictum putatur *epulari de die infra XXIII, 8, et XXV, 23*; quod tamen nonnulli exponunt *a mane*, et Stroth. etiamnum interdiu, ante justum cœnæ tempus, quæ quidem Romæ sub noctem erat. Ernesti in clav. Cicer. « *De*

nocte, inquit, est statim a media nocte, seu multa adhuc nocte, et sic *de die* statim a meridie, seu multa adhuc die, ut in illo *convivari de die*: vide Burm. ad Phædr. III, 10, 20, quamquam interdum etiam *a mane* esse vult Salmas. ad Solin. f. 456. » Idem vero Salmas. apud Plaut. Asin. IV, 2, 16, *de die et nocte* dici monet pro *de*, vel *a media die et nocte*, quia tunc maxime nox, aut dies esse intelligatur, quum mediæ sint. De iisdem *tempestivis conviviiis* luxuriosorum, ante horam nonnam, vel decimam, qua homines frugi Romæ cœnare solebant (vide ad Tac. Ann. XIV, 2, n. 2), græce dicitur ἀπ' ἡμέρας πίνετον apud Polyb. VIII, 27 et 29; XXIV, 5, al. Conf. Vales. ad Diodor. t. II, p. 577, ed. Wessel., Toup. Emend. in Suid. P. III, p. 221, et Mitscherl. ad Hor. Od. I, 1, 20.

6. *Quæ duci proxime potest*; vide ad III, 70, n. 2.

7. *Adversus alios sedentem*, in stativis se tenentem; Doer. Cf. ad XXI, 48, n. 8. — *Occidione occisi*; vide ad II, 51, n. 9. Mox *capta...capta...capta...capitur*, parum venuste. Sal-

atque inde ad castra Postumii perrectum. Ibi duo victores exercitus percussum jam fama hostem adorti fundunt fugantque: signa militaria sex et viginti capta, et imperator Samnitium Staius Gellius⁸ multique alii mortales, et castra utraque capta: et Bovianum, ubi postero die coeptum oppugnari, brevi capitur: magnaue gloria rerum gestarum consules triumpharunt. Minucium consulem, cum vulnere gravi relatum in castra, mortuum⁹, quidam auctores sunt, et M. Fulvium in locum ejus consulem suffectum; et ab eo, quum ad exercitum Minucii missus esset, Bovianum captum. Eodem anno Sora, Arpinum¹⁰, Censennia, recepta ab Samnitibus. Herculis magnum¹¹ simulacrum in Capitolio positum dedicatumque.

XLV. P. Sulpicio¹ Saverione, P. Sempronio Sopho consulibus, Samnites, seu finem, seu dilationem belli quaerentes, legatos de pace Romam misere. Quibus

tem del. *capta* post *viginti*; Gronov. Conf. ad I, 3, n. 8.

8. *Staius Gellius*, Γάλλιος Γάϊος apud Diodor. lib. XX, p. 779. *Status* conj. Drak. h. l. et X, 18; sed *Staium* quoque memorari dicit XXIV, et ap. Valer. Maxim. I, 8; 6. — *Bovianum*, ubi postero die *captum oppug. brevi capitur*, ergo iterum (vide cap. 31), et sine ulla defectionis mentione. Ex Diodori lib. XX leg. *Bola*....*capta* (quod verbum in multis MSS reperitur) et mox *Bolam captam*; Sigon. Sed Bolam, Æquorum, non Samnii urbem, alienam ab h. l. videri docent Drak. et Perizon. Anix. hist. cap. 4, pag. 164, qui monet, Bovianum primum narrari captum cap. 31, deinde h. l., tertium X, 12, et mox X, 41, memorari, quasi semper Samnitium fuerit, adeoque, vel errasse Livium, dum imprudens alios aliis locis aequ-

retur auctores, vel, si vere oppidum toties expugnatum sit, eum perperam ne verbo quidem monuisse, identidem ab hostibus fuisse recuperatum.

9. *Mortuum (esse) quidam auctores sunt*; vide ad II, 58, n. 1.

10. *Censennia*: al. *Consentia* non apte h. l. *Serennia* (oppidum non minus, quam *Censennia*, obscurum), Diodor. XX. *Æsernia* emend. Glar. et Cluver. *Cerfennia* (inter Corfinium et Alban. Fucentiam); Ruben.

11. *Herculis magnum simulacrum*, etc. « statua colossea, qualis Tarento Romam translata a Fabio Cunctatore (vide Strab. VI, p. 278, Plutarc. Fab. p. 187; Plin. XXXIV, 7), nisi hæc eadem, et Livius memoria lapsus est. »

CAP. XLV. I. P. Sulpicio, etc. ap. Plin. XXXIII, 1, seu 6, et Diodor. XX. L. Sulpicio, P. Sempronio Longo. Forte hic Sempronius e familia Lon-

suppliciter agentibus responsum est, *nisi sæpe bellum parantes pacem petissent Samnites, oratione ultro citroque habita, de pace transigi potuisse. Nunc, quando verba vana ad id locorum fuerint, rebus² standum esse. P. Sempronium consulem cum exercitu brevi in Samnio fore: eum, ad bellum pacemne inclinent animi, falli non posse: comperta omnia senatui relaturum: decedentem ex Samnio consulem legati sequerentur.* Eo anno quum pacatum Samnium exercitus romanus, benigne præbito comœatu, peragrasset, foedus antiquum Samnitibus redditum. Ad Æquos inde veteres hostes, cæterum per multos annos sub specie infidæ pacis quietos³, versa arma romana: quod, incolumi hernico nomine, missitaverant simul cum iis Samniti auxilia, et, post Hernicos subactos, universa prope gens, sine dissimulatione consilii publici, ad hostes desciverat; et postquam, icto Romæ cum Samnitibus foedere, faciales venerant res repetitum, *tentationem aiebant esse, ut, terrore incusso belli, Romanos se fieri paterentur: quod quantopere optandum foret, Hernicos docuisse: quum, quibus licuerit, suas leges romanæ⁴ civitati præoptaverint: quibus legendi, quid mallent, copia non fuerit, pro pœna necessariam civitatem fore.* Ob hæc vulgo in conciliis jactata, populus

gorum fuit, et Romanis Σοφὸς dictus est; quod uni cognomen inditum est, ob excellentem juris scientiam. Vide Pomp. de Or. Jur. II, 37. ED. — *Oratione ultro citroque habita*, in utramque partem, ut ap. Gell. V, 12, *vocabula ambigua et utroque versum dicta.* — *Ad id locorum*, usque ad hoc tempus, ut XXII, 38; XXV, 19, 22, 32; XLIII, 5, et similiter apud Sallust. Bell. Jug. 102; *postea loci*, vel apud Terentium, Eunuch. II, 2, 24, et Plaut. Mostell.

III, 1, 1, *interea loci*; Stroth. Conf. ad XXVII, 7, n. 10.

2. *Rebus standum*; cf. III, 36, n. 11.

3. *Sub specie infidæ pacis quietos*, ita tamen, ut pacem suam infidam esse satis indicarent; Doer. — *Incolumi hernico nomine*, ut contra mox post *Hernicos subactos*. Cf. I, 10, n. 2.

4. *Quibus licuerit, suas leges romanæ*, etc. Conf. cap. 43, n. 11. — *Necessariam civitatem*, jus civitatis rom. necessitate, vel vi iis obtrusum.

romanus bellum fieri Æquis jussit : consulesque ambo, ad novum profecti bellum, quatuor millia a castris hostium consederunt. Æquorum exercitus (ut qui suo nomine permultos⁵ annos imbelles egissent), tumultuario similis, sine ducibus certis, sine imperio, trepidare : alii exeundum in aciem, alii castra tuenda censent : movet plerosque vastatio futura agrorum ac deinceps cum levibus præsiidiis urbium relictarum excidia. Itaque postquam inter multas sententias una, quæ, omissa cura communium, ad respectum suarum quemque rerum vertisset, audita, ut prima vigilia diversi⁶ e castris ad deportanda omnia tuendaque mœnibus in urbes abirent; cuncti eam sententiam ingenti assensu accepere. Palatis hostibus per agros, prima luce Romani, signis prolatis, in acie consistunt, et, ubi nemo obvius ibat, pleno gradu ad castra hostium tendunt⁷. Cæterum, postquam ibi neque stationes pro portis, nec quemquam in vallo, nec fremitum consuetum castrorum animadverterunt, insolito silentio moti, metu insidiarum subsistunt : transgressi deinde vallum, quum deserta omnia invenissent, pergunt hostem vestigiis sequi. Sed vestigia, in omnes æque ferentia partes, ut in dilapsis passim⁸, primo errorem faciebant : post, per exploratores compertis hostium consiliis, ad singulas urbes circumferendo bello⁹, unum et quadraginta oppida intra dies quinquaginta omnia

Quatuor millia; vide ad cap. 44, n. 3.

5. Ut qui suo nomine permultos (f. per multos) annos imbelles egissent, nullum bellum suum gessissent cum Romanis, quamvis multi ex iis Samnitibus auxilio missi alieno nomine adversus Romanos militassent; Stroth.

6. Diversi e castris... abirent; cf. ad III, 60, n. 1.

7. Pleno gradu ad castra hostium tendunt; vide ad IV, 19, n. 1, et IV, 32, n. 6. — Hostem vestigiis sequi; conf. ad VI, 32, n. 5.

8. Ut in dilapsis passim, qualia solent esse vestigia eorum, qui in diversas partes dilabuntur.

9. Ad singulas urbes circumferendo bello; vide ad cap. 41, n. 3.

oppugnando ceperunt; quorum pleraque diruta atque incensa, nomenque Æquorum prope ad interuersionem deletum. De Æquis triumphatum; exemploque eorum clades fuit, ut Marrucini, Marsi, Peligni, Frentani mitterent Romam oratores pacis petendæ amicitiaque: iis populis fœdus petentibus datum.

XLVI. Eodem anno¹ C. Flavius Cn. filius scriba, patre libertino², humili fortuna ortus, ceterum callidus vir et facundus, ædilis curulis fuit. Inuenio in quibusdam annalibus³, quum appareret ædilibus, fierique se pro tribu ædilem⁴ videret, neque accipi⁵ nomen,

CAP. XLVI. 1. *Eodem anno C. Flavius, etc.*; ad totum hoc cap. confer Cic. Mur. 21; Or. I, 41; ad Att. VI, 1; Diodor. XX, p. 751; Valer. Max. II, 5, 2; Macrob. Sat. I, 15; inprim. Plin. XXXIII, 1, seu 6, et Gell. VI, 9, qui laudat verba L. Pisonis, annalium scriptoris, a Livio fere retenta. Ex his leg. Cn. Flavius Annii filius.

2. *Patre libertino ortus*, parente liberto natus, qualis tunc temporis libertinus dicebatur; Str. Cf. not. 14. — *Ceterum*; conf. ad cap. 21 pr.

3. *Inuenio in quibusdam annalibus*, v. c. L. Pisonis; vide not. 1. — *Quum appareret ædilibus* (vide I, 8, n. 2), vel, ut Piso tradit apud Gell. *ædili curuli eo tempore, quo ædiles subrogarentur*. Plinius eum Appii Cæci scribam fuisse dicit, ejusque hortatu excepisse dies fastos, consultando assidue sagaci ingenio, et promulgasse.

4. *Fierique se pro tribu ædilem, sc. curulem*, h. e. a, seu in tribu prima, seu prærogativa (vide ad III, 51, n. 3) ejusque suffragio, ut apud Gell. l. l. *sumque pro tribu ædilem curulem renuntiaverunt* in antt. edd., non primæ tribus, ut in edd. Ald. Bad. et Gryph. « Simile illud: *Tribus Sergia principium fuit*, h. e. tribus prærogativa

(conf. ad III, 51, n. 3); *pro tribu* (in ea) *Sex. L. F. Varro primus scivit*, h. e. suffragium talit: nam qui *pro tribu primus sciscit* de magistratu, is *pro tribu*, et primus facit eum magistratum; et de quo *pro tribu suffragium optatum tulit*, qui *primus scivit*, is *pro tribu factus est* ab eo, qui *primus scivit*; = Gronov. ad h. l. et in Obs. IV, 1. Cf. ad XXVI, 27, n. 4. Similiter apud Cic. Verr. II, 2, 51, *pro suffragio renuntiari*; Stroth. a *prima tribu* malebat Muretus.

5. *Neque accipi nomen suum* ab ædili, qui comitia haberet. Ita apud Gell. VI, 9. *Nomen* candidatæ, et quidem h. l. a tribu prærogativa jam renuntiatum accipere, vel recipere (ut X, 15 extr.) dicebatur is, qui comitiis præerat, si eum admitteret ad petendum et petitionem ejus judicaret legitimam. Hinc et XXVII, 6, n. 3, *si suum nomen dictator* (Q. Fulvius, qui ipse comitia consularia habebat, et a prærogativa consul dictus erat) *acciperet*, h. e. si consulem creari pateretur, si suam creationem probaret. Cf. XXXIX, 39, n. 2, et Cic. Brut. 14. Post neque libri quidam recentt., non veteres, perperam inserunt *ejus*: nam dicendum erat *suum*.

quia scriptum faceret⁶; tabulam posuisse⁷, et jurasse, se scriptum non facturum. Quem aliquanto ante desisse scriptum facere, arguit Macer Licinius⁸, tribunatu ante gesto⁹, triumviratibusque, nocturno altero, altero coloniarum deducendarum. Cæterum (id quod haud discrepat¹⁰) contumacia adversus contemnentem humilitatem suam nobiles certavit: civile jus¹¹, repositum in penetralibus pontificum, evulgavit, fastosque circa

6. *Quia scriptum faceret*, scriba esset, vel ejus munere fungeretur; ut apud Gell. l. l. De scribis Rom. in Clæve Cicer. « Erant vel privati, hominum privatorum servi; vel publici, homines liberi, sed plebei ordinis et imprimis libertini, qui in certas decurias descripti mercedem ex ærario accipiebant. Sorte distribuiebantur inter magistratus, et olim a quaestoribus usibus legebantur (vide Liv. XL, 29) postea a prætoribus ædilibusque; vide Cicer. Cluent. 45. De iis locus class. est Cic. Verr. II, 3, 78, 79; unde et de honestate scribarum publicorum judicari potest, quam impugnant Sigon. A. J. C. R. II, 9 et 15; Ferrar. de Orig. rom. p. 14. sq. tom. I Thea. Græv. et Spanh. V., et Pr. N. T. I, p. 705; sed defendant Guthr. Jur. Pont. II, 13; Fabrot. Inscr. cap. 6, pag. 458 sq. et Græv. ad Cic. Dom. 28. Conf. inpr. Eschenbachii Diss. Acad. p. 257 sq. »

7. *Tabulam posuisse* e manibus certam et publicam (confar ad IV, 8, n. 4), vel commentarium (germanice *Protocoll*), in quem referebat scriba magistratui apparens, quidquid his scribi juberet, et Flavius tum, quod ageretur in comitiis; h. l. pro: abdicasse se munere scribæ.

8. *Macer Licinius*; vide ad III, 1, n. 1, et IV, 7, n. 7.

9. *Tribnatu ante gesto*: at Plin. XXXIII, 1, seu 6, tradit, Flavianum

evulgando fastos tantam plebis gratiam adeptum esse, ut non modo cum Q. Anicio Prænestino, qui paucis ante annis hostis fuisset, ædilia curulis sit creatus, sed etiam additum ei, ut simul tribunus plebis esset. — *Triumviratus* et *triumviri* varii erant apud Romanos, prout ad aliquod munus obeundum tres constituti essent numero, ut *coloniarum deducendas* (confar ad III, 1, n. 6), *nocturni*, capitales, agrarii, monetales, mensarii, carceris lautumiarum, qui iidem ac capitales, epulones: etiam magistratus in nonnullis municipiis, qui in aliis duumviri dicebantur; Stroth. *Triumviri nocturni* vigiliis in Urbe circumcundo cavebant ab incendiis nocturnis (vide Valer. Max. VIII, 1 de damnatis, 5 et 6), iidemque videntur fuisse cum triumphis capitalibus. Cf. XXXIX, 14 extr. Augustus deinde incendia restinguenda mandavit, an. Urb. 732, Ædilibus curulibus, et an. 759 septem, cohortibus vigillum, opportunis locis dispositis, quibus tribuni et præfectus vigillum præerant. Conf. Dio LIV, 2; LV, 26; ad Juvenal. XIV, 305, et Henbach. de Politia rom. § 47, 48.

10. *Id quod haud discrepat*; conf. ad cap. 16, n. 1.

11. *Civile jus, repositum in penetralibus pontificum*: verba eruditissimum haud obscura, sed non satis forte perspicua sironibus, qui ea copiose ex-

forum in albo proposuit, ut, quando lege agi posset, sciretur: ædem Concordiæ in area Vulcani¹² summa invidia nobilium dedicavit; coactusque consensu populi Cornelius Barbatas pontifex maximus verba præire, quum more majorum negaret, nisi consulem, aut imperatorem, posse templum dedicare. Itaque ex auctoritate senatus latum ad populum est, ne quis templum, aramve injussu senatus, aut tribunorum plebei partis majoris dedicaret. Haud memorabilem rem per se¹³, nisi documentum sit adversus superbiam nobilium plebeie libertatis, referam: ad collegam ægrum visendi causa, Flavius quum venisset, consensuque nobilium adolescentium, qui ibi assidebant, assurrectum ei non esset, curulem afferri sellam eo jussit, ac sede honoris sui anxios invidia inimicos spectavit. Cæterum Flavium dixerat ædilem forensis factio¹⁴, App. Claudii

posita reperient vel in Bachii historia Jurisp. rom. lib. II, cap. 2, sect. 4, vel in libro meo, qui inscriptus est: *Grundriss der Geschichte... der Römer*, pag. 612 sq. Utrumque a Flavio evulgatum fuisse, antequam ædilis curulis esset creatus, quidam tradunt, alii, id deinde factum. — *Fastos*; kalendarium, quo tota dierum fastorum nefastorumque ratio continebatur.

12. *Ædem Concordiæ in area Vulcani dedicaret*; vide ad I, 55, n. 3, et conf. omnino Plin. XXXIII, 1, seu 6, ac de ædibus Concordiæ ad Juvenal. I, 116. — *Verba præire*; v. ad IV, 21, n. 1.

13. *Haud memorabilem rem per se* (confer ad VI, 20, n. 13). — *Referam*, quam etiam retulere Gell. VI, 9, et Valer. Max. II, 5, 2, sed hic diverse. — *Ac de sede honoris sui spectavit inimicos invidia anxios, excruciatos*. Piso apud Gell. loco laudato, *Sellam*, inquit, *curulem jussit sibi afferri, eam*

in limine apposuit, ne quis illorum exire posset; utique ii omnes inviti viderent sese in sella curuli sedentem.

14. *Forensis factio, Ap. Claudii censura vires nacta* (vide ad III, 72, n. 4), *qui senatum primus libertinorum filiis lectis inquinaverat*; vide ad cap. 29, n. 7; Ernesti in clave Cic. et ad Suet. Claud. 24, hæc monuit: «*Liberti iidem sunt qui libertini; sed liberti dicuntur ad patronum. Suetonius induxit imperitos, ut existimarent, libertinos dictos esse libertorum filios: at illæ non hoc dicit, sed Appii Cæci temporibus nomen libertinorum mansisse etiam in posteris libertinorum hisque vulgo tributum esse, quamvis jam ingenuis, quum proprie libertini dicantur, qui sunt manumissione libertatem nacti, iidemque cum libertis.*» Sed Wolf. ad Suet. loco laudato, «*Ernesti, dicit, et tot alii eruditi viri, qui istam opinionem et perversam interpretationem asoivere, fortasse in frau-*

censura vires nacta, qui senatum primus libertinorum filiis lectis inquinaverat. Et postquam eam lectionem nemo ratam habuit, nec in curia adeptus erat, quas petierat, opes urbanas¹⁵; humilibus per omnes tribus divisis, forum et campum corrumpit: tantumque Flavii comitia indignitatis habuerunt, ut plerique nobilium annulos aureos et phaleras deponerent¹⁶: ex eo tempore in duas partes discessit civitas. Aliud integer¹⁷ po-

dem inducti sunt eo, quod dixit Suet. *INGENUOS ex his procreatos ex suæ ætatis, non ex priscae, qua Appius vixit, consuetudine loquendi.* Appii enim temporibus non filii manu missorum, sed demum nepotes eorum, *ingenuitate* fruebantur. Postea labentibus reip. moribus invaluit, ut *ingenui* statim essent ex manu missis procreati, ipsique manu missi haberent *libertinitatem*: siquidem *libertinus* vulgo respectu conditionis, *libertus* respectu patroni dicebatur. Itaque hoc ipsum notandum putavit doctus grammaticus, aliam Sæc. V, aliam posterioribus obtinuisse *libertini* significationem: scripsit enim, *libertinos* dictos non ipsos, qui manu mitterentur. Eaque observatio necessaria videri potuit propter errorem historicorum de *invidiosa* Appii censura referentium, ut Liv. IX, 29 et 46; Tac. Ann. XI, 24, et aliorum. An vero argentea Latinitatis ætate *libertus* rursus de conditione et statu usurpatum sit, alias videbimus ad Tac. Germ. 25.» Duker. ad h. l. monet, *libertinorum filios* secundum hujus ætatis usum loquendi, a Suet. memoratum, h. l. et forte X, 21, dici, quorum avi servitute servierint; utrum vero ex servitute manumissi tum *liberti*, an alio nomine appellati fuerint, antiquos non prodidisse. Sed Livius, si non ignarus,

certe immemor fuisse videtur illius loquendi usus, h. l. et cap. 29.

15. *Opes urbanas*, ut in Urbe, quod vellet, efficere posset, ut haberet in senatu magnam senatorum partem suam, *den Einfluss in die Angelegenheiten des Staats*; Stroth. Confer ad III, 72, n. 4, et IX, 42, n. 3, etc. Sed epitheton haud satis aptum, saltem friget. *Urbanis humilibus... corrupti* recte, opinor, emend. Gron. iudice etiam Bauero. Sic *otiosi urbani* V, 20. De his verbis vide ad III, 72, n. 4.

16. *Ut plerique nobilium annulos aureos et phaleras deponerent*; v. ad IX, 7, n. 5, et cf. inpr. Plin. XXXIII, 1, seu 6. *Phalerae* h. l. nobilium ornamenta sunt, at equorum XXII, 52, n. 4, ubi nota Stroth. est hæc: « Phalerae ornamenta capitis equorum erant, forte cristarum (descendit a *φάλος* *crista*) at etiam habenarum, et tegumenta frontis. Suidas *φάλαρα* appellat τὰς προμειτωπίδας, τοὺς ἀσπίδίσκους, τὴν κόσμησιν, τὴν κατὰ τὸ μέτωπον τῶν ἵππων· παρὰ Ἡρόδοτῳ τὰ περὶ τὰς γνάθους σικαπάσματα. Hesychius: *φάλαρα*, ἀστραγάλισκος ὁ ἐπὶ τῆς περικεφαλαίας, καὶ παραγναθίδες, χαλκίνοι ἢ ἱπποκόσμημα. Similia Etymologus habet. » Cf. de utroque phalararum genere ad Juven. XI, 103, et ad Sil. XV, 255; Böttig. Sab. p. 363, 457, 458.

17. *Ex eo tempore in duas partes*

pulus, fautor et cultor bonorum, aliud forensis factio tenebat; donec Q. Fabius et P. Decius censores facti: et Fabius, simul concordiae causa, simul ne humillimorum in manu comitia essent, omnem forensam turbam excretam in quatuor tribus coniecit¹⁸, urbanasque eas appellavit: adeoque eam rem acceptam gratis animis ferunt, ut Maximi cognomen¹⁹, quod tot victoriis non pepererat, hac ordinum temperatione pareret. Ab eodem institutum dicitur, ut equites Idibus Quintilibus²⁰ transveherentur.

discessit civitas: aliud integer populus, qualis antea fuit, nondum humilium permixtione corruptus et inquinatus (confer not. 14) fautor et cultor bonorum; aliud forensis factio, seu turba tenebat, propugnabat, obtinere et perferre conabatur; v. III, 21, n. 3; III, 35, n. 4; III, 72, n. 4, et XXV, 24, n. 6.

18. *Omnem forensam turbam excretam in quatuor tribus coniecit, urbanasque eas appellavit; sic et Valer. Max. II, 2, n. 9. « Sed idem nomen jam dudum habuere quatuor tribus urbanae, a Servio Tullio institutae: qua itaque ratione tribus illas quatuor nunc demum Fabius dicatur urbanas appellasse, aut quomodo appellare tribus cum Gruchio de comit. II, 1, et aliis exponi possit numero civium augere, non assequor »; Duk. Forte appellatio Serviana, quae propr. ad partes Urbis spectabat, vetustate aboleverat; conf. ad I, 43, n. 22; III, 72, n. 4; XLV, 15, n. 1, et ad Epit. Liv. 20, n. 6.*

19. *Maximi cognomen, etc. Idem tradunt Valer. Max. II, 2, n. 9, et Plut. in Pompeio. Sed hic in Fabio Cunct. ob splendorem magnitudinem-*

que, et Aurel. Victor. de viris illustr. cap. 32, ob virtutem ejus id factum dicit. Polybius tamen, qui Fabius familiarissimus fuit, hujus Fabii nepotem, sive pronepotem, Fabium Cunctatorem, primum hoc cognomine ornatum fuisse significare videtur III, 87, 6, ubi Schweigh. monet, huic difficultati satis occurri, si statuatur, non vulgari omnium usu tritum fuisse illud veteris Fabii cognomen, aut saltem post ejus mortem oblivioni fere traditum, et in Fabio Cunctatore singulari cum splendore renovatum. Cf. Perizon. Anim. hist. cap. 1, sub fin. et infra ad XXX, 26, n. 4.

20. *Ut equites Idibus Quintilibus trabeati equis ab aede Honoris transveherentur ad Capitolium: quae solennis et annua equitum transvectio, diversa erat ab censu, seu recensione, recensu, recognitione, lustratione eorum, quae singulis lustris a censoribus instituebatur. Confer ad XXXIX, 37, n. 7; XXXVIII, 28, n. 1; XXXIX, 44, n. 1; XL, 46, n. 3; XXXIV, 16 princip. et imprimis ad Tacit. Annal. lib. II, cap. 83, n. 10.*

T. LIVII PATAVINI
HISTORIARUM

AB URBE CONDITA
LIBER DECIMUS.

BREVIARIUM.

CAP. I; Soram et Albam coloniæ deducuntur. Arpinatibus Trebulanisque datur civitas. Frusinates tertia parte agri damnantur. Parva expeditio in Umbriam facta, et 2000 latrones in spelunca oppressi. Æqui subiguntur a C. Junio Bubulco dictatore. — II; Cleonymus dux Lacedæmoniorum Thurias in Sallentinis capit pervenitque penitus ad litora Venetorum; sed ab his victus, vix quinta parte navium incolunt, discedit. — III; Fœdus cum Vestinis ictum: rebellio Etruriæ, et Marsorum ob coloniam Carseolos deductam: M. Valerius Maximus dict. fundit Marsos: at M. Æmilius Paulus magister equit. ab Etruscis fugatur. — IV; Etrusci insidias quoque parant Cn. Fulvio legato, sed frustra, — V; et a Valerio devicti inducias biennii impetrant. — VI; Q. et Cn. Ogulnii tribuni plebis rogationem promulgant, ut, quum 4 augures et 4 pontifices sint, 4 pontifices et 5 augures, de plebe omnes, allegantur. — VII-VIII; Eam dissuadet maxime Ap. Claudius, et suadet P. Decius Mus. — IX; Tum ingenti consensu populi accipitur: eodem anno a M. Valerio Maximo cos. diligentius sancitur lex de provocatione, tertia post reges exactos lata a familia eadem: idem Valerius vincit Æquos, et Q. Appuleius alter consul Nequinum Umbriæ oppidum circumsidet: Q. Fabium, consulatu repudiato, ædilem curulem factum quidam tradunt: lustrum conditum; tribusque additæ duæ, Aniensis ac Terentina. — X; Nequinum ope transfugarum capitur, et coloniâ mittitur eo, Narnia a Nare flum. appellata: Etruscis bellum adversus Romanos mœhentibus, fines eorum ingrediuntur

Galli, qui pecunia ingenti accepta recedunt quidem, sed societatem belli abnuunt, nisi pars agri detur. — XI; T. Manlius cos. in Etruria equo effusus moritur, et M. Valerius Maximus ei suffectus, vastandis agris urendisque tectis non ad certamen hostes elicere potest: caritas annonæ, quam Q. Fabius Max. ædil. cur. sublevat præparando ac convehendo frumento: rebellio Samnitium, Lucanorum fines depopulantium. — XII; Fœdus cum Lucanis fit, et feciales, sed frustra, mittuntur, qui Samnitium decedere agro sociorum jubeant: hostes a consulibus vincuntur, Etrusci a L. Cornelio Scipione ad Volaterras cruento in prælio, et Samnites a Cn. Fulvio ad Bovianum. — XIII; Fama exoritur, Etruscos Samnitesque ingentes conscribere exercitus, et hujus terroris causa Q. Fabius Maximus invitus quartum, eoque suffragante P. Decius Mus tertium consules creantur: multis nimium agri possidentibus dies ab ædilibus dicitur. — XIV; Etruria ad pacem petendam inclinante, ambo cons. in Samnium legiones ducunt, ubi Fabius hostem fortiter pugnantem ad Tifernum proffigat. — XV; Decius fundit Apulos, et duo consulares exercitus in Samnio omnia evastant: Fabius, comitiorum causa Romanam profectus, consulatum denuo sibi oblatum recusat, et L. Volumnius de plebe cum Ap. Claudio iterum fit consul. — XVI; Fabio et Decio in sex menses prorogatur imperium in Samnio: hostes inde pulsi Etruriam petunt, eamque mixtis terrore precibus ad bellum trahere conantur. — XVII; Interea in Samnio capiuntur diripiunturque Murgantia, Romulea et Ferentinum. — XVIII; Auctore Gellio Egnatio, duce Samnitium, huic populo se conjungunt non modo Tusci fere omnes, sed et Umbri Gallique mercede sollicitati: hinc Volumnius in Samnium profiscitur, et Appius in Etruriam: is nec scite, nec fortunate quidquam gerit, et Volumnius cum suis copiis ad illum pergit accitus literis, quas tamen hic a se scriptas esse negat. — XIX; Altercatio consulum, quorum alter orator, alter imperator est melior: Volumnius jam abiturus retinetur precibus appiani exercitus: victoria Romanorum. — XX; Volumnius in Samnium redit, et in campano agro cædit Samnites præda onustos. — XXI; Romæ trepidationem mox perlæta excipit supplicatio, placetque ut duæ coloniæ circa vescinum falernumque agrum, ab Samnitibus depopulatum, præsidii loco deducantur, Minturnæ et Sinuessa: interim Etrusci, Samnites, Umbri Gallique arma conferunt in Etruria. — XXII; Q. Fabius Maximus consensu victus, consul

creatur cum P. Decio, quem iterum collegam poposcerat: et L. Volumnio in annum prorogatur imperium. — XXIII; Prodigia; supplicationes; pudicitia patricia et plebeia, earumque sacella et aræ: feneratores et pecuarii bonis mulctantur. — XXIV; Inter consules, qui duobus jam consulatibus censuraque concordēs fuerant collegæ, contentio oritur de provinciis, patriciis tendentibus, ut Fabius Etruriam extra ordinem, vel sine sorte obtineat: quæ etiam provincia illi decernitur populi consensu. — XXV; Fabius, scriptis duntaxat quatuor millibus peditum et 600 equitibus, ad castra Appii prætoris proficiscitur; sed mox Romam redit ad consultandum de bello etrusco, cujus terrorem auxerat Ap. Claudius. — XXVI; Ibi petit, ut sibi adjutor detur Decius, isque non recusat societatem imperii: legio romana, ab Umbris, vel, quod probabilius est, Gallis circumventa, deletur. — XXVII; Atrox pugna consulum cum Samnitibus et Gallis in agro sentinati. — XXVIII; Romanis in lævo cornu fugientibus, Decius exemplo patris se devovet. — XXIX; Pugna cum Gallis in sinistro cornu restituitur; in dextro Samnites a Fabio vincuntur: Galli testudine facta soli resistunt, sed tandem circumventi ab tergo et ipsi cæduntur. — XXX; In Etruria Cn. Fulvius proprætor res ex sententia gerit: et Samnitibus novæ clades inferuntur tum a Pelignis in horum agro, tum a Volumnio ad Tifernum montem: triumphus Fabii, et præmia militum. — XXXI; Etrusci a Fabio, et Samnites in campo stellati ab Appio Volumnioque funduntur: pestilentia prodigiaque: Q. Fabius Gurgēs, consulis filius, aliquot matronas stupri damnatas pecunia mulctat: diuturnitas belli samnitici. — XXXII; Samnites castra M. Atilii Reguli cos. oppugnant. — XXXIII; Romani eos expellunt, sed persequi non ausi retro in soranum agrum eunt: L. Postumius Megellus consul collegæ se conjungit. — XXXIV; Postumius Milioniam et Ferentinum expugnat, aliisque desertis oppidis Samnii potitur. — XXXV; Atilii prælium anceps et varium ad Luceriam: postero die Samnites, castra rom. sine certamine præterire cupientes, præbent speciem recta tendentium ad ea oppugnanda: hinc nova pugna, ad quam consequendam neutris animus est. — XXXVI; Romani fugiunt primum, mox vincunt: nec ita multo post in agro interamnati cædunt alias Samnitium copias præda impeditas. — XXXVII; Postumius e Samnio transit in Etruriam eamque pervastat: idem auxilio tribunorum pl. trium, sine auctoritate Patrum, triumphat.

— XXXVIII; Lege sacrata delectus habetur per omne Samnium; legio linteata sacramento adacta horrendo ritu, et aureis argenteisque armis ornata, aliusque exercitus, ei corporum specie et apparatu non dispar, ad Aquiloniam consistunt. — XXXIX; Consules Samnium depopulantur: Sp. Carvilius Amiternum vi capit, et obsidet Cominium: L. Papirius Cursor Durniam expugnat pervenitque ad Aquiloniam, ubi hostes insignibus armis fulgentes ab eo, ut olim a patre ejus, occisione occiduntur. — XL; Acies utrimque instruitur, et pullarius, qui faustissimum auspiciam, tripudium solistimum, mentitus erat, inter prima signa constitutus cadit primus, pilo temere emisso ictus: augurium corvi. — XLI; Prælium atrox: Sp. Nautius densiore pulvere procul excitato præbet speciem advenientis exercitus Carviliani: hostes jurati injuratique passim sternuntur, et pars in castra ad Aquiloniam posita, pars Bovianum perfugiunt: L. Volumnius castra capit, et L. Scipio penetrat in interiora urbis. — XLII; Nocte deseritur ab hostibus oppidum, in quod et consul signa intulerat: non ferme alius dux lætior in acie visus, et ab eodem in illa non templum, sed pocillam multis votum Jovi Victori. — XLIII; Cominium a Carvilio captum: hostes in fuga interfecti. — XLIV; Consules conjungunt castra, et suos pro cuiusque merito laudant donantque: inde ad oppida Samnii oppugnanda ducunt legiones. — XLV; Faliscorumque aliorumque Etruriæ populorum rebellio: Carvilius, Palumbino, Volana et Herculaneo captis, ex Samnio in Etruriam transit: Papirius Sæpinum expugnat. — XLVI; Idem triumphat et eximiiis hostium spoliis exornat ædem Quirini, forum et finitimas quoque colonias: Carvilius in Etruria Troilium et quinq; castella vi capit, annuasque inducias dat Faliscis pacem potentibus: triumphus ejus: ædes Fortis Fortunæ de manubiis facta: prædæ pars data militibus: accusatio L. Postumii haud peracta. — XLVII; Lustrum XIX conditur: Romani primum coronati, ob res bello bene gestas, ludos spectant, et victoribus dant palmas: pecuarii aliquot damnantur: pestilentia Urbem agrosque urit, et in libris Sibyllinis invenitur, Æsculapii signum ab Epidauro Romam arcessendum.

I. **L. GENUCIO**, Ser. Cornelio consulibus, ab externis ferme bellis otium fuit. Soram atque Albam¹ coloniae deductae: Albam in Æquos sex millia colonorum scripta. Sora agri volsci fuerat; sed possederant Samnites: eo quatuor millia hominum missa. Eodem anno Arpinatibus Trebulanisque² civitas data: Frusinates tertia parte agri damnati, quod Hernicos ab eis sollicitatos compertum: capitaque conjurationis³ ejus, quaestione ab consulibus ex senatusconsulto habita, virgis caesi ac securi percussi. Tamen, ne prorsus imbellem agerent annum, parva expeditio in Umbria facta est; quod nuntiabatur, ex spelunca quadam excursiones armatorum in agros fieri. In eam speluncam penetratum cum signis est: et ex eo loco obscuro multa vulnera accepta, maximeque lapidum ictu; donec, altero specus ejus ore (nam pervius erat) invento, utraeque fauces congestis lignis accensae: ita intus fumo ac vapore ad duo millia armatorum, ruentia novissime in ipsas flammam, dum evadere tendunt⁴, absumpta. Marcis Livio Dentre et Æmilio consulibus, redintegratum

CAP. I. 1. *Soram atque Albam coloniae deductae*; confer Vellei. I, 14. Sed nova colonia nunc Soram deducta; vide IX, 23 pr. Sic et *Carseolos* cap. 3 et 13 pr. Confer Vellei. loco laudato. *Alba* h. l. non est *A. Longa* nec *A. Pompeia*; sed *Alba Fucentia*, seu *Fucentis* in Marsis et septentr. latere *Fucini lacus* sita: unde *Albensis ager* XXVI, 11. Confer ad Sil. VIII, 507.

2. *Arpinatibus Trebulanisque* civitas data sine suffragio: quod de illis diserte traditur XXXVIII, 36. *Arpinum* Latii opp. (h. *Arpino*) Cicéronis et Marii patria. — *Trebula Sabimorum* duplex, h. l. non *T. Suffena*, seu *Suffenatis*, sed *T. Mutusca*. Conf. Heyn.

ad Virg. Æn. VII, 711; in Exc. 8; et Hard. ad Plin. III, 12, seu 17. De *Trebula* Campaniae vide ad XXIII, 14, n. 10. — *Frusino* Volscorum opp. ad Cosam flum. cis Lirim, h. *Frosinione*, seu *Frusillone*. Conf. ad Sil. VIII, 398, et Juvenal. III, 223. — In *Umbria*. Hearnii oxoniensis B et Portug. a manu secund. in *Umbriam*; quod tanquam usitatius probandum foret, si graves testes hanc lect. firmarent. Ed.

3. *Capitaque conjurationis... virgis caesi, etc.*; vid. ad XXVII, 16, n. 2. — *Casa ac securi percussa* Lovel. 4; minus eleganter. Ed.

4. *Dum evadere eas, seu iis tendunt*; confer ad IV, 7, n. 6.

æquicum bellum. *Coloniam*⁵, ægre patientes velut arcem suis finibus impositam, summa vi expugnare adorti, ab ipsis colonis pelluntur. *Cæterum* tantum Romæ terrorem fecere, quia vix credibile erat, tam affectis rebus⁶ solos per se Æquos ad bellum coortos, ut tumultus ejus causa dictator diceretur C. Junius Bubulcus. Is, cum M. Titinio magistro equitum profectus, primo congressu Æquos subegit, ac, die octavo triumphans in Urbem quum redisset, ædem Salutis⁷, quam consul voverat, censor locaverat, dictator dedicavit.

II. Eodem anno classis Græcorum, Cleonymo duce lacedæmonio¹, ad Italiæ litora appulsa, Thurias² urbem in Sallentinis cepit. Adversus hunc hostem consul Æmilius missus prælio uno fugatum compulit in naves: Thuria reddita veteri cultori: sallentinoque agro pax parta. Junium Bubulcum dictatorem missum in Sallentinos, in quibusdam annalibus invenio: et Cleonymum prius, quam confligendum esset cum Romanis, Italia excessisse. Circumvectus inde Brundisii promontorium, medioque sinu hadriatico ventis latus, quum læva importuosa Italiæ litora, dextra Illyrii Liburnique et Istri, gentes feræ, et magna ex parte latrocinii maritimis infames, terrerent, penitus ad litora

5. *Coloniam Albam ægre patientes, scilicet Æqui, etc.*

6. *Affectis rebus; vide ad V, 10, n. 6. — Tumultus; vide ad II, 26, n. 1.*

7. *Ædem Salutis... locaverat; conf. ad IX, 43 extr.*

CAP. II. 1. *Cleonymo duce laced., Cleomenis regis filio, Arci regis petro, a Tarentinis, adversus Lucanos et Romanos accessit, qui Tarentum diripuit, et Thurias aliasque Italiæ urbes cepit: cujus vero naves mox a Venetis et Patavinis incense sunt. Confer Diodor. XX, 104 sqq. et Strab.*

VI, pag. 280. — De eodem in Prologo lib. XV Trogi Pompeii legitur: — Cleonymi deinde Spartani res gestæ Corcyræ, et in Illyrico, et in Italia. — Athenæus lib. XIII, cap. 8, obsides pueros a Metapontinis cum exegisse auctor est. Ea.

2. *Thurias urbem in Sallentinis (Calabriæ populo, de quo nominis scriptura vid. ad Sil. VIII, 573), unde hæc urbs videtur esse alia, quam quæ in Bruttis, aut in Lucania ad sinum tarentinum, inter duos fluvios, Crathin et Sybarin, sita, et Thurie, vel Thurii,*

Venetorum pervenit. Ibi expositis paucis, qui loca explorarent, quum audisset, tenue prætentum³ litus esse, quod transgressis stagna ab tergo sint, irrigua æstibus maritimis; agros haud procul proximos campestres cerni; ulteriora colles; inde esse ostium fluminis præalti, quo circumagi naves in stationem tutam vidisse (Meduacus⁴ amnis erat): eo invectam classem subire flumine adverso jussit. Gravissimas navium non pertulit alveus fluminis: in leviora navigia transgressa multitudo armatorum ad frequentes agros, tribus maritimis Patavinorum vicis colentibus eam oram, pervenit. Ibi egressi, levi præsidio navibus relicto, vicos expugnant, inflammant tecta, hominum pecudumque prædas agunt, et dulcedine prædandi longius usque a navibus procedunt. Hæc ubi Patavium sunt nuntiata (semper autem eos⁵ in armis accolæ Galli habebant), in duas partes juventutem dividunt. Altera in regio-

Thurium, Thyriæ, Thyraei, primum vere *Sybaris* dicta est; vide Strab. VI, pag. 263, 264, 282; Diodor. XII, 9, 10. Incolæ ejus vocabantur *Thurii*, seu *Thuriatæ*, sed XXV, 1, 15, et apud Plin. XXXIV, 6, seu 15, *Thurini*: nisi hoc *ἑρτηρικόν* tantum est, et XXV, 15, legendum *Thurii*; XXV, 1 autem, uti Bruttiiis, vicino populo, assignantur, *Terinæi*, sic dicti a *Terina* Bruttiorum oppido (confer ad VIII, 24, n. 4), inter Temesam Consentiamque, ab Hannibale diruto (v. Strab. VI, 1, 5, p. 256), hod. forsan *Amantea* aut *Nocera*, ad sinum *terinæum*, qui nunc *Golfo di S. Eufemia* vocatur: de qua *Terina* confer Heyn. Opusc. Acad. t. II, p. 202, 203.

3. *Tenue prætentum litus esse*, parvum litus ante hæc loca quasi extantum esse, ut fere XXII, 20 pr. *aciem toto prætentam in litore*, ante et per

illud explicatam. Conf. Burm. ad Val. Flac. V, 167, ubi monet, *prætendi* ea dici, quæ objaceant, tanquam munimenta et sepes; propr. qui in castris ante alios, vel primo loco tendant, deinde loca, quæ jaceant ante alias regiones, vel emineant, et quasi tegant sequentes. Cf. ad XLIV, 9, n. 7. — *Agros campestres*, ut XL, 38, h, e. regionem, campos habentem herbidos et fertiles; Ern. Cf. ad XXXVI, 10, n. 3. — *Uteriora colles*, sc. esse, seu cerni. — *Vidisse*, sc. exploratores.

4. *Meduacus amnis erat*, vel *Medoacus*, duplex, major (hod. *Brenta*) et minor (hod. *Bachiglione*), uterque ex Tridentinis Alpibus in Venetos defluens. Conf. Strab. V, 1, 7, p. 213, et Plin. III, 16, seu 20. Conf. not. 12.

5. *Semper autem eos*, sc. Patavinos (vide ad III, 47, n. 1), *in armis accolæ Galli habebant*, tenebant: propter

nem, qua effusa populatio⁶ nuntiabatur; altera, ne cui prædonum obvia fieret, altero itinere ad stationem navium⁷ (millia autem quatuordecim⁸ ab oppido aberat) ducta. In naves parvas, custodibus interemptis, impetus factus; territique nautæ coguntur naves in alteram ripam amnis transjicere. Et in terra prosperum æque in palatos prædatores prælium fuerat; refugientibusque ad stationem Græcis Veneti obsistunt. Ita in medio circumventi hostes cæsique: pars⁹ capti classem indicant regemque Cleonymum tria millia abesse: inde, captivis proximo vico in custodiam datis, pars fluviatiles naves, ad superanda vada¹⁰ stagnorum apte planis alveis fabricatas, pars captiva navigia armatis complent. Profectique ad classem, immobiles naves et loca ignota plus, quam hostem, timentes circumvadunt: fugientesque in altum acrius, quam repugnantes, usque ad ostium amnis persequuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quinta parte navium incolumi, nulla regione maris Hadriatici prospere adita, discessit. Rostra navium spoliaque¹¹ Laconum, in æde Junonis veteri fixa, multi supersunt, qui viderunt. Patavii mo-

frequentes finitimorum Gallorum incursiones semper arma tractare cogebantur.

6. *Effusa populatio*; confer ad I, 14, n. 7. Mox pro altero itinere cum Gronovio leg. *alio itinere*, vel potius cum Burm. *avio itinere*, ut *avius saltus* IX, 31; XXV, 32; et *devius saltus* X, 24; XLI, 19; et *avia Oceani et saltum* apud Tacit. Ann. II, 15, 68. Cf. inf. ad XXII, 7, n. 1.

7. *Ad stationem*, scil. navium, ut XXXI, 17 et 23.

8. *Millia autem quatuordecim*, ut

mox tria millia; vide ad IX, 24, n. 2.

9. *Pars capti*, ut mox *pars complent*. Conf. ad I, 41, n. 1.

10. *Naves ad superanda vada* (*Untiefen*) planis alveis fabricatas, quas etiam flumina minime alta transire possunt, *flache Böße*; Str. — *Ostium amnis*, Meduæoi.

11. *Rostra navium spoliaque laconum in æde Junonis veteri fixa*; cf. IV, 20, 32; XXII, 57; XXIII, 14; XV, 674; ad IV, 20, n. 1; et ad Sil. I, 617 sq. Mox forte leg. *Patavii in monumentum* (memoriam) *navalis pu-*

nimentum navalis pugnæ eo die, quo pugnatum est, quotannis solenni certamine navium in flumine¹² oppidi medio exercetur.

III. Eodem anno Romæ cum Vestinis, petentibus amicitiam, ictum est foedus. Multiplex deinde exortus terror: Etruriam rebellare, ab Arretinorum seditionibus motu orto, nuntiabatur; ubi Cilnium genus præpotens¹, divitiarum invidia, pelli armis coeptum; simul Marsos agrum vi² tueri, in quem colonia Carseoli³ deducta erat, quatuor millibus hominum scriptis. Itaque propter eos tumultus⁴ dictus M. Valerius Maximus dictator, magistrum equitum sibi legit M. Emilium Paulum. Id magis credo, quam Q. Fabium ea ætate⁵ atque eis honoribus Valerio subjectum: cæterum ex Maximi cognomine ortum errorem haud

gnæ...quotannis solenne certamen navium...exercetur: nisi hæc sententia doctius expressa est. — Malebat Crev. solenne certamen, ut monumentum intelligatur per appositionem dictum; nam nec recte dicitur monumentum exerceri; et quemadmodum hoc loco vult, sic supra Livius I, 13, monumentum ejus pugnæ...Curtium lacum appellarunt. Quum vero taceant codices, vulgatum servare tutius esse credidimus. Ed.

12. *In flumine oppidi medio, in Meduaco minori (conf. not. 4), in cujus sinistra ripa situm Patavium, Livii patria, qui in popularium gratiam hæc copiose narrasse videtur.*

CAP. III. 1. *Ubi (Arretii) Cilnium genus præpotens, vide ad Sil. VII, 29, et Tacit. Annal. VI, 11, n. 4. Livium Mæcenati hoc loc. gratificari voluisse, suspicantur viri docti. — Invidia, cf. ad IV, 19, n. 6.*

2. *Marsos agrum vi tueri, non credere colonis romanis.*

3. *Colonia Carseoli deducta, conf. ad c. 1, n. 1, et IX, 28, n. 2. — Cur hoc ipso libro, c. 13, scribat Livius Carseolos iterum deductam fuisse coloniam, et quidem in agrum Æquicolorum, secundum Cluver. Ital. Ant. lib. II, c. ult., hæc est ratio, quod alios aliis locis scriptores noster secutus sit, qui et tempus colonie deductæ, et gentem, in quam deducta est, variaverunt. Id autem etiam alibi a Livio commissum esse, infra videbimus ad lib. XLII, cap. 47. Ed.*

4. *Propter eos tumultus, etc. vide ad II, 26, n. 1.*

5. *Q. Fabium ea ætate.... Valerio subjectum (vide II, 29, n. 6), quod alios annalium scriptores tradidisse, ex h. l. conficitur; Strothius. — Ex Maximi cognomine communi Valerii et Fabii ortum errorem: sed qua ratione? Id ita factum putat Strothius, ut in quibusdam vetustioribus annalibus aut omissum, aut vetustate deletum fuerit nomen magistri equitum*

abnuerim. Profectus dictator cum exercitu prælio uno Marsos fundit : compulsis deinde in urbes munitas, Miloniam⁶, Plestinam, Fresiliam, intra dies paucos cepit : et parte agri mulctatis Marsis foedus restituit. Tum in Etruscos versum bellum ; et, quum dictator auspicioꝝ repetendorum⁷ causa profectus Romam esset, magister equitum, pabulatum egressus, ex insidiis circumvenitur ; signisque aliquot amissis, foeda militum cæde ac fuga in castra est compulsus. Qui terror non eo tantum a Fabio abhorret⁸, quod si qua alia arte cognomen suum æquavit⁹, tum maxime bellicis laudibus ; sed etiam, quod, memor Papirianæ sævitiae¹⁰, nunquam, ut dictatoris injussu dimicaret, adduci potuisset.

IV. Nuntiata ea clades Romam majorem, quam res erat, terrorem excivit : nam, ut exercitu deleto, ita justitium indictum¹ ; custodiæ in portis, vigiliæ vicatim exactæ ; arma, tela in muros congesta. Omnibus junioribus sacramento adactis, dictator, ad exercitum missus, omnia spe tranquilliora et composita magistri

ita ut primum lectum sit *dictator M. Valerius Maximus magister equitum... deinde dictat. M. Valerius ; Maximus magister equit. postremo dict. M. Valerius, Q. Fabius Max. mag. equitum.* Conf. cap. 9, n. 9. A Livio duorum annorum res gestas in unum collatas, aliumque annum, per dictatores exactum, ex Fast. capit. interponendum esse, probabile fecerunt Pigh. in Ann. ad ann. 452, 457, p. 381, 390, et al.

6. *Miloniam et Plestinam* Marsorum ; at IX, 21, 22, *Plistia* (vel *Plistica*, ut in quibusdam manuscriptis, et Ἰδιστικῆ ap. Diodor. IX), et X, 34, *Milonia*, vel, ut in vet. lib. legi monet probatque Sigonius, *Milonia*, Samnitium oppida (Μιλωνία πόλις

Σαμνιτῶν Steph. Byz.) : nisi eodem sunt, et modo ab hac, modo ab illa gente capta et possessa.

7. *Auspicioꝝ repetendorum causa*, vide ad V, 17, n. 4.

8. *Terror non eo tantum a Fabio abhorret* ; cf. I, 11, n. 6. — *Error*, pro *terror* ad marginem ed. Carionis ; vulgatum vero servandum ; non enim *errori* sed *terrori* adscribendum est, quod foeda militum cæde ac fuga in castra est compulsus. Ed.

9. *Cognomen suum æquavit*, ei respondit ; id fuit, quod cognomine suo dicebatur, scil. *maximus* ; Stroth.

10. *Papir. sævitiae*, v. VIII, 32 sq. CAP. IV. 1. *Justitium indictum*, v. ad III, 3, n. 2. — *Ficatum*, per vicos

equitum cura, castra in tutiorem locum redacta, cohortes, quæ signa amiserant, extra vallum sine tentoriis destitutas² invenit; exercitum avidum pugnae, quo maturitus ignominia aboleretur. Itaque confestim castra inde in agrum rufellanum promovit: eo et hostes sequuti: et quanquam ex bene gesta re summam et in aperto certamine virium spem habebant, tamen insidiis quoque, quas feliciter experti erant, hostem tentant. Tecta semirutata vici per vastationem agrorum deusti³, haud procul castris Romanorum aberant: ibi abditis armatis, pecus in conspectu praesidii romani, cui praerat Cn. Fulvius legatus, propulsum. Ad quam illecebram quum moveretur nemo ab romana statione, pastorum unus, progressus sub ipsas munitiones, in-clamat alios, cunctanter ab ruinis vici pecus propel-lentes, *quid cessarent, quum per media castra romana tuto agere possent?* Hæc quum legato Cærites quidam interpretarentur, et per omnes manipulos militum indignatio ingens esset, nec tamen injussu movere⁴ au-derent, jubet peritos linguæ attendere animum, pasto-rum sermo agresti, an urbano, propior esset. Quum referrent, sonum linguæ et corporum habitum et ni-torem cultiora, quam pastoralia, esse; «ite igitur, di-«cite, inquit, detegant nequidquam conditas insidias:

Urbis, ut XXXII, 26. De alia vi vocis vide ad V, 5, n. 2.

2. *Extra vallum sine tentoriis destitutas*, vide ad II, 12, n. 4; III, 29, n. 1; XXV, 6, n. 10, et de hac pena ignominiaque ad Tacit. Annal. XIII, 36, n. 3.—*Eo et hostes secuti; et quanquam*; particulam et insertam a Sigonio ignorant plerique codd. et edd. etiam aldina priores. Nec sane illa quidquam opus est, si scribas: *eo et hostes sequuti, quanquam*, etc. Ed.

3. *Vici per vastationem agrorum deusti*, vide ad II, 18, n. 1.

4. *Nec tamen injussu movere* (scilicet, quod multi addunt libri) *auderent*, conf. ad II, 3, n. 2.—Optimi codd. et antiquæ edd. *τὸ se ignorant*; quorum auctoritate etiam expunximus. Sæpius enim Livius verbum *movere* sine casu usurpavit; V, 25, *quod ex ea tantum præda, quæ rerum moventium fit, decima designetur*; XXI, 32, *triduo fere quam Hannibal ab ripa Rhodani mo-*

« omnia scire Romanum; nec magis jam dolo capi, quam armis vinci, posse. » Hæc ubi audita sunt, et ad eos, qui consederant in insidiis, perlata, consurrectum repente ex latebris est, et in patentem ad conspectum undique campum prolata signa. Visa legato major acies, quam quæ ab suo præsidio sustineri posset: itaque propere ad dictatorem auxilia accitum mittit: interea ipse impetus hostium sustinet.

V. Nuntio allato, dictator signa ferri, ac sequi armatos jubet: sed celeriora prope omnia imperio erant; raptâ extemplo signa armaque; et vix ab impetu et cursu tenebantur. Quum ira ab accepta nuper¹ clade stimulabat, tum concitior accidens clamor ab crescente certamine; urgent itaque alii alios, hortanturque signiferos, ut ocius eant. Quo magis festinantes videt dictator, eo impensius retentat agmen, ac sensim incedere jubet: Etrusci contra, principio exciti pugnae, omnibus copiis aderant. Et super alios² alii nuntiant dictatori, omnes legiones Etruscorum capessisse pugnam; nec jam ab suis resisti posse: et ipse cernit ex superiore loco, in quanto discrimine præsidium esset. Cæterum³ satis fretus, esse etiam nunc tolerando certamini legatum, nec se procul abesse periculi vindicem, quam maxime vult fatigari hostem, ut integris adoriatur viribus fessos. Quanquam lente

vit; XXII, 1, jam ver appetebat, quum ex hibernis movit; ibid. 43, movere inde statuit in calidiora loca; XXIII, 1, confestim ex Apulia in Samnium moverat; XXV, 26, priusquam ex Lucanis moveret; ibid. 38, concubia nocte movere, et alibi. Suet. Calig. 13, itaque ut a Miseno movit, etc. Cf. etiam Grævium ad Ciceron. Epist. ad Attic. V, 12; et viros doctos ad Quint. Curt. lib. VIII, cap. 13. Ed.

CAP. V. 1. *Ira ab accepta nuper clade; conf. ad I, 1, n. 5.*

2. *Super alios alii, sc. Romani, a Fulvio missi.*

3. *Cæterum (pro sed sæpius a nostro, nec ineleganter esse positum vidimus ad librum IX, cap. 21, n. 1) satis fretus, confidens, esse etiam nunc tolerando certamini legatum, vide ad II, 9, n. 5. Verbum fretus raro jungitur infinitivo.*

procedunt, jam tamen ad impetum capiendum, equi utique, modicum erat spatium. Prima incedebant signa legionum, ne quid occultum, aut repentinum hostis timeret: sed reliquerat⁴ intervalla inter ordines peditum, qua satis laxo spatio equi permitti possent: pariter sustulit clamorem acies; et emissus eques libero cursu in hostem invehitur, incompositisque adversus equestrem procellam subitum pavorem offundit. Itaque, ut prope serum auxilium jam pæne circumventis; ita universa requies⁵ data est: integri accepere pugnam: nec ea ipsa longa, aut anceps fuit. Fusi hostes castra repetunt, inferentibusque jam signa Romanis cedunt, et in ultimam castrorum partem conglobantur: hærent fugientes in angustiis portarum; pars magna aggerem vallumque conscendunt, si aut ex superiore loco tueri se, aut superare aliqua et evadere possent. Forte quodam loco male densatus agger⁶ pondere superstantium in fossam procubuit: atque ea quum deos pandere viam fugæ conclamassent, plures inermes, quam armati, evadunt. Hoc prælio fractæ iterum Etruscorum vires; et, pacto annuo stipendio et duum mensium frumento, permissum ab dictatore, ut de pace legatos mit-

4. *Sed reliquerat intervalla*, scilic. dictator (nisi leg. relicta erant), qua parte equi permitti possent in hostem, vel transmitti, ut XXIX, 2. Sic et mox *emissus*, scil. ex acie rom. et per illa intervalla (ut alibi e castris), atque immissus in hostem. Conf. ad II, 56, n. 1; IX, 27, n. 5; XXIV, 1, 15; XXVIII, 14; XXIX, 2, n. 1 et 2; XXX, 18, n. 2; XXXII, 17; XXXIII, 36. — *Pariter*, uno eodemque tempore. Ed. — *Incompositisque*, non paratis aptisque ad sustinendam equestrem procellam, impetum equitum romanorum, ut XXIX, 2; XXX, 18;

XXXV, 5; XXXVIII, 41. Cf. ad II, 1, n. 5. Similiter dicitur *terror equester* (ab equitatu incensus) VI, 12; XXVII, 42 (ut *terror maritimus*, adventu classis incensus, XLI, 17); *auxilium equestre*, equites auxilium lataturi vel ut auxilium ferant IV, 32; *tumultus equester* XXVII, 1; XXX, 18.

5. *Universa requies* a pugnae labore; vide ad I, 38, n. 2.

6. *Male densatus agger*, negligenter aggestus, non satis compactus et stipatus; Doering. — *Ea*, vide ad III, 70, n. 2. — *Eam* Leid. 2. Lovel. 1. Gaertn. Fragm. Haverk. et alii. Ed.

Galli, qui pecunia ingenti accepta recedunt quidem, sed societatem belli abnuunt, nisi pars agri detur. — XI; T. Manlius cos. in Etruria equo effusus moritur, et M. Valerius Maximus ei suffectus, vastandis agris urendisque tectis non ad certamen hostes elicere potest: caritas annonæ, quam Q. Fabius Max. ædil. cur. sublevat præparando ac convehendo frumento: rebellio Samnitium, Lucanorum fines depopulantium. — XII; Fœdus cum Lucanis fit, et feciales, sed frustra, mittuntur, qui Samnitium decedere agro sociorum jubeant: hostes a consulibus vincuntur, Etrusci a L. Cornelio Scipione ad Volaterras cruento in prælio, et Samnites a Cn. Fulvio ad Bovianum. — XIII; Fama exoritur, Etruscum Samnitesque ingentes conscribere exercitus, et hujus terroris causa Q. Fabius Maximus invitus quartum, eoque suffragante P. Decius Mus tertium consules creantur: multis nimium agri possidentibus dies ab ædilibus dicitur. — XIV; Etruria ad pacem petendam inclinante, ambo coss. in Samnium legiones ducunt, ubi Fabius hostem fortiter pugnantem ad Tifernum profligat. — XV; Decius fundit Apulos, et duo consulares exercitus in Samnio omnia evastant: Fabius, comitiorum causa Romanam profectus, consulatum denuo sibi oblatum recusat, et L. Volumnius de plebe cum Ap. Claudio iterum fit consul. — XVI; Fabio et Decio in sex menses prorogatur imperium in Samnio: hostes inde pulsi Etruriam petunt, eamque mixtis terrore precibus ad bellum trahere conantur. — XVII; Interea in Samnio capiuntur diripiunturque Murgantia, Romulea et Ferentinum. — XVIII; Auctore Gellio Egnatio, duce Samnitium, huic populo se conjungunt non modo Tusci fere omnes, sed et Umbri Gallique mercede sollicitati: hinc Volumnius in Samnium profiscitur, et Appius in Etruriam: is nec scite, nec fortunate quidquam gerit, et Volumnius cum suis copiis ad illum pergit accitus literis, quas tamen hic a se scriptas esse negat. — XIX; Altercatio consulum, quorum alter orator, alter imperator est melior: Volumnius jam abiturus retinetur precibus appiani exercitus: victoria Romanorum. — XX; Volumnius in Samnium redit, et in campano agro cædit Samnites præda onustos. — XXI; Romæ trepidationem mox perlæta excipit supplicatio, placetque ut duæ coloniæ circa vescinum falernumque agrum, ab Samnitibus depopulatum, præsidii loco deducantur, Minturnæ et Sinuessa: interim Etrusci, Samnites, Umbri Gallique arma conferunt in Etruria. — XXII; Q. Fabius Maximus consensu victus, consul

creatur cum P. Decio, quem iterum collegam poposcerat: et L. Volumnio in annum prorogatur imperium. — XXIII; Prodigia; supplicationes; pudicitia patricia et plebeia, earumque sacella et aræ: feneratorum et pecuarii bonis mulctantur. — XXIV; Inter consules, qui duobus jam consulatibus censuraque concordantes fuerant collegæ, contentio oritur de provinciis, patriciis tendentibus, ut Fabius Etruriam extra ordinem, vel sine sorte obtineat: quæ etiam provincia illi decernitur populi consensu. — XXV; Fabius, scriptis duntaxat quatuor millibus peditum et 600 equitibus, ad castra Appii prætoris proficiscitur; sed mox Romam redit ad consultandum de bello etrusco, cujus terrorem auxerat Ap. Claudius. — XXVI; Ibi petit, ut sibi adjutor detur Decius, isque non recusat societatem imperii: legio romana, ab Umbris, vel, quod probabilius est, Gallis circumventa, deletur. — XXVII; Atrox pugna consulum cum Samnitibus et Gallis in agro sentinati. — XXVIII; Romanis in lævo cornu fugientibus, Decius exemplo patris se devovet. — XXIX; Pugna cum Gallis in sinistro cornu restituitur; in dextro Samnites a Fabio vincuntur: Galli testudine facta soli resistunt, sed tandem circumventi ab tergo et ipsi cæduntur. — XXX; In Etruria Cn. Fulvius proprætor res ex sententia gerit: et Samnitibus novæ clades inferuntur tum a Pelignis in horum agro, tum a Volumnio ad Tifernum montem: triumphus Fabii, et præmia militum. — XXXI; Etrusci a Fabio, et Samnites in campo stellati ab Appio Volumnioque funduntur: pestilentia prodigiaque: Q. Fabius Gurgæ, consulis filius, aliquot matronas stupri damnatas pecunia mulctat: diuturnitas belli samnitici. — XXXII; Samnites castra M. Atilii Reguli cos. oppugnant. — XXXIII; Romani eos expellunt, sed persequi non ausi retro in soranum agrum eunt: L. Postumius Megellus consul collegæ se conjungit. — XXXIV; Postumius Milioniam et Ferentinum expugnat, aliisque desertis oppidis Samnii potitur. — XXXV; Atilii prælium anceps et varium ad Luceriam: postero die Samnites, castra rom. sine certamine præterire cupientes, præbent speciem recta tendentium ad ea oppugnanda: hinc nova pugna, ad quam consequendam neutris animus est. — XXXVI; Romani fugiunt primum, mox vincunt: nec ita multo post in agro interamnati cædunt alias Samnitium copias præda impeditas. — XXXVII; Postumius e Samnio transit in Etruriam eamque pervastat: idem auxilio tribunorum pl. trium, sine auctoritate Patrum, triumphat.

— XXXVIII; Lege sacrata delectus habetur per omne Samnium; legio linteata sacramento adacta horrendo ritu, et aureis argenteisque armis ornata, aliusque exercitus, ei corporum specie et apparatu non dispar, ad Aquiloniam eonsident. — XXXIX; Consules Samnium depopulantur: Sp. Carvilius Amitemnum vi capit, et obsidet Cominium: L. Papius Cursor Durniam expugnat pervenitque ad Aquiloniam, ubi hostes insignibus armis fulgentes ab eo, ut olim a patre ejus, occisione occiduntur. — XL; Acies utrimque instruitur, et pullarius, qui faustissimum auspicium, tripudium solistimum, mentitus erat, inter prima signa constitutus cadit primus, pilo temere emisso ictus: augurium corvi. — XLI; Prælium atrox: Sp. Nautius densiore pulvere procul excitato præbet speciem advenientis exercitus Carviliiani: hostes jurati injuratique passim sternuntur, et pars in castra ad Aquiloniam posita, pars Bovianum perfugiunt: L. Volumnius castra capit, et L. Scipio penetrat in interiora urbis. — XLII; Nocte deseritur ab hostibus oppidum, in quod et consul signa intulerat: non ferme alius dux lætior in acie visus, et ab eodem in illa non templum, sed pocillum multi votum Jovi Victori. — XLIII; Cominium a Carvilio captum: hostes in fuga interfecti. — XLIV; Consules conjungunt castra, et suos pro cuiusque merito laudant donantque: inde ad oppida Samnii oppugnanda ducunt legiones. — XLV; Faliscorumque aliorumque Etruriæ populorum rebellio: Carvilius, Palumbino, Volana et Herculaneo captis, ex Samnio in Etruriam transit: Papius Sæpinum expugnat. — XLVI; Idem triumphat et eximiis hostium spoliis exornat ædem Quirini, forum et finitimas quoque colonias: Carvilius in Etruria Troiliam et quatuor castella vi capit, annuasque inducias dat Faliscis pacem petentibus: triumphus ejus: ædes Fortis Fortunæ de manubiis facta: prædæ pars data militibus: accusatio L. Postumii haud peracta. — XLVII; Lustrum XIX conditur: Romani primum coronati, ob res bello bene gestas, ludos spectant, et victoribus dant palmas: pecuarii aliquot damnantur: pestilentia Urbem agrosque urit, et in libris Sibyllinis invenitur, Æsculapii signum ab Epidauro Romam arcessendum.

I. **L.** GENUCIO, Ser. Cornelio consulibus, ab externis ferme bellis otium fuit. Soram atque Albam¹ coloniae deductae: Albam in Æquos sex millia colonorum scripta. Sora agri volsci fuerat; sed possederant Samnites: eo quatuor millia hominum missa. Eodem anno Arpinatibus Trebularisque² civitas data: Frusinates tertia parte agri damnati, quod Hernicos ab eis sollicitatos compertum: capitaque conjurationis³ ejus, quæstione ab consulibus ex senatusconsulto habita, virgis cæsi ac securi percussi. Tamen, ne prorsus imbellem agerent annum, parva expeditio in Umbria facta est; quod nuntiabatur, ex spelunca quadam excursiones armatorum in agros fieri. In eam speluncam penetratum cum signis est: et ex eo loco obscuro multa vulnere accepta, maximeque lapidum ictu; donec, altero specus ejus ore (nam pervius erat) invento, utræque fauces congestis lignis accensæ: ita intus fumo ac vapore ad duo millia armatorum, ruentia novissime in ipsas flammæ, dum evadere tendunt⁴, absumpta. Marci Livio Dentre et Æmilio consulibus, redintegratum

CAP. I. 1. *Soram atque Albam colonie deductæ; confer Vellei. I, 14. Sed nova colonia nunc Soram deducta; vide IX, 23 pr. Sic et Carseolos cap. 3 et 13 pr. Confer Vellei. loco laudato. Alba h. l. non est A. Longa nec A. Pompeia; sed Alba Fucentia, seu Fucentis in Marsis et septentr. latere Fucini lacus cita: unde Albensis ager XXVI, 11. Confer ad Sil. VIII, 507.*

2. *Arpinatibus Trebularisque civitas data sine suffragio: quod de illis diserte traditur XXXVIII, 36. Arpinum Latii opp. (h. Arpino) Ciceronis et Marii patria. — Trebula Sabinorum duplex, h. l. non T. Suffena, seu Suffenatis, sed T. Mutusca. Conf. Heyn.*

ad Virg. Æn. VII, 711; in Exc. 8; et Hard. ad Plin. III, 12, seu 17. De Trebula Campaniæ vide ad XXIII, 14, n. 10. — Frusino Volscorum opp. ad Cosam flum. cis Lirim, h. Frosinione, seu Frusillone. Conf. ad Sil. VIII, 398, et Juvenal. III, 223. — In Umbria. Hearnii oxoniensis B et Portug. a manu secund. in Umbriam; quod tanquam usitatus probandum foret, si graviores testes hanc lect. firmarent. Ed.

3. *Capitaque conjurationis... virgis cæsi, etc.; vid. ad XXVII, 16, n. 2. — Cæsa ac securi percussa Lovel. 4; minus eleganter. Ed.*

4. *Dum evadere eas, seu iis tendunt; confer ad IV, 7, n. 6.*

æquicum bellum. Coloniam⁵, ægre patientes velut arcem suis finibus impositam, summa vi expugnare adorti, ab ipsis coloniis pelluntur. Cæterum tantum Romæ terrorem fecerè, quia vix credibile erat, tam affectis rebus⁶ solos per se Æquos ad bellum coortos, ut tumultus ejus causa dictator diceretur C. Junius Bubulcus. Is, cum M. Titinio magistro equitum profectus, primo congressu Æquos subegit, ac, die octavo triumphans in Urbem quum redisset, ædem Salutis⁷, quam consul voverat, censor locaverat, dictator dedicavit.

II. Eodem anno classis Græcorum, Cleonymo duce lacedæmonio¹, ad Italiæ litora appulsa, Thurias² urbem in Sallentinis cepit. Adversus hunc hostem consul Æmilius missus prælio uno fugatum compulit in naves: Thuriæ redditæ veteri cultori: sallentinoque agro pax parta. Junium Bubulcum dictatorem missum in Sallentinos, in quibusdam annalibus invenio: et Cleonymum prius, quam confligendum esset cum Romanis, Italia excessisse. Circumvectus inde Brundisii promontorium, medioque sinu hadriatico ventis latus, quum læva importuosa Italiæ litora, dextra Illyrii Liburnique et Istri, gentes feræ, et magna ex parte latrocinii maritimis infames, terrerent, penitus ad litora

5. Coloniam Albam ægre patientes, scilicet Æqui, etc.

6. Affectis rebus; vide ad V, 10, n. 6. — Tumultus; vide ad II, 26, n. 1.

7. Ædem Salutis... locaverat; conf. ad IX, 43 extr.

CÆP. II. 1. Cleonymo duce laced., Cleomenis regis filio, Arei regis patruo, a Tarentinis, adversus Lucanos et Romanos accessito, qui Tarentum diripuit, et Thurias aliasque Italiæ urbes cepit: cujus vero naves mox a Venetis et Patavinis incensæ sunt. Confer Diodor. XX, 104 sqq. et Strab.

VI, pag. 280. — De eodem in Prologo lib. XV Trogi Pompeii legitur: « Cleonymi deinde Spartani res gestæ Corcyræ, et in Illyrico, et in Italia. » Athenæus lib. XIII, cap. 8, obsides puellos a Metapontinis cum exegisse auctor est. Ed.

2. Thurias urbem in Sallentinis (Calabriæ populo, de quo nominisque scriptura vid. ad Sil. VIII, 573), unde hæc urbs videtur esse alia, quam quæ in Bruttis, aut in Lucania ad sinum tarentinum, inter duos fluvios, Crathin et Sybarin, sita, et Thuriæ, vel Thurii,

Venetorum pervenit. Ibi expositis paucis, qui loca explorarent, quum audisset, tenue prætentum³ litus esse, quod transgressis stagna ab tergo sint, irrigua æstibus maritimis; agros haud procul proximos campestres cerni; ulteriora colles; inde esse ostium fluminis præalti, quo circumagi naves in stationem tutam vidisse (Meduacus⁴ amnis erat): eo invectam classem subire flumine adverso jussit. Gravissimas navium non pertulit alveus fluminis: in leviora navigia transgressa multitudo armatorum ad frequentes agros, tribus maritimis Patavinorum vicis colentibus eam oram, pervenit. Ibi egressi, levi præsidio navibus relicto, vicos expugnant, inflammant tecta, hominum pecudumque prædas agunt, et dulcedine prædandi longius usque a navibus procedunt. Hæc ubi Patavium sunt nuntiata (semper autem eos⁵ in armis accolæ Galli habebant), in duas partes juventutem dividunt. Altera in regio-

Thurium, Thyriæ, Thyraei, primum vere *Sybaris* dicta est; vide Strab. VI, pag. 263, 264, 282; Diodor. XII, 9, 10. Incolæ ejus vocabantur *Thurii*, seu *Thuriatæ*, sed XXV, 1, 15, et apud Plin. XXXIV, 6, seu 15, *Thurini*: nisi hoc *κρητικὸν* tantum est, et XXV, 15, legendum *Thurii*; XXV, 1 autem, uti Bruttiis, vicino populo, assignantur, *Terinaei*, sic dicti a *Terina* Bruttiorum oppido (confer ad VIII, 24, n. 4), inter Temesam Consentiamque, ab Hannibale diruto (v. Strab. VI, 1, 5, p. 256), hod. forsan *Amantea* aut *Nocera*, ad sinum *Terinaeum*, qui nunc *Golfo di S. Eufemia* vocatur: de qua *Terina* confer Heyn. Opusc. Acad. t. II, p. 202, 203.

3. *Tenue prætentum litus esse*, parvum litus ante hæc loca quasi extantum esse, ut fere XXII, 20 pr. *aciem toto prætentam in litore*, ante et per

illud explicatam. Conf. Burm. ad Val. Flac. V, 167, ubi monet, *prætendi* ea dici, quæ objaceant, tanquam munimenta et sepes; propr. qui in castris ante alios, vel primo loco tendant, deinde loca, quæ jaceant ante alias regiones, vel emineant, et quasi tegant sequentes. Cf. ad XLIV, 9, n. 7. — *Agros campestres*, ut XL, 38, h. e. regionem, campos habentem herbidos et fertiles; Ern. Cf. ad XXXVI, 10, n. 3. — *Uteriora colles*, sc. esse, seu cerni. — *Vidisse*, sc. exploratores.

4. *Meduacus amnis erat*, vel *Meduacus*, duplex, major (hod. *Brenta*) et minor (hod. *Bachiglione*), uterque ex Tridentinis Alpibus in Venetos defluens. Conf. Strab. V, 1, 7, p. 213, et Plin. III, 16, seu 20. Conf. not. 12.

5. *Semper autem eos*, sc. Patavinos (vide ad III, 47, n. 1), *in armis accolæ Galli habebant*, tenebant: propter

nem, qua effusa populatio⁶ nuntiabatur; altera, ne cui prædonum obvia fieret, altero itinere ad stationem navium⁷ (millia autem quatuordecim⁸ ab oppido aberat) ducta. In naves parvas, custodibus interemptis, impetus factus; territique nautæ coguntur naves in alteram ripam amnis transjicere. Et in terra prosperum æque in palatos prædatores prælium fuerat; refugientibusque ad stationem Græcis Veneti obsistunt. Ita in medio circumventi hostes cæsique: pars⁹ capti classem indicant regemque Cleonymum tria millia abesse: inde, captivis proximo vico in custodiam datis, pars fluviatiles naves, ad superanda vada¹⁰ stagnorum apte planis alveis fabricatas, pars captiva navigia armatis complent. Profectique ad classem, immobiles naves et loca ignota plus, quam hostem, timentes circumvadunt: fugientesque in altum acrius, quam repugnantes, usque ad ostium amnis persequuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quinta parte navium incolumi, nulla regione maris Hadriatici prospere adita, discessit. Rostra navium spoliisque¹¹ Laconum, in æde Junonis veteri fixa, multi supersunt, qui viderunt. Patavii mo-

frequentes finitimorum Gallorum incursiones semper arma tractare cogebantur.

6. *Effusa populatio*; confer ad I, 14, n. 7. Mox pro *altero itinere* cum Gronovio leg. *alio itinere*, vel potius cum Burm. *avio itinere*, ut *avius saltus* IX, 31; XXV, 32; et *devius saltus* X, 24; XLI, 19; et *avia Oceani* et *saltuum* apud Tacit. Ann. II, 15, 68. Cf. inf. ad XXII, 7, n. 1.

7. *Ad stationem*, scil. navium, ut XXXI, 17 et 23.

8. *Millia autem quatuordecim*, ut

mox *tria millia*; vide ad IX, 24, n. 2.

9. *Pars capti*, ut mox *pars complent*. Conf. ad I, 41, n. 1.

10. *Naves ad superanda vada* (*Untiefen*) *planis alveis fabricatas*, que etiam flumina minime alta transire possunt, *flache Böte*; Str. — *Ostium amnis*, Meduæci.

11. *Rostra navium spoliisque laconum in æde Junonis veteri fixa*; cf. IV, 20, 32; XXII, 57; XXIII, 14; XV, 674; ad IV, 20, n. 1; et ad Sil. I, 617 sq. Mox forte leg. *Patavii in monumentum* (memoriam) *navalis pu-*

nimentum navalis pugnæ eo die, quo pugnatum est, quotannis solenni certamine navium in flumine¹² oppidi medio exercetur.

III. Eodem anno Romæ cum Vestinis, petentibus amicitiam, ictum est foedus. Multiplex deinde exortus terror: Etruriam rebellare, ab Arretinorum seditionibus motu orto, nuntiabatur; ubi Cilnium genus præpotens¹, divitiarum invidia, pelli armis cœptum; simul Marsos agrum vi² tueri, in quem colonia Carseoli³ deducta erat, quatuor millibus hominum scriptis. Itaque propter eos tumultus⁴ dictus M. Valerius Maximus dictator, magistrum equitum sibi legit M. Æmilium Paulum. Id magis credo, quam Q. Fabium ea ætate⁵ atque eis honoribus Valerio subjectum: cæterum ex Maximi cognomine ortum errorem haud

gnæ...quotannis solenne certamen navium...exercetur: nisi hæc sententia doctius expressa est. — Malebat Crev. solenne certamen, ut monimentum intelligatur per appositionem dictum; nam nec recte dicitur monimentum exerceri; et quemadmodum hoc loco vult, sic supra Livius I, 13, monumentum ejus prugnæ...Curtium lacum appellarunt. Quum vero taceant codices, vulgatum servare tutius esse credidimus. Ed.

12. *In flumine oppidi medio, in Meduaco minori (conf. not. 4), in cujus sinistra ripa situm Patavium, Livii patria, qui in popularium gratiam hæc copiose narraſſe videtur.*

CAP. III. 1. *Ubi (Arretii) Cilnium genus præpotens, vide ad Sil.VII, 29, et Tacit. Annal.VI, 11, n. 4. Livium Mæcenati hoc loc. gratificari voluisse, suspicantur viri docti. — Invidia, cf. ad IV, 19, n. 6.*

2. *Marsos agrum vi tueri, non cedere colonis romanis.*

3. *Colonia Carseoli deducta, conf. ad c. 1, n. 1, et IX, 28, n. 2. — Cur hoc ipso libro, c. 13, scribat Livius Carseolos iterum deductam fuisse coloniam, et quidem in agrum Æquicolorum, secundum Cluver. Ital. Ant. lib. II, c. ult., hæc est ratio, quod alios aliis locis scriptores noster secutus sit, qui et tempus colonizæ deductæ, et gentem, in quam deducta est, variaverunt. Id autem etiam alibi a Livio commissum esse, infra videbimus ad lib. XLII, cap. 47. Ed.*

4. *Propter eos tumultus, etc. vide ad II, 26, n. 1.*

5. *Q. Fabium ea ætate....Valerio subjectum (vide II, 29, n. 6), quod alios annalium scriptores tradidisse, ex h. l. conficitur; Strothius. — Ex Maximi cognomine communi Valerii et Fabii ortum errorem: sed qua ratione? Id ita factum putat Strothius, ut in quibusdam vetustioribus annalibus aut omissum, aut vetustate deletum fuerit nomen magistri equitum*

abnuerim. Profectus dictator cum exercitu prælio uno Marsos fundit : compulsis deinde in urbes munitas, Miloniam⁶, Plestinam, Fresiliam, intra dies paucos cepit : et parte agri mulctatis Marsis foedus restituit. Tum in Etruscos versum bellum ; et, quum dictator auspiciorum repetendorum⁷ causa profectus Romam esset, magister equitum, pabulatum egressus, ex insidiis circumvenitur ; signisque aliquot amissis, foeda militum cæde ac fuga in castra est compulsus. Qui terror non eo tantum a Fabio abhorret⁸, quod si qua alia arte cognomen suum æquavit⁹, tum maxime bellicis laudibus ; sed etiam, quod, memor Papirianæ sævitiae¹⁰, nunquam, ut dictatoris injussu dimicaret, adduci potuisset.

IV. Nuntiata ea clades Romam majorem, quam res erat, terrorem excivit : nam, ut exercitu deleta, ita justitium indictum¹ ; custodiæ in portis, vigiliæ vicatim exactæ ; arma, tela in muros congesta. Omnibus junioribus sacramento adactis, dictator, ad exercitum missus, omnia spe tranquilliora et composita magistri

ita ut primum lectum sit *dictator M. Valerius Maximus magister equitum...* deinde *dictat. M. Valerius ; Maximus magister equit. postremo dict. M. Valerius, Q. Fabius Max. mag. equitum.* Conf. cap. 9, n. 9. A Livio duorum annorum res gestas in unum collatas, aliumque annum, per dictatores exactum, ex Fast. capit. interponendum esse, probabile fecerunt Pigh. in Ann. ad ann. 452, 457, p. 381, 390, et al.

6. *Miloniam et Plestinam* Marso- rum ; at IX, 21, 22, *Plistia* (vel *Plistica*, ut in quibusdam manuscriptis, et Πλιστικὴ ap. Diodor. IX), et X, 34, *Milonia*, vel, ut in vet. lib. legi monet probatque Sigonius, *Milonia*, Samnitium oppida (Μιλωνία πόλις

Σαμνιτῶν Steph. Byz.) : nisi eadem sunt, et modo ab hac, modo ab illa gente capta et possessa.

7. *Auspiciorum repetendorum causa*, vide ad V, 17, n. 4.

8. *Terror non eo tantum a Fabio abhorret* ; cf. I, 11, n. 6. — *Error*, pro *terror* ad marginem ed. Curionis ; vulgatum vero servandum ; non enim *errori* sed *terrori* adscribendum est, quod foeda militum cæde ac fuga in castra est compulsus. Ed.

9. *Cognomen suum æquavit*, ei respondit ; id fuit, quod cognomine suo dicebatur, scil. *maximus* ; Stroth.

10. *Papir. sævitiae*, v. VIII, 32 sq.

CAP. IV. 1. *Justitium indictum*, v. ad III, 3, n. 2. — *Ficatum*, per vicus

equitum cura, castra in tutiorem locum redacta, cohortes, quæ signa amiserant, extra vallum sine tentoriis destitutas² invenit; exercitum avidum pugnae, quo maturitas ignominia aboleretur. Itaque confestim castra inde in agrum rufellanum promovit: eo et hostes sequuti: et quanquam ex bene gesta re summam et in aperto certamine virium spem habebant, tamen insidiis quoque, quas feliciter experti erant, hostem tentant. Tecta semirutata vici per vastationem agrorum deusti³, haud procul castris Romanorum aberant: ibi abditis armatis, pecus in conspectu praesidii romani, cui praerat Cn. Fulvius legatus, propulsum. Ad quam illecebram quum moveretur nemo ab romana statione, pastorum unus, progressus sub ipsas munitiones, in-clamat alios, cunctanter ab ruinis vici pecus propel-lentes, *quid cessarent, quum per media castra romana tuto agere possent?* Hæc quum legato Cærites quidam interpretarentur, et per omnes manipulos militum indignatio ingens esset, nec tamen injussu movere⁴ au-derent, jubet peritos linguæ attendere animum, pasto-rum sermo agresti, an urbano, propior esset. Quum referrent, sonum linguæ et corporum habitum et ni-torem cultiora, quam pastoralia, esse; «ite igitur, di-
«cite, inquit, detegant nequidquam conditas insidias:

Urbis, ut XXXII, 26. De alia vi vocis vide ad V, 5, n. 2.

2. *Extra vallam sine tentoriis destitutas*, vide ad II, 12, n. 4; III, 29, n. 1; XXV, 6, n. 10, et de hac poena ignominiaque ad Tacit. Annal. XIII, 36, n. 3.—*Eo et hostes secuti; et quanquam*; particulam et insertam a Sigonio ignorant plerique codd. et edd. etiam aldina priores. Nec sane illa quidquam opus est, si scribas: eo et hostes sequuti, quanquam, etc. Ed.

3. *Vici per vastationem agrorum deusti*, vide ad II, 18, n. 1.

4. *Nec tamen injussu movere* (scil. se, quod multi addunt libri) *auderent*, conf. ad II, 3, n. 2.—Optimi codd. et antiquæ edd. τὸ se ignorant; quorum auctoritate etiam expunximus. Sæpius enim Livius verbum movere sine casu usurpavit; V, 25, *quod ex ea tantum præda, quæ rerum moventium fit, decima designetur*; XXI, 32, *triduo fere quam Hannibal ab ripa Rhodani mo-*

« omnia scire Romanum; nec magis jam dolo capi, « quam armis vinci, posse. » Hæc ubi audita sunt, et ad eos, qui consederant in insidiis, perlata, consurrectum repente ex latebris est, et in patentem ad conspectum undique campum prolata signa. Visa legato major acies, quam quæ ab suo præsidio sustineri posset: itaque propere ad dictatorem auxilia accitum mittit: interea ipse impetus hostium sustinet.

V. Nuntio allato, dictator signa ferri, ac sequi armatos jubet: sed celeriora prope omnia imperio erant; rapta extemplo signa armaque; et vix ab impetu et cursu tenebantur. Quum ira ab accepta nuper¹ clade stimulabat, tum concitator accidens clamor ab crescente certamine; urgent itaque alii alios, hortanturque signiferos, ut ocius eant. Quo magis festinantes videt dictator, eo impensius retentat agmen, ac sensim incedere jubet: Etrusci contra, principio exciti pugnae, omnibus copiis aderant. Et super alios² alii nuntiant dictatori, omnes legiones Etruscorum capessisse pugnam; nec jam ab suis resisti posse: et ipse cernit ex superiore loco, in quanto discrimine præsidium esset. Cæterum³ satis fretus, esse etiam nunc tolerando certamini legatum, nec se procul abesse periculi vindicem, quam maxime vult fatigari hostem, ut integris adoriatur viribus fessos. Quanquam lente

vit; XXII, 1, *jam ver appetebat, quum ex hibernis movit*; *ibid.* 43, *movere inde statuit in calidiora loca*; XXIII, 1, *confestim ex Apulia in Samnium moverat*; XXV, 26, *priusquam ex Lucanis moveret*; *ibid.* 38, *concupia nocte movere*, et alibi. Suet. Calig. 13, *itaque ut a Miseno movit*, etc. Cf. etiam Grævium ad Ciceron. Epist. ad Attic. V, 12; et viros doctos ad Quint. Curt. lib. VIII, cap. 13. Ed.

CAP. V. 1. *Ira ab accepta nuper clade*; conf. ad I, 1, n. 5.

2. *Super alios alii*, sc. Romani, a Fulvio missi.

3. *Cæterum* (pro *sed* sæpius a nostro, nec ineleganter esse positum vidimus ad librum IX, cap. 21, n. 1) *satis fretus*, confidens, *esse etiam nunc tolerando certamini legatum*, vide ad II, 9, n. 5. Verbum *fretus* raro jungitur infinitivo.

procedunt, jam tamen ad impetum capiendum, equi utique, modicum erat spatium. Prima incedebant signa legionum, ne quid occultum, aut repentinum hostis timeret: sed reliquerat⁴ intervalla inter ordines peditum, qua satis laxo spatio equi permitti possent: pariter sustulit clamorem acies; et emissus eques libero cursu in hostem invehitur, incompositisque adversus equestrem procellam subitum pavorem offundit. Itaque, ut prope serum auxilium jam pæne circumventis; ita universa requies⁵ data est: integri acceperere pugnam: nec ea ipsa longa, aut anceps fuit. Fusi hostes castra repetunt, inferentibusque jam signa Romanis cedunt, et in ultimam castrorum partem conglobantur: hærent fugientes in angustiis portarum; pars magna aggerem vallumque conscendunt, si aut ex superiore loco tueri se, aut superare aliqua et evadere possent. Forte quodam loco male densatus agger⁶ pondere superstantium in fossam procubuit: atque ea quum deos pandere viam fugæ conclamassent, plures inermes, quam armati, evadunt. Hoc prælio fractæ iterum Etruscorum vires; et, pacto annuo stipendio et duum mensium frumento, permissum ab dictatore, ut de pace legatos mit-

4. *Sed reliquerat intervalla*, scilic. dictator (nisi leg. *relicta erant*), qua parte equi permitti possent in hostem, vel transmitti, ut XXIX, 2. Sic et mox *emissus*, scil. ex acie rom. et per illa intervalla (ut alibi e castris), atque immisus in hostem. Conf. ad II, 56, n. 1; IX, 27, n. 5; XXIV, 1, 15; XXVIII, 14; XXIX, 2, n. 1 et 2; XXX, 18, n. 2; XXXII, 17; XXXIII, 36. — *Pariter*, uno eodemque tempore. Ed. — *Incompositisque*, non paratis aptisque ad sustinendam equestrem procellam, impetum equitum romanorum, ut XXIX, 2; XXX, 18;

XXXV, 5; XXXVIII, 41. Cf. ad II, 1, n. 5. Similiter dicitur *terror equester* (ab equitatu incussus) VI, 12; XXVII, 42 (ut *terror maritimus*, adventu classis incussus, XLI, 17); *auxilium equestre*, equites auxilium laturo vel ut auxilium ferant IV, 32; *tumultus equester* XXVII, 1; XXX, 18.

5. *Universa requies* a pugnae labore; vide ad I, 38, n. 2.

6. *Male densatus agger*, negligenter aggestus, non satis compactus et stipatus; Doering. — *Ea*, vide ad III, 70, n. 2. — *Eam* Leid. 2. Lovél. 1. Gaertn. Fragm. Haverk. et alii. Ed.

terent Romam. Pax negata : induciæ biennii datæ : dictator triumphans in Urbem rediit. Habeo auctores, sine ullo memorabili prælio pacatam ab dictatore Etruriam esse, seditionibus tantum Arretinorum compositis, et Cilnio genere cum plebe in gratiam reducto. Consul ex dictatura factus M. Valerius : non petentem, atque adeo etiam absentem⁷, creatum crediderunt quidam ; et per interregem ea comitia facta⁸ : id unum non ambigitur, consulatum cum Appuleio Pansa gessisse.

VI. M. Valerio et Q. Appuleio consulibus, satis pacatæ foris res fuere. Etruscum adversa belli res¹ et induciæ quietum tenebant : Samnitum, multorum annorum cladibus domitum, haud dum fœderis novi pœnitebat². Romæ quoque plebem quietam et exoneratam deducta in colonias multitudo præstabat. Tamen, ne undique tranquillæ res essent, certamen injectum inter primores civitatis, patricos plebeiosque, ab tribunis plebis Q. et Cn. Ogulniis. Qui, undique criminandorum Patrum apud plebem occasionibus quæsitis, postquam alia frustra tentata erant, eam actionem susceperunt³, qua non infimam plebem ac-

7. *Atque adeo etiam absentem creatum* (vide ad IV, 42, n. 1) *crediderunt quidam*, forte *tradidere* : nam Livius, quum aliquid varie proditum adnotat, non solet uti verbo *credere* ; Duk. — Et eo ducit unus e nostris libris, in quo legitur *tra credidere*. Nimirum librarius dum dubitat utrum apponere deberet, utriusque verbi primam syllabam expressit, ut eligeret peritus lector. Ed.

8. *Comitia facta*, ut I, 35 ; V, 1, 14 ; apud Cicer. Verr. I, 6, et *comitia perfecta* infr. XXII, 34 ; XXV, 41 ; XXX, 39 ; Duk. et Drak.

CAP. VI. 1. *Adversa belli res*, al. *adversæ* ; sed plerique libri *adversa*, et

forte delenda vox *res*, non jucunde repetita ; Gronovius.

2. *Haud dum fœderis novi pœnitebat*, conf. ad II, 54, n. 16. — *Exoneratam*, levatam onere eorum, qui in colonias deducti erant ; Doer. Cf. XXIV, 29 pr. Plerumque *exonerari aliqua re* dicimur. — *Exhonoratam* Voss. 2 et Lov. 3 ; male. — *Injectum certamen* ; sic infr. ad XXI, 54, *injecto deinde certamine cedendo sensim citra flumen pertrahere* ; XXXIV, 4, *vultis hoc certamen uxoribus vestris injicere* ? Eodem modo *contentionem, rixam injicere*. Ed.

3. *Eam actionem susceperunt* ; vide ad II, 56, n. 4.

cenderent, sed ipsa capita plebis, consulares triumphalesque plebeios; quorum honoribus nihil, præter sacerdotia, quæ nondum promiscua erant, deesset. Rogationem ergo promulgarunt, ut, quum quatuor augures, quatuor pontifices⁴ ea tempestate essent, placeretque augeri sacerdotum numerum, quatuor pontifices, quinque augures, de plebe omnes, allegerentur. Quemadmodum ad quatuor augurum numerum, nisi morte duorum, id redigi collegium potuerit, non invenio; quum inter augures constet, imparium numerum debere esse⁵, ut tres antiquæ tribus⁶, Ramnes, Titienses, Luceres, suum quæque augurem habeant; aut, si pluribus sit opus, pari intèr se numero sacerdotes multiplicent: sicut multiplicati sunt, quum ad quatuor quinque adjecti novem numerum, ut terni in singulas⁷ essent, expleverunt. Cæterum, quia de

4. *Quatuor pontifices*, etc.; cf. ad I, 20, n. 8. — *Nisi morte duorum*: quæ conjectura si vera est, antea sex augures iique patricii fuere, et ita sui oblitus est Livius, in oratione Decii cap. 8 pr. innuens, neminem patricium *de loco pulsum*, aut ullam huic ordini injuriam factam; nisi forte dicere voluit, nullum patricium coactum fuisse, ut sacerdotio, quod obtinebat, se abdicaret, idque plebeio concederet; Drak. Sed vide ad cap. 8, n. 2.

5. *Imparum numerum debere esse* augurum. Livius non solum eum intelligere videtur numerum, qui per se est impar, sed etiam eum, qui sit, quum impar numerus per alium multiplicatur, ita ut non solum *tres* dicatur impar numerus, sed etiam *bis tres*, *quater tres* et sic porro; sententia enim ex seqq. plana fit: quatuor augures nunquam esse potuisse, sed pro numero antiquarum tribuum, vel tres, vel bis tres, i. e. sex esse debuisse;

Stroth. Nota Drak. est hæc: « Docet Livius, vel augurum *imparium numerum esse*, vel *pari inter se numero sacerdotes multiplicari* debuisse. Jam autem impari numero fuerunt, quum tantum tres essent, et quæque tribus antiqua suum augurem haberet; at pari inter se numero multiplicati, quum pro tribus sex fierent: nunc vero iterum pari inter se numero multiplicantur, quum pro sex, novem constituantur. Nam ex V plebeis allectis duo in locum demortuorum, ex sententia Livii, sufficiuntur, tres veteribus multiplicandis adjiciuntur. *Impar* itaque fuit numerus augurum, quum tres essent, sed *pari inter se numero* multiplicati sunt, quum tot a Ramnibus, quot a Titiensibus et Luceribus augures adjicerentur. »

6. *Tribus Ramnes, Titienses, Luceres*; vide ad I, 13, n. 8.

7. *Terni in singulas*, scil. tribus. — *Juxta*; vide ad V, 6, n. 3.

plebe allegebantur, juxta eam rem ægre passi Patres, quam quum consulatum vulgari⁸ viderent. Simulabant, ad deos id magis, quam ad se, pertinere: ipsos visuros, ne sacra sua polluantur: id se optare tantum, ne qua in rempublicam clades veniat. Minus autem tetendere⁹, assueti jam tali genere certaminum vinci. Et cernebant, adversarios¹⁰ non id, quod olim vix speraverint, affectantes magnos honores, sed omnia jam, in quorum spem dubiam erat certatum, tamen adeptos, multiplices consulatus, censurasque, et triumphos.

VII. Certatum tamen suadenda dissuadendaque lege inter Ap. Claudium maxime ferunt et inter P. Decium Murem. Qui quum eadem ferme de jure Patrum ac plebis, quæ pro lege Licinia¹ quondam contraque eam dicta erant, quum plebeiis consulatus rogabatur, disseruissent; retulisse dicitur Decius parentis sui speciem², qualem eum multi, qui in concione erant, viderant, incinctum gabino cultu³, super telum stantem, quo se habitu pro populo ac legionibus romanis de-

8. *Consulatum vulgari*; vide ad II, 29, n. 5.

6. *Minus autem tetendere*; vide ad IV, 8, n. 6. — *Tendere*. Lovel. 2 et 4. *Fragm. Haverk. deinde in tali genere Gaertn. Ita infra lib. XXV, 5, senes honoratosque juvenis in eo certamine devicit*; XXVII, 53, *in certamine autem amicitiae vestrae minime æquo animo vinci possum*. At reliqui codices præpositionem ignorant, et sic sæpe loquitur noster, v. g. XXXIII, 47, *nec satis habere, bello vicisse Hannibalem*; XXXVII, 54, *nisi quod longius a vobis absumens, nulla vincimur alia re*. Similiter *prælia vinci*. Ed.

10. *Adversarios non solum id... sed etiam* (vide I, 40, n. 1) *omnia jam,*

in quorum spem quamvis dubiam erat certatum, tamen adeptos. Confer ad VII, 30, n. 6. Doer. *tandem* conj. pro *tamen*, quia hoc initio cap. sequentis repetitur.

CAP. VII. 1. *Pro lege Licinia, etc.*; conf. VI, 35 sq. VII, 21 sq.

2. *Retulisse dicitur Decius parentis sui speciem, eamdem sumpsisse, sibi induisse*.

3. *Incinctum gabino cultu, etc.*; v. ad V, 46, n. 2, et VIII, 9. — *Incinctus pro cinctus* etiam est apud Ovid. *Heroid. epist. IV, v. 87*: « Quid juvat incinctæ studia exercere Dianæ. » Vide N. Heins. ad *Fast. II, 633*, et *Metam. III, 162*. Ita *infrenatus* pro *frenatus* occurrit inf. XXXVII, 20. Ed.

vovisset. « Tum P. Decium consulem purum piumque
« diis immortalibus visum, æque ac si T. Manlius⁴ col-
« lega ejus devoveretur. Eundem P. Decium⁵, qui sa-
« cra publica populi romani faceret, legi rite non po-
« tuisse? Id esse periculum⁶, ne suas preces minus
« audirent dii, quam Ap. Claudii? Castius eum sacra
« privata facere, et religiosius deos colere, quam se?
« Quem pœnitere votorum⁷, quæ pro republica nun-
« cupaverint tot consules plebeii, tot dictatores, aut
« ad exercitus euntes, aut inter ipsa bella? Numerar-
« entur duces eorum annorum⁸, quibus plebeiorum
« ductu et auspicio res geri coeptæ sunt: numeraren-
« tur triumphi. Jam ne nobilitatis quidem suæ ple-
« beios pœnitere: pro certo habere, si quod repens
« bellum oriat, non plus spei fore senatui populo-
« que romano in patriciis, quam in plebeiis ducibus.
« Quod quum ita se habeat, cui deorum hominumve
« indignum videri potest, inquit, eos viros, quos vos
« sellis curulibus, toga prætexta⁹, tunica palmata et
« toga picta, et corona triumphali laurea que honora-

4. *T. Manlius* patricius, non, ut Decius, plebeius.

5. *Eundem P. Decium* eum, qui *sacra publica pop. rom. faceret*, h. e. pontificem, aut augurem, *legi rite*, etc.

6. *Id esse periculum*, etc.; confer ad IX, 17, n. 9.

7. *Quem pœnitere votorum*, ut mox *nobilitatis suæ plebeios pœnitere*; vide ad II, 54, n. 16. — *Nuncupare vota* esse id. qd. *promittere*, ex Festo docet Drakenborchius. — « Vota nuncupata dicuntur quæ consules, prætores, quum in provinciam proficiscuntur, faciunt; ea in tabulas præsentibus multis referuntur. At Santra, lib. II, de Verborum antiquit. satis multis *nuncupata* colligit non de recto *nominata*

significare, sed *promissa*, et quasi testificata, circumscripta receptaque: quod etiam in votis nuncupandis esse convenientius. » Ed.

8. *Numerarentur duces eorum annorum*, quibus *plebeiorum ductu et auspicio res geri coeptæ sunt*, hoc est, quibus plebeii coeperunt duces esse; vide ad V, 46, n. 10; *sint conj. Duk.*

9. *Sellis curulibus et toga prætexta*, insignibus consulum, ut *tunica palmata, toga acu picta, corona triumphalis laurea que triumphantium*, qui hinc *aurati purpuratique* dicuntur, XLV, 39 pr. Conf. ad XXX, 15, n. 5; ad Juvenal. X, 36 sq. Tac. Ann. I, 15, n. 4. *Toga palmata dicebatur, quam merebantur ii, qui reportabant*

« ritis, quorum domos spoliis hostium affixis¹⁰ insi-
« gnes inter alias feceritis, pontificalia atque auguralia
« insignia adjicere? qui, Jovis optimi maximi ornatu
« decoratus, curru aurato per Urbem vectus in Capito-
« lium ascenderit, si conspiciatur cum capide ac¹¹ lituo,
« capite velato victimam cædat, auguriumve ex arce
« capiat¹²? Cujus imaginis titulo¹³ consulatus censu-
« raque et triumphus æquo animo legetur; si augu-

de hostibus palmas: ipsa vocabatur et toga picta, eo quod victorias cum palmis intextas habebat, Isid. Or. XIX, 24. Picta toga purpurea antea vocitata est, eaque erat sine pictura: tunica palmata a latitudine clavorum dicebatur, quæ nunc a genere pictura appellatur; Fest. At Salmas. ad Flav. Vopisc. c. 20. « Picta, inquit, vestis multum distat a clavata: picta semper alicujus rei, seu animalis figuram ac factam atque aureis, aut variis filis intextam et expressam exhibebat: clavi vero aurei, aut purpurei particulae erant ex auro, vel purpura, nunc rotundæ, nunc quadratæ, quæ tanquam emblemata quædam vestibus inserebantur atque insuebantur, quæque etiam a veste poterant separari et in aliam transferri. » Cæterum tunica palmata a Capitolio et a Jove quasi mutuo sumi solebat: unde mox Jovis Optimi Max. ornatus dicitur, et apud Juven. X, 38, tunica Jovis. — Corona triumphali: quam antiquitus e lauro fuisse, postea ex auro fieri cœptam scribit Gellius, lib. V, cap. 6; Dionys. Halicarn. lib. III ad tempora usque Tarquinii prisci refert originem coronarum aurearum a regibus primum, deinde a triumphantibus gestatarum. Ed.

10. *Domos spoliis hostium affixis insignes*, ut sub aspectum prætereuntium caderent spolia: quæ neque ædibus abalienatis refigi, aut tolli ab em-

ptoribus, neque collapsa refici licebat. Confer XXIII, 23, n. 7; XXXVIII, 43, n. 7; ad Sil. VI, 434 sq. 446; X, 600; Intpp. Plin. XXXV, 2; Tiball. I, 1, 54; Propert. III, 7, seu 9, 26; Lips. Mil. rom. V, 17. — *Pontificalia atque auguralia insignia*, capidem et lituum, *adjicere*, scil. sibi, vel potius honoris insignibus modo memoratis. — *Jovis optimi maximi ornatu*; corona aurea, sceptro regio, quibus triumphantes, Jovis ipsius instar, decorabantur. Quin etiam faciem triumphantibus minio illini olim solitam, quemadmodum Jovi et quibusdam aliis diis, Plinius memorat lib. XXXIII, cap. 7. Ed.

11. *Cum capide ac lituo*: de hoc conf. I, 8. *Capis*, seu *capedo* et *capeduncula* vasculum, quo utebantur in sacris. *Capis poculi genus a capiendo dictum*; Fest. *Capis* vas pontificale, *lituus* augurum erat; Duker. Recte; et in toto h. l. distingui pontificum augurumque insignia ac munera, jam monuit Drak. Conf. Gell. XII, 1. — *Capite velato* (*caput velare* proprie erat augurum in auguriis capiendis; conf. Virgil. Æn. III, 403 sq. ibique intpp.) *victimam cædat* de pontifice ipso, ut apud Sueton. Tiber. 25 extr.

12. *Auguriumve ex arce capiat*; v. ad I, 6, n. 5.

13. *Cujus imaginis titulo*; vide ad IV, 16, n. 4.

« ratum aut pontificatum adjeceritis, non sustinebunt
« legentium oculi? Equidem (pace dixerim deum) eos
« nos jam populi romani beneficio esse spero, qui sa-
« cerdotiis non minus reddamus dignatione¹⁴ nostra
« honoris, quam acceperimus; et deorum magis, quam
« nostra causa expetamus, ut, quos privatim colimus,
« publice colamus.

VIII. « Quid autem ego sic adhuc egi, tanquam in-
« tegra sit causa patriciorum de sacerdotiis, et non
« jam in possessione unius amplissimi simus sacerdo-
« tii? Decemviros sacris faciundis¹, carminum Sibyllæ
« ac fatorum populi hujus interpretes, antistites eos-
« dem Apollinaris sacri ceremoniarumque aliarum, ple-
« beios videmus. Nec tum patriciis ulla injuria facta est,
« quum duumviris sacris faciundis adjectus est propter
« plebeios numerus: et nunc tribunus, vir fortis ac
« strenuus, quinque augurum loca, quatuor pontificum
« adjecit, in quæ plebei nominentur; non ut vos, Ap-
« pi, vestro loco pellant², sed ut adjuvent vos homines
« plebei divinis quoque rebus procurandis, sicut in
« cæteris humanis pro parte virili³ adjuvant. Noli eru-
« bescere, Appi, collegam in sacerdotio habere, quem

14. *Dignatione nostra*, si iis fungamur dignique videamur.

CAP. VIII. 1. *Decemviros sacris faciundis... numerus*, vide ad III, 10, n. 6. *Iidem erant antistites Apollinaris sacri*, Apollinis sacerdos. — His verbis designatur procul dubio peculiare sacrum, quod in Apollinis honorem per decemviros sacrorum perageretur. Quoniam ritu, quo tempore anni, qua de causa illud celebraretur, non reperimus. Neque enim hic aut seculares ludi intelligi possunt, qui clarius a Livio et insignitius indicarentur, aut ludi Apollinares, qui nondum erant institu-

ti. Ed. — *Propter plebeios*, ut hi quoque eum honorem consequi possent.

2. *Ut vos, Appi, vestro loco pellant*, ut vos plane excludant a sacerdotiis, ab honoribus, quos soli adhuc obtinuistis. Conf. ad cap. 6, n. 4. Sic *depelli et dejici* quis dicitur in comitiis, ut contra, qui competitorum impetrat honorem, quem cum aliis petierat, neque ab iis vincitur, *locum suum tenere*; vide ad III, 35, n. 10, et XXXIX, 32, n. 6. Origo harum dictionum repetenda ex iis, quæ dixi ad II, 10, n. 7, et ad IV, 16, n. 5.

3. *Pro p. v. adjuvant*; v. Præf. n. 3.

« in censura, quem in consulatu collegam habere po-
 « tuisti: cujus tam dictatoris magister equitum, quam
 « magistri equitum dictator esse potes. Sabinum ad-
 « venam⁴, principem nobilitatis vestræ, seu Attum Clau-
 « sum, seu Ap. Claudium mavultis, illi antiqui patricii
 « in suum numerum acceperunt. Ne fastidieris⁵ nos in
 « sacerdotum numerum accipere. Multa nobiscum de-
 « cora afferimus; immo omnia eadem, quæ vos super-
 « bos fecerunt. L. Sextius primus de plebe consul est
 « factus; C. Licinius Stolo primus magister equitum,
 « C. Marcius Rutilus primus et dictator et censor,
 « Q. Publilius Philo primus prætor. Semper ista audita
 « sunt eadem, penes vos auspicia⁶ esse, vos solos gen-
 « tem habere⁷, vos solos justum imperium et auspi-
 « cium domi militiæque. Æque adhuc prosperum ple-
 « beium ac patricium⁸ fuit, porroque erit. En unquam
 « fando audistis⁹, patricos primo esse factos, non de
 « cælo demissos, sed qui patrem ciere possent, id est,

4. *Sabinum advenam Attum Clausum, etc.*; vide ad II, 16. — *Illi antiqui patricii in suum numerum acceperunt*; vide ad IV, 4, n. 3.

5. *Ne fastidieris nos in sacerdotum numerum accipere*; vide supra ad II, 41, n. 3.

6. *Penes vos auspicia esse*; vide ad II, 33, n. 3.

7. *Vos solos gentem habere*, patrem majoresque nobiles nominare posse, ut hi *gentem non habere* dicuntur, qui alio nomine, quod etiam huc spectat, *novi homines* appellantur (vide ad I, 34, n. 8), quorum majores non commemorantur, quique non natu, sed propriis factis clari ac nobiles sunt; Stroth. *Gentiles sunt, qui eodem inter se sunt nomine, ab ingenuis oriundi, quorum majorum nemo servitutem servivit, qui capite non sunt deminuti,*

Cic. Top. 6. Confer Sigon. I. A. C. R. I, 7.

8. *Plebeium ac patricium*, scil. imperium et auspicium.

9. *En unquam fando audistis*; vide ad IV, 3, n. 6. — *Qui patrem ciere possent*, etymologia *patriciorum*, qui proprie nihil ultra quam ingenui erant, parentibus ingennis, non e servitute manumissis, progeniti. Conf. ad I, 8, n. 9, et IV, 3, n. 10. « *Vox patricos* h. l. non est subjectum, sed sententia, a Romulo non aliquos de cælo demissos, seu a diis ortos factos esse patricos, ita ut patricii essent singulare quoddam hominum genus, sed eum ex omni hominum, qui secum Romam conderent, colluvie elegisse modo omnes ingenuos, quod alio verbo diceretur, eos qui patrem ciere possent, hosque patricos fecisse: quod si igitur

« nihil ultra quam ingenuos? Consulem jam patrem
« ciere possum, avumque jam poterit filius meus. Ni-
« hil est aliud in re ¹⁰, Quirites, nisi ut omnia negata
« adipiscamur. Certamen tantum patricii petunt, nec
« curant, quem eventum certaminum habeant. Ego
« hanc legem ¹¹, quod bonum, faustum felixque sit
« vobis ac reipublicæ, uti rogas, jubendam censeo. »

IX. Vocare tribus extemplo populus jubebat, appa-
rebatque accipi legem : ille tamen dies est interces-
sione sublatus ¹. Postero die, deterritis tribunis, ingenti
consensu accepta est. Pontifices creantur, suasor legis
P. Decius Mus, P. Sempronius Sophus, C. Marcius Ru-
tilus, M. Livius Denter. Quinque augures item de
plebe, C. Genucius, P. Ælius Pætus, M. Minucius Fessus,
C. Marcius, T. Publilius. Ita octo pontificum, novem
augurum numerus factus. Eodem anno ² M. Valerius
consul de provocatione legem tulit, diligentius sanctam.
Tertio ea tum post reges exactos lata est, semper a
familia eadem. Causam renovandæ sæpius haud aliam
fuisse reor, quam quod plus paucorum opes, quam

tum patricii facti sunt, qui modo pa-
trem ingenuum haberent; quidni nunc
nobiles erunt consule patre progeni-
ti; » Stroth. — *De cælo demissos*; alii
dimissos; alii *missos*; sic Justin. V, 4,
hunc quasi de cælo missum contuentur.
Sed reliqui *demissos* servant. Livius,
XXII, 29, *Fabiana se acies repente,*
velut cælo demissa, ad auxilium os-
tendit. Amm. Marc. XXII, 2, *effun-*
debatur ætas omnis et sexus, tanquam
demissum aliquem visura de cælo. Et
placuit Livio hoc dicendi genus, ut
præpositio quæ verbo inest, in regi-
mine repetatur. Ed.

10. *Nihil est aliud in re*. — Hoc
unum agitur a patriciis, ut nihil adi-
piscamur, nisi negatum, nisi postquam

ab ipsis negatum fuerit. Conf. ad IV,
4, n. 8. Ed. — Mox omnis sententiæ
vis posita non tam in verbo *adipi-*
scamur, quam in partic. *negata*: sen-
sus enim est: ut nihil vobis conceden-
tibus adipiscamur, sed omnia, quæ
adipiscimur, prius a vobis negentur;
Strothius.

11. *Ego hanc legem ... uti rogas,*
jubendam censeo, vide ad IV, 58, n.
10, et ad XXXIV, 4, n. 16.

CAP. IX. 1. *Dies est intercessione*
sublatus; vide ad VIII, 23, n. 13.

2. *Eodem anno M. Valerius ... a fa-*
milia eadem. Primo a Publicola; se-
cundo a Valerio Potito. Conf. II, 8,
et III, 55. Ed.—*Diligentius sanctam,*
accuratius sancitam.

libertas plebis, poterant. Porcia tamen lex³ sola pro tergo civium lata videtur: quod gravi poena, si quis verberasset necassetve civem romanum, sanxit. Valeria lex, quum eum, qui provocasset, virgis caedi securique necari vetuisset, si quis adversus ea fecisset⁴, nihil ultra, quam improbe factum, adjecit. Id (qui tum pudor⁵ hominum erat) visum, credo, vinculum satis validum legis. Nunc vix serio ita minetur⁶ quisquam. Bellum ab eodem consule haudquaquam memorabile adversus rebellantes Æquos, quum præter animos feroces nihil ex antiqua fortuna haberent, gestum est. Alter consul Appuleius in Umbria Nequinum⁷ oppidum circumscedit. Locus erat arduus atque in parte una præceps, ubi nunc Narnia sita est. Nec vi, nec

3. *Porcia lex* de provocatione *pro tergo civium* (apud Fest. *pro scapulis civium*, et ap. Plinium, VII, 43, seu 44, *de jure virgarum*) *lata*, non a M. Porcio Catone Censorio (quem suasisse tantum hanc legem, Festus significare videtur), sed an. Urb. 556; a P. Porcio Lecca, seu Læca trib. pl. (vide inf. XXXII, 7), quod colligitur ex denario argenteo, qui exhibet figuram civis romani provocantis, et in una parte verbum PROVOC. in altera P. LÆCA. Conf. Ant. Augustin. de Legg. et SC.; Pigh. Ann. ad an. 556; Cic. pro Rab. 4; Verr. V, 63. Hæc lex damnatis exsilium permisit (v. Sallust. Bell. Cat. 22, 51), neque tamen in militia locum habuit: nam multa laudantur exempla militum, et legionariorum et extraneorum, ultimo supplicio ab imperatoribus affectorum; vide Duk. ad Epit. Liv. LVII; Sigon. de ant. jur. civ. rom. I, 15; Lips. de Milit. rom. V, 18 — *Pro tergo civium lata... si quis verberasset, necassetve civem rom. provocantem.* — *Virgis caedi securique*

necari, etc.; vide ad I, cap. 26, n. 6.

4. *Si quis adversus ea fecisset*, scilicet quæ hac lege cauta essent. — *Quam improbe facturum* conj. Gronov. coll. Cic. ad Att. II, 24, *qui meam domum violasset, contra rempublicam esse facturum*; et de Harusp. resp. 8, § 15, *qui eum emisisset, contra rempublicam esse facturum*. Sed *factum* servant omnes libri. Ed.

5. *Qui tum pudor hominum erat*, pro eo hominum pudore (*Ehrliche*), qui tunc temporis tenebat animos; Strothius.

6. *Nunc vix serio ita minetur quisquam*: tam parum homines nostri curant, sive factum aliquod eorum probum, sive improbum dicatur, ut pro joco et ludicro habituri sint, si quis ita dicat, seu minetur; Stroth. Confer ad III, 20, n. 6.

7. *In Umbria Nequinum opp.*, locus arduus atque in parte una præceps, ubi nunc Narnia sita est, hodie Narni. a Nare flum. sic dicta. Conf. cap. 10, et ad Sil. VIII, 457.

munimento capi poterat. Itaque eam infectam rem M. Fulvius Pætinus, T. Manlius Torquatus, novi consules, acceperunt. In eum annum quum Q. Fabium consulem non petentem omnes dicerent centuriæ, ipsum auctorem fuisse Macer Licinius ac Tubero tradunt differendi sibi consulatus in bellicosiore annum: eo anno majori se usui reipublicæ fore, urbano gesto magistratu. Ita nec dissimulantem, quid mallet, nec petentem tamen, ædilem curulem cum L. Papirio Cursore factum. Id ne pro certo ponerem, vetustior annalium auctor Piso effecit; qui eo anno ædiles curules fuisse tradit C.⁸ Domitium Cn. F. Calvinum et Sp. Carvilium Q. F. Maximum. Id credo cognomen⁹ errorem in ædilibus fecisse; sequutamque fabulam mixtam¹⁰ ex ædilitiis et consularibus comitiis, convenientem errori. Et lustrum eo anno conditum a P. Sempronio Sopho et P. Sulpicio Saverione censoribus: tribusque additæ duæ¹¹, Aniensis ac Terentina. Hæc Romæ gesta.

X. Cæterum ad Nequinum oppidum quum segni obsidione tempus tereretur, duo ex oppidanis, quorum erant ædificia juncta muro, specu facto ad stationes romanas itinere occulto perveniunt: inde ad consulem deducti, præsidium armatum se intra mœnia et muros

8. *C. Domitium*: prænomen hoc non facile reperies in Domitiis, et in MSS ac vett. edd. legitur *Cl.*, *C. L.* et *L. C.* unde leg. *Cn.* vel *L.*, Gron. Cf. Pigh. *Annal.* ad ann. 473; Drak. ad h. l. et *Epitom.* Liv. XIII; *Intpp.* Suet. Ner. 1.

9. *Id credo cognomen*, scil. *Maximi*, etc. In aut. annalibus forte omis-
sa, aut vetustate deleta verba *Sp. Carvilium*, et hinc in recentioribus lectum *Q. Fabium Maximum*, vel ita duo nomina ex uno facta. Conf. hoc ipso lib. supr. ad cap. 3, n. 5.

10. *Sequitamque fabulam mixtam*, etc.; nempe ut fingeretur, quoniam Q. Fabium consularem iterum ædilem esse factum credi par non esset, eum consulem creatum, sed rationibus additis fieri noluisse, et ædilem fieri malle significasse; Stroth. De ædilitate Fabii conf. cap. 11.

11. *Tribusque additæ duæ*, etc. Tunc tres et triginta tribus factæ; v. ad I, 43, n. 22; et IX, 20. Ed. — *Aniensis*, fortasse ab Aniense amne; *Terentina*, fortasse a Terento, qui locus erat in Campo Martio. Ed.

accepturos confirmant. Nec aspernanda res visa, neque incaute credenda. Cum altero eorum (nam alter obses retentus) duo exploratores per cuniculum missi: per quos satis comperta re, trecenti armati, transfuga duce in urbem ingressi, nocte portam, quæ proxima erat, cepere. Qua refracta, consul exercitusque romanus sine certamine urbem invasere. Ita Nequinum in ditionem populi romani venit. Colonia eo adversus Umbros missa, a flumine¹ Narnia appellata: exercitus cum magna præda Romam reductus. Eodem anno ab Etruscis adversus inducias² paratum bellum. Sed eos alia molientes Gallorum ingens exercitus, fines ingressus, paulisper a proposito avertit. Pecunia deinde, qua multum poterant, freti, socios ex hostibus facere Gallos conantur, ut eo adjuncto exercitu cum Romanis bellarent. De societate haud abnuunt barbari: de mercede agitur. Qua pacta acceptaque, quum parata cætera ad bellum essent, sequique Etruscus juberet, infitias eunt, *mercedem se belli Romanis inferendi pactos. Quidquid acceperint, accepisse, ne agrum etruscum vastarent, armisque lacesserent cultores. Militaturos tamen se, si utique Etrusci velint; sed nulla alia mercede, quam ut in partem agri accipiantur, tandemque aliqua sede certa consistent.* Multa de eo concilia populorum Etruriæ habita. Nec perfici quidquam potuit; non tam quia imminui agrum, quam quia accolæ sibi quisque adjungere tam efferatæ gentis homines hor-

CAP. X. 1. *A flumine Nare Narnia appellata.* Conf. ad cap. 9, n. 7.

2. *Adversus inducias biennii datas* exeunte anno 451 (vide cap. 5 extr.), quod biennium nondum erat expletum initio hujus anni 453. Ita bene Drak. *Alia molientes*, bellum adversus Romanos; *Gallos* cum Etruscis in agros

romanos fecisse incursionem et ingenti præda potitos rediisse in patriam, tradit Polyb. II, 19. Confer ad VII, 9, n. 2. — *Alia molientes*; Etruscos nihil de Gallis cogitantes, sed alia molientes, nempe romanum bellum, Galli invadunt. Fortasse malis cum Glareano legere *italia molientes.* Ed.

rebat. Ita dimissi Galli pecuniam ingentem sine labore ac periculo partam retulerunt. Romæ terrorem præbuit fama gallici tumultus³ ad bellum etruscum adjecti : eo minus cunctanter foedus ictum cum Picenti populo est.

XI. T. Manlio consuli Etruria provincia¹ sorte evenit; qui, vixdum ingressus hostium fines, quum exerceretur inter equites, ab rapido cursu circumagendo equo effusus, extemplo prope exspiravit : tertius ab eo casu dies finis vitæ consuli fuit. Quo velut omine belli accepto, deos pro se commisisse bellum memorantes Etrusci sustulere animos. Romæ, tum desiderio viri², tum incommoditate temporis, tristis nuntius fuit, ut Patres ab jubendo dictatore consulis subrogandi comitia, ex sententia principum habita, deterruerint. M. Valerium consulem omnes sententiæ centuriæque dixerunt, quem senatus dictatorem dici jussurus fuerat. Tum extemplo in Etruriam ad legiones proficisci iussit. Adventus ejus compressit Etruscos, adeo ut nemo extra munimenta egredi auderet, timorque ipsorum obsidioni similis esset. Neque illos novus consul vastandis agris urendisque tectis, quum passim non villæ

3. *Fama gallici tumultus*; vide ad II, 26, n. 1.

CAP. XI. 1. *Etruria provincia*; cf. ad II, 40, n. 9.

2. *Tum des. viri*, ob desider. viri. Conf. ad II, 2, n. 1, et IV, 19, n. 6. — *Incommoditate temporis*, quo maxime respubl. egebat opera tanti viri, tam *tristis nuntius fuit*, vel : ita ut *Patres*, etc., nisi leg. et *Patres*... *deteruerunt*. — *Ut patres ab jubendo*; ut nihil aliud patres deterruerit ab jubendo dictatore, quam quod comitia consulis subrogandi ex sententia principum sunt habita : quod comitiis electus est

is consul quem principes volebant. *Ut delet Gron.* Sed illum impulisse videtur ut locum conjectura tentaret, quod non videret unde penderet *quod ut*. At solet interdum poni pro *adeo ut*. Supra II, 18, *magnus plebem metus incessit, ut intentiores essent ab dicto parendum*. Hoc libr. cap. 18, *eo profectum est, quod mature ventum erat, ut quosdam Etruriæ populos metus romani nominis comprimeret*. Nulli codices Gron. favent; servant enim omnes voculam *ut*. Ed. — *M. Valerium consulem*. Hic Sextus est M. Valerii Corvi consulatus. Conf. Pigh. Ann. Ed.

solum, sed frequentes quoque vici³, incendiis fumarerent, elicere ad certamen potuit. Quum hoc segnius bellum opinione esset, alterius belli, quod multis in vicem cladibus haud immerito terribile erat, fama Picentium, novorum sociorum, indicio exorta est: *Samnites arma et rebellionem spectare, seque ab iis sollicitatos esse*. Picentibus gratiæ actæ, et magna pars curæ Patribus ab Etruria in Samnites versa est. Caritas etiam annonæ sollicitam civitatem habuit; ventumque ad inopiæ⁴ ultimum foret, ut scripsere, quibus ædilem fuisse eo anno Fabium Maximum placet, ni ejus viri cura, qualis in bellicis rebus multis tempestatibus fuerat, talis domi tum in annonæ dispensatione, præparando ac convehendo frumento, fuisset. Eo anno (nec traditur causa) interregnum initum. Interreges fuere Ap. Claudius, dein P. Sulpicius. Is comitia⁵ consularia habuit: creavit L. Cornelium Scipionem, Cn. Fulvium consules. Principio hujus anni oratores Lucanorum ad novos consules venerunt, questum, *quia conditionibus perlicere se nequiverint ad societatem armorum, Samnites infesto exercitu ingressos fines suos vastare, belloque ad bellum cogere. Lucano populo satis superque*

3. *Frequentes quoque vici*, scilicet incolis, ut XLIII, 19, al. Similiter *forum frequens*, scilicet hominibus, XXVII, 11; *locus frequens cultoribus et tectis* XXI, 34; XXIV, 3 pr. unde *frequentare* XXXIII, 38; frequentem incolis reddere, et *frequentius habitari* I, 30; II, 52. Sic et *acies frequens armatis* XXXV, 1, n. 4; et contra *infrequentia signa* VII, 8 (ubi v. not. 4); X, 20; XXVII, 47; *pars urbis infrequens ædificiis* XXXVII, 22, 32; *infrequentissima urbis*, scil. loca XXXI, 23 (ubi *frequentia ædificiis loca* opponuntur); et *via infre-*

quens, ubi non magna est frequentia incolarum, vel hominum confluxus *per desertam partem urbis* XXIV, 46; XXV, 9, n. 17; XXV, 24, n. 3.

4. *Ad inopiæ ultimum*; vide ad II, 56, n. 4. — *Ut scripsere, quibus ædilem*, etc.; cf. cap. 9. — *Præparando*, ante in futurum usum comparando; Doering.

5. *Is comitia consul. habuit*, quæ potius ab Ap. Claudio habita fuisse, ex Cicer. Brut. 14 colligunt Gronov. Obs. I, 25, et Pigh. Ann. ad an. 455. — *Oratores Lucanorum*, etc.; conf. Dionys. Έκλ. περί πρσβ. 3.

erratum quondam: nunc ita obstinatos animos esse, ut omnia ferre ac pati tolerabilius ducant, quam ut unquam postea nomen romanum violent. Orare Patres, ut et Lucanos in fidem accipiant, et vim atque injuriam ab se Samnitium urceant. Se, quanquam bello cum Samnitibus suscepto necessaria jam facta adversus Romanos fides sit, tamen obsides dare paratos esse.

XII. Brevis consultatio senatus fuit; ad unum omnes jungendum foedus cum Lucanis, resque repetendas ab Samnitibus, censent: benigne responsum Lucanis, ic-tumque foedus. Fecliales missi, qui Samnitern decedere agro sociorum, ac deducere exercitum finibus lucanis juberent. Quibus obviam missi ab Samnitibus, qui denuntiarent, *Si quod adissent in Samnio concilium, haud inviolatos abituros.* Hæc postquam audita sunt Romæ, bellum Samnitibus et Patres censuerunt, et populus jussit. Consules inter se prœvincias partiti sunt. Scipioni Etruria, Fulvio Samnites obvenerunt; diversique¹, ad suum quisque bellum, proficiscuntur. Scipioni, segne bellum et simile prioris anni militiæ expectanti, hostes ad Volaterras instructo agmine occurrerunt: pugnatum majore parte diei, magna utrimque cæde. Nox incertis, qua² data victoria esset, intervenit: lux insequens victorem victumque ostendit; nam Etrusci silentio noctis castra reliquerunt. Romanus, egressus in aciem, ubi profectione hostium concessam victoriam videt, progressus ad castra, vacuis cum plurima præda (nam et stativa trepide deserta fuerant)

CAP. XII. 1. *Diversique... proficiscuntur*; vide ad III, 60, n. 1.

2. *Nox incertis int.*, etc., in cæteris Haverk. pessime: sup. IX, 23, *nox incertos, victi victoresne essent, diremit.* Ed.—*Qua data victoria esset, unde,*

ut cap. 14, et XL, 58 extr. nisi leg. *qua inclinata*; Stroth. quo, seu cui parti; Doering. Conf. cap. 28 pr. — *Egressus e castris in aciem*, in locum, seu campum, ubi pridie pugnatum fuerat; Ern.

potitur. Inde in Faliscum agrum copiis reductis, quum impedimenta Falernis cum modico praesidio reliquisset, expedito agmine³ ad depopulandos hostium fines incedit. Omnia ferro ignique vastantur; praedae undique actae: nec solum modo vastum⁴ hosti relictum, sed castellis etiam vicisque illatus ignis: urbibus oppugnandis temperatum, in quas timor Etruscos compulerat. Cn. Fulvii consulis clara pugna in Samnio ad Bovianum haudquaquam ambiguae victoriae fuit. Bovianum inde aggressus, nec ita multo post Aufidenam vi cepit.

XIII. Eodem anno Carseolos¹ colonia in agrum Aequicorum deducta. Fulvius consul de Samnitibus triumphavit. Quum comitia consularia instarent, fama exorta, Etruscos Samnitesque ingentes conscribere exercitus; palam omnibus conciliis vexari principes etruscorum, quod non Gallos², quacumque conditione traxerint ad bellum: increpari magistratus Samnitium, quod exercitum lucanum³ hostem comparatum adjecerint Romanis: itaque suis sociorumque viribus consurgere

3. *Expedito agmine*; conf. ad V, 16, n. 2.

4. *Solum vastum hosti relictum*; v. ad III, 7, n. 1. — *Castellis etiam vicisque illatus ignis. Injectus Hearnii Oxoniensis L*, quod ex interpretis glossa receptum forte fuit. Tac. Hist. lib. III, cap. 47: *classi quoque faces intulit vacuo mari eludens*. ED. — *Bovianum*; hoc oppidum bis ante captum fuit a Romanis, an. 443; conf. lib. IX, 31 et 448; conf. ibid. c. 44. De Carseolis jam admonuimus hoc ipso lib. cap. 3, n. 3. ED.

CAP. XIII. 1. *Carseolos colonia... deducta*, scilicet iterum. Conf. cap. 3, et ad X, 1, n. 1; et 3, n. 3. — *Aequicorum*; vide I, 32, n. 6. — *Aequi-*

colorum; *Aequicolarum* recepit primus post Sigon. Modias; quod deinceps alii taciti probarunt. Verum et hic *Aequicorum* ex auctoritate scriptorum restituimus. Et hanc scripturam defendit Cluv. Ital. Ant. lib. II, cap. 16. ED.

2. *Gallos quacumque conditione*, etc.; conf. cap. 10.

3. *Quod exercitum lucanum, hostem (sibi) comparatum, adjecerint Romanis*: ita quatuor MSS probb. Ruben., Stroth. et Doer., ut sensus sit: quod importuna incursione in fines Lucanorum (vide cap. 11) hos sibi novos hostes paraverint, et hunc exercitum Lucanorum adjecerint Romanis, vel illo auxerint horum vires: itaque suis

hostes ad bellum, et haudquaquam pari defungendum esse certamine⁴. Hic terror, quum illustres viri consulatum peterent, omnes in Q. Fabium Maximum, primo non petentem, deinde, ut inclinata studia vidit, etiam recusantem convertit. *Quid se jam senem, ac perfunctum laboribus laborumque præmiis, sollicitarent? Nec corporis, nec animi vigorem remanere eundem: et fortunam ipsam vereri, ne cui deorum⁵ nimia iam in se et constantior, quam velint humanæ res, videatur. Et se gloriæ seniorum succrevisse⁶, et ad suam gloriam consurgentes alios lætum aspicere. Nec honores magnos fortissimis viris Romæ, nec honoribus deesse fortes viros.* Acuebat hac moderatione tam justa studia; quæ verecundia legum restinguenda ratus, legem recitari jussit⁷, qua intra decem annos eum-

sociorumque, Lucanorum, viribus consurgere hostes, Romanos, ad bellum. Omnino Samnitium verba videntur itaque suis, etc. non, quæ Romæ jactarentur, ut a fama exorta pendeant. Malim tamen delere exercitum, vel pro part. accipere: exercitum Marte, seu bello ejusque artibus, vel laboribus et periculis. Editt. ante Strothium exhibent quod ex. adversus Lucanum h. c. objecerint Romanis, et hoc objecerint legitur in omnibus MSS, præter quatuor illos, at in nullo adversus. Gronovius conj. quod ex. in lucanum h. c. objecerint Romanis (quod legiones adversus leviozem hostem lucanum scriptas opposuerint Romanis, et tanto graviore hoste incumbente non novum egerint delectum), vel quod exercitum (laccessitum) Lucanum, hostem tam paratum, adjecerint Romanis.

4. *Pari defungendum esse certamine;* vide ad II, 35, n. 2.

5. *Ne cui deorum nimia iam in se... videatur fortuna.* Nam dii nimiam

fortunam famamque hominibus invadere finguntur. Conf. ad Sil. III, 78; IV, 400; VI, 6 seq. 340; VII, 61; XV, 512 sq.; XVII, 550.

6. *Et se gloriæ seniorum succrevisse,* paulatim eandem consequutum; ductum est a sobole, quæ succrescit parentibus; Ern. Proprie a novis arborum ramis succrescentibus. Αὔξονται δ' ἀρεταί, χλωραῖς ἰέρσαις ὡς ἔτα δένδρον αἴσσαι, ... πρὸς ὑγρὸν αἰθέρα Pind. Nem. 1, 68. Conf. Scheff. ad Justin. XI, 9; et Mittscherl. ad Horat. Od. I, 12, 45.

7. *Legem recitari jussit, qua intra decem annos eundem consulem refici non liceret;* conf. ad VII, 42, n. 2. Fabius ann. Urb. 445 tertium consul fuerat (vide VII, 41), et hoc anno 454 quartus ei defertur consulatus: legis autem hæc erat sententia, ut nemo, postquam consul fuisset, nisi exactis decem annis reficeretur, ita ut inter duos consulatus anni decem intererent; Sigon. Fabius tertium con-

dem consulem refici non liceret. Vix præ strepitu⁸ audita lex est : tribunique plebis, *nihil id impediementi futurum*, aiebant : *se ad populum laturos, uti legibus solveretur*. Et ille quidem in recusando perstabat, *quid ergo attineret, leges ferri, rogitans, quibus per eosdem, qui tulissent, fraus fieret? Jam regi leges, non regere*. Populus nihilominus suffragia inibat, et, ut quæque intro vocata erat centuria⁹, consulem haud dubie Fabium dicebat. Tum demum consensu civitatis victus: *Dii approbent, inquit, quod agitis acturique estis, Quirites. Cæterum, quoniam in me, quod vos vultis, facturi estis, in collega sit meæ apud vos gratiæ¹⁰ locus. P. Decium, expertum mihi concordi collegio virum, dignum vobis, dignum parente suo, quæso, mecum consulem faciatis*. Justa suffragatio visa : omnes, quæ supererant, centuriæ Q. Fabium, P. Decium consules dixere. Eo anno plerisque dies¹² dicta ab ædilibus,

sulatum gessit an. 445, quartum 456; Duk. Conf. ad cap. 3, n. 5; et Drak. ad hunc locum; Dodwell. de Cyclis Diss. X, seu LXVIII. — *Per eosdem qui tulissent*; nempe tribunos plebis.

8. *Præ strepitu*; conf. ad VI, 40, n. 1. — *Quid attineret*; vide ad II, 41, n. 4. — *Quid ergo attineret: attinere* jubebat legi J. F. Gronov. ut lib. II, 41: *quid attinuisse Hernicis paulo ante hostibus capti agri tertiam partem reddi? VI, 23: quid attinere, cum mortali corpore uno civitatis, quem immortalē esse deceat, consenescere vires? XXXVII, 15: sin autem manendum ibi nihilominus sit, quid attinere claudi portum?* Sed Gronovio nullus consentit codex. Ed. — *Per eosdem, qui tulissent*, per tribunos pl. qui, quod semel ad populum tulissent, directo antiquare veriti, oblique et e longinquo elidebant; J. Gron. Lex au-

tem illa a tribuno lata erat; v. VII, 42.

9. *Ut quæque intro vocata erat centuria* per ponticulos in septum, seu ovile, locum in Campo Martio cancellis clausum, quo transibant centuriæ, quæ ab eo, qui comitia habebat, per præconem vocatæ in suffragia, vel revocatæ mittebantur. Confer ad III, 51, n. 3; XXV, 2, n. 5; XXVI, 22, n. 1 et 5; XL, 42, n. 3; XLV, 36, n. 5. — *Haud dubie*; vide ad I, 9, n. 3.

10. *In collega sit meæ apud vos gratiæ locus*, eleganter pro: in collega addendo vestram mihi probetis gratiam; Doer.

11. *P. Decium expertum* (vide ad II, 29, n. 1) *mihi concordi collegio virum*; vide IX, 41 sq. — *Suffragatio*; vide ad IV, 44, n. 2.

12. *Eo anno plerisque dies dicta ab ædilibus*, h. e. multis, vel potius per-

quia plus, quam quod lege¹³ finitum erat, agri possiderent: nec quisquam ferme est purgatus: vinculumque ingens immodicæ cupiditatis injectum¹⁴ est.

XIV. Consules novi, Q. Fabius Maximus quartum et P. Decius Mus tertium, quum inter se¹ agitent, uti alter Samnites hostes, alter Etruscos deligeret, quantæque in hanc, aut in aliam provinciam copiæ satis, et uter ad utrum bellum dux idoneus magis esset; ab Sutrio et Nepete² et Faleriis legati, auctores, concilia Etruriæ populorum de petenda pace haberi, totam belli molem in Samnium averterunt. Profecti consules, quo expeditiores comæatus essent et incertior hostis, qua³ venturum bellum foret, Fabius per soranum, Decius per sidicinum agrum, in Samnium legiones ducunt. Ubi in hostium fines ventum est, uterque populabundus effuso agmine⁴ incedit. Explorant tamen latius, quam populantur; igitur non fellere⁵ ad Tifernum hostes in occulta valle instru-

multis, ut capite 31; XXVII, 11; XXXV, 6; XLIV, 41; sæpe apud scriptores argenteæ ætatis; vide ad Tac. Ann. III, 28, n. 10.

13. *Quia plus, quam quod lege Licinia Sextia finitum* (definitum; vide ad III, 13, n. 8; IX, 34; XXI, 4; XXXIX, 17; XLII, 12, 47) *erat, agri possiderent*; vide ad VI, 35, n. 3. — *Nec quisquam ferme reus est purgatus*, crimine absolutus. *Purgare* proprie est excusare, refellere, se defendere, ut VIII, 23; XXVII, 20; XXXIV, 62; XXXVIII, 48.

14. *Vinculumque ingens immodicæ cupiditatis injectum est*, scil. possessoribus agri, nisi legendum *cupiditati*; Gronovius.

CAP. XV. 1. *Quum inter se agitant*; vide ad II, 32, n. 2.

2. *Ab Sutrio et Nepete* (vide VI,

9, n. 1) *legati*, ablegati; *qui missi erant*, ut II, 3; II, 13, n. 1; II, 15; III, 37; IV, 37; V, 23, n. 33; XXII, 36 extr.; XXX, 19, n. 2; XXXII, 1, n. 6; XXXII, 27; XXXVIII, 8; XLII, 43; XLIV, 14, 19. Conf. ad XXVII, 5, n. 4. — *Auctores*, nuntiantes. Cf. ad II, 58, n. 1.

3. *Qua venturum bellum foret*; vide ad cap. 12, n. 2. — *Quo*. Grut. male. *Quo et qua differunt*; supra IX, 3, *quo, aut qua eamus*. Certus erat hostis *quo* bellum venturum foret; at incertus, *qua*. Noverat bellum a se venturum esse, at qua parte hostis invaderet, ignorabat. *Qua* itaque omnino legendum; id enim pro *qua parte, qua viâ* poni solet. Conf. Drakenb. ad hunc locum. Ed.

4. *Effuso agmine*; vid. I, 14, n. 7.

5. *Igitur non fellere*, scil. Roma-

cti, quam ingressos Romanos superiore ex loco adoriri parabant. Fabius, impedimentis in locum tutum remotis, præsidioque modico imposito, præmonitis militibus adesse certamen, quadrato agmine ad prædictas hostium latebras succedit. Samnites, desperato improvise tumultu⁶, quando in apertum semel discrimen evasura esset res, et ipsi acie justa maluerunt concurrere: itaque et in æquum descendunt, ac fortunæ se, majore animo, quam spe, committunt. Cæterum, sive quia ex omnium Samnitium populis, quodcumque roboris fuerat, contraxerant, seu quia discrimen summæ rerum augebat animos, aliquantum aperta quoque pugna præbuerunt terroris. Fabius, ubi nulla ex parte hostem loco moveri⁷ vidit, M. Fulvium et M. Valerium, tribunos militum, cum quibus ad primam aciem procurrerat, ire ad equites jubet et adhortari, *ut, si quando umquam equestri ope adjunctam rempublicam meminerint, illo die annitantur, ut ordinis ejus gloriam invictam præstent. Peditum certa-*

nos, seu consules. Confer ad III, 8, n. 2. — *Quadrato agmine*; vide ad II, 6, n. 3.

6. *Desperato improvise tumultu*, quom desperasset se improvise posse Romanos adoriri, terrere et turbare. Conf. ad I, 37, n. 4, et XXI, 16, n. 5. — *Quando*; vide ad V, 25, n. 3. — *Apertum discrimen*, ut mox *discrimen summæ rei* (vide ad VI, 17, n. 4) et *aperta pugna*, h. e. in campo aperto, libero, patente (cf. ad XXI, 32, n. 7), ut *acies aperta* XXXVIII, 41 (nisi ibi sunt explicati ordines, quo sensu *acies*, *agmen* et *cornua latius pandi* dicuntur II, 30; XXII, 4; XXVIII, 33; XLI, 26); et *æquum certamen* XXII, 13, n. 2; nisi potius *improvise tumultui* opponitur, ut *aper-*

tum iter occulto XXIX, 33, n. 1, et XXXI, 2; vel *apertum prælium insidiis* XXXI, 36 pr.

7. *Hostem loco moveri vidit*; al. *videt*. — *M. Fulvium*; 4 MSS optimæ notæ *Maximum filium*, probb. Gron. Crev. et Stroth. — Aliquot codices, tum Gronoviani, tum nostri, et Campani editio, hanc lectionem exhibent. Eandem firmat ipse Livius, a quo mox consul memoratur hos juvenes, *pari comitate utrumque*, laudibus et promissis onerasse. Nimirum quamvis alter ex his filius esset, nihil tamen ei præcipuum tribuit consul, sed parem in utrumque benignitatem ostendit. Ideo nobis vulgata lectio, *M. Fulvium*, minime videtur a Livii manu profecta. Eo.

*mine*⁸ *immobilem hostem restare; omnem reliquam spem in impetu esse equitum.* Et ipsos nominatim juvenes, pari comitate utrumque, nunc laudibus, nunc promissis onerat: cæterum, quando ne ea quoque tentata vis proficeret, consilio grassandum⁹, si nihil vires juvarent, ratus, Scipionem legatum hastatos primæ legionis subtrahere ex acie, et ad montes proximos, quam posset occultissime, circumducere jubet; inde ascensu abdito a conspectu erigere in montes agmen, aversoque hosti ab tergo repente se ostendere. Equites, ducibus tribunis, haud multo plus hostibus, quam suis, ex impròviso ante signa evecti, præbuerunt tumultus; adversus incitatas turmas stetit immota Samnitium acies, nec parte ulla pelli, aut perumpi potuit: et, postquam irritum inceptum erat, recepti post signa¹⁰ prælio excesserunt. Crevit ex eo hostium animus; nec sustinere frons prima tam longum certamen increscentemque fiducia sui vim potuisset, ni secunda acies¹¹ jussu consulis in primum successisset: ibi integræ vires sistunt invehentem se jam Samnitum: et tempore improvisa ex montibus signa clamorque sublatus non vero tantum metu ter-

8. *Peditum* (in) *certamine immobilem hostem restare*, perstare, manere, vel resistere; vide ad IV, 58, n. 5. — *Juvenes*, Fulvium et Valerium. — *Quando ne ea quoque tentata vis proficeret.* Hic aliquid mendii latere suspicamur. Sensus esse debet, si forte accideret ut ea quoque vis tentata nihil proficeret. Ed.

9. *Consilio grassandum*; vide ad III, 44, n. 10.

10. *Recepti post signa equites rom.*

11. *Ni secunda acies... in primum successisset*; ita MSS et edd. antt., non in *primam*; vide ad II, 20, n. 3.

— *In primam* Sigon. et codd. quidam. Sed vulgatum nunquam sollicitandum fuit; II, 46, sic in *primum infestis hastis provolant duo Fabii*; III, 62, ex equis desiliunt, cedentibusque jam suis provolant in primum, etc.; hoc libro inf. cap. 41, *arma signaque per turbidam lucem in primo apparebant*; XXV, 21, *prima legio et sinistra ala in primo instructa.* Cf. Sall. Jugurth. cap. 59 et 68; Senec. Epist. CVIII; Justinum, XII, 7. Ed. — *Tempore*; vide ad II, 47, n. 4. — *Sublatus et ad signa et ad clamorem pertinet*; Gronovius.

ruere¹² Samnitium animos. Nam et Fabius Decium collegam appropinquare exclamavit, et pro se quisque miles, *adesse alterum consulem, adesse legiones*, gaudio alacres fremunt: errorque utilis Romanis¹³ oblatus fugæ formidinisque Samnites implevit, maxime terribitos, ne ab altero exercitu integro intactoque fessi opprimerentur; et, quia passim in fugam dissipati sunt, minor cædes¹⁴, quam pro tanta victoria, fuit: tria millia et quadringenti cæsi, capti trecenti ferme et triginta: signa militaria capta tria et viginti.

XV. Samnitibus Apuli se ante prælium conjunxissent, ni P. Decius consul iis ad Maleventum¹ castra objecisset, extractos deinde ad certamen fudisset; ibi quoque plus fugæ fuit, quam cædis: duo millia Apulorum cæsa: spretoque eo hoste, Decius in Samnium legiones duxit. Ibi duo consulares exercitus, diversis vagati partibus, omnia spatio quinque mensium evastarunt: quadraginta et quinque loca in Samnio fuisse, in quibus Decii castra fuerunt: alterius consulis sex et octoginta. Nec valli tantum² ac fossarum vestigia relicta, sed multo illis insigniora monimenta vastitatis circa regionumque depopularum. Fabius etiam urbem Cimetram cepit: ibi capta armatorum duo millia quadringenti: cæsi ferme pugnantes ad quadringentos triginta. Inde, comitiorum causa Romam profectus,

12. *Non vero tantum metu terruere;* vide ad I, 25, n. 9.

13. *Errorque utilis Romanis oblatus;* vide ad V, 15, n. 6. Error plerumque inutilis et damnosus est, præsertim belli, ubi non licet his peccare: hic autem error, dum putant vincere se, victores fecit Romanos: nam suos quoque in acie stantes fefellerat Fabius, ratos adesse alterum consulem, et eo gaudio exsultantes frementesque;

Gron. De simili errore conf. cap. 41.

14. *Minor cædes, quam pro tanta victoria;* vide ad lib. VII, c. 33, n. 2.

CAP. XV. 1. *Ad Maleventum;* vide ad IX, 27, n. 7.

2. *Nec valli tantum ... sed etiam;* vide ad I, 40, n. 1. Hic locus pulchre confirmat, quod observarunt Lipsius, Milit. rom. V, 1, et Schel. ad Hygin. 1112, Romanos in expeditionibus nullam noctem sine castris egisse; Duk.

maturavit eam rem agere³ : quum primo vocatæ⁴ Q. Fabium consulem dicerent omnes centuriæ, Ap. Claudius consularis candidatus, vir acer et ambitiosus, non sui magis honoris causa, quam ut patricii recuperarent duo consularia loca⁵, quum suis, tum totius nobilitatis viribus, incubuit, ut se cum Q. Fabio consulem dicerent. Fabius primo, de se eadem fere, quæ priore anno, dicendo, abnuere : circumstare sellam⁶ omnis nobilitas; orare, ut ex cœno plebeio consulatum extraheret⁷, majestatemque pristinam tum honori, tum patriciis gentibus redderet. Fabius, silentio facto, media oratione⁸ studia hominum sedavit : *facturum enim se fuisse dixit, ut duorum patriciorum nomina reciperet*⁹, *si alium, quam se, consulem fieri videret: nunc se sui rationem comitiis, quum contra leges*¹⁰ *futurum sit, pessimo exemplo non habiturum.* Ita L. Volumnius de plebe cum Ap. Claudio consul est factus, priore item consulatu¹¹ inter se comparati. Nobilitas objectare Fabio, fugisse eum Ap.¹² Claudium collegam,

—*Monimenta* bis intell., ad insigniora et vastitatis; Stroth.

3. *Maturavit eam rem agere*, comitia habere.

4. *Quum primo vocatæ ... centuriæ*; vide ad III, 51, n. 3. — Omnes eæ centuriatæ quæ primæ in ovile vocabantur ad ferendum suffragium; nimirum eæ centuriæ quæ primo loco, post prærogativam tamen, ut apparet ex cap. 23 infra, inibant suffragia, distinguebantur a cæteris, appellabanturque *primo vocatæ*, ut observavit Sigonius. Ed.

5. *Duo consularia loca*; conf. ad IV, 16, n. 5. — *Fabius primo*, etc. *Primo* ignorant multi codd. nec desiderari Sigon. videbatur, fortasse quod videret post eam vocem non inferri

deinde, vel simile aliud; at Livium ita loqui solitum infr. videbimus ad lib. XXII, 43. Ed.

6. *Circumstare sellam curulem* Fabii.

7. *Ut ex cœno plebeio consulatum extraheret*, adimeret neque redderet plebeio, eum dehonestanti.

8. *Media oratione*; vide ad I, 32, n. 5.

9. *Patriciorum nomina reciperet*; vide ad IX, 46, n. 5.

10. *Contra leges futurum*; vide ad cap. 13, n. 7.

11. *Priore item consulatu* (vide IX, 42) *inter se comparati*, conjuncti, collegæ qui fuerant; vide ad VII, 33, n. 1, et XL, 46, n. 1.

12. *Fugisse eum Ap. Claudium col-*

eloquentia civilibusque artibus¹³ haud dubie præstantem.

XVI. Comitiiis perfectis, veteres consules jussi bellum in Samnio gerere, prorogato in sex menses imperio: itaque insequenti quoque anno, L. Volumnio, Ap. Claudio consulibus¹, P. Decius, qui consul in Samnio relictus a collega fuerat, proconsul idem populari non destitit agros, donec Samnitium exercitum, nusquam se prælio committentem, postremo expulit finibus. Etruriam pulsi petierunt, et, quod legationibus nequidquam sæpe tentaverant, id se tanto agmine armatorum, mixtis terrore precibus, acturos efficacius rati, postulaverunt principum Etruriæ concilium. Quo coacto, per quot annos pro libertate dimicent cum Romanis, expouunt. *Omnia expertos esse, si suismet ipsorum viribus tolerare tantam molem belli possent: tentasse etiam haud magni momenti finitimarum gentium auxilia: petisse pacem a populo romano, quum bellum tolerare non possent: rebellasse, quod pax servientibus gravior, quam liberis bellum esset. Unam sibi spem reliquam in Etruscis restare: scire, gentem Italiæ opulentissimam armis, viris, pecunia, esse; habere accolos Gallos², inter ferrum et arma natos, feroces quum suoapte ingenio, tum adversus romanum populum: quem captum a se auroque redemptum³, haud vana jactantes, memorent. Nihil abesse, si sit animus Etruscis, qui*

legam; vide ad lib. VIII, c. 33, n. 5.

¹³ *Eloquentia civilibusque artibus, etc.; vide ad IX, 42, n. 3.*

CAP. XVI. 1. *L. Volumnio et A. Claudio consulibus.* Monuit Glareanus legendum esse iterum consulibus; hoc quod ipse Livius cap. præced. innuit, priore item consulatu inter se comparati. Fuere enim ante una consules an. 446. Vide ad lib. IX, cap. 42. En.—

Tentasse etiam ... auxilia, periculum se fecisse, an ea consequi possent, ut tentare spem pacis et triumphis XXI, 12; XXVIII, 38; XXXIII, 27. Cf. ad IX, 35, n. 1. — Rebellasse; vide ad II, 42, n. 2.

² *Gallos inter ferrum et arma natos; vide ad IV, 15, n. 2.*

³ *Auroque redemptum; vide ad V, 59, n. 1.*

Porsenæ quondam majoribusque eorum fuerit, quin Romanos omni agro cis Tiberim pulsos, dimicare pro salute sua, non de intolerando Italiæ regno, cogant. Samnitum illis exercitum paratum, instructum armis, stipendio, venisse: confestim sequuturos, vel si ad ipsam romanam urbem oppugnandam ducant.

XVII. Hæc eos in Etruria jactantes molientesque bellum domi¹ romanum urebat: nam P. Decius, ubi comperit per exploratores profectum Samnitium exercitum, advocato consilio, « Quid per agros, *inquit*, vagamur, vicatim² circumferentes bellum? quin urbes « et mœnia aggredimur? nullus jam exercitus Samnio « præsidet³; cessere finibus, ac sibimet ipsi exsilium « conscivere. » Approbantibus cunctis, ad Murgantiam, validam urbem, oppugnandam ducit: tantusque ardor militum fuit, et caritate ducis, et spe majoris, quam ex agrestibus populationibus, prædæ, ut uno die vi atque armis urbem caperent: ibi duo millia Samnitium et centum pugnantes circumventi captique: et alia præda ingens capta est; quæ ne impedimentis gravibus agmen oneraret, convocari milites Decius jubet.

CAP. XVII. 1. *Bellum domi* (in ipsa terra sua, in Samnio) *romanum urebat*, vexabat, affligebat eos, eorum terram ferro ignique vastabat. Confer X, 47, n. 6; XXVI, 13, n. 5; XXVII, 29 (ubi vide Drakenborch. et Gebhard.); XXXII, 21, n. 13; XXXVI, 23; et ad Silium, VII, 490. Hinc XL, 15 pr. *quod invidiam tuam urit*, vexat, cruciat, vel excitat, irritat, ut *incendere*, accendere, καίεσθαι, περικαίεσθαι. Conf. ad Sil. XVI, 513; XVII, 294; Duk. ad Flor. II, 6, n. 2. — *Consilio advocato*; al. *concilio*. *Consilium* dicebatur, quum legatos, etc. in consilium advocarent imperatores. Cf. I, 54, n. 1, et VIII, 6, n. 6.

2. *Vicatim circumferentes bellum*; vide ad V, 5, n. 2, et IX, 41, n. 3.

3. *Exercitus Samnio præsidet*, presidio est, ut XXII, 11 ext.; XXIII, 32, n. 2; XXIV, 40, n. 1; XXXVI, 5; XXXVIII, 51. Sic et *præsides provinciarum exercitus* XXIII, 48, n. 4; nam *præses* est defensor, vel qui tuetur, ut VI, 16, n. 2; X, 22, n. 5, al. Similiter προκαθίζων τόπος et ἐπιτόπιον dicunt Græci. Cf. Schweigh. ad Polybium, II, 24, n. 6; XX, 3, n. 3; XX, 6, n. 8. — *Murgantia* Samnii oppidum, Μοργάντια et Μοργάντιον apud Stephanum, situs incerti. Mox *captique et...capta est*; vide ad I, 3, n. 8.

« Haccine, *inquit*, victoria sola, aut hac præda contenti estis futuri? Vultis vos pro virtute spes⁴ gerere; omnes Samnitium urbes fortunæque in urbibus relictæ vestræ sunt; quando legiones eorum, tot præliis fusas, postremo finibus expulistis. Vendite⁵ ista, et illicite lucro mercatorem, ut sequatur agmen; ego subinde suggeram, quæ vendatis: ad Romuleam urbem⁶ hinc eamus, ubi vos labor haud major, præda major manet. » Divendita præda, ultro adhortantes imperatorem ad Romuleam pergunt. Ibi quoque sine opere, sine tormentis, simul admota sunt signa, nulla vi deterriti a muris, qua cuique proximum fuit⁷, scalis raptim admotis, in mœnia evasere; captum oppidum ac direptum est: ad duo millia et trecenti occisi, et sex millia hominum capta, et miles ingenti præda potitus: quam vendere, sicut priorem, coactus, Ferentinum inde, quanquam nihil quietis dabatur, amen

4. *Vultis vos pro virtute spes gerere; omnes Samnitium*, etc. Ita interpungendum et si ante *vultis* supplend. puto, non signum interrog. post *gerere* ponendum. Sic et nos dicimus: *Wollt ihr...so sind*, etc. — *Quando*; vide ad V, 25, n. 3.

5. *Vendite ista et illicite lucro mercatorem*, agmen sequentem, vel ut agmen sequatur, ... *divendita præda...quam vendere coactus*; conf. cap. 20 extr. et Polyb. X, 16; ubi Schw. præter alia notavit hæc: « Ex ipsis scriptoris verbis cap. 17 et 20 intelligi videtur, prædam ipsam, prius quam vendita esset, militibus cessisse et ab ipsis deinde esse venditam. Et quum persæpe prædæ militibus divisæ mentionem idem Livius faciat, non nisi unum tamen invenimus locum, XXXV, 1, ubi dicat, *prædam vendendam quaestori datam; quod inde reffectum, mi-*

litibus divisum. Alias *prædam ipsam* ait, *exceptis corporibus captivis* (quæ a quaestore vendebantur, ut, quod inde reffectum esset, in publicum redigeretur), *militibus cum cura, ut quam æquissima esset, per milites esse divisam*; vide XXXVIII, 23, et loca, quæ ibi citavit Dukerus, scil. V, 22; VII, 27; X, 46; XXIII, 37; XXIV, 16; XXVII, 19; XXXVI, 30; XXXVII, 5. » Confer Ind., Lips. de Milit. roman. lib. V, cap. 15, et Schellii Diss. IX.

6. *Romuleam urbem* Samnitium, ut et apud Stephanum Ῥωμολία, vel Hirpinorum. — *Ubi vos labor haud major (al. magnus) manet*; conf. ad II, 40, n. 4.

7. *Qua cuique proximum fuit*, ea murorum parte, quæ cuique proxima fuit; Doer. — *Ad duo millia et trecenti*; vide ad IV, 59, n. 4.

summa alacritate ductus. Cæterum ibi plus laboris ac periculi fuit : et defensa summa vi mœnia sunt , et locus erat munimento naturaque tutus ; sed evicit omnia assuetus prædæ miles : ad tria millia hostium circa muros cæsa : præda militis fuit. Hujus oppugnatarum urbium decoris pars major in quibusdam annalibus ad Maximum trahitur. Murgantiam ab Decio , a Fabio Ferentinum Romuleamque oppugnatas tradunt : sunt , qui novorum consulum hanc gloriam faciant ; quidam non amborum , sed alterius , L. Volumnii : et Samnium provinciam evenisse.

XVIII. Dum ea in Samnio , cujuscumque ductu auspicioque , gererentur , Romanis in Etruria iterum bellum ingens multis ex gentibus concitur ; cujus auctor Gellius Egnatius ex Samnitibus erat. Tusci fere omnes consciverant¹ bellum : traxerat contagio² proximos Umbriæ populos : et gallica auxilia mercede sollicitabantur : omnis ea multitudo ad castra Samnitium conveniebat. Qui tumultus repens postquam Romam perlatus est , quum jam L. Volumnius consul cum legionibus secunda ac tertia sociorumque millibus quindecim profectus in Samnium esset , Ap. Claudium primo quoque tempore in Etruriam ire placuit : duæ romanæ legiones sequutæ , prima et quarta ; et sociorum duodecim millia : castra haud procul ab hoste posita. Cæterum magis eo profectum est³ , quod mature ventum erat , ut quosdam spectantes jam arma Etruriæ populos metus romani nominis comprimeret , quam quod ductu consulis quidquam ibi satis scite , aut fortunate gestum sit. Multa

CAP. XVIII. 1. *Tusci fere omnes consciverant bellum* ; vide ad lib. IV , cap. 4 , n. 6.

2. *Traxerat contagio proximos Umbriæ populos* ; vide ad II , 5 , n. 3.

3. *Cæterum magis eo , quod mature ventum erat , profectum est* , scil. aliquid , ut passim *proficere aliquid , multum , plus* , vel simplic. *proficere* ; Stroth. — *Spectantes jam arma* ; vide

prælia locis et temporibus iniquis commissa : spesque in dies gravio rem hostem faciebat ; et jam prope erat , ut nec duci milites , nec militibus dux satis fideret . Literas ad collegam arcessendum ex Samnio missas , in trinis annalibus invenio ; piget tamen incertum ponere , quum ea ipsa inter consules populi romani , jam iterum eodem honore fungentes ⁴ , discrepatio fuerit : Appio abnuente missas ; Volumnio affirmante , Appii se literis accitum . Jam Volumnius in Samnio tria castella ceperat , in quibus ad tria millia hostium cæsa erant , dimidium fere ejus ⁵ captum : et Lucanorum seditiones , a plebeiis et egentibus ducibus ortas , summa optimatum voluntate per Q. Fabium proconsulem , missum eo cum veteri exercitu , compresserat . Decio depopulandos hostium agros relinquit ; ipse cum suis copiis in Etruriam ad collegam pergit : quem advenientem læti omnes accepere . Appium ex conscientia sua ⁶ credo animum habuisse haud immerito iratum , si nihil scripserat ; illiberali et ingrato animo , si egerat ope , dissimulantem . Vix enim salute mutua reddita , quum obviam egressus esset , « Satin' salvæ ⁷ , inquit ,

ad I, 9, n. 3. — *Piget tamen incertum ponere.* Prolata est a Walchio, emend. Liv. p. 36, emendatio *piget tamen ut certum ponere*, ad sententiam et latinatam probatissima : an etiam ad fidem, nondum, ut opinor, ad liquidum professumque perducipotest. Quidni enim perinde credamus, Livium scripsisse, *piget tamen id certum ponere*, etiamsi elegantius videtur Walchianum *ut certum?* Vide Buttn. Observat. Liv. p. 47. Ed.

4. *Jam iterum eodem honore fungentes*, qui non nisi concordibus collegis iterum tribui solet.

5. *Dimidium fere ejus numeri captum.* — *A plebeiis et egentibus duci-*

bis Lucanorum. Conf. Heyn. Opusc. Acad. t. II, p. 265.

6. *Appium ex conscientia sua*, sc. mala, ut passim, h. e. ob, vel potius secundum eam, *credo animum habuisse... animo*, etc. Conf. ad I, 3, n. 8. Mox pro *dissimulantem* forte legendum *dissimulasse*, vel potius cum Gron. *credo animum fuisse : haud i. iratum*, etc. — Credo Appium, si nihil scripserat, quum sibi conscius esset a se non accitum esse collegam, habuisse animum haud immerito iratum : eundem illiberali et ingrato animo dissimulasse, si egerat ope, auxiliumque collegæ imploraverat. Ro.

7. *Satin' salvæ*; vide I, 58, n. 3.

« L. Volumni? ut sese in Samnio res habent? Quæ te
« causa, ut provincia tua excederes⁸, induxit? » *Volumnius* in Samnio res prosperas esse *ait*; literis ejus accitum venisse: quæ si falsæ fuerint, nec usus sui sit in Etruria, extemplo conversis signis abiturum.
« Tu vero abeas, *inquit*, neque te quisquam moratur:
« etenim minime consentaneum est, quum bello⁹ tuo
« forsitan vix sufficias, hic te ad opem ferendam aliis
« gloriari venisse. » Bene, Hercules¹⁰, verteret, *dicere Volumnius*: malle frustrâ operam¹¹ insumptam, quam quidquam incidisse, cur non satis esset Etruriæ unus consularis exercitus.

XIX. Digredientes jam consules legati tribunique ex Appiano exercitu circumsistunt: pars imperatorem

8. *Ut provincia tua excederes*; vide ad lib. II, c. 40, n. 9. Nota Dukeri ad XXVII, 43 est hæc: « Non licebat injussu senatus de provincia exire et exercitum educere. Cf. X, 37; XXIII, 41; XXVIII, 42; XXIX, 7, n. 19; XXX, 24; XXXI, 48; XXXVI, 39, 40; XLI, 7; XLIII, 1; Dio Cass. lib. XXXIX, pag. 116; Sueton. Cæs. XXXI, et loc. class. Cicer. in Pison. XXI, mitto exire de provincia, educere exercitum, bellum sua sponte gerere, in regnum injussu populi aut senatus accedere: quæ quum plurimæ leges veteres, tum lex Cornelia majestatis, Julia de pecuniis repetundis planissime vetant. Quando autem et a quibus latæ fuerint veteres leges, quas dicit Cicero, non constat; nullas certe de ea re memorat Livius. Sed verosimile est, jam pluribus factis provinciis, quæ suum quæque præsidem habebant, latas fuisse. Nam senatus, provincias decernens, simul suos cuique fines designabat. Sed quum nihilo minus multi, sprete senatus auctori-

tate, finibus provinciæ suæ egredi auderent, eorum sive gloriæ, sive prædæ cupiditas legibus coercita fuisse videtur. »

9. *Quum bello tuo, tibi mandato, forsitan vix sufficias*, par sis, illud bene gerere et perficere possis: ut passim *sufficere* pro parem esse, satis valere, vel satis virium habere. Conf. X, 25, n. 9; XXI, 8, n. 2; XXIX, 16, n. 2, XXIX, 17, n. 5; XXXVI, 45, n. 2. — *Hic te... gloriari venisse*. Magis placeret *huc*, quod præferunt unus Hearnii codex, unus e nostris, Campanus et quidam al. Ed.

10. *Bene, Hercules, verteret*; cf. ad I, 28, n. 1, et VII, 39, n. 5.

11. *Insumptam; insumere operam est impendere*. Cic. de Invent. II, 38, *quid sumptus in eam rem, aut laboris insumperit*. Ed. — *Quam quidquam incidisse*; vide ad I, 46, n. 7. — *Aecidisse* Lovel. 4, quod ex vulgatæ lectionis interpretatione natum putamus. Sæpissime enim *incidere*, pro *accidere* ap. Livium est. Cf. Drak. ad h. l. Ed.

suum orare, *ne collegæ auxilium, quod acciendum ultro fuerit, sua sponte oblatum sperneretur*¹: plures abeunti Volumnio obsistere atque obtestari, *ne pravo cum collega certamine rempublicam prodat*²: *si qua clades incidisset, desertori magis, quam deserto, noxiæ fore: eo rem adductam, ut omne rei bene, aut secus gestæ in Etruria decus dedecusque ad L. Volumnium sit delegatum*³: *neminem quæsiturum, quæ verba Appii, sed quæ fortuna exercitus fuerit: dimitti ab Appio eum, sed a republica et ab exercitu retineri; experiretur modo voluntatem militum.* Hæc monendo obtestandoque, prope restitantes⁴ consules in concionem pertraxerunt: ibi orationes longiores habitæ in eadem ferme sententiam, in quam inter⁵ paucos certatum verbis fuerat. Et quum Volumnius, causa superior, ne infacundus quidem adversus eximiam eloquentiam collegæ visus esset; cavillansque Appius, *sibi acceptum referre*⁶, diceret, *debere, quod ex muto atque elingui facundum etiam consulem haberent; priore*

CAP. XIX. 1. *Sua sponte oblatum sperneretur*: loquuntur tanquam credentes Appio, neganti *accitum* esse; sed malim *sperneret*, vel *aspernaretur*: nemo enim spernebat præter ipsum imperatorem; Gronovius. Recte, opinor, etsi ad hunc quoque verbum referri potest.

2. *Rempublicam prodat*; vid. ad II, 43, n. 5. — *Si qua*, aliqua *clades incidisset*; vide I, 46, n. 7. — *Noxiæ fore*, erimini, culpæ, vel damno, vel pœnæ: quæ omnia et apta sunt h. l. et hoc verbo designantur. Al. *noxæ*. Cf. Duk. ad XLI, 23, n. 15, ubi monet, Livium aliosque pro damno, injuria, malo magis dicere *noxam*, quam *noxiam*. Alii putant, *noxam* et *noxiam* (scilic. rem) nihil differre, et

errare grammaticos; qui *noxam* crimen, *noxiam* vero pœnam dici existiment. Conf. Drakenb. et ad II, 59, n. 3; VIII, 18, n. 3; VIII, 28, n. 7; Periz. ad Sanct. Min. IV, 4, 22. Mox *rem* et deinde *rei*; v. ad I, 3, n. 8.

3. *Dedecus ad L. Volumnium sit delegatum*; vide ad VI, 28, n. 4.

4. *Prope restitantes*, resistentes, ut VII, 39, n. 5; vel subinde subsistentes, non progredientes. Conf. XXX, 31 f.

5. *In quam inter paucos*, inter comites et proximos utriusque (inter consules, legatos tribunosque), *certatum verbis fuerat*, brevibus dictis alternis et altercatione; Gron.

6. *Sibi acceptum referre*, tribuere (*verdanken*), *debere*, scilic. milites;

*consulatu, primis utique mensibus, hiscere eum ne-
quisse, nunc jam populares orationes⁷ serere: «Quam
« mallet, inquit Volumnius, tu a me strenue facere,
« quam ego abs te scite loqui didicissem.» Postremo
conditionem ferre, quæ decretura sit, non orator (ne-
que enim id desiderare rempublicam), sed imperator
uter sit melior. Etruriam et Samnium provincias esse:
utram mallet, eligeret. Suo exercitu se vel in Etruria,
vel in Samnio gesturum. Tum militum clamor ortus,
ut simul ambo bellum etruscum susciperent: quo ani-
madverso consensu Volumnius, «Quoniam in collegæ
« voluntate interpretanda, inquit, erravi; non com-
« mittam, ut, quid vos velitis, obscurum sit. Manere,
« an abire me velitis, clamore significate.» Tum vero
tantus est clamor exortus, ut hostes e castris exciret:
armis arreptis in aciem descendunt: et Volumnius
signa canere, ac vexilla efferri e castris iussit. Appium
addubitasse ferunt, cernentem, seu pugnante, seu
quieto se, fore collegæ victoriam: deinde veritum, ne
suæ quoque legiones Volumnium sequerentur, et ip-
sum flagitantibus suis signum dedisse. Ab neutra parte
satis commode instructi⁸ fuerunt: nam et Samnitium
dux Gellius Egnatius pabulatum cum cohortibus paucis
ierat, suoque impetu magis milites, quam cujusquam
ductu, aut imperio, pugnam capessebant; et romani
exercitus nec pariter ambo ducti, nec satis temporis*

nisi potius leg. referri. *Acceptum*, vel
in acceptum ferre et referre alicui pro-
prie dicitur debitor, qui pecuniam, a
creditore acceptam, refert in tabulas
accepti. Confer ad XXIV, 45, n. 3.
— *Utique*; vide ad II, 30, n. 1.

7. *Populares orationes* (vide ad II,
8, n. 1, et II, 24, n. 2) *serere*, ne-
ctere, componere. — *Postremo condi-
tionem ferre*, se proponere rem (ut

singuli duces administrarent singula
bella), *quæ decretura sit*, extra dubi-
tationem positura, *uter sit melior*, etc.
Doer. — *Appium addubitasse ferunt*;
fertur Lovel. 2 non male; sed uni co-
dici credere temerarium foret. Vid. ad
II, 4. Ed.

8. *Commode instructi*, ut mox *ad
instruendum*; vide ad III, 8, n. 5. —
Prius concurrat cum hoste, dimicat.

ad instruendum fuit. Prius concurrat Volumnius, quam Appius ad hostem perveniret; itaque fronte inæquali concursus est; et, velut forte⁹ quadam mutante assuetos inter se hostes, Etrusci Volumnio, Samnites, parumper cunctati, quia dux aberat, Appio occurrere. Dicitur Appius in medio pugnae discrimine¹⁰, ita ut inter prima signa manibus ad caelum sublatis conspiceretur, ita precatus esse: *Bellona, si hodie nobis victoriam duis, ast ego templum tibi voveo*. Hæc precatus, velut instigante dea, et ipse collegæ et exercitus virtutem æquavit. Duces imperatoria opera exsequuntur; et milites, ne ab altera parte prius victoria incipiat, annituntur: ergo fundunt fugantque hostes; majorem molem haud facile sustinentes, quam cum qua manus conserere assueti fuerant. Urgendo cedentes insequendoque effusos compulere ad castra; ibi interventu Gellii cohortiumque Sabellarum, paulisper recruduit pugna: iis quoque mox fuis, jam a victoribus castra oppugnabantur; et, quum Volumnius ipse portæ signa inferret, Appius, Bellonam victricem identidem celebrans, accenderet militum animos, per vallum, per fossas irruerunt: castra capta direptaque: præda ingens parta et militi con-

9. *Velut forte*, fato (al. *sorte*; cf. ad I, 9, n. 10) *quadam mutante assuetos inter se hostes*: nam Volumnius antea adversus Samnites, et Appius adversus Etruscos bellum gesserat.

10. *In medio pugnae discrimine*; v. ad VI, 17, n. 1. — *Duis ἀρχαίως; pro des, ut dicit XXII, 10 pr. pro det.* — *Ast ego* (vide ad I, 28, n. 6) *templum tibi, Bellona, voveo*: quod templum etiam exstruxit et majorum suorum imaginibus ornavit; v. Plin. XXXV, 3. Fuit extra Urbem in IX regione, inter portam Carmentalem

circumque Flaminium (vid. Nardini Roma ant. VI, 2), et proximum templo Apollinis, de quo vid. ad III, 63, n. 5; inter utramque vero ædem columna bellica; vide Ovid. Fast. VI, 201 sq. — *Et ipse collegæ et exercitus virtutem adæquavit*, ipse quoque parem virtuti collegæ, parem virtuti exercitus virtutem præstitit. Et collega Appii, et exercitus virtute insigni erant; ipse huc usque timidus ac se-gnis visus fuerat; tum dignam et collegæ et exercitus virtute fortitudinem ostendit. Ed.

cessa est. Septem millia ac trecenti hostium occisi, duo millia et centum viginti capti.

XX. Dum ambo consules omnisque romana vis in etruscum bellum magis inclinatur, in Samnio novi exercitus, exorti ad depopulandos imperii romani fines, per Vescinos¹ in Campaniam falernumque agrum transcendunt, ingentesque prædas faciunt. Volumnium, magnis itineribus in Samnium redeuntem (jam enim Fabio Decioque prorogati imperii finis aderat), fama de Samnitium exercitu populationibusque campani agri ad tuendos socios convertit. Ut in calenum agrum venit, et ipse cernit recentia cladis vestigia, et Caleni narrant, tantum jam prædæ hostes trahere, ut vix explicare agmen possint. Itaque jam propalam duces loqui, extemplo eundem in Samnium esse, ut, relicta ibi præda, in expeditionem redeant, nec tam oneratum agmen dimicationi committant. Ea, quanquam similia veris erant, certius tamen exploranda ratus, dimittit equites, qui vagos prædatores in agros palantes excipiant: ex quibus inquirendo cognoscit, ad Vulturum flumen sedere hostem; inde tertia vigilia moturum²: iter in Samnium esse. His satis exploratis profectus, tanto intervallo ab hostibus consedit, ut nec adventus suus propinquitate nimia nosci posset, et egredientem e castris hostem opprimeret. Aliquanto ante lucem ad castra accessit; gnarosque oscæ linguæ³, exploratum quid agatur, mittit: intermixti hostibus (quod facile erat in nocturna trepidatione) cognoscunt, infrequentia armatis signa⁴ egressa, prædam

CAP. XX. 1. *Per Vescinos*; vide ad VIII, 11, n. 3. — *Explicare agmen possint; explicari agmen possit* Lovel. 3, Harlei. et Gaertn. quod non displicet; et sic etiam lib. II, cap. 59, et XLII, cap. 66. Ed.

2. *Inde tertia vigilia moturum*; v. ad II, 3, n. 2.

3. *Gnarosque oscæ linguæ*; vid. ad VII, 2, n. 12.

4. *Infrequentia armatis signa*; cf. ad VII, 8, n. 4.

prædæque custodes exire, ignobile agmen⁵, et sua quemque molientem⁶, nullo inter alios consensu, nec satis certo imperio. Tempus aggrediendi⁷ aptissimum visum est : et jam lux appetebat; itaque signa canere jussit; agmenque hostium aggreditur. Samnites, præda impediti, infrequentes armati, pars addere gradum, ac præ se agere prædam, pars stare, incerti utrum progredi, an regredi in castra tutius foret, inter cunctationem opprimuntur; et Romani jam transcendunt vallum, cædesque ac tumultus erat in castris. Samnitium agmen, præterquam hostili tumultu, captivorum etiam repentina defectione turbatum erat; qui partim ipsi soluti vinctos solvebant, partim arma in sarcinis deligata rapiebant, tumultumque, prælio ipso terribiliorem, intermixti agmini præbebant. Memorandum deinde edidere facinus : nam Staium Minacium ducem⁸, adeuntem ordines hortantemque, invadunt, dissipatis inde equitibus, qui cum eo aderant, ipsum circumstant, insidentemque equo captum ad consulem romanum rapiunt : revocata eo tumultu prima signa Samnitium : præliumque jam profligatum⁹ integratum est, nec diutius sustineri potuit. Cæsa ad sex millia hominum : duo millia et quingenti capti : in eis tribuni militum quatuor; signa

5. *Ignobile agmen*, non tam armis ornatum, quam præda oneratum, pugnaeque et fortium factorum immemor; Gronovius. Contra cap. 25, *nobiliorum* exercitum, magis strenuum et tolerantem; Ern.

6. *Sua quemque molientem*, spectantem et facientem ex arbitrio ea, quæ sibi utilia viderentur, sua consilia sequentem.

7. *Tempus aggrediendi*, etc., pro *id*, seu *hoc tempus*, ut multa abrupta

et male nexa in Livio; Duker. Conf. Gron. ad I, 32.—*Jam lux appetebat*; vide ad V, 19, n. 2.—*Signa canere*; vide ad VII, 40, n. 3.—*Præda impediti*; vide ad V, 16, n. 2.

8. *Staium Minacium ducem* Samnitium. Hoc nomen legitur in Inscriptt., illud in Pers. Sat. II, et al. Conf. ad Tac. Ann. IV, 27, 5. Al. *Staium Minacium* et *Egnacium*.

9. *Præliumque jam profligatum*; v. ad III, 50, n. 5.

militaria triginta : et, quod lætissimum victoribus fuit, captivorum recepta septem millia et quadringenti ; præda ingens sociorum : accitque edicto domini ad res suas noscendas¹⁰ recipiendasque. Præstituta die, quarum rerum non exstitit dominus, militi concessæ, coactique vendere prædam, ne alibi, quam in armis, animum haberent.

XXI. Magnum ea populatio campani agri tumultum Romæ præbuerat : et per eos forte dies ex Etruria allatum erat, post deductum inde Volumnianum exercitum Etruriam concitam in arma, et Gellium Egnatium, Samnitium ducem, et Umbros ad defectionem vocari, et Gallos pretio ingenti sollicitari¹. His nuntiis senatus conterritus justitium indici, delectum omnis generis hominum haberi jussit; nec ingenui modo, aut juniores sacramento adacti, sed seniorum etiam cohortes factæ, libertinique centuriati² : et defendendæ Urbis consilia agitabantur; summæque rerum prætor P. Sempronius præerat. Cæterum parte curæ exonerarunt senatum L. Volumnii consulis literæ, quibus cæsos fusosque populatores Campaniæ cognitum est; itaque et supplicationes ob rem bene gestam consulis nomine decernunt; justitium remittitur³, quod fuerat dies decem et octo, supplicatioque perlæta fuit. Tum

10. *Ad res suas noscendas recipiendasque*; vide ad III, 10, n. 1. — *Coactique vendere prædam, etc.*; cf. ad cap. 17, n. 5.

CAP. XXI. 1. *Et Gellium Egnatium S. ducem, et Umbros ad defectionem vocare, et Gallos pretio ingenti sollicitare* legendum : nam Gellius Egnatius dudum defecerat; Gron. et Drak. Ad rem augendam addi nuntio de Umbri Gallisque, quod jam diu cognitum fuerit, putabat Stroth. Tò *vocare* pro-

babat Dukerus, sed τὸ *sollicitari* ad Etruscos referebat col. c. 10, 13, 18.

2. *Libertini centuriati et seniores*; vide ad VI, 2, n. 4.

3. *Justitium remittitur*; vide ad III, 3, n. 2; et de *supplicatione*, ad III, 63, n. 2. — *Decem et octo*, forte *decem octo*, vel *octodecim*; Drakenb. coll. Prisc. l. XVIII, p. 1170, *Græci quoque πάντες καὶ δέκα, δέκα καὶ πάντες. Nos contra quindecim et dec. quinque. Livius tamen frequenter etiam sine con-*

de præsidio regionis depopulatæ ab Samnitibus agitari cœptum; itaque placuit, ut duæ coloniæ circa vescinum et falernum agrum deducerentur: una ad ostium Liris fluvii, quæ Minturnæ appellata; altera in saltu vescino, falernum contingente agrum, ubi Sinope dicitur græca urbs fuisse, Sinuessa deinde ab colonis romanis appellata. Tribunis plebis negotium datum est, ut plebeiscito juberetur P. Sempronius prætor triumviros in ea loca colonis deducendis creare: nec, qui nomina darent⁴ facile inveniebantur, quia in stationem se prope perpetuam infestæ regionis; non in agros, mitti rebantur. Avertit ab eis curis senatum Etruriæ ingravescens bellum, et crebræ literæ Appii, monentis, ne regionis ejus motum negligenter: *quatuor gentes conferre arma, Etruscos, Samnites, Umbros, Gallos. Jam castra bifariam facta esse, quia unus locus capere tantam multitudinem non possit.* Ob hæc, et (jam appetebat⁵ tempus) comitiorum causa L. Volumnius consul Romam revocatus: qui prius, quam ad suffra-

junctione septem decem et decem septem dixit. — Dies decem et octo; quidam per dies, etc. Et ita nonnunquam Livium locutum esse docuit Sigon. ad lib. XXXIX, 22. Sed plurimi, et optimi quidem codd. efficiunt ut Gron. præpositionem delenti accedamus; et eam innumeris locis Livius omisit. Cf. Drak. ad hunc locum; Gronovium ad lib. XXIII, 20; Cort. ad Sall. Jugurt. cap. 24. Ed. — De *vescino agro et saltu* vide ad VIII, 11, n. 3; de *Minturnis et Sinuessa*, coloniis romanis, Vellei. I, 14; Plin. III, 5, seu 9, et ad Sil. VIII, 527. — *Quæ Minturnæ appellata*; jam Minturnarum mentionem fecit Livius supra VIII, 10, et IX, 25. Itaque non nova hoc loco urbs conditur, sed necesse est jam ante ibi

oppidum fuisse, quod tamen alio nomine ante hanc coloniam deductam appellaretur, quemadmodum mox memoratur Sinope, urbs græca, Sinuessa nomen a colonis accepisse. Ubi autem Livius appellavit antea Minturnas, intelligenda scilicet ea est urbs, cui postea Minturnæ nomen fuit. Sic et Sinuessam nuncupavit, VIII, 11, eam urbem, quæ tunc temporis Sinope, postea Sinuessa appellata est. Ed.

4. *Qui nomina darent*; vide ad I, 11, n. 3. — *In stationem prope perpetuam infestæ regionis*, in præsidium et custodiam regionis perpetuo fere infestis hostium incursionibus expositæ; Doer.

5. *Jam appetebat tempus*; vide ad V, 19, n. 2. *Ob hæc (et jam appet. t.*

gium centurias vocaret, in concionem advocato populo, multa de magnitudine belli etrusci disseruit. *Jam tum, quum ipse ibi cum collega rem pariter gesserit, fuisse tantum bellum, ut nec duce uno, nec exercitu geri potuerit: accessisse postea dici Umbros, et ingentem exercitum Gallorum. Adversus quatuor populos duces⁶ consules illo die deligi meminissent. Se, nisi confideret, eum consensu populi romani consulem declaratum iri, qui haud dubie tum primus omnium ductor habeatur, dictatorem fuisse extemplo dicturum.*

XXII. Nemini dubium erat, quin Q. Fabius omnium consensu destinaretur; eumque et prærogativæ¹, et primo vocatæ omnes centuriæ consulem cum L. Volturnio dicebant. Fabii oratio fuit, qualis biennio ante²: deinde, ut vincebatur consensu, versa postremo ad collegam P. Decium poscendum. *Id senectuti suæ adminiculum³ fore: censura duobusque consulatibus simul gestis expertum se, nil concordi collegio firmiter ad rempublicam tuendam esse. Novo imperii socio vix jam assuescere senilem animum posse: cum moribus notis⁴ facilius se communicaturum consilia.*

comitorum) L. Volturnius edidit Gronovius.

6. *Adversus quatuor populos duces consules, etc.* Al. *duos consules*: sed ita non omnibus quatuor minaretur unum dictatorem, et puerili hoc antitheto lusuque frangitur vis sententiæ, cujus omne pondus est in voce *duces*, scil. iis *pares*; Gronov. Hinc et mox eum consulem, qui haud dubie tum primus omnium ductor habeatur, scil. Q. Fabium; *duces, non consules* conj. Jac. Periz. in Orig. Babyl. c. 6, h. e. qui non tam gesturi essent consulatum in Urbe, quam duces futuri exercituum contra quatuor hostes populos; atque idcirco deligendos esse memi-

nissent his comitiis tales consules, qui magis sint idonei, ut reipublicæ præ sint belli forisque, quam domi et in pace.

CAP. XXII. I. *Et prærogativæ* (imo *prærogativa*) *et primo vocatæ centuriæ*; vide ad III, 51, n. 3.

2. *Qualis biennio ante*; conf. c. 13 et 15. — *Ad collegam P. Decium poscendum.....censura* (vide IX, 46) *duobusque consulatibus.....concordi collegio*; cf. c. 13. — Nihil firmiter, quam si concordi animo collegæ rem gerant. ED.

3. *Senectuti suæ adminiculum*; v. ad VI, 1, n. 3.

4. *Cum moribus notis, cum eo, cujus*

Subscripsit orationi ejus consul, quum meritis P. Decii laudibus, tum, *quæ ex concordia consulum bona, quæque ex discordia mala in administratione rerum militarium evenirent*, memorando, *quam prope ultimum discrimen suis et collegæ certaminibus nuper ventum foret*: admonendo Decium Fabiumque, *ut uno animo, una mente viverent. Esse præterea*⁵ *viros natos militiæ, factis magnos, ad verborum linguæque certamina rudes: ea ingenia consularia esse: callidos solertesque, juris atque eloquentiæ consultos, qualis Ap. Claudius esset, Urbi ac foro præsidēs habendos, prætoresque ad reddenda jura creandos esse.* His agendis dies est consumptus: postridie ad præscriptum consulis et consularia et prætoria comitia habita. Consules creati⁶ Q. Fabius et P. Decius: Ap. Claudius prætor; omnes absentes: et L. Volumnio ex senatus-consulto et scito plebis prorogatum in annum imperium est.

XXIII. Eo anno prodigia multa fuerunt: quorum averruncandorum causa supplicationes in biduum senatus decrevit: publice vinum ac tus præbitum. Supplicatum iere frequentes viri feminæque: insignem supplicationem fecit certamen in sacello Pudicitiae pa-

ingenium et mores sibi noti et perspecti sint; Doer. — *Subscripsit orationi ejus*, illam adjuvit, consul, Volumnius, *quum Decii laudibus, eum laudando, tum memorando, etc. Subscribere*, præter alios, dicitur accusator secundarius, vel accusatoris adiutor, qui, quum accusator rei nomen defert, suum quoque nomen libello subscribit; unde *subscriptor* vocatur, et *subscribere* est assentiri, vel adjuvare. Hinc *subscribere odiis accusationibusque Hannibalis, ac, velut accusatores, nomen deferre* XXXIII, 47.

5. *Esse præterea*; Fabium et Decium, præterquam quod concordia inter se clari sint, esse etiam viros, etc. Ed. — *Viros natos* (al. *gnaros*) *militiæ*; vide ad V, 37, n. 6. — *Urbi ac foro præsidēs habendos*; vide ad cap. 17, n. 3.

6. *Consules creati... omnes absentes*; vide ad IV, 42, n. 1. Fabius et Decius Campo Martio aberant, Claudius etiam Urbe. *Ap. Claudius prætor* creatus, qui anno præc. consul fuerat, ut Papirius c. 47. Conf. Pigh. Ann. ad ann. 469, p. 413.

triciæ¹, quæ² in foro boario est ad ædem rotundam Herculis, inter matronas ortum. Virginiam, Auli filiam, patriciam plebeio nuptam L. Volumnio consuli, matronæ, quod e Patribus enupsisset³, sacris arcuerant: brevis altercatio inde ex iracundia muliebri in contentionem animorum exarsit; quum se Virginia et patriciam et pudicam in patriciæ Pudicitæ templum ingressam, et uni nuptam, ad quem virgo deducta sit⁴, nec se viri, honorumve ejus ac rerum gestarum pœnitere, vero gloriaretur. Facto deinde egregio magna verba adauxit: in vico Longo, ubi habitabat, ex parte ædium⁵, quod satis esset loci modico sacello, exclusit; aramque ibi posuit; et, convocatis plebeis matronis, conquesta injuriam patriciarum: « Hanc
« ego aram, inquit, Pudicitæ plebeie dedico: vosque
« hortor, ut, quod certamen virtutis viros in hac civi-
« tate tenet, hoc pudicitæ inter matronas sit; detis-
« que operam, ut hæc ara, quam illa, si quid potest,
« sanctius et a castioribus coli dicatur. » Eodem ferme ritu et hæc ara, quo illa antiquior, culta est, ut nulla, nisi spectatæ pudicitæ matrona, et quæ uni viro nupta

CAP. XXIII. 1. *In sacello Pudicitæ patriciæ*; conf. Festus.

2. *Quæ (f. quod) in foro boario inter circum maximum et Tiberim, in XI regione Urbis. In hoc foro erat ædes Herculis Victoris et ara maxima.*

3. *Quod e Patribus enupsisset*; vide ad IV, 4, n. 4.

4. *Et uni nuptam, ad quem virgo deducta sit*: univiram esse laudi erat mulieribus romanis (vide ad Juvenal. VI, 229), et amor primus fortior putabatur secundo; vide ad Silium, III, 64; XVII, 73, 361. *Deduci autem propr. dicuntur sponsæ die nuptiarum domos sponsorum, hinc et nuptiæ XLII, 12, n. 2; nisi nuptas ibi leg.*

pro nuptias. — Pœnitere se; vide ad II, 54, n. 16.

5. *Ex parte ædium id, seu tantum loci, quod... exclusit*, secrevit. Conf. Gronov. Obs. III, 13. Mox pro matronis quidam MSS *matrimonis*, h. e. uxoribus. Conf. ad Tac. Ann. II, 13, n. 9. — *Conquesta injuriam*; al. *de injuria*. Sed vulgatum præferimus; infra XXV, 12, *Thoas prætor eorum conquestus injurias Rom.*; XXXIX, 5, *id Cenomani conquesti Romæ apud senatum*; XXIX, 9, *quos ad conquendas Philippi injurias in tot socias nobis urbes venissem*, pro *ad conquendum injurias*. Et ita sæpius etiam Livium *queri injuriam, necem*, et si-

*senatus arbitrio*⁶ *se fuisse, et in potestate populi futurum. P. Decius senatus injuriam querebatur; quoad potuerint, Patres adnisos, ne plebeiis aditus ad magnos honores esset: postquam ipsa virtus pervicerit, ne in ullo genere hominum inhonorata esset, quæri, quemadmodum irrita sint non suffragia modo populi, sed arbitria etiam fortunæ*⁷, *et in paucorum potestatem vertantur. Omnes ante se consules sortitos provincias esse; nunc extra sortem Fabio senatum provinciam dare. Si honoris ejus causa; ita eum de se deque republica meritum esse, ut faveat Q. Fabii gloriæ*⁸, *quæ modo non sua contumelia splendeat. Cui autem dubium esse, ubi unum bellum sit asperum ac difficile, quum id alteri extra sortem mandetur, quin alter consul pro supervacaneo atque inutili habeatur? Gloriarum Fabium rebus in Etruria gestis: velle et P. Decium gloriarum, et forsitan, quem ille obrutum ignem reliquerit*⁹, *ita ut toties novum ex improvviso incendium daret, eum se extincturum. Postremo se collegæ honores præmiæque concessurum*¹⁰ *verecundia ætatis ejus majestatisque; quum periculum, quum dimicatio proposita sit, neque cedere sua sponte, neque cessurum; et, si nihil aliud ex eo certamine tulerit, illud certe laturum, ut, quod populi sit, populus jubeat potius, quam pa-*

6. In *senatus arbitrio* (seu potestate) *se fuisse*, se cessisse voluntati Patrum, qui Etruriam sibi extra ordinem dari velint.

7. *Arbitria etiam fortunæ*, sortem. Cf. seqq.

8. *Ut faveat Q. Fabii gloriæ, quæ modo*, dummodo ea, non sua contumelia splendeat, augeatur, ex ea quasi incrementum capiat; ut splendere aliena invidia XXXVIII, 53.

9. *Quem ille obrutum ignem reli-*

querit, incendium belli, ab illo tantum sopitum, eum se plane extincturum esse, h. e. se bellum, quod ille tantum ad tempus represserit, profligaturum esse; Doer. Conf. not. 3; ad VII, 30, n. 5, et XXIX, 31, n. 1.

10. *Se collegæ honores præmiæque concessurum*, passurum se vinci in petendis honoribus, ut XXXVII, 31, et al. mare concessum dicitur; Gron.—*Quum periculum, quum dimicatio*, ut mox certamen, scil. de iisdem hono-

tres gratificentur. Jovem optimum maximum deosque immortales se precari, ut ita sortem æquam sibi cum collega dent, si eandem virtutem felicitatemque in bello administrando daturi sint. Certe id et natura æquum, et exemplo utile esse, et ad famam populi romani pertinere, eos consules esse, quorum utrolibet duce bellum etruscum geri recte possit. Fabius, nihil aliud precatus populum, quam ut prius, quam intro vocarentur ad suffragium tribus¹¹, Ap. Claudii prætoris allatas ex Etruria literas audirent, comitio¹² abit: nec minore populi consensu, quam senatus, provincia Etruria extra sortem Fabio decreta est.

XXV. Concursus inde ad consulem factus omnium ferme juniorum: et pro se quisque nomina¹ dabant: tanta cupido erat sub eo duce stipendia faciendi. Qua circumfusus turba, « Quatuor millia, inquit, peditum
« et sexcentos equites duntaxat scribere in animo est:
« hodierno et crastino die qui nomina dederitis, me-
« cum ducam. Majori mihi curæ est, ut omnes locu-
« pletes reducam, quam ut multis rem geram militi-
« bus.» Profectus apto exercitu², et eo plus fiduciæ ac spei gerente, quod non desiderata multitudo erat, ad oppidum Aharnam, unde haud procul hostes erant, ad castra Appii prætoris pergit. Paucis citra³ millibus

ribus præmiisque. Forte et ad pericula belli gravioris respicitur.

11. Intro vocarentur ad suffragium tribus, vide ad X, 13, n. 9.

12. Comitio abit; vide I, 36, n. 6.

CAP. XXV. I. Nomina dabant; v. ad I, 11, n. 3. — Majori mihi curæ est; major mihi cura est Klock. potior vulgata lectio. Cic. ad Famil. X, 1, mihi maximæ curæ est, non de mea quidem vita; sed me patria sollicitat; ad Att. I, 1, Petitionis nostræ, quam

tibi summæ curæ esse scio, hujusmodi ratio est; post redit. ad Quir. 9, mihi majori curæ est, quemadmodum vobis gratiam referam. Ita esse prædæ Liv. supra dixit III, 24. Ed.

2. Profectus cum apto exercitu, expedito; Doering. parato ad expeditionem, Schæf. forti et laudis cupido; Ern. Malim: idoneo et consiliis speique ducis respondente.

3. Paucis citra (Aharnam oppid.) millibus, scil. passuum.

lignatores ei cum præsidio occurrunt; qui, ut lictores prægredi viderunt Fabiumque esse consulem accepere, læti atque alacres diis populoque romano grates agunt, quod eum sibi imperatorem misissent. Circumfusi deinde quum consulem salutarent, quærit Fabius, quo pergerent; respondentibusque, lignatum se ire, « ain' tandem⁴, inquit, num castra vallata non habetis? » Ad hoc quum succlamatum esset, *duplici quidem vallo et fossa, et tamen in ingenti metu esse*: « Habetis igitur, » inquit, affatim lignorum. Redite, et vellite vallum. » Redeunt in castra, terroremque ibi, vellentes vallum, et iis, qui in castris remanserant, militibus, et ipsi Appio fecerunt: tum pro se quisque alii aliis dicere, *consulis se Q. Fabii facere jussu*. Pótero inde die castra mota, et Appius prætor Romam dimissus. Inde nusquam stativa Romanis fuere: negabat utile esse⁵, uno loco sedere exercitum: itineribus ac mutatione locorum nobiliorem ac salubriorem esse: fiebant autem itinera, quanta fieri sinebat hiems haud dum⁶ exacta. Vere inde primo, relicta secunda legione ad⁷ Clusium,

4. *Ain' tandem?* admirantis deque rei veritate dubitantis interrogatio est, quæ refertur semper ad aliquid, quod præcesserit, h. l. ad *lignatum se ire*, ut nos: *Was sagst du?* tono τού *Was acriter inteno*; Stroth.

5. *Negabat utile esse*, scil. Fabius. — *Nobiliorem esse*, strenuiorem, laborum tolerantiorum, sive minus desidem, minus ignavum, ut solet, quum diu uno loco sedet, otio corrumpi miles; nisi cum Clerico Art. crit. III, 1, 4, 4, leg. *mobiliorem*, expeditiorum, ad bella promptiorum: nam qui diu in iisdem stativis sedent, sarcinas omnes et impedimenta explicare solent, quibus colligendis deinde, itinere denunciato, plusculum temporis opus est:

at qui se non diu eodem loco mansuros sciunt vel putant, non nisi omnino necessaria ad usum expediunt, quibus, quum iter faciendum est, nullo negotio collectis, ipsi facilius movere se possunt; Duk. *Nobiliorem* majorem de se famam adeoque majorem apud hostes terrorem excitare; *salubriorem*, magis corporum sanitati consulere, Doer. Cf. ad cap. 20, n. 5. — Nostri codd. habent *nobiliorem*. Ed.

6. *Hiems haud dum exacta*, finita. — *Secunda legione*, de qua Glareanus ex capitib. 18 et 27 difficultatem haud levem movit; Stroth.

7. *Ad Clusium, quod Camars*, vel *Camars olim appellabant*; cf. Polyb. II, 19, n. 5; supr. ad II, 9, n. 1; et

quod Camars olim appellabant, præpositoque castris L. Scipione proprætore, Romam ipse ad consultandum de bello rediit; sive ipse sponte sua, quia bellum ei majus⁸ in conspectu erat, quam quantum esse famæ crediderat, sive senatusconsulto accitus: nam in utrumque auctores sunt. Ab Ap. Claudio prætore retractum quidam videri volunt; quum in senatu, et apud populum (id quod per literas assidue fecerat) terrorem belli etrusci auget: *non suffecturum ducem⁹ unum, nec exercitum unum, adversus quatuor populos. Periculosum esse, sive juncti unum premant, sive id diversi gerant bellum, ne ad omnia simul obire unus non possit. Duas se ibi legiones romanas reliquisse; et¹⁰ minus quinque millia peditum equitumque cum Fabio venisse. Sibi placere, P. Decium consulem primo quoque tempore in Etruriam ad collegam proficisci: L. Volumnio Samnium provinciam dari. Si consul malit in suam provinciam ire, Volumnium in Etruriam ad consulem cum exercitu justo consulari proficisci.* Quum magnam partem moveret oratio prætoris, P. Decium censuisse ferunt, ut omnia integra ac libera Q. Fabio

ad Sil. VIII, 461. — L. Scipione prætore; vide ad XXII, 8, n. 1. Mox alterum ipse post sive forte delendum. Cf. tamen ad I, 3, n. 8.

8. *Bellum si majus in conspectu erat, majus videbatur coram res conspicienti.* — *Auctores*; confer. ad II, 58, n. 1.

9. *Non suffecturum ducem unum, nec exercitum unum*: alterutrum commode poterat abesse: sed amat Livius tales repetitiones; Ern. coll. XXIII, 11; XXVIII, 9; XXV, 28, 38, 43; XXIX, 5; XXXII, 21; XXXIII, 43. — *Periculosum esse*: forte leg. *periculum esse*. Sup. c. 7, *id esse periculum ne suas preces minus audirent dii*;

XL, 1, *Apuanos ad rebellionem spectare, periculumque esse, ne impetum in agrum pisanum facerent*; Gronov. XLV, 23, *id enim vero periculum erat ne Romanos Rhodii contemnerent.* Et sane, quemadmodum Gronov. conj. Leid. 2 et Lovel. 1 præferunt; magisque ex more liviano esset. Ed. — *Ad omnia simul obire, ut XXXI, 21; ad omnes hostium subitos conatus obire, quasi circumire, h. e. ubivis præsentem esse, ad omnia attendere, iisque repente consulere.*

10. *Minus (quam) quinque millia peditum equitumque*; conf. pr. cap. — *Si consul, Decius, malit in suam, sibi mandatam, provinc., in Samnium, ire,*

servarentur, donec vel ipse, si per commodum¹¹ rei publicæ posset, Romam venisset, vel aliquem ex legatis misisset; a quo disceret senatus, quantum in Etruria belli esset, quantisque administrandum copiis, et quot per duces esset.

XXVI. Fabius, ut Romam rediit, et in senatu, et productus ad populum mediam orationem¹ habuit, ut nec augere, nec minuere videretur belli famam, magisque in altero assumendo duce aliorum indulgere timori, quam suo aut reipublicæ periculo consulere. *Cæterum, si sibi adiutorem belli², sociumque imperii darent, quonam modo se oblivisci P. Decii consulis per tot collegia experti posse? Neminem omnium secum conjungi malle: et copiarum satis sibi cum P. Decio, et numquam nimium hostium fore: sin collega quid aliud malit, at sibi L. Volumnium darent adiutorem.* Omnium rerum arbitrium et a populo, et a senatu, et ab ipso collega, Fabio permissum est: et quum P. Decius se in Samnium, vel in Etruriam proficisci paratum esse ostendisset, tanta lætitia ac gratulatio fuit, ut præciperetur³ victoria animis, triumphusque, non bellum decretum consulibus videretur. Invenio apud quosdam, extemplo, consulatu inito, profectos in Etruriam Fabium Deciumque, sine ulla mentione sortis provincia-

11. *Per commodum reipubl.*, belli, commode per bellum; Doer. Sine detrimento reipublicæ, vel ita, ut huic iter magis prosit quam noceat.

CAP. XXVI. 1. *Mediam orationem* explicat ipse Livius: *quæ nec augebat nec minuebat belli famam.* Conf. ad I, 32, n. 5.

2. *Cæterum, si sibi adiutorem belli, ...passe*, hæc ad verbum ex Hom. II, X, 242, v. 3 expressa, ap. quem Diomedes: *Εἰ μὲν δὴ ἔταρόν γε κελύεστί*

μ' αὐτὸν ἐλίσθαι, Πῶς ἂν ἔπειτ' Ὀδυσῆος ἐγὰ θεῖοιο λαβοίμην; Gron. *consulis per tot collegia experti*; conf. ad II, 29, n. 1; X, 13, n. 11; X, 24, n. 1. Vox *consulis* nonnihil suspecta Dukero.

3. *Ut præciperetur victoria animis*; vide ad VII, 26, n. 5.—*Perciperetur* al. male. Sup. IX, 5, *omnia tristiora experiundo factura, quam quæ præceperant animis*; lib. XXXI, cap. 49, *non id, quod animis præceperant.*

rum certaminumque inter collegas, quæ exposui: sunt, quibus ne hæc quidem certamina exponere satis fuerit. Adjecerunt et Appii criminationes de Fabio absente ad populum, et pertinaciam adversus præsentem consulem prætoris, contentionemque aliam inter collegas, tendente Decio⁴, ut suæ quisque provinciæ sortem tueretur. Constare res incipit⁵ ex eo tempore, quo profecti ambo consules ad bellum sunt. Cæterum, antequam consules in Etruriam pervenirent, Senones Galli multitudine⁶ ingenti ad Clusium venerunt, legionem romanam castraque oppugnaturi. Scipio, qui castris præerat, loco adjuvandam paucitatem suorum militum ratus, in collem, qui inter urbem et castra erat, aciem erexit; sed, ut in re subita, parum explorato itinere ad jugum perrexit, quod hostes ceperant, parte alia egressi: ita cæsa ab tergo legio, atque in medio, quum hostis undique urgeret, circumventa. Deletam quoque ibi legionem; ita ut nuntius non superesset, quidam auctores⁷ sunt; nec ante ad consules, qui jam haud procul a Clusio aberant, famam ejus cladis perlatam, quam in conspectu fuere Gallorum equites⁸, pectori-

questus est; lib. XXXVIII, cap. 20, non cominus pugnam, sed procul locis oppugnandis futuram, præcæperat animo. Ed.

4. *Tendente Decio; vide ad IV, 7, n. 6. — Provinciæ sortem pro simpl. provinciã, et quidem h. l. sine sorte datam, quia plerumque non nisi sorte dabantur provinciæ. Conf. ad III, 2, n. 1. Similiter sors Macedonia XLII, 31, n. 3, et sors imperii XXII, 45, n. 3, de provinciã et imperio consulum, quod alteri sorte evenit; sors comitiorum III, 64, n. 2; potestas comitia habendi, sorte tribuenda, comitia sortis consulum XXXVI, 6 pr. et XXXIX, 6 pr. numeris, quod al-*

teri sorte evenit. Confer ad Tac. Ann. III, 32, n. 2.

5. *Constare res incipit; vide ad IX, 2, n. 1.*

6. *Senones Galli multitudine, etc.; conf. Polyb. II, 19. Mox in collem... aciem erexit, ut IX, 31 al., pro colle ex 2 MSS recepi exemplo Creverii et Strothii.*

7. *Quidam auctores sunt; vide ad II, 58, n. 1.*

8. *Gallorum equites, pectoribus equorum suspensa gestantes capita cæsorum Romanorum; cf. Strab. IV, 4, 5, pag. 197, al. 602. Similia exhibet de Gallis Diod. Sic. lib. V, 29, τῶν δὲ πεισόντων πολεμίων τὰς κερὰ-*

bus equorum suspensa gestantes capita, et lanceis infixa, ovantesque moris sui carmine. Sunt, qui Umbros fuisse, non Gallos, tradant; nec tantum cladis acceptum: et circumventis pabulatoribus cum L. Manlio Torquato legato Scipionem proprætorem subsidium e castris tulisse, victoresque Umbros, redintegrato prælio, victos esse, captivosque eis ac prædam ademptam. Similius vero est, a Gallo hoste, quam Umbro, eam cladem acceptam; quod, quum sæpe alias, tum eo anno, gallici tumultus⁹ præcipuus terror civitatem tenuit. Itaque præterquam quod ambo consules profecti ad bellum erant cum quatuor legionibus, et magno equitatu romano, campanisque mille equitibus deletis, ad id bellum missis, et sociorum nominisque latini majore exercitu, quam romani¹⁰; alii duo exercitus haud procul Urbe Etruriæ oppositi, unus in falisco, alter in vaticano agro. Cn. Fulvius et L. Postumius Megellus, proprætore ambo, stativa in eis locis habere jussi.

XXVII. Consules ad hostes, transgresso¹ Apennino, in agrum sentinatem² pervenerunt. Ibi quatuor mil-

λάς ἀφαιροῦντες περιάπτουσι τοὺς ἀχίνας τῶν ἵππων· τὰ δὲ σκῦλα τοῖς θεράπουσι παραδόντες ἡμαγμένα λαφυραγωγοῦσι παιανίζοντες καὶ ἄδοντες ὕμνον ἐπινίκιον. Ed. — *Ovantes moris sui carmine*, Galli aliique barbari victores in prælio ἐπινίκιον, vel pæana canunt; prælium vero ineunt cum cantu, ululatu, tripudiis, horrendo erepitu armorum, scutorumque quassatione. Cf. XXI, 28 pr. et 42; XXXVIII, 17; Polyb. II, 29; III, 43; ad VI, 24, n. 1; ad Sil. III, 346; IV, 215; X, 230. Similia Hispanorum tripudia memorantur inf. XXIII, 26, n. 5, et XXV, 17, n. 4.

9. *Gallici tumultus*; v. II, 26, n. 1.

10. *Nominisque latini majore exercitu, quam romani*; conf. ad I, 10, n. 2. Verba *quam romani* vehementer suspecta erant J. Fr. Gron. *etiam romani alii duo exercitus* conj. Jac. Gronovius, et *quam romano* Duk. — *Proprætore ambo*, quibus a populo imperium extra ordinem datum videtur; Dukerus.

CAP. XXVII. 1. *Transgresso Apennino*, pass., nisi leg. *transgressos Apenninum* (cum Gron.), vel *Apennino*, vide ad V, 35, n. 5. Consules erant in agro clusino (vide cap. præc.), et ex eo in sentinatem non venire poterant, nisi superato Apennino; Duk.

2. *In agrum sentinatem*, ut mox et

lium ferme intervallo castra posita. Inter hostes deinde consultationes habitæ; atque ita convenit, ne unis castris miscerentur omnes, neve in aciem descenderent simul. Samnitibus Galli, Etruscis Umbri adjecti: dies indicta pugnæ; Samniti Gallisque delegata pugna: inter ipsum certamen Etrusci Umbrique jussi castra romana oppugnare. Hæc consilia turbarunt transfugæ Clusini tres, clam nocte ad Fabium consulem transgressi; qui, editis hostium consiliis, dimissi cum donis, ut subinde³, ut quæque res nova decreta esset, exploratam perferrent. Consules Fulvio, ut ex Falisco, Postumio, ut ex Vaticano exercitum ad Clusium admoveant, summaque vi fines hostium depulentur, scribunt. Hujus populationis fama Etruscos ex agro sentinate ad suos fines tuendos movit. Instare inde consules⁴, ut absentibus iis pugnaretur; per biduum lacessere prælio hostem: biduo nihil dignum dictu actum. Pauci utrimque cecidere; magisque irritati sunt ad justum certamen animi, quam ad discrimen summa rerum adducta⁵: tertio die descensum in campum omnibus copiis est. Quum instructæ acies starent, cerva fugiens lupum e montibus exacta per campos inter duas acies decurrit: inde diversæ feræ,

cap. 30. Al. *sentinatum*, ut ἐν τῇ τῶν Σεντινατῶν χώρᾳ apud Polyb. II, 19, ubi de eadem re agitur. *Sentinum* Umbriæ oppidum ad Apennini radices, hod. *Sentina*. — *Quatuor millium*; v. ad IX, 24, n. 2.

3. *Ut subinde, ut quæque res, etc.*; vid. V, 20, n. 4. — *Ex Falisco et Vaticano*, scil. agro; vide ad VIII, 12, n. 11.

4. *Instare inde consules, urgent, adhortantur milites, vel postulant, vel operam dant.* Confer XXIV, 14 extr. et ad XXXII, 11, n. 4.

5. *Ad discrimen summa rerum adducta*; vide ad III, 5, n. 6, et VI, 17, n. 1. — *Exacta*, exturbata; Doer. — *E montibus acta* editi ante Aldum. Verum, Livius verbis cum præpositione compositis eandem præpositionem in regimine addere solet. Sic Plaut. Capt. act. IV, sc. 1, v. 61, *Jam ego ex corpore exigam omnes maculas mærorum tibi*. Cicero de Orator. lib. II, cap. 48, *neque reges ex hac civitate exigi... sine nobilium disensione potuisse*. Ed. — *Diversæ*; vide III, 60, n. 1.

cerva ad Gallos, lupus ad Romanos cursum deflexit: lupo data inter ordines via; cervam Galli confixere. Tum ex antesignanis romanus miles: *Illac fuga, inquit, et cædes vertit*⁶, *ubi sacram Dianæ feram jacentem videtis. Hinc victor martius lupus*⁷, *integer et intactus, gentis nos martiæ et conditoris nostri admonuit.* Dextro cornu Galli, sinistro Samnites⁸ constiterunt: adversus Samnites Q. Fabius primam ac tertiam legiones pro dextro cornu; adversus Gallos pro sinistro Decius quintam et sextam instruxit; secunda et quarta cum L. Volumnio proconsule in Samnio gerebant bellum. Primo concursu adeo æquis viribus gesta res est, ut, si adfuissent Etrusci et Umbri, aut in acie, aut in castris, quocumque se inclinassent, accipienda clades fuerit.

XXVIII. Cæterum, quamquam communis adhuc Mars¹ belli erat, necdum discrimen fortuna fecerat, qua datura vires² esset, haudquaquam similis pugna in dextro lævoque cornu erat. Romani apud Fabium arcebant magis, quam inferebant, pugnam; extrahebaturque in quam maxime serum diei certamen: quia ita persuasum erat duci, et Samnites et Gallos primo impetu feroces³ esse, quos sustineri satis sit; longiore certamine sensim residere Samnitium animos: Gallorum quidem etiam corpora intolerantissima laboris atque æstus fluere; primaque eorum prælia plus

6. *Illac* (ad hostes) *fuga et cædes vertit*; vide ad II, 3, n. 2.

7. *Martius lupus*, ei sacer, ut apud Virg. *Æn.* IX, 566, et *martialis lupus* apud Horat. *Od.* I, 17, v. 9. — *Gentis martiæ*, romanæ. Epitheton tam ad originem, quam ad virtutem Romanorum referri potest, ut ἀνδραγαθήσις, *Martius miles*, etc. Conf. ad XXXVIII, 17, n. 8.

8. *Dextro cornu Galli, sinistro Samnites*, etc.; vide ad lib. XXII, cap. 45, n. 4.

CAP. XXVIII. 1. *Communis Mars belli*; vide ad V, 12, n. 1.

2. *Qua datura vires esset*; vide ad cap. 12, n. 2.

3. *Gallos primo impetu feroces esse ... Gallorum quidem etiam corpora intolerantissima laboris atque æstus*

quam virorum, postrema minus quam feminarum esse. In id tempus igitur, quo vinci solebat hostis, quam integerrimas vires militi servabat. Ferocior Decius et aetate et vigore animi, quantumcunque virium habuit, certamine primo effudit⁴; et, quia lentior videbatur pedestris pugna, equitatum in pugnam concitat, et ipse, fortissimæ juvenum turmæ immixtus, orat proceres juventutis, in hostem ut secum impetum faciant: duplicem illorum gloriam fore, si ab lævo cornu et ab equite victoria incipiat: bis avertere gallicum equitatum. Iterum longius evector, et jam inter media equitum agmina prælium cientes, novum pugnae conterruit genus: essedis carrisque⁵ superstans armatus hostis ingenti sonitu equorum rotarumque advenit, et insolitos ejus tumultus Romanorum conterruit equos. Ita victorem equitatum velut⁶ lymphaticus pavor dissipat: sternit inde ruentes equos virosque improvida fuga. Turbata hinc etiam signa legionum; multique impetu equorum ac vehiculorum raptorum per agmen obtriti antesigniani; et insequuta, simul territos hostes vidit, gallica acies nullum spatium re-

fluere, etc.; confer XXXVIII, 17; ad V, 44, 4, et VII, 29, n. 3.

4. *Certamine primo effudit vires;* conf. ad Sit. XVI, 339.

5. *Essedis carrisque, forte carpentisque:* nam Gallos carris ad impedimenta vehenda, non ad pugnandum usos esse aliunde constat; Duk. Cf. cap. 30, *essedis carrisque superstans armatus hostis:* nam Galli præter pediatum equitatumque in pugna etiam *συνωρίων*, carpentis, bigis, *essedis*, stantur: *ἐν ταῖς ἑδοικορῖαις καὶ ταῖς μάχαις χρώνται συνωρίων, ἔχοντος τοῦ ἄρματος ἡνίοχον καὶ παραβάτην. Ἀπαντῶντες δὲ τοῖς ἐριπτεύουσιν ἐν*

τοῖς πολέμοις σαρνιάζουσι (*sarnio*, jaculari petunt) τοὺς ἐναντίους, καὶ καταβάντες εἰς τὴν ἀπὸ τοῦ ξίφους συνίστανται μάχην, Diodor. V, 29. — *Insolitos tumultus;* vide IV, 9, n. 4.

6. *Velut lymphaticus pavor;* vide ad VII, 17, n. 2. — *Lymphatus pavor*, al. Ita *lymphatus cursus* Sil. I, 458, «ruit ocuis amens Lymphato cursu, atque ingentes deserit actus.» Sed præstat ut vulgatum servemus, quod optimi tuerentur. Apul. VIII, pag. 214, «Incitante tibiz cantu lymphaticum tripudium.» Plin. XXVI, 8, «Semen ejus potum lymphatica somnia facere dicitur.» Ed.

spirandi recipiendique⁷ se dedit. Vociferari Decius, Quo fugerent? *quomodo in fuga spem haberent?* obistere cedentibus, ac revocare fessos. Deinde, ut nulla vi percussos sustinere⁸ poterat, patrem P. Decium nomine compellens, « Quid ultra moror, inquit, faciliare fatum? Datum hoc nostro generi est, ut luendis periculis publicis piacula simus. Jam ego mecum hostium legiones mactandas Telluri ac diis Manibus dabo⁹. » Hæc loquutus M. Livium pontificem, quem, descendens in aciem, digredi vetuerat ab se, præire jussit verba, quibus se legionesque hostium pro exercitu populi romani Quiritium devoveret: devotus inde eadem precatione, eodemque habitu, quo pater P. Decius ad Vesperim bello latino se jusserat devoveri. Quum secundum solemnes precationes adjecisset, *præ se agere sese formidinem ac fugam, cædemque ac cruorem, cælestium¹⁰, inferorum iras; contacturum funebribus diris signa, tela, arma hostium; locumque eundem suæ pestis et Gallorum ac Samnitium fore*: hæc exsecratus in se hostesque, qua confertissimam cernebat Gallorum aciem, concitat equum: inferensque se ipse infestis telis est interfectus.

XXIX. Vix humanæ inde opis videri pugna potuit. Romani, duce amisso, quæ res terrori alias esse solet, sistere fugam, ac novam de integro velle instaurare

7. *Respirandi recipiendique se*; vide ad VI, 24, n. 3.

8. *Percussos sustinere, retinere*. Cf. ad II, 44, n. 6.

9. *Jam ego mecum hostium legiones mactandas Telluri ac diis Manibus dabo... M. Livium pontificem... præire jussit verba*; vide V, 41, n. 4. — *Eodem habitu, quo pater P. Decius ad Vesperim, etc.*; conf. VIII, 8, n. 9. Decium patrem cum Latinis, filium

cum Etruscis, et nepotem cum Pyrrho decertantem se devovisse dicit Cicer. Tusc. Qu. I, 37, et Fin. II, 19. Alii de patre tantum filioque id tradunt, et ipse Cic. Parad. I, 3.

10. *Cælestium (et) inferorum (deorum) iras; contacturum... pestis Samnitium fore*; vide ad II, 5, n. 3, et II, 44, n. 5. — *Hæc exsecratus in se hostesque*; vide ad librum I, cap. 51, n. 1.

pugnam¹. Galli, et maxime globus circumstans consulis corpus, velut alienata mente, vana incassum jactare tela: torpere quidam, et nec pugnae meminisse, nec fugae. At ex parte altera pontifex Livius, cui lictores Decius tradiderat, jusseratque proprætorem² esse, vociferari, *vicisse Romanos, defunctos³ consulis fato. Gallos Samnitesque Telluris matris ac deorum Manium esse: rapere ad se ac vocare Decium devotam secum aciem; furiarumque ac formidinis plena omnia ad⁴ hostes esse.* Superveniunt deinde his restituentibus pugnam L. Cornelius Scipio et C. Marcius, cum subsidiis ex novissima acie jussu Q. Fabii consulis ad praesidium collegae missi. Ibi auditur P. Decii eventus, ingens hortamen ad omnia pro republica audenda: itaque quum Galli structis ante se scutis conferti starent, nec facilis pede collato⁵ videretur pugna,

CAP. XXIX. I. *Novam de integro instaurare pugnam*, ut XXXVII, 19. Conf. ad II, 36, n. 1. — *Velut alienata mente*, scil. a recta ratione, h. e. vesana, ut III, 48, n. 1, et XLII, 28 ext. — *Vana tela*, irrita, ut *vani ictus* XXXIV, 39, et *vanum teli genus*, non efficax, XXXI, 39.

2. *Jusseratque pro praetore esse*, vulgo *propraetorem*. Sed Livius amat dicere *pro praetore*, *pro consule*, *pro quaestore* (XLI, 10), *pro dictatore*: quae passim recte restituerunt Gronov. et Drakenb. pro vulg. *proconsul*, etc., quae tamen forma saepe etiam in omnibus libris legitur, v. grat. XXIII, 31; XXXVII, 46; XXXIX, 29, al., et late defenditur a Manut. ad Cic. Ep. ad Div. I, 1.

3. *Defunctos consulis fato*; vide ad II, 35, n. 2. — Liberatos jam, nec quidquam amplius caelestibus inferisve diis debentes, post consulis mortem.

ED. — *Furiarumque*, ingentis terroris anxietatisque, ut apud Ciceronem, Mil. 33.

4. *Ad hostes esse*; vide ad II, 10, n. 10. — *Ex novissima acie*. Gellius credit Ciceronem verbis *novissimus* et *novissime*, tanquam non latinis, abstinuisse. Certatim tamen viros doctos eum erroris arguisse, et tria ex Cicerone loca quibus usus est, laudasse observavit J. Gronov. ad Gellium. Similiter *novissimus* saepe apud Livium occurrit; II, 42, *invisum erat Fabium nomen plebi propter novissimum consulem*; cap. 52, *Volsci novissimos adoriuntur*; III, 41, *perruptis ordinibus elati ad novissimam aciem*; XXII, 2, *jussit novissimos ire equites*; XXXI, 27, *revertentem in transitu fluminis a novissimo agmine adortus*; XLII, 57, *abeuntium novissimum agmen aggreduntur*. ED.

5. *Pede collato*; vide VI, 12, n. 7.

jussu legatorum collecta humi pila, quæ strata inter duas acies jacebant, atque in testudinem hostium coniecta. Quibus plerisque in scuta⁶, verutis in corpora ipsa fixis, sternitur cuneus⁷, ita ut magna pars integris corporibus attoniti conciderent: hæc in sinistro cornu Romanorum fortuna variaverat. Fabius in dextro primo (ut ante dictum est) cunctando⁸ extraxerat diem: deinde, postquam nec clamor hostium, nec impetus, nec tela missa, eandem vim habere visa; præfectis equitum jussis ad latus Samnitium circumducere aias, ut signo dato in transversos, quanto maximo possent impetu, incurrerent; sensim suos signa inferre jussit, et commovere hostem. Postquam non resisti vidit, et haud dubiam lassitudinem esse; tum, collectis omnibus subsidiis, quæ ad id tempus reserverat, et legiones concitavit, et signum ad invadendos hostes equitibus dedit: nec sustinuerunt Samnites impetum; præterque aciem ipsam Gallorum, relictis in dimicatione sociis, ad castra effuso cursu ferebantur. Galli, testudine facta⁹, conferti stabant; tum Fa-

— *Collecta humi*, forte ut apud Plin. VIII, 42; nisi leg. *collecta pila, quæ humi strata, etc.* Duk. et Drak. — *In testudinem*; vide ad V, 5, n. 3.

6. *Quibus plerisque in scuta, verutis in corpora ipsa fixis*: sensus est, partem hæsiæ in scutis, partem, quæ teretiore essent mucrone, et facilius penetrarent, *veruta* quippe, ipsa etiam corpora attigisse; Gronov. In 2 MSS optimis est *rarisque verutis*, in aliis et edd. anti. *plerisque in scuta, plerisque verutis, etc.*; unde Stroth. non male dedit *plerisque in scuta, rarisque verutis, etc.* Cæterum *verutum* (forte *telum*), vel *veru* parvi jaculi genus, et Samnitibus proprium, quod Æs *oxóvov* vocatum, et a quo ipsi Samnites,

Samnites, Samnites dicti sunt; vid. Vegetium, II, 15; Lips. Pol. IV, 4, et Heynium ad Virgii *Æneida*, lib. VII, v. 665.

7. *Sternitur cuneus*; vide ad II, 50, n. 9.

8. *Cunctando extraxerat diem*; vid. ad IV, 43, n. 6. — *Exhauserat conj.* Gebhard., sed ne unum quidem exemplum attulit. Verum XXVIII, 15, *ad id sedulo diem extraxerat Scipio, ut sera pugna esset.* Ut notem hic *cunctando extrahere*, ita *morando extrahere*; XXXVIII, 44, *quam Æmilius tempus cum morando extracturum diceret.* Ed.

9. *Testudine facta*; vide ad V, 5, n. 3, et V, 43, n. 2.

buis, audita morte collegæ, Campanorum alam, quingentos fere equites, excedere acie jubet, et circumvectos ab tergo gallicam invadere aciem: tertiæ deinde legionis subsequi principes, et, qua turbatum agmen hostium viderent impetu equitum, instare ac terribos cædere. Ipse ædem Jovi Victori, spoliaque hostium quum vovisset, ad castra Samnitium perrexit; quo multitudo omnis consternata agebatur. Sub ipso vallo, quia tantam multitudinem portæ non recepere, tentata ab exclusis turba suorum pugna est: ibi Gellius Egnatius, imperator Samnitium, cecidit. Compulsi deinde intra vallum Samnites, parvoque certamine capta castra, et Galli ab tergo circumventi: cæsa eo die hostium viginti quinque millia¹⁰, octo capta; nec incruenta victoria fuit; nam ex P. Decii exercitu cæsa septem millia; ex Fabii mille ac ducenti. Fabius, dimissis ad quærendum collegæ corpus, spolia hostium conjecta in acervum Jovi Victori cremavit. Consul is corpus eo die, quia obrutum superstratis Gallorum cumulis erat, inveniri non potuit; postero die inventum relatumque est cum multis militum lacrymis. Intermissa inde omnium aliarum rerum cura, Fabius collegæ funus omni honore, laudibusque meritis celebrat.

XXX. Et in Etruria per eosdem dies ab Cn. Fulvio proprætore res ex sententia gesta; et, præter ingentem illatam populationibus agrorum hosti cladem, pugnatum etiam egregie est: Perusinorumque et Clusinorum cæsa amplius millia tria, et signa militaria ad viginti capta. Samnitium agmen, quum per pelignum agrum fugeret, circumventum a Pelignis est. Ex milibus quinque ad mille cæsi. Magna ejus diei¹, quo in

10. Cæsa eo die hostium viginti quinque millia, etc.; v. IX, 43, n. 8.

fama est, h. e. rerum, eo die gestarum, ingentiumque copiarum, quæ utrimque pugnarunt, etiam vero stan-

sentinati agro bellatum, fama est, etiam vero stanti. Sed superjecere quidam augendo fidem; qui in hostium exercitu peditum quadraginta millia trecentos triginta, equitum sex millia, mille carpentorum scripsere fuisse: scilicet cum Umbris Tuscisque, quos et ipsos pugnae adfuisse; et, ut Romanorum quoque auferent copias, L. Volumnium pro consule duces consulibus, exercitumque ejus legionibus consulum adiunctum: in pluribus annalibus duorum ea consulum propria victoria est. Volumnius in Samnio interim res gerit, Samnitiumque exercitum, in Tifernum montem compulsus, non deterritus iniquitate loci, fundit fugatque. Q. Fabius, Deciano exercitu relicto in Etruria, suis legionibus deductis ad Urbem, de Gallis Etruscisque ac Samnitibus triumphavit. Milites triumphantem sequuti sunt; celebrata inconditis carminibus militaribus² non magis victoria Q. Fabii, quam mors præclara P. Decii est: excitataque memoria parentis, æquata³ eventu publico privatoque filii laudibus. Data ex præda militibus æris octogeni bini, sagaque et tuni-

ti, etiam apud eos scriptores, qui rei veritate acquiescunt, nec fidem excedunt. (Conf. III, 36, n. 11.) *Sed superjecere, excessere, transgressi sunt, quidam fidem augendo*, scilicet rem et numerum copiarum. Sic, quod Gronjam monuit, *paternas superjecisse laudes* plerique MSS pro vulg. *superasse* XXXVIII, 58; *superjacere beneficia parentum* dixit Sen. de Ben. III, 32; hæc hyperbole est *ementiens superjectio* Quintil. VIII, 6, et ὑπερπροντιζειν τινὰ ταῖς μηχαναῖς, etc. apud Aristophanem in Avib. 367, in Plut. III, 2; Theophyl. in Matt. 24, et ὑπερβάλλειν passim. Mox post *affuisse* repetendum *scripsere*. — *Peditum quadraginta millia*, etc. Emendavit Sigon. quomodo

nunc habetur; dubitamus tamen, an locum persanaverit. Omnino aliquis in his numeris error esse videtur; neque enim satis apparet, cur hic, quem nunc libri præferunt, numerus fidem excedere Livio videretur, quum et c. prædixerit XXV millia hostium cæsa, octo capta; et ex cap. 26 supra colligi possit Romanos ipsos non pauciores fuisse quadraginta hominum millibus. Ed.

2. *Inconditis carminibus militaribus*; vide ad IV, 20, n. 1. — Deficit in Pall. tribus τὸ *carminibus*. Ed.

3. *Æquata eventu publico privatoque filii laudibus*, comparata tam quoad victoriam partam, quam quoad mortem spontaneam glorioso filii facto; Strothius.

cæ; præmia illa tempestate militiæ haudquaquam spernenda.

XXXI. His ita rebus gestis, nec in Samnitibus adhuc, nec in Etruria pax erat: nam et, Perusinis auctoribus, post deductum ab consule exercitum rebellatum fuerat; et Samnites prædatum in agrum¹ vescinum formianumque, et parte alia in Æserninum², quæque Vulturno adjacent flumini, descendere: adversus eos Ap. Claudius prætor cum exercitu Deciano missus. Fabius in Etruria rebellante denuo quatuor millia et quingentos Perusianorum occidit: cepit ad mille septingentos quadraginta: qui redempti singuli æris trecentis decem; præda alia omnis militibus concessa. Samnitium legiones, quum partim Ap. Claudius prætor, partim L. Volumnius pro consule sequeretur, in agrum stellatam³ convenerunt: ibi et Samnitium legiones omnes considunt, et Appius Volumniusque castra conjungunt. Pugnatum infestissimis animis, hinc ira stimulante adversus rebellantes toties, illinc ab ultima jam dimicantibus⁴ spe: cæsa ergo Samnitium sexdecim millia trecenti, capta duo millia septingenti; ex romano exercitu cecidere duo millia septingenti. Felix annus bellicis rebus, pestilentia⁵ gravis, prodigiisque sollicitus: nam, et terram multifariam pluisse⁶, et in exercitu Ap. Claudii plerosque fulminibus ictos⁷,

CAP. XXXI. 1. *In agrum vescinum*; vide ad VIII, 11, n. 3. — *Formianum*; vide ad XXII, 16, n. 4.

2. *In æserninum agrum. Æsernia* apud Strabonem, et al. *Esernia*, hod. *Isernia*, seu *Sergna*, non longe a læva *Vulturni* ripa; vide ad Sil. VIII, 566. — *Quæque* pro vulg. *quæ* ex optimis MSS recepi exemplo Crev. et Stroth. Idem vel *qua* adjacet legendum putabat Gronov.

3. *In agrum stellatam*; vide ad IX, 44, n. 2.

4. *Illinc ab ultima jam spe dimicantibus* Samnitibus; confer ad I, 1, n. 5. — *Cæsa ergo Samnitium*, etc.; vide ad IX, 43, n. 8.

5. *Pestilentia gravis annus*; vide ad III, 6, n. 2 et 3.

6. *Terram multifariam pluisse*; vide ad I, 31, n. 1.

7. *Plerosque fulminibus ictos*; vide

nuntiaturum est : librique ob hæc aditi⁸. Eo anno Q. Fabius Gurges, consulis filius, aliquot matronas ad populum stupri damnatas pecunia mulctavit⁹: ex quo mulctatio ære Veneris ædem, quæ prope Circum est, faciendam curavit. Supersunt etiam nunc Samnitium bella¹⁰, quæ continua per quartum jam volumen, annumque sextum et quadragesimum, a M. Valerio, A. Cornelio consulibus, qui primi Samnio arma intulerunt, agimus: et ne tot annorum clades utriusque gentis laboresque actos nunc referam, quibus nequiverint tamen dura illa pectora vinci; proximo anno Samnites in sentinati¹¹ agro, Pelignis, ad Tifernum, stellatibus campis, suis ipsi legionibus, mixti alienis, ab quatuor exercitibus, quatuor ducibus romanis cæsi fuerant, imperatorem clarissimum¹² gentis suæ miserant; socios belli, Etruscos, Umbros, Gallos, in

ad cap. 13, n. 12. Itaque intemperies aeris, gravi tempestatum vi turbati, pestilentiam, seu febres epidemicas genuisse videtur.

8. *Librique ob hæc aditi*, scil. sibyllini. Conf. ad III, 10, n. 6.

9. *Matronas ad popul. stupri damnatas pecunia mulctavit*; vide ad lib. VII, cap. 16, n. 6, et lib. VIII, cap. 22, n. 2.

10. *Samnitium bella, quæ continua* (vide ad IV, 22, n. 4) *per quartum jam volumen* (inde a lib. VII, 32), *annumque XLVI a M. Valerio Corvo et A. Cornelio Cosso consulibus*, ab an. Urb. 412, quo hi consules fuere (ut passim *consules* pro consulatu, vel anno ejus; conf. ad XXI, 53, n. 3; XXXIX, 56, n. 3, et ad Tac. Ann. III, 52, n. 1), *agimus*, h. e. enarrando persequimur, describimus, exponimus, tractamus, ut apud Cic. Verr. I, 13; IV, 22. — *Annunquæ sextum et quadragesimum*. Intelligit Livius an-

num eum, quo L. Postumius et M. Atilius consules fuerunt, ut patet ex eo quod annum, quo *Samnites in Sentinati... cæsi fuerant*, id est, eum quo Fabius quintum, Decius quartum fuere consules, vocet paulo infra *proximum*, sive proxime præcedentem annum. Annus autem quo L. Postumius, M. Atilius consulatum gessere, est quidem ex calculo quem sequimur, septimus et quadragesimus samnitici belli, ob unum nimirum annum, quem Livius non videtur agnoscere, adjectum. En.

11. *Samnites in sentinati agro victos* tradidit Livius cap. 27 29, in *Pelignis* (h. e. eorum regione) *et ad Tifernum montem* c. 30, et in *stellatibus campis* hoc cap. 31. — *Et suis ipsi legionibus*, suis tantum viribus copiiisque usi ac freti, et *mixti cum alienis*, auxiliis aliorum populorum.

12. *Imperatorem clarissimum*, Gellium Egnatium; vide ad caput 29. —

eadem fortuna videbant, qua ipsi erant : nec suis, nec externis viribus jam stare poterant; tamen bello non abstinebant. Adeo ne infeliciter quidem defensæ libertatis tædebat : et vinci, quam non tentare victoriam, malebant. Quinam sit ille¹³, quem pigeat longinquitatis bellorum scribendo legendoque, quæ gerentes non fatigaverunt ?

XXXII. Q. Fabium, P. Decium, L. Postumius Megellus et M. Atilius Regulus consules sequuti sunt. Samnium ambobus decreta provincia est; quia tres scriptos hostium exercitus, uno Etruriam, altero populationes Campaniæ repeti, tertium tuendis parari finibus, fama erat. Postumium valetudo adversa Romæ tenuit : Atilius extemplo profectus, ut in Samnio hostes (ita enim placuerat Patribus) nondum egressos opprimeret. Velut ex composito ibi obvium¹ habuere hostem; ubi et intrare, nedum vastare, ipsi Samnitium agrum prohiberentur, et egredi inde in pacata, sociorumque populi romani fines Samnitem prohiberent. Quum castra castris collata essent, quod vix Romanus toties victor auderet, ausi Samnites sunt (tantum desperatio ultima² temeritatis facit) castra romana oppu-

Viribus jam stare; vide ad V, c. 44, n. 2.

¹³. *Quinam sit ille, quomodo esse et fingi aliquis possit, quem pigeat longinquitatis, diuturnitatis (ut IX, 24, 33) horum bellorum scribendo legendoque, qui ea vel scribens, vel legens fatigetur, quæ gerentes non fatigaverunt Samnites et Romanos? In edd. recentt. ante pigeat insertum non, quod ab antt. et MSS optimis abest. Expunxit illud Stroth.; at, si adsit, fortiorem fere antithesin esse putat: bella, quæ legentes fatigant, gerentes non fatigaverunt. Enimvero*

recte Doering. monet, Livium, bella Samnitium ulterius persequuturum, vereri, ne tedium tandem illorum longinquitas creet lectoribus, et hinc eorum benevolentiam hoc quasi epiphonemate captare : si bella gerentes non fatigati sunt, sane scribentes et legentes non fatigari debent.

CAP. XXXII. 1. *Ibi obvium habuere hostem, scil. Romani : vel et Romani et Samnites suum uterque exercitus hostem; Gronov. — In pacata loca; vide II, 59, n. 5, et VIII, 12, n. 11.*

2. *Desperatio ultima; vide ad III, 58, n. 11.*

spirandi recipiendique⁷ se dedit. Vociferari Decius, Quo fugerent? quamve in fuga spem haberent? obistere cedentibus, ac revocare fusos. Deinde, ut nulla vi percussos sustinere⁸ poterat, patrem P. Decium nomine compellans, « Quid ultra moror, inquit, fa-
« miliare fatum? Datum hoc nostro generi est, ut
« luendis periculis publicis piacula simus. Jam ego
« mecum hostium legiones mactandas Telluri ac diis
« Manibus dabo⁹. » Hæc loquutus M. Livium pontificem, quem, descendens in aciem, digredi vetuerat ab se, præire jussit verba, quibus se legionesque hostium pro exercitu populi romani Quiritium devoveret: devotus inde eadem precatione, eodemque habitu, quo pater P. Decius ad Vesperim bello latino se jusserat devoveri. Quum secundum solemnes precationes adjecisset, *præ se agere sese formidinem ac fugam, cædemque ac cruorem, cælestium¹⁰, inferorum iras; contacturum funebribus diris signa, tela, arma hostium; locumque eundem sucæ pestis et Gallorum ac Samnitium fore*: hæc exsecratus in se hostesque, qua confertissimam cernebat Gallorum aciem, concitat equum: inferensque se ipse infestis telis est interfectus.

XXIX. Vix humanæ inde opis videri pugna potuit. Romani, duce amisso, quæ res terrori alias esse solet, sistere fugam, ac novam de integro velle instaurare

7. *Respirandi recipiendique se*; vide ad VI, 24, n. 3.

8. *Percussos sustinere*, retinere. Cf. ad II, 44, n. 6.

9. *Jam ego mecum hostium legiones mactandas Telluri ac diis Manibus dabo... M. Livium pontificem... præire jussit verba*; vide V, 41, n. 4. — *Eodem habitu, quo pater P. Decius ad Vesperim*, etc.; conf. VIII, 8, n. 9. Decium patrem cum Latinis, filium

cum Etruscis, et nepotem cum Pyrrho decertantem se devovisse dicit Cicer. Tusc. Qu. I, 37, et Fin. II, 19. Alii de patre tantum filioque id tradunt, et ipse Cic. Parad. I, 3.

10. *Cælestium (et) inferorum (deorum) iras; contacturum... pestis Samnitium fore*; vide ad II, 5, n. 3, et II, 44, n. 5. — *Hæc exsecratus in se hostesque*; vide ad librum I, cap. 51, n. 1.

pugnam¹. Galli, et maxime globus circumstans consulis corpus, velut alienata mente, vana incassum jactare tela : torpere quidam, et nec pugnae meminisse, nec fugae. At ex parte altera pontifex Livius, cui lictores Decius tradiderat, jusseratque proprætorem² esse, vociferari, *vicisse Romanos, defunctos³ consulis fato. Gallos Samnitesque Telluris matris ac deorum Manium esse : rapere ad se ac vocare Decium devotam secum aciem ; furiarumque ac formidinis plena omnia ad⁴ hostes esse.* Superveniunt deinde his restituentibus pugnam L. Cornelius Scipio et C. Marcius, eum subsidiis ex novissima acie jussu Q. Fabii consulis ad præsidium collegæ missi. Ibi auditur P. Decii eventus, ingens hortamen ad omnia pro republica audenda : itaque quum Galli structis ante se scutis conferti starent, nec facilis pede collato⁵ videretur pugna,

CAP. XXIX. I. *Novam de integro instaurare pugnam*, ut XXXVII, 19. Conf. ad II, 36, n. 1. — *Velut alienata mente*, scil. a recta ratione, h. e. vesana, ut III, 48, n. 1, et XLII, 28 ext. — *Vana tela*, irrita, ut *vani ictus* XXXIV, 39, et *vanum teli genus*, non efficax, XXXI, 39.

2. *Jusseratque pro prætore esse*, vulgo *proprætorem*. Sed Livius amat dicere *pro prætore, pro consule, pro quæstore* (XLI, 10), *pro dictatore* : quæ passim recte restituerunt Gronov. et Drakenb. pro vulg. *proconsul*, etc., quæ tamen forma sæpe etiam in omnibus libris legitur, v. grat. XXIII, 31; XXXVII, 46; XXXIX, 29, al., et late defenditur a Manut. ad Cic. Ep. ad Div. I, 1.

3. *Defunctos consulis fato*; vide ad II, 35, n. 2. — Liberatos jam, nec quidquam amplius cælestibus inferisve diis debentes, post consulis mortem.

ED. — *Furiarumque*, ingentis terroris anxietatisque, ut apud Ciceronem, Mil. 33.

4. *Ad hostes esse*; vide ad II, 10, n. 10. — *Ex novissima acie*. Gellius credit Ciceronem verbis *novissimus* et *novissime*, tanquam non latinis, abstinuisse. Certatim tamen viros doctos eum erroris arguisse, et tria ex Cicerone loca quibus usus est, laudasse observavit J. Gronov. ad Gellium. Similiter *novissimus* sæpe apud Livium occurrit; II, 42, *invisum erat Fabium nomen plebi propter novissimum consulem*; cap. 52, *Volsci novissimos adoriantur*; III, 41, *perruptis ordinibus elati ad novissimam aciem*; XXII, 2, *jussit novissimos ire equites*; XXXI, 27, *revertentem in transitu fluminis a novissimo agmine adortus*; XLII, 57, *abeuntium novissimum agmen aggredierentur*. ED.

5. *Pede collato*; vide VI, 12, n. 7.

jussu legatorum collecta humi pila, quæ strata inter duas acies jacebant, atque in testudinem hostium coniecta. Quibus plerisque in scuta⁶, verutis in corpora ipsa fixis, sternitur cuneus⁷, ita ut magna pars integris corporibus attoniti conciderent: hæc in sinistro cornu Romanorum fortuna variaverat. Fabius in dextro primo (ut ante dictum est) cunctando⁸ extraxerat diem: deinde, postquam nec clamor hostium, nec impetus, nec tela missa, eandem vim habere visa; præfectis equitum jussis ad latus Samnitium circumducere alas, ut signo dato in transversos, quanto maximo possent impetu, incurrerent; sensim suos signa inferre jussit, et commovere hostem. Postquam non resisti vidit, et haud dubiam lassitudinem esse; tum, collectis omnibus subsidiis, quæ ad id tempus reserverat, et legiones concitavit, et signum ad invadendos hostes equitibus dedit: nec sustinuerunt Samnites impetum; præterque aciem ipsam Gallorum, relictis in dimicatione sociis, ad castra effuso cursu ferebantur. Galli, testudine facta⁹, conferti stabant; tum Fa-

— *Collecta humi*, forte ut apud Plin. VIII, 42; nisi leg. *collecta pila*, quæ humi strata, etc. Duk. et Drak. — *In testitudinem*; vido ad V, 5, n. 3.

6. *Quibus plerisque in scuta, verutis in corpora ipsa fixis*: sensus est, partem hæsisse in scutis, partem, quæ teretiore essent mucrone, et facilius penetrarent, *veruta* quippe, ipsa etiam corpora attingisse; Gronov. In 2 MSS optimis est *rarisque verutis*, in aliis et edd. antt. *plerisque in scuta, plerisque verutis*, etc.; unde Stroth. non male dedit *plerisque in scuta, rarisque verutis*, etc. Cæterum *verutum* (forte telum), vel *veru* parvi jaculi genus, et Samnitibus proprium, quod iis *ovāv* vocatum, et a quo ipsi Saunitæ,

Saunitæ, Samnites dicti feruntur; vid. Vegetium, II, 15; Lips. Pol. IV, 4, et Heynium ad Virgīlii *Æneida*, lib. VII, v. 665.

7. *Sternitur cuneus*; vide ad II, 50, n. 8.

8. *Cunctando extraxerat diem*; vid. ad IV, 43, n. 6. — *Exhauserat conj.* Gebhard., sed ne unum quidem exemplum attulit. *Verutis* XXVIII, 15, ad id sedulo diem extraxerat Scipio, ut sera pugna esset. Ut autem hic *cunctando extrahere*, ita *morando extrahere*; XXXVIII, 44, quum *Æmilius tempus eum morando extracturum diceret*. Ed.

9. *Testudine facta*; vide ad V, 5, n. 3, et V, 43, n. 2.

buis, audita morte collegæ, Campanorum alam, quingentos fere equites, excedere acie jubet, et circumvectos ab tergo gallicam invadere aciem: tertiæ deinde legionis subsequi principes, et, qua turbatum agmen hostium viderent impetu equitum, instare ac territos cædere. Ipse ædem Jovi Victori, spoliaque hostium quum vovisset, ad castra Samnitium perrexit; quo multitudo omnis consternata agebatur. Sub ipso vallo, quia tantam multitudinem portæ non recepere, tentata ab exclusis turba suorum pugna est: ibi Gellius Egnatius, imperator Samnitium, cecidit. Compulsi deinde intra vallum Samnites, parvoque certamine capta castra, et Galli ab tergo circumventi: cæsa eo die hostium viginti quinque millia¹⁰, octo capta; nec incruenta victoria fuit; nam ex P. Decii exercitu cæsa septem millia; ex Fabii mille ac ducenti. Fabius, dimissis ad quærendum collegæ corpus, spolia hostium conjecta in acervum Jovi Victori cremavit. Consul is corpus eo die, quia obrutum superstratis Gallorum cumulis erat, inveniri non potuit; postero die inventum relatumque est cum multis militum lacrymis. Intermissa inde omnium aliarum rerum cura, Fabius collegæ funus omni honore, laudibusque meritis celebrat.

XXX. Et in Etruria per eosdem dies ab Cn. Fulvio proprætore res ex sententia gesta; et, præter ingentem illatam populationibus agrorum hosti cladem, pugnatum etiam egregie est: Perusinorumque et Clusinorum cæsa amplius millia tria, et signa militaria ad viginti capta. Samnitium agmen, quum per pelignum agrum fugeret, circumventum a Pelignis est. Ex milibus quinque ad mille cæsi. Magna ejus diei^r, quo in

10. *Cæsa eo die hostium viginti quinque millia, etc.*; v. IX, 43, n. 8.

fama est, h. e. rerum, eo die gestarum, ingentiumque copiarum, quæ utrimque pugnarunt, etiam vero stan-

sentinati agro bellatum, fama est, etiam vero stanti. Sed superjecere quidam augendo fidem; qui in hostium exercitu peditum quadraginta millia trecentos triginta, equitum sex millia, mille carpentorum scripsere fuisse: scilicet cum Umbris Tuscisque, quos et ipsos pugnae adfuisse; et, ut Romanorum quoque auferent copias, L. Volumnium pro consule ducem consulibus, exercitumque ejus legionibus consulum adjiciunt: in pluribus annalibus duorum ea consulum propria victoria est. Volumnius in Samnio interim reserit, Samnitiumque exercitum, in Tifernum montem compulsum, non deterritus iniquitate loci, fundit fugatque. Q. Fabius, Deciano exercitu relicto in Etruria, suis legionibus deductis ad Urbem, de Gallis Etruscisque ac Samnitibus triumphavit. Milites triumphantem sequuti sunt; celebrata inconditis carminibus militaribus² non magis victoria Q. Fabii, quam mors præclara P. Decii est: excitataque memoria parentis, æquata³ eventu publico privatoque filii laudibus. Data ex præda militibus æris octogeni bini, sagaque et tuni-

ti, etiam apud eos scriptores, qui rei veritate acquiescunt, nec fidem excedunt. (Conf. III, 36, n. 11.) *Sed superjecere, excessere*, transgressi sunt, *quidam fidem augendo*, scilicet rem et numerum copiarum. Sic, quod Gronjam monuit, *paternas superjecisse laudes* plerique MSS pro vulg. *superasse* XXXVIII, 58; *superjacere beneficia parentum* dixit Sen. de Ben. III, 32; *hæc hyperbole est ementiens superjectio* Quintil. VIII, 6, et ὑπερᾶλλον τίθει τινὰ ταῖς μηχαναῖς, etc. apud Aristophanem in Avib. 367, in Plut. III, 2; Theophyl. in Matt. 24, et ὑπερβάλλειν passim. Mox post *affuisse* repetendum scripsere. — *Peditum quadraginta millia*, etc. Emendavit Sigon. quomodo

nunc habetur; dubitamus tamen, an locum persanaverit. Omnino aliquis in his numeris error esse videtur; neque enim satis apparet, cur hic, quem nunc libri præferunt, numerus fidem excedere Livio videretur, quum et c. præc. dixerit XXV millia hostium cæsa, octo capta; et ex cap. 26 supra colligi possit Romanos ipsos non pauciores fuisse quadraginta hominum millibus. Ed.

2. *Inconditis carminibus militaribus*; vide ad IV, 20, n. 1. — *Deficit in Pall. tribus τὸ carminibus*. Ed.

3. *Æquata eventu publico privatoque filii laudibus*, comparata tam quoad victoriam partam, quam quoad mortem spontaneam glorioso filii facto; Strothius.

cæ; præmia illa tempestate militiae haudquaquam spernenda.

XXXI. His ita rebus gestis, nec in Samnitibus adhuc, nec in Etruria pax erat: nam et, Perusinis auctoribus, post deductum ab consule exercitum rebellatum fuerat; et Samnites prædatum in agrum¹ vescinum formianumque, et parte alia in Æserninum², quæque Vulturno adjacent flumini, descendere: adversus eos Ap. Claudius prætor cum exercitu Deciano missus. Fabius in Etruria rebellante denuo quatuor millia et quingentos Perusianorum occidit: cepit ad mille septingentos quadraginta: qui redempti singuli æris trecentis decem; præda alia omnis militibus concessa. Samnitium legiones, quum partim Ap. Claudius prætor, partim L. Volumnius pro consule sequeretur, in agrum stellatam³ convenerunt: ibi et Samnitium legiones omnes considunt, et Appius Volumniusque castra conjungunt. Pugnatum infestissimis animis, hinc ira stimulante adversus rebellantes toties, illinc ab ultima jam dimicantibus⁴ spe: cæsa ergo Samnitium sexdecim millia trecenti, capta duo millia septingenti; ex romano exercitu cecidere duo millia septingenti. Felix annus bellicis rebus, pestilentia⁵ gravis, prodigiisque sollicitus: nam, et terram multifariam pluisse⁶, et in exercitu Ap. Claudii plerosque fulminibus ictos⁷,

CAP. XXXI. 1. *In agrum vescinum*; vide ad VIII, 11, n. 3. — *Formianum*; vide ad XXII, 16, n. 4.

2. *In ceserninum agrum. Æsernia* apud Strabonem, et al. *Esernia*, hod. *Isernia*, seu *Sergna*, non longe a læva *Vulturni* ripa; vide ad Sil. VIII, 566. — *Quæque* pro vulg. *quæ* ex optimis MSS recepi exemplo Crev. et Stroth. Idem vel *qua* adjacet legendum putabat Gronov.

3. *In agrum stellatam*; vide ad IX, 44, n. 2.

4. *Illinc ab ultima jam spe dimicantibus* Samnitibus; confer ad I, 1, n. 5. — *Cæsa ergo Samnitium*, etc.; vide ad IX, 43, n. 8.

5. *Pestilentia gravis annus*; vide ad III, 6, n. 2 et 3.

6. *Terram multifariam pluisse*; vide ad I, 31, n. 1.

7. *Plerosque fulminibus ictos*; vide

nuntiatum est : librique ob hæc aditi⁸. Eo anno Q. Fabius Gurges, consulis filius, aliquot matronas ad populum stupri damnatas pecunia mulctavit⁹ : ex quo mulctatio ære Veneris ædem, quæ prope Circum est, faciendam curavit. Supersunt etiam nunc Samnitium bella¹⁰, quæ continua per quartum jam volumen, annumque sextum et quadragesimum, a M. Valerio, A. Cornelio consulibus, qui primi Samnio arma intulerunt, agimus : et ne tot annorum clades utriusque gentis laboresque actos nunc referam, quibus nequiverint tamen dura illa pectora vinci; proximo anno Samnites in sentinati¹¹ agro, Pelignis, ad Tifernum, stellatibus campis, suis ipsi legionibus, mixti alienis, ab quatuor exercitibus, quatuor ducibus romanis cæsi fuerant, imperatorem clarissimum¹² gentis suæ amiserant; socios belli, Etruscos, Umbros, Gallos, in

ad cap. 13, n. 12. Itaque intemperies aeris, gravi tempestatum vi turbati, pestilentiam, seu febres epidemicas gessisse videtur.

8. *Librique ob hæc aditi*, scil. sibyllini. Conf. ad III, 10, n. 6.

9. *Matronas ad popul. stupri damnatas pecunia mulctavit*; vide ad lib. VII, cap. 16, n. 6, et lib. VIII, cap. 22, n. 2.

10. *Samnitium bella, quæ continua* (vide ad IV, 22, n. 4) *per quartum jam volumen* (inde a lib. VII, 32), *annumque XLVI a M. Valerio Corvo et A. Cornelio Cosso consulibus*, ab an. Urb. 412, quo hi consules fuere (ut passim *consules* pro consulatu, vel anno ejus; conf. ad XXI, 53, n. 3; XXXIX, 56, n. 3, et ad Tac. Ann. III, 52, n. 1), *agimus*, h. e. enarrando persequimur, describimus, exponimus, tractamus, ut apud Cic. Verr. I, 13; IV, 22. — *Annunquæ sextum et quadragesimum*. Intelligit Livius an-

num eum, quo L. Postumius et M. Atilius consules fuerunt, ut patet ex eo quod annum, quo *Samnites in Sentinati... cæsi fuerant*, id est, eum quo Fabius quintum, Decius quartum fuere consules, vocet paulo infra *proximum*, sive proxime præcedentem annum. Annus autem quo L. Postumius, M. Atilius consulatum gessere, est quidem ex calculo quem sequimur, septimus et quadragesimus samnitici belli, ob unum nimirum annum, quem Livius non videtur agnoscere, adjectum. Ed.

11. *Samnites in sentinati agro victos* tradidit Livius cap. 27 29, in *Pelignis* (h. e. eorum regione) *et ad Tifernum montem* c. 30, et in *stellatibus campis* hoc cap. 31. — *Et suis ipsi legionibus*, suis tantum viribus copiisque usi ac freti, et *mixti cum alienis*, auxiliis aliorum populorum.

12. *Imperatorem clarissimum*, Gellium Egnatium; vide ad caput 29. —

eadem fortuna videbant, qua ipsi erant : nec suis, nec externis viribus jam stare poterant; tamen bello non abstinebant. Adeo ne infeliciter quidem defensæ libertatis tædebat : et vinci, quam non tentare victoriam, malebant. Quinam sit ille ¹³, quem pigeat longinquitatis bellorum scribendo legendoque, quæ gerentes non fatigaverunt ?

XXXII. Q. Fabium, P. Decium, L. Postumius Megellus et M. Atilius Regulus consules sequuti sunt. Samnium ambobus decreta provincia est; quia tres scriptos hostium exercitus, uno Etruriam, altero populationes Campaniæ repeti, tertium tuendis parari finibus, fama erat. Postumium valetudo adversa Romæ tenuit : Atilius extemplo profectus, ut in Samnio hostes (ita enim placuerat Patribus) nondum egressos opprimeret. Velut ex composito ibi obvium ¹ habuere hostem; ubi et intrare, nedum vastare, ipsi Samnitium agrum prohiberentur, et egredi inde in pacata, sociorumque populi romani fines Samnitium prohiberent. Quum castra castris collata essent, quod vix Romanus toties victor auderet, ausi Samnites sunt (tantum desperatio ultima ² temeritatis facit) castra romana oppu-

Viribus jam stare; vide ad V, c. 44, n. 2.

¹³. *Quinam sit ille, quomodo esse et fingi aliquis possit, quem pigeat longinquitatis, diuturnitatis (ut IX, 24, 33) horum bellorum scribendo legendoque, qui ea vel scribens, vel legens fatigetur, quæ gerentes non fatigaverunt Samnites et Romanos? In edd. recentt. ante pigeat insertum non, quod ab antt. et MSS optimis abest. Expunxit illud Stroth.; at, si adsit, fortiolem fere antithesin esse putat: bella, quæ legentes fatigant, gerentes non fatigaverunt. Enimvero*

recte Doering. monet, Livium, bella Samnitium ulterius persequendum, vereri, ne tædium tandem illorum longinquitas creet lectoribus, et hinc eorum benevolentiam hoc quasi epiphonemate captare : si bella gerentes non fatigati sunt, sane scribentes et legentes non fatigari debent.

CAP. XXXII. 1. *Ibi obvium habuere hostem, scil. Romani : vel et Romani et Samnites suum uterque exercitus hostem; Gronov. — In pacata loca; vide II, 59, n. 5, et VIII, 12, n. 11.*

2. *Desperatio ultima; vide ad III, 58, n. 11.*

gnare : et quanquam non venit ad finem tam audax inceptum, tamen haud omnino vanum fuit. Nebula erat ad multum diei densa adeo, ut lucis usum eriperet, non prospectu modo extra vallum adempto, sed propinquo etiam congregantium inter se conspectu. Hac velut latebra insidiarum freti Samnites, vixdum satis certa luce, et eam ipsam premente caligine³, ad stationem romanam in porta segniter agentem vigiliis perveniunt : improviso oppressis nec animi satis ad resistendum, nec virium fuit. Ab tergo castrorum decumana⁴ porta impetus factus ; itaque captum quæstorium : quæstorque ibi L. Opimius Pansa occisus ; conclamatum inde ad arma.

XXXIII. Consul, tumultu excitus, cohortes duas sociorum¹, Lucanam Suessanamque, quæ proximæ forte erant, tueri prætorium jubet² : manipulos legionum principali via inducit. Vixdum satis aptatis armis, in ordines eunt : et clamore magis, quam oculis, hostem noscunt : nec, quantus numerus sit, æstimari potest. Cedunt primo incerti fortunæ suæ, et hostem introrsum in media castra accipiunt. Inde quum consul vociferaretur, *expulsine extra vallum, castra*

3. *Eam ipsam lucem premente caligine*; vide ad XXIX, 27, n. 6. — *Ad stationem Romanorum*, etc. Ex hoc loco, et cap. 33; XXV, 38, aliisque Schelius ad Polyb. cap. 2 adversus Lipsium probat, *stationes* etiam nocturnas fuisse.

4. *Ab tergo castrorum decumana porta* itaque captum quæstorium. — Quæstoris tabernaculum, et ejus apparatus copiisque destinata sedes. Polyb. lib. VI quæstorium locat juxta prætorium in fronte castrorum : at ex hoc loco, et quibusdam aliis Lipsius colligit lib. V de Milit. rom. dial. 3

quæstorium primis temporibus fuisse in inferiore castrorum parte. Vide ad III, 5, n. 3. ED.

CAP. XXXIII. 1. *Cohortes duas sociorum, Lucanam Suessanamque, ut turma lucana XXII, 42; Peligna XXV, 14; Placentina et Æsernina XLIV, 40; cohortes Marrucina, Peligna, Firmana, Festina, Cremonensis XLIV, 40.*

2. *Tueri prætorium jubet . . . principali via*; vide ad III, 5, n. 3, et VII, 12, n. 6. — *Quum consul vociferaretur . . . rogans* : Duk. suspectum est *rogans*, quia, quum apud Livium,

deinde sua oppugnaturi essent, rogitans; clamore sublato connisi primo resistunt: deinde inferunt pedem, urgentque, et impulsos semel terrore eodem agunt, quo coeperunt. Expellunt extra portam vallumque: inde pergere ac persequi (quia turbida lux metum circa insidiarum faciebat) non ausi, liberatis castris contenti, receperunt se intra vallum trecentis ferme hostium occisis. Romanorum stationis primæ, vigillumque, et eorum, qui circa quæstorium oppressi, periere ad ducentos triginta. Animos inde Samnitibus non infelix audacia auxit; et non modo proferre inde castra³ Romanum, sed ne pabulari quidem per agros suos, patiebantur: retro in pacatum soranum agrum pabulatores ibant. Quarum rerum fama, tumultuosior etiam, quam res erant, perlata Romam, coegit L. Postumium consulem, vixdum validum⁴, proficisci ex Urbe. Prius tamen, quam exiret, militibus edicto Soram jussis convenire, ipse ædem Victoriæ⁵, quam ædilis curulis ex mulctaticia pecunia faciendam curaverat, dedicavit. Ita ad exercitum profectus, ab Sora in Samnium ad castra collegæ perrexit: inde postquam Samnites, diffisi duobus exercitibus resisti posse, recesserunt, diversi⁶ consules ad vastandos agros urbesque oppugnandas discedunt.

tam apud alios, verbo *vociferari* nihil aliud additur, nec addi necesse est. Et quidem *rogitans* in uno Lovel. 4 deficit; servantibus vero aliis, e contextu ejicere non sustinuimus. Ed.

3. *Proferre inde castra*; vid. ad IV, 9, n. 7.

4. *L. Postumium cos. vixdum validum*; vide ad III, 8, n. 1.

5. *Ædem Victoriæ, quam ædilis curulis... dedicavit*; confer ad I, 55, n. 3. Supra hujus ædilitatis nulla mentio fit: est enim hoc Livio familiare,

ut magistratus alicujus gesti, aut legis latæ (v. c. Oppiæ, quam abrogatam tantum refert XXXIV, 1 sq.), aut rei, non anno illo, quo de ea actum est, verum multos post annos (data occasione *ὡς ἐν πάροδῳ*) mentionem inferat; Sigon. Cf. IV, 30, n. 9; IX, 12, n. 4; IX, 28, n. 2; XXXVIII, 10, n. 4; Periz. Anim. hist. cap. 4, p. 160 sq.

6. *Diversi consules ad vast. agros urbesque oppugnandas discedunt*; vid. ad III, 60, n. 1.

XXXIV. Postumius Milonium¹ oppugnare adortus vi primo atque impetu, dein, postquam ea parum procedebant, opere ac vineis denum junctis muro cepit: ibi, capta jam urbe, ab hora quarta usque ad octavam fere horam² omnibus partibus urbis diu incerto eventu pugnatum est; postremo potitur oppido Romanus. Samnitium cæsi tria millia ducenti: capti quatuor millia ducenti, præter prædam aliam. Inde Ferentinum³ ductæ legiones: unde oppidani cum omnibus rebus suis, quæ ferri agique⁴ potuerunt, nocte per aversam portam silentio excesserunt. Igitur, simul advenit consul, primo ita compositus instructusque moenibus successit, tanquam idem, quod ad Milonium fuerat, certaminis foret: deinde, ut silentium vastum⁵ in urbe, nec arma, nec viros in turribus ac muris vidit, avidum invadendi deserta moenia militem detinet, ne quam occultam in fraudem incautus rueret. Duas turmas sociorum latini nominis⁶ circum-equitare moenia, atque explorare omnia jubet: equites portam unam alteramque eadem regione in propinquo patentem conspiciunt, itineribusque iis⁷ vestigia nocturnæ hostium fugæ. Adequant deinde sensim per-

CAP. XXXIV. 1. *Miloniam*; vide ad X, 3, n. 6. — *Opere*; vide ad V, 22, n. 6.

2. *Ab hora quarta usque ad octavam fere horam*, ut XLIV, 37, nisi ultima vox delenda. Confer tamen ad I, 3, n. 8.

3. *Inde Ferentinum ductæ legiones*: quod oppidum, sive sit Latii, sive Etruriæ, non habet hic locum: sed et mirifice variant scripti: *Feritrum*, *Feritorium*, *Foretrium*, *Feretrum*: unde suspicor *Treventinum*; Gron. *Treven-tum*, seu *Triventium* oppidum Samnii (hod. *Trivento*) ad fines Frentanorum

et *Trinium* flumen, nunc *Trigno*: unde *Treventinates*; vide Plin. III, 12, et Frontin. *Forentum* minus apte conj. Doujat.

4. *Quæ ferri agique potuerunt*; v. ad III, 37, n. 4. — *Per aversam portam*; vide ad III, 5, n. 3.

5. *Silentium vastum*, ingens, altum, horrendum: vel quale in loco vasto, h. e. deserto, esse solet. Confer ad III, 7, n. 1.

6. *Sociorum latini nominis*; vid. ad I, 10, n. 2.

7. *Itineribusque iis*, viis ex illis portis ducentibus; Doer.

tis, urbemque ex tuto rectis itineribus perviam conspiciunt : ad consulem referunt, excessum urbe; solitudine haud dubia id perspicuum esse, recentibus vestigiis fugæ, ac strage rerum in trepidatione nocturna passim relictarum. His auditis, consul ad eam partem urbis, qua adierant equites, circumducit agmen : constitutisque haud procul porta signis, quinque equites jubet intrare urbem; et, modicum spatium progressos, tres manere eodem loco, si tuta videantur; duos explorata ad se referre. Qui ubi redierunt, retuleruntque eo se progressos, unde in omnes partes circumspectus esset, longe lateque silentium ac solitudinem vidisse, extemplo consul cohortes expeditas in urbem induxit; cæteros interim castra communitate jussit. Ingressi milites, refractis foribus, paucos graves ætate aut invalidos inveniunt, relictaque, quæ migratu⁸ difficilia essent : ea direpta; et cognitum ex captivis est, communi consilio aliquot circa urbes conscisse⁹ fugam; suos prima vigilia profectos. Credere, eandem in aliis urbibus solitudinem inventuros : dictis captivorum fides exstitit; desertis oppidis consul potitur.

XXXV. Alteri consuli M. Atilio nequaquam tam facile bellum fuit. Quum ad Luceriam duceret legiones, quam oppugnari ab Samnitibus audierat, ad finem lucerinum¹ ei hostis obvius fuit : ibi ira vires æquavit. Prælium varium et anceps fuit : tristius tamen eventu Romanis; et quia insueti erant vinci, et quia digredientes magis, quam in ipso certamine, senserunt, quantum in sua parte plus vulnorum ac cædis fuisset. Itaque is terror in castris ortus, qui si pugnantes cepisset, insignis accepta clades foret. Tum

8. Quæ migratu difficilia essent; conscisse fugam; vide ad IV, 4, n. 6.
vide ad V, 25, n. 4.

CAP. XXXV. 1. Ad finem lucerinum; vide ad IV, 58, n. 2.

9. Communi consilio aliq. c. urbes

quoque sollicita nox fuit jam invasurum castra Samnitem credentibus, aut prima luce cum victoribus conserendas manus. Minus cladis ², cæterum non plus animorum, ad hostes erat : ubi primum illuxit, abire sine certamine cupiunt. Sed via una, et ea ipsa præter hostes, erat : qua ingressi, præbuere speciem recta tendentium ad castra oppugnanda. Consul arma capere milites jubet, et sequi se extra vallum : legatis, tribunis, præfectis sociorum imperat, quod apud quemque facto opus est. Omnes affirmant, *se quidem omnia facturos, sed militum jacere* ³ *animos : tota nocte inter vulnera et gemitus morientium vigilatum esse : si ante lucem ad castra ventum foret, tantum pavoris fuisse, ut relicturi signa fuerint : nunc pudore a fuga contineri ; alioquin pro victis esse* ⁴. Quæ ubi consul accepit, sibimet ipsi circumeundos alloquendosque milites ratus, ut ad quosque venerat, cunctantes arma capere increpabat ; *Quid cessarent tergiversarenturque ? Hostem in castra venturum, nisi illi extra castra existissent, et pro tentoriis suis pugnaturos, si pro vallo nollent. Armatis ac dimicantibus dubiam* ⁵ *victoriam esse ; qui nudus atque inermis hostem maneat, ei aut mortem, aut servitutem patiendam. Hæc jurganti increpantique respondebant : Confectos se pugna hesternâ esse : nec virium quidquam, nec sanguinis*

2. Minus cladis...ad hostes erat ; vide ad II, 10, n. 10. Mox pro qua (sc. via, vel parte, nempe præter hostes, viam) ingressi in multis libris antt. quam ingressi. — Hoc usitatus est, et m potuit interciderere ob sequens in ; nec tamen alterum rejici debet. Cicer. Somn. Scip. cap. 8, a pueritia ingressus vestigiis patris tuisque ; de Finib. V, 11, quacumque ingredimur ; de Senect. cap. 2, tanquam aliquam

viam longam confeceris, qua nobis quoque ingrediendum est. Ed.

3. Sed militum jacere animos, demissos, abjectos, imminutos esse : unde erigere animum dicitur.

4. Alioquin pro victis esse ; vide ad II, 7, n. 4.

5. Armatis ac dimicantibus dubiam victoriam esse, Martem communem esse, et non omnem victoriæ spem sublatam : qui nudus atque inermis,

superesse : majorem multitudinem hostium apparere, quam pridie fuerit. Inter hæc appropinquabat agmen; et, jam brevior intervallo certiora intuentes, vallum secum portare Samnitum affirmant, nec dubium esse, quin castra circumvallaturi sint. Tunc, *enimvero*⁶, consul, *indignum facinus esse, vociferari, tantam contumeliam ignominiamque ab ignavissimo accipi hoste.* « Etiamne circumsedebimur, inquit, in castris, ut « fame potius per ignominiam, quam ferro, si necesse « est, per virtutem, moriamur? » *Dii bene verterent, facerentque*⁷, *quod se dignum quisque ducerent. Consulem M. Atilium vel solum, si nemo alius sequatur, iturum adversus hostes: casurumque inter signa Samnitium potius, quam circumvallari castra romana videat.* Dicta consulis legati, tribunique, et omnes turmae equitum, et centuriones primorum ordinum, approbavere. Tum pudore victus miles segniter arma capit, segniter e castris egreditur: longo agmine, nec continenti, moesti ac prope victi procedunt adversus hostem, nec spe, nec animo certiores⁸. Itaque simul conspecta sunt romana signa, extemplo a primo Samnitium agmine ad novissimum fremitus perfertur, *Exire, id quod timuerint, ad impediendum iter Ro-*

MSS Pall. *iners*, et hoc probant opposita: nam *nudus* respondet *armatis*, et *iners* *dimicantibus*; Gron. Conf. ad III, 19, n. 9.

6. *Tunc, enimvero, consul, etc.*; v. ad I, 51, n. 5.

7. *Dii bene verterent, facerentque, etc.* « Copula ineptam videtur reddere sententiam: *dii bene verterent*, et *facerent, quod quisque* eorum, sc. deorum, *se dignum ducerent.* Legerem: *dii bene verterent; facerent milites, quod, etc.* » Duk. Recte, opinor, aut leg. *quod dii bene verterent, facerent, quod, etc.*

Drak. — *Centuriones prim. ordinum.* Hos qui et nonnunquam *primi ordines* appellantur, intelligit Lipsius *primipilum*, primum principem, primum hastatum: sive centuriones *primi triariorum ordinis*, *primi principum*, *primi hastatorum.* Vid. ad lib. II de Mil. rom. dialog. 8. Ed.

8. *Adversus hostem, nec spe, nec animo certiores*, firmiorem fortio-
que. Conf. Duk., Gron. Diat. in Stat. p. 415, et Intpp. Cic. ad Att. X, 11, et pro Quint. 24; Heyn. ad Virg. Æn. IX, 249.

manos : nullam inde ne fugæ quidem patere viam : illo loco aut cædendum esse, aut, stratis hostibus, per corpora eorum evadendum.

XXXVI. In medio¹ sarcinas conjiciunt; armati suis quisque ordinibus instruunt aciem. Jam exiguum inter duas acies erat spatium, et stabant exspectantes, dum ab hostibus prius impetus, prius clamor inciperet. Neutris animus est ad pugnandum : diversique integri² atque intacti abissent, ni cedenti instaturum alterum timuissent. Sua sponte inter invitos tergiversantesque segnis pugna, clamore incerto atque impari³, coepit : nec vestigio quisquam movebatur. Tum consul romanus, ut rem excitaret, equitum paucas turmas extra ordinem immisit : quorum quum plerique delapsi ex equis essent, et alii turbati; et ab Samnitium acie ad opprimendos eos, qui ceciderant, et ad suos tuendos ab Romanis procursum est. Inde paululum irritata pugna est; sed aliquanto et impigre magis, et plures procurrerant Samnites, et turbatus eques sua ipse subsidia territis equis proculcavit. Hinc fuga coepta totam avertit aciem romanam : jamque in terga fugientium Samnites pugnabant, quum consul, equo prævectus ad portam castrorum, ac statione equitum ibi opposita⁴, edictoque, *ut, quicumque ad vallum tenderet, sive ille Romanus, sive Samnis esset, pro hoste haberent*; hæc ipsa minitans, obstitit profuse tendentibus suis in castra. « Quo pergis, inquit,

CAP. XXXVI. 1. *In medio sarcinas conjiciunt*, forte *in medium*, ut paulo post, et XXVIII, 2; vel *in unum* III, 28; Gronovius.

2. *Diversique integri a. i. abissent*; vide ad III, 60, n. 1. — *Tergiversantesque segnis pugna*; *segnis*, octo codd. pessime. Supra III, 63, *incorpore si-*

cubi segnior pugna esset. Ita segne bellum, prælium; X, 12, *segne bellum, et simile prioris anni militiæ*; XXII, 48, *consertum prælium erat, segne primo, et a panica captum fraude*. Ed.

3. *Clamore incerto atque impari*; conf. IV, 37 extr.

4. *Statione equitum ibi opposita ad-*

« miles? et hic arma et viros invenies; nec, vivo consule tuo, nisi victor castra intrabis. Proinde elige, cum cive, an hoste, pugnare malis. » Hæc dicente consule, equites infestis cuspidibus circumfunduntur, ac peditum in pugnam redire jubent. Non virtus solum consulem, sed fors etiam adjuvit; quod non institerunt Samnites, spatiumque circumagendi signa, vertendique aciem a castris in hostem fuit. Tum alii alios hortari, ut repeterent pugnam: centuriones ab signiferis rapta signa inferre; et ostendere suis, paucos et ordinibus incompositis effuse venire hostes. Inter hæc consul, manus ad cælum attollens, voce clara, ita ut exaudiretur, templum Jovi Statori⁵ vovet, si constitisset a fuga romana acies, redintegratoque prælio cecidisset, vicissetque legiones Samnitium. Omnes undique adnisi ad restituendam pugnam, duces, milites, peditum equitumque vis: numen etiam deorum respexisse nomen romanum visum: adeo facile inclinata res, repulsique a castris hostes: mox etiam redacti ad eum locum, in quo commissa pugna erat. Ibi, objacente sarcinarum cumulo, quas conjecerant in medium, hæserè impediti: deinde, ne diriperentur res, orbem armatorum sarcinis circumdant⁶. Tum vero eos a fronte urgere pedites, ab tergo circumvecti equites: ita in medio cæsi captique: captivorum numerus fuit septem millium ac ducentorum⁷, qui omnes nudi sub jugum missi; cæsos retulere ad quatuor

verus hostem, ut XXX, 19; vel ut passim stationem opponere pro castris pro ponere ante castra. Conf. ad VI, 23, n. 6; XXIII, 29, n. 3; XXIV, 39, n. 1, et Intp. Virg. Æn. II, 333.

5. Templum Jovi Statori vovet, etc., exemplo Romuli. Cf. ad I, 12, n. 5. — Inclinata res; conf. IX, 12, n. 2.

6. Orbem armatorum sarcinis circumdant: vox sarcinis, quæ modo præcessit, f. delenda, et e marg. irrepit.

7. Captivorum numerus fuit septem millium ac ducentorum, ut paulo post et XXII, 46, al. Alii septem millia ac trecenti. Cf. ad IX, 43, n. 8. — Nudi sub jug. missi; v. III, 19, n. 9.

millia octingentos. Ne Romanis quidem læta victoria fuit; recensente consule biduo acceptam cladem, amissorum militum numerus relatus septem millium ac ducentorum. Dum hæc in Apulia gerebantur, altero exercitu Samnites Interamnam⁸, coloniam romanam, quæ via latina est, occupare conati, urbem non tenuerunt: agros depopulati quum prædam aliam inde mixtam hominum atque pecudum, colonosque captos agerent, in victorem incidunt consulem, ab Luceria redeuntem: nec prædam solum amittunt, sed ipsi longo atque impedito agmine⁹ incompositi cæduntur. Consul, Interamnam edicto dominis ad res suas noscendas recipiendasque revocatis, et exercitu ibi relicto, comitiorum causa Romam est profectus. Cui de triumpho agenti negatus honos, et ob amissa tot millia militum, et quod captivos sine pactione sub jugum misisset¹⁰.

XXXVII. Consul alter Postumius, quia in Samnitibus materia belli deerat, in Etruriam traducto exercitu¹, primum pervastaverat volsiniensem agrum: dein cum egressis ad tuendos fines haud procul mœnibus ipsorum depugnat: duo millia octingenti Etru-

8. *Interamnam* (seu *Interamnas*), coloniam romanam (conf. IX, 28), quæ in *via latina est* (vide ad II, 39, n. 3), in Latio: nam aliud opp. ejusdem nominis in Umbria, aliud in Piceno fuit. Conf. ad Tacit. Annal. I, 79, n. 3.

9. *Impedito agmine*; vid. ad V, 16, n. 2. — *Ad res suas noscendas rec.* (vide ad III, 10, n. 1) *revocatis*, qui forte, quum hoste ingruente diffugissent, nondum ad sedes suas redierant: nisi dictum pro simpl. *vocatis*; aut legendum *evocatis*; Duk.

10. *Quod captivos sine pactione sub*

jugum misisset: vox sine perperam omisa in edd. Ernest. 1 et Stroth. — Nempe sub jugum missi liberabantur, et abire sinebantur. Id ergo indignatur Patres, tot captivos ita remissos esse, ut nihil inde commodi republica recepisset. Ed.

CAP. XXXVII. 1. *In Etruriam traducto exercitu*: præpositio in abest a multis optimisque MSS. Sic *navigare Ægyptum* XLV, 10; *Peloponnesum proficiscuntur* XLII, 44, 5, et similia XXXII, 16; XXXVI, 42; XXXVII, 31, 33; XLV, 11, 12; vide ad Tacit. Ann. I, 5, n. 2, et supra ad VIII, 1,

scorum cæsi; cæteros propinquitas urbis tutata est. In rusellanum agrum exercitus traductus; ibi non agri tantum vastati, sed oppidum etiam expugnatum: capta amplius duo millia hominum², minus duo millia circa muros cæsa. Pax tamen clarior majorque, quam bellum in Etruria eo anno fuerat, parta est: tres validissimæ urbes, Etruriæ capita, Volsinii, Perugia, Arretium, pacem petiere; et, vestimentis militum, frumentoque pacti cum consule, ut mitti Romam oratores liceret, inducias in quadraginta annos impetraverunt. Mulcta præsens³ quingentum millium æris in singulas civitates imposita. Ob hasce res gestas consul quum triumphum ab senatu, moris magis causa, quam spe impetrandi, petisset, videretque alios, quod tardius ab Urbe exisset, alios, quod injussu senatus ex Samnio in Etruriam transisset, partim suos inimicos, partim collegæ amicos, ad solatium æquatæ repulsæ⁴ sibi quoque negare triumphum: « Non ita, inquit, Patres « conscripti, vestræ majestatis meminero, ut me con- « sulem esse obliviscar. Eodem jure imperii, quo bella « gessi, bellis feliciter gestis, Samnio atque Etruria « subactis, victoria et pace parta, triumphabo. » Ita senatum reliquit. Inde inter tribunos plebis contentio orta: pars intercessuros, ne novo exemplo triumpharet⁵, aiebant; pars auxilio se adversus collegas triumphanti futuros. Jactata res ad populum est⁶: vocatusque eò consul, quum M. Horatium, L. Valerium

1; Drakenb. ad X, 37, n. 1; XXVIII, 45, n. 8; XXXIII, 41, n. 6.

2. *Amplius duo millia hominum, minus duo, etc.*; vide III, 64, n. 5.

3. *Mulcta præsens*; v. I, 12, n. 6.

4. *Ad solatium æquatæ repulsæ*, ut ipse eandem, quam collega ejus (vide cap. 36 extr.), repulsam ferret,

vel ei quoque honor triumphî petitus negaretur, idque collegæ ejus solatio esset.

5. *Ne novo exemplo triumpharet*, sine auctoritate senatus, et sine jussu populi.

6. *Jactata res ad populum est*; vide ad III, 10, n. 2.

consules, C. Martium Rutilum nuper, patrem ejus, qui tunc censor esset, non ex auctoritate senatus, sed jussu populi triumphasse⁷ diceret, adjiciebat, *se quoque laturum fuisse ad populum, ni sciret, mancipia nobilium tribunos⁸ plebis legem impedituros: voluntatem sibi ac favorem consentientis populi pro omnibus jussis esse ac futura.* Posteroque die auxilio tribunorum plebis trium, adversus intercessionem septem tribunorum, et consensum senatus, celebrante populo diem, triumphavit. Et hujus anni⁹ parum constans memoria est. Postumium, auctor est Claudius¹⁰, in Samnio captis aliquot urbibus, in Apulia fuscum fugatumque, saucium ipsum cum paucis Luceriam compulsus: ab Atilio in Etruria res gestas, eumque triumphasse. Fabius, ambo consules¹¹ in Samnio et ad Luceriam res gessisse, scribit, traductumque in Etruriam exercitum (sed ab utro consule non adjecit), et ad Luceriam utrimque multos occisos: inque ea pugna Jovis Statoris ædem votam, ut Romulus ante voverat; sed fanum tantum¹², id est, locus, tem-

7. *M. Horatium... triumphasse*; v. III, 63, et VII, 17. — *Patrem ejus, qui tunc (forte nunc) censor esset*; vide X, 47. Mox *id* ante *ad populum* supplendum, vel exiit.

8. *Mancipia nobilium tribunos pl.*; vide ad II, 10, n. 6.

9. *Et hujus anni*, etiam hujus; ut superioris, de quo vide cap. 30. — *Memoria, historia.*

10. *Auctor est Claudius* (vide ad II, 58, n. 1, et VI, 42, n. 4).... *ab Atilio in Etruria*, etc. Fasti utrumque tradunt. Cf. Pigh. *Annal.* ad an. 459, et Periz. *Anim. hist. c.* 4, p. 216.

11. *Fabius ambo* (al. *ambos*) *consules*.... *scribit*; vide ad I, 44, n. 5.

12. *Sed fanum tantum, id est, lo-*

cus templo effatus, sacratus (al. *jam sacratus*) *fuerat*; vide ad I, 55, n. 3. Totum hoc *id est*.... *sacratus* glossæ speciem habere, saltem *sacratus* esse glossema τὸν *effatus*, non male suspicabatur Stroth. Forte etiam legendum *hanc Romulus ante voverat* (vide ad I, 12, n. 5): *sed fanum tantum*.... *fuerat hactenus. Hoc demum anno, etc.* Facile ut ex *hæ* (h. e. *hanc*), et ceterum ex *hactenus* oriri potuit. — *Fanum* igitur et *ædes*, si proprie omnino loquerentur, sic differebant, ut *fanum* esset area nuda, et solum alicui deo consecratum; *ædes* ipsum ædificium. Hinc *Fest.*, *sistere fanam quum in condenda urbe dicitur, significat locum in oppido futurorum sanorum constituere.* *En.*

plo effatus, sacratus fuerat. Cæterum, hoc demum anno, ut ædem etiam fieri senatus juberet, bis ejusdem voti damnata¹³ republica, in religionem venit.

XXXVIII. Sequitur hunc annum¹ et consul insignis, L. Papirius Cursor, qua paterna gloria, qua sua, et bellum ingens victoriaque, quantam de Samnitibus nemo ad eam diem, præter L. Papirium patrem consulis, pepererat: et forte eodem conatu apparatuque omni opulentia² insignium armorum bellum adorna-
verant; et deorum etiam adhibuerant opes, ritu quodam sacramenti vetusto velut initiatis militibus, delectu per omne Samnium habito³ nova lege: ut, qui juniorum non convenisset ad imperatorium edictum, quique injussu abisset, caput Jovi sacratum esset. Tum exercitus omnis Aquiloniam est indictus: ad quadraginta millia militum, quod roboris in Samnio erat, convenerunt. Ibi mediis fere castris locus est consep-
tus cratibus pluteisque, et linteis contactus, patens ducentos maxime pedes in omnes pariter partes. Ibi ex libro vetere linteo⁴ lecto sacrificatum, sacerdote

13. *Bis ejusdem voti damnata republica*, voti solutionem debente; vide ad V, 25, n. 2. Ed. — *Republica pro vulg. respublica in rel. venit* reposui cum Gronov. qui bene monet, sensum esse: postquam jam bis respub. voto Jovi Statori factio servata erat, visum est senatui ad religionem pertinere, vel religionem postulare, ut justa ædes tam facili deo conderetur; cf. XXII, 33, et ad II, 5, n. 4. Recte quidem dicitur *resp. in religionem venit* (saltem *res in religionem venit* XXII, 33, et apud Cicero. de Nat. Deor. II, 4), sed minus recte *respub. in relig. venit, ut senatus*, etc.; Doer.

CAP. XXXVIII. 1. *Sequitur hunc annum et consul.... et bellum*, etc.,

h. e. annus, quo et consul fuit insignis, et bellum, etc. Confer ad c. 31, n. 10. — *L. Papirius*, etc.; conf. ad IX, 16, n. 8. — *Qua. .qua*; vide ad II, 35, n. 3.

2. *Opulentia insignium armorum*, etc., ut olim; vide IX, 40.

3. *Delectu per omnium Samnium habito nova lege, sacrata, ut, qui*, etc.; confer IX, 39, et ad II, 8, n. 3; IV, 26, n. 2. — *Pluteisque*. Plutei, aut Festus, sunt vel crates corio crudo intentæ, vel tabule quibus quid præsepitur. Ed.

4. *Ex libro vetere linteo*, qualibus libris etiam Romani olim utebantur. Cf. ad IV, 7, n. 7. — *Libro...lecto*, qui lectus fuerat, nampe ab illo Ovio

Ovio Pactio quodam, homine magno natu, qui se id sacrum petere affirmabat ex vetusta Samnitium religione⁵; qua quondam usi majores eorum fuissent, quum adimendæ Etruscis Capuæ clandestinum cepissent consilium. Sacrificio perfecto, per viatorem imperator⁶ acciri jubebat nobilissimum quemque genere factisque : singuli introducebantur. Erat quum alius apparatus sacri, qui perfundere religione animum posset; tum in loco circa omni contecto⁷ aræ in medio, victimæque circa cæsæ, et circumstantes centuriones strictis gladiis. Amovebatur altaribus miles, magis ut victima, quam ut sacri particeps : adigebaturque jurejurando, quæ visa auditaque in eo loco essent, non enuntiaturum. Dein jurare cogebatur diro quodam carmine⁸, in execrationem capitis familiæque et stirpis composito, nisi isset in prælium, quo imperatores duxissent; et si aut ipse ex acie fugisset, aut, si quem fugientem vidisset, non extemplo occidisset. Id primo quidam abnuentes juraturos se, obtruncati circa altaria sunt : jacentes deinde inter stragem victimarum documento cæteris fuere, ne abnuerent. Primoribus Samnitium ea detestatione obstrictis, decem nominatis ab imperatore, eis dictum⁹, ut vir

Pactio, qui sacerdos hujus sacri fuit. Posset ultima vox abesse sine sensus dispendio, et quidem eam ignorat Hearnii Oxoniens. L. I. ED.—*Sacerdote*, sacrum faciente, et *id sacrum pro*; hujus sacri administrationem; Strothius.

5. *Vetusta Samnitium religione; qua quondam usi majores eorum fuissent, quum adimendæ Etruscis Capuæ*, etc.; vide IV, 37; VII, 38.

6. *Per viatorem imperator*, etc.; vide ad II, 56, n. 10.

7. *In loco circa omni contecto*, se.

linteis-velis (ut supra), *aræ*, etc. Forte *ara* ex Festo : « Legio Samnitium linteata appellata est, quod Samnites intrantes singuli ad aram, velis linteis circumdatam, non cessuros se romano militi juraverunt. »

8. *Diro quodam carmine* (vide ad I, 24, n. 9), *in execrationem... composito*, quo dira imprecabatur in caput suum, familiæque, *nisi isset*, etc.

9. *Primoribus Samnitium... decem nominatis ab imperatore, eis dictum*, etc. Locum hunc ad marginem codicis sui ita legendum conjecit Perizonius :

virum legerent, donec sexdecim millium numerum confecissent : ea legio linteata ab integumento concepti¹⁰, quo sacrata nobilitas erat, appellata est; his arma insignia data¹¹, et cristatæ galeæ, ut inter cæteros eminent. Paulo plus viginti millium alius exercitus fuit, nec corporum specie, nec gloria belli, nec apparatu linteatæ legioni dispar; hic hominum numerus, quod roboris erat, ad Aquiloniam consedit.

XXXIX. Consules profecti ab Urbe : prior Sp. Carvilius, cui veteres legiones, quas M. Atilius, superioris anni consul, in agro Interamnati reliquerat, decretæ erant, cum eis in Samnium profectus, dum hostes, operati superstitionibus¹, concilia secreta agunt, Amiternum oppidum de Samnitibus vi cepit; cæsa ibi millia hominum duo ferme atque octingenti : capta quatuor millia ducenti septuaginta. Papirius novo exercitu (ita decretum erat) scripto, Duroniam urbem expugnavit; minus, quam collega, cepit hominum, plus aliquanto occidit : præda opulenta utrobique est parta. Inde pervagati Samnium consules, maxime depopulato atinate agro², Carvilius ad Cominium, Papirius ad Aquiloniam (ubi summa rei Samnitium erat) pervenit : ibi aliquamdiu nec cessatum

« Primoribus Samnitium ea detestatione obstrictis, decem nominati ab imperatore; queis dictum, etc. » Habent *eis edictum* Portug. et Hearnii Oxoniens. B. An vocula *eis* ejecta, legendum : *obstrictis, decem nominatis ab imperatore edictum*, etc.? Ed. — *Ut vir virum legerent*; vide ad IX, 39, n. 3.

10. *Ea legio linteata appellata est ab integumento concepti loci*; a linteis, quibus contextus erat locus, cratibus pluteisque conceptus; ut supra. Conf. ad IV, 20, n. 5, et Fest. voc. *legio*.

11. *His arma insignia data, etc.*; conf. IX, 40.

CAP. XXXIX. 1. *Operati superstitionibus*; vide ad I, 31, n. 7. — *Amiternum oppidum Sabinorum*, in Vestinorum finibus, ex cujus ruinis sacerevit Aquila, vel Furconium, vel hodie S. Vittorio, seu Vittore.

2. *Atinate agro* : intelligo Atinam Volscorum, sed quæ hoc tempore erat in potestate Samnitium; Drak. Hærebat Duker., et *Antiate* legebat Cluver. Ital. ant. IV, 7, p. 1193. — *Summa rei Samnitium*; vide ad III, 5, n. 6.

ab armis est, neque naviter pugnantem; laesendo quietos, resistitibus cedendo, committendoque magis, quam inferendo pugnam, dies absumebatur. Quod quum inciperetur remittereturque, omnium rerum etiam parvarum eventus proferebatur in dies. Altera romana castra viginti milium spatio aberant; et absentis collega consilia omnibus gerendis intererant rebus: intentioneque Carvilius, quo majore discrimine res vertebatur³, in Aquiloniam, quam ad Cominium, quod obsidebat, erat. L. Papirius, jam per omnia ad dimicandum satis paratus, nuntium ad collegam mittit; *sibi in animo esse, postero die, si per auspicia liceret, confugere cum hoste: opus esse, et illum, quanta maxima vi posset, Cominium oppugnare, ne quid laxamenti⁴ sit Samnitibus ad subsidia Aquiloniam mittenda.* Diem ad proficiscendum nuntius habuit: nocte rediit, approbare collegam⁵ consulta referens. Papirius, nuntio misso, extemplo concionem habuit; multa de universo genere belli, multa de presenti hostium apparatu, vana magis specie, quam efficaci ad eventum, disseruit. *Non enim cristas vulnera facere; et per picta atque aurata scuta⁶ transire romanum pilum; et candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem a parente suo oc-*

Cam Aquilonia, urbe ad Apulicæ fines sita prope Aufidum flumen (hod. *Codogna*), conjungitur Cominium opp. incerti situs, quod alii Samnitibus, alii Hirpinis assignant, quodque vel diversum est ab *Cominio Cerio* XXV, 14 extr., vel idem.

3. *Majore discrimine res vertebatur;* vide III, 27, n. 6. *Mox jam (xv:ii) omnia ad dimicandum satis paratus* cornel. Gron. ad XXI, 34.

4. *Quid laxamenti;* v. II, 24, n. 4.

5. *Approbare collegam consulta;* v. ad III, 62, n. 3. — Nuntio misso, quam ad collegam mittit nuntium. *Mox de presentis hostium apparatu roma magis specie conj. Gronov.* Sed vana magis specie q. e. ad e. per appositionem dicta; Duk.

6. *Picta atque aurata scuta...occisum;* vide ad IX, 40. — *Romanum pilum;* v. ad IX, 19, n. 2.

adione occisam; spoliisque ea honestiora victori hosti, quam ipsis arma, fuisse. Datum hoc forsitan nomini familiæque suæ, ut adversus maximos conatus Samnitium opponerentur duces; spoliisque ea referrent, quæ insignia publicis etiam locis decorandis⁷ essent. Deos immortales adesse⁸ propter toties petita fœderum, toties rupta: tum, si qua conjectura mentis divinæ sit, nulli unquam exercitui fuisse infestiores, quam qui nefando sacro⁹ mixta hominum pecudumque cæde respersus, ancipiti deum iræ devotus; hinc fœderum omnium Romanis ictorum testes deos, hinc jurisjurandi adversus fœdera suscepti execrationes horrens, invitus juraverit, oderit sacramentum; uno tempore deos, cives, hostes metuat.

XL. Hæc, comperta perfugarum iudiciis, quum apud infensos jam sua sponte milites disseruisset, simul divinæ humanæque spei pleni, clamore consentienti¹ pugnam poscunt: pœnitet in posterum diem dilatum certamen; moram diei noctisque oderunt. Tertia vigilia noctis, jam relatis literis a collega, Papius² silentio surgit, et pullarium in auspiciam mittit³. Nullum erat genus hominum in castris intactum cupiditate pugnae: summi infimique æque intenti erant: dux militum, miles ducis ardorem spectabat. Is ardor omnium etiam ad eos, qui auspicio intererant, pervenit: nam, quum pulli non pascerentur, pulla-

7. Publicis etiam locis decorandis, foro; vide IX, 40.

8. Deos immortales adesse, adjuvare; ut supra VIII, 7, «Aderit Jupiter ipse fœderum a vobis violatorum testis»; vide ad I, 12, n. 6. Ed. — Si qua, aliqua, conjectura mentis divinæ sit, si mentem et consilia deorum aliqua conjectura assequi liceat.

9. Nefando sacro...execrationes

horrens, invitus juraverit; v. ad c. 38. — Ancipiti deorum iræ, duplici, hinc, tum ob fœdera rupta, hinc, tum ob jurisjurandi execrationes.

CAP. XL. 1. Clamore consentienti, fausto nomine; vide IV, 37.

2. Papius silentio surgit; vide ad VIII, 23, n. 12.

3. Pullarium in auspiciam mittit, auspiciam ex pullis capere jubet: su-

rius, auspiciam mentiri ausus⁴, tripodiam solistimum consuli nuntiavit. Consul letus auspiciam egregiam esse, et deis auctoribus rem gesturos, pronuntiat; signumque pugnae proponit. Exerenti jam forte in aciem nuntiat perfuga, viginti cohortes Samnitium 'quadrigenaria'⁵ ferme erant. Cominium profectas. Quod ne ignoraret collega, extemplo nuntium mittit: ipse signa ocius proferri jubet, subsidiaque suis quaeque locis, et praefectos subsidiis attribuerat. Dextro cornu L. Volumnium, sinistro L. Scipionem, equitibus legatos alios, Caios Caediciam et Trebonium, praefecit. Sp. Nautium mulos, detractis clitellis⁶, cum cohortibus alariis⁷, in tumultum conspectum propere circumducere jubet, atque inde inter ipsam dimicationem, quanto maxime posset, moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus romanis; qui, rem haud spernendam rati, Sp. Papirio, fratris filio consulis, ambigi de au-

perstitio nota et absurda, quam ad ultima imperii rom. tempora viguisse mireris.

4. *Pullarius, auspiciam mentiri ausus*; conf. ad XXI, 63, n. 8. — *Tripodium solistimum*; vid. Cic. Div. I. 15; II, 8 et 34. — Auspiciam e pullis summa religione a Romanis captabatur, hoc modo: pullos in fovea asservabant ii, qui ex ipso dicebantur pullarii; his igitur pullis, quando auspiciari opus erat, puls, vel offa obiciebatur. Si pulli e cavea egressi non essent, aut progressi offam non attigissent, inde colligebatur periculum imminere; sin autem pascerentur, bonum augurium habebatur, praesertim si iis vescentibus aliquid ex ore decidisset: idque *tripodium solistimum*

appellabatur. Quis enim, ait Cic. de Divin. II, 72, *quam pascuntur pulli, necesse est aliquid ex ore cadere, et terram pavire*, id est, fecure, *terripavium primo, mox terripodium dictum est: hoc quidem jam tripodium dicitur. Solistimum autem dicebatur a solo, quod ferebat offa ex ore pulli decidens. Ea.*

5. *Quadr. f. erant*; v. VII, 7, n. 2.

6. *Mulos, detractis clitellis, etc.*; vide ad VII, 14, n. 4.

7. *Cum cohortibus alariis* (al. *alariis*) sociorum peditata. *Alie* nonnumquam sociorum copiae, at plerumque equitum quantum unius legionis erat (tum CCC); Str. Conf. ad XXV, 21, n. 4. — *Tumulum conspectum*; vide ad II, 5, n. 8.

spicio, renuntiaverunt. Juvenis, ante doctrinam deos spernentem natus⁸, rem inquisitam, ne quid incompertum deferret ad consulem, detulit. Cui ille, « Tu quidem macte virtute diligentiaque esto⁹: cæterum qui auspicio adest, si quid falsi nuntiat, in semet ipsum religionem recipit¹⁰. Mihi quidem tripudium nuntiatum populo romano exercituique egregium auspiciū est. » Centurionibus deinde imperavit, ut pullarios inter prima signa constituerent. Promovet et Samnites signa; insequitur acies ornata¹¹ armataque, ut hostium quoque magnificentum spectaculum esset. Priusquam clamor tolleretur, concurrereturque, emisso temere pilo ictus pullarius ante signa cecidit. Quod ubi consuli nuntiatum est, « dii in prælio sunt, » inquit; habet pœnam noxium caput. » Ante consulem hæc dicentem corvus voce clara occinuit¹²: quo lætus augurio consul, affirmans nunquam humanis rebus magis præsentēs interfuisse deos¹³, signa canere, et clamorem tolli jussit.

XLI. Prælium commissum atrox, cæterum longe disparibus animis. Romanos ira, spes, ardor certaminis, avidos hostium sanguinis in prælium rapit: Samnitium magnam partem necessitas ac religio invitos magis resistere, quam inferre pugnam, cogit. Nec sustinuisserunt primum clamorem atque impetum Ro-

8. Juvenis, ante doctrinam deos spernentem natus; conf. ad III, 20, n. 6. Epicureos his verbis perstringi monet Gebh.

9. Macte virtute diligentiaque esto; v. II, 12, n. 10. — Qui auspicio adest, propr. præest, sc. pullarius: sed illud verbum de sacris usitatus; Ern.

10. In semet ipsum religionem recipit; vide ad II, 5, n. 4.

11. Insequitur acies ornata, legio

linteata, armataque, alius exercitus XX millium (vide cap. 38 extr.), et quidem ornata acies, ita ut hostium quoque, quamvis hostium esset, seu hostilis acies, magnificentum spectaculum esset.

12. Corvus voce clara occinuit; vid. ad VI, 41, n. 6.

13. Nunquam humanis rebus magis præsentēs interfuisse deos, evidentiori præsentiae favorisque sui significa-

animorum, per aliquot jam annos vincī assueti, in potentior alacris metibus insidentes pectoribus a fuga retineret. Quippe in oculis erat omnīs illē² occulti paratus sacri, et armati sacerdotes, et promiscua hominum pecudumque strages, et respersa fando nefandoque sanguine ara, et dura execratio, ac furiale carmen, detestandæ familiæ stirpique compositum. His vinculis fugæ obstricti³ stabant, civem magis, quam hostem, timentes. Instare Romanus a cornu utroque, a media acie, et cadere deorum hominumque attonitos metu: repugnatur segniter, ut ab iis, quos timor moraretur a fuga. Jam prope ad signa cedes pervenerat, quam ex transverso pulvis, velut ingentis agminis incessu motus, apparuit. Sp. Nautius (Octavium Metium quidam eum tradunt) dux alaribus cohortibus³ erat. Pulverem majorem, quam pro numero, excitabant; insidentes mulis calones frondosos ramos per terram trahebant; arma signaque per turbidam lucem⁴ in primo apparebant: post altior densiorque pulvis equitum speciem cogentium agmen dabat; fellitque non Samnites modo, sed etiam Romanos: et consul affirmavit errorem⁵, clamitans inter prima signa, ita ut vox etiam ad hostes accideret, *captum*

tionē; Doer. *Pando ante; dii in prelio sunt; vide ad I, 12, n. 6.*

CAP. XLII. 1. *Occulti paratus* (apparatus, ut sæpe apud Tacitum; vide ad Ann. III, 35, 5, *sacri... compositum*; conf. cap. 38. — *Armati sacerdotes*, forte *centuriones*, ut cap. 38; nisi ibi leg. *circumstantes sacerdotes stricti gladiis*. — *Fando nefandoque sanguine, pecudum hominumque.*

2. *His vinculis fugæ obstricti*, impedimentis fugæ; his remediis, a fuga eos retinentibus, compulsi. Conf. c. 13 extr. et ad lib. XXI, c. 43, n. 3.

3. *Dux alaribus cohortibus erat: pulverem majorem, etc.*; conf. c. 40, n. 6, 7. — *Majorem, quam pro numero*; vide ad VII, 33, n. 2.

4. *Per turbidam lucem, moto pulvere turbatam. — In primo apparebant*; vide ad II, 20, n. 3.

5. *Consul affirmavit errorem, etc.*; conf. ad X, 14, 13. — *Ita ut vox etiam ad hostes accideret* optimi MSS. Sic cap. 43, *clamor eos utrinque per accidens sustinuit*; XXVII, 17; *presidium ad arcem, unde maxime terribilis accidebat sonus, traducit*; ibid.

Cominium, victorem collegam adesse; adniterentur vincere prius, quam gloria alterius exercitus fieret. Hæc insidens equo : inde tribunis centurionibusque imperat, ut viam equitibus patefaciant. Ipse Trebonio Cædicioque prædixerat⁶, ut, ubi se cuspidem erectam quatientem vidissent, quanta maxima vi possent, concitarent equites in hostem; ad nutum omnia, ut ex ante præparato, fiunt. Panduntur inter ordines viæ : provolat equës, atque infestis cuspidibus in medium agmen hostium ruit; perrumpitque ordines, quacumque impetum dedit. Instant Volumnius et Scipio, et percussos sternunt : tum, jam deorum hominumque victa vi⁷, funduntur linteatæ cohortes : pariter jurati injuratique fugiunt, nec quemquam, præter hostes, metuunt. Peditum agmen, quod superfuit pugnae, in castra ad Aquiloniam compulsum est; nobilitas equitesque Bovianum perfugerunt : equites eques sequitur, peditem pedes : ac diversa cornua⁸, dextrum ad

inde nulla accidebat vox. Alii accederet, quod ex Terent. Hecyr. act. III, sc. 5, v. 32. « Pamphile, haud invito ad aures sermo mihi accessit tuus. » Et Cicer. in Vatin. cap. 2 : « Non putas fas esse, verbum ex ore exire cujusquam, quod non jucundum et honorificum ad aures tuas accidat. » Defendi posse monet Duk. Conf. inf. ad XXI, 10, n. 15. Ed.

6. *Ipse Trebonio Cædicioque prædixerat; vide supra ad libr. II, cap. 10, n. 4.*

7. *Tum jam deorum hominumque victa vi, quam horrendum jusjurandum, et terribiles minæ in milites habuerant; Doer. Conf. c. 38. — Victa vi; victa vis plurimi codices, et fere omnes ante Frobenian. edd. Ea lectio si recipiatur, post voc. vis interpungendum est, victa vis; funduntur.*

Vulgatum placebit illis qui omnia unius orationis complexu contineri malunt; contra scriptam lectionem præferent, qui codicum consensum non spernendum judicabunt, præsertim quum alibi etiam Livius intercisis his orationibus delectatus sit. Eligat igitur quisque, quod sibi verius videatur. Ed. — *Linteatæ cohortes; vide cap. 38. Mox agmen post peditum deleri malebat Gronov. — Peditum agmen, quod superfuit pugnae.* Indicat hic noster, non integrum agmen peditum in castra compulsum esse, sed eam agminis partem, quæ pugnae superfuit. Eodem fere modo locutus est Livius supr. V, 34, *is, quod his ex populis abundabat, Bituriges, Arvernos..... excivit.* Vide et inf. XXVI, 33. Ed.

8. *Diversa cornua, etc.; vid. supra ad III, 60, n. 1.*

castra Samnitium, lævum ad urbem tendit. Prior aliquanto Volumnius castra cepit : ad urbem Scipioni majore resistitur vi; non quia plus animi victis est, sed melius muri, quam vallum, armatos arcent : inde lapidibus propulsant hostem. Scipio, nisi in primo pavore, priusquam collegerentur animi, transacta res esset, lentiolem fore munitæ urbis oppugnationem ratus, interrogat milites, *Satin' æquo animo paterentur, ab altero cornu castra capta esse : se victores pelli a portis urbis?* Reclamantibus universis, primus ipse, scuto super caput elato, pergît ad portam : sequuti alii, testudine facta⁹, in urbem perrumpunt; deturbatisque Samnitibus, qui circa portam erant, muros occupavere. Penetrare in interiora urbis, quia pauci admodum erant, non audent.

XLII. Hæc primo ignorare consul, et intentus recipiendo exercitui esse : jam enim præceps in occasum sol¹ erat, et appetens nox² periculosa et suspecta omnia etiam victoribus faciebat. Progressus longius ab dextra castra capta videt : ab læva clamorem in urbe mixtum pugnantium ac paventium fremitu esse; et tum forte certamen ad portam erat. Advectus deinde equo propius, ut suos in muris videt, nec jam integri quidquam esse³, quoniam temeritate paucorum magnæ rei parta occasio esset, acciri, quas receperat, copias, signaque in urbem inferri jussit; ingressi proxima ex parte⁴, quia nox appropinquabat, quievêre : nocte oppidum ab hostibus desertum est. Cæsa illo

9. *Testudine facta*; vid. V, 5, n. 3.

1. *Cap. XLII. 1. Præceps in occasum sol*; vide ad IV, 9, n. 6.

2. *Appetens nox*; v. ad V, 19, n. 2.

3. *Nec jam integri quidquam esse*, nihil, quod a se mutari possit, nihil a suo amplius pendere arbitrio, omnia

jam tentata esse et perfecta; vide ad II, 5, n. 1.

4. *Ingressi proxima ex parte.... quievêre*, ex parte militum; qui urbi proximi fuerant; Doer. Imo *ingressi* erant. Cave etiam jungas *ingressi proxima et ex parte quievêre*. Aptior ra-

die ad Aquiloniam Samnitium millia triginta⁵ trecenti quadraginta : capta tria millia octingenti et septuaginta : signa militaria nonaginta septem. Cæterum illud memoriæ traditur, non ferme alium ducem lætiores in acie visum, seu suopte ingenio, seu fiducia bene gerundæ rei. Ab eodem robore animi⁶ neque controverso auspicio⁷ revocari a prælio potuit; et in ipso discrimine⁸, quo templa diis immortalibus voveri mos erat, voverat Jovi Victori, si legiones hostium fudisset, pocillum mulsi⁹ prius, quam temetum biberet, sese facturum. Id votum diis cordi fuit¹⁰; et auspicia in bonum verterunt¹¹.

XLIII. Eadem fortuna ab altero consule ad Cominium gesta res : prima luce, ad mœnia omnibus copiis

tio est : *ingressi ex parte*, non omnes, sed pars copiarum, quas consul acciverat, *proxima*, primas urbis partes; vel *ingressi urbem ex proxima parte* ejus, h. e. proximas ejus partes (cf. ad II, 33, n. 8) : nisi cum Gronovius leg. *proxima portæ*, vel *ingressi proxima, ea parte, ... quiveris*.

5. *Millia trig.*, etc.; v. IX, 43, n. 8.

6. *Ab eodem robore animi*, propter illud; vide ad I, 1, n. 5.

7. *Controverso auspicio*; cf. c. 40.

8. *In ip. discrimine*; v. VI, 17, n. 1.

9. *Pocillum mulsi prius, quam temetum*, vinum (præcipuam temulentiaë causam; vide Plinium, XIV, 3, et Gell. X, 23), *biberet, sese facturum*, sacrificandi causa oblaturum : nam *facere* est verbum propr. de sacrificiis. Sed vel simpl. dicitur pro sacrificare (*facere et fieri*, sc. *sacra*, seu *sacrum*, ut sæpius utrumque XXII, 10, et gr. *ἱεῖον*, cf. ad Juven. IX, 117), vel jungitur eo sensu cum ablat. rei (ut *catulo et vitula* apud Colum. II, 22, et Virg. Æl. III, 77), non cum accu-

sativo rei, nisi cum *sacrâ*, aut *sacrificiis* et *res divinas*. Hinc leg. forte *pocillo*, aut *facturum* proprio sensu h. l. capiendum, etsi non sine respectu sacrificiis, vel cum Drak. referendum ad compositionem *mulsi*, quod ex vino et melle conficiebatur, unde gr. οἰνόμυδι dictum. Cæterum Strouthius jam monuit, hoc votum, quod non templum, aut tale quid magni contineat, sed ad vinum et lætitiâ spectet, adeoque fere jocosum sit, afferri ad probandum, *non ferme alium lætiores ducem in acie visum*. Mulsi autem usus Romanis tum in sacris fuit, tum in deliciis, et in triumphis, funeribusque, in quibus milites et funus prosequentes eo donabantur. Cf. XXXVIII, 55, n. 2; Varr. R. R. III, 16, n. 2; Colum. XII, 12; Plin. XIV, 17; XXII, 23, 24, seu 49-53 (ubi vide Hard.); Plaut. Bacchid. IV, 9. 149 sq. Plut. Apophth. p. 196.

10. *Id v. diis c. fuit*; v. VI, 9, n. 1.

11. *Auspicia in bonum verterunt*; vide ad II, 3, n. 2.

millia octingentos. Ne Romanis quidem læta victoria fuit; recensente consule biduo acceptam cladem, amissorum militum numerus relatus septem millium ac ducentorum. Dum hæc in Apulia gerebantur, altero exercitu Samnites Interamnam⁸, coloniam romanam, quæ via latina est, occupare conati, urbem non tenuerunt: agros depopulati quum prædam aliam inde mixtam hominum atque pecudum, colonosque captos agerent, in victorem incidunt consulem, ab Luceria redeuntem: nec prædam solum amittunt, sed ipsi longo atque impedito agmine⁹ incompositi cæduntur. Consul, Interamnam edicto dominis ad res suas noscendas recipiendasque revocatis, et exercitu ibi relicto, comitiorum causa Romam est profectus. Cui de triumpho agenti negatus honos, et ob amissa tot millia militum, et quod captivos sine pactione sub jugum misisset¹⁰.

XXXVII. Consul alter Postumius, quia in Samnibus materia belli deerat, in Etruriam traducto exercitu¹, primum pervastaverat volsiniensem agrum: dein cum egressis ad tuendos fines haud procul mœnibus ipsorum depugnat: duo millia octingenti Etru-

8. *Interamnam* (seu *Interamnas*), coloniam romanam (conf. IX, 28), quæ in *via latina est* (vide ad II, 39, n. 3), in Latio: nam aliud opp. ejusdem nominis in Umbria, aliud in Piceno fuit. Conf. ad Tacit. Annal. I, 79, n. 3.

9. *Impedito agmine*; vid. ad V, 16, n. 2. — *Ad res suas noscendas rec.* (vide ad III, 10, n. 1) *revocatis*, qui forte, quum hoste ingruente diffugissent, nondum ad sedes suas redierant: nisi dictum pro simpl. *vocatis*; aut legendum *evocatis*; Duk.

10. *Quod captivos sine pactione sub*

jugum misisset: vox sine perperam omissa in edd. Ernest. I et Stroth. — Nempe sub jugum missi liberabantur, et abire sinebantur. Id ergo indignatur Patres, tot captivos ita remissos esse, ut nihil inde commodi republica recepisset. Ed.

CAP. XXXVII. 1. *In Etruriam traducto exercitu*: præpositio in abest a multis optimisque MSS. Sic *navigare Ægyptum XLV, 10; Peloponnesum proficiscuntur XLII, 44, 5, et similia XXXII, 16; XXXVI, 42; XXXVII, 31, 33; XLV, 11, 12; vide ad Tacit. Ann. I, 5, n. 2, et supra ad VIII, 1,*

scorum cæsi; cæteros propinquitatis urbis tutata est. In rusellanum agrum exercitus traductus; ibi non agri tantum vastati, sed oppidum etiam expugnatum: capta amplius duo millia hominum², minus duo millia circa muros cæsa. Pax tamen clarior majorque, quam bellum in Etruria eo anno fuerat, parta est: tres validissimæ urbes, Etruriæ capita, Volsinii, Perugia, Arretium, pacem petiere; et, vestimentis militum, frumentoque pacti cum consule, ut mitti Romam oratores liceret, inducias in quadraginta annos impetraverunt. Mulcta præsens³ quingentum millium æris in singulas civitates imposita. Ob hasce res gestas consul quum triumphum ab senatu, moris magis causa, quam spe impetrandi, petisset, videretque alios, quod tardius ab Urbe exisset, alios, quod injussu senatus ex Samnio in Etruriam transisset, partim suos inimicos, partim collegæ amicos, ad solatium æquatæ repulsæ⁴ sibi quoque negare triumphum: « Non ita, inquit, Patres « conscripti, vestræ majestatis meminero, ut me consulem esse obliviscar. Eodem jure imperii, quo bella « gessi, bellis feliciter gestis, Samnio atque Etruria « subactis, victoria et pace parta, triumphabo. » Ita senatum reliquit. Inde inter tribunos plebis contentio orta: pars intercessuros, ne novo exemplo triumpharet⁵, aiebant; pars auxilio se adversus collegas triumphanti futuros. Jactata res ad populum est⁶: vocatusque eò consul, quum M. Horatium, L. Valerium

1; Drakenb. ad X, 37, n. 1; XXVIII, 45, n. 8; XXXIII, 41, n. 6.

2. *Amplius duo millia hominum, minus duo, etc.*; vide III, 64, n. 5.

3. *Mulcta præsens*; v. I, 12, n. 6.

4. *Ad solatium æquatæ repulsæ*, ut ipse eandem, quam collega ejus (vide cap. 36 extr.), repulsam ferret,

vel ei quoque honor triumphus petitus negaretur, idque collegæ ejus solatio esset.

5. *Ne novo exemplo triumpharet*, sine auctoritate senatus, et sine jussu populi.

6. *Jactata res ad populum est*; vide ad III, 10, n. 2.

consules, C. Martium Rutilum nuper, patrem ejus, qui tunc censor esset, non ex auctoritate senatus, sed jussu populi triumphasse⁷ diceret, adjiciebat, *se quoque laturum fuisse ad populum, ni sciret, mancipia nobilium tribunos⁸ plebis legem impedituros: voluntatem sibi ac favorem consentientis populi pro omnibus jussis esse ac futura.* Posteroque die auxilio tribunorum plebis trium, adversus intercessaionem septem tribunorum, et consensum senatus, celebrante populo diem, triumphavit. Et hujus anni⁹ parum constans memoria est. Postumium, auctor est Claudius¹⁰, in Samnio captis aliquot urbibus, in Apulia suum fugatumque, saucium ipsum cum paucis Luceriam compulsum: ab Atilio in Etruria res gestas, eumque triumphasse. Fabius, ambo consules¹¹ in Samnio et ad Luceriam res gessisse, scribit, traductumque in Etruriam exercitum (sed ab utro consule non adje- cit), et ad Luceriam utrimque multos occisos: inque ea pugna Jovis Statoris ædem votam, ut Romulus ante voverat; sed fanum tantum¹², id est, locus, tem-

7. *M. Horatium... triumphasse; v. III, 63, et VII, 17. — Patrem ejus, qui tunc (forte nunc) censor esset; vide X, 47. Mox id ante ad populum supplendum, vel exiit.*

8. *Mancipia nobilium tribunos pl.; vide ad II, 10, n. 6.*

9. *Et hujus anni, etiam hujus; ut superioris, de quo vide cap. 30. — Memoria, historia.*

10. *Auctor est Claudius (vide ad II, 58, n. 1, et VI, 42, n. 4)... ab Atilio in Etruria, etc. Fasti utrumque tradunt. Cf. Pigh. Annal. ad an. 459, et Periz. Anim. hist. c. 4, p. 216.*

11. *Fabius ambo (al. ambos) con- sules.... scribit; vide ad I, 44, n. 5.*

12. *Sed fanum tantum, id est, lo-*

cus templo effatus, sacratus (al. jam sacratus) fuerat; vide ad I, 55, n. 3. Totum hoc id est.... sacratus glossæ speciem habere, saltem sacratus esse glossema τοῦ effatus, non male suspi- cabatur Stroth. Forte etiam legendum hanc Romulus ante voverat (vide ad I, 12, n. 5): sed fanum tantum.... fuerat hactenus. Hoc demum anno, etc. Facile ut ex h̄c (h. e. hanc), et cæte- rum ex hactenus oriri potuisset. — Fa- num igitur et ædes, si proprie omnino loquerentur, sic differebant, ut fanum esset ærea nuda, et solum alicui deo con- secratum; ædes ipsum ædificium. Hinc Fest., sistere fana quum in eodenda urbe dicitur, significat loca in oppido futurorum sanorum constituere. En.

plo effatus, sacratus fuerat. Cæterum, hoc demum anno, ut ædem etiam fieri senatus juberet, bis ejusdem voti damnata¹³ republica, in religionem venit.

XXXVIII. Sequitur hunc annum¹ et consul insignis, L. Papirius Cursor, qua paterna gloria, qua sua, et bellum ingens victoriaque, quantam de Samnitibus nemo ad eam diem, præter L. Papirium patrem consulis, pepererat: et forte eodem conatu apparatuque omni opulentia² insignium armorum bellum adornaverant; et deorum etiam adhibuerant opes, ritu quodam sacramenti vetusto velut initiatis militibus, delectu per omne Samnium habito³ nova lege: ut, qui juniorum non convenisset ad imperatorium edictum, quique injussu abisset, caput Jovi sacratum esset. Tum exercitus omnis Aquiloniam est indictus: ad quadraginta millia militum, quod roboris in Samnio erat, convenerunt. Ibi mediis fere castris locus est conseptus cratibus pluteisque, et linteis contectus, patens ducentos maxime pedes in omnes pariter partes. Ibi ex libro vetere linteo⁴ lecto sacrificatum, sacerdote

13. *Bis ejusdem voti damnata republica*, voti solutionem debente; vide ad V, 25, n. 2. Ed. — *Republica pro vulg. republica in rel. venit* reposui cum Gronov. qui bene monet, sensum esse: postquam jam bis respub. voto Jovi Statori facto servata erat, visum est senatui ad religionem pertinere, vel religionem postulare, ut justa sedes tam facili deo concederetur; cf. XXII, 33, et ad II, 5, n. 4. Recte quidem dicitur *resp. in religionem venit* (saltem *res in religionem venit* XXII, 33, et apud Cicero de Nat. Deor. II, 4), sed minus recte *respub. in relig. venit, ut senatus*, etc.; Doer.

CAP. XXXVIII. 1. *Sequitur hunc annum et consul.... et bellum*, etc.,

h. e. annus, quo et consul fuit insignis, et bellum, etc. Confer ad c. 31, n. 10. — *L. Papirius*, etc.; conf. ad IX, 16, n. 8. — *Qua...qua*; vide ad II, 35, n. 3.

2. *Opulentia insignium armorum*, etc., ut olim; vide IK, 40.

3. *Delectu per omnium Samnium habito nova lege, sacrata, ut, qui*, etc.; confer IX, 39, et ad II, 8, n. 3; IV, 26, n. 2. — *Pluteisque*. Plutei, sicut Festus, sunt vel crates corio crudo intentæ, vel tabule quibus quid presepitur. Es.

4. *Ex libro vetere linteo*, qualibus libris etiam Romani olim utebantur. Cf. ad IV, 7, n. 7. — *Libro...lecto*, qui lectus fuerat, nampe ab illo Ovio

Ovio Pactio quodam, homine magno natu, qui se id sacrum petere affirmabat ex vetusta Samnitium religione⁵; qua quondam usi majores eorum fuissent, quum adimendæ Etruscis Capuæ clandestinum cepissent consilium. Sacrificio perfecto, per viatorem imperator⁶ acciri jubebat nobilissimum quemque genere factisque : singuli introducebantur. Erat quum alius apparatus sacri, qui perfundere religione animum posset; tum in loco circa omni contecto⁷ aræ in medio, victimæque circa cæsæ, et circumstantes centuriones strictis gladiis. Amovebatur altaribus miles, magis ut victima, quam ut sacri particeps : adigebaturque jurejurando, quæ visa auditaque in eo loco essent, non enuntiaturum. Dein jurare cogebatur diro quodam carmine⁸, in execrationem capitæ familiæque et stirpis composito, nisi isset in prælium, quo imperatores duxissent; et si aut ipse ex acie fugisset, aut, si quem fugientem vidisset, non extemplo occidisset. Id primo quidam abnuentes juraturos se, obtruncati circa altaria sunt : jacentes deinde inter stragem victimarum documento cæteris fuere, ne abnuerent. Primoribus Samnitium ea detestatione obstrictis, decem nominatis ab imperatore, eis dictum⁹, ut vir

Pactio, qui sacerdos hujus sacri fuit. Posset ultima vox abesse sine sensus dispendio, et quidem eam ignorat Hearnii Oxoniens. L. I. Ed.—*Sacerdote*, sacrum faciente, et *id sacrum* pro; hujus sacri administrationem; Strothius.

5. *Vetusta Samnitium religione; qua quondam usi majores eorum fuissent, quum adimendæ Etruscis Capuæ*, etc.; vide IV, 37; VII, 38.

6. *Per viatorem imperator*, etc.; vide ad II, 56, n. 10.

7. *In loco circa omni contecto, se.*

linteis velis (ut supra), *aræ*, etc. Forte *ara* ex Festo : « Legio Samnitium linteata appellata est, quod Samnites intrantes singuli ad aram, velis linteis circumdatam, non cessuros se romano militi juraverunt. »

8. *Diro quodam carmine* (vide ad I, 24, n. 9), *in execrationem... composito*, quo dira imprecabatur in caput suum, familiæque, *nisi isset*, etc.

9. *Primoribus Samnitium... decem nominatis ab imperatore, eis dictum*, etc. Locum hunc ad marginem codicis sui ita legendum conjecit Perizonius :

virum legerent, donec sexdecim millium numerum confecissent : ea legio linteata ab integumento concepti¹⁰, quo sacrata nobilitas erat, appellata est; his arma insignia data¹¹, et cristatæ galeæ, ut inter cæteros eminent. Paulo plus viginti millium alius exercitus fuit, nec corporum specie, nec gloria belli, nec apparatu linteatæ legioni dispar; hic hominum numerus, quod roboris erat, ad Aquiloniam consedit.

XXXIX. Consules profecti ab Urbe : prior Sp. Carvilius, cui veteres legiones, quas M. Atilius, superioris anni consul, in agro Interamnati reliquerat, decretæ erant, cum eis in Samnium profectus, dum hostes, operati superstitionibus¹, concilia secreta agunt, Amiternum oppidum de Samnitibus vi cepit; cæsa ibi millia hominum duo ferme atque octingenti : capta quatuor millia ducenti septuaginta. Papirius novo exercitu (ita decretum erat) scripto, Duroniam urbem expugnavit; minus, quam collega, cepit hominum, plus aliquanto occidit : præda opulenta utrobique est parta. Inde pervagati Samnium consules, maxime depopulato atinate agro², Carvilius ad Cominium, Papirius ad Aquiloniam (ubi summa rei Samnitium erat) pervenit : ibi aliquamdiu nec cessatum

« Primoribus Samnitium ea detestatione obstrictis, decem nominati ab imperatore; queis dictum, etc. » Habent *eis edictum* Portug. et Hearnii Oxoniens. B. An vocula *eis* ejecta, legendum : *obstrictis, decem nominatis ab imperatore edictum*, etc.? Ed. — *Ut vir virum legerent*; vide ad IX, 39, n. 3.

10. *Ea legio linteata appellata est ab integumento concepti loci*; a linteis, quibus contextus erat locus, cratibus pluteisque conceptus; ut supra. Conf. ad IV, 20, n. 5, et Fest. voc. *legio*.

11. *His arma insignia data, etc.*; conf. IX, 40.

CAP. XXXIX. 1. *Operati superstitionibus*; vide ad I, 31, n. 7. — *Amiternum oppidum* Sabinorum, in Vestinorum finibus, ex cujus ruinis sacerevit Aquila, vel Furconium, vel hodie *S. Vittorio*, seu *Vittore*.

2. *Atinate agro* : intelligo Atinam Volscorum, sed quæ hoc tempore erat in potestate Samnitium; Drak. Hærebat Duker., et *Antiate* legebat Cluver. Ital. ant. IV, 7, p. 1193. — *Summa rei Samnitium*; vide ad III, 5, n. 6.

Ovio Pactio quodam, homine magno natu, qui se id sacrum petere affirmabat ex vetusta Samnitium religione⁵; qua quondam usi majores eorum fuissent, quum adimendæ Etruscis Capuæ clandestinum cepissent consilium. Sacrificio perfecto, per viatorem imperator⁶ acciri jubebat nobilissimum quemque genere factisque : singuli introducebantur. Erat quum alius apparatus sacri, qui perfundere religione animum posset; tum in loco circa omni contacto⁷ aræ in medio, victimæque circa cæsæ, et circumstantes centuriones strictis gladiis. Amovebatur altaribus miles, magis ut victima, quam ut sacri particeps : adigebaturque jurejurando, quæ visa auditaque in eo loco essent, non enuntiaturum. Dein jurare cogebatur diro quodam carmine⁸, in exsecrationem capitis familiæque et stirpis composito, nisi isset in prælium, quo imperatores duxissent; et si aut ipse ex acie fugisset, aut, si quem fugientem vidisset, non extemplo occidisset. Id primo quidam abnuentes juraturos se, obtruncati circa altaria sunt : jacentes deinde inter stragem victimarum documento cæteris fuere, ne abnuerent. Primoribus Samnitium ea detestatione obstrictis, decem nominatis ab imperatore, eis dictum⁹, ut vir

Pactio, qui sacerdos hujus sacri fuit. Posset ultima vox abesse sine sensus dispendio, et quidem eam ignorat Hearnii Oxoniens. L. I. Ed.—*Sacerdote*, sacrum faciente, et *id sacrum* pro; hujus sacri administrationem; Strothius.

5. *Vetusta Samnitium religione; qua quondam usi majores eorum fuissent, quum adimendæ Etruscis Capuæ, etc.*; vide IV, 37; VII, 38.

6. *Per viatorem imperator, etc.*; vide ad II, 56, n. 10.

7. *In loco circa omni contacto, se.*

linteis velis (ut supra), *aræ, etc.* Forte *ara* ex Festo : « Legio Samnitium linteata appellata est, quod Samnites intrantes singuli ad aram, velis linteis circumdatam, non cessuros se romano militi juraverunt. »

8. *Diro quodam carmine* (vide ad I, 24, n. 9), *in exsecrationem... composito*, quo dira imprecabatur in caput suum, familiæque, *nisi isset, etc.*

9. *Primoribus Samnitium... decem nominatis ab imperatore, eis dictum, etc.* Locum hunc ad marginem codicis sui ita legendum conjecit Perizonius :

virum legerent, donec sexdecim millium numerum confecissent : ea legio linteata ab integumento consepti¹⁰, quo sacrata nobilitas erat, appellata est; his arma insignia data¹¹, et cristatæ galeæ, ut inter cæteros emerent. Paulo plus viginti millium alius exercitus fuit, nec corporum specie, nec gloria belli, nec apparatu linteatæ legioni dispar; hic hominum numerus, quod roboris erat, ad Aquiloniam consedit.

XXXIX. Consules profecti ab Urbe : prior Sp. Carvilius, cui veteres legiones, quas M. Atilius, superioris anni consul, in agro Interamnati reliquerat, decretæ erant, cum eis in Samnium profectus, dum hostes, operati superstitionibus¹, concilia secreta agunt, Amiternum oppidum de Samnitibus vi cepit; cæsa ibi millia hominum duo ferme atque octingenti : capta quatuor millia ducenti septuaginta. Papirius novo exercitu (ita decretum erat) scripto, Duroniam urbem expugnavit; minus, quam collega, cepit hominum, plus aliquanto occidit : præda opulenta utrobique est parta. Inde pervagati Samnium consules, maxime depopulato atinate agro², Carvilius ad Cominium, Papirius ad Aquiloniam (ubi summa rei Samnitium erat) pervenit : ibi aliquamdiu nec cessatum

« Primoribus Samnitium ea detestatione obstrictis, decem nominati ab imperatore; queis dictum, etc. » Habent eis edictum Portug. et Hearnii Oxoniens. B. An vocula eis ejecta, legendum : obstrictis, decem nominatis ab imperatore edictum, etc.? Ed. — Ut vir virum legerent; vide ad IX, 39, n. 3.

10. Ea legio linteata appellata est ab integumento consepti loci; a linteis, quibus contactus erat locus, cratibus pluteisque conseptus; ut supra. Conf. ad IV, 20, n. 5, et Fest. voc. legio.

11. His arma insignia data, etc.; conf. IX, 40.

CAP. XXXIX. 1. Operati superstitionibus; vide ad I, 31, n. 7. — Amiternum oppidum Sabinorum, in Vestinorum finibus, ex cujus ruinis sacerevit Aquila, vel Furconium, vel hodie S. Vittorio, seu Vittore.

2. Atinate agro : intelligo Atinum Volscorum, sed quæ hoc tempore erat in potestate Samnitium; Drak. Hærebat Duker., et Antiate legebat Cluver. Ital. ant. IV, 7, p. 1193. — Summa rei Samnitium; vide ad III, 5, n. 6.

ab armis est, neque naviter pugnatum; lacessendo quietos, resistantibus cedendo, comminandoque magis, quam inferendo pugnam, dies absumebatur. Quod quum inciperetur remittereturque, omnium rerum etiam parvarum eventus proferebatur in dies. Altera romana castra viginti millium spatio aberant; et absentis collegæ consilia omnibus gerendis intererant rebus: intentiorque Carvilius, quo majore discrimine res vertebatur³, in Aquiloniam, quam ad Cominium, quod obsidebat, erat. L. Papirius, jam per omnia ad dimicandum satis paratus, nuntium ad collegam mittit; *sibi in animo esse, postero die, si per auspicia liceret, confligere cum hoste: opus esse, et illum, quanta maxima vi posset, Cominium oppugnare, ne quid laxamenti⁴ sit Samnitibus ad subsidia Aquiloniam mittenda.* Diem ad proficiscendum nuntius habuit: nocte rediit, approbare collegam⁵ consulta referens. Papirius, nuntio misso, extemplo concionem habuit; multa de universo genere belli, multa de præsentis hostium apparatu, vana magis specie, quam efficaci ad eventum, disseruit. *Non enim cristas vulnera facere; et per picta atque aurata scuta⁶ transire romanum pilum; et candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem a parente suo oc-*

Com Aquilonia, urbe ad Apuliæ fines sita prope Aufidum flumen (hod. *Cefogna*), conjungitur Cominium opp. incerti situs, quod alii Samnitibus, alii Hirpinis assignant, quodque vel diversum est ab *Cominio Cerito XXV, 14 extr.*, vel idem.

3. *Majore discrimine res vertebatur;* vide III, 27, n. 6. *Mox jam (κατά) omnia ad dimicandum satis paratus* cœmend. Grøn. ad XXI, 34.

4. *Quid laxamenti;* v. II, 24, n. 4.

5. *Approbare collegam consulta;* v. ad III, 62, n. 3. — *Nuntio misso, quum ad collegam misisset nuntium. Mox de præsentis hostium apparatus vana magis specie* conj. Grøn. *Sed vana magis specie q. e. ad e. per appositionem dicta;* Duk.

6. *Picta atque aurata scuta... occisam;* vide ad IX, 40. — *Romanum pilum;* v. ad IX, 19, n. 2.

cidione occisam; spoliisque ea honestiora victori hosti, quam ipsis arma, fuisse. Datum hoc forsitan nomini familiaeque suae, ut adversus maximos conatus Samnitium opponerentur duces; spoliisque ea referrent, quae insignia publicis etiam locis decorandis⁷ essent. Deos immortales adesse⁸ propter toties petita foederum, toties rupta: tum, si qua conjectura mentis divinae sit, nulli unquam exercitui fuisse infestiores, quam qui nefando sacro⁹ mixta hominum peccatumque caede respersus, ancipiti deum irae devotus; hinc foederum omnium Romanis victorum testes deos, hinc jurisjurandi adversus foedera suscepti execrationes horrens, invitatus juraverit, oderit sacramentum; uno tempore deos, cives, hostes metuat.

XL. Haec, comperta perfugarum iudiciis, quum apud infensos jam sua sponte milites disseruisset, simul divinae humanaeque spei pleni, clamore consentienti¹ pugnam poscunt: poenitet in posterum diem dilatum certamen; moram diei noctisque oderunt. Tertia vigilia noctis, jam relatis literis a collega, Papirius² silentio surgit, et pullarium in auspiciam mittit³. Nullum erat genus hominum in castris intactum cupiditate pugnae: summi infimique aequae intenti erant: dux militum, miles ducis ardorem spectabat. Is ardor omnium etiam ad eos, qui auspicio intererant, pervenit: nam, quum pulli non pascerentur, pulla-

7. Publicis etiam locis decorandis, foro; vide IX, 40.

8. Deos immortales adesse, adjuvare; ut supra VIII, 7, « Aderit Jupiter ipse foederum a vobis violatorum testis »; vide ad I, 12, n. 6. Ed. — Si qua, aliqua, conjectura mentis divinae sit, si mentem et consilia deorum aliqua conjectura assequi liceat.

9. Nefando sacro...execrationes

horrens, invitatus juraverit; v. ad c. 38. — Ancipiti deorum irae, duplici, hinc, tum ob foedera rupta, hinc, tum ob jurisjurandi execrationes.

CAP. XL. 1. Clamore consentienti, fausto nomine; vide IV, 37.

2. Papirius silentio surgit; vide ad VIII, 23, n. 12.

3. Pullarium in auspiciam mittit, auspiciam ex pullis capere jubet: su-

rius, auspiciū mentiri ausus⁴, tripudium solistimum consuli nuntiavit. Consul lætus auspiciū egregium esse, et deis auctoribus rem gesturos, pronuntiat; signumque pugnae proponit. Exeunti jam forte in aciem nuntiat perfuga, viginti cohortes Samnitium (quadringenariae⁵ ferme erant) Cominium profectas. Quod ne ignoraret collega, extemplo nuntium mittit: ipse signa ocius proferri jubet, subsidiaque suis quæque locis, et præfectos subsidiis attribuerat. Dextro cornu L. Volumnum, sinistro L. Scipionem, equitibus legatos alios, Caios Cædicium et Trebonium, præfecit. Sp. Nautium mulos, detractis clitellis⁶, cum cohortibus alariis⁷, in tumulum conspectum propere circumducere jubet, atque inde inter ipsam dimicationem, quanto maxime posset, moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus romanis; qui, rem haud spernendam rati, Sp. Papirio, fratris filio consulis, ambigi de au-

perstitio nota et absurda, quam ad ultima imperii rom. tempora viguisse mireris.

4. *Pullarius, auspiciū mentiri ausus*; conf. ad XXI, 63, n. 8. — *Tripudium solistimum*; vid. Cic. Div. I, 15; II, 8 et 34. — Auspiciū e pullis summa religione a Romanis captabatur, hoc modo: pullos in fovea asservabant ii, qui ex ipso dicebantur pullarii; his igitur pullis, quando auspiciari opus erat, puls, vel offa obiciebatur. Si pulli e cavea egressi non essent, aut progressi offam non attingissent, inde colligebatur periculum imminere; sin autem pascerentur, bonum augurium habebatur, præsertim si iis vescentibus aliquid ex ore decidisset: idque *tripudium solistimum*

appellabatur. *Quia enim*, ait Cic. de Divin. II, 72, *quum pascentur pulli, necesse est aliquid ex ore cadere, et terram pavire*, id est, ferire, *terripudium primo, mox terripudium dictum est: hoc quidem jam tripudium dicitur. Solistimum autem dicebatur a solo, quod feriebat offa ex ore pulli decidens. Ed.*

5. *Quadr. f. erant*; v. VII, 7, n. 2.

6. *Mulos, detractis clitellis, etc.*; vide ad VII, 14, n. 4.

7. *Cum cohortibus alariis* (al. *alariis*) sociorum peditatu. *Alæ* nunquam sociorum copiae, at plerumque equitum quantum unius legionis erat (tum CCC); Str. Conf. ad XXV, 21, n. 4. — *Tumulum conspectum*; vide ad II, 5, n. 8.

spicio, renuntiaverunt. Juvenis, ante doctrinam deos spernentem natus⁸, rem inquisitam, ne quid incompertum deferret ad consulem, detulit. Cui ille, « Tu « quidem macte virtute diligentiaque esto⁹ : cæterum « qui auspicio adest, si quid falsi nuntiat, in semet « ipsum religionem recipit¹⁰. Mihi quidem tripudium « nuntiatum populo romano exercituique egregium « auspiciū est. » Centurionibus deinde imperavit, ut pullarios inter prima signa constituerent. Promovent et Samnites signa; insequitur acies ornata¹¹ armataque, ut hostium quoque magnificentum spectaculum esset. Priusquam clamor tolleretur, concurrereturque, emisso temere pilo ictus pullarius ante signa cecidit. Quod ubi consuli nuntiatum est, « dii in prælio sunt, « inquit; habet pœnam noxium caput. » Ante consulem hæc dicentem corvus voce clara occinuit¹² : quo lætus augurio consul, affirmans nunquam humanis rebus magis præsentēs interfuisse deos¹³, signa canere, et clamorem tolli jussit.

XLI. Prælium commissum atrox, cæterum longe disparibus animis. Romanos ira, spes, ardor certaminis, avidos hostium sanguinis in prælium rapit : Samnitium magnam partem necessitas ac religio invitos magis resistere, quam inferre pugnam, cogit. Nec sustinuisent primum clamorem atque impetum Ro-

8. *Juvenis, ante doctrinam deos spernentem natus*; conf. ad III, 20, n. 6. Epicureos his verbis perstringi monet Gebh.

9. *Macte virtute diligentiaque esto*; v. II, 12, n. 10. — *Qui auspicio adest*, propr. præest, sc. pullarius: sed illud verbum de sacris usitatius; Ern.

10. *In semet ipsum religionem recipit*; vide ad II, 5, n. 4.

11. *Insequitur acies ornata*, legio

linteata, armataque, alius exercitus XX millium (vide cap. 38 extr.), et quidem ornata acies, ita ut hostium quoque, quamvis hostium esset, seu hostilis acies, magnificentum spectaculum esset.

12. *Corvus voce clara occinuit*; vid. ad VI, 41, n. 6.

13. *Nunquam humanis rebus magis præsentēs interfuisse deos*, evidentiori præsentiae favorisque sui significa-

manorum, per aliquot jam annos vinci assueti, ni potentior alius metus insidens pectoribus a fuga retineret. Quippe in oculis erat omnis ille¹ occulti paratus sacri, et armati sacerdotes, et promiscua hominum pecudumque strages, et respersæ fando nefandoque sanguine aræ, et dira exsecratio, ac furiale carmen, detestandæ familiæ stirpique compositum. His vinculis fugæ obstricti² stabant, civem magis, quam hostem, timentes. Instare Romanus a cornu utroque, a media acie, et cædere deorum hominumque attonitos metu: repugnatur segniter, ut ab iis, quos timor moraretur a fuga. Jam prope ad signa cædes pervenerat, quum ex transverso pulvis, velut ingentis agminis incesso motus, apparuit. Sp. Nautius (Octavium Metium quidam eum tradunt) dux alaribus cohortibus³ erat. Pulverem majorem, quam pro numero, excitabant; insidentes mulis calones frondosos ramos per terram trahebant; arma signaque per turbidam lucem⁴ in primo apparebant: post altior densiorque pulvis equitum speciem cogentium agmen dabat; fellitque non Samnites modo, sed etiam Romanos: et consul affirmavit errorem⁵, clamitans inter prima signa, ita ut vox etiam ad hostes accideret, *captum*

tione; Doer. Paulo ante: *dii in prælio sunt*; vide ad I, 12, n. 6.

CAP. XLI. 1. *Occulti paratus* (apparatus, ut sæpe apud Tacitum; vide ad Ann. III, 35, 5) *sacri... compositum*; conf. cap. 38. — *Armati sacerdotes*, forte *centuriones*, ut cap. 38; nisi ibi leg. *circumstantes sacerdotes strictis gladiis*. — *Fando nefandoque sanguine*, pecudum hominumque.

2. *His vinculis fugæ obstricti*, impedimentis fugæ; his remediis, a fuga eos retinentibus, compulsi. Conf. c. 13 extr. et ad lib. XXI, c. 43, n. 3.

3. *Dux alaribus cohortibus erat: pulverem majorem*, etc.; conf. c. 40, n. 6, 7. — *Majorem, quam pro numero*; vide ad VII, 33, n. 2.

4. *Per turbidam lucem, moto pulvere turbatam*. — *In primo apparebant*; vide ad II, 20, n. 3.

5. *Consul affirmavit errorem*, etc.; conf. ad X, 14, 13. — *Ita ut vox etiam ad hostes accideret optimi MSS*. Sic cap. 43, *clamor eos utrinque par accidens sustinuit*; XXVII, 17; *præsidium ad arcem, unde maxime terribilis accidebat sonus, traducit*; *ibid.*,

Cominium, victorem collegam adesse; adniterentur vincere prius, quam gloria alterius exercitus fieret. Hæc insidens equo : inde tribunis centurionibusque imperat, ut viam equitibus patefaciant. Ipse Trebonio Cædicioque prædixerat ⁶, ut, ubi se cuspidem erectam quatientem vidissent, quanta maxima vi possent, concitarent equites in hostem; ad nutum omnia, ut ex ante præparato, fiunt. Panduntur inter ordines viæ : provolat equës, atque infestis cuspidibus in medium agmen hostium ruit; perrumpitque ordines, quacumque impetum dedit. Instant Volumnius et Scipio, et percussos sternunt : tum, jam deorum hominumque victa vi ⁷, funduntur linteatæ cohortes : pariter jurati injuratique fugiunt, nec quemquam, præter hostes, metuunt. Peditum agmen, quod superfuit pugnae, in castra ad Aquiloniam compulsum est; nobilitas equitesque Bovianum perfugerunt : equites eques sequitur, peditem pedes : ac diversa cornua ⁸, dextrum ad

inde nulla accidebat vox. Alii *accederet*, quod ex Terent. Hecyr. act III, sc. 5, v. 32. « Pamphile, haud invito ad aures sermo mihi accessit tuus. » Et Cicer. in Vatin. cap. 2 : « Non putas fas esse, verbum ex ore exire cuiusquam, quod non iucundum et honorificum ad aures tuas accidat. » Defendi posse monet Duk. Conf. inf. ad XXI, 10, n. 15. Ed.

6. *Ipse Trebonio Cædicioque prædixerat*; vide supra ad libr. II, cap. 10, n. 4.

7. *Tum jam deorum hominumque victa vi*, quam horrendum iusjurandum, et terribiles minæ in milites habuerant; Doer. Conf. c. 38. — *Victa vi*; *victa vis* plurimi codices, et fere omnes ante Frobenian. edd. Ea lectio si recipiatur, post voc. *vis* interpungendum est, *victa vis*; *funduntur*.

Vulgatum placebit illis qui omnia unius orationis complexu contineri malunt; contra scriptam lectionem præferent, qui codicum consensum non spernendum judicabunt, præsertim quum alibi etiam Livius intercisit his orationibus delectatus sit. Eligat igitur quisque, quod sibi verius videatur. Ed. — *Linteatæ cohortes*; vide cap. 38. Mox *agmen post peditum deleri malebat* Gronov. — *Peditum agmen, quod superfuit pugnae*. Indicat hic noster, non integrum agmen peditum in castra compulsum esse, sed eam agminis partem, quæ pugnae superfuit. Eodem fere modo locutus est Livius supr. V, 34, *is, quod his ex populis abundabat, Bituriges, Arvernos.... excivit*. Vide et inf. XXVI, 33. Ed.

8. *Diversa cornua*, etc.; vid. supra ad III, 60, n. 1.

castra Samnitium, lævum ad urbem tendit. Prior aliquanto Volumnius castra cepit : ad urbem Scipioni majore resistitur vi; non quia plus animi victis est, sed melius muri, quam vallum, armatos arcent : inde lapidibus propulsant hostem. Scipio, nisi in primo pavore, priusquam collegerentur animi, transacta res esset, lentio rem fore munitæ urbis oppugnationem ratus, interrogat milites, *Satin' æquo animo pate- rentur, ab altero cornu castra capta esse : se victores pelli a portis urbis?* Reclamantibus universis, primus ipse, scuto super caput elato, pergat ad portam : sequuti alii, testudine facta⁹, in urbem perrumpunt; deturbatisque Samnitibus, qui circa portam erant, muros occupavere. Penetrare in interiora urbis, quia pauci admodum erant, non audent.

XLII. Hæc primo ignorare consul, et intentus recipiendo exercitui esse : jam enim præceps in occasum sol¹ erat, et appetens nox² periculosa et suspecta omnia etiam victoribus faciebat. Progressus longius ab dextra castra capta videt : ab læva clamorem in urbe mixtum pugnantium ac paventium fremitu esse; et tum forte certamen ad portam erat. Advectus deinde equo propius, ut suos in muris videt, nec jam integri quidquam esse³, quoniam temeritate paucorum magnæ rei parta occasio esset, acciri, quas receperat, copias, signaque in urbem inferri jussit; ingressi proxima ex parte⁴, quia nox appropinquabat, quievire : nocte oppidum ab hostibus desertum est. Cæsa illo

9. *Testudine facta*; vid. V, 5, n. 3.
CAP. XLII. 1. *Præceps in occasum sol*; vide ad IV, 9, n. 6.

2. *Appetens nox*; v. ad V, 19, n. 2.

3. *Nec jam integri quidquam esse*, nihil, quod a se mutari possit, nihil a suo amplius pendere arbitrio, omnia

jam tentata esse et perfecta; vide ad II, 5, n. 1.

4. *Ingressi proxima ex parte*.... *quievire*, ex parte militum; qui urbi proximi fuerant; Doer. Imo *ingressi* erant. Cave etiam jungas *ingressi proxima* et *ex parte quievire*. Aptior ra-

die ad Aquiloniam Samnitium millia triginta⁵ trecenti quadraginta : capta tria millia octingenti et septuaginta : signa militaria nonaginta septem. Cæterum illud memoriæ traditur, non ferme alium ducem lætiores in acie visum, seu suoapte ingenio, seu fiducia bene gerundæ rei. Ab eodem robore animi⁶ neque controverso auspicio⁷ revocari a prælio potuit; et in ipso discrimine⁸, quo templa diis immortalibus voveri mos erat, voverat Jovi Victori, si legiones hostium fudisset, pocillum mulsi⁹ prius, quam temetum biberet, sese facturum. Id votum diis cordi fuit¹⁰; et auspicia in bonum verterunt¹¹.

XLIII. Eadem fortuna ab altero consule ad Cominium gesta res : prima luce, ad mœnia omnibus copiis

tio est: *ingressi ex parte*, non omnes, sed pars copiarum, quas consul acciverat, *proxima*, primas urbis partes; vel *ingressi urbem ex proxima parte* ejus, h. e. proximas ejus partes (cf. ad II, 33, n. 8) : nisi cum Gronovius leg. *proxima portæ*, vel *ingressi proxima, ea parte, ... quievit*.

5. *Millia trig.*, etc.; v. IX, 43, n. 8.

6. *Ab eodem robore animi*, propter illud; vide ad I, 1, n. 5.

7. *Controverso auspicio*; cf. c. 40.

8. *In ip. discrimine*; v. VI, 17, n. 1.

9. *Pocillum mulsi prius, quam temetum*, vinum (præcipuam temulentix causam; vide Plinium, XIV, 3, et Gell. X, 23), *biberet, sese facturum*, sacrificandi causa oblaturum : nam *facere* est verbum propr. de sacrificiis. Sed vel simpl. dicitur pro sacrificare (*facere et fieri*, sc. *sacra*, seu *sacrum*, ut sæpius utrumque XXII, 10, et gr. *ἱεῖν*, cf. ad Juven. IX, 117), vel jungitur eo sensu cum ablat. rei (ut *catulo* et *vitula* apud Colum. II, 22, et Virg. Ecl. III, 77), non cum accu-

sativo rei, nisi cum *sacra*, aut *sacrificium* et *res divinas*. Hinc leg. forte *pocillo*, aut *facturum* proprio sensu h. l. capiendum, etsi non sine respectu sacrificii, vel cum Drak. referendum ad compositionem *mulsi*, quod ex vino et melle conficiebatur, unde gr. οἶνόμελι dictum. Cæterum Strohthius jam monuit, hoc votum, quod non templum, aut tale quid magni contineat, sed ad vinum et lætitiæ spectet, adeoque fere jocosum sit, affectu ad probandum, *non ferme alium lætiores ducem in acie visum*. Mulsi autem usus Romanis tum in sacris fuit, tum in deliciis, et in triumphis, funeribusque, in quibus milites et funus prosequentes eo donabantur. Cf. XXXVIII, 55, n. 2; Varr. R. R. III, 16, n. 2; Colum. XII, 12; Plin. XIV, 17; XXII, 23, 24, seu 49-53 (ubi vide Hard.); Plant. Bacchid. IV, 9. 149 sq. Plut. Apophth. p. 196.

10. *Id v. diis c. fuit*; v. VI, 9, n. 1.

11. *Auspicia in bonum verterunt*; vide ad II, 3, n. 2.

admotis, corona cinxit urbem; subsidiaque firma, ne qua eruptio fieret, portis opposuit. Jam signum dantem eum nuntius a collega¹ trepidus de viginti cohortium adventu, et ab impetu moratus est, et partem copiarum revocare instructam intentamque ad oppugnandum coegit. D. Brutum Scævam legatum cum legione prima et decem cohortibus alariis equitatuque ire adversus subsidium hostium jussit: quocumque in loco fuisset obvius, obsisteret ac moraretur; manumque, si forte ita res posceret, conferret: modo ne ad Cominium eæ copiae amoveri possent. Ipse scælas ferri ad muros ab omni parte urbis jussit, ac testudine ad portas successit²; simul et refringebantur portæ, et vis undique in muros fiebat. Samnites sicut, antequam in muris viderent armatos, satis animi habuerunt ad prohibendos urbis aditu hostes; ita, postquam jam non ex intervallo nec missilibus, sed cominus gerebatur res, et³, qui ægre successerant ex plano in muros, loco, quem magis timuerant, victo, facile in hostem imparem ex æquo pugnabant, relictis turribus murisque, in forum omnes compulsi, paulisper inde tentaverunt extremam pugnae fortunam. Deinde, abjectis armis, ad undecim⁴ millia hominum et quadringenti in fidem consulis venerunt: cæsa ad quatuor millia trecenti octoginta. Sic ad Cominium, sic ad Aquiloniam gesta res. Inde medio inter duas

CAP. XLIII. 1. *Nuntius a collega*; vide ad XXVII, 5, n. 4. — *Decem cohortibus alariis*; vid. X, 40, n. 7.

2. *Testudine ad portas successit*; vide ad V, 5, n. 3.

3. *Et Romani, qui ægre (difficiliter) successerant ex plano loco in muros, nunc loco, quem magis quam hostem timuerant, victo, superato muro, facile in, adversus, hostem ip-*

sis imparem viribus ex æquo pugnabant loco. Vox ita ante postquam jungenda cum verbis sequentibus relictis turribus, etc.

4. *Ad undecim (al. quindecim) millia hominum et quadringenti*; vide ad lib. IX, cap. 43, n. 8. — *In fidem consulis venerunt*; vide ad lib. VII, cap. 18, n. 1. — *Mox inter duas acies* Leid. 1 exhibet. Ed.

urbes spatio, ubi tertia expectata erat pugna, hostes non inventi. Septem millia passuum quum abessent a Cominio, revocati ab suis neutri⁵ prælio occurrerunt. Primis ferme tenebris quum in conspectu jam castra, jam Aquiloniam habuissent, clamor eos utrimque par accidens sustinuit: deinde e regione castrorum, quæ incensa ab Romanis erant, flamma late fusa certioris cladis indicio⁶ progredi longius prohibuit. Eo ipso loco prope temere sub armis strati passim inquietum omne tempus noctis, expectando timendoque lucem, egere. Prima luce, incerti quam in partem intenderent⁷ iter, repente in fugam consternantur⁸, conspecti ab equitibus; qui, egressos nocte ab oppido Samnites persequuti, viderant multitudinem, non vallo, non stationibus firmatam. Conspecta et ex muris Aquiloniæ ea multitudo erat: jamque etiam legionariæ cohortes sequebantur. Cæterum nec pedes fugientes persequi potuit: et ab equite novissimi agminis ducenti ferme et octoginta interfecti. Arma multa pavidi, ac signa militaria duodeviginti reliquere; alio

5. *Neutri prælio occurrerunt*; vide ad XXI, 61, n. 1.

6. *Flamma late fusa certioris cladis indicio*, forte certius c. *indicium*. . . . prohibuit, vel certiori c. *indicio*, p. l. prohibiti; J. Gronov. — *Eo ipso loco prope temere*, fere sine ordine, dum quisque locum capiebat, quem sibi forte aptum invenerat; Doering. — *Forte temere malebat* Gron. — Quæ loquendi forma apud nostrum usitatissima est. XXIII, 3: «Nec quidquam raptim, aut forte temere egeritis.» XXV, 38: «Nec hujus occasionis spem, milites, forte temere, sed ex re ipsa conceptam habeo.» XXXIX, 15: «Majores vestri ne vos quidem forte temere coire voluerunt.» XLI, 2: «Id

forte temere ab uno exclamatum passim totis personabat castris.» Et alibi. Terent. Phorm. act. V, sc. 1: «Quam sæpe forte temere eveniunt, quæ non audeas optare.» Cic. de Fato, cap. 3: «Si fati... nulla vis esset, et forte temere... aut pleraque fierent, aut omnia.» Curt. V, 11: «Eludant licet, quibus forte temere humana negotia volvi agique persuasum est.» Conf. ad II, 31, n. 3. Ed.

7. *Quam in partem intenderent iter*; vide ad IV, 19, n. 1.

8. *In fugam consternantur*; vide ad II, 47, n. 3. — *Conspecti ab equitibus*. Doujatius conjicit legend. *conspectis equitibus*, quod non displicet: sed eodd. nihil mutant. Ed.

agmine⁹ incolumi, ut ex tanta trepidatione, Bovianum perventum est.

XLIV. Lætitiam utriusque exercitus romani auxit, et ab altera parte feliciter gesta res. Uterque ex alterius sententia consul captum oppidum diripiendum militi dedit; exhaustis¹ deinde tectis ignem iniecit: eodemque die Aquilonia et Cominium deflagraverunt. Et consules, cum gratulatione mutua legionum suarum, castra conjunxerunt. In conspectu duorum exercituum et Carvilius suos pro cuiusque merito laudavit donavitque; et Papirius, apud quem multiplex in acie, circa castra, circa urbem, fuerat certamen, Sp. Nautium, Sp. Papirium, fratris filium, et quatuor centuriones, manipulumque hastatorum, armillis aureisque coronis donavit: Nautium propter expeditionem, qua magni agminis modo² terruerat hostes: juvenem Papirium propter navatam cum equitatu et in prælio operam, et nocte, qua fugam infestam Samnitibus ab Aquilonia clam egressis fecit: centuriones militesque, quia primi portam murumque Aquiloniæ ceperant. Equites omnes, ob insignem multis locis operam, corniculis³ armillisque argenteis donat. Con-

9. *Alio*, reliquo (vide ad IV, 10, n. 2), *agmine incolumi*, ut ex tanta trepidatione; vide ad VIII, 30, n. 7.

CAP. XLIV. 1. *Exhaustis tectis*, exinanitis, expilatis, direptis, ut XXVI, 30; XXXI, 38; XXXIV, 13; ubi vide Drak.

2. *Magni agminis modo*, specie; Doer. — *Centuriones quatuor, militesque*, manipulum hastatorum; v. præc. Tempora h. l. parum conveniunt; *terrue- rat, fecit, ceperant*; Duk.

3. *Corniculis*, forte ornamentis galearum, cornu speciem referentibus; et hinc *cornicularii* milites, iis donati,

seu insigniti. Tubulos cornuum forma fuisse, quibus inderen ut plumæ eminentes, ornatus galeæ et caudæ equi, suspicabatur Scheff. de tribus orbibus aureis, p. 56-66. « *Cornu* dictum illud ornamentum, miris gemmis ornatum, quod capite gestant Venetorum duces: et id nummo argenteo Alexandri Magni caput galeatum cum corniculis, quibus inditæ plumæ, conspicimus; » Marc. Donat. Conf. Drakenb. ad hunc locum; Salmas. ad Solin. p. 386, et Intpp. Suet. Dom. XVII, et Gramm. IX; Valer. Max. VI, 1, 11. *Corollis*, vel *coronulis* conj. Jac. Periz,

silium inde habitum, quum jam tempus esset deducendi ab Samnio exercitus, aut utriusque, aut certe alterius. Optimum visum, quo magis fractæ res Samnitium essent, eò pertinacius et infestius agere cætera, et persequi; ut perdomitum Samnium insequentibus consulibus tradi posset. Quando jam nullus esset hostium exercitus, qui signis collatis dimicaturus videretur, unum superesse belli genus, urbium oppugnationes; quarum per excidia militem locupletare præda, et hostem pro aris ac focus dimicantem⁵ conficere possent. Itaque, literis missis ad senatum populumque romanum de rebus ab se gestis, diversi, Papirius ad Sæpinum, Carvilius ad Volanam oppugnandam legiones ducunt.

XLV. Literæ consulum ingenti lætitia et in curia et in concione auditæ; et quadridui supplicatione¹ publicum gaudium privatis studiis celebratum est. Nec populo romano magna solum, sed peropportuna etiam, ea victoria fuit; quia per idem forte tempus rebellasse Etruscos allatum est. Subibat cogitatio animum, quoniam modo tolerabilis futura Etruria² fuisset, si quid in Samnio adversi venisset; quæ, conjuratione Samnitium erecta, quoniam ambo consules, omnisque romana vis aversa in Samnium esset, occupationem

4. *Pro aris ac focus dimicantem*; vid. ad V, 30, n. 2. — *Diversi*; vid. III, 60, n. 1. — *Sæpinum*, Σαίπινον Ptol. hod. *Supino*, ad Apenninum et fontes Tamari flumin. unde *municipes Sæpinates* apud Gruter. 441, 4; 513, 1. — *Volana* oppid. Samnii, non nisi Livio memoratum, ut et *Palumbinum* et *Herculaneum* cap. 45.

CAP. XLV. 1. *Supplicatione publicum gaudium privatis studiis celebratum est*: ante *supplicatione* supplend.

in, vel et inserendum ante *privatis*.

2. *Tolerabilis futura Etruria fuisset*. Hæc ita Livius narrat, perinde atque antea Etruria ac Samnium nunquam simul adversus Romanos fuerint, quum ad finem ann. 458, cap. 32, hi duo populi, ac præterea Galli et Umbri, non parva accessio, bellum Romanis moverint. Ed. — *Si quid in Samnio adversi venisset*; duo e nostris codd. cum uno e Gronov. et antiqq. edd. *evenisset*. Sed vulgatum etiam servari po-

populi romani pro occasione rebellandi habuisset. Legationes sociorum, a M. Atilio prætore in senatum introductæ, querebantur, uri et vastari agros a finitimis Etruscis, quod desciscere a populo romano nolent; obtestabanturque Patres conscriptos, ut se a vi atque injuria communium hostium tutarentur. Responsum legatis, *curæ senatui futurum, ne socios fidei suæ pœniteret: Etruscorum prope diem eamdem fortunam, quam Samnitium, fore*. Segnius tamen, quod ad Etruriam attinebat, acta res esset, ni Faliscos quoque, qui per multos annos in amicitia fuerant, allatum foret, arma Etruscis junxisse. Hujus propinquitas populi acuit curam Patribus, ut feciales mittendos ad res repetendas censerent: quibus non redditis, ex auctoritate Patrum jussu populi³ bellum Faliscis indictum est: jussique consules sortiri, uter ex Samnio in Etruriam cum exercitu transiret. Jam Carvilius Volanam, et Palumbinum, et Herculaneum ex Samnitibus ceperat: Volanam intra paucos dies, Palumbinum eodem, quo ad muros accessit. Ad Herculaneum bis etiam signis collatis ancipiti prælio, et cum majore sua, quam hostium, jactura dimicavit. Castris deinde positis, mœnibus hostem inclusit. Oppugnatum oppidum, captumque: in his tribus urbibus capta aut cæsa ad decem millia hominum; ita ut parvo admodum plures⁴ caperentur. Sortientibus provincias consulis, Etruria Carvilio evenit secundum vota militum, qui vim frigoris jam in Samnio⁵ non patiebantur. Pa-

test; vide ad IX, 12, n. 1. Ed. — *Occupationem belli romani*, bellum in Samnio. — *Legationes sociorum, a M. Atilio prætore in senatum*, etc.; vide ad III, 4, n. 2.

3. *Ex auctoritate Patrum jussu populi*; vide ad I, 17, n. 6.

4. *Parvo admodum plures* (ut aliquanto plures, multo plures, nimio plures, apud Plin. II, 67; *parvo brevius*, ap. Gell. XIII, 2, n. 17; *parvo junior et brevi antiquior*; Gronov.), *caperentur, quam cæsi essent*.

5. *Vim frigoris in Samnio majorem*,

pirio ad Sæpiuum major vis hostium restitit. Sæpe in acie, sæpe in agmine⁶, sæpe circa ipsam urbem adversus eruptiones hostium pugnatum: neque obsidio⁷, neque bellum ex æquo erat: non enim muris magis se Samnites, quam armis ac viris mœnia, tutabantur. Tandem pugnando in obsidionem justam coegit hostes; obsidendoque vi atque operibus⁸ urbem expugnavit. Itaque ab ira plus cædis editum, capta urbe: septem millia quadringenti cæsi: capta minus tria millia hominum: præda, quæ plurima fuit, congestis Samnitium rebus in urbes paucas, militi concessa est.

XLVI. Nives jam omnia opleverant, nec durari extra tecta poterat; itaque consul exercitum de Samnio deduxit: venienti Romam triumphus omnium consensu est delatus¹. Triumphavit in magistratu, insigni, ut illorum temporum habitus erat, triumpho. Pedites equitesque insignes donis transiere ac transvecti

quam in Etruria, quia regio erat montana; Strothius.

6. *Sæpe in acie, sæpe in agmine*, in itinere, ut apud Sall. Jug. 45, vel, ut Drak. exponit, qui alterum *in* delendum putat: non explicatis ordinibus, distinctaque acie. Cf. XXI, 57; XXV, 34 (*agmina magis quam acies pugnabant*: nos: *mehr Colonnenweise als en Fronte*); XXIX, 36; XXXIII, 9; quibus locis *agmina aciei* (ex aliorum sententia: singulæ manus toti exercitui) opponuntur. *Agmina* etiam *incondita turba*, synonym. XXI, 57.

7. *Neque obsidio erat*, quia magna vis hostium in acie resistebat Romanis, neque justam obsidionem fieri *tutando armis virisque mœnia* patiebatur; *neque bellum ex æquo erat*, quia non omnis exercitus Samnitium castris et acie collata cum Romanis pugnabat, sed ex parte etiam mœnibus

urbis, ad quæ castra posuerat, defendebatur; Stroth. *Neque obsidio, sed bellum ex æquo erat*, MS Flor. probb. Gronov. et Drak. ut sensus sit: non jam videbantur obsideri, sed in campo pares cum paribus congregari.

8. *Vi atque operibus*; vide ad V, 22, n. 6. — *Ab ira plus cædis editum*; vide ad I, 1, n. 5. — *Septem millia*, etc.; vide ad IX, 43, n. 8.

CAP. XLVI. 1. *Triumphus omnium consensu est delatus*, forte decretus legend. cum Drak. Nam Mario, Cæsari, aliisque non petentibus triumphus quidem oblatum est, sed nemini, quod sciam, his temporibus. — *Insigni, ut illorum temporum habitus* (ratio et indoles) *erat, triumpho*; v. ad VIII, 30, n. 7. — *Transiere pedites, transvecti sunt equites*. . . . *civica coronæ, vallaresque, ac murales*; cf. ad VI, 20, n. 5. *Vallaris* forte diversa a ca-

sunt : multæ civicæ coronæ, vallaesque, ac murales conspectæ. Inspectata spolia Samnitium; et decore ac pulchritudine paternis spoliis², quæ nota frequenti publicorum ornatu locorum erant, comparabantur. Nobiles aliquot captivi, clari suis patrumque factis, ducti. Æris gravis transvecta vicies centena et ad triginta tria millia; id æs redactum ex captivis dicebatur. Argenti, quod captum ex urbibus erat, pondo millia trecenta triginta, omne æs argentumque in ærarium conditum. Militibus nihil datum ex præda est : auctaque ea invidia est ad plebem, quod tributum etiam in stipendium militum collatum est; quum, si spreta gloria fuisset captivæ pecuniæ in ærarium illatæ, et militum dari ex præda, et stipendium militare præstari potuisset. Ædem Quirini³, quam in ipsa dimicatione votam apud neminem veterem auctorem invenio (neque, Hercule, tam exiguo tempore perficere potuisset), ab dictatore patre votam, filius consul dedicavit, exornavitque hostium spoliis. Quorum tanta multitudo fuit, ut non templum tantum forumque his ornaretur, sed sociis etiam colonisque finitimis, ad templorum locorumque ornatum, dividerentur. A triumpho exercitum in agrum⁴ vescinum, quia regio ea infesta ab

strensi, quod castra etiam potuerunt esse sine vallis, solisque terrenis aggeribus munita : hæc ei data, qui primus introverat castra hostium; illa ei, qui primus vallum castrorum superaverat : hujus insigne vallus ex auro, illius vallum. Ita Jac. Gron. ad Gell. lib. V, cap. 6.

2. *Paternis spoliis*, scutis auratis Samnitium, ab hujus Papirii patre devictorum, quæ nota erant frequenti ornatu publicorum locorum, fori; vid. IX, 40. — *Vicies centena et ad*, circiter, plus minus, *triginta t. m.* ex

emend. Gron. qui vid. etiam de pec. vet. II, 5.

3. *Ædem Quirini... dedicavit*; cf. Plin. VII, 60, qui simul tradit, primum ab eo solarium horologium ad hanc ædem statutum fuisse. Idem Plinius, XXXIV, 7, seu 18, refert, e captivis Samnitium armis colosseam Jovis statuam in Capitolio, nec tamen a Papirio, sed Sp. Carvilio, factam esse. — Confer etiam Salmas. ad Solinum, p. 457. Ed.

4. *In agrum vescinum*; v. ad VIII, 11, n. 3.

Samnitibus erat⁵, hibernatum duxit. Inter hæc Carvilius consul, in Etruria Troilium primum oppugnare adortus, quadringentos septuaginta ditissimos, pecunia grandi pactos, ut abire inde liceret, dimisit: cæteram multitudinem oppidumque ipsum vi cepit. Inde quinque castella, locis sita munitis, expugnavit: cæsa ibi hostium duo millia quadringenti; minus duo millia capti⁶. Et Faliscis pacem petentibus annuas inducias dedit, pactus centum millia gravis æris, et stipendium ejus anni militibus. His rebus actis ad triumphum decessit, ut minus clarum de Samnitibus, quam collegæ triumphus fuerat, ita cumulo etrusci belli æquatum. Æris gravis tulit in ærarium trecenta octoginta millia: de reliquo ære ædem Fortis⁷ Fortunæ de manubiis faciendam locavit, prope ædem⁸ ejus deæ ab rege Ser. Tullio dedicatam. Et militibus ex

5. *Regio ea infesta ab Samnitibus erat*; vide ad I, 7, n. 7. — *Troilium* opp. ignotum. Forte legendum *Trossulum*, oppidum Etruriæ, non longe a monte *Frasconi* (hodie *Trosso*), a quo sine peditum opera capto equites roman. *Trossulos* fuisse dictos docent Plin. XXXIII, 2, seu 9, et Festus.

6. *Minus duo millia capti*; vide ad III, 64, n. 5, et XXVII, 16, n. 2.

7. *Ædem Fortis Fortunæ* trans Tiberim. Donatus: *Fortuna dicta est incerta res, Fors Fortuna eventus fortunæ bonus*. Conf. ad Tac. Annal. II, 41, n. 2; Ovid. Fast. VI, 773 seq. et Nardini Roma antica VII, 11. — *De reliquo ære, de manubiis*, h. e. de reliqua prædæ parte, et quidem ea, quæ *manubiæ* erant; Strothius. *Manubiæ* tertia prædæ pars, quæ imperatori solebat dari, et ab eo in monumentum aliquod ornamentumve publicum consumi. Cf. Periz. Epist. XXXII, in Syll.

Epist. Burm. t. IV; Heins. ad Velleii II, 40; Ascon. et Græv. ad loca class. Cic. Verr. I, 59, et Leg. agrar. I, 4; II, 22, 23. — *Faciendam locavit*; v. ad V, 23, n. 6.

8. *Prope ædem ejus* (al. *eidem*) *deæ ab rege Servio Tullio dedicatam* novam nunc exstructam fuisse mireris. Forte legendum *prolapsa æde, eidem deæ... dedicata*. — *Alterum tantum centurionibus atque equitibus*: hæc præmia pro portione stipendii dari solita, quod miles simplex, centurio duplex, eques triplex accipiebat. Conf. XXXIII, 23; XXXIV, 52; XXXVI, 40; XXXVIII, 59; XXXIX, 5, n. 7; XL, 43, 51; XLI, 7, 13; XLV, 40, 43. Nec aliter accipienda videntur ea loca, ubi nulla vel centurionum et equitum fit mentio, ut XXVIII, 9; XXX, 45; XXXI, 20; vel centuriones, vel equites præterit Livius, ut XXXIV, 46; XXXIX, 7; nisi utro-

præda centenos binos asses, et alterum tantum centurionibus atque equitibus (malignitate⁹ collegæ gratius accipientibus munus) divisit. Favor consulis tutatus ad populum est L. Postumium legatum ejus; qui dicta die a M. Cantio¹⁰ tribuno plebis, fugerat in legationem¹¹ (ut fama ferebat) populi judicium: jactarique magis¹², quam peragi, accusatio ejus poterat.

XLVII. Exacto jam anno, novi tribuni plebis magistratum inierant: iisque ipsis, quia vitio creati erant¹, quinque post dies alii suffecti. Lustrum con-

que loco aliquid excidit. Singulare et corruptum est, quod XXXIII, 37, legitur, non quod h. l.; etsi æque sine exemplo est, eo quod mihi persuadeo, non multo ante hoc tempus in usu esse cœpisse, ut triumphantes exercitui aliquid ex præda dividerent, et ob id tum nondum certam rationem ac modum horum præmiorum servatum fuisse. Nam primam hujus rei a Livio mentionem puto fieri X, 30. » Duker. Cf. XXXIII, 23, n. 3, et XXXIX, 7, n. 2. — *Alterum tantum* duplum. Vide quod supra notavimus ad lib. VIII, cap. 8. Ed.

9. *Malignitate collegæ*, ob malignitatem Papirii, qui militibus nihil dederat ex præda. Cf. ad III, 63, n. 2. — *L. Postumium*; eum nempe qui consul priore anno fuerat, virum ingenii contumacis, cujus certamina cum senatu (supra cap. 37) videntur huic accusationi materiam dedisse. Ed.

10. *Dicta die a M. Cantio* (al. *Scantio*): causa non additur; sed petenda videtur e cap. 37.

11. *Fugerat in legationem* (ut fama ferebat) *populi judicium*; conf. ad VI, 24, n. 7. Sed potius leg. *in legatione* cum Perizonio, vel, quod malim, *per legationem*; nam sensus est: qui, quamvis consularis, et consulatu vix

deposito, ut fama ferebat, *legationem*, h. e. legati munus a Carvilio petierat acceperatque, ut effugeret populi judicium, quique illud ita evaserat: nam magistratus, et qui reipublicæ causa aberant, in jus vocari non licebat. Hoc itaque jam tum legibus cautum, vel certe usitatum fuisse videtur: incerti quoque anni est lex Memmia de ea re lata, et dubium, utrum hæc diversa fuerit a Remmia de calumniatoribus, an eadem, et quod nomen huic tribuendum; vide Pigh. Ann. ad ann. 613; Ernesti clav. Cic. et ad Sueton. Cæs. 17 et 23.

12. *Jactarique magis* (vide ad III, 10, n. 2) *quam peragi, accusatio ejus poterat*, ob favorem consulis; forte et ob artes, quibus res extracta est in principium novi anni, quo alii tribuni plebis magistratum iniere. Conf. cap. 47 pr.

CAP. XLVII. I. *Quia vitio creati erant tribuni plebis*: « Idem XXX, 39, de ædilibus plebis dicit. At plebei magistratus auspicato non creabantur. Quomodo ergo vitio creati dicuntur? Hoc expedit Gruchius de Comit. II, 4 pr. et in responsione ad poster. Sigonii disputationem p. 842 editionis Hanov. » Duker. Cf. ad V, 17, n. 4.

ditum² eo anno est a P. Cornelio Arvina, C. Marcio Rutilo, censoribus: censa capitum millia ducenta sexaginta duo trecenta viginti duo. Censores vicesimi sexti a primis censoribus³; lustrum undevicesimum fuit. Eodem anno coronati primum, ob res bello bene ge-

2. *Lustrum conditum*; vide ad I, 44, n. 3.

3. *Censores vicesimi sexti a primis censoribus*: sed vix XII censorum paria memoravit jam Livius. — *Lustrum undevicesimum*; in Fastis Capitol. trigessimum: unde Livium non numerasse lustra X ante primos censores condita suspicabantur Sigon. et Pigh. in *Annalibus* ad an. 459, qui et sæpe notavit incuriam ejus in censoribus lustrisque referendis. Sed forte librarii pro XXX reposuere XIX. Nota Drakenb. est hæc: « Dodwell. de Cyclis diis. X, § 92, p. 632 emend. *Cens. LXXXVI a primis censoribus*: primos enim censores an. Urb. 311 institutos esse, et an. 320 censuræ tempus XVIII mensium spatium conclusum ab Æmilio Mamercio, ita ut singulis trienniis ad an. 440 bina fuerint censorum collegia. Verum toto cælo errat. Licet enim Æmilius censuram XVIII mensium spatium concluderit, non tamen postea quolibet mense octavodecimo novi censores, adeoque uno triennio duo censorum paria creabantur; sed, quemadmodum antea fieri solebat, quolibet quinquennio semel tantum novi censores eligebantur, verum hac lege, ut post XVIII menses honore abirent, reliquo trium annorum et sex mensium spatium nulli censores in republica forent. Patet hoc ex cavillationibus Ap. Claudii, IX, 33, qui contendebat, se censorem creatum esse ex formula primæ istius legis, qua primitus censores instituti sunt, iisque imperium

quinquenne datum est: similiter etiam reliquos censores post C. Furium et M. Geganium, in quorum censura lex Æmilia lata erat. Ita enim Appius ille prætexere potuit, etsi tenuerit lex Æmilia eos censores, quorum in magistratu lata esset; non tamen aut se, aut quemquam eorum, qui post eam legem latam creati censores essent, teneri ea lege potuisse. Præterea, si post XVIII menses mox prioribus novi substitui solerent, cur non tempore Appii, exacto eo spatium, novi censores creati sunt, unde Appio censura abeundi necessitas imposita fuisset? Novos autem censores creari Appius impedire non potuisset, quia comitiis, quibus censores creabantur, non ipsi censores, sed consules præerant. Insuper adhuc diutissime post Appii censuram censores tantum per XVIII menses, aut certe non per integrum quinquennium, honorem obtinuisse, et satis magna quinquennii parte nullos in republica censores fuisse, colligi potest ex Liv. XLV, 15, ubi censores petiisse legimus, ut *per anni et bimensis tempus prorogaretur sibi censura*. Id alioquin excurrisset in tempus novorum censorum, adeoque tum quatuor censores uno tempore exstissent, quod erat inauditum. Sufficisset, si post triennium id sibi concedi petiissent. Verum nunc eo anno petierunt, quia instabat finis anni et sex mensium, quibus exactis dignitate abituri erant. » Idem Drak. ad XLV, 15 extr. hæc notavit: « Sensus Livii

stas, ludos romanos spectaverunt⁴ : palmæque tum primum, translato e Græcia more, victoribus datæ. Eodem anno ab ædilibus curulibus, qui eos ludos fecerunt, damnatis aliquot pecuariis⁵, via a Martis silice ad Bovillas perstrata est. Comitia consularia L. Papirius habuit : creavit consules Q. Fabium Maximi filium Gurgitem et D. Junium Brutum Scævam : ipse Papirius prætor factus. Multis rebus lætus annus vix ad solatium unius mali, pestilentiae urentis⁶ simul urbem atque agros suffecit; portentoque jam similis clades erat. Et libri aditi⁷, quinam finis, aut quod remedium ejus mali ab diis daretur : inventum in libris, Æsculapium ab Epidauro Romam arcessendum⁸. Neque eo anno, quia bello occupati consules erant, quidquam de ea re actum : præterquam quod unum diem Æsculapio supplicatio habita est.

est, censores petiisse, ut ad annum et semestre spatium, per quod secundum legem Æmiliam censuram gerere poterant, anni et bimensis tempus adderetur, quo sarta tecta exigerent, et opera locata probarent. Male vero Dodwell. l. l. § 18, existimat, censores a pontificibus petiisse, ut hic annus bimestri spatio per intercalationem augetur. Nam *prorogare* non pro *intercalare*, nec *tempus anni et bimensis* pro *tempus bimensis in anno* ponitur, etc. »

4. *Eodem anno coronati primum... ludos rom. spectaverunt* non soli, opinor, imperatores, sed et alii, quibus coronæ præmii loco datæ; Stroth. Cf. XXIII, 11, n. 7, et Lips. Mil. rom. V, 17. Forte legendum *ludos Romani spectaverunt*. Verba *eodem anno* parum venuste repetuntur. Cf. ad I, 3, n. 8.

5. *Damnatis aliquot pecuariis* (vide ad X, 23, n. 11), ex multa *via ad Bovillas silice perstrata est a Martis*, num templo? an campo? an jungenda a *Martis silice*? Nihil horum satis probandum, et mendosa forte vox *Martis*. Interpretes tacent.

6. *Pestilentie urentis Urbem*, etc.; vide ad X, 17, n. 1.

7. *Et libri aditi* Sibyllini (vide ad III, 10, n. 6), ut ex iis intelligeretur, ut docerent, *quinam finis, aut quod remedium*, etc.

8. *Æsculapium ab Epidauro Romam arcessendum*; vide XXIX, 11 pr. Epit. Liv. lib. II; Plut. Qu. Rom. 93, p. 286 (tom. VII, pag. 153, ed. Reisk.); Oros. III, 22; quique fabulosam narrationem tam diligenter quam ingeniose tractavit Ovid. Metam. XV, 622-744.

JOANNIS FREINSHEMII
SUPPLEMENTORUM
LIVIANORUM
LIBER PRIMUS

IN LOCUM LIBRI UNDECIMI LIVIANI.

EPITOME

LIBRI UNDECIMI.

Quum Fabius Gurges consul male adversus Samnites pugnasset, et senatus de removendo eo ab exercitu ageret, Fabius Maximus pater, deprecatus hanc sibi ignominiam, eo maxime senatum movit, quod iturum se filio legatum pollicitus est, idque præstitit: ejus consilii et opera filius consul adjutus, cæsis Samnitibus, triumphavit. C. Pontium, imperatorem Samnitium, ductum in triumpho securi percussit. Quum civitas pestilentia laboraret, missi legati, ut Æsculapii signum Romam ab Epidauris transferrent, anguem, qui se in navem eorum contulerat, in quo ipsum numen esse constabat, deportare: eoque in insulam Tiberis egresso, eodem loco ædes Æsculapii consecrata est. L. Postumius consularis, quoniam, quum exercitui præset, opera militum in agro suo usus erat, damnatus est. Cum Samnitibus pacem petentibus fœdus quarto renovatum est. Curius Dentatus consul, Samnitibus cæsis, et Sabinis, qui rebellaverant, victis, et in deditionem acceptis, bis in eodem magistratu triumphavit. Coloniae deductæ sunt, Castrum, Sena, Hadria. Triumviri capitales tunc primum creati sunt. Censu acto, lustrum conditum est: censa sunt civium capita ducenta septuaginta duo millia. Plebs propter æs alienum, post graves et longas seditiones, ad ultimum secessit in Janiculum; unde a Q. Hortensio dictatore deducta est: isque in ipso magistratu decessit.

Res præterea contra Volsinienses gestas continet : item adversus Lucanos, contra quos auxilium Thurinis ferre placuerat.

I. **F**RACTÆ jam multis præliis Samnitium opes erant : neque dubium habebatur, quin bello finis imponi posset, si perculso et debilitato hosti quam minimum ad confirmandos animos spatii relinqueretur. Igitur Q. Fabius consul, ardens juvena, et confecti belli gloriam sibi comparate certus, delectu haud segniter acto, protinus in Campaniam cum exercitu profectus est. Samnites enim, dura gens, et ad desperationem potius quam timorem tot cladibus acta, quod superioris anni consules ad triumphum suum legiones deduxerant, occasione temporum usi, non poenitendas copias ex reliquiis priorum pugnarum, et novis delectibus coegerant : et quoniam pestilentia Romanos urgeri sciebant, præterea consules, nec experientia bellorum, nec auctoritate magnopere metuendos, eum in annum factos esse audiverant ; in spem erecti, Campanos semper spreto, tum autem ut auctores periculorum malorumque suorum invisiores, populationibus et vastatione agrorum lacescebant.

II. Erat in duce romano par dignitati Fabiæ domus animus, sed contemptus toties a suis victæ gentis, et rei gerendæ cupiditas, consilium eripuerant : raptim ad hostes exercitu ducto, quum præmissos ab imperatore Samnitium speculatores vidisset, qui conspecto Romanorum agmine se recipiebant ad suos, universam hostium multitudinem fugere arbitratus, non locorum, non hominum explorato habitu, tanquam omnis victoriæ spes in celeritate posita esset, quanta maxima festinatione poterat, signa inferri jussit. Apud Samnites, a suis præmonitos, omnia circumspectius acta sunt : præcipi opportuna loca, strui acies, alloquiis ducum accendi militis animi potuerunt. Igitur eventus prælii qualis esse debuit, fuit. Fessos ex itinere et cursu, turbatis ordinibus, tanquam ad prædam magis quam pugnam venientes,

instructus paratusque miles haud magno negotio pepulit: Fabius, desideratis suorum millibus tribus, majore etiam numero sauciorum, quo minus omnem exercitum amitteret, superventu noctis defensus est.

III. Tum loco paulo æquiore capto, quantum in illa trepidatione fieri potuit, castra communita sunt: in quibus haud multo melior, quam in ipsa acie, aut facies rerum, aut fiducia animorum fuit: non requies fessis, non cibus esurientibus, non fomenta sauciis suppetebant; tantum cum armis egressi, prioribus in castris impedimenta omnia reliquerant. Igitur inter gemitus morientium, et querelas superstitum tota nox exacta est, omnibus imminentem diem cum horrore ac desperatione, ut supremam, opperientibus. *Neque enim laboribus fessos, exhaustos vigiliis, vulneribus debiles, percultos infelici prælio, numero etiam multum immunito, resistere posse hostibus, quos incolumis adhuc, integris animis corporibusque, et optima spe incensus exercitus sustinere nequivisset.* Rebus conclamatis, uti solet, remedium ab hostis errore fuit. Ille venientis alterius consulis fama perterritus, ne, si oppugnare castra Fabiana adortus esset, recentium copiarum adventu a tergo circumveniretur, rerum supra spem felicium successu contentus, motis castris iter alio convertit. Digressis hostibus, Romani quoque ad tutiora loca se receperunt.

IV. Postquam ista Romam allata sunt, magis ignominia quam accepto detrimento mota civitas, molestissime tulit, temeritate consulis effectum, ut bellum, quo diuturnius nullum fuerat, quum jam in exitu esset, nova spe repletis Samnitium animis, formidabilius iterum, quam a longo tempore fuisset, renasceret. Neque tribuni modo plebis, quorum hæ propriæ artes erant, frequentibus ad populum concionibus invidia et odio cuncta repleverant; verum etiam apud Patres agitata re, atroces sententiæ dicebantur: factumque senatusconsultum est, quo *certum ante diem Fabius consul ad dicendam Romæ causam adesse jubebatur.*

Venientem magna vis accusatorum adorta est : neque defendi factum quibat; et quod unum maxime prodesse debebat reo, Fabii senis gratia, in contrarium verterat. Minus enim ignoscendum ei putabant, qui a præstantissimo viro genitus, et inter paternos triumphos educatus, non modo romanum nomen, sed suæ quoque familiæ laudes, et partas a majoribus victorias, per tantam imprudentiam accepta clade fœdavisset.

V. Exulcerati animi, et defensionem paranti reo vix æquas aures præbituri, Fabii patris insigni pietate primum, mox etiam oratione leniti sunt. Is enim veritus, ne propter rem male gestam filius ab exercitu removeretur, ab ipsa quidem culpa purganda penitus abstinuit : sed *sua et majorum merita* modeste commemorans, *tam acerbam sibi jam seni, tam ignominiosam genti Fabiæ notam* deprecabatur. *Neque tamen se postulare, ut cæteris tot Fabiis, qui ab ipsis prope Urbis primordiis romanam rem virtute consilioque auxissent, ut trecentis etiam illis, qui rempublicam sua, et tantum non universi nominis Fabii internecone texissent, error unius condonetur, si inmedicabilis ille sit, majusque commodum ex pœna filii sui, quam incolumitate, perventurum esse videatur : se enim caritatem patriæ affectibus aliis omnibus anteferre satis didicisse.* « Verum enimvero, quidquid in hoc adolescentem metuendum fuit, transactum est : bona autem, quæ
« mens illius indolesque, ac sub me non ineptissimo magistro, uti vobis visus sum, instituta et exercita virtus pollicentur, adhuc exspectari possunt, nisi spem istam, non
« quidem iniqua, sed tamen intempestiva severitate præcimus. Multis initio rerum gerendarum impigisse ad prudentiam et cautionem profuit, qui erroris admoniti, medicocria sæpe damna ingenti utilitate redemerunt.

VI. « Et nescio, an non ad fortunæ potius invidiam, quam
« hominis cujusquam peccatum, referri verius sit, quod et
« reipublicæ nostræ, et Fabiæ gentis diuturna felicitas medicocri detrimento castigata est : quanquam benevolentia

« magis hæc deorum, quam invidia vocanda sit, cujus bene-
 « ficio adversus exitiabilem superbiam, quæ res nimium se-
 « cundas sequi solet, non tam damnosa civitati clade, quam
 « ad documentum efficaci, conditionis humanæ admonemur.
 « Quidquid id est, Quirites, mihi certe sinistri aliquid præ-
 « sagiebat animus, quum die comitorum sollicitè vobiscum
 « agerem, ne filium meum consulem faceretis. Quum enim
 « patrem meum, avum, proavum, alios majores meos sæpis-
 « sime, ad hæc me ipsum quinquies hoc magistratu functum
 « esse cogitarem, incipiebam vereri, ut eadem in gente sum-
 « mos honores continuari vel dii, vel homines animo satis
 « æquo paterentur. Atque utinam vel isto tempore preces
 « meæ valuissent! vel vobis beneficium vestrum tueri place-
 « ret! ne quod honoris causa, me recusante, tribuistis filio
 « meo, inauditæ hactenus ignominie occasio utrique fieret;
 « vosque temeritatis argueremini! quos, si priorem de Q.
 « Fabio sententiam alio judicio rescinditis, aut dedisse im-
 « perium sine causa, aut abrogasse posteri credent.

VII. « At si mitiora decreveritis, et vestra vobis auctori-
 « tas, et Fabiæ gentis existimatio salva erit; errorque juve-
 « nilis, uti cum aliquo reipublicæ damno commissus est,
 « ita majore cum ejus emolumento emendabitur. Sed quis
 « spondere hoc ausit? Ego, Quirites, ego pro filio meo spon-
 « sorem me reipublicæ dabo: et, quod senatui populoque
 « romano, deinde nostræ domui felix faustumque sit, con-
 « suli legatus ibo, particeps futurus omnis fortunæ, quam
 « aut invenire dabitur, aut facere. Viget adhuc animus; ne-
 « que, ut in hac ætate, virium corporis pœnitet: possum
 « perferre militiæ labores; possum in acie stare; et, si nihil
 « aliud, memoria veterum pugnarum terrere hostes, alacri-
 « tatem augere nostrorum; et, quod caput est, possum ado-
 « lescentiam consulis, quæ sola rerum secius gestarum causa
 « est, regere consilio, et ætatis præfervidæ impetus senili
 « cautione temperare. Nisi filii ingenium tenerem, eumque
 « recte monenti morem gesturum confiderem, nollem in fine

« prope vitæ sine dedecore actæ, post tot consulatus ex sententia mea vestraque gestos, post ingentes victorias, et illustres triumphos, tot annorum laboribus periculisque partam belli domique gloriam, unius juvenis inconsultæ temeritati corrumpendam permittere. »

VIII. Huic orationi nec ad movendos præsentium animos pondus, nec ad sponsonem melioris eventus fides defuit. Summo omnium consensu legatione decreta, rebus omnibus intentissima cura provisus, non minore favore speque profectus consul est, quam paulo ante conviciis et indignatione redierat. In itinere deinde et castris, nihil non ex disciplina, veterisque imperatoris artibus curatum est: et socii, quos Q. Fabius pater multis beneficiis et virtutis admiratione devinxerat, ad omnia, quæ imperabantur, præsto fuere. Milites etiam ipsi delendæ ignominia cupidi, confisque consiliis ejus ducis, sub quo eandem illam gentem, a se patribusque suis sæpe fusam fugatamque meminerant, copiam cum hoste configendi dari votis omnibus desiderabant.

IX. Neque minores a recenti victoria Samnitibus animi erant: ita, quum hi partum decus retinere, illi recuperare amissum niterentur, summis utrinque viribus concursus est. Et jam deteriore loco res romana esse cœperat, consulemque ipsum dux hostium C. Pontius Herennius cum delecta manu circumveniebat, quum, animadverso filii periculo, Maximus in confertum Samnitium agmen admissis equo se intulit. Secutus est equitum globus, supra solitam alacritatem pudore accensus, si tot florentissimi juvenes animis et robore a sene vincerentur. Hic impetus totius prælii fortunam traxit: sustinere primum romanæ legiones hostem, equitatus audacia animatæ; mox impulerunt: frustra obnitente Herennio, qui omnibus boni et ducis et militis muneribus eo die functus, dum redintegrare ordines, retinere fugientes, obsistere ingruentibus tendit, neque inhibere fugam suorum potuit, et opportunitatem evadendi ipse amisit. Capta cum duce millia Samnitium quatuor: ad millia viginti

prælium et fuga hauserunt. Etiam castra hostium in potestatem redacta sunt, cum ingenti præda, quam statim agri hostium late vastati, passimque expugnata, aut dedita oppida luculenter auxerunt.

X. Tanta rerum commutatio accessione unius hominis facta est, ut paulo ante victor exercitus a victo cæderetur; et eum imperatorem, a quo fusus fugatusque consul fuerat, ipse nunc captivum abduceret, ingens populo romano spectaculum, et ornamentum triumphi sui, quem anno sequente ad urbem reversus summa omnium voluntate intravit. Dum hæc a Fabiis in Samnio administrantur, etiam alter consul, D. Brutus, cui Falisci provincia evenerat, prosperis rebus usus est. Quippe adjunctus a Sp. Carvilio legato (nam et Bruto legatum adjungi placuerat), viro bellorum et hostis gnaro, adversus quem superiore anno consul rem feliciter gesserat, et cæteræ Etruriæ partem non exiguam perpopulatus est; et Faliscos occurrere ausos prælio vicit.

XI. His rebus in Urbem nuntiatis, quum tempus comitiarum venisset, consulesque a rebus gerendis avocari parum e republica videretur, interregnum est initum. Interrex L. Postumius Megellus, comitiis quæ ipse habebat, consul declaratus est, nullo ad eam diem exemplo, præterquam Appii Claudii, quod bonus nemo probaverat. Sed Postumius non minore arrogantia magistratum gessit, quam acceperat. Jamprimum nobilitate generis, et tertio tum consulatu inepte ferox, collegam ejus anni C. Junium Brutum, plebeium hominem, ut se longe inferiorem, olim habebat despectui. Ut vero de provinciis agi cœptum est, neque comparare cum Bruto, neque sortiri voluit, *administrationem samnitici belli extra ordinem* poscens, *tanquam sibi debitam*, quod *duobus prioribus consulatibus res sese magnas adversus eundem illum hostem gessisse* diceret. Multis in senatu contentionibus jactato negotio, quum C. Junius se hominem novum adversus gratiam et potentiam collegæ jus suum obtinere non posse

§ IX. Osor. III, 22. — Zonar. — Eutr. XI. — § X. Zonaras. — § XI. Liv. l. XXVII, c. 6; l. III, c. 35. — Dionys. ap. Vales. — Liv. IX, 44; et X, 33.

videret, ad extremum, *ne discordia consulum bono publico fraudi esset, sponte se cedere testatus est.*

XII. Premebat adhuc Urbem agrosque pertinax contagionis malum : quod tertium jam annum expertis omnia, neque divina ope ulla, neque humana pelli potuerat. Igitur sive sibyllinis ex libris, sive delphici oraculi admonitu (nam hoc quoque traditur), decem legati missi sunt, qui Æsculapium ab Epidauuro, qua in urbe natus esse credebatur, Romam arcesserent. Quamquam enim perplexum satis responsum erat, neque providere eventum rei Patres poterant, obsequendum tamen diis statuerunt, ipsos viam explicaturos esse rati, qua possent eorum fata procedere. Res inde miram dictu sequitur ; sed multis fidsque auctoribus, ipsaque structura ædis, quæ tum in Tiberis insula facta dedicataque est, compertæ veritatis. Quum apud Epidaurios mandata legati romani edidissent, excepti quidem benigne; sed quia parum liquebat, quid concedi posset, ut ipsi deportarent, quidquid ex usu videretur, in templum Æsculapii deducti sunt.

XIII. Apud Græcos ferme locis apricis excelsisque numinis istius constitutæ sedes sunt : Epidaurii quoque quinque millibus passuum ab urbe distans templum habebant, celeberrima iis temporibus fama, donisque hominum, qui valetudinem credebant ibi recepisse, prædices. Huc adducti, dum ingentis molis simulacrum, Thrasymedis Parii nobili ingenio fabrefactum, admirantur, ingens repente serpens, ex ipsis adytis prolapsus, animos omnium horrore summo et religione perfudit. Sacerdotes enim venerabundi, *ipsum in hoc angue numen esse, et nonnunquam hac forma conspici, salutari semper ostento*, clamitabant. Biduo conspectus in templo serpens, deinde iterum reconditus est : tertio die per medios spectantium venerantiumque cœtus recta perrexit ad portum, ubi romana triremis stabat ; quam ingressus, in tabernaculo Q. Ogulnii, qui princeps legationis erat, multiplici spirarum orbe se composuit. Ferebatur antiquitus

§ XII. Suidas in posth. — Valer. Maxim. VIII, 2. — Ovid. Metam. XV.
— Pausan. lib. II.

fabula, eundem illum *Æsculapium forma serpentis indutum, aliquando Epidauro Sicyonem mularum jugis deportatum fuisse, Nicagora quadam, Echetimi uxore, deducente.*

XIV. Læti ergo prodigio Romani, tanquam præsentem deum veherent, vela dedere, paucisque diebus interjectum mare permensi prosperrimo cursu Antium tenuerunt. Ibi quum inhorrescens mare navigationem impediret, prorepens ex navigio serpens, qui totum per iter quietus ibi se tenuerat, in vestibulum fani, quod ea urbe celeberrimum erat, allabitur; eoque loco tres continuos dies exigit; magno cum metu legatorum, ne avelli inde non posset, quod toto eo tempore ad consuetos cibos non reverterat, donec navigio redditum magna cum alacritate Romam detulerunt. Ad spectaculum incredibilis rei tota effusa civitate, passim in ripa fluminis, quo subvehebatur, positæ aræ sunt, accensique odores, et victimæ cæsæ. Jam ad eum locum perventum erat, ubi divisus modico intervallo Tiberis insulam efficit; quum relicta nave serpens eam insulam, quæ post *Æsculapii* vocata est, natatu petens, cerni ulterius ab hominibus desiit. Patres *delectum a deo locum* interpretati, decreverunt, *ut eadem in sede templum Æsculapio strueretur.* Morbi, sive illa ope, sive quod alioquin desituri fuerant, cessavere. Templum mox insignibus donariis, et hominum qui *remediis salutaribus ab eo numine se adjutos* ferebant prædicatione nobilitatum est.

XV. L. Postumius consul superbiam in Urbe adversus collegam suum exercitam, etiam in provinciam detulit. Quum enim Q. Fabius Gurges, qui priore anno consul fuerat, ex senatusconsulto proconsule res in Samnio gereret, scripsit ad hunc Postumius arroganter, *excedere jubens provincia sua, se administrando ei bello sufficere.* Obtendente *jussa Patrum Fabio, neque integrum sibi deserere negotium, quod senatus imposuisset,* quum Romam nuntiata res esset, metus

§ XIII. Plutarch. Quæst. roman. XCIV. — Liv. XLV, 28. — Pausan. et Auct. de Viris illustribus, cap. 22. — P. Diacon. II, 21. — Liv. Epit. XI. — § XIV. Auctor de Viris illustr. — Ovid. — Val. Max.

incessit, ne per discordiam imperatorum respublica detrimentum caperet. Quare *mitti ad consulem legatos* placuit, *qui verbis senatus peterent, ut Fabium ad exercitum et in Samnio esse pateretur*. Quum alias absurdum et præfractum fuisse responsum ferunt; tum etiam vocem adjectam singularis perviciæ: *Non se senatui, quamdiu consul esset, sed senatum sibi dicto audientem esse oportere*: neve locutus esse ferocius, quam fecisse videretur, protinus dimissis legatis Cominium (eam tum urbem Fabius obsidebat) cum exercitu progreditur, si alia ratione amoliri æmulum non posset, bello certaturus. Fœdum spectaculum præbuisset hostibus romana arma, si pari stoliditate, qua petebatur, resistere Fabius voluisset. Sed ille natura et consiliis paternis moderatior, *non furori consulis, sed utilitati rei publicæ cedere* præfatus, provincia excessit. Cominium post paucos dies a Postumio expugnatum est. Inde Venusiam ductus exercitus: hac quoque capta, circumlatum ad alia oppida bellum: quorum complura, partim vi, alia deditioe in potestatem venerunt. Hostium in ea expeditione decem millia cæsa sunt, sex millia ducenti traditis armis fidei victoris se permiserunt. Non erant spernendæ res, quas bello gesserat consul, sed gratiam earum superbia contumaciæque corruerat.

XVI. Itaque quum ad Patres missa epistola de rebus suis perscripsisset, *Venusinamque urbem et agrum deducendæ colonie accommodatissimum esse* monuisset, accepta quidem res est, sed præterito auctore victoriæ consiliique ab aliis deducta sunt colonorum millia viginti; sic enim apud scriptores minime contemnendos reperio; ingens numerus, et prope excedens fidem, nisi quod videri potest inter gentes indomitas, communi adversus Apulos Lucanosque præsidio, collocari validam manum placuisse. Cæterum importunitas L. Postumii, quemadmodum ipsi supra veteres offensas, ingentem conflavit invidiam; ita Q. Fabio ad favorem

§ XV. Suet. in Claud. cap. 25. — Tab. Marm. apud Mercurial. de Arte gymn. — Dionys. apud Vales.

omnium valde profuit : eique , postquam ad Urbem venit , deque rebus a se gestis disseruit , triumphus haud ægre decretus est. Triumphavit proconsule de Samnitibus , qui *Pentri* cognominantur , kalendis sextilibus. Currum equo sequutus est senex Fabius : quem non adiutorem magis victoriæ quam auctorem , spectantium deducendumque voces celebrabant.

XVII. Ipse summam rei bene gestæ gloriam ad consulem populi romani trahens , sicuti nomine legati , sic etiam modestia utebatur ; haud minori cum voluptate honores filii intuitus , quam eum adhuc parvulum in curru suo circumtulera , quum ipse triumpharet. Cæterum prædæ partem militibus consul dedit : reliqua in ærarium relata : C. Pontius Samnis in triumpho ductus , mox securi percussus est. Vir acer et memorabilis , qui vim romanam iis temporibus diu sustinuit , cladesque non contemnendas , sed ignominiam multo maximam ad caudinas Furculas intulit. Quem aiunt dicere solitum , *si in ea tempora natus esset , quibus mœnera accipere Romani didicissent , se illos diutius imperare non fuisse passurum*. Ita tum fortuna civitatis non armorum magis industria , quam innocentia morum stetit.

XVIII. L. Postumius interea non minus honoribus , qui æmulo concessi , quam qui sibi negati fuerant , fremens , per impotentiam animi , cum auctoritate Patrum contumacia certando , neque mederi acceptis vulneribus potuit ; et ultro irritavit iras , quas modestia sermonum factorumque mitigare debuisset. Quippe non querelis adversus inimicos , non conviciis in ipsos ordines abstinens , quo Patribus ægre faceret , prædam omnem militibus distribuit , exercitumque , priusquam successor mitti posset , dimisit. Triumphum etiam contra voluntatem senatus actum , quanquam ad secundum ejus consulatum relatus sit , ad hæc potius tempora pertinere crediderim ; idque scriptores diligentis fideique non

§ XVI. Horat. Sat. II, 1. — Col. Capitol. — Plutarchus in Q. Fabio. —

§ XVII. Dio apud Vales. — Valer. Maxim. — Zonaras. — Liv. Epit. XI. — Cic. de Offic. II, 21.

postremæ in historiis suis prodiderunt. Ob hæc facta recentioribus odiis petitus est : eumque, simul atque magistratu abiit, duo tribuni plebis corripuerunt, die ad populum dicta. Præter ea, quæ memoravimus, crimini dabatur, *quod priusquam paludatus ex Urbe exiret, ex legionibus suis delectos milites, ad duo hominum millia, in agrum suum ad saltum repastinandum miserat : eosque in opere isto per multos dies detinuerat, immemor, non mancipia sibi, sed milites, neque ut suum agrum excoleret, sed ut publicum extenderet, datos.* His criminibus accusatus atrociter, frustra tentata defensione, suffragiis omnium tribuum damnatus, eique lis ducentis millibus nummum æstimata est.

XIX. Jam P. Cornelius Rufinus, M. Curius Dentatus novi consules magistratum inierant. Hi cum suis quisque legionibus, Samnium populationibus agrorum, et ruinis urbium fœde vastavere : Samnitesque multis locis congregi ausos ingentibus cladibus ad pacem fœdusque petendum compulerunt. Quum enim tot præliis juventutem pleramque, capto autem C. Pontio, consilium etiam et ducem amisissent, missis ad consules, et horum assensu Romam legatis, ut fœdus cum ipsis quarto renovaretur, impetrarunt ; credo, Romanis etiam vincendo fessis, cupientibusque bellum difficile, ipsisque sæpe calamitosum, tandem aliquando certæ pacis tranquillitate componere. Illata primum Samnitibus arma M. Valerio tertium, A. Cornelio Cosso consulibus reperio : quæ ad quartos et quinquagesimos inde consules vario Marte exercita, aut fœderibus parum diuturnis suspensa, populum utrumque occupatum sollicitumque habuerunt.

XX. An ex hoc bello triumphaverit Cornelius, in obscuro est : de Manio non ambigitur ; cujus fortuna eo fuit illustrior, quod, aliis subinde victis hostibus, bis eodem in magistratu triumphavit. Quippe Sabini, valida gens, et longatim pace opulenta, sive precibus Samnitium, et propinqui-

§ XVIII. Dionys. apud Vales. — Liv. X, 37. Epit. XI. — § XIX. Dionys. — Eutr. lib. II. — Oros. XXXII, 2. — Liv. Epit. XI.

tatis misericordia commoti; sive victis vicinis ad se quoque perventuro incendio volentes obsistere, armata juventute romani juris loca quædam invaserunt. Adversus hos egressus cum exercitu Curius, ut diduceret hostes, simul ne Sabinorum agri cladium bellicarum expertes haberentur, occultis itineribus copiarum partem misit: datis mandatis, *ut quam latissime possent, terrorem ubivis vastitatemque facerent.* Ea necessitas, ad sua tuenda diversis abeuntibus agminibus, formidabile sabini exercitus robur solvit, facilemque adversus dispersos victoriam consuli præbuit.

XXI. Hac expeditione usque ad Hadriaticum mare perventum est: agrorum hominumque tanta vis in potestatem venit, ut celebrata deinde fuerit Curii vox, qui pro temporum illorum disciplina factis quam verbis promptior, quum explicare singula nequiret, « *Tantum, inquit, agrorum cepi, ut solitudo futura fuerit, nisi tantum etiam hominum cepissem; tantum autem hominum, ut interituri fame fuerint, nisi tantum cepissem et agrorum.* » Sabinis pacem orantibus, veteris sub Tatio affinitatis memoria, et quia minime gravibus odiis certatum fuerat, etiam civitas, sed sine suffragio, data est. Consulatus, quem anno sequente M. Valerius Corvinus cum Q. Cæditio Noctua gessit, tenuis admodum ad nos fama pervenit, nisi quod sub idem tempus colonias deductas esse reperio, Castrum et Hadriam, unde mari nomen, et Senam in gallico agro. Verumtamen nondum eousque pacatis illis regionibus, magis est ut accedam auctoribus aliis, qui coloniarum istarum originem ad inferiora tempora retulerunt.

XXII. Sed in Urbe coercendis, quæ increbuerant, maleficiis novus magistratus institutus est, qui vinculis sontium servandis, et quum animadverti oporteret, supplicio sumendo auctores atque moderatores præessent, triumviri capitales appellati. Legis, a L. Papirio, tribuno plebis, eo de negotio latæ, hæc verba invenio: « *Quicumque prætor post-*

§ XX. Front. Strat. I, 6. — § XXI. Flor. I, 15. — Auct. de Vir. ill. c. 33. — Vell. I, 14. — Cicero, de Leg. III, 3. — L. 2, § 30, ff. de Off. Jud.

« hac factus erit, quei inter cives jus dicet, tresviros capi-
 « tales populum rogato : ii que tresviri, quicunque facti erunt,
 « sacramenta exigunto, iudicantoque, eodemque jure sunt,
 « ut ei ex legibus plebeique scitis exigere, iudicare, esseque
 « oportet. » Quod capite mulctarum quoque exigendarum po-
 testas ipais data videtur : *sacramentum* enim iis temporibus
 vocari solebat, quod pœnæ nomine pendebatur æs, quoniam
 illud ob sacrorum publicorum multitudinem, et angustias
 ærarii, sacrificiorum impensis destinari consueverat. Census
 quoque eo anno acti memoria non alia superest, quam quod
civium capita ducenta septuaginta tria millia censa dicuntur.
 Principem senatus ab his quoque censoribus lectum fuisse
 Q. Fabium Maximum certa conjectura est, quod aliunde
 scimus, ex ea gente continuum eum honorem tribus man-
 sisse, ut Maximus acceptum ab Ambusto patre, mox ad
 Gurgitem filium transmisit.

XXIII. Interea quum foris res satis lætæ essent, gravibus
 domi discordiis seditionibusque laboratum est. Plebs ære
 alieno oppressa novas tabulas flagitabat, rem veterem, et ab
 ducentis amplius annis varie jactatam, ut turbulentus ali-
 quis tribunus ad commovendos multitudinis animos stimu-
 lum eum admoverat; aut improbitate fœneratorum populi
 indignatio exarserat. Sed sub prioribus aliquot consulibus,
 morborum aut hostium metus remissiores in urbe conten-
 tiones fecerat : Q. Marcio Tremulo, P. Cornelio Arvina
 consulibus; deinde proximo anno, quum M. Claudius Mar-
 cellus, C. Nautius Rutilus magistratum gererent, majores
 aliquanto motus exstiterunt : ad quos comprimendos, magis
 quam ullius alterius negotii bellive causa, dictatorem fuisse
 dictum existimem Appium Claudium, qui deinde Cæcus est
 cognominatus, quem dictatorem fuisse, in antiquis monu-
 mentiis reperio.

XXIV. Sane præter acerbitatem iniquissimi fœnoris, etiam
 nefaria C. Plotii libido, ægris jam hominum animis, ut

§ XXII. Epit. Liv. XI. — Festus, in voce Sacramentum. — Plin. Hist. nat.
 VII, 41. — § XXIII. Zonar. — Florus.

citius atque vehementius exardescerent, subjecit faces. Huic T. Veturius, filius ejus Veturii, qui consul ob turpe fœdus Samnitium populo deditus fuerat, quum ob calamitatem domesticam ad æs alienum compulsus solvendo non esset, in nexum se dedit lubens, omniaque servilia ministeria patienter exsequutus est. Plotius adolescentulum forma liberali, ex magna spe consularis familiæ, ad infimæ fortunæ sordes depressisse non contentus, etiam pudicitiam extorquere instituit, cui jam et rem familiarem omnem, et libertatem ipsam eripuerat. Deinde Veturium aspernantem, et quidvis potius quam tantum flagitium pati paratum, verberibus crudelissimis lacerat: ille in publicum se proripiens, et ad consulum tribunal ab accurrente multitudine deductus, *de intolerabili crudelitate, et libidine creditoris* queritur: et apparebant vibices, verberumque recentes notæ. Consules igitur rem non negligendam rati, de ea retulerunt ad senatum; dictisque sententiis Plotius in carcerem duci iussus; omnesque per totam Urbem, quotquot æris alieni causa nexi erant, lege de eo negotio lata, liberati sunt.

XXV. Non sum nescius, pro T. Veturio ab aliis Publium quemdam, tribuni, qui inter caudineæ pacis auctores fuisset, filium memorari: sed et anno ante hæc tempora quadragesimo simillimam ob causam lex de nexis lata fertur. Cæterum nihil vetat, ut plurium fœneratorum ea improbitas fuerit; et priori lege, ut fit, etiam per debitorum patientiam, inter angustias rei familiaris nihil recusantium, sensim neglecta, ejusdem exempli recens factum admonuerit, ut in posterum ea de causa plenius atque diligentius caveatur. Sed populo non modo nexu, verum etiam fœnoris sævitia liberari cupienti, gratæ licet ultionis legisque impetratio non satisfacit. Verum, ut in morbis quibusdam acrioribus remediorum diligentia quum mitigatus videri potest, magis accenditur dolor; non multo post adeo exulcerata res est, ut, quum tribuni plebis legem de novis tabulis summo

§ XXIV. Tab. Marm. apud Onuphr. — Val. Max. V, 1, 9. — Dionys. apud Vales.

nisu perferre contenderent, neque minoribus aut copiis aut animis a creditoribus resisteretur, plebs exemplo majorum urbe relicta, trans amnem in Janiculum montem secederet; obstinato consilio, nisi re impetrata, ad penates suos non redeundi.

XXVI. Quum parum adversus hæc opis in consulibus esset (M. Valerium Potitum, C. Ælium Pætum fuisse conjiciunt), ad ultimum arduis temporibus remedium deventum est, ut dictator diceretur: dictus est Q. Hortensius. Is adhibitis, quæ tempus et causa postulabat, fomentis, quum eo maxime distineri pacem civitatis intelligeret, quod scita sua contemni, legemque Publiliam sperni plebs indigne ferret, quanquam multis reluctantibus, cedendum temporibus esse censuit: novaque lege in Esculeto lata iterum accuratius sanxit, ut, *quod plebes jussisset, omnes Quirites teneret*. His aliisque lenimentis revocata ad concordiam et lares suos plebe, dictator sive morbi subita vi, sive curis et laboribus oppressus, quod antea nemini contigerat, in magistratu mortuus est. Inde minor aliquandiu ordinum in Urbem dissensio fuit: sed imperii sensim deformata dignitas, quum, plebe ad ambitiosorum hominum fraudes parum cauta, et vel potestatis exercendæ causa quibuslibet rogationibus accipiendis facili, multa sciscerentur, quæ reipublicæ decus, et ad extremum ipsa fundamenta convellerent: documentum insigne res regentibus, ne vulgus, si re familiari commoda uti possit, majora non cogitaturum, injuriis opulentiorum ad cupiditatem potestatis, qua uti non didicit, adigi patiantur.

XXVII. Legem quoque de suffragiis circum hæc tempora latam esse crediderim, qua Patres in comitiorum incertum eventum auctores fieri cogebantur. Hactenus enim eo jure utebantur, uti magistratum gerere non posset, cui populi suffragiis datus esset, nisi Patres auctores fuissent facti.

§ XXV. Liv. VIII, 28. — Zonar. — Liv. Epit. XI. — § XXVI. Epitom. Liv. XI. — Liv. VIII, 12. — Plin. XVI, 10. — Agel. XV, 17. — Aug. de Civ. Dei, III, 18.

Continebantur interdum hoc vinculo improvida plebis studia; et quanquam raro reprehenderent comitia Patres, tamen quia jus ipsis erat, tanquam reprehensuri metuebantur. Tum vero ferente legem tribuno plebis Mænio, populi quidem aucta potestas; sed eadem opera salubris et reipublicæ decora comitiorum severitas debilitata est. Q. Hortensio dictatore mortuo, creatum alium, quidam auctores sunt, rei gerendæ causa, Q. Fabium Maximum, cujus tertia hæc dictatura fuerit: ei L. Volumnius C. F. C. N. Flamma Violens magister equitum fuisse dicitur.

XXVIII. Bellum enim ea tempestate cum Volsiniensibus erat etrusca gente: id opportunum fuit, ad exhauriendum quidquid in urbe novis rebus primum, ac superioris discordiæ nimium memor esset. Accessit etiam nova bellandi cum Lucanis causa: qui Thurinos, Italiæ, qua magna Græcia est, civitatem, prægraves accolæ multis injuriis ad fidem Romanorum confugere compulerant: bellumque adversus Lucanos C. Ælio tribuno plebis rogante populus sciverat. Educti igitur exercitus, et utrobique res gestæ sunt, quarum memoria, cum auctorum, qui eas perscripserant, annalibus, amissa est. Thurini C. Ælio statuam et coronam auream dono dederunt. Consulatus C. Claudii Caninæ, M. Æmilii Lepidi nulla re memorabili, quæ tradita reperitur, insignis sequitur; nisi quod etrusca et lucana bella tum etiam gesta videntur. Manii etiam Curii de Lucanis reperitur ovatio: quæ et inter quatuor ejus triumphos, toties enim triumphasse illum invenio, numeranda est. Sed quo anno, quove in magistratu aut imperio res eas gesserit, ignoratur.

XXIX. Major inde moles et clade non contemnenda nobilis exorta est, bello cum Senonibus gallica gente contracto. Hi sæpe bellum cum populo romano, sæpe pacem habuerant; jamque decimum ferme annum post cladem in agro

§ XXVII. Liv. I, 17. — Cic. pro Planco. — Cic. in Bruto. — § XXVIII. Pigh. Ann. Rom. an. 466. — Liv. Epit. XI. — Plin. XXXIV, 6. — Auct. de Vir. ill. cap. 33.

sentinati acceptam, quum Decio se devovente magnus eorum numerus cæsus est, quieverant; nisi quod juventutem suam adversus Romanos mercede ab Etruscis conducere paterentur: tum vero majore cum manu, quam aliquot ab annis suevissent, in Etruriam progressi, Arretium obsidebant. Arretini foedus a Romanis et antea petierant, sed eo negato, impetraverant inducias, quarum tempus nondum exierat. Cæterum major in eo spes erat venturi auxilii, quod arma gallica nunquam concuti sciebant, quin eam rem magnopere ad se pertinere Romani arbitrarentur. Itaque missis in urbem legatis, ut sibi subveniretur adversus communem hostem, petebant. Interea se circumegit annus, quo C. Servilius Tucca, L. Cæcilius Metellus consules fuerunt. Pro Cæcilio Cœlium annales quidam memorant: sed Cœliæ gentis inferior nobilitas ante annum ab Urbe condita sexcentiesimum sexagesimum, consularem imaginem nullam habuisse creditur.



JOANNIS FREINSHEMII
SUPPLEMENTORUM
LIVIANORUM
LIBER SECUNDUS

IN LOCUM LIBRI DUODECIMI LIVIANI.

EPITOME

LIBRI DUODECIMI.

Quum legati Romanorum a Gallis Senonibus interfecti essent, bello ob id Gallis indicto, L. Cæcilius prætor cum legionibus ab iis cæsus est. Quum a Tarentinis classis romana direpta esset, duumviro, qui præerat classi, occiso, legati ad eos a senatu, ut de iis injuriis quærentur, missi, pulsati sunt: ob id, bellum iis indictum est. Samnites defecerunt. Adversus eos et Lucanos, et Bruttios, et Etruscos aliquot præliis a compluribus ducibus bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Quum in præsidium Rheginorum legio campana cum præfecto Decio Jubellio missa esset, occisis Rheginis Rhegium occupavit.

I. P. CORNELIO Dolabella, Cn. Domitio Calvino consulibus, quum iterum gallici belli terror se commovisset, multosque Tuscorum arma cum Senonibus sociare nuntiaretur, Arretinorum periculum sibi minime negligendum esse Patres censuerunt. Sed quia neque Dolabella ex volsiniensi agro, neque ex Lucania Domitius exciri sine rerum gerendarum incommodo poterant; *L. Cæcilium Metellum prioris*

anni consulem, tum prætura fungentem, ad Arretinos obsidione liberandos quamprimum coactis copiis exire senatus jussit. Ne tamen temere sumptum esse bellum videretur, præmitti legatos placuit, nuntiatiuros Arretium in fide Romanorum esse; justiusque facturos videri Gallos, quando fœdus cum populo romano habeant, si adversus amicos, atque socios juventutem suam conducere non patiantur. Hæc legatio quum pagos Senonum circumiret, Britomaris quidam regii generis ferox adolescens, cujus pater inter Etruscorum auxilia cæsus a Romanis fuerat, insana vindictæ cupiditate flagrans, non homines modo comprehensos, sed et ipsa sacrosancti muneris insignia, minutatim dissecuit sparsitque.

II. Rei tam atrocis fama quum hinc in Urbem, inde in castra Dolabellæ consulis accidisset, irritatis vehementer animis, bellum Senonibus indictum est: statimque missos fecit Etruscos Dolabella, magnisque itineribus cum exercitu per sabinum ac picenum agrum ad fines Senonum contendit. Senones subito hostium incursu, et absente copiarum suarum robore, cum paucis et inconditis occurrentes facile profligantur. Consul, nullo dato victis spatio, exurit vicos, ædificia omnia diruit, vastat agrum omnem; denique pueris occisis, imbelli mulierum et puerorum multitudine abducta, quam paucissima potest humani cultus vestigia in locis relinquit. Britomaris captus, et vario cruciatuum genere tortus, ad triumphum servatur. Per eosdem dies haudquaquam pari fortuna res apud Arretium gestæ. L. Cæcilius prætor ante ipsum oppidum cum Senonibus Etruscisque adverso Marte confligit. Septem tribuni militum, multique præterea insignes viri cum ipso prætore cæsi sunt: ex legionibus et auxiliis hominum millia plus minus tredecim desiderata.

III. Sed minor apud Gallos hujus victoriæ lætitia, quam cognito patriæ excidio luctus atque consternatio fuit. Contractis, qui ubique per Etruriam militabant, popularibus,

§ I. Polyb. I, 7. — Marian. — Scotus. — Appian. apud Ful. Urs. — § II. Epit. Liv. XII. — Appian. — Dionys. apud Fulv. Ursin. — Polyb.

homines iræ ac doloris pleni, consilii speique inopes, quum sedes, quibus reciperentur, nullas usquam haberent, quasi fato quodam ad exitium eos trahente, Romam pergendi capiunt impetum : *non aliter patriæ suæ vastatoribus recipendi vicem posse, quam si urbem ipsorum simili clade affectam intueri cogerentur, neque minoribus animis viribusque, causis etiam acrioribus ab Arretio Romam petere, quam majores sui ab ejusdem Etruriæ oppido Clusio profecti, eandem illam urbem occupassent.* His inter se vocibus instincti, ruunt : natura impatientes moræ, et tum, ut incautos hostes opprimerent, etiam consilio properi. Sed per hostilem regionem ducentibus, varia impedimenta objecta sunt ; spatiumque fuit, quo provideri adversus hunc tumultum posset.

IV. Ita rejecti, dum per ignota et infesta omnia, nulla certa destinatione vagantur, in Domitium consulem incidunt ; protinusque cum eo conserunt manus. Sed adversus rationem atque disciplinam infelix temeritas fuit : occisis in prælio multis, reliqui desperatione atque rabie accensi, ferrum, quod frustra in hostes strinxerant, suis corporibus admoverunt. Ita florentissimam modo nationem, ob scelus interfectorum legatorum tam velox tamque vehemens ultio comprehendit, ut aliquot mensium intervallo penitus excisa, inter gentes, quarum jura violaverat, numerari desierit. Nam et parvæ Senonum reliquiæ, quæ ad Boios, vicinam et consanguineam gentem, se receperant, eodem anno a Dolabella consule interneccione deletæ sunt. Quum atrocitate cladum suarum, et ejusdem calamitatis metu, Boios Etruscosque concivissent, ad lacum, qui Vadimonis appellatur, pugna commissa, magnus Etruscorum numerus cæsus est ; Boii perpauci effugerunt ; Senonum omne nomen ita periit, ut nemo superesse putaretur ex ea gente, quæ Romam urbem incenderat.

V. Sub id tempus, Senam coloniam deductam esse vero propius videtur : quo Romanis universa regione potitis,

anni consulem, tum prætura fungentem, ad Arretinos obsidione liberandos quamprimum coactis copiis exire senatus jussit. Ne tamen temere sumptum esse bellum videretur, præmitti legatos placuit, nuntiaturos Arretium in fide Romanorum esse; justiusque facturos videri Gallos, quando fœdus cum populo romano habeant, si adversus amicos, atque socios juventutem suam conduci non patientur. Hæc legatio quum pagos Senonum circumiret, Britomaris quidam regii generis ferox adolescens, cujus pater inter Etruscorum auxilia cæsus a Romanis fuerat, insana vindictæ cupiditate flagrans, non homines modo comprehensos, sed et ipsa sacrosancti muneris insignia, minutatim dissecuit sparsitque.

II. Rei tam atrocis fama quum hinc in Urbem, inde in castra Dolabellæ consulis accidisset, irritatis vehementer animis, bellum Senonibus indictum est: statimque missos fecit Etruscos Dolabella, magnisque itineribus cum exercitu per sabinum ac picenum agrum ad fines Senonum contendit. Senones subito hostium incursu, et absente copiarum suarum robore, cum paucis et inconditis occurrentes facile profligantur. Consul, nullo dato victis spatio, exurit vicos, ædificia omnia diruit, vastat agrum omnem; denique puberibus occisis, imbelli mulierum et puerorum multitudine abducta, quam paucissima potest humani cultus vestigia in locis relinquit. Britomaris captus, et vario cruciatuum genere tortus, ad triumphum servatur. Per eosdem dies haudquaquam pari fortuna res apud Arretium gestæ. L. Cæcilius prætor ante ipsum oppidum cum Senonibus Etruscisque adverso Marte confligit. Septem tribuni militum, multique præterea insignes viri cum ipso prætore cæsi sunt: ex legionibus et auxiliis hominum millia plus minus tredecim desiderata.

III. Sed minor apud Gallos hujus victoriæ lætitia, quam cognito patriæ excidio luctus atque consternatio fuit. Contractis, qui ubique per Etruriam militabant, popularibus,

§ I. Polyb. I, 7. — Marian. — Scotus. — Appian. apud Ful. Urs. — § II. Epit. Liv. XII. — Appian. — Dionys. apud Fulv. Ursin. — Polyb.

homines iræ ac doloris pleni, consilii speique inopes, quum sedes, quibus reciperentur, nullas usquam haberent, quasi fato quodam ad exitium eos trahente, Romam pergendi capiunt impetum : *non aliter patricæ suæ vastatoribus recipendi vicem posse, quam si urbem ipsorum simili clade affectam intueri cogerentur, neque minoribus animis viribusque, causis etiam acrioribus ab Arretio Romam petere, quam majores sui ab ejusdem Etruriæ oppido Clusio profecti, eamdem illam urbem occupassent.* His inter se vocibus instincti, ruunt : natura impatientes moræ, et tum, ut incautos hostes opprimerent, etiam consilio properi. Sed per hostilem regionem ducentibus, varia impedimenta objecta sunt ; spatiumque fuit, quo provideri adversus hunc tumultum posset.

IV. Ita rejecti, dum per ignota et infesta omnia, nulla certa destinatione vagantur, in Domitium consulem incidunt ; protinusque cum eo conserunt manus. Sed adversus rationem atque disciplinam infelix temeritas fuit : occisis in prælio multis, reliqui desperatione atque rabie accensi, ferrum, quod frustra in hostes strinxerant, suis corporibus admoverunt. Ita florentissimam modo nationem, ob scelus interfectorum legatorum tam velox tamque vehemens ultio comprehendit, ut aliquot mensium intervallo penitus excisa, inter gentes, quarum jura violaverat, numerari desierit. Nam et parvæ Senonum reliquiæ, quæ ad Boios, vicinam et consanguineam gentem, se receperant, eodem anno a Dolabella consule internecone deletæ sunt. Quum atrocitate cladum suarum, et ejusdem calamitatis metu, Boios Etruscosque concivissent, ad lacum, qui Vadimonis appellatur, pugna commissa, magnus Etruscorum numerus cæsus est ; Boii perpauci effugerunt ; Senonum omne nomen ita periit, ut nemo superesse putaretur ex ea gente, quæ Romam urbem incenderat.

V. Sub id tempus, Senam coloniam deductam esse verò propius videtur : quo Romanis universa regione potitis,

nomen Senonum in ea parte Italiæ funditus interiit. Etrusci tamen Boiique, sequente statim anno, quum ex iis, qui puberes interea facti fuerant, exercitum supplevissent, iterum fortunam pugnae tentare sunt ausi. Tum igitur a Q. Æmilio Papo victos fuisse crediderim : hujus enim et C. Fabricii consulatus primus eum in annum incidit; Papoque provinciam Etruriam obvenisse constat. Sed in plerisque annalibus, qui adhuc leguntur, rerum istarum memoria, majorum interventu oblitterata est. Quod enim tot continuis bellis atque victoriis, maxima virtutis et potentiae incrementa romanus populus quotidie caperet, adductæ in metum, quæ adhuc per Italiam sui juris erant civitates gentesque, maximum atque periculosissimum conflavere bellum, junctis, tanquam ad communes omnium hostes prædonesque opprimendos, consiliis et viribus. Neque differri arma visum est, donec adhuc Boiorum Etruscorumque reliquæ destinendis Romanorum copiis sufficerent.

VI. Primi Samnites, fracto rursus fœdere, cum Lucanis Bruttisque palam sociantes consilia, proruperunt. Sed hos C. Fabricius consul compluribus præliis vicit; uno maxime memorabili, quum Thurinam urbem iterum premente Statio Statilio, signis collatis dimicatum est; fuscisque magna cum strage hostibus, ipsa etiam castra expugnata captaque. Memoriam proditum est, quum strenue castra defenderentur, scalas afferente quodam vasti corporis juvene, Romanos animatos, plenam victoriam reportavisse. Cæsa dicuntur in prælio et castris hostium millia viginti : quinque millia, cum ipso imperatore, signisque militaribus viginti capta sunt. Postero die quum donaret eos consul, quorum insignis opera fuerat, *vallaremque coronam ei se daturum dixisset, qui castra hostium primus transcendisset*, quæsitus ingenti studio reperiri non potuit, si miles fuisset, ultro se oblaturus huic tanto honori. Creditum igitur vulgatumque est, *Martem ipsum auctorem ejus operis, causamque victoriæ fuisse* : con-

§ V. Polyb. — Plin. lib. III, 15. — Dionys. apud Fulv. Ursin. — Liv. Epit. XII.

sulisque edicto supplicatio ei est habita, militesque laureati magna cum lætitia supplicatum ierunt.

VII. Conspirantes adversus Romanum populos, nullis adhuc auxiliis publice Tarentini juverant: qui præcipui fœderis istius auctores, tamen aliorum laboribus, quam suo discrimine, lacessi romana arma, bellicque eventum prætentari, sapientius arbitrabantur. Sed minime diu tenuit ista dissimulatio, quin casu quodam insanæ plebis temeritatem provocante, civitatis consilia nudarentur. Jam tum ea Italiæ ora, consuetudine Græcorum, a quibus Tarentus, cæterarumque urbium pars pleraque conditæ fuerant, deliciis spectaculorum atque histrionum immodice gaudebat, præcipua Tarentinorum luxuria, quos adeo corruptis moribus egisse memorant, ut plures epulas ludosque solennes reciperent, quam anni dies essent. Forte in theatro majore juxta portum sito ludos spectabant, quum L. Valerius (alii Cornelium nominant) duumvir navalis, decemque romanæ naves portum introituræ se ostendunt: pernicioso utrisque errore, quum ignari rerum omnium Romani tanquam amicum et hospitale litus peterent; Tarentini conscientia vecordes, classem hostili animo consilioque missam esse interpretarentur. Adest Philocharis, quem ob turpitudinem vitæ cives sui *Thaidem* appellabant: is veterum quorumdam fœderum illata mentione, fas esse Romanis negat Lacinium promontorium præternavigandi: *obviam iri stolide ferocibus barbaris, superbiamque malo coerceri* jubet. Aeclamat temeraria multitudo præ continua crapula non bene mentis compos. Hominis fœdissimi de tanta re sententia omnium assensu accipitur: nec mora; decurritur ad arma navesque. Romani nullam ad rem minus quam ad pugnam parati, fugæ se committunt. Sed celeriter insequentibus Tarentinis evadunt naves quinque, totidem a pluribus circumventæ in portum rediguntur: ex his deprimuntur cum ipso duumviro quatuor; una capitur: homines ætate et robore militari

interficiuntur : cætera turba in servitutum venditur. Mox ab eadem animi levitate bellum Thurinis inferunt, criminantes, *eorum opera Romanum ea in loca venisse, qui Græci quum essent, barbaram gentem, quam cognatos vicinosque Tarentinos, dubiis rebus defensores habere maluissent.* Urbs in potestatem redacta diripitur : ejiciuntur principes : præsidium romanum pacta incolumitate dimittitur.

VIII. Romæ re audita, erat quidem pro magnitudine injuriæ non levis indignatio; sed bellum novum ea tempestate sumi non placuit : legatio, quæ de injuriis quereretur, decreta, mandatumque legatis, *ut captos restitui, Thurinis res ablatas, aut æstimationem justam reddi, exsules reduci, rerum istarum auctores populo romano dedi postularent.* More græcarum urbium in theatro concionem populi cogere Tarentini solebant : huc ægre admissi legati, turbam ebrietate et otio lascivientem reppererunt ; nam tum quoque dies festus agebatur : ibi quum legationis princeps L. Postumius verba facere orsus esset, ludibriis petulantissimæ multitudinis exceptus, multo etiam acriores odiorum causas retulit Romam, quam extulerat. Quippe tam contemptim habuerant eum, ut sermoni ejus de cætero quidem attenderet nemo; sed quoties aliquid ut ab homine romano parum græce prolatum esset, tota concio solveretur in risum; barbarum increpantes conviciarentur; cultum legatorum, nam togati aderant, exploderent; postremo etiam theatro extruderent; jura gentium nequidquam invocantes. Fœdum inde dictu, sed ad licentiæ popularis coercendam temeritatem utile exemplum traditur : abeuntibus legatis inter confertam Tarentinorum turbam, quæ in ipso theatri exitu consisterat, scurra quidam Philonides (nam hoc quoque moribus suis corrupta civitas debet, ut celebrata sint annalibus scurrarum nomina, tarentinorum principum ignorentur;) sacra legatorum vestimenta, canis impudentis instar, urina respersit. Unius spurci et furiosi hominis ea noxa videri potuisset,

§ VII. Strabo, lib. VI. — Flor. I, 18. — Zonar. — Appian. — Dio apud Fulv. — Oros. IV, 1. — Diod.

nisi protinus agnovisset temulenta civitas, risuque et plausibus factum illud comprobantium totum theatrum insonnisset. Postumius hac voce edita, « accipimus omen, o « scurra, quando et ea nobis datis, quæ non petimus; » conversus ad multitudinem, vestemque ignominia affectam ostentans, ubi redintegratis cachinnis, etiam versus in populum romanum contumeliosos cani saltarique videt; « Ridete, « exclamat, ridete Tarentini, dum licet : nam postea quidem « large flebitis. » Iratis ad hæc Tarentinis, « Et quo magis, « inquit, stomachemini, prædico, vestem istam sanguine « multo vobis eluendam esse. » Post hæc, nullo alio accepto responso, abnavigarunt.

IX. Jam Romæ magistratum occeperant L. Æmilius Barbula, Q. Marcius Philippus constules. His senatum habentibus, quum et prætextam (nam uti erat foedata, eam attulerant) cernerent; et ipsis exponentibus cæterum injuriæ tam multiplicis ordinem discerent Patres: commotis majorem in modum animis omnium, dubium non erat, quin armis vindicari contumeliam oporteret. Sed quia tot aliis adversus validissimas gentes bellis districtæ vires erant, statimne, an postea, contra Tarentinos mittendus exercitus esset, parum expediebant: multosque per dies ab orta luce ad occasum solis re in senatu disceptata, quum alii *nihil tentandum, priusquam cæteræ civitates, aut saltem quæ finitimæ Tarento essent, pacarentur*; alii *sine mora discernendum esse bellum*, pugnarent, postremo numeratis sententiis senatusconsultum factum est, *ut de bello Tarentinis inferendo ad populum ferretur*. Id quum populus consensu jussisset, ad Æmilium consulem, qui jam in Samnium ad exercitum profectus fuerat, scriptæ sunt literæ, *ut omissis præsentibus castra in tarentino agro poneret, et nisi de illatis injuriis satisfaceret populus tarentinus, eum justo pioque bello persequeretur*.

X. Tarentini non amplius cum paucis et inermibus ho-

minibus, sed instructo exercitu negotium sibi futurum esse cernentes, tanquam ex diuturna crapula expergefati, jam serio, quid faciendum esset, consultabant: bellum accipere periculosum; imperata facere servile videbatur: neque vitari utrumque poterat. Variantibus igitur sententiis, exsurgens quidam, « Quid frustra dies altercando terimus, inquit, « Tarentini? Venerunt tempora, quæ facta magis quam « verba postulent; sed ad quæ ex usu publico admini- « stranda consiliis rectis opus sit, et ore libero. Neque sane « moveor, quod antehac communi quodam liberarum civi- « tatum morbo, dictis ad gratiam compositis, etiamsi crebro « nocerent, estis oblectati: tum enim, ut fit inter res pro- « speras, quid potissimum reipublicæ conduceret, parum « animadvertetis. Jam autem in finibus nostris exercitus « romanus, et ante ipsas portas hostilis terror est: eo ma- « gistro profutura jucundis facile discetis antepone.

XI. « Neque sic accipiatis, tanquam exprobraturus præ- « terita surrexerim: nam veterem quidem culpam intem- « pestive objicere, inimici, et alienis erroribus petulanter « insultantis animi est: probi viri, et salutis communis stu- « diosi, peccata civitatis tegere, aut excusare malunt, nisi « quoties ad calamitatem publicam amoliendam, præterita- « rum offensarum recordatio grande momentum habet. Nam « ab errore quidem omni, homines quum simus, immunes « haberi velle, nimium est superbum: sed ad eundem la- « pidem crebro impingere, neque saltem eventu temerita- « tem castigante ad cautionem erudiri, id vero jam vix bene « humanum est. Ad unius hominis vocem naves romanas « depressimus: mox Thurios, cognatam gentem, hostilibus « odiis vexavimus, quod ab Romanis defendi, quam a Lu- « canis Bruttisque diripi maluerunt: legatos Romanorum « per turpem dictu contumeliam violari tulimus. Bellum « igitur, quo carere potuimus, et grave bellum, et pericu- « losum, et improvisum, alienissimo tempore nostro at- « tractum est. Denique jam in agro tarentino romana castra

« sunt : et nos adhuc incerti omnium , bellum formidabile
 « an pacem indecoram satius sit accipi, deliberamus.

XII. « Atque utinam nunc demum obliti blanditiarum,
 « obliti privatorum commodorum, dignitatem utilitatem-
 « que publicam spectantes in commune consuleremus ! esset
 « unde vel fœdera honeste, vel arma tuto sumerentur : nunc
 « in duas vos abire partes, et propemodum factiones video,
 « non iudicii, aut ex conditione rerum sumpto consilio ;
 « sed suis quisque causis ducitur : cur enim tam paucos
 « juvenes et pauperes in ea sententia esse video, quæ pacem
 « laudat ? aut cur nemini fere divitum et seniorum bellum
 « placet ? an alia tam æqualiter divisæ civitatis causa est,
 « quam quod hi rebus quietis fœnori suo agrisque fru vo-
 « lunt : illi, si bellum conflatum sit, in imperiis, aut ex licen-
 « tia prædæ compendium sperant ? etiam olim hoc morbo
 « laboramus, neque a longo jam tempore respublica nostra
 « hominibus caruit, qui domesticas opes augere studerent,
 « etiam cum periculo et detrimento civitatis.

XIII. « Quibus omnibus occurrere poteritis rectissime
 « (dicendum enim est, quod ex præsentibus utilissimum
 « esse censeo), si neque pacem ematis ea conditionum vili-
 « tate, quæ jura liberæ civitatis minuat : neque vestras tan-
 « tummodo vires belli tam difficilis terroribus opponatis.
 « Sæpe a majoribus copiarum nostrarum imperium externis
 « ducibus commissum est. Archidamum, Agesilai filium,
 « postea Cleonymum, mox Agathoclem, Peloponneso, aut
 « Sicilia evocavimus. Memoria nostra, quum finitimorum
 « armis infestaremur, Alexandrum Epirenses patres nostri
 « acciverunt : eo consilio non solum ipsi commodis rebus
 « usi sunt, sed etiam nobis florentes reliquerunt. Est eadem
 « hodie inter nos et Epirotas amicitia : neque illi hodie
 « exercitu ac duce minus valent. Et recens beneficium no-
 « strum Pyrrhus habet, quem Corcyræos oppugnantem
 « justa classe juvimus. Ergo non meum hoc, sed qui ante
 « nos rempublicam hanc felicissime rexerunt, hominum sa-

« pientissimorum consilium esse existimate : quod vel
 « ideo sequi debetis, quia in priore exemplo quasi totam
 « ejus rationem cum eventu ipso perspicere potestis.

XIV. « Sed tamen etiam alioquin argumenta magna sunt
 « et evidentia. Nemo inter nostros ita excellit, ut ei æquo
 « animo parituri sint cæteri : quæ vero sint æmulationis pe-
 « rricula, quoties acri et potente cum hoste res est, scitis :
 « et quemcumque faceretis imperatorem, vel nimio pacis
 « studio, vel cupiditate gerendi belli, detrimentum vestris
 « rebus afferre posset : taceo adversum Romanos, gentem
 « armis induratum, non quolibet duce bellum tuto geri. Ve-
 « rum enimvero, quemadmodum nemo dubitat, virtute et
 « consilio militari ante Pyrrhum nemo est : sed venire for-
 « sitan nolet? imo vero quia rerum gerendarum cupidissi-
 « mus, bellum in præsentia nullum aliud habet; non modo
 « veniet ipse lubenter, sed etiam adducet copias validas,
 « et præliorum non rudes : et ne ab ipso libertati nostræ
 « metuamus, iis cum eo conditionibus transigetur, quibus
 « respublica in tuto sit. Hac ratione fiet, ut bona cum spe
 « sumere bellum, et vel impetrare pacem commodam, vel
 « etiam dare gloriosam possimus, quanquam hoc potius
 « eventurum non improbæ spei est, ut prius Romani no-
 « biscum æquis legibus transigant, quam hoc rerum statu
 « Pyrrhum accipiant in Italiam, qui quondam ex eadem
 « Epiro minoris aliquanto gloriæ potentiæque regem ti-
 « muerunt. »

XV. Hoc consilium non eo tantum vicit, quod publicæ
 salutis viam haud aspernamdam aperuisse videbatur; sed
 etiam contrarias in opiniones divisa concione, quum neutra
 pars, obsistente altera, pertendere posset, quod proximum
 erat, sententiam, quæ media quodammodo videbatur, uni-
 versi prætulerunt. Ferunt vulgato per civitatem rumore,
 decretum de Pyrrho acciando factum esse, Metonem quem-
 dam hominem frugi, sumpta corona marcida, et facula,

§ XIII. Appian. — Strabo, lib. VI. — Liv. VIII, 24. — Pausan. lib. I. —
 § XIV. Plutarch. in Pyrrh. c. 25.

ebriorum more, cum tibicina theatrum intravisse: populum tarentinum, solita lascivia, jussisse, *ut progressi in medium, ille voce, muliercula tibia canerent.* Tum Metonem, facto silentio, dixisse: « Bene facitis, Tarentini, quod saltandi cœnendique copiam præstatis, quibus libet: nam Pyrrho in urbem admissa vix erit, ut liceat amplius nostro nobis arbitratu vivere. » Moto ad hæc populo, atque orto murmure, veriti, qui auctores injuriarum adversus Romanos fuerant, ne pacificis consiliis valentibus ad supplicium ipsi dederentur, increpito vulgo, *quod ab homine temerario tam indigne derideri pateretur,* impetu facto, Metonem theatro exeferunt: ita nemine deinceps adversante, decretum ratum fuit.

XVI. At romanus consul, quum nihil ab Tarentinis pacati responderetur, præterea mitti ad Pyrrhum legatos cum munerebus accepisset, ad belli consilia conversus, agrum populatur, oppida alia pugnando, alia deditione capit, damno ac terrore complet omnia. Mittuntur etiam ad prohibendas injurias ab Tarento copiarum: fit conflictus acer, sed superiore Romano, multis suorum amissis, Græci in urbem compelluntur. Æmilius regionem omnem impune vastat uritque. Territis ea clade Tarentinis, ut multitudo, quanto secundis rebus insolentior, adversis tanto impensius in timorem præceps est, Agidi, qui romanæ amicitiarum retinendæ perpetuus auctor fuerat, imperium permittitur. Cupiditatem spernente pacis auxerant ex principibus quidam ab romano duce dimissi, qui *humanitatem ejus, et cæteros etiam Tarentinos superiore prælio, aut per agros passim exceptos, indulgenter atque benigne haberi,* prædicabant.

XVII. Sed mutavit animos erexitque Cinearum fiducia, cum auxiliariis copiis ab Epiro venientis: namque Pyrrhus ingens animi, et Magni modo Alexandri æmulatione vastissimum imperium spe complexus, ipsis quasi fatis invitantibus, ad perficienda quæ destinasset, pandi sibi viam credebat. Confirmatum etiam oraculi delphici voce narrant, ambigui quidem sensus, et utramvis in partem facilis flecti, sed quod

interprete cupiditate rex pro certo et secundo acceperit: quippe de belli, quod suscepturus esset, eventu consulenti redditum responsum ferunt: *posse eum Romanos vincere*. Sed plus, opinor, animorum dabat tarentina legatio, quæ *ex sua civitate, Lucanisque, Messapiis, et Samnitibus, cæterisque populis, qui eodem fœdere tenerentur, facile viginti millia equitum, trecenta quinquaginta peditum conscribi posse, attulerat*. His igitur copiis si Romanos in ordinem redegisset, haud magno negotio cæteræ Italiæ dominationem se adepturum sperabat. Inde brevis in Siciliam trajectus ostendebat insulam Agathoclis excisa domo vacuum et discordem: quam etiam hereditario jure, quod ex Lanassa, filia Agathoclis, liberos susceperat, suæ domui posse vindicari rebatur. His ex sententia confectis, Carthaginem bello erat petiturus.

XVIII. Fama est, Cineam, præstanti sapientia virum, quo immodicas regis cupiditates, paratamque felicitatem præsentibus bene utendi turbaturas, ipsius quoque confessione coercendas esse ostenderet, *quid de victis Romanis agere constituisset?* interrogasse. Atque illo subinde alias ex aliis victorias nascituras esse demonstrante, subjecisse: *quid igitur confectis istis omnibus acturi sumus?* Tum vero *pacis et otii bonis affatim fruituros* respondente, excepisse Cineam: « Quid igitur vetat, o rex, quin statim iis fruamur, quum præsto sint; novis autem bellis suscipiendis corrumpi penitus, amittique possint? » Sed Pyrrhus, iterata legatione Tarentinorum, et ambitione sua victus, *patrium esse* respondit *Epirotis, non pro se tantum, sed etiam pro sociis et amicis bella capessere*. Cæterum tegendo interiori consilio suo, cum legatis anxie pepigit, *ut lato ipsis auxilio statim rediret domum; neque diutius, quam necessum esset, ab iis in Italia detineretur*.

XIX. Inde confestim ad bellum apparandum ingenti stu-

§ XVII. Aug. de Civit. Dei, III, 17. — Ennius apud Cic. in Divin. II, 26. — Plut. in Pyrrh. c. 27. — Just. XVIII, 1. — § XVIII. Just. — Diod. Ecl. ex lib. XXII. — Vid. Boileau, *Épître première*.

dio versus, navium longarum magnum numerum complevit; alias præterea, quibus equi virique transportarentur, adornavit: plerisque legatorum italicorum, quo sub specie honoris obsidum vicem retineret, in delectu agendo, copiisque conducendis usus, cæteros cum tribus armatorum millibus, addito, qui præesset, Cinea, Tarentum præmisit. Horum adventu spes pacis abrupta, abrogatum Agidi imperium, et uni eorum, qui ex legatione redierant, decreto populi datum est. Neque multo post missus a rege Milo tarentinam arcem firmavit præsidio, murorumque custodiam et tutelam sibi depoposcit: gratulante imperita multitudine, quod penes peregrinos molestiam et labores esse, sibi otium cum securitate relictum existimabat: annona igitur militibus, pecunia Pyrrho, alacriter decreta.

XX. Interea L. Æmilius transmarini militis adventu cognito quo tutioribus locis hibernaret, exercitum in Lucaniam transducere instituit. Erat iter per angustos quosdam calles, quos ab altera parte præruptæ inviæque rupes, ab altera mare claudebant: et, intellecto ducis romani consilio, tarentini naves scorpionibus et ballistis instructas admoverant littori; militemque per aretos et obnoxios tramites incedentem missilibus impetebant. Æmilius viam virtuti negatam astu explicuit, captivis, quos in ultimum agmen rejecerat, latera prætexens ordinum, quæ periculo patebant. Horum misericordia Tarentini, dum suos ferire metuunt, etiam hostibus pepercerunt. Hæc ferme eo anno ad Tarentum gesta. Romæ vero C. Fabricius Luscinus, qui in consulatu suo Samnites, Bruttiosque, et Lucanos præclare vicerat, triumphans Capitolium ingressus est: eumdemque honorem non ita multis post diebus Q. Marcius consul obtinuit, ex Etruria, rebus ibi prospere gestis, reversus.

XXI. Quæ eum causa, bello etrusco nondum finito, ex provincia revocaverit, tempore alieno (nam Fabricius a. d. III nonas martias triumphavit) non traditur: ego accitum a senatu conjicio, qui tum exspectatione Pyrrhi sollicitus,

præsidia undique conquirebat. Nam et eo primum tempore, quum, tanta undique belli mole coorta, imperium pluribus exercitibus defendi oporteret, proletarii, quibus antiquitus vacatio militiæ fuerat, sacramento rogari cœpere: arma, quæ parare per inopiam non poterant, publice data: ut legionibus alibi occupatis, hæc manus per globos in muris foroque disposita, stationibus et excubiis urbem tueretur. Neque tamen his consiliis averti potuisset imminens clades, nisi fortuna urbis imperaturæ periculosissimis temporibus ingentes viros reservasset; ac nescio an maximos omnium, qui unquam in ista civitate fuerint, non ita divitiis et splendore generis, quam contemptu opum, et a virtute nobiles. Hæc enim ætas Curios, Fabricios, Coruncanios tulit: nullarum imaginum aut facultatum viros, sed amplissimæ gloriæ, quam rectissimi exempli homines, summo rei militaris usu, parique morum innocentia pepererunt: utrobique salutare patriæ, quæ adversus regem ambobus metuendum, non magis opus habebat viris, qui ferrum hostile retundere possent, quam qui aurum contemnere.

XXII. Pyrrhum interea, vere non exspectato, peditum duo et viginti millia, tria equitum adducentem, elephantos præterea viginti, et funditorum sagittariorumque modicam manum, orta in medio cursu tempestas ita jactavit, ut ab extremo periculo minimum abesset. Classe disjecta, pluribusque navigiis afflictis, quum etiam prætoria navis laboraret, in mare se dedit Pyrrhus, et maximo cum labore vix tandem enatavit. Corporis tamen male habiti ægritudinem, animi robur sublevabat: et cura Messapiorum, qui suum in litus ejectum, omni studiorum officiorumque comitate coluerunt. Eorundem opera navibus quibusdam, quæ procellæ vim evaserant, adductis, pauci equites cum duobus elephantis, et minus duobus millibus peditum collecti. Cum hac manu Tarentum processit, obviam egresso cum militibus suis, regemque deducente Cineas. Magnis Tarentinorum

§ XXI. Oros. IV, 1. — Aug. de Civit. Dei, III, 17. — Enn. apud A. Gell. XVI, 10.

gratulationibus exceptus, paucos dies quieti dedit: quo spatio quum civitatis mores ita comparatos esse cerneret, ut his obtinentibus, neque servari a quoquam possent, et ipsos quoque defensores suos pessumdati essent, dissimulavit in præsentia. Sed ubi paulatim convenientibus, quæ dispersæ fuerant, navibus, copias idoneas habuit; gymnasia et porticus, in quibus otiosa juvenus dies totos obambulando nugandoque consumebat, occlusit: epulas compotationesque vetuit: solennia ludorum ex intemperantissimo usu ad justam mediocritatem reduxit.

XXIII. Post hæc delectum juniorum severe egit; monitis, ut solebat, conquisitoribus suis, *grandes eligerent, se eos fortes redditurum*. Hos manipulis suorum permixtos, ne seorsim habiti seditiones agitent, eadem duritia et severitate disciplinæ exercuit; capitis pœna infrequentibus proposita. Qui vero in armis non essent, eos majorem diei partem in foro agere coegit. Quarum rerum insolentia, homines inter pudendas delicias nati educatique, mirifice anguebantur, *servitutem* appellando, si perire socordia et luxuria cupientes, salvi esse cogerentur. Onerabat invidiam satellitum quorundam regionum intemperies, qui suo arbitrato hospitia deligentes, etiam invitis et reluctantibus dominis occupabant: parique deinde licentia inter uxores eorum liberosque versabantur. Ergo fastidio præsentium multi relicta urbe in agros emigrabant, donec id quoque clausis portis appositi custodes prohibuerunt.

XXIV. Tum vero Tarentini se pro socio dominum accepisse sero intelligentes, quod unum poterant, per indignationem et questus sortem suam miserabantur, aliquanto liberius, ubi per aliquam idoneam causam convenientes, præter solitos animi affectus, etiam vino incaluissent. Neque deerant, qui ad Pyrrhum referrent; accessitique nonnulli, quod inter convivium parum honorifice de rege locuti esse arguerentur. Sed horum quidem periculum cujusdam inter

§ XXII. Zonar. — Plutarch. in Pyrrh. c. 31. — § XXIII. Frontin. IV, 1. — Zonar. — Plutarch. — Appian. — Vales.

eos simplex et ingeniosa confessio discussit : « Et hæc diximus, inquit, et longe graviora dicturi fuimus, nisi vinum defecisset. » Ibi Pyrrhus, ut qui vini, quam hominum, eam culpam videri mallet, arridens dimisit eos. Cæterum diffusus civitatis moribus animisque, ut quemque plurimum apud Tarentinos auctoritate consilioque pollere animadvertat, causis repertis structisque, ad filium Ptolemæum (quem discedens ipse regno præfecerat annorum quindecim adolescentem) ablegabat : alios per occultas insidias de medio tollebat : erant, quos affectata humanitate complexus, inter familiarissimos haberet, quo populo suspiciores fierent.

XXV. In his Aristarchus erat, vir inter primates amore civium et eloquentia excellens : hunc, quia nihilominus in magna apud multitudinem gratia esse cernebat, per causam certi negotii navigare in Epirum jussit. Aristarchus, quum refragari regis imperio præsentis exitii; obedire, non quidem æque velocis, sed tamen æque certi videretur, conscensa navi paulum proventus, flexit cursum ad urbem romanam, et receptus in fidem de rebus multis magnisque senatum largiter edocuit. Dum hæc Tarenti Pyrrhus administrat, nihilo segnius ad bellum gerendum apud Romanos delectus agebantur, cogebantur pecuniæ, misso ad socias civitates C. Fabricio, qui auctoritate gratiaque sua deterreret a studiis rerum novarum : quidam, quorum suspecta levitas erat, etiam præsiidiis in opportuna loca impositis in fide retinebantur.

XXVI. Quidquid enim ubivis injuriæ acceptæ persuasione ægrum, aut cupiditate novandi turbidum erat, id omne, tot adversus unam gentem conspirantium populorum robur, et bellicosissimi regis exspectatio commoverat : quo intentiores Romani, capita seditionum mature opprimendo, securitati suæ providebant. Eo tempore casus prænestinorum principum memorabilis fuit : qui nocte jam ingruente quum adducti Romam essent, custodiæ causa conclusi sunt in

§ XXIV. Zonar. — Valer. Maxim. V, 1, 3. — Plutarch. Pyrrh. cap. 16. — Just. XVIII, 1. — § XXV. Dio ap. Fulv.

ærarario publico, tum demum intellectis fallacis oraculi am-
bagibus, cujus fide popularibus suis, ad defectionem eos
impulsuri, sæpe sponponderant, in fati esse, *uti romanum
ærararium a Prænestinis occuparetur*. Sollicitos Patrum animos
(nam et Fabricium a sociis retineri audiverant, ut eo pi-
gnore suos ab Romanis incolumes reciperent; et ad Etruscos,
ad Umbros, ad Gallos contra populum romanum incitandos
legatos mitti) nova insuper cura oppressit rei, quum facto
ipso atrocis, tum formidabilis exempli, ne apud omnes Italos
alienissimo tempore romana fides in suspicionem et odium
adduceretur.

XXVII. In extremo Italiæ litore contra Siciliam Rhegium
est, græci nominis, temporibus illis florens et opulenta ci-
vitas. Ea quum adventu Pyrrhi magnum et terribile bellum
cerneret consurgere, præterea classibus Carthaginensium
in illo mari vagantibus terreretur, diffisa viribus suis arces-
sendum a Romanis præsidium existimavit. Missa sunt mili-
tum millia quatuor, ex Campaniæ coloniis scripta manus, et
inde legio campana appellata, tribuno militum Decio Ju-
bellio deducente. His ab initio quidem neque fides in defen-
denda urbe, neque diligentia defuit. Deinde, quia belli pro-
pinquus metus nullus erat, paulatim otio et græcæ consue-
tudinis imitatione in luxum resoluti, præsentemque copiam
cum dura et laboriosa vita, quam eousque egerant, compa-
rantes, opportunitatem urbis, et incolarum felicitatem, ser-
mone cupiditatis et invidiæ pleno, in circulis et hospitiiis
suis agitare cœperunt.

XXVIII. Delectabatur eo facto Decius, qui et ipse pari
vecordia ductus, sceleratum occupandæ urbis consilium
pridem animo conceperat. Favebat occasio præsentis belli,
quo sciebat ita distringi Romanos, ut rheginam rem cura-
turi non essent: et in adverso litore Mamertinos, exemplum
simul felicitis sceleris, et similis perfidiæ haud dubios propu-
gnatores, præterea communis patriæ necessitudine junctos,

§ XXVI. Zonar. — Dio apud Fulv. — § XXVII. Polyb. I, 7. — Liv. Epit.
XII. — Liv. XXVIII, 3.

intuebatur. Nam et hi ex Campania oriundi, quum superioribus annis inter Agathoclis auxilia stipendium fecissent, a Messeniis pro amicis excepti, civibus trucidatis aut ejectis, urbem occupaverant, domosque et conjugia miserorum inter se partiti fuerant. Etiam veterum Campanorum subibat memoria, qui Capuam possederunt, simili latrocinio Tuscis ademptam.

XXIX. Quum res satis placeret, ea consultatio supererat, quonam modo facinus impune patraretur, neve, ut in urbe populosa, pauciores a pluribus circumventi cæderentur. Confingit epistolas tanquam a Rheginis ad Pyrrhum scriptas, ut præsidium romanum ei proderetur. Vocantur secreto milites: epistolæ, quasi interceptæ, recitantur: queritur acerbe de perfidia Rheginorum Decius: ex militari multitudine quidam, ad hoc præparati, succlamant, *armis expediendam salutem, et exitium ipsis destinatum, in auctorum capita vertendum esse*: adest etiam ex compacto, qui nuntiet, *in rhegino litore classem Pyrrhi conspectam esse, et secreta colloquia habita*. Miles supra priorem animi cupiditatem, etiam perfidia hostium et periculi metu accenditur. Consensu omnium in hanc sententiam disceditur, *ut ignari imparatique oppidani opprimantur: cæde virorum facta, fortunæ publicæ privatæque omnes legioni cedant*. Fit facinus indignum et atrox: Decius quosdam ex principibus ad cœnam vocatos, inter sacra hospitalis mensæ obruncat: alii passim in domibus suis trucidantur: majori parte Rheginorum interfecta, cæteri patria ejiciuntur ab iisdem illis, quos paulo ante, ut cum patria servarentur, amicorum atque sociorum nomine in eam acceperant.

XXX. His patratæ, nova fit publicæ rei forma: sedes atque facultates miserorum, tanquam hostilis præda, inter latrones dividuntur: cæde adhuc recenti, matronæ virginesque maritorum atque parentum suorum interfectoibus nubere coguntur: jura nomenque rheginæ civitatis crudelis

§ XXVIII. Polyb. lib. XXI. — Liv. IV, 57. — § XXIX. Strabo, lib. VI. — Diodor. excerpt. lib. XXII.

et perfidiosa legio sibi vindicat. Sed bene consuluit mortaliū generi Deus, quod plerumque scelerum insignium exempla, eadem et vindictæ illustris documenta sunt; ne quis magis successu maleficiorum animari ad paria consilia possit, quam exitu eventuque deterreri. Adeo veræ felicitati cum facinorosis non convenit: neque ulla certior est insania, quam existimare, scelere quemquam fieri beatiorem. Ut enim quæ post hanc vitam manent supplicia, quæ maxima sapientes esse sciunt, nulla putentur (solet enim hominum incredibilis stultitia vix iis habere fidem, quæ vident, nedum ut inexpertis moveantur); attamen etiam quum prosperrime procedunt omnia, interno vulnere lacerat animum delictorum conscientia: viventium nomen, mortuorum memoria, apud homines in odio et detestatione est; ac plerumque id ipsum quoque, quod fœdissime partum, laboriosissime retentum est, non Deo, non hominibus inulta scelera diu patientibus, ingenti cum dolore eripitur.

XXXI. Juvat hic referre breviter Decii Jubellii cæterorumque furoris ejus participum pœnas, quæ quidem earum temporibus his connexa sunt: nam extremum exitium, interea variis casibus torti, decimum in annum distulerunt, ut in tempore memorabimus. Igitur prædonibus istis non diu lætæ, aut etiam inter ipsos tranquillæ res fuere. Metum a Romanis et Pyrrho utcunque, præter occasionem temporum, mamertina societate propellebant, et consilio neutros lacescendi. Hoc enim tutissimum visum ex præsentibus, inter initia sua, dum ex violenta et subita origine nova civitas coalescit, abstinere bello: quod neque adversus regem se tuto sumpturos esse videbant; et promptiorem sperabant a Romanis veniam, si contra ipsos arma non tulissent. Prima dissensionis causa, ut inter latrones oportuit, ex iniqua divisione raptarum rerum orta est. Ejectus per seditionem Decius Messanam confugit: qui Rhegii erant milites scribam ejus M. Cæsium imperatorem legerunt: eodem honore Decius, quum pecuniam secum grandem attulisset, a

Mamertinis auctus est; neque læta sibi, neque diuturna fortuna.

XXXII. Nam evenit, ut oculorum gravi ægritudine correptus, medicum insignem acciendum curaret, ultione divina jam ad plures acerbioresque pœnas nefarium hominem rapiente. Adductus ergo medicus est Reginus domo; sed quia multis ab annis Messanæ habitaverat, origine non Decio tantum, nunquam ulli Reginorum se commissuro, sed plerisque ejusdem urbis incolis incomperta. Ille memor patriæ, et injurias ejus ulcisci certus, persuadet homini, se strenuum quidem afferre remedium, sed eventus tuti celeritæque efficaciz. Sic admoto medicamento, quod cantharidum succo temperaverat, vetitoque tolli, priusquam ipse reversus ad ægrum esset, sine mora conscenso navigio, ex urbe Messana profugit. Decius incredibili dolore satis diu tolerato, postquam medicus non redit, amoveri collyrium jubet: eo diluto, luminibus orbatum se reperit. Ita infamis, exsul, contemptus, cæcus, animo et corpore ægro, tanquam vinculis constrictus, ad pœnam servatur: miro quodam divinæ ultionis ingenio, ut ab eo, cui salutem suam crediderat, cladem istam pateretur, qui prius ipse, quos tueri debuerat, immanitate perfidiaque circumvenisset. Quæ documenta historiis consignari tradique generis humani interest; cui nunquam satis persuadetur, quantum a recta prudentiæ ratione absit ea calliditas, per quam ob falsa quædam bona, virtute fideque spretis, per fœdas et iniquas libidines in vera mala ruitur.

§ XXXII. Appian. apud Vales. — Diodor.

JOANNIS FREINSHEMII
SUPPLEMENTORUM
LIVIANORUM

LIBER TERTIUS

IN LOCUM LIBRI DECIMI TERTII LIVIANI.

EPITOME

LIBRI DECIMI TERTII.

Valerius Lævinus consul parum prospere adversus Pyrrhum pugnavit, elephantorum maxime inusitata facie territis militibus. Post id prælium quum corpora Romanorum, qui in acie ceciderant, Pyrrhus inspiceret, omnia versa in hostem invenit, populabundusque ad urbem Romam processit. C. Fabricius, missus ad eum a senatu, ut de redimendis captivis ageret, frustra, ut patriam desereret, a rege tentatus est. Captivi sine pretio remissi sunt. Cineas, legatus a Pyrrho ad senatum missus, petiit, ut componendæ pacis causa rex in urbem reciperetur: de qua re quum ad frequentiore senatum referri placuisset, Ap. Claudius, qui propter valetudinem oculorum jamdiu consiliis publicis se abstinuerat, venit in curiam, et sententia sua tenuit, ut id Pyrrho negaretur. Cn. Domitius censor primus ex plebe lustrum condidit: censa sunt civium capita ducenta septuaginta octo millia, ducenta viginti duo. Iterum adversus Pyrrhum dubio eventu pugnatum est. Cum Carthaginensibus quartum fœdus renovatum est. Quum C. Fabricio consuli is, qui ad eum a Pyrrho transfugerat, polliceretur, se regi venenum daturum, cum indicio ad regem remissus est. Res præterea contra Etruscos, Lucanos, Brutios, et Samnites prospere gestas continet.

I. **I**NTEREA Romæ parte copiarum ad præsidium urbis, et incertos belli casus retenta, novis consulibus exercitus et provinciæ datæ sunt. P. Valerio Lævino Tarentini et Pyrrhus; Ti. Coruncanio Etrusci belli reliquiæ obvenerunt. Lævinus magnificum ad famam et terrorem ratus, hostem a se lacessitum videri; simul utile civitati, si quam longissime belli metum et incommoda ab agro romano avertisset, confestim in Lucaniam moto exercitu, castellum opportuno situ operibus permunivit, valido præsidio imposito, quo et Pyrrhi cœpta tardarentur, et Lucani, quorum perfidia timebatur, ad hostem non auderent desciscere. Audito romani consulis adventu Pyrrhus, quamquam socii nondum convenerant, turpe sibi et detrimentosum fore judicans, si inter primordia belli formidinis indicium ullum edidisset, cum copiis, quæ aderant, incunctanter obviam progressus est.

II. Ut tamen per causam aliquam honestam traheret negotium, caduceatorem misit cum literis, quarum hæc sententia fuit: « Rex Pyrrhus Lævino Salutem. Audio te contra « Tarentinos venire cum exercitu. Sed eo dimisso, cum « paucis ad me venito: causa enim cognita, quod alteros al- « teris præstare æquum erit, etiam nolentes præstare cogam. » Ad hæc Lævinus: « Nos neque controversiarum nostrarum « te sumimus arbitrum, neque hostem pertimescimus. Tu « vero absurde facere videris, causas alienas cognoscere sa- « tagens, qui propriæ culpæ reus, nondum Italiæ, injussu « nostro, initæ pœnas nobis pependisti. Ergo non adversus « te minus, quam adversus Tarentinos instructo cum exer- « citu venio, Marte iudice, auctore generis nostri, de nostro « jure disceptaturus. » Neque diu moratus signa movit; et inter Pandosiam et Heraclæam urbes, loco campestri, ab hostilibus castris divisus Siri amne, consedit. Fama est, Pyrrhum speculandi causa ad amnem progressum, quum castra romana diligenter spectavisset, uni ex amicis, cui Megacles

nomen erat, dixisse: « Ordo certe barbarorum istorum minime barbarus est; at facta mox noscemus.»

III. Tum autem ad ripam firma collocata statione, quæ transitum tentantes arceret, opperiri socios constituit: super rationem belli, quod Romanos in hostili regione rerum necessariorum inopia laboraturos esse sperabat, etiam fiducia Lævini anxius, cujus ille admirationem novo testimonio nuper auxerat; dimissis impune hostibus, qui ad exploranda castra venerant: et adjecto, *sibi præterea majorem alium exercitum esse*. Inter hæc, ut vicinis castris, velitationes continuæ fiebant: ad summam rerum proficiebatur nihil. Igitur diebus ferme quinquaginta per hæc leviora certamina consumptis, consul, quod iisdem causis ad festinandum prælium, quibus Pyrrhus ad differendum movebatur, milites in concionem vocatos consilii sui certiores facit, adversus novi hostis metum confirmat. Pyrrhi famam, belluarum terrorem, quantum potest, elevat: denique rebus ita se parat, ut vel volente cum hoste congrediatur, vel etiam invitum cogat ad certamen.

IV. Itaque postquam Pyrrhum manere in sententia videt, equitatum omnem, tanquam ad agrorum prædam excursurum, præmittit: ipse cum instructis legionibus opperitur, donec in adversa ripa tumultus et clamor fiat. Equites magno a castris intervallo circumvecti, qua incustoditum flumen erat, transjiciunt; stationem pro hostili ripa collocatam cursu petunt: Epirotæ, subita re perterriti, ad castra sua se recipiunt. Pyrrhus intellecto hostem adesse, equitatum omnem (tria milia erant), quanta maxima celeritate potest, ad amnem rapit, sperans, Romanos inter transeundum ordinibus solutis, et cæco vado cum iniquitate aquæ solique luctantes, occupari posse. Sed quum Romani equites se objecissent, invectus ante primum suorum agmen, non impari famæ suæ pugnam edidit, splendidis armis conspicuus, neque minus insigni robore animique præsentia,

quum ita totam aciem consilio imperiisque regeret, tanquam omni alio labore solutus esset; ita ubi res posebat accurrens præliaretur, tanquam solum ad se militis officium, ad alium universæ rei cura pertineret.

V. Interea Leonnatus quidam Macedo, quum ex hostibus quemdam notasset, qui cæteris omissis omnibus, unum in regem tota volitantem acie intentus, quacunque parte illum se inferre vidisset, eo quoque equum agebat, monuit Pyrrhum. Cui ille, « fatum, inquit, o Leonnate, mortalium « effugerit nemo: cæterum neque hic Italus necum, neque « alius quisquam, impune congredietur. » Vix elocutus hæc fuerat, quum Oplacus (hoc nomen erat viro, Frentanæ turmæ præfecto) infesta lancea equum percutit regis; atque illius equum vicissim excipiens Leonnatus. Ibi circumfusi regis amici Oplacum pugnantem interficiunt; regem eripiunt. Sed iste casus magnopere perculit regios, ipsum esse cæsum opinantes. Quare ut confirmaret suos, simulque pericula sibi intenta declinaret, paludamentum et arma cum Megacle commutat; illoque in pugna relicto, ad phalangem ordinandam adducendamque pergit. Occurrunt et Romanæ legiones. Certatur diu acerrime, eventu adeo dubio, ut memoriæ sit proditum, septies alternante prælii fortuna, modò Romanos hostium, modo Tarentinos Epirotasque Romanorum terga vidisse.

VI. Sed proxime desperationem Pyrrhi res adduxerat Megaclis cædes, quem regiis armis monstratum ex diversa acie fortissimus quisque regis interfecti gloriam affectans impetebat; donec eques nomine Dexter, interempto de tractam chlamydem galeamque maximis cum clamoribus ad consulem ferens, fidem patratae cædis utrique exercitui fecit. Jam omnia terroris atque consternationis apud Græcos plena erant; fugissentque haud dubie, nisi quamprimum nudo capite obequitans Pyrrhus, *seque vivere et adesse* voce magna testatus, tantumdem fiduciæ Romanis, quantum suo militi formidinis desperationisque dempsisset. Lævinus adesse tem-

pus ratus, quo ultima remedia experiretur, signum equitibus sustulit, quos in insidiis collocaverat, ut terga hostium incurrerent. At Pyrrhus in hoc agmen elephantos agi jubet, ipsos quoque in ultimum terrorem hostium reservatos.

VII. Id consilium afflixit spes romanas, eventumque totius pugnae secundum Pyrrhum dedit. Nam et homines ipsi vastorum corporum mole, terribilique superstantium armorum specie stupentes, quodvis potius ingens et formidabile portentum, quam animalium a natura productorum formam videre videbantur; et equi ad conspectum odoremque et stridorem tum primum visarum belluarum exterriti, protinus confusis ordinibus, qua cuique proximum erat, abripiebantur; sessoresque vel excutiebant, vel frustra retinentes secum auferebant in fugam: et in suorum aciem incurrentes omnia trepidatione tumultuque miscebant. Insequutis elephantorum rectoribus, multi fugientium ab iis, qui in turribus belluarum constiterant, vulnerati sunt: plures ab elephantis ipsis confecti obritique. Sed consule omnia experto, cohærebat utcunque acies; donec immissa Pyrrhi imperio thessalica ala male resistentes fregit disjecitque.

VIII. Neque dubium habetur, quin eo situ loci, quo tum conclusi tenebantur, cæsi omnes captivi forent, ni præter consuetudinem Pyrrhi, qui hoc imperatorium rebatur, non pertinaciter instare fugientibus, ne alio tempore desperatione salutis acrius resisterent, etiam præceps in vesperam dies regio a perseguendo desistere coegisset. Adjuvit etiam fortuna reliquias infelicis exercitus, quod elephante accepto vulnere conversus, etiam cæteros barritu turbavit. Ea res morata hostes, spatium fugientibus dedit, quo transmissa amne pervenire in Apuliam possent; ibique urbis cujusdam munitionibus adversus instans periculum tegerentur. Cæsa eo prælio Romanorum sociorumque peditum millia quatuordecim et præterea octingentos septuaginta reperio; du-

§ VI. Front. II, 4. — Plut. — Zonar. — § VII. Front. II, 4. — Pausan. lib. I. — Flor. I, 18. — Plin. VIII, 6. — Zonar. — Plutarch.

centos quadraginta sex equites. captos in universum mille octingentos duodecim: in his equites duos et octingentos: annua signa militaria duo et viginti.

IX. Quo magis miror, auctores qui hæc tam accurate exsequuti sunt, negare numerum ex regio exercita desideratorum annotatum esse, quum Dionysius scribat, Lavinium amisisse paulo minus milia quindecim: tredecim interuisse ex victoribus: Hieronymus autem Cardianus, æqualis istorum temporum scriptor, de romano exercitu non plus septem millibus cecidisse tradat: de regio, intra quatuor milia. Sed hoc inter omnes constat, fore ducum militumque suorum victoriam eam Pyrrho constituisse: exceptæque dicuntur voces, *non minus victum se eo prælio, quam victorem discessisse, ferentis*: etiam quum Tarentino Jovi spolia donaque figeret, fassus hoc fertur, inscripto ejus sententiæ titulo, querentibusque sociis respondisse: « Næ ego, si iterum sic vicero, sine milite revertar in Epirum! » Ipsum quoque regem hoc prælio grave vulnus accepisse auctorem habeo; sed quoniam alii tale nihil tradiderunt, casusque diversarum pugnarum misceri nonnunquam video, non ausim uni, in silentio plurium et accuratiorum, credere.

X. Magna profecto pertinacia certatum esse hoc etiam argumento fuerit, quod postridie ejus pugnae, quum casorum corpora Pyrrhus inspiceret, quæ ad humanitatis et clementiæ famam humari jusserat; Romanos omnes in hostem versos honestis vulneribus oppetiisse cernens, exclamavit: « O quam proclive mihi erat orbis imperio potiri romanos habenti milites! » Neque cunctatus est eorum, quos in potestate habebat, animos appellatione blanda magnisque promissis adoriri, ut apud se stipendia facerent: et abnuere perseverantes nihilo sequius humaniter clementerque habuit; et vinculorum, et omnis, quæ fortunam captivorum comitari solet, contumeliæ expertes. At Romanos prælio tam male acceptos alia mox clades terruit, ut

§ VIII. Front. II, 6. — Eutrop. lib. II. — Gotefr. Viterb. — Oros. IV, 1. — § IX. Plutarch. — Oros. IV, 1. — Just. XVIII, 1, 7.

longe impar detrimento, ita majoris aliquanto formidinis et religionis: nam ad manifestam deorum iram referebatur, quod pabulatores forte dimissos subito coorta tempestas ita perculerat, ut inter horribilem cæli fragorem cadentibus fulminibus quatuor et triginta interirent, afflati et semi-mortui relinquerentur duo et viginti, jumentis etiam eodem turbine extinctis, aut debilitatis compluribus.

XI. Pyrrhus interea quum vacua et deserta Romanorum castra cepisset, victoria non segniter usus, promovit copias, vastandisque proximorum quorumque agris, ab amicitia Romanorum permultos populos avertit. Supervenere deinde socii Lucani Samnitesque: quibus leviter castigatis, *quod pugnatura non affuissent*, partem tamen spoliiorum dedit; eo ipso magno opere lætus et exsultans, *quod præter suas copias tarentinis tantum auxiliis adjutus, Romanorum ingentem numerum fudisset*. Intento in victoriæ fructum Pyrrho, alia ex parte Lævinus curando saucios, colligendo dispersos, manum rursus haud contemnendam effecerat: et Senatus, quanquam multi culpam acceptæ cladis imputabant consuli, Fabriciusque dixerat, *non sibi Romanos ab Epirotis, sed Lævinum a Pyrrho victum videri*, supplementum ei mittendum censuit.

XII. Quum voce præconis edictum esset, *qui in occisorum locum patriæ navare operam vellent, uti nomina darent*, certatim dantibus, celeriter duarum legionum numerus expletus est. His copiis auctus consul, Pyrrhi vestigia sequendo, quibus poterat exercitum ejus incommodis vexabat: et quum occupandæ Capuæ consilia regem agitare comperisset, festinanter exercitu ducto, prævenit eum, cunctisque ad defensionem paratis, ab invadenda urbe deterruit. Pyrrhus Neapolim flexo itinere, atque ibi quoque spe sua frustratus, protinus ad ipsam Romam magnis itineribus latina via contendit. Jam ab Anagnia et Hernicorum agro, Fregellis

§ X. Liv. Epit. XIII. — Eutr. — Front. I, 18, 17. — Zonar. — Dio apud Vales. — Oros. — Plutarch. — § XI. Just. XVIII, 1. — Zonar. — Appian. apud Fulv. Urs.

obiter expugnatis. Praesertim deventum. intra viciniam ab Urbe adveniens. sed urbem magistratus suum abire de clade certitum fuerat. novis selectibus ex antiquioribusque junctis armaverant. armisque non invalidum auxilium populi Romani fortuna tandem necessario provulerat. Caesari enim inter T. D. Cornificianus meliore fortuna cum Etruscis congressus. universam gentem novis selectibus armaverat. et ad tutelam patriae revocante senatu. nulla alio modo distractus cum exercitu regere accurrebat.

XIII. Pyrenus nimis Etruscis ut arma retrahere frustra tentavisset. praeter urbem suam praesertim tutam. duas concolares exercitus. alterum a fronte. alterum a tergo munimine cogitans. in Campaniam regressus est. Ubi Larvianum imperibus sibi copis. quam ante cladem habuisset. occurrere videns. cum aversa terga sibi vegetum esse dixit. copis percaesa stans. *namque post. tandem etiam meum. succurrerunt.* Quia tamen priori viciniae continebat. eduxit copias. et tanquam pugnaturus instravit: quoque morum simul abertatem experiretur. simul perterrefaceret hostem. clamorem tollere milites. ac elephantis ad haerendum cicendum incitari jussit. Revertens est a Romanis longe major atque terribilior clamor: unde de animis utrorumque conjectans. abstinendum sibi praelio in praesentia iudicavit: et victiarum extra parum laeta causatus. exercitum in castra. et inde. magna cum praedia et captivorum agmine. Tarentum reduxit.

XIV. Romani. qui durissimo tempore de constantia sua nihil remiserant. sed de totius belli eventu semper amplas spes et orationes magnificas habuerant. praemia virtutis tum maxime celebranda rati. L. Emilio Barbulae ob res in consulatu gestas decreverunt triumphum: isque de Tarentinis. Samnitibus, et Sallentinis. qui inter auxilia Tarentinorum fuerant, a. d. VI Idus Quintileis triumphavit. Sed P. Valerio consuli negotium datum. ut setivum in agrum abductis exercitus victi reliquis, castra muniret, hiememque sub pellibus

§ XII. *Zonas.* — Appian. *spud Fabr. Urs.* — Flor. I, 18. — Plutarch. — § XIII. — *Estrop.* — Flor. I, 18, 18. — *Zonas.*

agere cogeret. Per eadem tempora quum de captivis in senatu agitatum esset, *redimine eos placeret*? ista sententia tenuit: credo præcipue movisse animos equitum casum, quos fortiter sustentata pugna donec elephanti aberant, horum superventu consternati equi sine ulla sessorum culpa cædendos vinciendosque hostibus præbuerant. Missi sunt hujus negotii causa præcipuæ dignationis legati, P. Cornelius Dolabella, Senonum deleta gente nobilis, C. Fabricius Luscinus, Q. Æmilius Papus, qui biennio ante collegæ in consulatu fuerant.

XV. Pyrrho a natura magnorum animorum indivisa comes inerat humanitas; sed hanc ambitione auxerat, errore per vulgato ministras imperii virtutes esse putans, cui uni intemperantissime deditus, huc rationes suas omnes referebat. Et quanquam audacia bellicæ artibus nemini suâ ætate dum postponendus esset, omnia tamen prius experiri solebat, quam armis rem permetteret: animosque hostium, ut quisque opportunus erat, metu, cupiditate, voluptate, misericordia, denique conditionum æquitate ac utilitate moliebatur. Igitur nuntiato Roma legatos venire, tot consulares ad majorem certe aliquam rem mitti suspicatus, pacis componendæ mentionem illaturos esse sperabat. Quo igitur et tutior, et honoratior accessus eorum foret, ad ipsos usque fines agri Tarentini Lyconem natione Molossum cum præsidio misit obviam: ipse vero cum ornato equitatu venientibus extra portam occurrit; deductosque perquam honorifice ac hospitaliter, rebus omnibus laute atque liberaliter habuit. Illi quæ ad moderationem animi pertinent præfati, *quanta sortis inconstantia, quam subitæ bellorum vices essent, neque præsciri futura posse*; mandata edunt; *se ad recipiendos captivos suos venisse, sive certo in capita pretio redimi, sive cum Tarentinis aliisve permutari pateretur.*

XVI. Pyrrhus nihil magnæ rei sine consilio amicorum

§ XIV. Appian. — Plut. — Tabul. Capitol. — Front. IV, 1. — Dionys. apud Fulv. — Cic. in Brut. 34. — § XV. Polyæn. Strateg. VI, 6. — Zonar. — Val. Max. V, 1. — Hist. miscel. P. Diacon. II, 16. — Dio ap. Fulv. — Dionys.

statuere conseruerat : quo tum quoque convocato, Milo
 quidam scadebat, ut captiuis retentis fortuna sua atteritur,
 neque bellum nisi perdomitis Romanis amitteret. Longe diuersa
 Cinese oratio fuit, qui, commemorata senatus populique ro-
 mani constantia, quam sepe extremis temporibus suis inuictam
 ostendisset, subiicit : « Aliorum fortassis hostium aut mores
 • oderimus, aut contempserimus arma. Cum hac gente, o
 • rex, amicitiam tibi potius quam bellum habendum esse
 • censo; neque reddi modo captiuos, sed etiam donari ex
 • usa tuo fuerit : neque differendum arbitror, quin legatos
 • cum muneribus Romam mittas, qui conditionibus aequis
 • pacem conficiant.

XVII. • Hoc enim illud tempus esse arbitror, quo rem tibi
 • necessariam, si quid iudico, etiam cum dignitate facere
 • possis. Nunc enim rebus adhuc prosperis de pace agens, et
 • facilius, quae volueris, impetraveris, et nulla alia causa,
 • quam animi solita magnitudine, pacem obtulisse videberis
 • iis, quos integrum fuisset armis ad seruitutem cogere. Et
 • absit quidem omen; tuncque res, sicut coeperunt ire, per-
 • gant. Sed tamen homines sumus; et si fortuna verterit,
 • neque tam facile porro negotium erit pacis, neque pari
 • cum decore tractabitur. • In hanc sententiam locutis quo-
 que ceteris, et ipse rex assensus, vocari legatos romanos
 iubet. Qui ubi venerunt, hunc in modum egisse fertur : « Res
 • equidem indigna est, quam facitis, Romani! Quum enim
 • amicitiae mecum inuicidae rationem nullam habeatis, bello
 • captos repetitis; ubi reddidero, iisdem illis adversus me
 • usuri. Quod si igitur revocatis ad meliora et utrisque pro-
 • futura mentibus, foedus atque societatem mecum insti-
 • tuis, vestros et cives universos, et socios, quos cepi, sine
 • pretio recipite : sin vero vobis hostiles animi manent,
 • neque ego pro sano me facturum arbitror, si odia vestra
 • tot fortium virorum manibus instruam. Neque vero tanta
 • mihi rei nummariae difficultas est, ut pecuniis Romanorum
 • indigeam; quos decebat potius, si amici essemus, libera-

« litate mea locupletari. » Simul non spernendi pretii munera legatis dari iussit, *plura se et meliora alias daturum* professus.

XVIII. Hæc in commune legatis omnibus præsentibus dicta actaque. Cæterum cum solo deinde C. Fabricio longior et accuratior sermo fuit : neque referre piget, quod apud idoneos auctores reperi. Quum itaque remotis arbitris colloquerentur, inter cætera regem ita dixisse postea vulgatum est : « Ego vero, quum cæteros Romanos omnes amicos
 « habere expeto, tum præsertim te, C. Fabrici, quem inter
 « cæteros civili militarique virtute præstantissimum esse ju-
 « dico : unum deesse tibi indignor, quod re familiari angu-
 « stiore utens, debitum magnis viris splendorem tueri mi-
 « nime potes. Sed hanc fortunæ injuriam ego diutius tibi
 « molestam esse non patiar, daboque auri argentique facti
 « et infecti eam copiam, qua ditissimorum quorumque cen-
 « sus facile vincas. Hoc enim inprimis loco fortunæque meæ
 « convenire persuasum habeo, eximiorum hominum, qui
 « potius gloriæ quam pecuniæ accumulandæ studuerunt, gra-
 « vem inopiam consolari : id quidem ego valde pulchrum
 « opus esse reor ; neque magnificentiæ regiæ vel monumen-
 « tum illustrius usquam poni, vel augustius diisque gratius
 « donarium suspendi posse. Quare non tam dedisse benefi-
 « cium putabo, quam accepisse, si meis te copiis adjuvari
 « siveris.

XIX. « Neque tamen id a te petiturus eram, si mihi glo-
 « riosa largitio tantum, tibi vero parum decora fuisset : nunc
 « autem, quia non ad proditionem, aut indignum moribus
 « tuis facinus ullum emeris, quid est, cur hospitale munu-
 « sculum, amicissimo animo oblatum, infesto et pertinaci
 « velis aspernari ? Ego enim aliud a te desidero nihil, nisi
 « quod a viro optimo patriæque amantissimo fieri possit,
 « immo debeat ; ut senatum a præfracta illa pervicacia ad
 « æquitatem et consilia mitiora transducas, quod res est do-
 « cendo, neque bellum sine maximo vestro et damno et pe-

« riculo geri ; neque a me , qui Tarentinis auxilium pollicitus ,
 « primo etiam prælio victor discessi , integra fide atque digni-
 « tate deseri posse. Neque verò me delectat vobiscum dimi-
 « care , quos amicitia mea quam odio digniores arbitror : et
 « multis interea negotiis obortis , quæ præsentiam meam de-
 « siderent , in regnum meum reverti mallet. In hoc fidem ,
 « quam postulabis , dabo : quo et tu de animo meo securus
 « esse possis , et cæterorum dubitationes tollere , si qui forte
 « negabunt regibus tuto credi posse propter unius aut alterius
 « vesaniam , qui nullo intellectu honesti , pactis atque fœde-
 « ribus , donec utilia viderentur , stantes , simul atque levitatis
 « pretium apparuit , fidem quam occasionem negligere ma-
 « luerunt. Pace vero confecta , nihil aut mihi jucundius , aut
 « utilius utrisque fieri possit , quam si mecum in Epirum na-
 « viges , primo inter meos loco , et in bello legatus futurus ,
 « omnisque fortunæ meæ particeps. Nam et ego possessionem
 « nullam pretiosiore esse puto , quam fortis et fidelis amici :
 « et animo tuo regiæ fortunæ apparatus , regionumque nego-
 « tiorum majestas congruit. Hæc ergo si in commune contu-
 « lerimus , quæ maxima per homines censentur bona , vicis-
 « sim alter alterum adjuvantes , nullo negotio adipiscemur.

XX. Hic ubi finem dicendi rex fecisset , post modicum
 intervallum Fabricius inquit : « De virtute quidem , si quid
 « ejus in me belli domive animadverti potuit , mihi super-
 « vacaneum est quidquam attingere ; quando jam aliis de ea
 « credidisti : neque itidem de paupertate necessum est ex-
 « ponere , quod exigui agelli tuguriolique dominus , non
 « fœnore , neque mancipiorum operis , sed laboribus hujus
 « corporis alor : nam et ista referentibus aliis , existimo te
 « accurate didicisse. Si vero me deteriore ob paupertatem
 « conditione , quam Romanorum quemlibet , esse suspi-
 « cis , certe , sive ultro , sive alienam secutus opinionem ita
 « conjecisti , mirifice falsus es. Mihi enim contemptis opibus
 « virtutem et officium sectanti nullus unquam miseræ sen-
 « sus fuit ; neque fortunæ meæ , vel in privatis negotiis , vel

« in publicis ingemui : qua enim tandem causa convicium
 « ei facerem? nisi forte crimini dabo, quod in ista pauper-
 « tate mea, his omnibus, quæ cuilibet animo magno excel-
 « soque sola desideranda videntur, non modo cum divitibus,
 « sed etiam præ illis, in patria perfruor.

XXI. « Honoribus enim, qui apud nos amplissimi sunt,
 « fungor : bella gravissima rego : splendidissimis adhibeor
 « legationibus : religionum sanctissimarum curam gero : vo-
 « cor in senatum : de summa republica rogor sententiam :
 « laudant me multi imitanturque hilariter : neque minoris
 « fio, quam quilibet in civitate nostra potentissimus : vi-
 « deorque specimen et exemplum ad virtutem gloriamque
 « capessendam esse cæteris ; nihil in hæc omnia sumptus de
 « meo faciens, sicuti neque aliorum quisquam. Nam alibi
 « quidem, ubi plerumque privatim opes magnæ, publice
 « vix mediocres sunt, magistratus ex re familiari dignitatem
 « splendoremque loci sui sustinent : nostra civitas longe
 « diversis institutis utitur ; neque fortunis privatorum ulla
 « parte gravis est. Omnis iste apparatus, quo nostri cives,
 « quotquot ad rerum magnarum administrationem deligun-
 « tur, magnifice instructi sunt, præbetur publice : quæ res
 « exæquat omnes, neque pauperrimo alicui quidquam patitur
 « ad tuendum publicum, aut suum decus deesse, neque di-
 « tissimo superesse. Quando igitur pauperrimus omnium,
 « tamen locupletissimo cuique nulla in re bona cedo ; quid
 « est, quod de fortuna queri debeam? an postulandum erat,
 « ut me regibus parem faceret, quibus ingentes auri cumu-
 « los licet recondere?

XXII. « Sed hæc quidem ad publicam vitam : in privata
 « vero tantum abest, ut mea mihi inopia sit oneri, aut in-
 « commodo, ut contra, quoties me cum divitibus istis com-
 « pono, mea sors incomparabiliter videatur beator : et ego
 « me inter illos plane paucos numerem, quibus, quanta esse
 « in vita potest, felicitas contigerit : eoque nomine et mihi
 « plurimum gratulor, et gratias ago paupertati meæ. Quum

« enim supervacua persequi mihi ineptum et otiosum esse
 « videatur; necessaria vero agellus recte colenti dispensan-
 « tique suppeditet; nescio quem in usum de majoribus di-
 « vitis debeam esse sollicitus: nam omnem mihi cibum
 « fames suavissimum efficit; omnem potum sitis: somnum
 « facilem et tranquillum labore paro: vestis, si frigus arceat,
 « mihi se probavit satis: in supellectili, ut quodque ad usum,
 « cui destinatur, maxime commodum atque parabile est, ita
 « placet impensius: quare sic quoque sim injurius, si accu-
 « sem fortunam, quod mihi non majores facultates submi-
 « nistraverit illa, quam natura mea desideret: quæ mihi ne-
 « que cupiditatem ejus, quod nimium esset, ingenuit; neque
 « profecto dexteritatem parandi.

XXIII. « Quare cum ista paupertate mea, et aliis opulen-
 « tissimis hominibus, et te quoque ipso me copiosorem esse
 « judico: nam ego tantum habeo, ut plus non desiderem;
 « tu, nisi Epirum, et cætera quæ tenes possidens, inopem
 « te esse crederes, in Italiam trajecisses? sed pulchram fa-
 « cultatem, beneficia hominibus dandi, præstat opulentia!
 « ego per inopiam subvenire queo nemini! Hoc vero non
 « magis me angit, quam quod aliis quoque rebus non supra
 « modum instructus sum; quod neque scientiam præcellen-
 « tem mihi deus, neque vaticinandi artem tribuit, quibus
 « prodesse indigentibus possem; neque alia itidem permulta.
 « Eorum vero, quæ in me sunt, si et civitati et amicis co-
 « piam facio, et unde quemquam juvare ullo pacto possum,
 « id commune omnibus esse patior; hoc quoque crimine
 « hactenus me vacare posse existimo. Neque vero tibi qui-
 « dem hæc parva, aut contemptibilia vocare licet, qui præ te
 « ferâs illa videri maxima, adeoque ingenti pecuniæ modo
 « emere paratus es.

XXIV. « Quod si vero ad sublevandas necessitates egen-
 « tium omnino facultates magnæ optandæ essent, atque hoc
 « nomine pecuniarum possessio partem aliquam felicitatis
 « faceret, uti vobis quidem regibus videtur: utra mihi via

« parandarum opum erat melior, ut a te nunc acciperem
 « cum dedecore; an vero ut olim pararem, quum possem
 « honestissimis rationibus? Nam mihi sane ditescendi op-
 « portunitates præclaras respublica bene gesta præbuit: quum
 « alias sæpe; tum vero maxime ante hoc quadriennium,
 « quando in Samnites, Lucanos, Bruttiosque consul cum
 « exercitu missus, amplissimas regiones populabundus per-
 « cucurri: præliis multis victor urbes opulentas vi cepi di-
 « ruique: unde donatis largite militibus, redditoque pri-
 « vatis, quod reipublicæ in usus belli mutuum dederant,
 « res tamen superesset quadringentorum talentorum, quæ
 « in ærarium publicum intuli. Postquam igitur justas et de-
 « coras ex manubiis opes, quæ in promptu erant, aspernatus
 « sum; et exemplo Valerii Publicolæ multorumque aliorum,
 « qui rem romanam hunc in statum produxerunt, gloriam
 « pecuniis anteposui; nunc a te munere capiam, contempta
 « pulcherrima ditescendi occasione, pudoris atque periculi
 « plenam amplexus? et illam quidem opulentiam honestos
 « justosque ad usus expendere liberrime et cum voluptate
 « quadam potuissem: nunc vero ne hujus quidem boni ulla
 « futura esset copia.

XXV. « Creditæ enim verius quam donatæ pecuniæ cen-
 « sendæ sunt, quæ alieno beneficio obvenerunt, animoque
 « ingenuo et erecto graves incumbunt, donec restitui
 « queant: ut jam per hospitii, vel amicitiae, vel benevolen-
 « tiæ speciem datæ acceptæque fuerint. Jam vero, quid fu-
 « turum censes, si vulgata fama (neque enim celari poterit)
 « magistratus, qui morum apud nos præfecturam amplis-
 « sima cum potestate exercent, quos censores appellamus,
 « pro jure suo, quo in civium vitas inquirere, et a patriis
 « institutis discedentes mulctare consueverunt, me publice
 « citatum causam captorum munerum dicere jusserint? »
 Addunt plerique, a Pyrrho, virum virtutis tantæ quantivis
 bene emi certo, acrius continentiam ejus constantiamque
 tentatam esse; post alia magnifica promissa, etiam parte

regni oblata : neque motum esse Romanum, nisi hactenus, ut *se consilii regii rationem expedire* negaret. « Si enim malum me virum judicas, inquit, cur ambis? sin' vero bonum, cur corrumpis? » Adjecisse deinde dicitur, *etiam ipsi Pyrrho negotium hoc neque jucundum futurum, neque conducibile, si processisset : suam enim libertatem et amicis regis, et ipsi regi gravem futuram : justitiam autem et abstinentiam si Epirotæ experti forent, relicto rege ad ipsum transituros.*

XXVI. Quæ omnia, et quod deinceps adjecturus sum, variis ab auctoribus tradita, conquiri exponique non inconueniens nec inutile judicavi; quo virorum, quibus fulta res romana per durissimos casus ad imperii gloriæque incomparabilem magnitudinem pervenit, animi sensusque noscerentur : claroque sub exemplo facilius deprehenderetur, quibus moribus studere oporteat admirationi futuros homines, majoremque et meliorem transdituros posteris republicam, quam a majoribus ipsi accepissent. Igitur his ita dictis auditisque regem in præsentia quidem quievisse accepimus : postridie vero vocari ad se Fabricium jussisse : parato ante ad perterrendum eum elephanto, qui a tergo colloquentium post aulæum adstans, magistri imperio repente diducto aulæo, super Fabricii caput demisit manum, horrendumque stridorem et barritum edidit. Sed vir ingens animi, quum sensim se convertisset, arridens, « Neque heri me aurum tuum pellexit, inquit, neque hodie perterrefecit bellua. »

XXVII. Deinde quum admotus cœnæ *de græcis sapientibus* disserentem audiret Cineam, quibus *Epicuri secta* placeret, eos *voluptatem in arce bonorum; reipublicæ curam inter præcipua felicitatis impedimenta ponere : similemque vitam agere deos arbitrari; nulla rerum humanarum cura, nullo, neque in improbos iræ, neque in bonos favoris affectu, soli otio voluptatique deditos; exclamavisse Fabricium fe-*

§ XXV. Eutr. l. II. — Flor. I, 18, 25. — Auct. de Vir. ill. c. 35. — Zonar. — Appian. apud Fulv. Urs. — § XXVI. Plut. in Pyrrh. c. 43 sq.

runt : « Dii faxint , isthæc sapientia Pyrrho Samnitibusque « cordi sit , donec bellum cum populo romano gerent! » Hi temporum istorum mores fuerunt : hæc magnorum virorum certamina , non opibus et luxuria , sed virtute , consilio , patientia , patriæ caritate excellere. Nec enim subiti impetus , aut ad præsentem usum meditatæ simulationis istæ voces fuerunt ; sed perpetuo tenore vitæ verborum suorum fidem admirabiles potius nostris temporibus , quam imitabiles viri affirmarunt.

XXVIII. Idem ille Fabricius , quum ejus tota supellex argentea salino uno constaret , et patella , quæ tamen ipsa corneo pediculo sustineretur ; Samnitium legatis pecuniam et supellectilem splendidam dono afferentibus , planas manus ad aures , hinc ad oculos , nares , os , gulam , deinde ad imum usque ventrem deducens , « donec his , inquit , im- « peritare potero , nihil deerit : vos autem pecuniam ad eos , « qui hac indigent , reportate. « Denique vitam universam sic exegit , ut in hereditate ejus non esset , unde filiarum dos expediretur : gloriosa paupertate , quum ex ærario publico erogata pecunia Senaturn puderet indotatas pati virgines , quas patrem non puduerat ita relinquere. Sed et cæteri Senatus principes eadem ferme virtute tolerantiaque tum agebant. Ex quibus Q. Fabium Maximum , qui toties in summis imperiis fuerat , qui censura gesta noluerat iterum censor fieri , negans , *ex usu reipublicæ videri , ut iidem sæpius censores crearentur* ; simili et paupertatis et amoris publici testimonio populus romanus affecit : mortuo enim tantum congegit æris , ut inde filius Q. Gurges et viscerationem et epulum publice daret.

XXIX. Curius ab eadem altitudine animi Sabinorum mænera , quemadmodum Fabricius Samnitica , sprevit. Æmilius Papus in plerisque magistratibus collega Fabricii , Tib. item Coruncanius , aliique præclari viri , ex similitudine morum

§ XXVII. Cic. in Catil. c. 12. — Plutarch. — Valer. Maxim. IV, 3, 6. —

§ XXVIII. Val. Maxim. IV, 3 et 10. — Hygin. apud Agell. I, 14. — Auct. de Vir. illustr.

centos quadraginta sex equites, captos in universum mille octingentos duodecim; in his equites duos et octingentos: amissa signa militaria duo et viginti.

IX. Quo magis miror, auctores qui hæc tam accurate exsequuti sunt, negare numerum ex regio exercitu desideratorum annotatum esse, quum Dionysius scribat, Lævinum amisisse paulo minus millia quindecim; tredecim interiisse ex victoribus; Hieronymus autem Cardianus, æqualis istorum temporum scriptor, de romano exercitu non plus septem millibus cecidisse tradat; de regio, intra quatuor millia. Sed hoc inter omnes constat, flore ducum militumque suorum victoriam eam Pyrrho constitisse: exceptæque dicuntur voces, *non minus victum se eo prælio, quam victorem discessisse, ferentis*: etiam quum Tarentino Jovi spolia donaque figeret, fassus hoc fertur, inscripto ejus sententiæ titulo, querentibusque sociis respondisse; « Næ ego, si iterum sic vicero, sine milite revertar in Epirum! » Ipsum quoque regem hoc prælio grave vulnus accepisse auctorem habeo; sed quoniam alii tale nihil tradiderunt, casusque diversarum pugnarum misceri nonnunquam video, non ausim uni, in silentio plurium et accuratiorum, credere.

X. Magna profecto pertinacia certatum esse hoc etiam argumento fuerit, quod postridie ejus pugnae, quum cæсорum corpora Pyrrhus inspiceret, quæ ad humanitatis et clementiæ famam humari jusserat; Romanos omnes in hostem versos honestis vulneribus oppetiisse cernens, exclamavit: « O quam proclive mihi erat orbis imperio potiri « romanos habenti milites! » Neque cunctatus est eorum, quos in potestate habebat, animos appellatione blanda magnisque promissis adoriri, ut apud se stipendia facerent: et abnuere perseverantes nihilo sequius humaniter clementerque habuit; et vinculorum, et omnis, quæ fortunam captivorum comitari solet, contumeliæ expertes. At Romanos prælio tam male acceptos alia mox clades terruit, ut

§ VIII. Front. II, 6. — Eutrop. lib. II. — Gotefr. Viterb. — Oros. IV, 1.
— § IX. Plutarch. — Oros. IV, 1. — Just. XVIII, 1, 7.

longe impar detrimento, ita majoris aliquanto formidinis et religionis: nam ad manifestam deorum iram referebatur, quod pabulatores forte dimissos subito coorta tempestas ita perculerat, ut inter horribilem cæli fragorem cadentibus fulminibus quatuor et triginta interirent, afflati et semi-mortui relinquerentur duo et viginti, jumentis etiam eodem turbine extinctis, aut debilitatis compluribus.

XI. Pyrrhus interea quum vacua et deserta Romanorum castra cepisset, victoria non segniter usus, promovit copias, vastandisque proximorum quorumque agris, ab amicitia Romanorum permultos populos avertit. Supervenere deinde socii Lucani Samnitesque: quibus leviter castigatis, *quod pugnatura non affuissent*, partem tamen spoliolum dedidit; eo ipso magnopere lætus et exsultans, *quod præter suas copias tarentinis tantum auxiliis adjutus, Romanorum ingentem numerum fudisset*. Intento in victoriæ fructum Pyrrho, alia ex parte Lævinus curando saucios, colligendo dispersos, manum rursus haud contemnendam effecerat: et Senatus, quanquam multi culpam acceptæ cladis imputabant consuli, Fabriciusque dixerat, *non sibi Romanos ab Epirotis, sed Lævinum a Pyrrho victum videri*, supplementum ei mittendum censuit.

XII. Quum voce præconis edictum esset, *qui in occisorum locum patriæ navare operam vellent, uti nomina darent*, certatim dantibus, celeriter duarum legionum numerus expletus est. His copiis auctus consul, Pyrrhi vestigia sequendo, quibus poterat exercitum ejus incommodis vexabat: et quum occupandæ Capuæ consilia regem agitare comperisset, festinanter exercitu ducto, prævenit eum, cunctisque ad defensionem paratis, ab invadenda urbe deterruit. Pyrrhus Neapolim flexo itinere, atque ibi quoque spe sua frustratus, protinus ad ipsam Romam magnis itineribus latina via contendit. Jam ab Anagnia et Hernicorum agro, Fregellis

§ X. Liv. Epit. XIII. — Eutr. — Front. I, 18, 17. — Zonar. — Dio apud Vales. — Oros. — Plutarch. — § XI. Just. XVIII, 1. — Zonar. — Appian. apud Fulv. Urs.

obiter expugnatis, Præneste pervenerat, intra vicesimum ab Urbe lapidem; sed urbani magistratus simul atque de clade auditum fuerat, novis delectibus ex senatusconsulto juniores armaverant; aliudque non invalidum auxilium populi romani fortuna tempore necessario providerat. Consul enim alter Tib. Coruncanius meliore fortuna cum Etruscis congressus, universam gentem novis fœderibus obstrinxerat, et ad tutelam patriæ revocante senatu, nullo alio hoste distractus cum exercitu victore accurrebat.

XIII. Pyrrhus quum Etruscos ad arma retrahere frustra tentavisset, præter urbem suis præsiidiis tutam, duos consulares exercitus, alterum a fronte, alterum a tergo imminere cogitans, in Campaniam regressus est. Ubi Lævinum majoribus sibi copiis, quam ante cladem habuisset, occurrere videns, *cum hydra lernæa sibi negotium esse dixit, cujus præcisa capita paulo post, numero etiam aucto, renascerentur.* Quia tamen priori victoriæ confidebat, eduxit copias, et tanquam pugnaturus instruxit: quoque suorum simul alacritatem experiretur, simul perterrefaceret hostem, clamorem tollere milites, ac elephantos ad barritum ciendum incitari jussit. Redditus est a Romanis longe major atque terribilior clamor: unde de animis utrorumque conjectans, abstinendum sibi prælio in præsentia judicavit; et victimarum exta parum læta causatus, exercitum in castra, et inde, magna cum præda et captivorum agmine, Tarentum reduxit.

XIV. Romani, qui durissimo tempore de constantia sua nihil remiserant, sed de totius belli eventu semper amplas spes et orationes magnificas habuerant, præmia virtutis tum maxime celebranda rati, L. Æmilio Barbulæ ob res in consulatu gestas decreverunt triumphum: isque de Tarentinis, Samnitibus, et Sallentinis, qui inter auxilia Tarentinorum fuerant, a. d. VI Idus Quintileis triumphavit. Sed P. Valerio consuli negotium datum, *ut setinum in agrum abductis exercitus victi reliquiis, castra muniret, hiememque sub pellibus*

§ XII. Zonar. — Appian. apud Fulv. Urs. — Flor. I, 18. — Plutarch. — § XIII. — Eutrop. — Flor. I, 18, 18. — Zonar.

agere cogeret. Per eadem tempora quum de captivis in senatu agitatum esset, *redimine eos placeret*? ista sententia tenuit: credo præcipue movisse animos equitum casum, quos fortiter sustentata pugna donec elephantibus aberant, horum superventu consternati equi sine ulla sessorum culpa cædendos vinciendosque hostibus præbuerant. Missi sunt hujus negotii causa præcipuæ dignationis legati, P. Cornelius Dolabella, Senonum deleta gente nobilis, C. Fabricius Luscinus, Q. Æmilius Papus, qui biennio ante collegæ in consulatu fuerant.

XV. Pyrrho a natura magnorum animorum indivisa comes inerat humanitas; sed hanc ambitione auxerat, errore per vulgato ministras imperii virtutes esse putans, cui uni intemperantissime deditus, huc rationes suas omnes referebat. Et quanquam audacia bellicæ artibus nemini suâ ætate dum postponendus esset, omnia tamen prius experiri solebat, quam armis rem permetteret: animosque hostium, ut quisque opportunus erat, metu, cupiditate, voluptate, misericordia, denique conditionum æquitate ac utilitate moliebatur. Igitur nuntiato Roma legatos venire, tot consulares ad majorem certe aliquam rem mitti suspicatus, pacis componendæ mentionem illaturos esse sperabat. Quo igitur et tutior, et honoratior accessus eorum foret, ad ipsos usque fines agri Tarentini Lyconem natione Molossum cum præsidio misit obviam: ipse vero cum ornato equitatu venientibus extra portam occurrit; deductosque perquam honorifice ac hospitaliter, rebus omnibus laute atque liberaliter habuit. Illi quæ ad moderationem animi pertinent præfati, *quanta sortis inconstantia, quam subitæ bellorum vices essent, neque præsciri futura posse*; mandata edunt; *se ad recipiendos captivos suos venisse, sive certo in capita pretio redimi, sive cum Tarentinis aliisve permutari pateretur.*

XVI. Pyrrhus nihil magnæ rei sine consilio amicorum

§ XIV. Appian. — Plut. — Tabul. Capitol. — Front. IV, 1. — Dionys. apud Fulv. — Cic. in Brut. 34. — § XV. Polyæn. Strateg. VI, 6. — Zonar. — Val. Max. V, 1. — Hist. miscel. P. Diacon. II, 16. — Dio ap. Fulv. — Dionys.

statuere consueverat : quo tum quoque convocato, Milo quidam suadebat, *ut captivis retentis fortuna sua uteretur, neque bellum nisi perdomitis Romanis omitteret.* Longe diversa Cineæ oratio fuit, qui, commemorata *senatus populique romani constantia, quam sæpe extremis temporibus suis invictam ostendisset,* subjecit : « Aliorum fortassis hostium aut mores
 « oderimus, aut contempserimus arma. Cum hac gente, o
 « rex, amicitiam tibi potius quam bellum habendum esse
 « censeo; neque reddi modo captivos, sed etiam donari ex
 « usu tuo fuerit : neque differendum arbitror, quin legatos
 « cum muneribus Romam mittas, qui conditionibus æquis
 « pacem conficiant.

XVII. « Hoc enim illud tempus esse arbitror, quo rem tibi
 « necessariam, si quid judico, etiam cum dignitate facere
 « possis. Nunc enim rebus adhuc prosperis de pace agens, et
 « facilius, quæ volueris, impetraveris, et nulla alia causa,
 « quam animi solita magnitudine, pacem obtulisse videberis
 « iis, quos integrum fuisset armis ad servitutem cogere. Et
 « absit quidem omen; tuæque res, sicut cœperunt ire, per-
 « gant. Sed tamen homines sumus; et si fortuna verterit,
 « neque tam facile porro negotium erit pacis, neque pari
 « cum decore tractabitur. » In hanc sententiam locutis quo-
 que cæteris, et ipse rex assensus, vocari legatos romanos jubet. Qui ubi venerunt, hunc in modum egisse fertur: « Res
 « equidem indigna est, quam facitis, Romani! Quum enim
 « amicitiae mecum ineundæ rationem nullam habeatis, bello
 « captos repetitis; ubi reddidero, iisdem illis adversus me
 « usuri. Quod si igitur revocatis ad meliora et utrisque pro-
 « futura mentibus, fœdus atque societatem mecum institui-
 « tis, vestros et cives universos, et socios, quos cepi, sine
 « pretio recipite : sin vero vobis hostiles animi manent,
 « neque ego pro sano me facturum arbitror, si odia vestra
 « tot fortium virorum manibus instruam. Neque vero tanta
 « mihi rei nummariae difficultas est, ut pecuniis Romanorum
 « indigeam; quos decebat potius, si amici essemus, libera-

« litate mea locupletari. » Simul non spernendi pretii munera legatis dari jussit, *plura se et meliora alias daturum* professus.

XVIII. Hæc in commune legatis omnibus præsentibus dicta actaque. Cæterum cum solo deinde C. Fabricio longior et accuratior sermo fuit : neque referre piget, quod apud idoneos auctores reperi. Quum itaque remotis arbitris colloquerentur, inter cætera regem ita dixisse postea vulgatum est : « Ego vero, quum cæteros Romanos omnes amicos
 « habere expeto, tum præsertim te, C. Fabrici, quem inter
 « cæteros civili militarique virtute præstantissimum esse ju-
 « dico : unum deesse tibi indignor, quod re familiari angu-
 « stiore utens, debitum magnis viris splendorem tueri mi-
 « nime potes. Sed hanc fortunæ injuriam ego diutius tibi
 « molestam esse non patiar, daboque auri argentique facti
 « et infecti eam copiam, qua ditissimorum quorumque cen-
 « sus facile vincas. Hoc enim inprimis loco fortunæque meæ
 « convenire persuasum habeo, eximiorum hominum, qui
 « potius gloriæ quam pecuniæ accumulandæ studuerunt, gra-
 « vem inopiam consolari : id quidem ego valde pulchrum
 « opus esse reor ; neque magnificentiæ regiæ vel monumen-
 « tum illustrius usquam poni, vel augustius diisque gratius
 « donarium suspendi posse. Quare non tam dedisse benefi-
 « cium putabo, quam accepisse, si meis te copiis adjuvari
 « siveris.

XIX. « Neque tamen id a te petiturus eram, si mihi glo-
 « riosa largitio tantum, tibi vero parum decora fuisset : nunc
 « autem, quia non ad proditionem, aut indignum moribus
 « tuis facinus ullum emeris, quid est, cur hospitale munu-
 « sculum, amicissimo animo oblatum, infesto et pertinaci
 « velis aspernari? Ego enim aliud a te desidero nihil, nisi
 « quod a viro optimo patriæque amantissimo fieri possit,
 « immo debeat ; ut senatum a præfracta illa pervicacia ad
 « æquitatem et consilia mitiora transducas, quod res est do-
 « cendo, neque bellum sine maximo vestro et damno et pe-

« riculo geri ; neque a me , qui Tarentinis auxilium pollicitus ,
 « primo etiam prælio victor discessi , integra fide atque digni-
 « tate deserui posse. Neque verò me delectat vobiscum dimi-
 « care , quos amicitia mea quam odio digniores arbitror : et
 « multis interea negotiis obortis , quæ præsentiam meam de-
 « siderent , in regnum meum reverti mallet. In hoc fidem ,
 « quam postulabis , dabo : quo et tu de animo meo securus
 « esse possis , et cæterorum dubitationes tollere , si qui forte
 « negabunt regibus tuto credi posse propter unius aut alterius
 « vesaniam , qui nullo intellectu honesti , pactis atque fœde-
 « ribus , donec utilia viderentur , stantes , simul atque levitatis
 « pretium apparuit , fidem quam occasionem negligere ma-
 « luerunt. Pace vero confecta , nihil aut mihi jucundius , aut
 « utilius utrisque fieri possit , quam si mecum in Epirum na-
 « viges , primo inter meos loco , et in bello legatus futurus ,
 « omnisque fortunæ meæ particeps. Nam et ego possessionem
 « nullam pretiosorem esse puto , quam fortis et fidelis amici :
 « et animo tuo regiæ fortunæ apparatus , regionumque nego-
 « tiorum majestas congruit. Hæc ergo si in commune contu-
 « lerimus , quæ maxima per homines censentur bona , vicis-
 « sim alter alterum adjuvantes , nullo negotio adipiscebimur.

XX. Hic ubi finem dicendi rex fecisset , post modicum
 intervallum Fabricius inquit : « De virtute quidem , si quid
 « ejus in me belli domive animadverti potuit , mihi super-
 « vacaneum est quidquam attingere ; quando jam aliis de ea
 « credidisti : neque itidem de paupertate necessum est ex-
 « ponere , quod exigui agelli tuguriolique dominus , non
 « sœnore , neque mancipiorum operis , sed laboribus hujus
 « corporis alor : nam et ista referentibus aliis , existimo te
 « accurate didicisse. Si vero me deteriore ob paupertatem
 « conditione , quam Romanorum quemlibet , esse suspica-
 « ris , certe , sive ultro , sive alienam secutus opinionem ita
 « conjecisti , mirifice falsus es. Mihi enim contemptis opibus
 « virtutem et officium sectanti nullus unquam miseræ sen-
 « sus fuit ; neque fortunæ meæ , vel in privatis negotiis , vel

« in publicis ingemui : qua enim tandem causa convicium
 « ei facerem? nisi forte crimini dabo, quod in ista pauper-
 « tate mea, his omnibus, quæ cuilibet animo magno excel-
 « soque sola desideranda videntur, non modo cum divitibus,
 « sed etiam præ illis, in patria perfruor..

XXI. « Honoribus enim, qui apud nos amplissimi sunt,
 « fungor : bella gravissima rego : splendidissimis adhibeor
 « legationibus : religionum sanctissimarum curam gero : vo-
 « cor in senatum : de summa republica rogor sententiam :
 « laudant me multi imitanturque hilariter : neque minoris
 « fero, quam quilibet in civitate nostra potentissimus : vi-
 « deorque specimen et exemplum ad virtutem gloriamque
 « capessendam esse cæteris ; nihil in hæc omnia sumptus de
 « meo faciens, sicuti neque aliorum quisquam. Nam alibi
 « quidem, ubi plerumque privatim opes magnæ, publice
 « vix mediocres sunt, magistratus ex re familiari dignitatem
 « splendoremque loci sui sustinent : nostra civitas longe
 « diversis institutis utitur ; neque fortunis privatorum ulla
 « parte gravis est. Omnis iste apparatus, quo nostri cives,
 « quotquot ad rerum magnarum administrationem deligun-
 « tur, magnifice instructi sunt, præbetur publice : quæ res
 « exæquat omnes, neque pauperrimo alicui quidquam patitur
 « ad tuendum publicum, aut suum decus deesse, neque di-
 « tissimo superesse. Quando igitur pauperrimus omnium,
 « tamen locupletissimo cuique nulla in re bona cedo ; quid
 « est, quod de fortuna queri debeam? an postulandum erat,
 « ut me regibus parem faceret, quibus ingentes auri cumu-
 « los licet recondere?

XXII. « Sed hæc quidem ad publicam vitam : in privata
 « vero tantum abest, ut mea mihi inopia sit oneri, aut in-
 « commodo, ut contra, quoties me cum divitibus istis com-
 « pono, mea sors incomparabiliter videatur beatior : et ego
 « me inter illos plane paucos numerem, quibus, quanta esse
 « in vita potest, felicitas contigerit : eoque nomine et mihi
 « plurimum gratulor, et gratias ago paupertati meæ. Quum

• enim supervacua persequi mihi ineptum et otiosum esse
 • vixatur; necessaria vero agellus recte colendi dispensan-
 • tięne suppeditet; nescio quem in usum de majoribus di-
 • vitias debeam esse sollicitus; non omnem mihi cibum
 • fames sativissimum efficit; omnem potum sitis; somnum
 • facilem et tranquilum labore puro; vestis, si frigus arceat,
 • mihi se probavit satis; in suppellectili, ut quodque ad usum,
 • cui destinatur, maxime commodum atque parabile est, ita
 • placet impensius; quare sic quoque sum injurius, si accu-
 • sem fortunam, quod mihi non majores facultates submi-
 • nistraverit illa, quam natura mea desideret: que mihi ne-
 • que cupiditatem ejus, quod nimium esset, ingenuit; neque
 • profecto dexteritatem parandi.

• XXIII. • Quare cum ista paupertate mea, et aliis opulen-
 • tissimis hominibus, et te quoque ipso me copiosorem esse
 • judico: nam ego tantum habeo, ut plus non desiderem;
 • tu, nisi Epirum, et cetera que tenes possidens, inopem
 • te esse crederes, in Italiam trajecisses? sed pulchram fa-
 • cultatem, beneficia hominibus dandi, prestat opulentia!
 • ego per inopiam subvenire queo nemini! Hoc vero non
 • magis me angit, quam quod aliis quoque rebus non supra
 • modum instructus sum; quod neque scientiam præcullen-
 • tem mihi deus, neque vaticinandi artem tribuit, quibus
 • prodesse indigentibus possem; neque alia itidem permulta.
 • Eorum vero, que in me sunt, si et civitati et amicis co-
 • piam facio, et unde quemquam juvare ullo pacto possum,
 • id commune omnibus esse patior; hoc quoque crimine
 • hactenus me vacare posse existimo. Neque vero tibi qui-
 • dem hæc parva, aut contemptibilia vocare licet, qui præ te
 • feras illa videri maxima, adeoque ingenti pecunię modo
 • emere paratus es.

• XXIV. • Quod si vero ad sublevandas necessitates egen-
 • tium omnino facultates magnę optandę essent, atque hoc
 • nomine pecuniarum possessio partem aliquam felicitatis
 • faceret, uti vobis quidem regibus videtur: ultra mihi via

« parandarum opum erat melior, ut a te nunc acciperem
 « cum dedecore; an vero ut olim pararem, quum possem
 « honestissimis rationibus? Nam mihi sane ditescendi op-
 « portunitates præclaras respublica bene gesta præbuit: quum
 « alias sæpe; tum vero maxime ante hoc quadriennium,
 « quando in Samnites, Lucanos, Bruttiosque consul cum
 « exercitu missus, amplissimas regiones populabundus per-
 « cucurri: præliis multis victor urbes opulentas vi cepi di-
 « ruique: unde donatis largiter militibus, redditoque pri-
 « vatis, quod reipublicæ in usus belli mutuuum dederant,
 « res tamen superesset quadringentorum talentorum, quæ
 « in ærarium publicum intuli. Postquam igitur justas et de-
 « coras ex manubiis opes, quæ in promptu erant, aspernatus
 « sum; et exemplo Valerii Publicolæ multorumque aliorum,
 « qui rem romanam hunc in statum produxerunt, gloriam
 « pecuniis anteposui; nunc a te munere capiam, contempta
 « pulcherrima ditescendi occasione, pudoris atque periculi
 « plenam amplexus? et illam quidem opulentiam honestos
 « justosque ad usus expendere liberrime et cum voluptate
 « quadam potuissem: nunc vero ne hujus quidem boni ulla
 « futura esset copia.

XXV. « Creditæ enim verius quam donatæ pecuniæ cen-
 « sendæ sunt, quæ alieno beneficio obvenerunt, animoque
 « ingenuo et erecto graves incumbunt, donec restitui
 « queant: ut jam per hospitii, vel amicitiae, vel benevolen-
 « tiæ speciem datæ acceptæque fuerint. Jam vero, quid fu-
 « turum censes, si vulgata fama (neque enim celari poterit)
 « magistratus, qui morum apud nos præfecturam amplis-
 « sima cum potestate exercent, quos censores appellamus,
 « pro jure suo, quo in civium vitas inquirere, et a patriis
 « institutis discedentes mulctare consueverunt, me publice
 « citatum causam captorum munerum dicere jusserint? »
 Addunt plerique, a Pyrrho, virum virtutis tantæ quantivis
 bene emi certo, acrius continentiam ejus constantiamque
 tentatam esse; post alia magnifica promissa, etiam parte

regni oblata : neque motum esse Romanum, nisi hactenus, ut se *consiliū regū rationem expedire* negaret. « Si enim malum me virum iudicas, inquit, cur ambis? si vero bonum, cur corrumpis? » Adjecisse deinde dicitur, *etiam ipsi Pyrrho negotium hoc neque jucundum futurum, neque conducibile, si processisset : suam enim libertatem et amicis regū, et ipsi regi gravem futuram : justitiam autem et abstinentiam si Epirotæ experti forent, relicto rege ad ipsam transituros.*

XXVI. Quæ omnia, et quod deinceps adjecturus sum, variis ab auctoribus tradita, conquiri exponique non inconueniens nec inutile iudicavi; quo virorum, quibus fulta res romana per durissimos casus ad imperii gloriæque incomparabilem magnitudinem pervenit, animi sensusque noscerentur : claroque sub exemplo facilius deprehenderetur, quibus moribus studere oporteat admirationi futuros homines, majoremque et meliorem transdituros posteris rempublicam, quam a maioribus ipsi accepissent. Igitur his ita dictis auditisque regem in præsentia quidem quiescisse accepimus : postridie vero vocari ad se Fabricium jussisse : parato ante ad perterrendum eum elephanto, qui a tergo colloquentium post aulam adstans, magistri imperio repente diducto aulæo, super Fabricii caput demisit manum, horrendumque stridorem et barritum edidit. Sed vir ingens animi, quum sensim se convertisset, arridens, « Neque heri me aurum tuum pellexit, inquit, neque hodie perterrefecit bellua. »

XXVII. Deinde quum admotus cœnæ *de græcis sapientibus* disserentem audiret Cineam, quibus *Epicuri secta* placeret, eos voluptatem in arce bonorum; reipublicæ curam inter præcipua felicitatis impedimenta ponere : similemque vitam agere deos arbitrari; nulla rerum humanarum cura, nullo, neque in improbos iræ, neque in bonos favoris affectu, soli otio voluptatique deditos; exclamavisse Fabricium fe-

§ XXV. Entr. l. II. — Flor. I, 18, 25. — Auct. de Vir. ill. c. 35. — Zonar. — Appian. apud Fulv. Urs. — § XXVI. Plut. in Pyrrh. c. 43 sq.

runt : « Dii faxint , isthæc sapientia Pyrrho Samnitibusque « cordi sit , donec bellum cum populo romano gerent! » Hi temporum istorum mores fuerunt : hæc magnorum virorum certamina , non opibus et luxuria , sed virtute , consilio , patientia , patriæ caritate excellere. Nec enim subiti impetus , aut ad præsentem usum meditatæ simulationis istæ voces fuerunt ; sed perpetuo tenore vitæ verborum suorum fidem admirabiles potius nostris temporibus , quam imitabiles viri affirmarunt.

XXVIII. Idem ille Fabricius , quum ejus tota supellex argentea salino uno constaret , et patella , quæ tamen ipsa corneo pediculo sustineretur ; Samnitium legatis pecuniam et supellectilem splendidam dono afferentibus , planas manus ad aures , hinc ad oculos , nares , os , gulam , deinde ad imum usque ventrem deducens , « donec his , inquit , im- « peritare potero , nihil deerit : vos autem pecuniam ad eos , « qui hac indigent , reportate. « Denique vitam universam sic exegit , ut in hereditate ejus non esset , unde filiarum dos expediretur : gloriosa paupertate , quum ex ærario publico erogata pecunia Senatium puderet indotatas pati virgines , quas patrem non puduerat ita relinquere. Sed et cæteri Senatus principes eadem ferme virtute tolerantiaque tum agebant. Ex quibus Q. Fabium Maximum , qui toties in summis imperiis fuerat , qui censura gesta noluerat iterum censor fieri , negans , *ex usu reipublicæ videri , ut iidem sæpius censores crearentur* ; simili et paupertatis et amoris publici testimonio populus romanus affecit : mortuo enim tantum congegit æris , ut inde filius Q. Gurges et viscera- tionem et epulum publice daret.

XXIX. Curius ab eadem altitudine animi Sabinorum mu- nera , quemadmodum Fabricius Samnitica , sprevit. Æmilius Papus in plerisque magistratibus collega Fabricii , Tib. item Coruncanius , aliique præclari viri , ex similitudine morum

§ XXVII. Cic. in Catil. c. 12. — Plutarch. — Valer. Maxim. IV, 3, 6. —

§ XXVIII. Val. Maxim. IV, 3 et 10. — Hygin. apud Agell. I, 14. — Auct. de Vir. illustr.

amicissime inter se conjunctissimeque vixerunt : ut vere mihi temporum illorum speciem amplexus animo videatur poeta, qui *moribus virisque antiquis rem romanam stetitisse* prædicavit. His igitur animadversis expensisque rebus, majore componendi cum hac gente belli desiderio Pyrrhus inflammatus, ducentos ex captivis protinus sine pretio restituit : cæteris, si qui ad instantia Saturnalia Romam ad visendos suos proficisci cuperent, ejus rei potestatem fecit; unius Fabricii secutus fidem, qui *reversuros exactis feriis, nisi pax interea convenisset*, sponderat. Eaque tum et gravitas Senatus, et singulorum fides fuit, ut ad diem a Patribus præstitutam universi Pyrrho se restituerent; postquam obfirmatos suorum animos impellere nequidquam tetendissent.

XXX. Rex enim callidus, hunc temporum articulum sibi tenendum arbitratus, dum aspectu carissimorum pignorum mollitos, et cupidine isthæc retinendi incensos animos, ad belli odia deponenda promptiores haberet; legationem mittere Romam statuit, ut iis conditionibus, quas Fabricio præsentis exposuerat, pacis et amicitiae fœdera jungerentur. Petebat autem, *ut iisdem fœderibus Tarentini comprehenderentur : cæteri Græcorum Italiam incolentium, liberi, et suis legibus, agerent : Samnitibus, Apulis, Lucanis, Brutiis, quæ erepta a Romano forent, redderentur : Romani captivos a Pyrrho sine pretio reciperent*. Erat apud Pyrrhum ea tempestate Cineas, cujus supra quoque facta est mentio; vir quum civilium rerum apprime gnarus, tum animo propositoque honestus : et qui naturæ proclivem indolem eruditione usuque ad efficacem facundiam exercuisset. Hunc eas ob artes carissimum rex habebat : crebroque prædicabat, *plurimum se urbium imperium per eloquentiam Cineæ, quam armis suis adeptum esse*.

XXXI. Romam iste quum legatus venisset, callido consilio

§ XXIX. Cic. Leg. — Enn. ap. Cic. de Rep. l. V. — Aug. de Civit. Dei, II, 21. — Just. XVIII, 1. — Plutarch. in Pyrrh. c. 44. — Appian. ap. Urs. — § XXX. Flor. I, 18, 14. — Just. XVIII, 2. — Appian. — Plutarch. in Pyrrh. c. 27.

mōras nectens, priusquam senatum adiret, munera passim per illustrium domos Pyrrhi nomine misit. Introductus deinde in curiam, quum *regis virtutem et propensum in Romanos animum* multis extollens, de conditionum, quas afferret, æquitate disseruisset, magna pars senatus mota est, ut admittendas esse dubitaret. Quippe super cætera, *si socios suos oppugnare desinerent, tanta auxilia pollicebatur, ut iis haud difficulter imperium cæteræ Italiæ possent acquirere.* Sed quoniam ob magnitudinem rei, sollicitis patribus, multos in dies extracta deliberatio, pacis futuræ suspicionem rumoremque fecerat; Appius Claudius, ob senectam et cæcitatē abstinere curia olim solitus, confestim in senatum se deferri lectica iussit; ubi conspectum protinus exceperunt filii generique, honorisque et officii causa circumfusi deduxerunt ad locum dignitati ejus congruentem.

XXXII. Ibi, quum ipsius rei novitate, tum reverentia viri silentibus omnibus, exspectantibusque cujus rei causa post longi temporis desuetudineni senatum ingressus esset; ab incommodo valetudinis exorsus, *sibi quidem hactenus molestam fuisse cæcitatē dixit, nunc autem non modo illa delectari, ne quæ fierent, videret, sed etiam ægre ferre, quod aures nondum obsurduissent, ne tam fœda et romano nomine indigna audire cogeret.* « Quo enim vobis mentes illæ cessant? quo reciderunt spiritus? Certe præ vobis ferre solentis, quum Alexandri Macedonis gloriam, ut invicti regis, celebrari audiretis, non tam virtuti ejus, quam felicitati, famam istam imputandam esse: nam si romana in bella fortuna ipsum impulisset, alium longe eventum futurum fuisse, aliamque de eo apud homines opinionem. At nunc quantum ab ista vestra magnanimitate defeceritis, respicite. Macedonibus superiores vos futuros confidebatis: at nunc Molossos et Chaonas perpetuam Macedonum prædam metuitis.

XXXIII. « Alexandrum contemnebatis: nunc expavescitis

§ XXXI. Zonaras. — Plut. c. 39. — Cic. Phil. I, 5. — § XXXII. Appian. ap. Urs. — Enn. — Plutarch.

amicissime inter se conjunctissimeque vixerunt : ut vere mihi temporum illorum speciem amplexus animo videatur poeta, qui *moribus virisque antiquis rem romanam stetisse* prædicavit. His igitur animadversis expensisque rebus, majore componendi cum hac gente belli desiderio Pyrrhus inflammatus, ducentos ex captivis protinus sine pretio restituit : cæteris, si qui ad instantia Saturnalia Romam ad visendos suos proficisci cuperent, ejus rei potestatem fecit; unius Fabricii secutus fidem, qui *reversuros exactis feriis, nisi pax interea convenisset*, sponderat. Eaque tum et gravitas Senatus, et singulorum fides fuit, ut ad diem a Patribus præstitutam universi Pyrrho se restituerent; postquam obfirmatos suorum animos impellere nequidquam tetendissent.

XXX. Rex enim callidus, hunc temporum articulum sibi tenendum arbitratus, dum aspectu carissimorum pignorum mollitos, et cupidine isthæc retinendi incensos animos, ad belli odia deponenda promptiores haberet; legationem mittere Romam statuit, ut iis conditionibus, quas Fabricio præsentī exposuerat, pacis et amicitiae fœdera jungerentur. Petebat autem, *ut iisdem fœderibus Tarentini comprehenderentur: cæteri Græcorum Italiam incolentium, liberi, et suis legibus, agerent: Samnitibus, Apulis, Lucanis, Bruttis, quæ crepta a Romano forent, redderentur: Romani captivos a Pyrrho sine pretio reciperent.* Erat apud Pyrrhum ea tempestate Cineas, cujus supra quoque facta est mentio; vir quum civilium rerum apprime gnarus, tum animo propositoque honestus: et qui naturæ proclivem indolem eruditione usque ad efficacem facultiam exercuisset. Hunc eas ob artes carissimum rex habebat: crebroque prædicabat, *plurimum se urbium imperium per eloquentiam Cineæ, quam armis suis adeptum esse.*

XXXI. Romam iste quum legatus venisset, callido consilio

§ XXIX. Cic. Leg. — Enn. ap. Cic. de Rep. l. V. — Aug. de Civit. Dei, II, 21. — Just. XVIII, 1. — Plutarch. in Pyrrh. c. 44. — Appian. ap. Urs. — § XXX. Flor. I, 18, 14. — Just. XVIII, 2. — Appian. — Plutarch. in Pyrrh. c. 27.

moras nectens, priusquam senatum adiret, munera passim per illustrium domos Pyrrhi nomine misit. Introductus deinde in curiam, quum *regis virtutem et propensum in Romanos animum* multis extollens, de conditionum, quas afferret, æquitate disseruisset, magna pars senatus mota est, ut admittendas esse dubitaret. Quippe super cætera, *si socios suos oppugnare desinerent, tanta auxilia pollicebatur, ut iis haud difficulter imperium cæteræ Italiæ possent acquirere.* Sed quoniam ob magnitudinem rei, sollicitis patribus, multos in dies extracta deliberatio, pacis futuræ suspicionem rumoremque fecerat; Appius Claudius, ob senectam et cæcitatem abstinere curia olim solitus, confestim in senatum se deferri lectica iussit; ubi conspectum protinus exceperunt filii generique, honorisque et officii causa circumfusi duxerunt ad locum dignitati ejus congruentem.

XXXII. Ibi, quum ipsius rei novitate, tum reverentia viri silentibus omnibus, expectantibusque cujus rei causa post longi temporis desuetudinem senatum ingressus esset; ab incommodo valetudinis exorsus, *sibi quidem hactenus molestantam fuisse cæcitatem dixit, nunc autem non modo illa delectari, ne quæ fierent, videret, sed etiam ægre ferre, quod aures nondum obsurduissent, ne tam fœda et romano nomine indigna audire cogeret.* « Quo enim vobis mentes illæ cessant? quo reciderunt spiritus? Certe præ vobis ferre solentis, quum Alexandri Macedonis gloriam, ut invicti regis, celebrari audiretis, non tam virtuti ejus, quam felicitati, famam istam imputandam esse: nam si romana in bella fortuna ipsum impulisset, alium longe eventum futurum fuisse, aliamque de eo apud homines opinionem. At nunc quantum ab ista vestra magnanimitate defeceritis, respicite. Macedonibus superiores vos futuros confidebatis: at nunc Molossos et Chaonas perpetuam Macedonum prædam metuitis.

XXXIII. « Alexandrum contemnebatis: nunc expavescitis

§ XXXI. Zonaras. — Plut. c. 39. — Cic. Phil. I, 5. — § XXXII. Appian. ap. Urs. — Enn. — Plutarch.

« Pyrrhum, ne ipsius quidem Alexandri, sed satellitis ejus
 « satellitem; qui fugiens potius veteres hostes, quam quæ-
 «rens novos, in Italiam trajecit: quibus copiis ne minimam
 « quidem Macedoniae partem retinere potuit; iisdem, si diis
 « placet, imperium Romanis quoque paraturus. Hunc igitur
 « nisi grandi infortunio mactatum ejicimus, certum habea-
 «mus, alios quoslibet merito nostri contemptu, tanquam
 « ad paratam prædam, ita in Italiam cupide venturos esse.
 « Quid enim aliud de nobis quam de hominibus ignavissimis
 « judicari poterit, si Pyrrhus in amicitiam receptus, etiam
 « præmium referat illatæ nobis ignominie, quod ejus opera
 « factum sit, ut Tarentinis atque Samnitibus ludibrium Ro-
 «mani debeamus.» Hic fere sensus fuit orationis, quæ ab
 ipso statim Appio est edita: qua omnium adeo sunt inflam-
 mati animi, ut severissimæ sententiæ auctorem secuti, con-
 sensu decernerent, *bellum prosequendum esse; Cineamque*
eodem die Urbe excedere, Pyrrhoque renuntiare, juberent:
neque recipi eum in Urbem (nam et hoc petatum fuerat) *ne-*
que priusquam Italiam omisisset, de amicitia et societate agi
posse.

XXXIV. Paris deinde tristitiæ decretum ex ejusdem Appii
 sententia de captivis factum est, *eos neque adversus Pyrrhum*
duci, neque adeo conjunctim usquam haberi senatui placere;
sed alios alia in præsidia mitti, mutata ignominie ergo mi-
lilia: ut qui equo meruissent, peditum stipendia facerent:
qui pedites legionarii fuissent, ad levem armaturam transcri-
berentur: priores ordines recuperaret nemo, nisi bina hostium
spolia retulisset. Arunt, legatis cum responso tam atroci re-
 versis, miraculo romanæ constantiæ attonitum regem, *qua-*
lis Urbs ipsa, qualisque senatus visus esset, interrogasse:
 responsumque tulisse a Cineâ, *Urbem templum sibi visam,*
senatum vero regem consessum esse. Post hæc demum gesta
 Fabricium ad regem legatum venisse quidam putant: sed,
 præter aliorum auctoritatem testimonia, rerum ipsarum recte

§ XXXIII. Cic. Cat. 6, et Brut. c. 16. — Zonaras. — Liv. Epit. XIII. —
 L. 2, § 36, de Off. Jud.

animadversarum serie erroris haud difficile convincuntur. Pace desperata, conversi ad bellum animi, ac intenta cura facti utrinque apparatus hiemem satis negotiosam habuerunt.

XXXV. Hæc fuisse tempora puto, quibus ferunt Pyrrhum quo naufragiorum casus vitarentur, faciliusque Itali ac Epirotæ ad auxilia mutua commeari possent, ab Hydrunte, qua longissime in pelagus procurrit Italia, ad Apolloniam ex adverso situm oppidum pontes jacere cogitavisse, spatio quinquaginta millium: tanto enim intervallo circum eos locos Græciæ Italiæque litora dirimuntur. Idem postea molitus esse M. Terentius Varro dicitur, quum piratico bello Cn. Magni legatus Siculum Ioniumque mare classibus observaret. Inter hæc Ti. Coruncanius consul, de Vulsiensibus et Vulcentibus Etruscorum populis, a. d. Kal. Februarias triumphavit. Insignis eo anno censura fuit, tum primum a plebeïæ stirpis censore lustrum condito. Censa referuntur civium capita ducenta septuaginta octo millia, ducenta viginti duo. Principem senatus per ea tempora Q. Fabium Maximum legi consuevisse constat: hujus filium cognomento Gurgitem censorem tum fuisse conjectura colligitur: Cn. Domitii certum nomen et quia lustrum is condidit, jure plebis amplificato nobilitatum est.

XXXVI. Vere primo Pyrrhus contractis sociorum copiis in Apuliam movit: multaque ibi oppida partim pugnando, partim conditionibus cepit. Adversus quem novi consules P. Sulpicius Saverrio, P. Decius Mus, cum duobus consularibus exercitibus profecti, castra castris opposuerunt prope Asculam Apuliæ urbem, cognominem ei, quæ est in Picentibus. Non erat dubium, quin collatis signis depugnandum foret: cæterum ne per dies aliquam multos hoc fieret, præter torrentem profundum, qui diversos exercitus interfluebat, etiam mutuo metu cunctabantur. Romanos prioris fortunæ prælii, et victor Pyrrhus terrebat: Epirotis formida-

§ XXXIV. Eutrop. l. II. — L. 1, § 5 de postul. — Zonar. — Val. Maxim. II, 7, 15. — Front. IV, 1. — Plut. — Just. XVIII, 2. — Flor. I, 18, 20. — Appian. — § XXXV. Zonaras. — Plin. — Appian. in Mithrid. — Tab. Cap. — Epit. Liv. XIII. — Plin. — Panvin. in Fastis.

bilis erat Romanorum pervicacia, et alterius consulis fatale hostilibus legionibus nomen. P. enim Decium, patris avi que exemplo sua morte victoriam suorum redempturum esse fama vulgaverat : præliorumque, quibus illi ceciderant, eventus, terribiles omnibus Decianæ devotionis minas effecerat.

XXXVII. Eam rem Pyrrhus haudquaquam negligendam ratus, convocatis militibus accurate docuit, *arbitria præliorum penes Tellurem deam, aut inferos, qui carmine illo sollicitarentur, esse non posse: neque tam iniquos credi debere deos, ut in unius hominis vesani gratiam fata exercituum mutent donentve: non præstigiis et superstitionibus, sed pugnando victorias parari: vel ipsis romanis testibus, qui non sacrificulorum et vatium agmen, sed armatas militum acies hostibus consueverint opponere. Quia tamen ignari rerum plerumque superstitionum inanium ludibriis, quam veris timendi causis, acrius percillantur; hunc quoque metum præverti posse ostendit exposito ornatu, quo priores Decii se devovissent: monitisque militibus, si quis similibus insignibus noscendus occurrisset, ab eo abstinere tela, vivumque comprehenderent. Sed ipsi quoque Decio nuntiandum curavit, desineret ineptire inter armatos: neque enim consilium istud successurum esse: et si vivus venisset in manus, forte graviora passurum, quam voluisset.*

XXXVIII. Responsum a consulibus est, *se armis satis confidere, neque opus habere tantæ desperationis auxilio. Id quo magis scire posset, optionem se dare, ipse transire flumen (quod inter exercitus medium fuisse diximus), an in sua ripa Romanos exspectare mallet: nam aut reductis copiis transitum regi tutum relicturos esse; aut, eo recedente, transmissuros: quo integro robore congressi, nulla alia in re, quam suis viribus animisque, spem victoriæ reposuisse demonstrent.* Puduit Pyrrhum timoris, aut dubitationis signum ullum edere: quare posteriore accepta conditione, transeundi fluminis potestatem hostibus fecit. Levior jam sua sponte

belluarum terror erat, ipsa consuetudine videndi : manusque earum facillime amputari posse, pugnæ prioris experimento constabat; qua C. Minucius quartæ legionis primus hastatus uno gladii ictu proboscidem elephantum præciderat. Sed tum alia quoque præsidia excogitaverant tutoris audaciæ. Equi ferreis obducti laminis currum trahebant, et ipsum contis ferro præfixis horrentem : in curru erant collocati milites, qui belluas irruentes missilibus, aut igne jacto averterent.

XXXIX. Cum hoc apparatu transgressis flumen legionibus, Pyrrhus ex diverso exercitum instruxit, pro usu, quem iis in rebus maximum, cum singulari quadam ingenii sagacitate, supra cæteros ejus ætatis imperatores excellentem habere credebatur. Animadverso igitur loci genio, qui propter asperitatem soli et enata passim virgulta non nisi pedestrem aciem pateretur, equitatum elephantosque locavit in subsidiis : dextrum cornu suis militibus et Samnitium auxiliaribus copiis firmavit; Bruttios, Lucanos, Sallentinos, esse jussit in sinistro : Tarentinos, quorum virtuti minus credebat, in mediam aciem recepit. Consulum acies legionarios habebat milites, auxiliis levis armaturæ aptissime intermixtis : parique ingenio et temperamento subsidiorum ordines distinxerant. Equitatus in cornua diffusus, neque impedimento futurus erat pedestri prælio, et si quis casus agendæ rei viam aperuisset, præsto erat. Inter exercitus non animis tantum, sed etiam numero pares (quadraginta utrinque millia fuisse constat) haud segnius, quam debuit, certatum est. Ancipiti adhuc victoria prælium nox diremit.

XL. Postera luce Pyrrhus, quum impeditiora loca præsiidiis præcepisset, in campum paulo æquiores Romanos descendere coegit. Ibi elephantorum aliquis usus fuit : alia parte aciei, qua currus adversum eos parati constiterant, subito inducti, equos hostium, sicuti priore prælio factum

§ XXXVIII. Plin. VIII, 7. — Flor. I, 18. — Oros. IV, 1. — § XXXIX. Veget. de Re mil. III, 24. — Zonar. — Ammian. lib. XXIV. — Liv. XXXV, 14. — Plutarch. — Front. II, 3.

fuerat, perterritos averterunt in fugam: peditibus nihil magnopere nocuerunt. Valde diversa istius pugnae fama est. Secundum Romanos eventum fuisse, quidam auctores sunt, etiam casu adjuvante victoriam: quum adversus Apulos impedimenta diripientes, missae regis imperio cohortes, caeteris copiis fugientium speciem discessu suo praebuissent, eoque metu et errore facta apud regios fuga esset. Quin et caesorum ingens numerus exprimitur: viginti millia de Pyrrhi exercitu; victorum ad millia quinque desiderata. Regem ipsum brachio pili jactu transmissio graviter vulneratum, quum fugientes retinere nequivisset, postremum fere omnium a satellitibus suis ex acie relatum: signa capta ex hoste tria et quinquaginta, romana vero undecim amissa esse. Fabricium quoque, legatum alterius consulis, vulnus accepisse.

XLI. Ex diverso, parem hujus atque superioris praelii fortunam fuisse, alii tradiderunt: et vicinia castrorum defensos romanos minus quidem sensisse detrimenti; sed tamen confusa fuga discessisse, sic quoque sex millibus amissis: de exercitu Pyrrhi tria millia quingentos et quinque cecidisse, idque in commentarios regios relatum esse, Hieronymus scribit. Atque haec tanta non varietas modo, sed etiam pugna scriptorum me valde movet, ut iis potius credendum esse judicem, qui dubio eventu pugnatum esse tradiderunt. Solet enim, quoties pari fere damno discessum est, utraque pars sibi asserere victoriae famam: quam deinceps aliorum negligentia, aliorum improbitas temere committit literis: pessimo facinore, magnaue cum infamia eorum, qui pro veris atque compertis, inani rumore vulgata, aut affectu serviliter corrupta, posteritati prodiderunt.

XLII. Quare propior vero videtur eorum annalium narratio, qui semel tantum ad Asculum pugnatum esse, referunt: et post acerrimam contentionem ac multas utrinque caedes, sole jam occaso, vulnus regis et direptorum impedimentorum casum, dirimendae pugnae locum, licet aegre, fecisse. Tum re-

§ XL. Plutarch. — Zonar. — Front. — Eutr. — Flor. I, 18. — Oros. IV, 1. — Just. XVIII, 1. — § XLI. Liv. Epit. XIII. — Plutarch.

ceptui signum esse datum in utroque exercitu, quum jam utrinque millia circiter quindecim occubuissent. Atque hoc fuisse tempus, quo Pyrrhus cuidam quasi de victoria gratulanti responderit: « Si denuo sic vincendi sunt Romani, periimus. » Affirmant etiam hanc opinionem, quæ secuta sunt: nam et Pyrrhus Tarentum concessit: et consules hostem non insecuti, copias in hibernis per Apuliæ oppida distribuerunt, quum anni tempus, et ratio belli, potius victoriam tam illustrem prosequi, alterum facile passum fuisset, altera etiam omnino coegisset. Accedit, quod neque triumphatum ab his consulibus reperio, sed et P. Decium consulem eo prælio se devovisse, seque post patrem et avum pari genere mortis sublato, e continenti genere tertiam victimam rei publicæ præbuisse, multi putant: quod historiis omnibus silentibus ne referendum quidem, nedum refellendum putavisset, nisi magnus auctor M. Tullius Cicero in philosophicis quidem libris, sed loco non uno, posuisset.

XLIII. Pugna ad Asculum, quocunque eventu certata, reliquum anni quietum a bellicis expeditionibus habuit: sed consultationibus et apparatusum cura tempus omne consumptum est. Pyrrhus quum veterum copiarum magnam partem, ducumque et amicorum plerosque perdidisset, in Epirum misit, cum mandatis, ut veniente vere milites et pecuniæ sibi mitterentur. Sed priusquam classis ea instrui posset, novæ spes exortæ consilium regis mutaverunt. Macedoniam olim Demetrio ademptam Pyrrhus tenuerat, deinde Lysimachi vi extortam amiserat; hanc iterum novæ occasione aperuisse videbatur Ptolemæi Cerauni casus, qui a Gallis interfectus, dum bellum in Italia gerit Pyrrhus, uti turbatum regni statum, ita vacuum possessionem reliquerat. Ea ratio suasit, ne copiis militaribus Epirus nudaretur; simul ne pateret injuriis Gallorum, vicinam adhuc Macedoniam urentium. Neque tamen eo tum accessit, in Siciliam vocantibus aliis causis, ut postea trademus.

§ XLII. Zonar. — Cic. Tusc. Quæst. I, 37, et de fin. II, 19. — § XLIII. Plutarchus.

XLIV. Hieme inter has curas circumacta, novi consules ad exercitum venerunt C. Fabricius Luscinus, Q. Æmilius Papus, qui alium quoque consulatum una gesserant. Hoc audito, Pyrrhus etiam contra eduxit copias, et observare consilia hostium instituit. Quum ita castra utrique locis haud valde distantibus haberent, res evenit ad memoriam celebris, et a plerisque non ita magno dissensu tradita. Timochares quidam Ambraciensis, in amicitia regis honestum gradum obtinens, ad C. Fabricium consulem furtim accessit, regem, si præmium ejus rei dignum daretur, veneno tollere pollicitus. Id vero se per filios suos facile consecuturum autumabat, quod inter pocillatores regios illi haberentur. Fabricius, minime delectatus proditione, rem tamen perscripsit ad senatum. Senatus legatos ad Pyrrhum misit, Timocharis quidem, qui quomodocunque Romanis prodesse statuisset, insidias non indicaturos, sed monituros in universum, *uti rex ageret circumspectius, videretque, quorum hominum, quamque fidelium, ministeriis uteretur.* Hæc ita apud Valerium Antiatem leguntur.

XLV. At Claudius Quadrigarius pro Timochare Niciam beneficii istius promissorem prodit: neque legatos a senatu missos, sed a consulibus; literis quoque consulum recensitis, quibus detecto Niciæ consilio, negant, se dolis aut pecuniæ pugnatos; sed virtute et armis: salvumque ab insidiis regem optare, aiunt, quem suæ victoriæ suorumque triumphorum splendidam sperarent materiam fore. Sunt, qui medicum regis Fabricium eo de negotio coram aut literis adisse, consulisque indicio pœnas dedisse regi, tradiderint, suspensio necatum. Sed ut hæc dubitationem habere possent, certum est errare, qui medicum a Curio ad regem remissum esse scripserunt. Aiunt, Pyrrhum hoc tantæ virtutis experimento stupentem exclamasse: « Hic est « ille Fabricius, qui difficilius ab itinere justi et honesti, « quam a cursu suo sol averti possit!» statim certe, ne vinci beneficio videretur, captivos, quos habebat, omnes Roma-

nis restituit; Cineamque denuo misit, ad pacem et amicitiam impetrandam.

XLVI. Minime decorum visum est, vel donum ab hoste accipere, vel ob lucrum potius, quam amore virtutis, a facinore abhorruisse videri: gratis igitur ne acciperentur captivi, totidem pro his alii Tarentinorum Samnitiumque missi sunt. Hanc publicam abstinentiam conspectiore mox fama privatorum est secuta gravitas, quum Pyrrhi munera (multa enim et pretiosa utriusque sexui Cineas attulerat) non a viris modo omnibus, sed etiam a mulieribus repudiata sunt. Quo quidem tempore, quum aspernantibus, quibus primum oblata fuerant, ad alios aliosque deferrentur; nemo vir mulierve tam aut tenuis aut cupidus inveniri potuit, ut recipiendis regis muneribus ostium domus suæ patere vellet. Legatis deinde prius responsum redditum: *donec Italia Pyrrhus excessisset, hostem eum populo romano fore*. Perplexum hisce regem, et neque bellum læto animo prosequentem, neque cupientem cum aliqua dignitatis jactura discedere, extricare visa est Siciliensis expeditio, quam post longam et ancipitem deliberationem, tandem statuit suscipere. Sic enim et romanum bellum honeste declinari posse sperabat, et imperium insulæ locupletissimæ occupari: simul vindictam de Carthaginiensibus, ut prior ab ipsis lacessitus, sumere cupiebat.

XLVII. Nam illi, suspecto regis consilio, paulo ante Magonem ducem cum centum viginti navium classe miserant, *adversus externum hostem externis etiam auxiliis populum romanum adjuvandum esse* dictitantes: et quanquam illorum opera Romani non sunt usi, senatu respondente, *se consuevisse talia bella suscipere, quæ suo milite geri possent*; fœdus tamen inter utrumque populum quarto renovatum est. Prioribus capitibus additum, *ut sive romanus populus, sive pœnus, cum Pyrrho fœdus faceret, nominatim excipere*

§ XLV. Ammian. 50, 5. — Tac. II, 88. — Plut. — Flor. I, 18. — Eutrop. — § XLVI. Front. IV, 4, 1. — Appian. — Liv. XXXIV, 4. — Just. — Val. Max. IV, 3, 14. — Zonar.

tur, ut his populis invicem auxiliari liceret, uter eorum bello peteretur; utque quoties utrivis eorum auxilio opus esset, naves a Carthaginiensibus præberentur; stipendia suis quisque daret; auxilia punica Romanos mari juvarent, exire navibus invita ne cogerentur.

XLVIII. Quo confecto, per speciem pacis conciliandæ Pyrrhum adierat Mago, speculaturus consilia regis, quem in Siciliam acciri Carthaginienses audierant; classemque Romanis obtulerant, non tam illorum caritate curaque, quam ut Pyrrhus italico bello implicatus, res Pœnorum in insula magnis successibus efflorescentes non everteret. Tum quoque fretum, qua in Siciliam trajectus est, magno numero navium observabant, Rhegii quidem obsidendi studium præferentes, sed verius ut Pyrrho transmittere cupienti viam intercluderent. His igitur de causis ad siciliensia negotia adiecit animum; spes ipsi magnas faciente quum rerum ipsarum statu, tum etiam legationibus Siculorum, quæ aliæ super alias ex insula venientes, *omnium votis exoptati eum affirmabant, tanquam unicum levamen malorum, quibus miserrima terrarum nunquam acerbius conflictata esse videbatur.*

XLIX. Nam post Agathoclis miserabilem magis quam indignum exitum, Mœno quidam, Ægesta Siciliæ urbe oriundus, qui et venenum regi dederat, affectata tyrannide, a Syracusanis Hiceta prætore pulsus, ad Carthaginiensium opes se contulerat. Ita bellum gravius, et Syracusanis adversum fuit, per quod tamen privatim opes Hicetæ creverunt: qui postea versis in Agrigentinum Phintiam armis, inquietam diu insulam tenuit; donec Thœnionis cujusdam audacia, principatu, quem nonum jam annum obtinebat, pelleretur. Thœnioni dominationem retinere nitenti exortus est adversarius ex syracusana nobilitate Sosistratus, diuque certatum inter hos armis est; insulam, quæ syracusanæ urbis pars est (ipsi *Nasum* vocant) obtinente Thœnione, quum in cætera urbe Sosistratus tyrannidem ageret. Postremo quum

§ XLVII. Liv. Epit. XIII. — Polyb. III, 25. — § XLVIII. Just. — Diod. Eclog. ex lib. XXI et XXII.

utrinque nihil ex his discordiis præter communem interitum imminere cernerent, vocandum esse Pyrrhum consensu decreverunt; qui gener Agathoclis, filio ex Lanassa suscepto, successioni proximus, animoque et viribus ad constituendas res Siciliae suffecturus habebatur.

L. His accedebant agrigentini leontinique principes, qui et ipsi suarum urbium, totiusque adeo insulae imperium offerentes, una voce rogabant, *ut quamprimum in Siciliam trajiceret, fessis rebus, et laboranti sub barbarorum armis libertati, praesentia sua succursurus.* Carthaginenses enim, Syracusanorum agris vastatis, ipsam quoque urbem classe centum navium, et pedestri quinquaginta millium exercitu terra marique clauserant. Igitur Pyrrhus non ultra differendum ratus, Cineam, cujus ingenio fideque plurimum uti consueverat, praemittit, cum siculis civitatibus condiciones legesque foederum et amicitiae compositurum. Ipse socios, discessum ægre ferentes, consolatus, *si a Romanis premerentur e vicina insula in tempore affuturum esse, novorum etiam sociorum accessione instructiorem,* spondit. Quum autem praesidium in urbe Tarentina relicturus esset, ægre passi Tarentini, *ut sibi vel præstaret promissum auxilium iis conditionibus, quibus venisset, aut saltem urbem suam relinqueret liberam,* postulaverunt. Neutra res impetrari potuit; nihil æqui respondente Pyrrho, sed jubente *suum tempus exspectari.*

LI. Has inter curas Epirotæ regis, consulibus bellum adversus cæteros hostes facilius fuit. Res itaque contra Etruscos, Lucanos, Bruttios, et Samnites prospere gestas hoc tempore lego. Cum Etruscis minus fuisse certaminum apparet, quod ex eo bello triumphatum non est: neque cum universa gente, sed cum una aut altera civitate, pugnatum esse puto, quæ a Samnitibus discessu Pyrrhi se nudari sentientibus, acrius sollicitatæ, posita nuper adversus Romanos arma resumpserint. Cæteris in populis, uti major aliquanto

§ XLIX. Diod. — Liv. XXV, 24. — Appian. — § L. Plutarch. — Diod. — Appian.

belli moles; ita victoria illustrior fuit. C. Fabricius consul, profecto, ut conjectura est, in etruscum bellum collega, quod Epirotis cessantibus unus consularis exercitus sufficere videretur; Lucanos, Bruttios, Tarentinos, Samnitesque cecidit: civitates aliquot, in quibus et Heracleam, adstrinxit foederibus: deque his populis omnibus ante diem Idus Decembres triumphavit.

LII. Comitiiis deinde peractis, consules in annum sequentem designati sunt P. Cornelius Rufinus iterum, C. Junius Brutus iterum. Cum Rufino nobiles etiam alii petierant; sed hic ut fieret, effecit Fabricii favor qui tempora reipublicæ habens in consilio, patriæ salutem privatis inimicitiiis anteponebat. Nam ex dissimilitudine morum similtas inter hos fuerat, quum Fabricius egregie firmus adversum pecuniam, una communis boni cura duceretur: Rufinus opum cupidior, multa privati quæstus studio consuleret ageretque. Verumtamen quum cætera industrius ut bonus imperator esset, competitoribus haudquaquam pari armorum peritia et usu præditis Fabricius præferendum esse judicaverat. Ferunt, quum ei gratias deinde Rufinus ageret, quod se homò inimicus consulem fecisset, bello præsertim magno et gravi, respondisse: *non esse mirandum si compitari, quam venire, maluerit*. Magna enim belloꝝum moles in Italia supererat; et Pyrrho in Sicilia (erat enim jam transgressus) omnia sibi prona reperiente, haud abs re metuebatur, ne paulo post auctis accessione nobilis insulæ viribus, ad bellum romanum gravior hostis reverteretur.

§ LI. Liv. Epi. XIII. — Eutrop. lib. II. — Cic. pro Balbo, c. 22. — Tab. Capitol. — § LII. Quintil. XII, 1. — Dio apud Vales. — Cic. de Orat. II, 66. — Agell. IV, 8.

JOANNIS FREINSHEMII
SUPPLEMENTORUM
LIVIANORUM

LIBER QUARTUS

IN. LOCUM LIBRI DECIMI QUARTI LIVIANI.

EPITOME

LIBRI DECIMI QUARTI.

Pyrrhus in Siciliam trajecit. Quum inter alia prodigia fulmine dejectum esset in Capitolio Jovis signum, caput ejus per aruspices inventum est. Curius Dentatus, quum delectum haberet, ejus, qui citatus non responderat, bona primus vendidit. Pyrrhum iterum ex Sicilia in Italiam reversum vicit, et Italia expulit. Fabricius censor P. Cornelium Rufinum consularem senatu movit, quod is decem pondo argenti facti haberet. Lustrum a censoribus condito, censa sunt capita civium ducenta septuaginta unum millia ducenta viginti quatuor. Cum Ptolemæo Ægypti rege societas juncta est. Sextilia, virgo vestalis, damnata incesti, viva defossa est. Coloniarum deductæ sunt Posidonia et Cossa. Carthaginiensium classis auxilio Tarentinis venit: quo facto ab iis fœdus violatum est. Res præterea contra Lucanos, Samnites, et Brutios feliciter gestas, et Pyrrhi regis mortem continet.

I. **D**UM hæc in Italia geruntur, Pyrrhus, exercitu et elephantis in naves impositis, ex tarentino portu in Siciliam trajecit, postquam biennium et menses præterea quatuor in Italia fuisset. Deductus a Thœnionem, qui cum navibus occurrerat, maximaque Siculorum alacritate exceptus est,

in Samnio mansit. P. Cornelius in Lucanos et Bruttios convertit impetum. Ibi terrorem cladesque belli populationibus agrorum et villarum incendiis circumferenti, majoris aliquanto rei tentandæ occasio nata est. In extrema Italiæ ora, qua Orientem versus et Ionium mare Lacinii promontorii cornu protenditur, Croton est, veteri fama, et tum quoque non pœnitendis opibus, inclyta. Mediam iis temporibus interfluebat Æsarus, juxta quem frequentia utrinque ædificia murus duodecim millia passuum in circuitu patens ambibat. Hanc aperta obsidione cingere non ausus consul, proditiõe occupaturum confidebat: quod a compluribus romanæ factionis hominibus spes ei facta erat, posse urbem præsidio externo destitutam, studiis et auxilio eorum, quibus Pyrrhi dominatio gravis esse cœpisset, recipi, si copias mature muris admovisset.

VI. Sed per eosdem forte dies, sive metu hostilis in vicinia exercitus, sive jam proditiõe, quæ plerumque tegi diu non potest, suspecta, Crotonienses præsidium a Milone acciverant: veneratque Nicomacho duce Lucanorum valida manus, quæ ignarum rei consulem, nulloque periculi metu confidentius ad mœnia suggestum, eruptione subito facta, non sine cæde vulneribusque multorum rejecit. Rufinus acceptum temeritatis detrimentum consilio correcturus, rumorem adversi certaminis ultro adauget; quoque majori percussus esse timore videatur, cœpto se desistere simulat, colligi sarcinas jubet, ut quamprimum discessurus. In urbem, ut castris tam propinquis necessum erat, cito hæc nunciantur: præter probabilem rei causam, juvatur eo quoque credulitas, quod verum hoc esse cupiebant: quum jam sponte hanc in partem inclinantibus animis, captivus quidam spe libertatis atque præmiorum inductus a consule supervenit, tanquam inter festinationem discedentium, occasione captata, custodiam effugisset.

. VII. Ille *Cornelium Rufinum, quod ad Crotonis oppugna-*

§ V. Ovid. *Metam.* XV. — Liv. XXIV, 3. — Zonaras. — § VI. Front. *Strat.* III, 6.

tionem parum haberet roboris, Locros pergere narrat, accitum a quibusdam urbem illam prodere pollicitis. Adest paulo post et alter, qui de prioribus eadem; cæterum, jam iter ingresses esse Romanos asserit. Simul conspiciuntur eminus signa et agmen incedentium via quæ Locros ducit. Eo dolo captus Nicomachus, per compendia viarum celeriter cum suis accurrit Locros, ut eam quoque urbem defensurus. Quod ubi per occultos nuntios Rufinus cito comperit, converso itinere, Crotonem regressus, quanto consilio ac prius meliore, tanto etiam eventu feliciore usus est, diligentiamque ejus non modo securitas hostium, sed etiam fortunæ favor juvit: densa enim nebula opportune texit accedentem, priusque propemodum intra mœnia fuit victor exercitus, quam reversum Crotoniatæ didicissent. Atque hujus victoriæ per se satis magna lætitia, ut ferme neutram in partem fortuna tenet modum, aliis subinde rebus haud minus lætiis cumlata est.

VIII. Nicomachus enim, intellecto se in errorem inemendabilem incidisse, dum incertus consilii Tarentum redit, exceptus a Rufino magnam suorum partem amisit, et cum reliquis vix in tutum elapsus est, quum unam urbem defendisse non contentus, duas perdidisset. Nam et Locri successu isto animati, præsidio Pyrrhi præfectoque, quorum injurias diutius perpeti nequibant, trucidatis, ad amicitiam Romanorum se contulerunt. Rebus ad hunc modum procedentibus, non ideo in tantum ceciderant animi Samnitium cæterorumque populorum, quin super insitam pervicaciam, spe quoque Pyrrhi regis, et nuntiatis ejus in Sicilia successibus, ad omnia, quæ sors ferebat, perpetienda sustentarentur.

IX. Pyrrhus enim (ut hujus etiam extra Italiam gesta, quod eorum temporibus locisque, ad hæc negotiis ipsis cum romanis rebus conjunctum est, exponantur) rebus apud Syracusanos Leontinosque constitutis, circa eadem tempora cum exercitu Agrigentum profectus, in ipso adhuc itinere occurrentibus nuntiis, ejectum ex urbe præsidium punicum

acceperat, et Agrigentinos ipsi se suaque omnia dedere paratos esse. Neque promissis abfuit fides. Venienti Sosistratus, qui et Syracusas tradiderat, et urbem, et egregiæ juventutis octo peditum millia, octingentos equites adjungit, copias Epiroticis, quas Pyrrhus adduxerat, nihilo deteriores. Oppida præterea triginta, quibus imperabat Sosistratus, eodem auctore se regis arbitrio permiserunt. His ita gestis misit Syracusas, qui telorum omnis generis copiam, et machinas quarum in obsidionibus urbium usus esse posset, subveherent. Nam ad urbes punici juris oppugnandas animum adjecebat, parato jam exercitu triginta millium, præter equites mille quingentos, et, quos in Siciliam trajecerat, elephantos.

X. Prima ex his in potestatem venit Heraclea, ubi Carthaginensium præsidium fuerat : exhinc Azonas cepit ; statimque sequuti fortunam Selinuntii primum, mox Halicyæi et Ægestani, deficiendo a Carthaginensium amicitia, compluribus etiam aliis in eo tractu oppidis idem audendi exemplum præbuerant. Erycinos autem, et auxiliorum numerosa manu, et munitionibus loci fidentes, summa vi expugnare statuit. Instructo igitur exercitu, armatus ipse, ad mœnia procedens, votum Herculi vovit, si dignum genere suo locoque bellatorem eo die se Græcis ostendisset. Postquam signum oppugnandi datum, crebroque missilium jactu propugnatores dimoti locum admovendis muro scalis feecerunt ; primus omnium rex enisus, adversus concurrentes undique hostes insigne certamen edidit ; alios umbone deturbans, alios cædens gladio, magnitudine vero animi roborisque cunctos perterrefaciens. Neque magnifica tantum hæc ei pugna, sed etiam omni ex parte felix fuit : sine ullo suo vulnere, magna gloria parta, etiam urbem ipsam eodem impetu cepit, animatis non minus exemplo regis cæteris quam sollicitis periculo, et utramque ob causam summa contentione pugnantibus. Sacrificavit deinde Herculi, voti reus ; ludosque varii generis magnifico apparatu per complures dies edidit.

XI. Hoc quoque anno Romæ de Lucanis atque Brutiis ante diem nonas Januarias triumphatum esse reperio: sed C. Junio triumphum illum adscribi miror, quum in his populis res Rufinus gesserit, duasque nobiles civitates receperit, quem etiam alios apud auctores triumphalem virum nominari video. Civitate ob Pyrrhi progressus haudquaquam secunda, novi quoque terrores ex prodigiis et morborum lue accesserunt. Fœdi maxime ominis habitum est, quod Jovis Capitolini signum fulmine tactum, caputque avulsam non nisi aruspicum arte curaque reperiri potuit. Graviore non jam metu, sed clade urbem affecit pestilentia, pecudes hominesque communi strage corripiens, sed præcipue gravidarum abortibus formidabilis; quum nulli propemodum jam aut partus humani, aut fœtus animalium ederentur incolumes, iraque deorum omne viventium genus interiturum esse crederetur.

XII. Ea vis mali maxime insignem Q. Fabii Maximi Gurgitis alterum consulatum effecit, in quo collegam habuit C. Genucium Clepsinam. Neque tamen a bello samnitico lucanoque cessatum est; magnasque clades hostibus illatas duo certa sunt argumenta, quod eodem anno Q. Fabius de Samnitibus, Lucanis, Brutiis, triumphavit quirinalibus; quodque ii populi miserunt ad Pyrrhum literas et oratores, *actum de se, nisi subveniretur, neque vim romanam ulterius sustineri posse, extremamque necessitatem deditione prævenendam esse*, testaturos. Ea res, et quod senescentibus jam hominum studiis, aut ob injurias quasdam in contrarium versis, in Sicilia res ei duriores esse cœperant, permovit Pyrrhum, ut insula relicta copias in Italiam reportaret. Quod ejus consilium, et rerum inde sequutarum series, quo plenius nosceretur; paulo plura de rebus interim ab eo gestis referenda putavi.

XIII. Post occupatam igitur Erycem, præsidiumque loco impositum, ad Æginorum urbem profectus est, commodo

§ XI. Plin. XVI, 6, et XXXIII, 11. — Liv. Epit. XIV. — Oros. IV, 3. Aug. de Civit. Dei, II, 17. — § XII. Zonar. — Justin. — Plutarch.

ad panormitanam portum sita, et munitionibus insignem. Illi sponte oppidanorum receptus ad ipsam Panormum castra movit, cui ab argumento portus amplissimi pulcherrimique nomen est inditum. Hac quoque per vim occupata, quum insuper locum, qui Epicircte vocatur, inter Panormum et Erycem in monte ameno, sed arduis accessibus, situm cepisset, universa jam provincia Carthaginiensium potestatur, excepto Lilybaeo. Hanc autem urbem non ita pridem Pœni considerant, ut Motyensis ea sedes foret, quarum oppidum Dionysius tyrannus bello carthaginiensi dirucit. Quum igitur ex omni, quod in Sicilia habuerant, imperio spes suas unum istum in locum conclusas viderent Pœni, apparatus ad obsidionem a Pyrrho fieri sentientes, majoribus eam viribus defendere decreverunt.

XIV. Introducto igitur non spernendo robore militum, comœatuque copioso, ad hæc magna vi machinarum ac telorum (cujus rei facultas ipsis ampla erat, quod in potestate mare haberent) ad oppidum undique perennandam magna cura se contulerunt. Præcipue, qua terra patebat aditus, crebræ turres excitatæ sunt, lataque fossa facta: celerius opere procedente, quod majore sui parte structum in cauitibus marinis oppidum, toto illo spatio manu facta munimenta nulla desiderabat. Missis interea legatis, quanquam ad bellum magnos apparatus fecerant, magnasque copias, quum aliunde, tum etiam ex Italia, mercede conduxerant; *si pax æquis conditionibus impetrari posset, pecuniam et classem pollicebantur.* Pecuniae mentionem non admisit Pyrrhus, urbes quas occupaverat retinere cupiens; de Lilybaeo tamen concessurus videbatur. Sed amici regis, civitatumque Sicularum principes, metu Carthaginiensium vocaturam esse insulam negantes, donec illi tantum valentes classibus Lilybaeum, tanquam scalas quasdam ad exscensionem faciendam paratas tenerent; perpulerunt ut unam esse responderet amicitiae conditionem, si universa Sicilia cedentes, utriusque imperii terminum esse mare paterentur.

XV. Ita spe pacis discussa, protinus ad urbem signa movit; neque procul muris castra metatus, manipulis ita dispositis, ut defessi a recentibus per vices exciperentur, oppugnationem orsus est. Sed Lilybætani, quum et numero propugnatorum, et machinarum apparatu juvarentur, locum tenuerunt. Tantam enim catapultarum scorpionumque vim Carthaginienses invexerant, ut murorum ambitus capiendis omnibus minime sufficeret. Quum igitur cujusque generis missilium velut imber quidam in regios spargeretur, multique passim caderent aut sauciarentur, incœptum omiserunt. Machinas deinde et ipse fabricare instituit, præter eas, quæ Syracusis advehebantur: et effossis subter humum cuniculis, omnes obsidionum tentavit artes. Quum autem animose resistentibus Pœnis toto fere bimestri nequidquam se fatigasset, videretque, donec apertus a mari obsessis aditus exitusque foret, expugnari Lilybæum non posse: obsidione soluta aliam in partem convertit impetum.

XVI. Quippe adversus Mamertinos freti accolæ Græcæ quædam civitates fidem regis implorabant, super alias graves et crebras injurias etiam tributum pendere coactæ. Pyrrhus igitur exercitu prope ducto, quum iis in locis quosdam Mamertinorum ad exigenda vectigalia missos comprehendisset, necavissetque, prælio cum occurrentibus facto discessit superior; ac multa eorum præsidia expugnavit diruitque. Et hactenus quidem rebus præclarissime gestis, eximiam sibi potentiam gloriamque rex paraverat; præter alias virtutes etiam eximia humanitate amorem singulorum, studia civitatum, non adeptus magis, quam meritis. Sed felicitatem tantam, et quam existimare fundatissimam potuisses, momento fere dissipatam, præter levitatem ingeniorum, quæ istis populis nunquam defuit, et amicorum intemperiam, ipsius maxime regis culpa traditur: qui adversis egregius, secundis rebus, ut inter has ferme inferiores humanæ mentes sunt, in superbiam efferebatur.

XVII. Quam *igitur*, ut ante diximus, ad efficienda crepta classera siti necessarium esse duceret, naves autem haberet multas, sed parvas instructas a sociis navalibus: semperque acerbe conquirentibus vale offendent civitates: repente mutatus, et ex priora lenitate ad superba imperia, nunquam, et postremo subdicia, peccata. Sed hanc tamen, quo communis boni specie tangebantur, utique tolerabant: postquam autem eos ipsos, quorum beneficio maxime Siciliam obtinuerat, interim videre: non parvum, neque mora interposita, sed subito averis animis, nutu posui ab ejus amicitia desciscentes, ut cuique opportunum erat, alii Penus, alii Mamertinis se applicaverunt. Adco nuncium crudelitas, etiam quum sola est, semper gravis, penitus sit intolerabilis, postquam adversus bene meritos exercita, propriis odinis etiam ingrati perfidiae animi detestationem adiunxit.

XVIII. Hanc autem in necessitatem vi cuncta tractandi se maxime videtur induxisse, dum pravis suorum cupiditatibus consiliisque nixis obsequitur: his enim opes, amicis aut necessariis Agathoclis ademptas, dono dabit, nihilo quam fuerant illi melioribus: magistratus urbium praecipuos satellitibus aut centurionibus suis committet, neque ex institutis aut moribus civitatum, neque in legitimum tempus, sed quomodo et quod ipsi placuisset. Lites atque controversias publicorumque negotiorum administrationem omnem ad se traxerat, pleraque familiaribus committens, quos habebat avaritia luxuriaque detestabiles, qui cogendis per flagitium perdendisque pecuniis pariter intenti, dum libidini suae satisfacerent, jus injuriamque in promiscuo habebant. Irritatis ob haec animis, mussare primum homines, mox palam queri: *cur igitur prioris status paenitisset, si nunc etiam toleranda eadem forent? frustra vocatum receptumque Pyrrhum, si student aemulari mores, quos puniturus advenisset: neque acriorem ullius injuriae sensum esse, quoniam cujus auctor haberetur idem ille, qui vindex esse debuisset.*

XIX. Jamque multi haud obscure studium novarum re-

rum præ se ferebant; quum ille ad pessima consiliorum conversus, augere causas offensionum, quam tollere, maluit: quasi, quod per injustitiam peccatum fuerat, emendari sævitia posset. Interea Carthaginienses, animadverso regem propriis viribus haud sane validum, quotidie minore apud Siculos affectu haberi, erecti in spem recuperandæ provinciæ, novum exercitum miserant: passimque transfugientibus, qui Pyrrhi sævitiam metuebant, negotium Epirotis magnum exhibebant. Pyrrhus per causam punici belli, præsiidiis in urbes introductis, splendidissimum quemque falso prodicionis crimine oneratos necare instituit: his de medio sublatis, multitudinem facilius in officio mansuram esse ratus. Postremo Thœnionem et Sosistratum corripit, totius insulæ longe principes, quorum præcipuis studiis imperio Siciliae potitum fuisse ostendimus. Sed Thœnio quidem interfectus est: Sosistratus ad hostes effugit, non minus auctoritatis opisque collaturus ad ejiciendum Sicilia regem, quam ad imponendum confirmandumque contulerat.

XX. Tum igitur certatim plerisque ad Carthaginienses deficientibus urbibus, nonnullis ad Mamertinos; res Epirotarum ex florentissimis angustæ malæque redigi cœperunt. In hoc statu rerum non ingrata regi sociorum italicorum legatio venit: quæ, *cæteris omnibus amissis, vix paucas urbes hostem ægre a mœnibus submovere*, quæ, honestum discedere cupienti prætextum præbuit, ut partibus laborantibus auxilio futurus, non ejectus a Carthaginiensibus, in Italiam reverti voluisse videretur. Abiturus, quum opes insulæ situmque, et hominum animos secreta cogitatione expenderet, dixisse fertur: « O amici, qualem Romanis atque Carthaginiensibus palæstram relinquimus! » Haud vano præsagio: quod paulo post longa inter hos bella, tot utrinque submersæ classes, tot acies cæsæ, satis superque impleverunt. Cæterum hostium animis cum fortuna crescentibus, neque tutus ex Sicilia discessus Pyrrho, neque in Italiam appellenti tranquillum ad Tarentinos iter fuit.

XXI. In ipso freto trajicientem adorti Carthaginienses, quum Epirotæ nulla ferme maritimarum rerum experientia, hominibus exercitatissimis pares esse non possent, septuaginta naves depresserunt, cæteras reddiderunt inutiles. Itacum duodecim navibus ex adverso prælio in Italiam effugit, qui navibus tectis amplius centum, et longe adhuc majori onerariarum actuariarumque numero cursum instituerat. Sed undique collecto quod militum ex adverso prælio litora tenere potuerat, statim ita robustam effecit manum, ut Rhegii subito impetu expugnandi spem conciperet. Sed rejectus a Campanis Rhegium tenentibus, mox in periculum haud contemnendum incidit. Quum enim per loca cæca et saltibus impedita duceret, coorti ex insidiis hostes turba-verunt novissimum agmen, multosque milites cum duobus elephantis peremerunt.

XXII. Erat neque genere bellatorum, neque numero spernenda manus. Decem haud minus millia hominum in armis exercitatorum, Mamertini plerique: hi enim Rheginorum amicitia et cognatione confisi, intellecto Pyrrhum in Italiam reverti constituisse, fretum priores transjecerant, et spe prædæ in opportunis ad subitam irruptionem locis consederant. In eo certamine quum pro solita audacia Pyrrhus ante prima signa pugnaret, in capite vulnus accepit. Ad quod obligandum quum ex acie paulisper secessisset, quidam hostium magnitudine corporis et armorum cultu conspicuus longe ante alios procurrans increpavit eum elata voce, jussitque *prodire, si viveret*. Ibi Pyrrhus ardens ira, visuque et manante per faciem cruore terribilis, impetum in provocatorem, frustra retinentibus suis, vertit: occupatumque illata in caput plaga prosternit. Memoriam proditum est, eam gladii temperiem, eamque vim ferientis fuisse, ut infimum ad corpus vulnere continuato, partibus utrinque dilabentibus, medium hominem eodem ictu dissecaret. Ejus spectaculi fœda novitate percussi hostes, et ut majorem communi hominum sorte virum reveriti, pugnam omiserunt.

XXIII. Pyrrhus hac molestia solutus, non ideo lætior agebat. Quod enim pars impedimentorum isto prælio amissa erat, et opes ex Siciliæ spoliis partas prioris cum Pœno pugnae casus interceperat; in magna rei nummariæ difficultate, quum, poscentibus stipendia militibus, non esset unde præberentur, dicatos Proserpinæ thesauros spoliare coactus est. Fanum illud apud Locrenses opinione sanctitatis celeberrimum iis temporibus fuit: quam civitatem quum Pyrrhus animatis præsentia sua regiæ factionis hominibus recepisset, multa in Locrenses fœda facinora edidit, cupidius et latius, quam interfecti præsidii postulasset ultio, cædibus et rapinis in miseros grassatus. Postquam autem nihil supererat, quod conferre homines vellent possentve, manus ad sacram pecuniam extendere cœpit, pessimis amicorum, qui plerumque nocentissimi cujusque consilii auctores fuerant, cupiditatem ejus inflammantibus.

XXIV. Erant autem hi Evogoras Theodori filius, Balacerque Nicandro, et Dinarchus Nicia genitus. Ii non suasores modo fuerunt Pyrrho, necessitati omnia cedere prædicantes; sed ministerium quoque suum sacrilegio præbuerunt: ingenti pondere auri, quod multos per annos subterraneis in specubus asservatum fuerat, eruto. Lætus ille, *religione intempestiva nihil ineptius, opesque paratas non accipere dementis esse*, dictitans, impositam navibus prædam Tarentum avehi jussit: ipse terra est profectus. Cæterum facinus ei suum non turpius cœpto, quam infelicius eventu fuit. Subita tempestas adorta classem, ventis sub noctem mutantibus, qui ferentes hactenus fuerant, naves in tenebris circumactas partim in fretum expulit. Sed quæ sacram pecuniam vehebant, quassatæ laceratæque undis irrumpentibus, cum ipsis hominibus interierunt: pecuniam autem reliquis ex naufragio tabulis hærentem, postridie quam exportata fuerat, in vicina fano litora fluctus retulerunt.

XXV. Re intellecta, thesaurum omnem diligenter conqui-

§ XXIII. Liv. XXIX, 18. — Appian. — § XXIV. Dio et Dionys. ap. Vales. — Suidas in Ἐβουροσς. — Appian. — Diod. — Liv. VII, 3.

situm referri ad pristinas sedes jussit, pacem numinis, ut putabat, hoc facto impetraturus. Neque tamen ideo melioribus deinceps fatis usus est, omnes ejus conatus, etiam quibus consilium et virtus non abfuisset, eludente fortuna: quam ille rem et postea constanter ad læsi numinis iram referebat, uti Proxenus historiæ scriptor, atque ipse in commentariis suis Pyrrhus memorat: et recenti adhuc malo, quum Proserpinæ sacrificans, multis hostiis litare non posset, exarsit adeo ut cunctos infelicis consilii auctores ac ministros, quique facinus istud aggressuro vel leviter consenserant, de medio tolleret; atque hi quidem dignum moribus factisque suis exitum habuerunt: Pyrrhus autem institutum prosequutus, quieto deinceps itinere Tarentum pervenit.

XXVI. Romani, quum majorem in modum urgeret pestilentia, Pyrrhique in Italiam reditu belli timor crevisset, nihil adversus ista vel humani præsidii, vel divini intentatum reliquerunt. Vetus erat opinio, pestilentiam clavo ab dictatore fixo sedari posse: eam spem tum quoque tentatam, clavique pangendi causa dictatorem dictum esse P. Cornelium Rufinum, haudquaquam improbabilis conjectura est: quum et mali magnitudo ad omnia quærenda remedia stimulare mentes posset, et Rufinum anno sequenti a censoribus notatum fuisse constet, postquam bis consul et dictator fuisset; neque dictaturæ ejus vel certior inveniatur memoria, vel convenientior locus. Et adversus morbos quidem, ut potuit, provisum est: armorum cura majorem industriam contentionemque, præcipue ob difficultatem delectuum, postulabat. Nam præter diuturnitatem belli, etiam longo jam tempore infesta lues tædium rerum omnium hominibus injecerat: citatique juniores militiam mira obstinatione detrectabant. Sed pervicaciam istam severitas et constantia M. Curii Dentati secundum consulis fregit.

XXVII. Is enim, L. Cornelio Lentulo collega, magistratum jam iniverat. Quum igitur in Capitolio delectum habe-

§ XXV. Val. Max. I, 1, 1. — Suidas in παρατηράμενος. — Dionys. — Appian. — Plut. in Pyrrh. c. 53. — § XXVI. Pigh. in Annal. rom. — Liv. VII, 3. — Varro in Sat. Γέρωντες διδασκάλου.

ret Curius, respondente nullo, vocabula tribuum omnium in urnam conjici, quumque Pollia tribus exiisset, quod ex ea nomen primum sorte eductum erat, citari jussit. Tacere perseverantis bona primum, deinde quum graviter de consulis injuria questus tribunos appellasset, ipsum quoque vendidit: *nihil opus esse reipublicæ eo cive, qui nesciret parere*, præfatus: neque tribuni auxilio fuerunt; et postea quoque salubris exempli judicata res in consuetudinem transiit: ut delectu rite acto, qui miles factus non esset, in servitutum venderetur. Hoc terrore cæteri adacti ad nomina promptius danda: conscriptisque legionibus, quæ decretæ erant, in hosticum ambo consules moverunt: Lentulus in Lucaniam irruit; Samnitas adortus est Curius. Excitus ad ejus rei famam Pyrrhus, lustrato Tarenti exercitu suo, peditum ferme viginti millia, tria equitum recensuit.

XXVIII. Cum his, et delecta Tarentinorum juventute, Samnium ingressus, Samnitas dicto minus audientes habuit; tardiusque ad eum auxilia et infrequentius venire, animis non ob cladum modo magnitudinem fessis, sed etiam exulceratis, eo quod istarum causam Pyrrho imputabant, tam tristia non passuri, nisi proditis discessu suo italicis sociis, expeditionem siculam ille suscepisset. Verumtamen sic quoque magnis instructus copiis, partem earum in Lucaniam, ad distinendum alterum consulem misit; ipse Man. Curium oppugnare aggressus est, facilem sibi reliquam victoriam fore ratus, si hunc superavisset. Romanus autem, gnarus phalangi Macedoniæ, si explicari possit, nullam aciem parem esse, locis impeditis se tuebatur: et quoniam ex Lucania ventura sperabat auxilia, simul etiam auspicia et exta parum læta erant, copiam pugnandi minime faciebat.

XXIX. Tanto vehementius cupiebat configere Pyrrhus, priusquam duo consulares exercitus conjungerentur. Igitur assumptis ex omni exercitu promptissimis quibusque, præter aliquot elephantos, noctu, quo falleret hostem, ad castra

§ XXVII. Valer. Maxim. VI, 3, 4. — Liv. Epit. XIV. — Cic. pro A. Cæc. cap. 34. — Plutarch. in Pyrrh. c. 54. — § XXVIII. Frontin. Strat. II, 2.

acceperat, et Agrigentinos ipsi se suaque omnia dedere paratos esse. Neque promissis abfuit fides. Venienti Sosistratus, qui et Syracusas tradiderat, et urbem, et egregiæ juventutis octo peditum millia, octingentos equites adjungit, copias Epiroticis, quas Pyrrhus adduxerat, nihilo deteriores. Oppida præterea triginta, quibus imperabat Sosistratus, eodem auctore se regis arbitrio permiserunt. His ita gestis misit Syracusas, qui telorum omnis generis copiam, et machinas quarum in obsidionibus urbium usus esse posset, subveherent. Nam ad urbes punici juris oppugnandas animum adjecebat, parato jam exercitu triginta millium, præter equites mille quingentos, et, quos in Siciliam trajecerat, elephantos.

X. Prima ex his in potestatem venit Heraclea, ubi Carthaginensium præsidium fuerat : exhinc Azonas cepit; statimque sequuti fortunam Selinuntii primum, mox Halicyæi et Ægestani, deficiendo a Carthaginensium amicitia, compluribus etiam aliis in eo tractu oppidis idem audendi exemplum præbuerant. Erycinos autem, et auxiliorum numerosa manu, et munitionibus loci fidentes, summa vi expugnare statuit. Instructo igitur exercitu, armatus ipse, ad mœnia procedens, votum Herculi vovit, si dignum genere suo loque bellatorem eo die se Græcis ostendisset. Postquam signum oppugnandi datum, crebroque missilium jactu propugnatores dimoti locum admovendis muro scalis fecerunt; primus omnium rex enisus, adversus concurrentes undique hostes insigne certamen edidit; alios umbone deturbans, alios cædens gladio, magnitudine vero animi roborisque cunctos perterrefaciens. Neque magnifica tantum hæc ei pugna, sed etiam omni ex parte felix fuit : sine ullo suo vulnere, magna gloria parta, etiam urbem ipsam eodem impetu cepit, animatis non minus exemplo regis cæteris quam sollicitis periculo, et utramque ob causam summa contentione pugnantibus. Sacrificavit deinde Herculi, voti reus; ludosque varii generis magnifico apparatu per complures dies edidit.

XI. Hoc quoque anno Romæ de Lucanis atque Brutiis ante diem nonas Januarias triumphatum esse reperio: sed C. Junio triumphum illum adscribi miror, quum in his populis res Rufinus gesserit, duasque nobiles civitates receperit, quem etiam alios apud auctores triumphalem virum nominari video. Civitate ob Pyrrhi progressus haudquaquam securo, novi quoque terrores ex prodigiis et morborum lue accesserunt. Fœdi maxime ominis habitum est, quod Jovis Capitolini signum fulmine tactum, caputque avulsam non nisi aruspicum arte curaque reperiri potuit. Graviore non jam metu, sed clade urbem affecit pestilentia, pecudes hominesque communi strage corripens, sed præcipue gravidarum abortibus formidabilis; quum nulli propemodum jam aut partus humani, aut fœtus animalium ederentur incolumes, iraque deorum omne viventium genus interituro esse crederetur.

XII. Ea vis mali maxime insignem Q. Fabii Maximi Gurgitis alterum consulatum effecit, in quo collegam habuit C. Genucium Clepsinam. Neque tamen a bello samnitico lucanoque cessatum est; magnasque clades hostibus illatas duo certa sunt argumenta, quod eodem anno Q. Fabius de Samnitibus, Lucanis, Brutiis, triumphavit quirinalibus; quodque ii populi miserunt ad Pyrrhum literas et oratores, *actum de se, nisi subveniretur, neque vim romanam ulterius sustineri posse, extremamque necessitatem deditione preveniendam esse*, testaturos. Ea res, et quod senescentibus jam hominum studiis, aut ob injurias quasdam in contrarium versis, in Sicilia res ei duriores esse cœperant, permovit Pyrrhum, ut insula relicta copias in Italiam reportaret. Quod ejus consilium, et rerum inde sequutarum series, quo plenius nosceretur; paulo plura de rebus interim ab eo gestis referenda putavi.

XIII. Post occupatam igitur Erycem, præsidiumque loco impositum, ad Æginorum urbem profectus est, commodo

§ XI. Plin. XVI, 6, et XXXIII, 11. — Liv. Epit. XIV. — Oros. IV, 3. Aug. de Civit. Dei, II, 17. — § XII. Zonar. — Justin. — Plutarch.

ad panormitanum portum situ, et munitionibus insignem. Ibi sponte oppidanorum receptus ad ipsam Panormum castra movit, cui ab argumento portus amplissimi pulcherrimique nomen est inditum. Hac quoque per vim occupata, quum insuper locum, qui Epieircte vocatur, inter Panormum et Erycem in monte amœno, sed arduis accessibus, situm cepisset, universa jam provincia Carthaginiensium potiebatur, excepto Lilybæo. Hanc autem urbem non ita pridem Pœni condiderant, ut Motyensibus ea sedes foret, quorum oppidum Dionysius tyrannus bello carthaginiensi diruerat. Quum igitur ex omni, quod in Sicilia habuerant, imperio spes suas unum istum in locum conclusas viderent Pœni, apparatus ad obsidionem a Pyrrho fieri sentientes, majoribus eam viribus defendere decreverunt.

XIV. Introducto igitur non spernendo robore militum, comœatuque copioso, ad hæc magna vi machinarum ac telorum (cujus rei facultas ipsis ampla erat, quod in potestate mare haberent) ad oppidum undique permuniendum magna cura se contulerunt. Præcipue, qua terra patebat aditus, crebræ turres excitatæ sunt, lataque fossa facta: celerius opere procedente, quod majore sui parte structum in cautibus marinis oppidum, toto illo spatio manu facta munimenta nulla desiderabat. Missis interea legatis, quanquam ad bellum magnos apparatus fecerant, magnasque copias, quum aliunde, tum etiam ex Italia, mercede conduxerant; *si pax æquis conditionibus impetrari posset, pecuniam et classem pollicebantur.* Pecuniæ mentionem non admisit Pyrrhus, urbes quas occupaverat retinere cupiens; de Lilybæo tamen concessurus videbatur. Sed amici regis, civitatumque Sicularum principes, *metu Carthaginiensium vacaturam esse insulam negantes, donec illi tantum valentes classibus Lilybæum, tanquam scalas quasdam ad exscensionem faciendam paratas tenerent;* perpulerunt ut unam esse responderet amicitiae conditionem, si universa Sicilia cedentes, utriusque imperii terminum esse mare paterentur.

XV. Ita spe pacis discussa, protinus ad urbem signa movit; neque procul muris castra metatus, manipulis ita dispositis, ut defessi a recentibus per vices exciperentur, opugnationem orsus est. Sed Lilybætani, quum et numero propugnatorum, et machinarum apparatu juvarentur, locum tenuerunt. Tantam enim catapultarum scorpionumque vim Carthaginienses invexerant, ut murorum ambitus capiendis omnibus minime sufficeret. Quum igitur cujusque generis missilium velut imber quidam in regios spargeretur, multique passim caderent aut sauciarentur, incœptum omiserunt. Machinas deinde et ipse fabricare instituit, præter eas, quæ Syracusis advehebantur: et effossis subter humum cuniculis, omnes obsidionum tentavit artes. Quum autem animose resistantibus Pœnis toto fere bimestri nequidquam se fatigasset, videretque, donec apertus a mari obsessis aditus exitusque foret, expugnari Lilybæum non posse: obsidione soluta aliam in partem convertit impetum.

XVI. Quippe adversus Mamertinos freti accolæ Græcæ quædam civitates fidem regis implorabant, super alias graves et crebras injurias etiam tributum pendere coactæ. Pyrrhus igitur exercitu prope ducto, quum iis in locis quosdam Mamertinorum ad exigenda vectigalia missos comprehendisset, necavissetque, prælio cum occurrentibus facto discessit superior; ac multa eorum præsidia expugnavit diruitque. Et hactenus quidem rebus præclarissime gestis, eximiam sibi potentiam gloriamque rex paraverat; præter alias virtutes etiam eximia humanitate amorem singulorum, studia civitatum, non adeptus magis, quam meritis. Sed felicitatem tantam, et quam existimare fundatissimam potuisses, momento fere dissipatam, præter levitatem ingeniorum, quæ istis populis nunquam defuit, et amicorum intemperiam, ipsius maxime regis culpa traditur: qui adversis egregius, secundis rebus, ut inter has ferme inferiores humanæ mentes sunt, in superbiam efferebatur.

XVII. Quum igitur, ut ante diximus, ad efficienda cepta classem sibi necessariam esse duceret, naves autem haberet multas, sed parum instructas a sociis navalibus; remigibus acerbè conquirendis vix offēdit civitates: repente mutatus, et ex priori lenitate ad superba imperia, minasque, et postremo supplicia, præcepit. Sed hæc tamen, quia communis boni specie tegebantur, utcunq̄ tolerabant: postquam autem eos ipsos, quorum beneficio maxime Siciliam obtinuerat, interim videre; non paulatim, neque mora interposita, sed subito aversis animis, multi populi ab ejus amicitia desciscentes, ut cuique opportunum erat, alii Pœnis, alii Mamertinis se applicaverunt. Adeo nimirum crudelitas, etiam quum sola est, semper gravis, penitus fit intolerabilis, postquam adversus bene meritos exercita, propriis odiis etiam ingrati perfidique animi detestationem adjunxit.

XVIII. Hanc autem in necessitatem vi cuncta tractandi se maxime videtur induxisse, dum pravis suorum cupiditatibus consiliisque nimis obsequitur: his enim opes, amicis aut necessariis Agathoclis ademptas, dono dabat, nihilo quam fuerant illi melioribus: magistratus urbium præcipuos satellitibus aut centurionibus suis committebat, neque ex institutis aut moribus civitatum, neque in legitimum tempus, sed quomodo et quoad ipsi placuisset. Lites atque controversias publicorumque negotiorum administrationem omnem ad se traxerat, pleraque familiaribus committens, quos habebat avaritia luxuriaque detestabiles, qui cogendis per flagitium perdendisque pecuniis pariter intenti, dum libidini suæ satisfacerent, jus injuriamque in promiscuo habebant. Irritatis ob hæc animis, *missare primum homines, mox palam queri: cur igitur prioris status pœnitusset, si nunc etiam toleranda eadem forent? frustra vocatum receptumque Pyrrhum, si studeat æmulari mores, quos puniturus advenisset: neque acriorem ullius injuriæ sensum esse, quam cujus auctor haberetur idem ille, qui vindex esse debuisset.*

XIX. Jamque multi haud obscure studium novarum re-

rum præ se ferebant; quum ille ad pessima consiliorum conversus, augere causas offensionum, quam tollere, maluit: quasi, quod per injustitiam peccatum fuerat, emendari sævitia posset. Interea Carthaginienses, animadverso regem propriis viribus haud sane validum, quotidie minore apud Siculos affectu haberi, erecti in spem recuperandæ provinciæ, novum exercitum miserant: passimque transfugientibus, qui Pyrrhi sævitiam metuebant, negotium Epirotis magnum exhibebant. Pyrrhus per causam punici belli, præsiidiis in urbes introductis, splendidissimum quemque falso prodicionis crimine oneratos necare instituit: his de medio sublatis, multitudinem facilius in officio mansuram esse ratus. Postremo Thœnionem et Sosistratum corripit, totius insulæ longe principes, quorum præcipuis studiis imperio Siciliæ potitum fuisse ostendimus. Sed Thœnio quidem interfectus est: Sosistratus ad hostes effugit, non minus auctoritatis opisque collaturus ad ejiciendum Sicilia regem, quam ad imponendum confirmandumque contulerat.

XX. Tum igitur certatim plerisque ad Carthaginienses deficientibus urbibus, nonnullis ad Mamertinos; res Epirotarum ex florentissimis angustæ malæque redigi cœperunt. In hoc statu rerum non ingrata regi sociorum italicorum legatio venit: quæ, *cæteris omnibus amissis, vix paucas urbes hostem ægre a mœnibus submovere*, quæ, honestum discedere cupienti prætextum præbuit, ut partibus laborantibus auxilio futurus, non ejectus a Carthaginiensibus, in Italiam reverti voluisse videretur. Abiturus, quum opes insulæ situmque, et hominum animos secreta cogitatione expenderet, dixisse fertur: « O amici, qualem Romanis « atque Carthaginiensibus palæstram relinquimus! » Haud vano præsagio: quod paulo post longa inter hos bella, tot utrinque submersæ classes, tot acies cæsæ, satis superque impleverunt. Cæterum hostium animis cum fortuna crescentibus, neque tutus ex Sicilia discessus Pyrrho, neque in Italiam appellenti tranquillum ad Tarentinos iter fuit.

XXI. In ipso freto trajicientem adorti Carthaginienses, quum Epirotæ nulla ferme maritimarum rerum experientia, hominibus exercitatissimis pares esse non possent, septuaginta naves depresserunt, cæteras reddiderunt inutiles. Ita cum duodecim navibus ex adverso prælio in Italiam effugit, qui navibus tectis amplius centum, et longe adhuc majori onerariarum actuariarumque numero cursum instituerat. Sed undique collecto quod militum ex adverso prælio litora tenere potuerat, statim ita robustam effecit manum, ut Rhegii subito impetu expugnandi spem conciperet. Sed rejectus a Campanis Rhegium tenentibus, mox in periculum haud contemnendum incidit. Quum enim per loca cæca et saltibus impedita duceret, coorti ex insidiis hostes turba-verunt novissimum agmen, multosque milites cum duobus elephantis peremerunt.

XXII. Erat neque genere bellatorum, neque numero spernenda manus. Decem haud minus millia hominum in armis exercitatorum, Mamertini plerique: hi enim Rheginorum amicitia et cognatione confisi, intellecto Pyrrhum in Italiam reverti constituisse, fretum priores transjecerant, et spe prædæ in opportunis ad subitam irruptionem locis consederant. In eo certamine quum pro solita audacia Pyrrhus ante prima signa pugnaret, in capite vulnus accepit. Ad quod obligandum quum ex acie paulisper secessisset, quidam hostium magnitudine corporis et armorum cultu conspicuus longe ante alios procurrrens increpavit eum elata voce, jussitque *prodire, si viveret*. Ibi Pyrrhus ardens ira, visuque et manante per faciem cruore terribilis, impetum in provocatorem, frustra retinentibus suis, vertit: occupatumque illata in caput plaga prosternit. Memoriam proditum est, eam gladii temperiem, eamque vim ferientis fuisse, ut infimum ad corpus vulnere continuato, partibus utrinque dilabentibus, medium hominem eodem ictu dissecaret. Ejus spectaculi fœda novitate percussi hostes, et ut majorem communi hominum sorte virum reveriti, pugnam omiserunt.

XXIII. Pyrrhus hac molestia solutus, non ideo lætior agebat. Quod enim pars impedimentorum isto prælio amissa erat, et opes ex Siciliæ spoliis partas prioris cum Pœno pugnae casus interceperat; in magna rei nummariæ difficultate, quum, poscentibus stipendia militibus, non esset unde præberentur, dicatos Proserpinæ thesauros spoliare coactus est. Fanum illud apud Locrenses opinione sanctitatis celeberrimum iis temporibus fuit: quam civitatem quum Pyrrhus animatis præsentia sua regiæ factionis hominibus recepisset, multa in Locrenses fœda facinora edidit, cupidius et latius, quam interfecti præsidii postulasset ultio, cædibus et rapinis in miseros grassatus. Postquam autem nihil supererat, quod conferre homines vellent possentve, manus ad sacram pecuniam extendere cœpit, pessimis amicorum, qui plerumque nocentissimi cujusque consilii auctores fuerant, cupiditatem ejus inflammantibus.

XXIV. Erant autem hi Evogoras Theodori filius, Balacerque Nicandro, et Dinarchus Nicia genitus. Ii non suasores modò fuerunt Pyrrho, necessitati omnia cedere prædicantes; sed ministerium quoque suum sacrilegio præbuerunt: ingenti pondere auri, quod multos per annos subterraneis in specubus asservatum fuerat, eruto. Lætus ille, *religione intempestiva nihil ineptius, opesque paratas non accipere dementis esse*, dictitans, impositam navibus prædam Tarentum avehi jussit: ipse terra est profectus. Cæterum facinus ei suum non turpius cœpto, quam infelicius eventu fuit. Subita tempestas adorta classem, ventis sub noctem mutantibus, qui ferentes hactenus fuerant, naves in tenebris circumactas partim in fretum expulit. Sed quæ sacram pecuniam vehebant, quassatæ laceratæque undis irrumpentibus, cum ipsis hominibus interierunt: pecuniam autem reliquis ex naufragio tabulis hærentem, postridie quam exportata fuerat, in vicina fano litora fluctus retulerunt.

XXV. Re intellecta, thesaurum omnem diligenter conqui-

§ XXIII. Liv. XXIX, 18. — Appian. — § XXIV. Dio et Dionys. ap. Vales. — Suidas in ἔθυσσος. — Appian. — Diod. — Liv. VII, 3.

situm referri ad pristinas sedes jussit, pacem numinis, ut putabat, hoc facto impetraturus. Neque tamen ideo melioribus deinceps fati usus est, omnes ejus conatus, etiam quibus consilium et virtus non abfuisset, eludente fortuna: quam ille rem et postea constanter ad læsi numinis iram referebat, uti Proxenus historiæ scriptor, atque ipse in commentariis suis Pyrrhus memorat: et recenti adhuc malo, quum Proserpinæ sacrificans, multis hostiis litare non posset, exarsit adeo ut cunctos infelicis consilii auctores ac ministros, quique facinus istud aggressuro vel leviter consenserant, de medio tolleret; atque hi quidem dignum moribus factisque suis exitum habuerunt: Pyrrhus autem institutum prosequutus, quieto deinceps itinere Tarentum pervenit.

XXVI. Romani, quum majorem in modum urgeret pestilentia, Pyrrhique in Italiam reditu belli timor crevisset, nihil adversus ista vel humani præsidii, vel divini intentatum reliquerunt. Vetus erat opinio, pestilentiam clavo ab dictatore fixo sedari posse: eam spem tum quoque tentatam, clavique pangendi causa dictatorem dictum esse P. Cornelium Rufinum, haudquaquam improbabilis conjectura est: quum et mali magnitudo ad omnia quærenda remedia stimulare mentes posset, et Rufinum anno sequenti a censoribus notatum fuisse constet, postquam bis consul et dictator fuisset; neque dictaturæ ejus vel certior inveniatur memoria, vel convenientior locus. Et adversus morbos quidem, ut potuit, provisum est: armorum cura majorem industriam contentionemque, præcipue ob difficultatem delectuum, postulabat. Nam præter diuturnitatem belli, etiam longo jam tempore infesta lues tædium rerum omnium hominibus injecerat: citatque juniores militiam mira obstinatione detrectabant. Sed pervicaciam istam severitas et constantia M. Curii Dentati secundum consulis fregit.

XXVII. Is enim, L. Cornelio Lentulo collega, magistratum jam iniverat. Quum igitur in Capitolio delectum habe-

§ XXV. Val. Max. I, 1, 1. — Suidas in παρατησάμενος. — Dionys. — Appian. — Plut. in Pyrrh. c. 53. — § XXVI. Pigh. in Annal. rom. — Liv. VII, 3. — Varro in Sat. Γέροντες διδασκάλου.

ret Curius, respondente nullo, vocabula tribuum omnium in urnam conjici, quumque Pollia tribus exiisset, quod ex ea nomen primum sorte eductum erat, citari jussit. Tacere perseverantis bona primum, deinde quum graviter de consulis injuria questus tribunos appellasset, ipsum quoque vendidit: *nihil opus esse reipublicæ eo cive, qui nesciret parere*, præfatus: neque tribuni auxilio fuerunt; et postea quoque salubris exempli judicata res in consuetudinem transiit: ut delectu rite acto, qui miles factus non esset, in servitutem venderetur. Hoc terrore cæteri adacti ad nomina promptius danda: conscriptisque legionibus, quæ decretæ erant, in hosticum ambo consules moverunt: Lentulus in Lucaniam irruit; Samnitas adortus est Curius. Excitus ad ejus rei famam Pyrrhus, lustrato Tarenti exercitu suo, peditum ferme viginti millia, tria equitum recensuit.

XXVIII. Cum his, et delecta Tarentinorum juventute, Samnium ingressus, Samnitas dicto minus audientes habuit; tardiusque ad eum auxilia et infrequentius venire, animis non ob cladium modo magnitudinem fessis, sed etiam exulceratis, eo quod istarum causam Pyrrho imputabant, tam tristia non passuri, nisi proditis discessu suo italicis sociis, expeditionem siculam ille suscepisset. Verumtamen sic quoque magnis instructus copiis, partem earum in Lucaniam, ad distinendum alterum consulem misit; ipse Man. Curium oppugnare aggressus est, facilem sibi reliquam victoriam fore ratus, si hunc superavisset. Romanus autem, gnarus phalangi Macedoniæ, si explicari possit, nullam aciem parem esse, locis impeditis se tuebatur: et quoniam ex Lucania ventura sperabat auxilia, simul etiam auspicia et exta parum læta erant, copiam pugnandi minime faciebat.

XXIX. Tanto vehementius cupiebat configere Pyrrhus, priusquam duo consulares exercitus conjungerentur. Igitur assumptis ex omni exercitu promptissimis quibusque, præter aliquot elephantos, noctu, quo falleret hostem, ad castra

§ XXVII. Valer. Maxim. VI, 3, 4. — Liv. Epit. XIV. — Cic. pro A. Cæc. cap. 34. — Plutarch. in Pyrrh. c. 54. — § XXVIII. Frontin. Strat. II, 2.

Romanorum statuit accedere. Dum autem ad iter et oppugnationem futuram omnia apparantur, ipse in somnum lapsus majorem sibi dentium partem excidere, et ex ore copiosum erumpere sanguinem imaginatus est. Eo visu perplexus, abstinere in id tempus rebus gerendis decreverat; sed amicis obtestantibus, *ne occasionem forte non redituram elabi pateretur*, signum ad proficiscendum dari jussit. Circa Maleventum urbem (hoc enim tum adhuc nomine erat) montosa et silvestria loca sunt; quæ deinde paulatim æquioribus clivis demissa, postremo in planitiem late patentem desinunt, qui *Taurasini campi* appellantur. Itaque Pyrrhus ex inferioribus locis per objectos colles et saltus instituto itinere, quum lumina defecissent, erroribus et ignorantia locorum tardatus, luce jam orta ex castris romanis conspici cœpit.

XXX. Commotis inopinato hostis adventu animis, quia tamen dubium haberi non poterat, quin pugnandum foret, extaque victimarum lætiora fuerant, consul celeriter ex castris progressus, primos quosque hostium divulsos a suis et incompositos adoritur, pellitque. Hi in suos incurrentes totum agmen turbavere; cæsusque est militum haud exiguus numerus, et nonnulli elephantum a suis relictis venerunt in potestatem victoris. Hic successus animavit Curium, ut insistendum fortunæ putaret, et cum universis copiis ad pugnam instructis paratisque in campum se demitteret. Neque Epienses moram fecere. Concursum est utrinque ferociter, sed quod priore certamine Romanus superior fuerat, plus etiam in præsens animorum atque spei attulerat. Cedentibus Epirotis, iterum a belluis subsidium petiit Pyrrhus, alteroque suo cornu fugiente, vicissim in altero Romanos ad præsidia sua pedem referre coegit.

XXXI. Firmam ibi stationem iturus in pugnam consul constituerat: hanc igitur recentibus viribus excipere prælium, et elephantos amoliri jubet. Adversus hæc animantia promptam atque facilem opem usus monstraverat, ignique magis quam ferro averti posse superiores docuerant pugnae. Parati

igitur erant malleoli, stupa et pice multa obducti, quos incensos ardentisque in terga et turres belluarum jaculabantur : ii, sive cuti elephantorum, sive ligno turrium insedisent, uncis præacutis infixi hærebant. Quum igitur hi, et una varii generis missilia ex superiore loco confertim jacerentur, elephantum partim terrore flammæ, partim dolore vulnerum in furorem acti, quum amplius a magistris regi nequirent, in suorum aciem retrocesserunt, omnia, quo impetum verterant, trepidatione et clade miscentes. Narrant initium stragis ab elephanto pullo ortum, qui telo ictus in capite, quum stridorem querulum edidisset, matrem primum ad notam vocem exsilientem, deinde hac etiam tumultum augente, cæteras belluas omnes turbaverit averteritque.

XXXII. Magna ea pugna et numero cæsorum, et victoriæ fructu fuit. Tum enim debellatum est cum Pyrrho, neque cæteri deinceps Itali diu, neque post Italiam, aliæ nationes regesque restiterunt. Triplo majorem ea pugna numerum in regniis partibus dimicasse tradunt. Octoginta enim pedum, sex equitum millia fuisse; ex his qui plurimum, sex et triginta millia; qui minimum, sex et viginti cæsa memorant: captos mille trecentos, cum elephantis octo. Pyrrhus cum paucis equitibus Tarentum effugit. Capta ejus castra admirationi fuisse dicuntur, et in posterum usui. Antiquitus enim et Romani et alii populi castra passim per corpora cohortium constituere, mapaliorum in morem, solebant: primus totum exercitum Pyrrhus dimensis rite spatiis sub eodem vallo continuisse fertur: atque illo exemplo adjectos Romanos, additis, quæ ex usu viderentur, ad metationem castrorum, quam sequentibus temporibus perfectissimam habuere, pervenisse.

XXXIII. Hic annus republica belli præclare feliciterque gesta, domesticis quoque rebus, et notabili severitate disciplinæ urbanæ illustris fuit. Q. Fabricius Luscinus, Q. Æmilius Papus, concordem censuram exercuerunt. Multis

§ XXXI. Oros. IV, 2. — Plut. — Flor. I, 18. — Zonaras. — § XXXII. Dionys. apud Vales. — Eutrop. lib. II. — Front. Strat. IV, 1.

oppida sua, copias, pecunias, naves, certatim tradentium: ideoque græcarum urbium omnium imperio brevi potitus, etiam punicam ditionem universam armis obtinuit, una excepta urbe Lilybætana, quam opportunitate situs adjuti Carthaginienses, nequidquam oppugnante Pyrrho, retinebant. Unde non absque causa spes ingentes animo complexus, relictis maximo filiorum patriis opibus, ex duobus reliquis, regem alterum Italiæ, alterum Siciliæ constituere agitabat.

II. Erat omnino regis istius ea tempestate magna fama magnæque virtutes; et Siculi per annos sane multos externa simul ac civilia bella, et nocentius utrisque malum tyrannidem passi, vel mediocrem aliquem principem grantibus animis laturo videbantur. Sed tamen ipse paulo post ad exigendas ab invitis pecunias, et potentiorum cædes versus, odium immane concitavit, etiam accedentibus cupiditatibus et arrogantia ministrorum, quorum ei vita non minus ubivis, quam sua nocuerunt. Adeo post primam illam et præcipuam curam, ut ipsi quam optimi sint, nulla aut dignior aut salubrior esse regibus sollicitudo potest, quam ut amicos ex virtute deligant; quando inter privatos ob suam quisque culpam exosus est; principibus etiam aliena peccata imputantur. Sed hæc postea secuta sunt. Tum vero calentibus adhuc studiis, primum a Taurominitanorum principe Tyndarione (nam ea parte insulæ primum appulerat) mox a Catanense populo maximis honoribus acceptus cultusque, cum pedestri exercitu Syracusas versus processit. Classem haud procul litoribus circumduci jussit paratam instructamque: nec enim citra prælii discrimen aditum ad syracusanam urbem daturæ Carthaginensium naves videbantur.

III. Sed evenerat ut paulo ante hoc tempus triginta naves punicæ alios ob usus a classe discederent; quæ quia nondum reverterant, cum reliquis aleam belli tentare Pœnorum

§ I. Liv. Epit. XIV. — Appian. — Diod. Ecl. — Justin. XXIII, 2. —
§ II. Plutarch. — Dionys.

imperator recusabat. Igitur nemine prohibente ingressus, Thoenione et Sosistrato tradentibus, pecuniam publicam, naves tectas centum viginti, apertas viginti, tela, machinas, cæterumque belli apparatus accipit. Hoc agenti superveniunt a Leontinis legati, quorum princeps Heraclidas urbem suam regi, prætereaque copias, peditum millia quatuor, equites quingentos offerebat. Neque segnius aliis ab urbibus occursum est, quodam veluti torrente fortunæ. Pyrrhus humaniter exceptos habitosque, conciliata omnium voluntate, suam quemque in civitatem remisit, ampliorem jam animo spes agitans, et, si destinata porro ita fluerent, etiam in Africam transiturus.

IV. At sociis ejus in Italia haud perinde lætæ res erant: quos absente rege et robore exercitus, adversus infestiores quotidie Romanos, Milo cum parte copiarum Tarenti relictus, non satis tutabatur. Hactenus tamen profuit, ut Tarentinis ad tempus dilatis ambo consules in Samnium signa converterent. Samnites quum agros suos uri, castella expugnari, totam belli molem in se versam, seque a sociis derelictos esse cernerent; animis ac viribus impares, desertis oppidis atque vicis, in montes excelsos et arduos, cum uxoribus suis liberisque ac carissimis rerum, quas inter tumultum et trepidationem avehere potuerant, se receperunt. Apud Romanos præter æmulationem ducum, etiam ex rebus prosperis et metu hostrium, negligentia orta erat, perpetua felicitatis comes. Ea causa et damni aliquid, et aliquanto plus ignominie attulit. Quippe milites per abrupta et in via contemptim repentes, loco adjutus Samnis pepulit fuditque: multi saxis telisque obruti, aut in præcipitia deturbati, interierunt: alii quum neque receptus copia, neque pugnandi facultas esset, vivi capti sunt.

V. Hic casus ducibus ad disjungendas iterum copias incitamento fuit, quum in collegam infelicis cæpti collata culpa, se quisque, si solus fuisset, melius atque prosperius rem gesturum fuisse prædicaret. C. Junius cum suis legionibus

in Samnio mansit. P. Cornelius in Lucanos et Bruttios convertit impetum. Ibi terrorem cladesque belli populationibus agrorum et villarum incendiis circumferenti, majoris aliquanto rei tentandæ occasio nata est. In extrema Italiæ ora, qua Orientem versus et Ionium mare Lacinii promontorii cornu protenditur, Croton est, veteri fama, et tum quoque non pœnitendis opibus, incluta. Mediam iis temporibus interfluebat Æsarus, juxta quem frequentia utrinque ædificia murus duodecim millia passuum in circuitu patens ambibat. Hanc aperta obsidione cingere non ausus consul, proditione occupaturum confidebat: quod a compluribus romanæ factionis hominibus spes ei facta erat, posse urbem præsidio externo destitutam, studiis et auxilio eorum, quibus Pyrrhi dominatio gravis esse cœpisset, recipi, si copias mature muris admovisset.

VI. Sed per eosdem forte dies, sive metu hostilis in vicina exercitus, sive jam proditione, quæ plerumque tegi diu non potest, suspecta, Crotonienses præsidium a Milone acciverant: veneratque Nicomacho duce Lucanorum valida manus, quæ ignarum rei consulem, nulloque periculi metu confidentius ad mœnia suggestum, eruptione subito facta, non sine cæde vulneribusque multorum rejecit. Rufinus acceptum temeritatis detrimentum consilio correcturus, rumorem adversi certaminis ultro adauget; quoque majori percussus esse timore videatur, cœpto se desistere simulat, colligi sarcinas jubet, ut quamprimum discessurus. In urbem, ut castris tam propinquis necessum erat, cito hæc nunciantur: præter probabilem rei causam, juvatur eo quoque credulitas, quod verum hoc esse cupiebant: quum jam sponte hanc in partem inclinantibus animis, captivus quidam spe libertatis atque præmiorum inductus a consule supervenit, tanquam inter festinationem discedentium, occasione captata, custodiam effugisset.

VII. Ille *Cornelium Rufinum, quod ad Crotonis oppugna-*

tionem parum haberet roboris, Locros pergere narrat, accitum a quibusdam urbem illam prodere pollicitis. Adest paulo post et alter, qui de prioribus eadem; cæterum, jam iter ingresses esse Romanos asserit. Simul conspiciuntur eminus signa et agmen incedentium via quæ Locros ducit. Eo dolo captus Nicomachus, per compendia viarum celeriter cum suis accurrit Locros, ut eam quoque urbem defensurus. Quod ubi per occultos nuntios Rufinus cito comperit, converso itinere, Crotonem regressus, quanto consilio ac prius meliore, tanto etiam eventu feliciore usus est, diligentiamque ejus non modo securitas hostium, sed etiam fortunæ favor juvit: densa enim nebula opportune texit accedentem, priusque propemodum intra mœnia fuit victor exercitus, quam reversum Crotoniatæ didicissent. Atque hujus victoriæ per se satis magna lætitia, ut ferme neutram in partem fortuna tenet modum, aliis subinde rebus haud minus lætiis cumlata est.

VIII. Nicomachus enim, intellecto se in errorem inemendabilem incidisse, dum incertus consilii Tarentum redit, exceptus a Rufino magnam suorum partem amisit, et cum reliquis vix in tutum elapsus est, quum unam urbem defendisse non contentus, duas perdidisset. Nam et Locri successu isto animati, præsidio Pyrrhi præfectoque, quorum injurias diutius perpeti nequibant, trucidatis, ad amicitiam Romanorum se contulerunt. Rebus ad hunc modum procedentibus, non ideo in tantum ceciderant animi Samnitium cæterorumque populorum, quin super insitam perviciam, spe quoque Pyrrhi regis, et nuntiatis ejus in Sicilia successibus, ad omnia, quæ sors ferebat, perpetienda sustentarentur.

IX. Pyrrhus enim (ut hujus etiam extra Italiam gesta, quod eorum temporibus locisque, ad hæc negotiis ipsis cum romanis rebus conjunctum est, exponantur) rebus apud Syracusanos Leontinosque constitutis, circa eadem tempora cum exercitu Agrigentum profectus, in ipso adhuc itinere occurrentibus nuntiis, ejectum ex urbe præsidium punicum

acceperat, et Agrigentinos ipsi se suaque omnia dedere paratos esse. Neque promissis abfuit fides. Venienti Sosistratus, qui et Syracusas tradiderat, et urbem, et egregiæ juventutis octo peditum millia, octingentos equites adjungit, copias Epiroticis, quas Pyrrhus adduxerat, nihilo deteriores. Oppida præterea triginta, quibus imperabat Sosistratus, eodem auctore se regis arbitrio permiserunt. His ita gestis misit Syracusas, qui telorum omnis generis copiam, et machinas quarum in obsidionibus urbium usus esse posset, subveherent. Nam ad urbes punici juris oppugnandas animum adjecebat, parato jam exercitu triginta millium, præter equites mille quingentos, et, quos in Siciliam trajecerat, elephantos.

X. Prima ex his in potestatem venit Heraclea, ubi Carthaginensium præsidium fuerat: exhinc Azonas cepit; statimque sequuti fortunam Selinuntii primum, mox Halicyæi et Ægestani, deficiendo a Carthaginensium amicitia, compluribus etiam aliis in eo tractu oppidis idem audendi exemplum præbuerant. Erycinos autem, et auxiliorum numerosa manu, et munitionibus loci fidentes, summa vi expugnare statuit. Instructo igitur exercitu, armatus ipse, ad mœnia procedens, votum Herculi vovit, si dignum genere suo loque bellatorem eo die se Græcis ostendisset. Postquam signum oppugnandi datum, crebroque missilium jactu propugnatores dimoti locum admovendis muro scalis feecerunt; primus omnium rex enisus, adversus concurrentes undique hostes insigne certamen edidit; alios umbone deturbans, alios cædens gladio, magnitudine vero animi roborisque cunctos perterrefaciens. Neque magnifica tantum hæc ei pugna, sed etiam omni ex parte felix fuit: sine ullo suo vulnere, magna gloria parta, etiam urbem ipsam eodem impetu cepit, animatis non minus exemplo regis cæteris quam sollicitis periculo, et utramque ob causam summa contentione pugnantibus. Sacrificavit deinde Herculi, voti reus; ludosque varii generis magnifico apparatu per complures dies edidit.

XI. Hoc quoque anno Romæ de Lucanis atque Brutiis ante diem nonas Januarias triumphatum esse reperio : sed C. Junio triumphum illum adscribi miror, quum in his populis res Rufinus gesserit, duasque nobiles civitates receperit, quem etiam alios apud auctores triumphalem virum nominari video. Civitate ob Pyrrhi progressus haudquaquam secunda, novi quoque terrores ex prodigiis et morborum lue accesserunt. Fœdi maxime ominis habitum est, quod Jovis Capitolini signum fulmine tactum, caputque avulsum non nisi aruspicum arte curaque reperiri potuit. Graviore non jam metu, sed clade urbem affecit pestilentia, pecudes hominesque communi strage corripiens, sed præcipue gravidarum abortibus formidabilis; quum nulli propemodum jam aut partus humani, aut fœtus animalium ederentur incolumes, iraque deorum omne viventium genus interituum esse crederetur.

XII. Ea vis mali maxime insignem Q. Fabii Maximi Gurgitis alterum consulatum effecit, in quo collegam habuit C. Genucium Clepsinam. Neque tamen a bello samnitico lucanoque cessatum est; magnasque clades hostibus illatas duo certa sunt argumenta, quod eodem anno Q. Fabius de Samnitibus, Lucanis, Brutiis, triumphavit quirinalibus; quodque ii populi miserunt ad Pyrrhum literas et oratores, *actum de se, nisi subveniretur, neque vim romanam ulterius sustineri posse, extremamque necessitatem deditione prævenendam esse, testaturos*. Ea res, et quod senescentibus jam hominum studiis, aut ob injurias quasdam in contrarium versis, in Sicilia res ei duriores esse cœperant, permovit Pyrrhum, ut insula relicta copias in Italiam reportaret. Quod ejus consilium, et rerum inde sequutarum series, quo plenius nosceretur; paulo plura de rebus interim ab eo gestis referenda putavi.

XIII. Post occupatam igitur Erycem, præsidiumque loco impositum, ad Æginorum urbem profectus est, commodo

§ XI. Plin. XVI, 6, et XXXIII, 11. — Liv. Epit. XIV. — Oros. IV, 3. Aug. de Civit. Dei, II, 17. — § XII. Zonar. — Justin. — Plutarch.

ad panormitanum portum situ, et munitionibus insignem. Ibi sponte oppidanorum receptus ad ipsam Panormum castra movit, cui ab argumento portus amplissimi pulcherrimique nomen est inditum. Hac quoque per vim occupata, quum insuper locum, qui Epieircte vocatur, inter Panormum et Erycem in monte amœno, sed arduis accessibus, situm cepisset, universa jam provincia Carthaginiensium potiebatur, excepto Lilybæo. Hanc autem urbem non ita pridem Pœni condiderant, ut Motyensibus ea sedes foret, quorum oppidum Dionysius tyrannus bello carthaginiensi diruerat. Quum igitur ex omni, quod in Sicilia habuerant, imperio spes suas unum istum in locum conclusas viderent Pœni, apparatus ad obsidionem a Pyrrho fieri sentientes, majoribus eam viribus defendere decreverunt.

XIV. Introducto igitur non spernendo robore militum, comœtuque copioso, ad hæc magna vi machinarum ac telorum (cujus rei facultas ipsis ampla erat, quod in potestate mare haberent) ad oppidum undique permuniendum magna cura se contulerunt. Præcipue, qua terra patebat aditus, crebræ turres excitatæ sunt, lataque fossa facta: celerius opere procedente, quod majore sui parte structum in cautibus marinis oppidum, toto illo spatio manu facta munimenta nulla desiderabat. Missis interea legatis, quanquam ad bellum magnos apparatus fecerant, magnasque copias, quum aliunde, tum etiam ex Italia, mercede conduxerant; *si pax æquis conditionibus impetrari posset, pecuniam et classem pollicebantur.* Pecuniæ mentionem non admisit Pyrrhus, urbes quas occupaverat retinere cupiens; de Lilybæo tamen concessurus videbatur. Sed amici regis, civitatumque Sicularum principes, *metu Carthaginiensium vacaturam esse insulam* negantes, *donec illi tantum valentes classibus Lilybæum, tanquam scalas quasdam ad exscensionem faciendam paratas tenerent;* perpulerunt ut unam esse responderet amicitie conditionem, *si universa Sicilia cedentes, utriusque imperii terminum esse mare paterentur.*

XV. Ita spe pacis discussa, protinus ad urbem signa movit; neque procul muris castra metatus, manipulis ita dispositis, ut defessi a recentibus per vices exciperentur, oppugnationem orsus est. Sed Lilybætani, quum et numero propugnatorum, et machinarum apparatu juvarentur, locum tenuerunt. Tantam enim catapultarum scorpionumque vim Carthaginenses invexerant, ut murorum ambitus capiendis omnibus minime sufficeret. Quum igitur cujusque generis missilium velut imber quidam in regios spargeretur, multique passim caderent aut sauciarentur, inceptum omiserunt. Machinas deinde et ipse fabricare instituit, præter eas, quæ Syracusis advehebantur: et effossis subter humum cuniculis, omnes obsidionum tentavit artes. Quum autem animose resistentibus Pœnis toto fere bimestri nequidquam se fatigasset, videretque, donec apertus a mari obsessis aditus exitusque foret, expugnari Lilybæum non posse: obsidione soluta aliam in partem convertit impetum.

XVI. Quippe adversus Mamertinos freti accolæ Græcæ quædam civitates fidem regis implorabant, super alias graves et crebras injurias etiam tributum pendere coactæ. Pyrrhus igitur exercitu prope ducto, quum iis in locis quosdam Mamertinorum ad exigenda vectigalia missos comprehendisset, necavissetque, prælio cum occurrentibus facto discessit superior; ac multa eorum præsidia expugnavit diruitque. Et hactenus quidem rebus præclarissime gestis, eximiam sibi potentiam gloriamque rex paraverat; præter alias virtutes etiam eximia humanitate amorem singulorum, studia civitatum, non adeptus magis, quam meritis. Sed felicitatem tantam, et quam existimare fundatissimam potuisses, momento fere dissipatam, præter levitatem ingeniorum, quæ istis populis nunquam defuit, et amicorum intemperiem, ipsius maxime regis culpa traditur: qui adversis egregius, secundis rebus, ut inter has ferme inferiores humanæ mentes sunt, in superbiam efferebatur.

XVII. Quum igitur, ut ante diximus, ad efficienda cœpta classem sibi necessariam esse duceret, naves autem haberet multas, sed parum instructas a sociis navalibus; remigibus acerbe conquirendis valde offendit civitates: repente mutatus, et ex priori lenitate ad superba imperia, minasque, et postremo supplicia, præceps. Sed hæc tamen, quia communis boni specie tegebantur, utcunque tolerabant: postquam autem eos ipsos, quorum beneficio maxime Siciliam obtinuerat, interimi videre; non paulatim, neque mora interposita, sed subito aversis animis, multi populi ab ejus amicitia desciscentes, ut cuique opportunum erat, alii Pœnis, alii Mamertinis se applicaverunt. Adeo nimirum crudelitas, etiam quum sola est, semper gravis, penitus fit intolerabilis, postquam adversus bene meritos exercita, propriis odiis etiam ingrati perfidique animi detestationem adjunxit.

XVIII. Hanc autem in necessitatem vi cuncta tractandi se maxime videtur induxisse, dum pravis suorum cupiditatibus consiliisque nimis obsequitur: his enim opes, amicis aut necessariis Agathoclis ademptas, dono dabat, nihilo quam fuerant illi melioribus: magistratus urbium præcipuos satellitibus aut centurionibus suis committebat, neque ex institutis aut moribus civitatum, neque in legitimum tempus, sed quomodo et quoad ipsi placuisset. Lites atque controversias publicorumque negotiorum administrationem omnem ad se traxerat, pleraque familiaribus committens, quos habebat avaritia luxuriaque detestabiles, qui cogendis per flagitium perdendisque pecuniis pariter intenti, dum libidini suæ satisfacerent, jus injuriamque in promiscuo habebant. Irritatis ob hæc animis, *missare primum homines, mox palam queri: cur igitur prioris status pœnituisset, si nunc etiam toleranda eadem forent? frustra vocatum receptumque Pyrrhum, si studeat æmulari mores, quos puniturus advenisset: neque acriorem ullius injuriæ sensum esse, quam cuius auctor haberetur idem ille, qui vindex esse debuisset.*

XIX. Jamque multi haud obscure studium novarum re-

rum præ se ferebant; quum ille ad pessima consiliorum conversus, augere causas offensionum, quam tollere, maluit: quasi, quod per injustitiam peccatum fuerat, emendari sævitia posset. Interea Carthaginienses, animadverso regem propriis viribus haud sane validum, quotidie minore apud Siculos affectu haberi, erecti in spem recuperandæ provinciæ, novum exercitum miserant: passimque transfugientibus, qui Pyrrhi sævitiam metuebant, negotium Epirotis magnum exhibebant. Pyrrhus per causam punici belli, præsiidiis in urbes introductis, splendidissimum quemque falso prodicionis crimine oneratos necare instituit: his de medio sublatis, multitudinem facilius in officio mansuram esse ratus. Postremo Thœnionem et Sosistratum corripit, totius insulæ longe principes, quorum præcipuis studiis imperio Siciliae potitum fuisse ostendimus. Sed Thœnio quidem interfectus est: Sosistratus ad hostes effugit, non minus auctoritatis opisque collaturus ad ejiciendum Sicilia regem, quam ad imponendum confirmandumque contulerat.

XX. Tum igitur certatim plerisque ad Carthaginienses deficientibus urbibus, nonnullis ad Mamertinos; res Epirotarum ex florentissimis angustæ malæque redigi cœperunt. In hoc statu rerum non ingrata regi sociorum italicorum legatio venit: quæ, *cæteris omnibus amissis, vix paucas urbes hostem ægre a mœnibus submovere*, quæstæ, honestum discedere cupienti prætextum præbuit, ut partibus laborantibus auxilio futurus, non ejectus a Carthaginiensibus, in Italiam reverti voluisse videretur. Abiturus, quum opes insulæ situmque, et hominum animos secreta cogitatione expenderet, dixisse fertur: « O amici, qualem Romanis atque Carthaginiensibus palæstram relinquimus! » Haud vano præsagio: quod paulo post longa inter hos bella, tot utrinque submersæ classes, tot acies cæsæ, satis superque impleverunt. Cæterum hostium animis cum fortuna crescentibus, neque tutus ex Sicilia discessus Pyrrho, neque in Italiam appellenti tranquillum ad Tarentinos iter fuit.

XXI In quo iveri temporibus advenit Carthaginienses, quibus Epurata nulla ferre necessitatem totius circumstantia. summis exercitibusque paves esse non possent. septuaginta naves impetuerunt. ceteris remanebant invidias. Ita cum Oligochis hostibus ex auctoritate puerum in Arimam obliget. qui ad istam rem non equaliter occidit. et ad hoc ad hoc magis. intercessionem adhibere. magisque nulloque circumstantia fuerat. Sed utriusque valeret quibus nullum ex auctoritate puerum inveniunt. puerum in Arimam obliget. ut Regi suum: impetu expugnandi spem contempseret. Sed repressus a Campanis. Regem non contempsit. sed in periculum hanc circumstantiam incidit. Quam cum per loca circa et variis impedita duceret. ceteri ex variis hostes turbaverunt. notissimum agrum. multasque vias cum duabus elephantis peremerunt.

XXII Erat neque genere bellicorum, neque numero spernenda manus. Decem hominum milia hominum in armis exercitatorum. Mammerti paterque: in enim Rheginorum auctoritate et cogitatione comisi. inducto Pyrrham in Italiam reverti constituisse. fretum priores transgesserant, et spe prae in opportunis ad scilicet irruptionem locis considerant. In eo certamine quam pro solita audacia Pyrrhus ante prima signa pugnaret, in capite vulnus accepit. Ad quod obligandum quam ex acie paulisper recessisset, quidam hostium magnitudine corporis et armorum cultu conspicuus longe ante alios procurrans increpavit cum elata voce, jussitque *prodire, si viveret*. Ibi Pyrrhus ardens ira, visuque et manante per faciem cruore terribilis, impetum in provocatorem, frustra retinentibus suis, vertit: occupatumque illata in caput plaga prosternit. Memoriae proditum est, eam gladii temperiem, eamque vim ferientis fuisse, ut infimum ad corpus vulnere continuato, partibus utriusque dilabentibus, medium hominem eodem ictu dissecaret. Eius spectaculi foeda novitate percussi hostes, et ut majorem communi hominum sorte virum reveriti, pugnam omiserunt.

XXIII. Pyrrhus hac molestia solutus, non ideo lætior agebat. Quod enim pars impedimentorum isto prælio amissa erat, et opes ex Siciliæ spoliis partas prioris cum Pæno pugnae casus interceperat; in magna rei nummariæ difficultate, quum, poscentibus stipendia militibus, non esset unde præberentur, dicatos Proserpinæ thesauros spoliare coactus est. Fanum illud apud Locrenses opinione sanctitatis celeberrimum iis temporibus fuit: quam civitatem quum Pyrrhus animatis præsentia sua regiæ factionis hominibus recepisset, multa in Locrenses fœda facinora edidit, cupidius et latius, quam interfecti præsidii postulasset ultio, cædibus et rapinis in miseros grassatus. Postquam autem nihil supererat, quod conferre homines vellent possentve, manus ad sacram pecuniam extendere cœpit, pessimis amicorum, qui plerumque nocentissimi cujusque consilii auctores fuerant, cupiditatem ejus inflammantibus.

XXIV. Erant autem hi Evogoras Theodori filius, Balacerque Nicanthro, et Dinarchus Nicia genitus. Ii non suasores modo fuerunt Pyrrho, necessitati omnia cedere prædicantes; sed ministerium quoque suum sacrilegio præbuerunt: ingenti pondere auri, quod multos per annos subterraneis in specubus asservatum fuerat, eruto. Lætus ille, *religione intempestiva nihil ineptius, opesque paratas non accipere dementis esse*, dictitans, impositam navibus prædam Tarentum avehi jussit: ipse terra est profectus. Cæterum facinus ei suum non turpius cœpto, quam infelicius eventu fuit. Subita tempestas adorta classem, ventis sub noctem mutantibus, qui ferentes hactenus fuerant, naves in tenebris circumactas partim in fretum expulit. Sed quæ sacram pecuniam vehebant, quassatæ laceratæque undis irrumpentibus, cum ipsis hominibus interierunt: pecuniam autem reliquis ex naufragio tabulis hærentem, postridie quam exportata fuerat, in vicina fano litora fluctus retulerunt.

XXV. Re intellecta, thesaurum omnem diligenter conqui-

§ XXIII. Liv. XXIX, 18. — Appian. — § XXIV. Dio et Dionys. ap. Vales. — Suidas in ἄβυσσος. — Appian. — Diod. — Liv. VII, 3.

ret Curius, respondente nullo, vocabula tribuum omnium in urnam conjici, quumque Pollia tribus exiisset, quod ex ea nomen primum sorte eductum erat, citari jussit. Tacere perseverantis bona primum, deinde quum graviter de consulis injuria questus tribunos appellasset, ipsum quoque vendidit: *nihil opus esse reipublicæ eo cive, qui nesciret parere*, præfatus: neque tribuni auxilio fuerunt; et postea quoque salubris exempli judicata res in consuetudinem transiit: ut delectu rite acto, qui miles factus non esset, in servitutum venderetur. Hoc terrore cæteri adacti ad nomina promptius danda: conscriptisque legionibus, quæ decretæ erant, in hosticum ambo consules moverunt: Lentulus in Lucaniam irruit; Samnitas adortus est Curius. Excitus ad ejus rei famam Pyrrhus, lustrato Tarenti exercitu suo, peditum ferme viginti millia, tria equitum recensuit.

XXVIII. Cum his, et delecta Tarentinorum juventute, Samnium ingressus, Samnitas dicto minus audientes habuit; tardiusque ad eum auxilia et infrequentius venere, animis non ob cladium modo magnitudinem fessis, sed etiam exulceratis, eo quod istarum causam Pyrrho imputabant, tam tristia non passuri, nisi proditis discessu suo italicis sociis, expeditionem siculam ille suscepisset. Verumtamen sic quoque magnis instructus copiis, partem earum in Lucaniam, ad distinendum alterum consulem misit; ipse Man. Curium oppugnare aggressus est, facilem sibi reliquam victoriam fore ratus, si hunc superavisset. Romanus autem, gnarus phalangi Macedoniæ, si explicari possit, nullam aciem parem esse, locis impeditis se tuebatur: et quoniam ex Lucania ventura sperabat auxilia, simul etiam auspicia et exta parum læta erant, copiam pugnandi minime faciebat.

XXIX. Tanto vehementius cupiebat confligere Pyrrhus, priusquam duo consulares exercitus conjungerentur. Igitur assumptis ex omni exercitu promptissimis quibusque, præter aliquot elephantos, noctu, quo falleret hostem, ad castra

§ XXVII. Valer. Maxim. VI, 3, 4. — Liv. Epit. XIV. — Cic. pro A. Cæc. esp. 34. — Plutarch. in Pyrrh. c. 54. — § XXVIII. Frontin. Strat. II, 2.

et amissionem statim arcedere. Dum autem ad iter et oppugnationem futuram omnia apparantur, quae in summum apertis maxime sua Germani partem excedere, et ex ore eruptionem stragere singularem imaginatus est. Eo visu perterritus, abstinere se ad tempus rebus gerendis decreverat: sed animus necessitatis, ne occasionem forte non restitueram ei se poterat, signum ad perfidendum dari jussit. *Certa* Maleventum urbem, hanc etiam tum actum nomine erat, *montana* et *silvestra* loca sunt: quae deinde postquam in quoribus castris demissa, posterius in praesentem hanc partem desinuit, quae *Tarantula* vulgi appellatur. Itaque Pyrrhus ex insperatis hostis per se, electos coeles et saltes instituto itinere, quum castra ceterissent, erroribus et ignorantia locorum tardatus, hae jam orta ex castris romanis conspici coepit.

XXX. Commotis ingenato hostis adventu animis, quia tamen dubium haberi non poterat, quin pugnandum foret, extaque victimarum laetiora fuerant, consul celeriter ex castris progressus, primos quosque hostium divulsos a suis et incompositos adortur, pellitque. Hi in suos incurrentes totum agmen turbavere: casusque est militum haud exiguus numerus, et nonnulli elephantum a suis relictos venerunt in potestatem victoris. Hic successus animavit Curium, ut insistendum fortunae putaret, et cum universis copiis ad pugnam instructis paratisque in campum se demitteret. Neque Epienses moram fecere. Concursum est utrinque ferociter, sed quod priore certamine Romanus superior fuerat, plus etiam in praesens animorum atque spei attulerat. Cedentibus Epirotis, iterum a belluis subsidium petiit Pyrrhus, alteroque suo cornu fugiente, vicissim in altero Romanos ad praesidia sua pedem referre coegit.

XXXI. Firmam ibi stationem iturus in pugnam consul constituerat: hanc igitur recentibus viribus excipere praedium, et elephantos amoliri jubet. Adversus haec animantia promptam atque facilem opem usus monstraverat, ignique magis quam ferro averti posse superiores docuerant pugnae. Parati

igitur erant malleoli, stupa et pice multa obducti, quos incensos ardentisque in terga et turrets belluarum jaculabantur : ii, sive cuti elephantorum, sive ligno turrium insedisent, uncis præacutis infixi hærebant. Quum igitur hi, et una varii generis missilia ex superiore loco confertim jacerentur, elephantum partim terrore flammæ, partim dolore vulnerum in furorem acti, quum amplius a magistris regi nequirent, in suorum aciem retrocesserunt, omnia, quo impetum verterant, trepidatione et clade miscentes. Narrant initium stragis ab elephanto pullo ortum, qui telo ictus in capite, quum stridorem querulum edidisset, matrem primum ad notam vocem exsilientem, deinde hac etiam tumultum augente, cæteras belluas omnes turbaverit averteritque.

XXXII. Magna ea pugna et numero cæsorum, et victoriæ fructu fuit. Tum enim debellatum est cum Pyrrho, neque cæteri deinceps Itali diu, neque post Italiam, aliæ nationes regesque restiterunt. Triplo majorem ea pugna numerum in regniis partibus dimicasse tradunt. Octoginta enim perditum, sex equitum millia fuisse; ex his qui plurimum, sex et triginta millia; qui minimum, sex et viginti cæsa memorant: captos mille trecentos, cum elephantis octo. Pyrrhus cum paucis equitibus Tarentum effugit. Capta ejus castra admirationi fuisse dicuntur, et in posterum usui. Antiquitus enim et Romani et alii populi castra passim per corpora cohortium constituere, mapaliorum in morem, solebant: primus totum exercitum Pyrrhus dimensis rite spatiis sub eodem vallo continuisse fertur: atque illo exemplo adjutos Romanos, additis, quæ ex usu viderentur, ad metationem castrorum, quam sequentibus temporibus perfectissimam habuere, pervenisse.

XXXIII. Hic annus republica belli præclare feliciterque gesta, domesticis quoque rebus, et notabili severitate disciplinæ urbanæ illustris fuit. Q. Fabricius Luscinus, Q. Æmilius Papus, concordem censuram exercuerunt. Multis

§ XXXI. Oros. IV, 2. — Plut. — Flor. I, 18. — Zonaras. — § XXXII. Dionys. apud Vales. — Eutrop. lib. II. — Front. Strat. IV, 1.

equi publici adempti sunt; quidam etiam in senatu legendo præteriti. Sed maxime insignis ad memoriam P. Cornelii Rufini nota fuit. Bis consul et dictator fuerat, rebusque magnis bello gestis triumphaverat. Hunc igitur senatu moverunt censores, causamque isti animadversioni subscripserunt, *quod eum comperissent argenti facti cænæ gratia pondo decem habere*. Isque casus non hominis modo, sed familiæ ad longum deinde tempus fuit: nec ante Sullam dictatorem, quisquam ex ea summis honoribus usus est. Tanta temporibus istis parsimonia, tantusque in eadem civitate postea luxus fuit, ut quæ supellex apud posteros contemptissimæ vilitatis argumentum futura erat, eadem a prioribus pro intolerabili luxuria damnaretur. Censu perfecto lustrum conditum est: censa civium capita ducenta septuaginta unum millia, ducenta, viginti quatuor.

XXXIV. In exitu anni consul uterque triumphantes Capitolium invecti sunt. Prior Curius: cujus et triumphus cum fama rerum, et lætitia successus, tum etiam splendore pompæ illustrior fuit. Nam ad eam diem ex vicinis et pauperibus populis in apparatu triumphi nihil ferme nisi arma fracta, aut carpenta gallica; in præda, nisi greges et armenta ducta fuerant; tum vero et varietate gentium, quarum captivi ante currum ducebantur, et spoliolorum pulchritudine ac magnificentia, celebris species fuit: quum Epirotæ, Thessali, Macedones, Apuli, Lucani, Bruttii, vincti ante currum agerentur: præferrentur autem tabulæ pictæ, signa nobilium artificum, aurum, purpura, cæteræque transmarinæ elegantiae, et Tarentini luxus instrumenta. Sed præcipui miraculi gaudiique spectaculum elephanti fuere. Cum ipsis turribus suis quatuor (nam reliqui ex vulneribus interierant) tum primum Romæ visi sunt: vulgus a nomine animalis, quod hactenus maximum noverat, et loci, ubi primum conspexerat, *boves Lucas* vocitabat.

XXXV. Alterius consulis paucos post dies obscurior trium-

§ XXXIII. Zonar. — Liv. Epit. XIV. — Agell. IV, 8. — Phutarch. Sulla, I. — Val. Max. II, 9, 4. — Fasti Capitol. — § XXXIV. Flor. I, 18. — Senec. de brev. vitæ, cap. 13. — Eutrop. — Plinius, VIII, 6.

phus fuit. Neque tamen illi pœnitendæ res fuerunt. Samnites et Lucanos vicerat; oppida multa ceperat, sed comparatione curianæ gloriæ, horum splendor æstimatioque decrescebat. Inter eos, qui virtutis ergo donati sunt, Ser. Cornelio Merendæ auream coronam ex præda dedit, ob samniticum quoddam oppidum ejus maxime opera captum. Romanis ad hunc modum victoriæ suæ lætitia fruentibus, longe dispar animorum habitus apud hostes erat. Ii jam olim imperio Pyrrhi minime læti, post infelicem pugnam, animis timore atque indignatione plenis, nihil quietum agitabant. Rex ipse dudum romani belli pertæsus, et nunc desperata penitus victoria, nihil nisi rationem tutius honestiusque discedendi meditabatur. Sed dissimulato interea consilio, hortabatur socios, *ne ob unum adversum prælium conciderent animis: non plus eos cladis postrema hac pugna accepisse, quam prima intulissent: neque ideo Romanos ad pacem etiam bonis conditionibus permoveri potuisse. Horum constantiam si ipsi quoque æmularentur, seque fortunæ vertenti servarent, omnia commodius habitura; superesse vires ad hæc diuturno bello suffecturas. In Græcia multos potentes amicos se habere, a quibus certa auxilia exspectare possit.*

XXXVI. Neque hæc incredibiliter fingebantur: quum et antea, præsertim a Ptolemæo, qui Macedoniæ tum præerat, luculenter adjutus fuisset: et in magna existimatione apud Græcos barbarosque esset; aliisque beneficiorum memoria, aliis metu devinctis, ab Ætolorum gente temporibus istis potentissima, ipsisque Macedonibus, præterea Illyriorum regulis coleretur. Cæterum hæc ita jactabat, magis ut desciscere parantes socios in fide retineret, donec aperto ad navigandum mari regnum repetere posset; quam quod aut bellum in Italia continuare vellet, aut magnam spem in transmarinis auxiliis haberet. Dimissis tamen circum Asiæ Macedoniæque reges legatis, ab aliis pecuniam, ab aliis auxilia, ab Antigono, qui Macedoniam tenebat, utrumque postulabat. Hac spe utcunque retenta sociorum voluntate,

quum interea dissimulanter omnia paravisset ad discessum, legati cum litteris ab Antigono redierunt. Convocatis igitur suorum Italorumque principibus, non quidem quas acceperat litteras recitavit, sed fictitias alias, quibus paulo post ab Antigono auxilia magna affutura esse continebatur.

XXXVII. Hoc astu non sociis modo delusis, sed etiam Romanis, qui propinquo loco præsidium agitabant; consecuta nocte citra ullum impedimentum vela fecit, Ceraunosque montes (Epiri id promontorium est) tenuit. Sed quo minori turpitudine deseruisse bellum videretur, fidesque hominibus fieret, perfectis quibus evocatus esset rebus reversurum, Milonem ad custodiam arcis Tarentinæ reliquit; eique, ut non modo spe præmiorum, sed etiam paris exitii metu in fide maneret, sellam dedit, cujus lora erant ex Niciæ pelle, quem compertis in caput suum insidiis occiderat. Huic igitur addito præsidio militum, cum cæteris copiis, octo peditum millia, quingenti equites erant, sexto quam exiverat anno, patrium in regnum reversus est. Interea Romæ quum comitia centuriata haberentur, Pyrrhusque bellum instauraturus putaretur, M. Curium refici consulem placuit; quod unus ille adversus regem optime gesta re, ad reliqua quoque belli plus auctoritatis et fortunæ allaturus videretur. Ex patriciis Ser. Cornelius Merenda factus est, eum quoque provehente recenti gloria, et commendatione gentilis sui, sub quo priore anno militaverat.

XXXVIII. His consulibus in Lucanos, Samnitesque et Bruttios conversa belli moles est; qui cum locis potius quam armis se defenderent, nihil rei ad reliquarum exemplum memorabilis geri potuit. Neque tamen imminuta inde Curii gloria est, sic quoque judicantibus omnibus, regem acerrimum, non modo cladem acceptam, sed etiam ducem adversus se denuo venturum Curium, exhorruisse. Confecti itaque belli hujus, fugatique ex Italia Pyrrhi penes illum laus atque fama permansit. Anno, qui tertium Curii consu-

§ XXXVI. Dio apud Vales. — Pausan. l. I. — Just. XXIII, 2. — Polyæn. Strat. VI, 6. — § XXXVII. Zonar. — Plut. in Pyrrh. c. 59.

latum sequutus est, primum ab alexandrinis regibus legati cum muneribus Romam venerunt; in C. Fabii Dorsonis; C. Claudii Caninæ magistratu. Ptolemæus cognomento Philadelphus, audita Pyrrhi fuga, gratulatum misit, petitumque, *ut populi romani socius et amicus haberetur*. Lætum id honorificumque patribus visum, quod amicitia romana ultro a tam potentibus tamque longinquis regibus ambiretur. Igitur comiter acceptis habitisque legatis, societatem cum Ptolemæo jungi placuit: simul delecti ex illustribus, qui confirmandæ ejus, reddendique officii gratia legatione ad regem fungerentur, Q. Fabius Gurges ex consularibus, et cum eo C. et Numerius Fabii Pictores, Quintusque Ogulnius.

XXXIX. His profectis, adversus italicos populos, qui arma adhuc necessitate et desperatione retinebant, a consulibus feliciter dimicatum est. Majores alterius res fuisse visas, triumphus C. Claudii Caninæ argumento est, quem de Lucanis, Samnitibus, Bruttis in magistratu suo duxit Quirinalibus. Sed rerum foris prosperarum lætitiâ nonnihil turbavit Sextilia, quæ Vestalis virgo quum esset, incesti comperta, temeratis religionibus, infensos civitati deos effecisse credebatur. Sed piaculis et sacris placata deum ira, sacerdosque verso in noxium caput supplicio, ad portam Collinam viva defossa est. Iisdem consulibus coloniæ deductæ sunt, Cossa in Volscientibus, et in Lucania Pæstum, quæ Græcis Posidonia vocatur. Eam Lucani Sybaritis ademant: ab his recens in ditionem populi romani pervenerat. Illustrior anni sequentis memoria est, qui finem belli non adversum Samnitas modo cæterosque, sed etiam cum Tarentinis attulit.

XL. L. Papirius Cursor, Sp. Carvilius secundum consules, Samnites Bruttiosque et lucanum cum tarentino populo provincias nacti, expectationem hominum (nam in spem hoc anno finiendi belli par istud consulum studiose delectum

§ XXXVIII. Liv. Epit. XIV. — Eutr. lib. II. — Zon. — Euseb. II, 1729. — Dio apud Urs. — Val. Max. IV, 3, 9. — § XXXIX. Marm. Capitol. — Liv. Epit. XIV. — Oros. IV, 2. — Vell. I, 14. — Plin. III, 5. — Strab. I. V.

fuerat) consiliis factisque magnificis expleverunt. Et Samnites quidem a Carvilio perdomiti, primum atque septuagesimum post annum, quam decertari cœperat, meliori quam antea fide condiciones pacis a Romanis impositas accepere. L. Papirius Bruttios et Lucanos magnis cladibus subactos ad pacem petendam compulit. Ut tamen in uno multorum finitimorum populorum bello, terminis quoque regionum ipsarum permixtis, etiam Papirio cum Samnitibus, Carvilio cum Bruttiis Lucanisque, et utrique cum Tarentinis res fuit. Nec enim modo copiæ Tarentinorum fusæ fugatæque; sed ipsa quoque civitas in fidem accepta est. Quod negotium, quia præter victoriam ex nobilissima urbe, Pyrrhi regis mortem, Carthaginensium calliditatem, et prima æmulationum inter Pœnos Romanosque initia continet, paulo accuratius explicandum est.

XLI. Pyrrhus ante biennium ex Italia sic abnavigaverat, ut, relicto in urbe tarentina præsidio, spem reditus sui faceret. Ea paulo post novo regis istius in Macedonia successu non parum aucta, Italorum animos adversus præsentia damna sustentaverat. Vir enim ardentis animi quum diu quiescere non posset, Antigono, quod in Italia belligerantem nullis auxiliis juvisset, bellum intulerat, eumque prælio victum universo prope regno ejecerat. Unde Romanis quoque continuus per ea tempora metus fuit, ne auctioribus copiis regressus in Italiam, majus priore bellum excitaret. Sed inopinata mors regis spes metusque omnium subito incidit atque sustulit. Pyrrhus enim, ut erat potentiæ in immensum augendæ insatiabiliter appetens, per causam reducendi in regnum Spartæ Cleonymi, qui cum Areo dissidebat, Peloponnesum ingressus, ad illam etiam occupandam adjecit animum. Et Lacedæmonios quidem, licet urbe frustra oppugnata, magnis affectit incommodis.

XLII. Sed Argis interea, quum adversæ factiones duæ essent, principes earum Aristippus Antigonom, Aristias Pyr-

§ XL. Liv. XXIV, 9; id. XXXI, 31; ejusdem Epit. — Zonaras. — Pausan. lib. I. — Plutarch. in Pyrrh. cap. 57. — § XLI. Pausan. — Plutarch.

rum, ad opprimendos inimicos advocat; nam et Antigonus, contra communem hostem Laconibus auxilio futurus, in Peloponnesum venerat. Ita diversis portis, sub eandem noctem, utriusque regis copiæ in argivam urbem recipiuntur. Pyrrhus cognito urgeri suos, urbem et ipse ingressus, quum die jam oriente lupum et taurum ex ære, certantium inter se habitu, vidisset, imminenti fati indicio exhorruit. Oraculum enim erat vetus, fatalem Æacidæ locum fore, ubi taurum cum lupo dimicantem spectavisset. Igitur retrahere copias, et ex urbe recedere cogitabat. Sed occurrentes cum Heleno Pyrrhi filio subsidiarii milites elephantique, clausuram exitum: hisque in urbem irrumpere, illis exire nitentibus, quum hostes etiam acriter insisterent cedenti turbæ, et in angustis viarum spatiis Argivi, Macedones, Epirotæ, quique cum Areo venerant Spartani Cretesque, ad hæc elephantum quidam truderent inter se truderenturque; omnia trepidatione et tumultu miscebantur.

XLIII. Dum inter hæc Pyrrhus ubique consiliis, clamoribus, manu, servare suos, arcere hostes satagit; a juvene quodam Argivo lancea leviter vulneratus est. Matrem hic habebat anum pauperulam, quæ cum aliis mulieribus ex tecto domus prælium spectans, quum Pyrrhum in auctorem vulneris sui toto impetu ferri videret, periculo filii attonita, protinus tegulam corripuit, ac utraque manu libratam in caput regis demisit. Tam inhonorus et miserabilis exitus Pyrrho fuit, quo majorem animi robore, solertia consiliorum, scientia rei militaris, multisque præterea corporis ingeniique bonis, ætas illa non tulit. Sed fructum laboris operumque suorum, et ornamenta virtutum, ambitione corrumpit, felicior futurus, si suis rebus contentus; potentissimus autem omnium, si quam in quærendis opibus industrius fuit, tam in retinendis circumspectus esse potuisset.

XLIV. Hæc igitur postquam in Italia sunt audita, pro variis hominum studiis, lætitia luctuve civitates affecere.

§ XLIII. Strabo, lib. VIII. — Ovid. in Ibin. — Dionys. ap. Vales. — Justin. XXV, 4 et 5.

Sed alii multum populi, qui sine spoliis erant, pacem amicitiamque Romanorum, quibus poterant committuntibus, retinebant, ne suis consiliis noceret, præsidiumque Episcopatum et prætoris arces Milio retinuit. Inter quas res gentiliam ex ætioribus in urbis arce contumelias in apertas inimicitias processerat, atque maximis in difficultatibus consistit. Tarentum primum extra mœnia Romanos hostes, in his Episcopas facientes missis legatis auxilium a Carthaginiensibus petierunt. Prætor, qui Siciliæ magnam partem tenebant, et maritima Italia loca sub, primum Romanis, accedere malebat, specie ad ejunctum Milonem, ceterum si Tarento poterant, etiam adversos Romanos tutari, cum instructa classe prompte accurrerunt. Quam inter hæc etiam L. Papirius consul, advenisset, undique classa Tarentus erat, Romanis a terra urbem simul arceque, Prætoris eandem arcem a mari obsidentibus.

XLV. In hoc statu rerum, quæ haud minor Romano cura esset, ne Carthaginienses arcem caperent, quam ne a se non caperetur, omnes victoriae rationes subtiliter indagans, Milonem per idoneos internuntios tentat, si Tarentum ejus opera obtinisset, ipsum popularesque cum rebus suis incolumes dimissurum esse, pollicitus. Milo nihil ex presentibus vivens potius, cum Tarentinis agit, ut junctis consiliis de communi salute deliberarent: sensimque persuadet, ut se legatum ad L. Papirium mitterent, de conditionibus ex omnium utilitate ferendis diligenter acturum. Ut homines tædio curarum periculorumque fessi libenter assensi sunt, ad consulem identidem profectus, quocum fallaciam istam composuerat, luculentas plerumque conditiones, et spem non poenitendæ pacis certam referebat. Ea credulitas, si quid in animis Tarentinorum diligentiae ac curæ superfuerat, securitate fiduciaque resolvit, occasionemque Miloni præbuit, qua non arx modo, sed etiam urbs ipsa Romanis traderetur.

XLVI. Carthaginienses hoc eventu minime læti, sed amicos Romanorum se ferentes, neque aliam ob causam, quam

ad expellendum Milonem venisse, discesserunt. Auctores habeo, Pœnos a Romanis monitos, *si tarentinæ rei se immiscerent, contra fœdera facturos videri*, non modo denuntiationem hanc insuper habuisse, verum etiam in acie tarentina contra Romanos auxilia punica stetisse : qua ex offensa maxime bellum, quod adversum Carthaginienses in Sicilia gestum est, eruperit : quanquam Pœni perjurio culpam tegere volentes, *nihil ab se dolo malo factum esse*, juravissent. Ego sicut non abnuerim, vel inter ipsos duces tale quid agi potuisse, dum Romanus Pœni præsentiam ægre patitur, Pœnus instituto suo quam potest causam prætextit ; vel populos ipsos publice isthæc disputavisse : ita veriores belli mox exorti causas alias fuisse existimo ; quod neque statim bellatum est, et postea natum in Sicilia bellum, ob Mamertinos præcipue, manentibus adhuc punicis fœderibus, exarsit. Aucto ad hunc modum imperio, redeuntes Romam consules a gratulantibus excepti, magno omnium favore, magnaque sua gloria triumpharunt.

XLVII. Inter hæc Q. Fabius Gurges et cæteri, qui missi Alexandriam fuerant, in senatu legationem renuntiarunt : *Omni se genere hospitalitatis ac benevolentia acceptos habitosque ; munera venientibus magnifica missa ; majora etiam data discedentibus. Sed priora quidem illa modeste recusari, magis ex dignitate abstinentiaque romana visum esse : cætera, quæ omnino recipienda fuissent, a se priusquam aliarum rerum quidquam agerent, in ærarium populi romani delata esse. Sed et Alexandriæ, quum ad solennes epulas invitatis, more apud reges usitato, coronæ aureæ missæ essent, eas ominis causa acceptas, noctu statuis regis imposuisse.* Senatus et successu legationis, et gravitate legatorum mire lætus, gratiis actis, *quod sua continentia mores romanos externis quoque nationibus venerabiles reddidissent*, restitui munera, quæ in ærarium detulerant, præcepit. Continuo populus, *ita demum rempublicam optime gestum iri*, dictitans, *si ditescendi ex*

publicis negotiis infame studium tolleretur, idem scivit : quæstoribusque pecuniam eam, uti jussi erant, prompte restituentibus, digni hoc abstinentiæ fructu homines, pari gloria et recusarunt ægyptias opes, et receperunt. Q. Fabium, qui caput legationis ejus fuerat, hoc quoque nomine prælatum tot egregiis viris existimo, ut a censoribus M. Curio, L. Papirio princeps senatus legeretur : quum nobilitate domus, et paternis meritis, simul consulatibus duobus totidemque triumphis, nulli jam honori impar videretur.

XLVIII. Iisdem consulibus M. Curius censor Anienis amnis aquam in urbem ducendam locavit, ex manubiis hostium. Ex quibus adeo privatim ditari noluit, ut aliquando, quum a malevolis intersersæ pecuniæ argueretur, gutto ligneo, quo ad sacrificia uti consueverat, in medium pro-lato, juraverit, *se nihil præterea de præda hostili suam in domum intulisse*. Vir profecto tum rerum gestarum magnitudine, tum etiam aliarum virtutum illustribus experimentis meritis, ut quædam ejus insigniora dicta factaque modico excursu annotentur. Neque vero indignum, aut historiæ condendæ officio alienum judico ea referri, per quæ homines in republica versaturi, haud sane minus quam consiliis operibusque militaribus, ad felicitatem ex virtute petendam instruantur. Bello sabino quum tantum prædæ fuisset, ut tum primum Romanos gustum divitiarum cepisse scriptor historiæ Fabius autemet, Curius nihil ex tam opulenta victoria, præter conscientiam famamque, sibi vindicans, in pristina paupertate duritieque mansit : etiam publicæ continentiæ magister idem idoneus, et severus custos.

XLIX. Agri enim captivi parte maxima publicata, privati haud amplius quaterna dena jugera viritim divisit ; ipse, quum senatus majorem ei portionem assignaret, eodem quem cæteris dederat agri modo contentus fuit, *malum esse civem* dictitans, *cui non idem, quod aliis, satis esse posset*.

§ XLVII. Marm. Capitol. — Just. XVIII, 2. — Val. Maxim. IV, 4, 9. — Tacit. Ann. II, 57. — Zonar. — Front. de Aquæduct. — Plin. VII, 41. — § XLVIII. Auct. de Vir. ill. c. 30. — Strab. I. V.

Hæc deinde in Sabinis villa Curiana fuit, in qua forte rapa torrentem victi nuper Samnites quum adivissent, ingensque pondus auri afferrent dono: *Ego hæc, inquit, in fictilibus meis esse malo, et aurum habentibus imperare.* Cui villæ quum vicina prædia senior Cato possideret, eo ventitabat crebro, tenuemque casam, et rusculum, quod vir tantus post tres triumphos manibus suis foderat, cum recordatione vitæ abstinentissime actæ contemplatus, animum ad parem constantiam, antiquæ simplicitatis et virtutis æmulatione componebat. Et profecto viris haud aliis opus fuit ad imperii futuri tam firma ponenda fundamenta, quæ et impositam molem perferre possent, et non exteris modo concutientibus resisterent, sed ipsis quoque domesticis vitiis ægre vixque convellerentur.

§ XLIX. — Plut. in Apopht. — Front. Strat. IV, 3. — Plin. XVIII, 3. — Auct. de Vir. ill. — Cic. in Catone, cap. 16. — Plutarch. in Cat. maj.



JOANNIS FREINSHEMII
SUPPLEMENTORUM
LIVIANORUM
LIBER QUINTUS

IN LOCUM LIBRI DECIMI QUINTI LIVIANI.

EPITOME

LIBRI DECIMI QUINTI.

Victis Tarentinis pax et libertas data est. Legio campana, quæ Rhegium occupaverat, obsessa, deditione facta, securi percussa est. Quum legatos Apolloniatium ad senatum missos quidam juvenes pulsassent, dediti sunt Apolloniatibus. Picentibus victis pax data est. Colonis deductæ, Ariminum in Piceno, Beneventum in Samnio. Tunc primum populus romanus argento uti cœpit. Umbri et Sallentini victi in deditionem accepti sunt. Quæstorum numerus ampliatus est, ut essent octo.

I. **SUPERATIS** post multa certamina validissimis hostibus, partaque per Italiam pace, supererat ea deliberatio Patribus, quemadmodum victoria bene uterentur. Mulctari parte finium omnes, qui arma contra tulerant, populos placuit: severiore adversum Tarentinos vindicta, quanto intemperantius offenderant: arma navesque tradere jussis, muri quoque diruti sunt, tributumque civitati impositum: pax modo cum libertate concessa. Nihil deinde visum antiquius, quam perfidiam puniri legionis, quæ Rheginis dolo circum-

ventis, oppidum eorum decimum jam annum pro suo possidebat. Hi quum ante providissent, romanis rebus quotidie lætioribus, suum scelus ipultum non fore, quidquid ad communiendam urbem, viresque defensionis parandas pertinebat, sollicite administraverant: non ignari, quod fraude vique partum esset, nisi iisdem illis artibus diu retineri non posse. Præter insitam ferociam freti erant amicitia Mamertinorum; successuque adversus Carthaginenses, deinde Pyrrhum, quo urbis suæ animorumque fortitudinem experti fuerant, hostibus ab obsidendi consilio cito depulsis. Itaque in tantum creverant rebellium et desertorum animi, ut Crotonem prodentibus quibusdam capere ausi, præsidium romanum trucidare, urbem diruere sustinuerint.

II. Igitur L. Genucio, qui cum C. Quintio consulatum eo anno gerebat, mandata est ultio: compulsisque intra mœnia perduellibus urbs obsessa. Sed illis suas et Mamertinorum vires non instrenue opponentibus, quum incommoda quædam passus consul etiam rerum necessarium penuria laboraret, ab Hierone, qui Syracusis principatum obtinebat, frumento et milite adjutus est. Hic enim Mamertinis infensus, etiam socios eorum Rhegium tenentes oderat: incrementis quoque Romanorum, ut eorum animos ad usum sequentium temporum beneficiis occuparet, movebatur. Sic ad extremum ad deditionem urbe coacta, Mamertinos certis conditionibus adstrictos dimisit consul, perfugas et latrones, quorum multi Rhegium, velut ad asylum concurrerant, affecit supplicio: legionarios autem milites abduxit Romam, ut de ipsis senatus statueret.

III. Magnum inde publicæ severitatis exemplum sequitur. Senatus primum *omnes, qui adducti a consule fuerant, in carcerem condi jussit, ut inde ad supplicium capitis promoverentur.* Deinde, quum intercessisset senatusconsulto tribunus plebis M. Fulvius Flaccus, denuntians, *ne in capita civium romanorum adversus leges et morem majorum animadvert-*

§ I. Zonaras. — Liv. Epit. XV. — Polyb. I, 7. — Oros. IV, 3. — § II. Zonar. — Liv. Epit. XV.

retur; constantia Patrum tribunitii clamores sprete sunt: suppliciumque de nocentibus sumptum. Ne tamen invidia facti tam acerbi, plebisque mœstitia gravior foret, si tanta hominum multitudo eodem tempore interficeretur; singulis diebus quinquaginta ducti sunt, quos virgis cæsos securi percusserunt. Senatus etiam corpora sepeliri, mortemque cujusquam eorum lugeri vetuit. Decius Jubellias, qui ad eam usque diem oculis suis superstes vixerat, ut majore cum dolore moreretur, in carcere manus sibi attulit. Plures auctores sequutus legionem totam, hominum millia quatuor Romæ in foro securi percussa retuli.

IV. Sed verius puto, quod a Polybio traditur, *ex ea legione vivos in potestatem venisse admodum trecentos; reliquum numerum, dum urbs capitur, ferociter repugnando cædi maluisse, non ignaris omnibus, post delicta tam enormia, nihil ex deditione aliud, quam plures cruciatus, mortemque graviore cum ignominia conjunctam exspectari posse.* Urbs rhesina prioribus incolis, quod eorum usquam reperiri conquirique poterat, cum libertate legibusque suis, reddita est. Hoc justitiæ fideique documentum romanæ civitatis existimationem largiter auxit: neque minus amoris eo facto, quam per arma metus, apud italicos vicinosque populos quæsitum. C. deinde Genucii, Cn. Cornelii consulatus bellum cum Sarsinatibus habuit. Umbrorum ea gens Apenninum incolentium, quibus causis in arma fuerit acta, quaque spe formidabili jam Romanorum potentiæ se opposuerit, silentibus scriptorum reliquiis, divinare non potui. Totius etiam belli series penitus intercidit, nihilque ad nos ex veteri rerum istarum memoria pervenit, nisi quod a Cn. Cornelio de Sarsinatibus triumphatum est.

V. Asperrimam his consulibus hiemem fuisse Romæ traditur, ut arbores emortuo succo aruerint, Tiberis densa glacie concreverit, jumenta et pecudes inopia pabuli contabuerint: tantaque fuit inclementia cæli, ut in foro romano

§ III. Valer. Maxim. II, 7, 15. — Front. IV, 1. — Appian. apud Vales. — § IV. Liv. XXVIII. 28, et XXXI, 31. — Polyb. I, 17, et II, 16.

nives horrendæ altitudinis per dies quadraginta continuos duraverint. Res inusitata, ut fit, a multis prodigii loco habita, vehementi terrore hominum animos perculit: intentione statim metu, quum Q. Ogulnio Gallo, C. Fabio Pictore magistratum ingressis multa cernerentur ostenta, multa nuntiarentur. Romæ enim ædes Salutis, et pars muri sub eodem loco, de cælo tacta. Lupi tres ante lucem Urbem ingressi semesum cadaver intulerunt, membratimque laceratum, in foro, ipsi strepitu hominum exterriti, reliquerunt. Formiis mœnia fulmine sæpius icta disjectaque nuntiabantur: et in agro caleno diducta repente terra flammam erupisse alatam, quæ triduo toto flagrans quinque agri jugera usque in cinerem exusserit, ut non modo fruges eo loco cunctæ, sed etiam arbores radicitus emorerentur. Plus ea res timoris Romæ, quam calamitatis attulit. Nihil enim magnopere consequutum est, nisi quod bellum a Picentibus ortum, annoque sequente confectum, eam quoque regionem romanæ ditioni adjecit.

VI. Interea in Urbe signandi argenti primum initium fuit, auctis jam successu rerum opibus, quum ad eam diem æs tantummodo Romæ in promiscuo pecuniæ usu fuisset, tum autem denarii quinarii que ex argento cusi, qui pro libris totidem æris essent; alique minores, qui dupondio et semisse quum æstimarentur, ex re sunt sestertii appellati. *Moneta* dicta, quod in æde Junonis capitolina cuderetur. Cognomen enim illud inditum Junoni fuerat, quod bello Pyrrhi et tarentino consulentes de pecuniarum inopia Romanos monuisset, *pecuniam non defore justitiam et arma colentibus*. Consules Q. Gallus, C. Fabius ad comprehendendum Lollium samnitum profecti sunt: qui quum obses Romæ fuisset, clam elapsus, castello quodam occupato faciebat latrocinia, populariumque animos vix adhuc certa pace compositos, ad defectionem incitabat.

§ V. Colum. Capit. — Zonar. — Aug. de Civ. Dei, III, 17. — Oros. IV, 4. — Eutr. I. II. — § VI. Liv. Epit. XV. — Zonar. — Plin. XXXIII, 3. — Suid. in Μονήτα.

XXI. In ipso freto trajicientem adorti Carthaginienses, quum Epirotæ nulla ferme maritimarum rerum experientia, hominibus exercitatissimis pares esse non possent, septuaginta naves depresserunt, cæteras reddiderunt inutiles. Ita cum duodecim navibus ex adverso prælio in Italiam effugit, qui navibus tectis amplius centum, et longe adhuc majori onerariarum actuariarumque numero cursum instituerat. Sed undique collecto quod militum ex adverso prælio litora tenere potuerat, statim ita robustam effecit manum, ut Rhegii subito impetu expugnandi spem conciperet. Sed rejectus a Campanis Rhegium tenentibus, mox in periculum haud contemnendum incidit. Quum enim per loca cæca et saltibus impedita duceret, coorti ex insidiis hostes turbarunt novissimum agmen, multosque milites cum duobus elephantis peremerunt.

XXII. Erat neque genere bellatorum, neque numero spernenda manus. Decem haud minus millia hominum in armis exercitatorum, Mamertini plerique: hi enim Rheginorum amicitia et cognatione confisi, intellecto Pyrrhum in Italiam reverti constituisse, fretum priores transjecerant, et spe prædæ in opportunis ad subitam irruptionem locis consederant. In eo certamine quum pro solita audacia Pyrrhus ante prima signa pugnaret, in capite vulnus accepit. Ad quod obligandum quum ex acie paulisper secessisset, quidam hostium magnitudine corporis et armorum cultu conspicuus longe ante alios procurrens increpavit eum elata voce, jussitque *prodire, si viveret*. Ibi Pyrrhus ardens ira, visuque et manante per faciem cruore terribilis, impetum in provocatorem, frustra retinentibus suis, vertit: occupatumque illata in caput plaga prosternit! Memoriam proditum est, eam gladii temperiem, eamque vim ferientis fuisse, ut infimum ad corpus vulnere continuato, partibus utrinque dilabentibus, medium hominem eodem ictu dissecaret. Ejus spectaculi foeda novitate percussi hostes, et ut majorem communi hominum sorte virum reveriti, pugnam omiserunt.

XXIII. Pyrrhus hac molestia solutus, non ideo lætior agebat. Quod enim pars impedimentorum isto prælio amissa erat, et opes ex Siciliæ spoliis partas prioris cum Pœno pugnae casus interceperat; in magna rei nummariæ difficultate, quum, poscentibus stipendia militibus, non esset unde præberentur, dicatos Proserpinæ thesauros spoliare coactus est. Fanum illud apud Locrenses opinione sanctitatis celeberrimum iis temporibus fuit: quam civitatem quum Pyrrhus animatis præsentia sua regiæ factionis hominibus recepisset, multa in Locrenses fœda facinora edidit, cupidius et latius, quam interfecti præsidii postulasset ultio, cædibus et rapinis in miseros grassatus. Postquam autem nihil supererat, quod conferre homines vellent possentve, manus ad sacram pecuniam extendere cœpit, pessimis amicorum, qui plerumque nocentissimi cujusque consilii auctores fuerant, cupiditatem ejus inflammantibus.

XXIV. Erant autem hi Evogoras Theodori filius, Balacerque Nicandro, et Dinarchus Nicia genitus. Ii non suasores modo fuerunt Pyrrho, necessitati omnia cedere prædicantes; sed ministerium quoque suum sacrilegio præbuerunt: ingenti pondere auri, quod multos per annos subterraneis in specubus asservatum fuerat, eruto. Lætus ille, *religione intempestiva nihil ineptius, opesque paratas non accipere dementis esse*, dictitans, impositam navibus prædam Tarentum avehi jussit: ipse terra est profectus. Cæterum facinus ei suum non turpius cœpto, quam infelicius eventu fuit. Subita tempestas adorta classem, ventis sub noctem mutantibus, qui ferentes hactenus fuerant, naves in tenebris circumactas partim in fretum expulit. Sed quæ sacram pecuniam vehebant, quassatæ laceratæque undis irrumpentibus, cum ipsis hominibus interierunt: pecuniam autem reliquis ex naufragio tabulis hærentem, postridie quam exportata fuerat, in vicina fano litora fluctus retulerunt.

XXV. Re intellecta, thesaurum omnem diligenter conqui-

§ XXIII. Liv. XXIX, 18. — Appian. — § XXIV. Dio et Dionys. ap. Vales. — Suidas in ἄβυσσος. — Appian. — Diod. — Liv. VII, 3.

situm referri ad pristinas sedes jussit, pacem numinis, ut putabat, hoc facto impetraturus. Neque tamen ideo melioribus deinceps fatis usus est, omnes ejus conatus, etiam quibus consilium et virtus non abfuisset, eludente fortuna: quam ille rem et postea constanter ad læsi numinis iram referebat, uti Proxenus historiæ scriptor, atque ipse in commentariis suis Pyrrhus memorat: et recenti adhuc malo, quum Proserpinæ sacrificans, multis hostiis litare non posset, exarsit adeo ut cunctos infelicis consilii auctores ac ministros, quique facinus istud aggressuro vel leviter consenserant, de medio tolleret; atque hi quidem dignum moribus factisque suis exitum habuerunt: Pyrrhus autem institutum prosequutus, quieto deinceps itinere Tarentum pervenit.

XXVI. Romani, quum majorem in modum urgeret pestilentia, Pyrrhique in Italiam reditu belli timor crevisset, nihil adversus ista vel humani præsidii, vel divini intentatum reliquerunt. Vetus erat opinio, pestilentiam clavo ab dictatore fixo sedari posse: eam spem tum quoque tentatam, clavique pangendi causa dictatorem dictum esse P. Cornelium Rufinum, haudquaquam improbabilis conjectura est: quum et mali magnitudo ad omnia quærenda remedia stimulare mentes posset, et Rufinum anno sequenti a censoribus notatum fuisse constet, postquam bis consul et dictator fuisset; neque dictaturæ ejus vel certior inveniatur memoria, vel convenientior locus. Et adversus morbos quidem, ut potuit, provisum est: armorum cura majorem industriam contentionemque, præcipue ob difficultatem delectuum, postulabat. Nam præter diurnitatem belli, etiam longo jam tempore infesta lues tædium rerum omnium hominibus injecerat: citatque juniores militiam mira obstinatione detrectabant. Sed pervicaciam istam severitas et constantia M. Curii Dentati secundum consulis fregit.

XXVII. Is enim, L. Cornelio Lentulo collega, magistratum jam iniverat. Quum igitur in Capitolio delectum habe-

§ XXV. Val. Max. I, 1, 1. — Suidas in παραπροσάμενος. — Dionys. — Appian. — Plut. in Pyrrh. c. 53. — § XXVI. Pigh. in Annal. rom. — Liv. VII, 3. — Varro in Sat. Γέροντες διδασκάλου.

ret Curius, respondente nullo, vocabula tribuum omnium in urnam conjici, quumque Pollia tribus exiisset, quod ex ea nomen primum sorte eductum erat, citari jussit. Tacere perseverantis bona primum, deinde quum graviter de consulis injuria questus tribunos appellasset, ipsum quoque vendidit: *nihil opus esse reipublicæ eo cive, qui nesciret parere*, præfatus: neque tribuni auxilio fuerunt; et postea quoque salubris exempli judicata res in consuetudinem transiit: ut delectu rite acto, qui miles factus non esset, in servitutem venderetur. Hoc terrore cæteri adacti ad nomina promptius danda: conscriptisque legionibus, quæ decretæ erant, in hosticum ambo consules moverunt: Lentulus in Lucaniam irruit; Samnitas adortus est Curius. Excitus ad ejus rei famam Pyrrhus, lustrato Tarenti exercitu suo, peditum ferme viginti millia, tria equitum recensuit.

XXVIII. Cum his, et delecta Tarentinorum juventute, Samnium ingressus, Samnitas dicto minus audientes habuit; tardiusque ad eum auxilia et infrequentius venere, animis non ob cladium modo magnitudinem fessis, sed etiam exulceratis, eo quod istarum causam Pyrrho imputabant, tam tristia non passuri, nisi proditis discessu suo italicis sociis, expeditionem siculam ille suscepisset. Verumtamen sic quoque magnis instructus copiis, partem earum in Lucaniam, ad distinendum alterum consulem misit; ipse Man. Curium oppugnare aggressus est, facilem sibi reliquam victoriam fore ratus, si hunc superavisset. Romanus autem, gnarus phalangis Macedoniæ, si explicari possit, nullam aciem parem esse, locis impeditis se tuebatur: et quoniam ex Lucania ventura sperabat auxilia, simul etiam auspicia et exta parum læta erant, copiam pugnandi minime faciebat.

XXIX. Tanto vehementius cupiebat configere Pyrrhus, priusquam duo consulares exercitus conjungerentur. Igitur assumptis ex omni exercitu promptissimis quibusque, præter aliquot elephantos, noctu, quo falleret hostem, ad castra

§ XXVII. Valer. Maxim. VI, 3, 4. — Liv. Epit. XIV. — Cic. pro A. Cæc. cap. 34. — Plutarch. in Pyrrh. c. 54. — § XXVIII. Frontin. Strat. II, 2.

Romanorum statuit accedere. Dum autem ad iter et oppugnationem futuram omnia apparantur, ipse in somnum lapsus majorem sibi dentium partem excidere, et ex ore copiosum erumpere sanguinem imaginatus est. Eo visu perplexus, abstinere in id tempus rebus gerendis decreverat; sed amicis obtestantibus, *ne occasionem forte non redituram elabi pateretur*, signum ad proficiscendum dari jussit. Circa Maleventum urbem (hoc enim tum adhuc nomine erat) montosa et silvestria loca sunt; quæ deinde paulatim æquioribus clivis demissa, postremo in planitiem late patentem desinunt, qui *Taurasini campi* appellantur. Itaque Pyrrhus ex inferioribus locis per objectos colles et saltus instituto itinere, quum lumina defecissent, erroribus et ignorantia locorum tardatus, luce jam orta ex castris romanis conspici cœpit.

XXX. Commotis inopinato hostis adventu animis, quia tamen dubium haberi non poterat, quin pugnandum foret, extaque victimarum lætiora fuerant, consul celeriter ex castris progressus, primos quosque hostium divulsos a suis et incompositos adoritur, pellitque. Hi in suos incurrentes totum agmen turbavere; cæsusque est militum haud exiguus numerus, et nonnulli elephantum a suis relictis venerunt in potestatem victoris. Hic successus animavit Curium, ut insistendum fortunæ putaret, et cum universis copiis ad pugnam instructis paratisque in campum se demitteret. Neque Epiroenses moram fecerunt. Concursum est utrinque ferociter, sed quod priore certamine Romanus superior fuerat, plus etiam in præsens animorum atque spei attulerat. Cedentibus Epirotis, iterum a belluis subsidium petiit Pyrrhus, alteroque suo cornu fugiente, vicissim in altero Romanos ad præsidia sua pedem referre coegit.

XXXI. Firmam ibi stationem iturus in pugnam consul constituerat: hanc igitur recentibus viribus excipere prælium, et elephantos amoliri jubet. Adversus hæc animantia promptam atque facilem opem usus monstraverat, ignique magis quam ferro averti posse superiores docuerant pugnae. Parati

igitur erant malleoli, stupa et pice multa obducti, quos incensos ardentesque in terga et turres belluarum jaculabantur : ii, sive cuti elephantorum, sive ligno turrium insedisent, uncis præacutis infixi hærebant. Quum igitur hi, et una varii generis missilia ex superiore loco confertim jacerentur, elephantum partim terrore flammæ, partim dolore vulnerum in furorem acti, quum amplius a magistris regi nequirent, in suorum aciem retrocesserunt, omnia, quo impetum verterant, trepidatione et clade miscentes. Narrant initium stragis ab elephanto pullo ortum, qui telo ictus in capite, quum stridorem querulum edidisset, matrem primum ad notam vocem exsilientem, deinde hac etiam tumultum augebant, cæteras belluas omnes turbaverit averteritque.

XXXII. Magna ea pugna et numero cæsorum, et victoriæ fructu fuit. Tum enim debellatum est cum Pyrrho, neque cæteri deinceps Itali diu, neque post Italiam, aliæ nationes regesque restiterunt. Triplo majorem ea pugna numerum in regni partibus dimicasse tradunt. Octoginta enim pedum, sex equitum millia fuisse; ex his qui plurimum, sex et triginta millia; qui minimum, sex et viginti cæsa memorant: captos mille trecentos, cum elephantis octo. Pyrrhus cum paucis equitibus Tarentum effugit. Capta ejus castra admirationi fuisse dicuntur, et in posterum usui. Antiquitus enim et Romani et alii populi castra passim per corpora cohortium constituere, mapaliorum in morem, solebant: primus totum exercitum Pyrrhus dimensis rite spatiis sub eodem vallo continuisse fertur: atque illo exemplo adjutos Romanos, additis, quæ ex usu viderentur, ad metationem castrorum, quam sequentibus temporibus perfectissimam habuere, pervenisse.

XXXIII. Hic annus republica belli præclare feliciterque gesta, domesticis quoque rebus, et notabili severitate disciplinæ urbanæ illustris fuit. Q. Fabricius Luscinus, Q. Æmilius Papus, concordem censuram exercuerunt. Multis

§ XXXI. Oros. IV, 2. — Plut. — Flor. I, 18. — Zonaras. — § XXXII. Dionys. apud Vales. — Eutrop. lib. II. — Front. Strat. IV, 1.

equi publici adempti sunt; quidam etiam in senatu legendo præteriti. Sed maxime insignis ad memoriam P. Cornelii Rufini nota fuit. Bis consul et dictator fuerat, rebusque magnis bello gestis triumphaverat. Hunc igitur senatu moverunt censores, causamque isti animadversioni subscripserunt, *quod eum comperissent argenti facti cænæ gratia pondo decem habere*. Isque casus non hominis modo, sed familiæ ad longum deinde tempus fuit: nec ante Sullam dictatorem, ququam ex ea summis honoribus usus est. Tanta temporibus istis parsimonia, tantusque in eadem civitate postea luxus fuit, ut quæ supellex apud posteros contemptissimæ vilitatis argumentum futura erat, eadem a prioribus pro intolerabili luxuria damnaretur. Censu perfecto lustrum conditum est: censa civium capita ducenta septuaginta unum millia, ducenta, viginti quatuor.

XXXIV. In exitu anni consul uterque triumphantes Capitolium invecti sunt. Prior Curius: cujus et triumphus cum fama rerum, et lætitia successus, tum etiam splendore pompæ illustrior fuit. Nam ad eam diem ex vicinis et pauperibus populis in apparatu triumphi nihil ferme nisi arma fracta, aut carpenta gallica; in præda, nisi greges et armenta ducta fuerant; tum vero et varietate gentium, quarum captivi ante currum ducebantur, et spoliolum pulchritudine ac magnificentia, celebris species fuit: quum Epirotæ, Thessali, Macedones, Apuli, Lucani, Bruttii, vincti ante currum agerentur: præferrentur autem tabulæ pictæ, signa nobilium artificum, aurum, purpura, cæteræque transmarinæ elegantia, et Tarentini luxus instrumenta. Sed præcipui miraculi gaudiique spectaculum elephantum fuere. Cum ipsis turribus suis quatuor (nam reliqui ex vulneribus interierant) tum primum Romæ visi sunt: vulgus a nomine animalis, quod hactenus maximum noverat, et loci, ubi primum conspexerat, *boves Lucas* vocitabat.

XXXV. Alterius consulis paucos post dies obscurior trium-

§ XXXIII. Zonar. — Liv. Epit. XIV. — Agell. IV, 8. — Plutarch. Sulla, I. — Val. Max. II, 9, 4. — Fasti Capitol. — § XXXIV. Flor. I, 18. — Senec. de brev. vitæ, cap. 13. — Eutrop. — Plinius, VIII, 6.

phus fuit. Neque tamen illi pœnitendæ res fuerunt. Samnites et Lucanos vicerat; oppida multa ceperat, sed comparatione curianæ gloriæ, horum splendor æstimatioque decrescebat. Inter eos, qui virtutis ergo donati sunt, Ser. Cornelio Merendæ auream coronam ex præda dedit, ob samniticum quoddam oppidum ejus maxime opera captum. Romanis ad hunc modum victoriæ suæ lætitia fruentibus, longe dispar animorum habitus apud hostes erat. Ii jam olim imperio Pyrrhi minime læti, post infelicem pugnam, animis timore atque indignatione plenis, nihil quietum agitabant. Rex ipse dudum romani belli pertæsus, et nunc desperata penitus victoria, nihil nisi rationem tutius honestiusque discedendi meditabatur. Sed dissimulato interea consilio, hortabatur socios, *ne ob unum adversum prælium conciderent animis: non plus eos cladis postrema hac pugna accepisse, quam prima intulissent: neque ideo Romanos ad pacem etiam bonis conditionibus permoveri potuisse. Horum constantiam si ipsi quoque cœmularentur, seque fortunæ vertenti servarent, omnia commodius habitura; superesse vires ad hæc diuturno bello suffecturas. In Græcia multos potentes amicos se habere, a quibus certa auxilia exspectare possit.*

XXXVI. Neque hæc incredibiliter fingebantur: quum et antea, præsertim a Ptolemæo, qui Macedoniæ tum præerat, luculenter adjutus fuisset: et in magna existimatione apud Græcos barbarosque esset; aliisque beneficiorum memoria, aliis metu devinctis, ab Ætolorum gente temporibus istis potentissima, ipsisque Macedonibus, præterea Illyriorum regulis coleretur. Cæterum hæc ita jactabat, magis ut desciscere parantes socios in fide retineret, donec aperto ad navigandum mari regnum repetere posset; quam quod aut bellum in Italia continuare vellet, aut magnam spem in transmarinis auxiliis haberet. Dimissis tamen circum Asiæ Macedoniæque reges legatis, ab aliis pecuniam, ab aliis auxilia, ab Antigono, qui Macedoniam tenebat, utrumque postulabat. Hac spe utcunque retenta sociorum voluntate,

quum interea dissimulanter omnia paravisset ad discessum, legati cum litteris ab Antigono redierunt. Convocatis igitur suorum Italorumque principibus, non quidem quas acceperat litteras recitavit, sed fictitias alias, quibus paulo post ab Antigono auxilia magna affutura esse continebatur.

XXXVII. Hoc astu non sociis modo delusis, sed etiam Romanis, qui propinquo loco præsidium agitabant; consecuta nocte citra ullum impedimentum vela fecit, Ceraunosque montes (Epiri id promontorium est) tenuit. Sed quo minori turpitudine deseruisse bellum videretur, fidesque hominibus fieret, perfectis quibus evocatus esset rebus reversurum, Milonem ad custodiam arcis Tarentinæ reliquit; eique, ut non modo spe præmiorum, sed etiam paris exitii metu in fide maneret, sellam dedit, cujus lora erant ex Niciæ pelle, quem compertis in caput suum insidiis occiderat. Huic igitur addito præsidio militum, cum cæteris copiis, octo peditum millia, quingenti equites erant, sexto quam exiverat anno, patrium in regnum reversus est. Interea Romæ quum comitia centuriata haberentur, Pyrrhusque bellum instauraturus putaretur, M. Curium refici consulem placuit; quod unus ille adversus regem optime gesta re, ad reliqua quoque belli plus auctoritatis et fortunæ allaturus videretur. Ex patriciis Ser. Cornelius Merenda factus est, eum quoque provehente recenti gloria, et commendatione gentilis sui, sub quæ priore anno militaverat.

XXXVIII. His consulibus in Lucanos, Samnitesque et Bruttios conversa belli moles est; qui cum locis potius quam armis se defenderent, nihil rei ad reliquarum exemplum memorabilis geri potuit. Neque tamen imminuta inde Curii gloria est, sic quoque judicantibus omnibus, regem acerrimum, non modo cladem acceptam, sed etiam ducem adversus se denuo venturum Curium, exhorruisse. Confecti itaque belli hujus, fugatique ex Italia Pyrrhi penes illum laus atque fama permansit. Anno, qui tertium Curii consu-

§ XXXVI. Dio apud Vales. — Pausan. I. I. — Just. XXIII, 2. — Polyæn. Strat. VI, 6. — § XXXVII. Zonar. — Plut. in Pyrrh. c. 59.

latum sequutus est, primum ab alexandrinis regibus legati cum muneribus Romam venerunt; in C. Fabii Dorsonis; C. Claudii Caninæ magistratu. Ptolemæus cognomento Philadelphus, audita Pyrrhi fuga, gratulatum misit, petitumque, *ut populi romani socius et amicus haberetur*. Lætum id honorificumque patribus visum, quod amicitia romana ultro a tam potentibus tamque longinquis regibus ambiretur. Igitur comiter acceptis habitisque legatis, societatem cum Ptolemæo jungi placuit: simul delecti ex illustribus, qui confirmandæ ejus, reddendique officii gratia legatione ad regem fungerentur, Q. Fabius Gurges ex consularibus, et cum eo C. et Numerius Fabii Pictores, Quintusque Ogulnius.

XXXIX. His profectis, adversus italicos populos, qui arma adhuc necessitate et desperatione retinebant, a consulibus feliciter dimicatum est. Majores alterius res fuisse visas, triumphus C. Claudii Caninæ argumento est, quem de Lucanis, Samnitibus, Bruttis in magistratu suo duxit Quirinalibus. Sed rerum foris prosperarum lætitiâ nonnihil turbavit Sextilia, quæ Vestalis virgo quum esset, incesti comperta, temeratis religionibus, infensos civitati deos effecisse credebatur. Sed piaculis et sacris placata deum ira, sacerdosque verso in noxium caput supplicio, ad portam Collinam viva defossa est. Iisdem consulibus coloniæ deductæ sunt, Cossa in Volscientibus, et in Lucania Pæstum, quæ Græcis Posidonia vocatur. Eam Lucani Sybaritis ademerant: ab his recens in ditionem populi romani pervenerat. Illustrior anni sequentis memoria est, qui finem belli non adversum Samnitas modo cæterosque, sed etiam cum Tarentinis attulit.

XL. L. Papirius Cursor, Sp. Carvilius secundum consules, Samnites Bruttiosque et lucanum cum tarentino populo provincias nacti, exspectationem hominum (nam in spem hoc anno finiendi belli par istud consulum studiose delectum

§ XXXVIII. Liv. Epit. XIV. — Entr. lib. II. — Zon. — Euseb. II, 1729. — Dio apud Urs. — Val. Max. IV, 3, 9. — § XXXIX. Marm. Capitol. — Liv. Epit. XIV. — Oros. IV, 2. — Vell. I, 14. — Plin. III, 5. — Strab. I. V.

fuerat) consilii factisque magnificis expleverunt. Et Samnites quidem a Carvilio perdomiti, primum atque septuagesimum post annum, quam decertari cœperat, meliori quam antea fide conditiones pacis a Romanis impositas acceperunt. L. Papirius Bruttios et Lucanos magnis cladibus subactos ad pacem petendam compulit. Ut tamen in uno multorum finitimorum populorum bello, terminis quoque regionum ipsarum permixtis, etiam Papirio cum Samnitibus, Carvilio cum Brutiis Lucanisque, et utrique cum Tarentinis res fuit. Nec enim modo copiæ Tarentinorum fusæ fugatæque; sed ipsa quoque civitas in fidem accepta est. Quod negotium, quia præter victoriam ex nobilissima urbe, Pyrrhi regis mortem, Carthaginensium calliditatem, et prima æmulationum inter Pœnos Romanosque initia continet, paulo accuratius explicandum est.

XLI. Pyrrhus ante biennium ex Italia sic abnavigaverat, ut, relicto in urbe tarentina præsidio, spem reditus sui faceret. Ea paulo post novo regis istius in Macedonia successu non parum aucta, Italorum animos adversus præsentia damna sustentaverat. Vir enim ardentis animi quum diu quiescere non posset, Antigono, quod in Italia belligerantem nullis auxiliis juvisset, bellum intulerat, eumque prælio victum universo prope regno ejecerat. Unde Romanis quoque continuus per ea tempora metus fuit, ne auctioribus copiis regressus in Italiam, majus priore bellum excitaret. Sed inopinata mors regis spes metusque omnium subito incidit atque sustulit. Pyrrhus enim, ut erat potentiæ in immensum augendæ insatiabiliter appetens, per causam reducendi in regnum Spartæ Cleonymi, qui cum Areo dissidebat, Peloponnesum ingressus, ad illam etiam occupandam adjecit animum. Et Lacedæmonios quidem, licet urbe frustra oppugnata, magnis affecit incommodis.

XLII. Sed Argis interea, quum adversæ factiones duæ essent, principes earum Aristippus Antigonom, Aristias Pyr-

§ XL. Liv. XXIV, 9; id. XXXI, 31; ejusdem Epit. — Zonaras. — Pausan. lib. I. — Plutarch. in Pyrrh. cap. 57. — § XLI. Pausan. — Plutarch.

rum, ad opprimendos inimicos advocat; nam et Antigonus, contra communem hostem Laconibus auxilio futurus, in Peloponnesum venerat. Ita diversis portis, sub eandem noctem, utriusque regis copiæ in argivam urbem recipiuntur. Pyrrhus cognito urgeri suos, urbem et ipse ingressus, quum die jam oriente lupum et taurum ex ære, certantium inter se habitu, vidisset, imminentis fati indicio exhorruit. Oraculum enim erat vetus, fatalem Æacidæ locum fore, ubi taurum cum lupo dimicantem spectavisset. Igitur retrahere copias, et ex urbe recedere cogitabat. Sed occurrentes cum Heleno Pyrrhi filio subsidiarii milites elephantique, clausebant exitum: hisque in urbem irrumpere, illis exire nitentibus, quum hostes etiam acriter insisterent cedenti turbæ, et in angustis viarum spatiis Argivi, Macedones, Epirotæ, quique cum Areo venerant Spartani Cretesque, ad hæc elephantum quidam truderent inter se truderenturque; omnia trepidatione et tumultu miscebantur.

XLIII. Dum inter hæc Pyrrhus ubique consiliis, clamoribus, manu, servare suos, arcere hostes satagit; a juvene quodam Argivo lancea leviter vulneratus est. Matrem hic habebat anum pauperulam, quæ cum aliis mulieribus ex tecto domus prælium spectans, quum Pyrrhum in auctorem vulneris sui toto impetu ferri videret, periculo filii attonita, protinus tegulam corripuit, ac utraque manu libratam in caput regis demisit. Tam inhonorus et miserabilis exitus Pyrrho fuit, quo majorem animi robore, solertia consiliorum, scientia rei militaris, multisque præterea corporis ingenique bonis, ætas illa non tulit. Sed fructum laboris operumque suorum, et ornamenta virtutum, ambitione corripuit, felicior futurus, si suis rebus contentus; potentissimus autem omnium, si quam in quærendis opibus industrius fuit, tam in retinendis circumspectus esse potuisset.

XLIV. Hæc igitur postquam in Italia sunt audita, pro variis hominum studiis, lætitia luctuve civitates affecere.

§ XLIII. Strabo, lib. VIII. — Ovid. in Ibin. — Dionys. ap. Vales. — Justin. XXV, 4 et 5.

Sed alii quidem populi, qui suæ spontis erant, pacem amicitiamque Romanorum, quibus poterant conditionibus, redimebant: tarentinum, ne suis consiliis uteretur, præsidium Epirotarum et præfectus arcis Milo vetabat. Inter quos res paulatim ex levioribus injuriis atque contumeliis in apertas inimicitias processerat. Itaque maximis in difficultatibus constituti Tarentini, quum extra mœnia Romanos hostes, intus Epirotas haberent; missis legatis auxilium a Carthaginiensibus petiverunt. Pœni, qui Siciliæ magnam partem tenerent, et maritima Italiæ loca sibi, quam Romanis, accedere malent, specie ad ejiciendum Milonem, cæterum si Tarento potirentur, etiam adversus Romanos tuituri, cum instructa classe prompte accurrerunt. Quum inter hæc etiam L. Papius consul advenisset, undique clausa Tarentus erat, Romanis a terra urbem simul arcemque, Pœnis eandem arcem a mari obsidentibus.

XLV. In hoc statu rerum, quum haud minor Romano cura esset, ne Carthaginienses arcem caperent, quam ne a se non caperetur, omnes victoriæ rationes subtiliter indagans, Milonem per idoneos internuntios tentat, *si Tarentum ejus opera obtinuisset, ipsum popularesque cum rebus suis incolumes dimissurum esse, pollicitus*. Milo nihil ex præsentibus videns potius, cum Tarentinis agit, *ut junctis consiliis de communi salute deliberarent*: sensimque persuadet, *ut se legatum ad L. Papium mitterent, de conditionibus ex omnium utilitate ferendis diligenter acturum*. Ut homines tædio curarum periculorumque fessi lubenter assensi sunt, ad consulem identidem profectus, quocum fallaciam istam composuerat, luculentas plerumque conditiones, et spem non pœnitendæ pacis certam referebat. Ea credulitas, si quid in animis Tarentinorum diligentia ac curæ superfuerat, securitate fiduciaque resolvit, occasionemque Miloni præbuit, qua non arx modo, sed etiam urbs ipsa Romanis traderetur.

XLVI. Carthaginienses hoc eventu minime læti, sed *amicos Romanorum se ferentes, neque aliam ob causam, quam*

ad expellendum Milonem venisse, discesserunt. Auctores habeo, Pœnos a Romanis monitos, *si tarentinæ rei se immiscerent, contra fœdera facturos videri*, non modo denuntiationem hanc insuper habuisse, verum etiam in acie tarentina contra Romanos auxilia punica stetisse : qua ex offensa maxime bellum, quod adversum Carthaginienses in Sicilia gestum est, eruperit : quanquam Pœni perjurio culpam tegere volentes, *nihil ab se dolo malo factum esse*, juravissent. Ego sicut non abnuerim, vel inter ipsos duces tale quid agi potuisse, dum Romanus Pœni præsentiam ægre patitur, Pœnus instituto suo quam potest causam prætextit ; vel populos ipsos publice isthæc disputavisse : ita veriores belli mox exorti causas alias fuisse existimo ; quod neque statim bellatum est, et postea natum in Sicilia bellum, ob Mamertinos præcipue, manentibus adhuc punicis fœderibus, exarsit. Aucto ad hunc modum imperio, redeuntes Romam consules a gratulantibus excepti, magno omnium favore, magnaque sua gloria triumpharunt.

XLVII. Inter hæc Q. Fabius Gurges et cæteri, qui missi Alexandriam fuerant, in senatu legationem renuntiarunt : *Omni se genere hospitalitatis ac benevolentiae acceptos habitosque ; munera venientibus magnifica missa ; majora etiam data discedentibus. Sed priora quidem illa modeste recusari, magis ex dignitate abstinentiaque romana visum esse : cætera, quæ omnino recipienda fuissent, a se priusquam aliarum rerum quidquam agerent, in ærarium populi romani delata esse. Sed et Alexandriæ, quum ad solennes epulas invitatis, more apud reges usitato, coronæ aureæ missæ essent, eas ominis causa acceptas, noctu statuis regis imposuisse.* Senatus et successu legationis, et gravitate legatorum mire lætus, gratiis actis, *quod sua continentia mores romanos externis quoque nationibus venerabiles reddidissent*, restitui munera, quæ in ærarium detulerant, præcepit. Continuo populus, *ita demum rempublicam optime gestum iri*, dictitans, *si ditescendi ex*

§ XLVI. Zonaras. — Oros. — Liv. Epit. — Gotef. Viterb. — Paul. Diac. Hist. Misc. II, 23. — Fast. Capit.

publicis negotiis infame stultum tolleretur, idem scivit : questoribusque pecuniam eam, uti jussi erant, prompte restituentibus, digni hoc abstinentiæ fructu homines, pari gloria et recusarunt ægyptias opes, et receperunt. Q. Fabium, qui caput legationis ejus fuerat, hoc quoque nomine prælatum tot egregius viris existimo, ut a censoribus M. Curio, L. Papirio princeps senatus legeretur : quum nobilitate domus, et paternis meritis, simul consulatibus duobus totidemque triumphis, nulli jam honori impar videretur.

XLVIII. Iisdem consulibus M. Curio censor Anienis annis aquam in urbem ducendam locavit, ex manubiis hostium. Ex quibus adeo privatim ditari voluit, ut aliquando, quum a malevolis interversæ pecuniæ argueretur, gutto ligneo, quo ad sacrificia uti consueverat, in medium prolato, juraverit, *se nihil præterea de præda hostili suam in domum intulisse*. Vir profecto tum rerum gestarum magnitudine, tum etiam aliarum virtutum illustribus experimentis meritis, ut quædam ejus insigniora dicta factaque modico excursu annotentur. Neque vero indignum, aut historiæ condendæ officio alienum judico ea referri, per quæ homines in republica versaturi, haud sane minus quam consiliis operibusque militaribus, ad felicitatem ex virtute petendam instruantur. Bello sabino quum tantum prædæ fuisset, ut tum primum Romanos gustum divitiarum cepisse scriptor historiæ Fabius autemet, Curio nihil ex tam opulenta victoria, præter conscientiam famamque, sibi vindicans, in pristina paupertate duritiæque mansit : etiam publicæ continentiae magister idem idoneus, et severus custos.

XLIX. Agri enim captivi parte maxima publicata, privati haud amplius quaterna dena jugera viritim divisit ; ipse, quum senatus majorem ei portionem assignaret, eodem quem cæteris dederat agri modo contentus fuit, *malum esse civem* dictitans, *cui non idem, quod aliis, satis esse posset*.

§ XLVII. Marm. Capitol. — Just. XVIII, 2. — Val. Maxim. IV, 4, 9. — Tacit. Ann. II, 57. — Zonar. — Front. de Aquæduct. — Plin. VII, 41. — § XLVIII. Auct. de Vir. ill. c. 30. — Strab. I. V.

Hæc deinde in Sabinis villa Curiana fuit, in qua forte rapa torrentem victi nuper Samnites quum advissent, ingensque pondus auri afferrent dono: *Ego hæc, inquit, in fictilibus meis esse malo, et aurum habentibus imperare.* Cui villæ quum vicina prædia senior Cato possideret, eo ventitabat crebro, tenuemque casam, et rusculum, quod vir tantus post tres triumphos manibus suis foderat, cum recordatione vitæ abstinentissime actæ contemplatus, animum ad parem constantiam, antiquæ simplicitatis et virtutis æmulatione componebat. Et profecto viris haud aliis opus fuit ad imperii futuri tam firma ponenda fundamenta, quæ et impositam molem perferre possent, et non exteris modo concutientibus resisterent, sed ipsis quoque domesticis vitiis ægre vixque convellerentur.

§ XLIX. — Plut. in Apopht. — Front. Strat. IV, 3. — Plin. XVIII, 3. — Auct. de Vir. ill. — Cic. in Catone, cap. 16. — Plutarch. in Cat. maj.



JOANNIS FREINSHEMII
SUPPLEMENTORUM
LIVIANORUM
LIBER QUINTUS

IN LOCUM LIBRI DECIMI QUINTI LIVIANI.

EPITOME

LIBRI DECIMI QUINTI.

Victis Tarentinis pax et libertas data est. Legio campana, quæ Rhegium occupaverat, obsessa, deditione facta, securi percussa est. Quum legatos Apolloniatium ad senatum missos quidam juvenes pulsassent, dediti sunt Apolloniatibus. Picentibus victis pax data est. Colonis deductæ, Ariminum in Piceno, Beneventum in Samnio. Tunc primum populus romanus argento uti cœpit. Umbri et Sallentini victi in deditionem accepti sunt. Quæstorum numerus ampliatus est, ut essent octo.

I. **SUPERATIS** post multa certamina validissimis hostibus, partaque per Italiam pace, supererat ea deliberatio Patribus, quemadmodum victoria bene uterentur. Mulctari parte finium omnes, qui arma contra tulerant, populos placuit: severiore adversum Tarentinos vindicta, quanto intemperantius offenderant: arma navesque tradere jussis, muri quoque diruti sunt, tributumque civitati impositum: pax modo cum libertate concessa. Nihil deinde visum antiquius, quam perfidiam puniri legionis, quæ Rheginis dolo circum-

ventis, oppidum eorum decimum jam annum pro suo possidebat. Hi quum ante providissent, romanis rebus quotidie lætioribus, suum scelus inultum non fore, quidquid ad communiendam urbem, viresque defensionis parandas pertinebat, sollicite administraverant: non ignari, quod fraude vique partum esset, nisi iisdem illis artibus diu retineri non posse. Præter insitam ferociam freti erant amicitia Mamertinorum; successuque adversus Carthaginenses, deinde Pyrrhum, quo urbis suæ animorumque fortitudinem experti fuerant, hostibus ab obsidendi consilio cito depulsis. Itaque in tantum creverant rebellium et desertorum animi, ut Crotonem prodeuntibus quibusdam capere ausi, præsidium romanum trucidare, urbem diruere sustinuerint.

II. Igitur L. Genucio, qui cum C. Quintio consulatum eo anno gerebat, mandata est ultio: compulsisque intra mœnia perduellibus urbs obsessa. Sed illis suas et Mamertinorum vires non instrenue opponentibus, quum incommoda quædam passus consul etiam rerum necessariorum penuria laboraret, ab Hierone, qui Syracusis principatum obtinebat, frumento et milite adjutus est. Hic enim Mamertinis infensus, etiam socios eorum Rhegium tenentes oderat: incrementis quoque Romanorum, ut eorum animos ad usum sequentium temporum beneficiis occuparet, movebatur. Sic ad extremum ad deditionem urbe coacta, Mamertinos certis conditionibus adstrictos dimisit consul, perfugas et latrones, quorum multi Rhegium, velut ad asylum concurrerant, affecit supplicio: legionarios autem milites abduxit Romam, ut de ipsis senatus statueret.

III. Magnum inde publicæ severitatis exemplum sequitur. Senatus primum *omnes, qui adducti a consule fuerant, in carcerem condi jussit, ut inde ad supplicium capitis promoverentur.* Deinde, quum intercessisset senatusconsulto tribunus plebis M. Fulvius Flaccus, denuntiâns, *ne in capita civium romanorum adversus leges et morem majorum animadvertere-*

§ I. Zonaras. — Liv. Epit. XV. — Polyb. I, 7. — Qros. IV, 3. — § II. Zonar. — Liv. Epit. XV.

retur; constantia Patrum tribunitii clamores sprete sunt: suppliciumque de nocentibus sumptum. Ne tamen invidia facti tam acerbi, plebisque mœstitia gravior foret, si tanta hominum multitudo eodem tempore interficeretur; singulis diebus quinquaginta ducti sunt, quos virgis cæsos securi percusserunt. Senatus etiam corpora sepeliri, mortemque cujusquam eorum lugeri vetuit. Decius Jubellius, qui ad eam usque diem oculis suis superstes vixerat, ut majore cum dolore moreretur, in carcere manus sibi attulit. Plures auctores sequutus legionem totam, hominum millia quatuor Romæ in foro securi percussa retuli.

IV. Sed verius puto, quod a Polybio traditur, *ex ea legione vivos in potestatem venisse admodum trecentos; reliquum numerum, dum urbs capitur, ferociter repugnando cædi maluisse, non ignaris omnibus, post delicta tam enormia, nihil ex deditioe aliud, quam plures cruciatus, mortemque graviore cum ignominia conjunctam exspectari posse.* Urbs rhægina prioribus incolis, quod eorum usquam reperiri conquirique poterat, cum libertate legibusque suis, reddita est. Hoc justitiæ fideique documentum romanæ civitatis existimationem largiter auxit: neque minus amoris eo facto, quam per arma metus, apud italicos vicinosque populos quæsitum. C. deinde Genucii, Cn. Corneli consularis bellum cum Sarsinatibus habuit. Umbroꝝ ea gens Apenninum incolentium, quibus causis in arma fuerit acta, quaque spe formidabili jam Romanorum potentiæ se opposuerit, silentibus scriptorum reliquiis, divinare non potui. Totius etiam belli series penitus intercidit, nihilque ad nos ex veteri rerum istarum memoria pervenit, nisi quod a Cn. Cornelio de Sarsinatibus triumphatum est.

V. Asperissimam his consulibus hiemem fuisse Romæ traditur, ut arbores emortuo succo aruerint, Tiberis densa glacie concreverit, jumenta et pecudes inopia pabuli contabuerint: tantaque fuit inclementia cæli, ut in foro romano

§ III. Valer. Maxim. II, 7, 15. — Front. IV, 1. — Appian. apud Vales. — § IV. Liv. XXVIII, 28, et XXXI, 31. — Polyb. I, 17, et II, 16.

nives horrendæ altitudinis per dies quadraginta continuos duraverint. Res inusitata, ut fit, a multis prodigii loco habita, vehementi terrore hominum animos perculit: intentione statim metu, quum Q. Ogulnio Gallo, C. Fabio Pictore magistratum ingressis multa cernerentur ostenta, multa nuntiarentur. Romæ enim ædes Salutis, et pars muri sub eodem loco, de cælo tacta. Lupi tres ante lucem Urbem ingressi semesum cadaver intulerunt, membratimque laceratum, in foro, ipsi strepitu hominum exterriti, reliquerunt. Formiis mœnia fulmine sæpius icta disjectaque nuntiabantur: et in agro caleno diducta repente terra flammam erupisse alatam, quæ triduo toto flagrans quinque agri jugera usque in cinerem exusserit, ut non modo fruges eo loco cunctæ, sed etiam arbores radicitus emorerentur. Plus ea res timoris Romæ, quam calamitatis attulit. Nihil enim magnopere consequutum est, nisi quod bellum a Picentibus ortum, annoque sequente confectum, eam quoque regionem romanæ ditioni adjecit.

VI. Interea in Urbe signandi argenti primum initium fuit, auctis jam successu rerum opibus, quum ad eam diem æs tantummodo Romæ in promiscuo pecuniæ usu fuisset, tum autem denarii quinariique ex argento cusi, qui pro libris totidem æris essent; alique minores, qui dupondio et semisse quum æstimarentur, ex re sunt sestertii appellati. *Moneta* dicta, quod in æde Junonis capitolina cuderetur. Cognomen enim illud inditum Junoni fuerat, quod bello Pyrrhi et tarentino consulentes de pecuniarum inopia Romanos monuisset, *pecuniam non defore justitiam et arma colentibus*. Consules Q. Gallus, C. Fabius ad comprehendendum Lollium samnitem profecti sunt: qui quum obses Romæ fuisset, clam elapsus, castello quodam occupato faciebat latrocinia, populariumque animos vix adhuc certa pace compositos, ad defectionem incitabat.

§ V. Colum. Capit. — Zonar. — Aug. de Civ. Dei, III, 17. — Oros. IV, 4. — Eutr. I. II. — § VI. Liv. Epit. XV. — Zonar. — Plin. XXXIII, 3. — Suid. in *Μονήτα*.

VII. Atque is quidem cum collectitia et maximam partem inermi turba non diu restitit; in Caricinis (ea quoque Samnii pars est, Frentanis propior) laboris periculique plusculum fuit. Dum locus munitus, qui prædarum Lollio receptaculum fuerat, expugnatur; ancipiti casu, ex spe magna in timorem, ex timore ad victoriam subito ventum est. Inducti quidam ex propugnatoribus impunitatis pacto, nocte sublustri Romanos intra moenia receperunt. Concurrentibus ad tumultum oppidanis, quam manus conseri cœpisset, magna vis nivis repente caelo delapsa conspectum eripuit præstantibus. Ea res Caricinis adversus locorum ignaros ita profuit, ut maximo in discrimine romana signa versarentur: jamque prope aberat, ut cogerentur referre pedem, quod inter tenebras fieri citra magnum detrimentum nequibat; quam subito, cessante nivium casu, reddita luna est; cœcoque metu liberatis promptam ad victoriam iter virtute partum. Eæ turbæ impedimento videntur fuisse, ne Picentes iis consulibus perdomarentur.

VIII. Insequente autem anno P. Sempronius Sophus, Appius Claudius Cæci F. Crassus consulatu inito bellum illud aggressi, rem ex sententia confecere. Sub eadem ista tempora in Piceno, qui ager Senonum Gallorum fuerat, Ariminum colonis occupari placuit; Maleventum in Samnio: sed nomine, quod ominosum esse videbatur, mutato, *Beneventum* colonia dicta est. Sabinis, qui ante aliquot annos accepti in civitatem fuerant, tum suffragii quoque jus datum. In Umbria res etiam a Claudio gestæ, Camarinumque oppidum captum: incolæ sub corona venditi: sed quia parum liquida fide gestum ab imperatore bellum videbatur, utilitatem populus romanus justitiæ posthabuit: *conquisitosque Camertes redimi ab emptoribus, receptisque in civitatem locum ad habitandum in Aventino colle assignari, et prædia sua restitui*, jussit.

IX. At picentinæ victoriæ majus gaudium fuit: resque

§ VII. Ptolem. — Zonar. — § VIII. Eutrop. l. II. — Vell. I, 14. — Liv. Epit. XV. — Val. Max. VI, 5, 1. — Pigh. in ann. 485.

digna visa, quæ denariis argenteis nuper cudi cœptis impressa, et pluribus statim innotesceret, et ad memoriam servaretur posteritatis. Nummos Picum repræsentantes, Saturni filium (nam is gentis auctor creditur) et ab alia parte dextram a magistratu romano porrectam supplicanti, ex senatusconsulto cudendos curavit Q. Cædicius Quinti filius. Et certe luculentam ea gente pacata virium accessionem factam vel inde constare potest, quod trecenta sexaginta Picentium millia in fidem populi romani venisse traduntur. Eo bello triumphum consules meruerunt duxeruntque: insigniore tamen P. Sempronii gloria, quod adversus validiores hostium copias, periculoque et contentione majore certaverat. Res enim prodigiosa tum accidit, ut instructa utrinque acie, sub ipsum committendi prælii tempus, terra subito moveret.

X. Sed consul apta temporis oratione terribitos militum animos confirmavit: *haud minus hostes religione non necessaria perturbatos dicitans, ejusque victoriam fore, qui excusso inani metu adversarium sui non bene compotem prior invasisset. Templo deinde Telluri deæ voto, si populo romano victoriam dedisset, impetum in hostes fecit. Neque hi segnius exceperere certamen, cædesque tam atrox fuit, ut etiam victoris exercitus pars minor evasisse dicatur. Ab hoc prælio, quum alia Picentium oppida, tum caput gentis Asculum, situ murisque tutissimus locus, Sempronius se dederunt. Hujus deinceps exemplo Picentium omne nomen imperata facere pollicitum, a senatu pacem obtinuit. Jam Italia tota, qua siculum ioniumque mare spectat, perdomita, soli restabant Sallentini, qui ad extremas Italiæ oras colunt, qua mare superum ionio committitur: ad hos igitur a Picentibus bellum, veluti contagione quadam pervasit, iisque M. Atilio Regulo, L. Julio Libone consulibus indictum est. Crimini datum, quod Pyrrhum ex Epiro venientem, portubus oppidisque suis recepissent.*

§ IX. Plin. XXXIII, 3. — Col. triumph. — Entr. lib. II. — § X. Front. Strat. I, 12. — Flor. I, 19 et 20. — Oros. IV, 4. — Strabo, lib. VI. — Liv. Epit. XV. — Eutrop.

XI. Cæterum commoditas portus brundusini, qui eodem vento spirante et dimittere naves potest, et accipere, facilisque inde in Illyricum et Epirum trajectus, quodque opportunius videbatur ipsis Italiæ finibus imperium terminare, veriores belli causæ putabantur. Triumpharunt ex his ambo consules una die, quæ fuit octava Kalend. Februar. Fusis acie Sallentinis, nobilissimum eo tractu oppidum brundusinum ceperant: aliaque prospere gesserant: adjuti, ut ferebant, a Pale pastorum dea, quæ *præmium victoriæ* petiisse ultro dicitur, *ut ædes sibi Romæ dedicaretur*. Majori parte Sallentinorum ab his subacta, victoriam sequentis anni consules absolverunt. Numerius Fabius C. F. M. N. et D. Junius D. F. D. nepos Pera fuere. Ab his Umbri simul atque Sallentini in deditionem accepti.

XII. Sic universa jam Italia perpacata, qua maribus et amne Pado finitur, e vestigio per insulas propinquas, et adsitam ionio hadriaticoque pelagoque continentem, aliorum spe, aliorum formidine celebrari romana magnitudo cœpta est. Nam quibus studium erat per injurias vicinorum crescendi, suis consiliis impedimentum a Romano metuebant: aliis ex diverso præsidium istud adversus impotentiam adversariorum, tanquam divinitus oblatum amplexantibus. Primi omnium Apolloniatæ missis Romam legatis in amicitiam recipi petierunt. Urbs illa sexaginta stadiis a mari recedit, a Corinthiis et Corcyræis condita, commodumque portum habet, qua proximus in Græciam a Brundusio trajectus est. Illyricæ macedonicæque circum gentes colunt: igitur inter potentes et cupidos libertatem suam ægre tuebatur. Ab senatu non tam civitatis ejus opes, quæ tenues erant, quam spem futuri, et apertam ad majora occasionem reputante, perquam humaniter accepta est legatio: quo gravior mox vindicta fuit in quosdam ordinis senatorii juvenes, qui legatos orta contentione pulsaverant.

XIII. Q. enim Fabium neque magistratus dignitas, ædi-

§ XI. Enn. lib. VI. — Zonaras. — Column. triumph. — Flor. I, 20. — Liv. Epit. — § XII. Strab. lib. VII. — Liv. Epit.

litatem enim gerebat, neque generis amplitudo tutata est, quin Apolloniatis ob eam noxam dederetur. Deditus est etiam Cn. Apronius itidem ædilis, ejusdemque culpæ reus. *Hos igitur per feciales legatis Apolloniatum tradi, questoremque cum his Brundisium ire senatus censuit, ne quid in itinere legatis a deditorum propinquis amicisve noceretur.* Magnum sane fidei publicæ documentum; sed non inferius prudentiæ: quum enim opinione justitiæ nationum exterarum animos ad amicitiam suam attrahere desiderarent; magnopere intererat, injurias eorum, qui primi ad societatem jungendam venissent, quam accuratissime vindicari: neque enim quidquam destinatis eorum tam inimicum fieri potuisset, quam si commissum esset, ut et Apolloniatas facti sui, et alios exempli pœniteret; atque ab hac utilitate receptum, constanterque secutis etiam temporibus servatum est, ut qui legatos civitatis liberæ pulsavissent, iis, quorum erant legati, dederentur. Cæterum Apolloniati deditis in suum oppidum adductis, plus se commodi ex humanitate, quam ex vindicta, consecuturos, prudenter arbitrati, domum incolumes remiserunt.

XIV. Hoc anno ab utroque consule, bini sunt triumphi ducti. D. Junius ante diem quintum Kal. Octobres, Numerius Fabius ante diem tertium Nonas ejusdem mensis de Sarsinatibus Umbrorum populo triumpharunt: iterum Kalend. Febr. Fabius, Nonis Junius de Sallentinis et Messapiorum gente, quæ Sallentinos accolas auxiliis juverat. Is finis eo tempore bellorum italicorum fuit; nam quod anno sequente, Q. Fabio Gurgite tertium, L. Mamilio Vitulo consulibus, ad Volsinos gestum est, non cum justis hostibus bellum, sed adversum scelestas servitia pro sociis ultio fuit. Etruscorum gens opulentissima Volsinii fidem populi romani contra servos quondam suos implorabat. Usi enim inepto consilio, sive quod superioribus bellis attritas vires ita recreari posse sperabant; sive deliciis ipsi diffuentes, ar-

§ XIII. Dionys. apud Vales. — Zonaras. — Val. Max. VI, 6, 5. — L. 17. ff. de Legation. I, tit. 7.

morum laborem fugiebant : servis libertate et civitate donatis, ea permiserunt. Inde communicatis etiam honoribus in senatum legi, magistratusque fieri cœperunt.

XV. Ita brevi oppressis veteribus civibus, translataque in se republica, datam a dominis libertatem adversus ipsos insolentissime exercuerunt. Matronas honestas virginesque per vim constuprari : maritis parentibusque de injuria conquerentibus pro vindicta legum, contumelias et ludibria rependi : arbitrio petulantissimorum nebulonum rapi, trahi, vexari omnia Volsiniis jam in morem venerat. Neve prætereat in signe monumentum, quem ad finem servilium animorum belluina impudentia possit procedere, si nacta potentiam fuerit ; lege lata sanxerunt, *uti libertinis in patronorum filias ac uxores stupri jus esset : floremque virginis ingenuo nupturæ primum aliquis ex suo ordine delibaret.* Volsinienses igitur veteres, quum neque ferre diutius miseras istas, neque propulsare viribus suis possent, consilio clam inter se habito, legatos Romam mittere decreverunt. Li secretis precibus impetrato, *uti privatis in ædibus senatus cogeretur* : perniciem enim tibi, si res emanasset, impendentem prospiciebant : oratione flebili calamitates urbis suæ exposuerunt ; qua moti Patres, opem miseris ad recuperanda pristina jura promiserunt.

XVI. Sed hæc quum acta secreto putarentur, iis, qui fuerant accusati, per Samnitem quemdam indicata sunt. Is, quum in ædibus, ubi senatus convenerat, hospes domini ægrotaret, per oblivionem eo in loco relictus exceperat dicta, prodideratque. Quæstiones igitur de legatis Roma reversis habitæ sunt ; compertoque negotio, et ipsi et principes alii civitatis crudeliter interfecti. Eo justior inferendi belli causa visa : missusque cum exercitu Q. Fabius eos. occurrere ausos in fugam vertit, magnumque fugientium numerum cecidit : cæteros, qui intra munimenta se receperant, actis operibus oppugnare instituit ; sed illis non segniter resistentibus,

§ XIV. Florus, I, 21. — Jo. Antioch. apud Vales. — § XV. Zonaras. — Val. Max. IX, 1, 2. — Auct. de Vir. ill. cap. 36.

quum levia, ut solet, certamina crebro fierent, consul, dum incautius inter tela versatur, vulnus accepit, et in ejus deinde curatione decessit. Obsessi, casu eo cognito, eruptionem summis viribus fecere, sperantes, exercitum interita duois turbatum, si subito invaderetur, à mœnibus submoveri posse.

XVII. Verumtamen eventus prælii contra dedit: excepti ferociter a militibus romanis, et in urbem iterum cum clade compulsi sunt. Huic ego pugnae Decium Murem præfuisse crediderim: hic enim legatus esse Fabio, et post necem ejus, donec successor veniret, bellum administrare potuit: atque inde esse reor, quod apud negligentiores historicos, volsiniensis belli cœpti finitque titulus Decio Muri ascriptus est. Censores eo anno creati Cn. Cornelius L. F. Cn. N. Blasio, et C. Marcius, qui quum antea quoque censuram gessisset, in hoc honore Censorinus appellatus est. Memorabilis hujus Marcii moderatio fuit, qui accepta potestate, quam non ambiverat, populum ad concionem vocatum gravissima oratione increpuit, *quod magistratum illum bis eidem mandavisset, cujus tempora, non aliam ob causam, quam quia nimia potestas ejus esset, coarctanda sibi majores judicassent.* Inde profecta lex est, qua cautum, *ne quis censor iterum fieret.*

XVIII. Eodem anno quæstorum numerus ampliatus est. Quatuor hactenus suffecerant: urbani duo; totidem ad bellum exeuntibus consulibus adjungebantur. Sed proximis aliquot annis, aucta majorem in modum republica, vectigalibusque ac portoriis multis accedentibus, duplicari numerum istum necesse fuit. Appius deinde Claudius, qui in magistratu Caudex cognominatus est, et M. Fulvius Flaccus consules sequuntur: annus cœpto primum adversus Pœnos in Sicilia bello memorabilis. Tum enim inter duas potentissimas civitates inimicitiae primum erupere, quæ multos post annos, illatasque et acceptas horrendas clades, non nisi al-

§ XVI. Julius Obsequens, de Prodigiiis, cap. 27. — § XVII. Auct. de Viris illustribus, c. 36. — Marm. Capitolin. — Val. Max. IV, 1, 3.

terius excidio finiri potuerunt. Sed prius de Carthagine quædam altius repetenda sunt, quam ad bellorum istorum expositionem accedamus : erunt enim his in rebus enarrandis multa intellectu judicatuque difficiliora, nisi primum origo urbis et incrementa cognoscantur.

§ XVIII. Plut. in Coriolan. cap. 1. — Liv. Epit. XV. — Tacit. Annal. XI, 22, 6. — Agell. XVII, 2.



JOANNIS FREINSHEMII
SUPPLEMENTORUM
LIVIANORUM

LIBER SEXTUS

IN LOCUM LIBRI DECIMI SEXTI LIVIANI.

EPITOME

LIBRI DECIMI SEXTI.

Origo Carthaginiensium et primordia urbis eorum referuntur : contra quos et Hieronem regem Syracusanorum auxilium Mamertinis ferendum censuit senatus ; quum de ea re inter suadentes , ut id fieret , dissuadentesque contentio fuisset. Transgressis tum primum mare equitibus romanis , adversus Hieronem sæpius bene pugnatum. Petenti pax data est. Lustrum a censoribus conditum est : censa sunt civium capita ducenta nonaginta duo millia ducenta viginti quatuor. D. Junius Brutus munus gladiatorium in honorem defuncti patris edidit primus. Colonia Æsernia deducta est. Res præterea contra Pœnos et Volsinios prospere gestas continet.

I. **CARTHAGINEM** a Tyriis Phœnicibus conditam esse, præter veteris historiæ fidem, etiam perpetua civitatum istarum, donec floruerunt, amicitia, præterea linguæ nunc quoque manentis manifesta similitudine, certum atque testatum est. Ex ea gente ferunt Elisam, quæ et Dido cognominata est, filiam Agenoris Belo geniti, quod Pygmalionem iisdem parentibus ortum, ob injustam mariti sui Sichæi cædem odisset, patria profugam, eum Africæ sinum, penin-

sulamque in qua post condita Carthago fuit, tenuisse : parvis admodum rei tantæ initiis, ac potentiæ, quæ deinceps consecuta est, spem nullam ostendantibus. Quippe non plus terræ ab incolis emisse Elisa creditur, quam corio bovis amplecti posset : hoc in tenuissima lora dissecto majus aliquanto spatium, quam venditores intelligebant peti, comprehendit ; arcique struendæ suffecit locus, quam ex eo *Byrsam* appellatam putant. Inde multis, commerciorum gratia cum advenis colendorum, sedes juxta statuentibus, quum jam instar civitatis effectum esset ; Afrique mansuetos homines et divites secum retinere cuperent : facile assensi sunt venientibus ab Utica legatis, qui *suo exemplo* (nam et Utica colonia Tyrionum erat) *ad condendam iis locis urbem* hortabantur. Ita convenit, ut Afri sedem oppidi Phœnicibus concederent ; hi annum eo nomine vectigal penderent Afri.

II. Operi perfecto Elisa lingua sua nomen imposuit *Carthadas*, quod urbem novam significat ; Græci Carchedona, Romani aberrante, ut fit, pronuntiatione Carthaginem vocaverunt. Ea quum et vicinos faventes, et populum industrium, et, quod maximum est, sapientem reginam haberet, admirandis incrementis brevi convaluit. Hæc ante romanam urbem conditam anno circiter septuagesimo acta videntur : nam inter auctores, ut in re tam antiqua, parum convenit. Sed Elisæ quemadmodum vita casuum varietate nobilis, sic etiam memoranda mors fuit. Iarbas africanæ cujusdam gentis regulus nuptias ejus ambibat, ni assequeretur, bellum minitans ; sed illa castitate insigni, et mariti prioris amore, nuptias adversabatur : bellum rebus adhuc nascentibus et teneris exitiosum fore intelligebat : igitur tempore ad deliberandum sumpto, quasi tandem vicisset animum, et ad nuptias africanas adduxisset ; in extrema tum urbis parte *rogum exstrui* jussit, *priusquam novum matrimonium ingrederetur*, *Sichæo suo inferias daturam* præferens : tum hostiis multis immolatis, ad ultimum ipsa conscendit pyram, et

§ I. Bochart. Chanaan. — Just. XVIII, 5. — Appian. Lybic. — Strab. lib. XVII. — Liv. XXXIV, 6r. — Vell. I, 2, 6.

gladio, quem secum attulerat, sibi mortem conscivit; caritate viri et civium propriæ incolumitatis curam superante. Retulerunt Carthaginienses quam potuere gratiam: et admiratione virtutum ejus, donec respublica salva fuit, pro dea venerati sunt: ædes in loco, ubi vitam exuerat, structa: ipsa *Dido* (sic sermone suo viraginem Pœni vocant) appellata.

III. Quum deinde nemo unus successione regni post Elisam dignus haberetur, mixta optimatum et populi potestate gubernari civitas cœpit. Regia tamen appellatio manebat, sed ii lacedæmoniis regibus similes erant; nisi quod nulli certæ domui addictus honos, ut quisque nobilitum divitiis et virtute cæteros anteibat, mandabatur. Hi foris bellorum administrationem habebant; unde *prætores* atque *dictatores* a Romanis, potestatem eorum cum sua republica comparantibus, appellari solent: domi principes consilii publici erant: cum eo de negotiis civitatis statuebant: de majoribus rebus referebatur ad populum; ejus judicium in dissensu regum atque senatorum valebat: eidem jus erat etiam adversus placita regibus et consilio sciscendi, si forte contra rempublicam esse (id autem licebat cuivis coarguere) viderentur. Quæ nimia populi potestas, cum assentatorum studiis, ut fieri amat, in immensum augetur, sequentibus temporibus Carthaginensium rebus vehementer nocuit: in senatu porro seniores triginta quasi sanctius consilium erat: et horum in ordine universo plurima vis. Decoris publici disciplinæque custodiam censoria potestate præfectus morum exercebat.

IV. Successu temporum, majoribus jam populi carthaginiensis opibus, plures ad bellum imperatores deligi cœperunt. Ex quibus præcipuæ virtutis et felicitatis Mago, quum duos filios suis artibus instructos reliquisset, atque easdem illi quoque numerosiori jam soboli veluti per manus trade-

§ II. Cato ap. Solin. — Bernegg. ad Just. XVIII, 6, 9. — Sil. Ital. l. I, 81. — Serv. in Virg. Æn. I, v. 344. — § III. Arist. Polit. II, 11. — Bongars. ad Just. XXX, 2, 7. — Polyb. VI, 49. — Liv. XXX, 16. — Corn. Nep. in Hamil. cap. 3.

rent, evenit, ut ejus familiæ nimia potentia novis remediis coercenda videretur : creatique centumviri, penes quos de ipsis quoque ducibus judicia forent : formidabilis potestas, vel amplitudine juris, vel diuturnitate temporis, perpetui enim erant; quum jam reges ipsi non in perpetuum, neque longum adeo ad tempus, sed annui crearentur : quos domi frequentius *Suffetes*, id est, iudices nominabant, consulibus Romanorum similes. Sed centumviros insolentius se gerentes lex Hannibalis in ordinem coegit, sancito, *ut in singulos annos iudices legerentur, neu quis biennium continuum iudex esset.*

V. Sacra maxime Tyro advecta colebant; quædam etiam post assumpta. Junonis cultus præcipuus : neque levis Æsculapii, cui magnificum templum in ipsa urbe struxerunt. Apollinis etiam locuples ædes fuit, laminis aureis tecta, cum celebri simulacro, quod excisa Carthagine Romani avectum, juxta circum maximum collocaverunt. Ad Herculem vero Tyrium quotannis magna cura delectam navem, cum decimis annuorum proventuum, aut partarum bello manubiarum, mittebant. Ab iisdem conditoribus suis, alium etiam ritum horrendæ religionis hauserant, ut Saturno, quem ipsi *Belum* vocant, quotannis victima humana facerent : cujus immanitatis reliquiæ ne cum ipsa quidem urbe tolli penitus abolerique potuerunt. Cæteros civitatis mores plerumque commerciorum utilitas moderabatur : quibus gens natura et majorum instituto deditissima, prudens imprudens omnes suas rationes consiliaque accommodabat.

VI. Hinc inevitabili malo, divitiarum admiratio honosque comitia corrumpit magistratum; virtutem pecuniæ subjectam debilitavit; populum inflammavit opum cupiditate, fraudumque et mendaciorum servili consuetudine infecit; remque publicam harum rerum se studio totam tradere compu-

§ IV. Justin. XIX. — Cornel. Nep. — Livius, XXX, 7, et XXXIII, 46. — § V. Virg. Æneid. lib. I, 19. — Strab. lib. XVII. — Appian. in Punicis. — Plutarch. in Flamin. c. 1. — Polyb. legat. CXIV, 3. — Diodor. XX, 14. — Just. XVIII, 6. — Hieron. in Isa. c. 46. — Plin. XXXIX, 5, 37.

lit. Inde enim processit, ut neque fidei multum in punicis fœderibus, et virium publicarum longe maxima pars in clasibus esset; pedestris militia, robur atque firmamentum omnis imperii, nullo equestris aut modico in honore usuque: quoties terra bellandum, mercenariis copiis res gerebatur; quarum neque caritas ulla in rempublicam, et fides venalis, et discordia molesta, et conspiratio terribilis esset: adeo capitali errore, ut non alius hostis, ante ultimum excidium, rem punicam tam prope ad extremam desperationem adduxerit. Neque minor ex ea malorum seges, quod qui in magistratibus et in curationibus erant, mutua dissimulatione peculatum impune exercebant: ut sic quoque minus mirandum esse videatur, si bello inter has civitates exorto, superiores Romani fuerunt; quorum senatores duris temporibus suam pecuniam in publicum conferebant, quum Carthaginienses rempublicam haberent quæstui.

VII. Sed hæc vitia cum ipsa urbe adoleverunt: quare primum quidem ut infirma et modica, non ægre tolerabantur: post aliquandiu sustinere potuit imperii magnitudo, et quidam singulari virtute duces, quorum maxime opera quidquid felicitatis Carthago habuit, comparatum stabilitumque comperio. Sed ab initio quidem adversus Afros vectigal pro solo urbis reposcentes dimicatum est: idque jus non nisi repetentibus bellum extortum: inde prolatum etiam imperium: Africæque pars cultissima sub ditionem populi carthaginensis redacta. In Sardiniam autem, deinde Siciliam ut trajiceretur, maris opportunitas et illius insulæ rudis ad resistendum barbaries, hujus ob discordias perpetuas potentiorum injuriis exposita pulchritudo invitavit. In Corsicam ex Sardinia facilis transitus; et insulæ non opulentissimæ promptior occupatio fuit. At in Sicilia diutissime varia fortuna dimicatum est, maximasque et victorias ex iis bellis, et clades Pœni retulerunt.

VIII. Hamilcar quidem, Hannonis F. quum trecenta ho-

§ VI. Cicero contra Rull. cap. 35. — Polyb. I, 65, 67, et VI, 49. — Liv. XXXIII, 46, et XXVI, 36. — § VII. Just. IV, 3, et XIX, 2. — Herod. VII.

minum millia in Siciliam deportasset, a Gelone victus, interii: qua calamitate percussi Carthaginenses abstinere Sicilia, donec ab Ægestanis, quos Selinuntii premebant, exorati, Hannibalem Hamilcaris filio Gescone natum miserunt. Is Selinunte ac Himera excisis, magnam iterum potentiam Pœnis in Sicilia comparavit. Imilco Leptinem Dionysii majoris fratrem ducemque in siculo mari vicit, navesque cepit aut depressit centum, virorum interfecit plusquam viginti millia: multas Siciliae civitates obtinuit, partem quoque Syracusarum cepit: sed orta repente pestilentia, toto ferme absumpto exercitu, cum paucis eum Carthaginem redire compulit. Neque tamen spem Siciliae occupandae abjecerunt Pœni, sed paucis post annis cum alia classe Hannonem adversus Dionysium bellare jusserunt. Postea Magonem ab Iceta vocatum, et in ipsa jam syracusana urbe castra cum peditum sexaginta millibus habentem, Timoleon ejecit. Mox Hannibalem et Hamilcarem septuaginta millia militum adducentes idem Timoleon pugna magna vicit, castrisque exiit.

IX. Sed haud temere velocior iis ullo bello majorve conversio fortunæ, quam adversus Agathoclem fuit: qui victus in Sicilia, obsessus Syracusis, nulla evidente spe salutis, ultro transduxit in Africam bellum, Carthaginensesque multis præliis victos, desciscentibus passim Libybus, in maximum periculum metumque conjecit: domum deinde reversus, Sicilia tota expulit, donec mors regis, et ex ea turbæ, spem iterum occasionemque repetendæ possessionis aperuerunt. Exinde, ut diximus, vario Marte cum Pyrrho bellavere, ad extremum superiores. Interim etiam in Hispania civitates quædam stipendiariæ factæ, quum Gaditanis opem adversus accolos petentibus, cognato populo (nam et Gades Tyrii condiderant) auxilium Carthagine missum, vicinas aliquot Hispaniæ regiones punici juris fecit.

X. Is ferme Carthaginis status erat, quo tempore bellum

§ VIII. Diod. XIII, 43, et XIV, 60. — Justin. XX, 5. — Platarch. in Timol. c. 24 et 30. — § IX. Just. XXII, 8, et XXIII, 4: — Curt. IV, 4.

adversus Romanos sumpserunt. Siciliam vero, qua punice ditioni subjecta non erat, majori ex parte Syracusani, et rex eorum Hiero possidebat: reliqua Mamertinorum armis tenebantur. Ii donec Romanorum, qui Rhegium occupaverant, societate uti potuere, sua defendisse non contenti, etiam punicos syracusanosque fines incursabant: denique oppida Siciliae multa, quo vastationem agrorum, et alia incommoda redimerent, vectigal pendere coegerunt. Sed expugnata urbe rhegina, defectoribusque supplicio affectis, nudati hoc subsidio Mamertini priores opes tueri nequiverunt: et amissis ferme, quae extra Messanam tenuerant, de urbe ipsa cum Hierone syracusano dimicabant. De quo rege, quoniam ipse quoque temporibus eisdem hostis populi romani, mox per annos sane multos socius et amicus fidelissimus, et ingens ad res constituendas momentum fuit; paulo copiosius exponendum puto. Nam et in eo rara felicitas, et magna virtus, et prudentiae vis eximia fuit: eaque tempestate Syracusanorum opes et floruerunt cum Hierone, et considerunt.

XI. Hic igitur nullo neque divitiarum, neque gloriae a majoribus relictæ, neque alio aliquo tali praesidio adjunctus, omnem fortunam suam sibi debuit: non ut plerique ad magnam potentiam ex tenui loco criminationibus meliorum, aut nece fugave adversantium proventus; sed modestia et in parandis opibus, et in habendis, singulari: recte conjiciens, nullum esse regnum stabilius, quam quod ita exercetur, ut magis hoc timeant amittere, quibus imperatur, quam qui imperat. Itaque quum annos quatuor et quinquaginta praefuisset, idque iis temporibus, quibus collisæ duæ potentissimæ civitates de principatu terrarum summa contentione pugnabant, ipse nullo foris bello, si primos annos excipias, nullis domi insidiis petitus, nonagenario major, quum ad eam ætatem, certo temperantiae argumento, sensus integros corpusque firmum pertulisset, obiit: non

§ X. Polyb. I, 8 et 10. — § XI. Liv. XXIV, 4. — Polybius, lib. VII, apud Vales.

suis modo carus, sed etiam apud Romanos pariter Græcosque magna fama.

XII. Quem et principatum deponere sæpe volentem cives sui publice prohibuerunt: et filius Gelon, qui natus annos plus quinquaginta ante Hieronem decessit, rara inter mortales moderatione, regno quam patre carere perpetuo maluit, eumque ad extremum usque vitæ tempus constanti fide atque pietate percoluit. Is igitur Hieron ab Hierocle genitore, qui stirpem suam ad Gelonem veterem Siciliæ tyrannum referebat, expositus est: quod virum nobilem susceptam ex ancilla prolem pudebat tollere. Sed omni humana ope destitutum apes, in os jacentis ingesto melle, per complures dies aluerunt. Eo prodigio, responsisque aruspicum, qui regiam puero potentiam portendi confirmabant, permotus Hierocles, infantem recolligit, agnoscit, et in spem futuræ magnitudinis diligenter instituendum curat: tum igitur inter æquales discenti, a lupo in turba puerorum repente conspecto tabulam ablatam esse aiunt: et mox militiæ tirocinium auspicanti aquilam in clypeo, noctuam in hasta consedissee. Consilii viriumque indicium id fuisse creditum est, summique, ob regiam alitem, fastigii.

XIII. Sed certiora signa mox ipse dedit, forma et robore corporis eximio: verum ingenii, temperantiæ, comitatis, justitiæ, moderationis nomine clarior atque illustrior. Sæpe in acie, sæpe adversum provocantes singulari certamine congressus, semper victor, a Pyrrho multis militaribus donis virtutis causa donatus est. Cujus postea ex genere Gelon, Hieronis filius, Nereidem in matrimonio habuit. Pyrrho ex Sicilia fugato, quum inter syracusanum exercitum et urbanos, solenni temporum istorum morbo, iterum orta esset dissensio, in castris circa Merganam Artemidorus et Hiero militaribus suffragiis duces creati, consiliis Hieronis, et amicorum ejus opera, clam intromissis militibus urbem in potestatem redegerunt. Ibi Hiero excelsum se virum et quantumque imperii capacem ostendit; nam ex diversis parti-

bus occidit, aut ejecit neminem; sed clementia, moderamine, rectisque consiliis ita composuit motus, ut non minoribus studiis eorum, adversus quos venerat, quam a quibus adductus fuerat, prætor Syracusis crearetur.

XIV. Hic vero reipublicæ curam ut suæ toto animo complexus, quum a longo jam tempore vitium istud in Sicilia inolevisse cerneret, ut quoties magistratus copias eduxissent, vel in exercitu turbaretur aliquid, vel domi novarum rerum motus orirentur; circumspicere aliquem cœpit, cui res urbanas tuto crederet, si quando ipse ad bellum exire cogeretur. Uxorem igitur duxit filiam Leptinis, qui magna inter cives auctoritate, vir etiam cum primis honestus fideique tenax habebatur. Ita provisus domesticis rebus adversus mercenariorum insolentiam, remedium necessarium magis, quam usquequaque laudabile, commentus est; nam educto contra Mamertinos exercitu, quum illi juxta Centuripas occurrisset, aciem ad Cyamosorum amnem hoc dolo instruxit, ut inter cives mercenariosque intervallo relicto, hos committere prælium juberet, tanquam ipse cum urbanis signis alia parte impeditum et districtum hostem invasurus. Ita conductitii majore Mamertinorum numero circumventi cadunt: ipse, dum horum cæde distinentur hostes, otiose tutoque syracusanas copias in urbem reducit.

XV. Ad hunc modum repurgato, quidquid in exercitu ægrum, et ad seditiones pronum fuerat, urbanum militem studiose exercet: novas mercenariorum copias conducit: atque ita benevolentia multorum comparata, remoto audacissimo quoque, reliquis adversus armatum et intentum mutire non ausis, principatum arbitrato suo administrat. Interea Mamertini recenti victoria ferociores, contemptim atque temere Syracusanorum fines populabantur. Adversus hos Hiero, jam civibus et militi fidens, incunctanter egressus, ad ipsam hostium urbem, dimissis passim globis fere vacuum, castra posuit. Cujus intellecto discrimine, Mamertini ad ferendam suis opem expedito cum agmine impigre

§ XIII. Just. XXIII, 4, et XXVIII, 3. — Pausan. lib. VI. — Polyb. I, 8.

accurrerunt. Hiero motis ex agro mamertino castris Mylas urbem, et in ea milites mille quingentos capit: inde castellis aliquot aliis raptim potitus, Ameselum procedit, medio inter Agyrium et Centuripas loco situm. Id quoque, licet munitionibus et præsidio firmum esset, expugnatum diruit: prædiarios in fidem acceptos sibi militare cogit: agrum ameselanum Centuripinis Agyrinisque dividit.

XVI. Hoc successu rerum alacrior denuo in fines Mamertinorum irrui; Alesum oppidum deditioe capit: Abacænicos atque Tyndaritas ipsorum voluntate adiungit. Sic ab utroque mari proximis Messanæ urbibus Hieroni parentibus (nam et etruscum mare Tyndaritani habitant; siculum Tauromenii accolunt, et ipsi Syracusanorum eo tempore socii) Mamertini in arctum coacti, Cio quodam prætore copias opponunt hosti, ad Longanum amnem in myleo campo castra habenti. Pugna commissa, quum dubio Marte certaretur; subito in latera Mamertinorum recens impacta cohors, haud dubiam Hieroni victoriam tradidit; nam ante prælium Hiero ducentos Messeniorum exsules, fortitudine et Mamertinorum odio præstantes viros, additis de suo exercitu delectorum quadringentis, *vicinum collem*, cui *Thorax* nomen est, *circumire*, *hostemque incautum improviso incursu turbare* iusserat. Ii mandata gnaviter exsequuti effecerunt, ut universus Mamertinorum exercitus interneccione cæderetur.

XVII. Cios, re desperata, jam nihil aliud quam mortem mereri manu cupiens, multis vulneribus affectus capitur, et in hostium castra deductus, fidem extorum aruspicumque prædictionem, alio quam speraverat eventu, comprobatur; nam ante pugnam immolanti vates inspectis extis promiserant, *fore ut in castris hostilibus pernoctaret*. Id ille in spem victoriæ trahens, sero se ambigua prædictionis interpretatione deceptum agnovit. Hac ægritudine confectus, quum postridie inter equos captivos eum videret, quo filius in prælio usus fuerat, hunc etiam occubuisse conjectans, fas-

ciis fomentisque vulnerum revulsis spiritum indignantem effudit. Mamertinos clade comperta desperantes, jamque victori cum infulis supplicum occursuros, ex inopinato fortuna servavit.

XVIII. Forte sub idem tempus Hannibal Carthaginensium prætor, in Liparæorum agebat insulis, quæ Siciliæ adjacent. Is audita Hieronis victoria, metuens ne Mamertinis penitus excisis syracusana potentia Carthagini gravis et intoleranda fieret, specie gratulantis ad Hieronem ocius venit: eumque moratus ne statim ad Messanam duceret, urbem ingressus est prior, Mamertinosque deditionem facere volentes non modo verbis ad spem retinendæ libertatis revocavit, sed etiam præsidium suorum militum introduxit. Hiero astutia Pœni se delusum intelligens, quum ad obsidionem jam difficiliorem futuram haud satis paratus esset, Syracusas rediit: exceptusque magna omnium lætitia, et ab universis copiis rex acclamatus, postea quoque nomen istud civium externorumque consensu retinuit. Hierone digresso, Mamertini, quum fiduciam paulisper resumpsissent, de rebus præsentibus deliberantes, duas in factiones scindebantur. Alii *non esse dubitandum* autumabant, *quin Carthaginensium tutelæ se permitterent: quum hoc non modo plures ob causas conducibile, sed etiam, admissio jam præsidio, necessitati proximè videretur.*

XIX. Contra dicebatur: *non minus infensos Mamertinis Pœnos, quam Hieronem fuisse: neque dubitandum, quin illi non benevolentia, sed cupidine dominandi Messanam defendere statuerint: a multis jam ætatibus eos imperium affectare Siciliæ, non exercituum, non classium damno, ne suarum quidem rerum metu et africanis bellis, ab improba spe deterritos. His igitur si se committant, classem validam, et ipsius Siciliæ pleramque partem jam obtinentibus, sine exceptione ulla servituros esse. Minime igitur expedire vocari auxilio Carthaginenses, populum impotentem, infidum, graviusque jugum impositurum, quam a Syracusanis timuissent. Præsidium pu-*

nicum, si eo tantum consilio venisset, ne in manus Hieronis mamertina civitas incideret; re jam perfecta dimitti bona cum gratia posse: si qua vero clandestina subesset molitio; etiam intentiore studio ancipitis amicitiae fallacias praeveniri oportere. Romanos igitur potius implorarent, armis invictos, fide praestantes; neque causam retinendae sub sua ditione Messanae, neque facultatem habituros: quibus in Sicilia ne vestigium quidem soli, neque navalium rerum ullus usus, aut adeo cura esset.

XX. *Hos satis habituros, si Carthaginensibus et Hieroni Messana urbe tanquam obice quodam et fræno cupiditatis objecta, securam ab his Italiam retinere possint. Perseverarent igitur Romanorum potius fidem, quam cujusquam alterius gentis, experiri: neque honeste ipsos et parum opportune priora consilia mutatuos esse, missis jam legatis, et auxilii spe impetrata. Quippe ante postremum cum Hierone praelium, diffidere jam rebus suis incipientes Mamertini, Romanorum opem, uti consanguineorum, imploraverant: et consulibus belli gerendi cupiditate plebem incitantibus, populus auxilium ferri Mamertinis jusserat; sed senatus auctor fieri pudore cunctabatur. Qui enim modo suos ob Rhegium per scelus captum severo supplicio affecerant, ii, si jam Mamertinis pari perfidia Messana potius opitularentur, destrui videbant gloriam justitiae ac fidei, quam priore facto late quaesivissent. Caeterum clade Mamertinorum mox audita, quum jam dubium esse non posset, quin, relictis a Romanis, Pœnorum opes respectari essent, praevaluit sententia juvandos esse censentium: nam et in senatu plures eodem inclinare coeperant, prospicientes, ni fieret, Messanam statim, et paulo post caeteram Siciliam totam Carthaginensium fore: quod si evenisset, populum romanum cum pœno de Italiae possessione certaturum.*

XXI. *Nam istud periculum inevitabile, tum cupiditas imperii potentibus insita, tum ipse locorum situs efficiebat. Quippe Italiam a Liguribus et Venetis inter duo maria longo*

tractu procedentem, qua Bruttiorum ager est, a contactu Siciliae tenuae fretum dividit. Neque dubitatur, continentes olim has regiones fuisse; mox intercurrentibus aquis diremptas, sive humiliora ea parte loca mare acceperunt, sive major aliqua vis terrae motus aut incumbentium undarum angustias isthmi perripuit: a quo eventu *Rhegium* nominatum putant: tali enim aliquo vocabulo quae rupta sunt a Graecis appellantur. Itaque primos Siciliae cultores ex Italia venisse credibile est, etiam ipso nomine confirmante conjecturam. Messanam enim ex adverso litoris italici sitam civitatem Opici condidisse traduntur: quam, quia in sinu falcis referente figuram est posita, *Siciliam* credo appellarent; quod advenientes postea Graeci *Zanclen* sunt interpretati, utraque illa voce diversos apud populos falcem significante. Inde, ut solet, toti insulae haec appellatio haesit, ut ipsa quoque et Zancle, et a pluribus Sicilia vocaretur.

XXII. Insula vero ista quum magnitudine, tum etiam fertilitate, omnes, quae in mediterraneo mari sunt, longe antecellit: olei, vini, frumenti optimi supra fidem ferax: populo frequens, multisque et maximis urbibus ad miraculum exulta: portuum autem situsque totius commoditate vix alius magnum imperium constituere cupientibus aequae idoneus locus est. Nam Italiae conjuncta ex diversa parte Africam respicit; alio ex latere Sardiniam: ab Oriente Peloponnesum et Graeciam ionio mari discretas habet: quaqua-versum navigatione brevi, et ad emittendas accipiendasque classes facillima. Neque dubium est, cupiditatem hac insula potiundi, quam eodem tempore et romanus populus et cartaginiensis affectabat, causam bello dedisse, licet alia dicerentur: nam Romani *Tarentinos contra foedus adjutos* arguebant: Pœni *societatem cum Hierone, ut adversus se in-itam*, criminabantur.

XXIII. Cæterum eo jam potentiae civitas utraque perve-

§ XXI. Sallust. fragm. 12. — Just. IV, 1. — Cassiod. — Var. XII, 14. — Casaub. in Strab. — Macrob. — Strab. lib. VI, p. 268. — Fest. in Sicilices, et ibi Scalig. et Dacer. — § XXII. Diodor. Eclog. lib. XXIII. — Flor. II, 2. — E. Ampel. c. 46. — Liv. XXI, 10. — Zonar.

nerat, ut evitari non potuerit, quin aliquando quacumque de causa colliderentur. Quemadmodum enim arbores non magno intervallo consitæ, aliquam quidem diu non impediunt invicem magnopere; auctæ vero, alimentum atque succum mutuo intercipiunt; quum grandiores fieri cœpere, radicibus et ramis commissæ atteruntur: ita surgentibus imperiis vix per naturam diutius fida manere potest concordia, quam donec, extrito quod medium fuerat, conjunctis jam finibus concurrentia urgeant inter se trudantque; neque priorem intra modum standi impetrabili voluntate; neque libero, nisi remotis obsistentibus, ad majorem amplitudinem procurso. Accedebat ad has causas in utraque civitate magna plebis et potentia, et suscipiendi bellum cupiditas: nam in carthaginensi republica vulgus valebat plurimum; quod auctis civitatis opibus, variis et ipsum commodis locupletari solitum, quæstus dulcedine bella ex bellis seri non invitum patiebatur.

XXIV. Neque multum diversa conditio romanæ multitudinis erat; quæ damna rei familiaris, superiori bello illata, siculis divitiis facile reparari posse sperans, pro jure nuper Patribus extorto, sententiam bellum suadentium plebiscito confirmavit. Quo armatus consul Appius, quum alioqui, viciis antiquæ sectæ viris, major senatus pars assensa esset, sine mora C. Claudium tribunum milit. cum paucis navibus præmittens, *observare occasionem, et si qua obvenisset, in Siciliam transire* jussit. Ille quum Rhegium venisset, in casum dare triremes non ausus, quod longe majori Pœnorum classe fretum obsidebatur, piscatoria navi conscensa Messanam vectus est: ibi cum Mamertinis, ita ut præsens usus postulabat, collocutus; quum Pœnis reclamantibus parum proficeret, infecto negotio rediit. Sed paulo post cognito Messanæ discordiam esse, multis Romanos advocandos esse negantibus, magna parte carthaginense præsidium haudquaquam æquis oculis aspiciente, rursus transmisso freto, quum alia tempori apta disseruit, tum hoc maxime inter-

jecit, se non nisi ad liberandam civitatem venisse : hoc ubi perfecisset, e vestigio discessurum esse.

XXV. Quum ad hæc Pœni responderent, non esse Romanis laborem ullum suscipiendum in liberanda civitate, quæ sui juris esset : jam beneficio Carthaginensium provisum, ne Mamertini servire Syracusanis cogerentur : facesseret igitur Romanus; aut si quam aliam justam haberet causam, cur esset Messanæ, exponeret : negavit Claudius liberam videri civitatem, in qua præsidium alienæ gentis, non sponte oppidanorum ageret. Ad ea quum responderet nemo, Pœnis præsuperbia, Mamertinis metu tacentibus, vir vafer et promptus, apparet, inquit, ex hoc ipso silentio vestro, Carthaginensium causam injustam, et Mamertinos libertatis avidos esse : nam ni ita foret, et illi de jure suo disserere non gravarentur, et isti, nulla, si cum Carthaginensibus sentirent, dissimulandi causa, palam et aperte institutum illorum, approbarent. Ad hæc verba fremitu Mamertinorum orto, multisque orationem illam ut veram et intimis sensibus suis congruentem laudantibus, satis in præsentia promotum esse putans Romanus, quod habitus tamen animorum exploravisset, Rhegium regressus est.

XXVI. Neque multo post adornatis quas habebat triremibus, tentavit transitum. Sed Pœnorum præfectis et multitudine navium, et in maritimis rebus solertia longe inferior, ad hæc fluctuum illorum violentia, quos orta subito tempestas præter solitum exasperaverat, repulsus, amissis aliquot triremibus, cæteris ægre servatis, in portum, unde exierat, rediit. Neque deterritus hoc incommodo, ut meliori alia opportunitate fortunam iterum experiri posset, naves reficiebat : quum ab Hannone (is mamertino præsidio fretique custodiæ præerat) venerunt nuntii, quidquid triremium hominumve superiore certamine Pœni ceperant, adducentes. Cupiens enim fœderum ruptorum infamiam Romanis impingere, consilium hoc amplexus erat Hanno,

questusque, *possessi Carthaginiensibus freti per vim tentatam navigationem esse*, ad pacem et fœdera majori deinceps cura servanda provocabat: sed audito, Claudium nullas condiciones admittere, nisi Messana præsidium deduceretur; fretique trajectionem iterum moliri, exclamavit, *se vero non esse passurum, ut Romani vel manus in isto mari abluerent.*

XXVII. Neque tamen prohibere potuit, quin Claudius observata freti natura, captatoque tempore quum refluxum ejus etiam ortus commode ventus adjuvaret, priusquam occurrì posset, Siciliam teneret. Ibi Mamertinorum in portu repletorum coacta concione, persuasit, *ut Hannonem advocarent, tanquam de præsentì negotio cum eo deliberaturi.* Hanno enim, oppidanorum discordibus animis parum confisus, arcem cum suis occupaverat; neque concioni Mamertinorum se audebat credere: tamen veritus, ne hoc ipsum querelas eorum accenderet, si diffidere videretur, et per suam absentiam se Romanis protinus adjungerent, in colloquium venit: quo per disceptationes et jurgia diu extracto, ad ultimum injectæ a Romanis Hannoni manus sunt; isque in carcerem conditus, Mamertinis factum comprobantibus. Ita partim dolo, partim terrore circumventus, quum alia conditio nulla esset, arce Mamertinis reddita, præsidium deducere coactus est.

XXVIII. Pœni re comperta supra modum exacerbati, quum alioqui duces suos ob mala consilia quantumvis prospero eventu punire solerent, simul stultitiam Hannonis, simul ignaviam accusantes, in crucem miserum sustulerunt: et continuo navales terrestresque copias Messanam pergere præceperunt; alio Hannone, qui Hannibalis erat filius, ad res gerendas in Siciliam misso. Ille coactis ad Lilybæum copiis Selinuntem progressus, castrisque ibi factis, pedestrem exercitum reliquit: ipse processit Agrigentum, et arce communita, populum Carthaginiensibus amicum, ad societatem armorum contra Romanos impulit. Hinc in castra reversum repererunt ab Hierone legati, qui et ipse

Romanorum in Siciliam transitu minime lætus, hoc maxime opportunum tempus judicabat, quo conjunctis punicis viribus, et ipsi et Messanam obtinentes barbari penitus ex insula exterminarentur.

XXIX. Itaque colloquio cum carthaginiensi duce habito, quum utrique Messanæ occupandæ spe excidissent, facile adversus Romanum, utrorumque pari damno supervenientem, societatem instituerunt, ut Messanam communiter obsiderent; neque quemquam in Sicilia, nisi aut syracusani, aut punici juris esse paterentur. Ita pœnus imperator, præmisso caduceatore, qui Romanos, *si Carthaginiensium amici esse vellent, relinquere Messanam, et intra præstitutum diem excedere Sicilia* juberet; totis viribus adversus Mamertinos movit. Naves circa Pelorum stationem agere jussæ: pedester exercitus ad Cubilia (*Eunas* Græci vocant), haud procul urbe Messana dissitum locum, castra communivit. Venit et ex pacto cum syracusano milite Hiero, et ab altera urbis parte, circa montem Chalcidicum nomine, consedit. Ita urbs undique circumdata, neque terra neque mari com meatum aut auxilia accipere tuto poterat.

XXX. Sub idem tempus, quum punicus caduceator nihil a Messana pacati retulisset, Carthaginienses partim ira, partim diffidentia permoti, omnes qui apud ipsos militabant italici generis conductitios crudeliter occiderunt. Quæ postquam Romæ comperta sunt, e vestigio cum valido exercitu profectus consul Appius Rhegium venit: inde præmissis, qui cum Pœnis et Hierone de obsidione solvenda agerent, ipse fretum acri custodia septum sciens, sollicitus intensusque rationem minore cum periculo trajiciundi circumspiciebat. Legati consulis neque a Pœnis amicum responsum retulerunt, et ab Hierone accurata oratione sunt increpiti, qui, commemoratis in populum romanum officiis suis, « Ambigo, inquit, meamne vicem doleam magis, an vestram, « Romani; nam ego quidem amicos aliquanto quam existi-

§ XXVIII. Val. Max. II, 7, 1. — Polyb. X et XI. — Diod. Ecl. I. XXII. — § XXIX. Diod. Ecl. I, XXII et XXIII. — Zonar. — Polyb.

« maveram deteriores ; vos autem opinionem justitiæ ac fidei,
 « qua apud omnes clari eratis, amisistis. Adversus Mamertinos nulla vobis unquam societas aut amicitia fuit : fœdera
 « cum Pœnis olim, mecum etiam nuper icistis.

XXXI. « Hæc in gratiam aliorum nihil ad vos attinentium
 « dissolvere cupientes, potestis dicere, qua vel injuria no-
 « stra, vel merito Mamertinorum hoc faciatis? sed quia Car-
 « thaginiensibus quod pro se dicant, non deerit; illorum
 « ommissa causa, quæ me tangunt unum, in præsentia me-
 « morabo. Mamertini, boni populares vestri, quum apud
 « Syracusanos, uti non ignoratis, stipendia fecissent, ut in
 « Italiam redirent dimissi, Messanæ, postquam a miseris et
 « credulis Messeniis tanquam amici et socii recepti sunt,
 « facinus post hominum memoriam longe fœdissimum edi-
 « derunt; interemptis noctu hospitibus suis, eorumque bo-
 « nis, uxoribus, liberis, et urbe ipsa in potestate retentâ.
 « Quod nisi vos ipsi etiam eodem, quo cæteri mortales om-
 « nes, sensu nefandum et intolerabile scelus esse judicavis-
 « setis, profecto in iis, qui Mamertinorum imitatione idem
 « in Rheginos ausi sunt, illud ipsum tam severe non fuissetis
 « vindicaturi.

XXXII. « Qua igitur indignitate vos moti pœnas ab ne-
 « fariis hominibus repetendas esse putavistis, eadem et ego
 « moveor, ne Mamertinos impunitos pati possim; præsertim
 « quum postea quoque latrociniis per universam Siciliam
 « exercendis, primi sceleris memoriam novis subinde faci-
 « noribus propemodum obruerint: nam, ut alia taceam,
 « Camerina Gelaque urbes ab his excisæ, quum in fide Sy-
 « racusanorum essent, satis mihi graves causæ videntur,
 « cur hominum importunissimorum nefariam audaciam justo
 « pioque bello prosequamur. Quod si vero tuendos vobis esse
 « propterea simulatis, quod eadem in Italia nati, quodam-
 « modo consanguinei vestri videantur: quanto justius fuit
 « Rhegiensibus Italis parci, qui cives vestri fuerunt? Qua in

« urbe recuperanda quum ego vos auxiliis et com meatu ju-
 « varem, divinare debui futurum, ut aliquando me non le-
 « viores ob causas Messanam obsidentem prohiberetis? sed
 « quid ego multis ago, Romani? nam profecto si penes vos
 « aliqua adhuc fideique famæque cura, si quis honesti intel-
 « lectus, si denique pudor superest, dubitare non debeo
 « quin me tam justa tenentem arma vestris viribus adjuturi
 « potius, quam impedituri sitis: sin vero hæc vobis levia
 « videri cœperunt, eventus quidem armorum incertus est:
 « sed hoc longe certissimum, omnes ubique mortales aper-
 « tissime cognituros esse, non ulla juris aut æqui specie,
 « non ob acceptas injurias, quod ne ipsi quidem audetis
 « prætexere, nulla etiam Mamertinorum misericordia, sed
 « sola ambitione et nobilis insulæ vestro imperio adjungendæ
 « improba cupidine, Romanos ad bellum nobis inferendum
 « incitari. »

XXXIII. Quum renuntiata ista essent, Appius olim ani-
 madverso, excubantibus in trajectu validis classibus, sine
 manifesto periculo transfretari non posse, consilium init
 calliditatis et astutiæ plenum: placere sibi negat, *Hieronem*
ab Romanis alienari: neque adversus ipsum decretum bellum
esse; neque injussu populi suscipi posse: die igitur prædicta
 socios navales præsto esse jubet, ac navigia ad cursum in-
 structa haberi, tanquam domum abnavigaturus. Sciebat
 autem multos ex syracusanis atque etiam punicis castris
 milites per speciem negotiatorum, rhegino in portu versari,
 per quos famam illam celeriter ad eos, quibus maxime per-
 suasum hoc cuperet, perventuram esse judicabat. Sic igitur
 accidit, ut providerat: quippe quum die claro navibus con-
 scensis juxta litus italicum vela facere cœpisset, Carthagi-
 nienses, quibus freti claudendi negotium datum fuerat, re
 statim per suos nuntiata, nullum jam hostilis transgressus
 periculum esse reliquum existimantes, transitum incusto-
 ditum dimisere, quo quemque ferebat animus, dilapsi.

XXXIV. Consul, qui futurum hoc conjectaverat, con-

verso sub noctem cursu, cum omni classe, nemine per tenebras venientem observante, nedum prohibente, in Siciliam vectus est. Audax id cœptum et periculosæ aleæ plenum fuit, quum ignarus maris exercitus per freta, etiamsi hostis et tenebræ abessent, suo ingenio metuenda, cum rudibus et imperite fabricatis navigiis noctu rueret; dignaque res visa, quæ etiam novi cognominis monumento posteris innotesceret. Quod enim caudicariis navibus multis in transvehendo milite usus esset, admiratione facti *Caudicem* istius ævi simplicitas appellavit. Hactenus enim rerum maritimarum adeo nullus Romanis usus fuerat, ut ad hoc tanti momenti negotium, neque tectam navem, neque longam, ne lembum quidem unum haberent, sed triremibus, quas Tarrentini Locrique cum Eleatis et Neapolitanis commodato dederant, et actuariolis, quæ quinquaginta remorum essent, uterentur.

XXXV. Cæterum Appius, quum forte non longe ab eo loco, ubi castra erant Syracusanorum, appulisset, cohortatus suos, *certamque victoriam ostentans, si tale nihil suspicantes opprimerent*, protinus ad hostium oppugnanda castra pergit. Hiero subito tumultu excitus, et ipse contra educit copias pro tempore instructas: fit aliquandiu certamen acre; pelluntur romani equites: sed legionibus fortissime præliantibus vincitur Hiero, seque cum suis trepidus intra vallum recipit. Appius spoliari corporibus hostium jussis, Messanam intrat, Mamertinosque præsentia sua ex timore magno recreatos spei melioris implet. Hiero victum se videns, priusquam vidisset hostem (sicut ipse postea confessus est), fretique transitum a Carthaginensibus proditum suspicatus, quum ambigua mente multa secum agitaret, de summa rerum vereri cœpit; proximæque noctis silentio copias eduxit castris, et contento itinere Syracusas refugit.

XXXVI. Eo submoto Appius, quum terrore victoriæ recentis ad Pœnos quoque debellandos uti vellet, militibus,

§ XXXIV. Polyb. I, 11 et 20. — Sen. de Brev. vitæ, cap. 13. — § XXXV. Zonar. — Polyb. I, 11 et 12. — Flor. II, 2. — Diod. Eclog. lib. XXIII.

ut cibum tempori capiant, imperat : deinde albescente jam die progressus, castra Pœnorum oppugnare instituit. Erant hæc loco satis tuto posita, et natura manumque diligenter permunita : hinc mare, inde profundæ paludes, in peninsula ferme speciem ambibant : inter has angustum spatium, quo uno adiri poterat, ductus adversum irrupturos murus obsepiebat. Hic ubi vim fecissent romani milites, neque locorum simul iniquitatem, et propugnantium multitudinem vincere possent, missilibus maxime, sicut in urbium oppugnatione solet, rem gerentibus Pœnis, irrito incepto desistere coacti recesserunt. Sæpe in bellis meliori fortunæ locum sors durior, et adversi ab initio casus fecere : dum his affecti, consiliis animisque majoribus acceptum detrimentum sarcire student, hostes felicitatis opinione blanda fascinati, neque satis adversum fortuita providentes, in temeritatem auferuntur.

XXXVII. Quod illo tempore Carthaginiensibus usu venit. Qui repulisse hostem non contenti, tanquam fugientem eruptione ex castris facta prosequerantur ; suæ virtuti, non munitioni locorum Romanos cecidisse existimantes. Itaque postquam ex angustiis, quibus defensi fuerant, processere, mutata cum loco fortuna prælii, magnusque eorum numerus cæsus est : reliqui ad castra, pars, ut cuique maxime promptum erat, in urbes circumjectas diffugere, neque deinceps, quandiu Messanæ Claudius fuit, castris suis excedere sunt ausi. Consul etiam cum natura loci et difficultate situs iterato pugnare minime consultum arbitratus, quum tempus ibi frustra terere videret, præsidio Messanæ relicto in Syracusanorum sociorumque fines impressionem fecit : iisque impune vastatis, tantum concepit fiduciæ, ut jam ad ipsas Syracusas exercitum auderet admovere. Varia ibi fortuna certatum est : semel etiam consul magno in periculo fuit ; circumventusque foret, nisi mature capto consilio misisset ad Hieronem, quasi de conditionibus pacis acturus. Misit et ille certum hominem ex amicis : cum hoc

cœpto colloquio, et de industria producto, sensim ex iniquo loco se subtraxit in tutum.

XXXVIII. Syracusani quoque secuti, sermones de pace cum diversis Romanis instituerunt, conventumque foret, ni Hiero auctor fieri noluisset. His rebus gerendis major anni pars consumpta: tum Messanam rediit consul, et inde cohortibus aliquot relictis ad tuendos Mamertinos, cum cæteris Rhegium trajecit: mox Romam decessit ad triumphum; quem de Pœnis et rege Siciliæ Hierone, quod primum ille de transmarinis populis ageretur, magna omnium gratulatione duxit. Hoc initium Romanis tentandi maria, et hic successus cœptorum in Sicilia fuit. Cæterum et ista et sequentium temporum gesta scriptorum ambitione corrupta sunt, quum eorum præcipui, Philinus agrigentinus, et ex Romanis Fabius Pictor, dum ille Carthaginiensium gloriæ, hic domesticæ nimium studet, officium et fidem insuper habuerunt.

XXXIX. Quorum levitatem merito Polybius arguit: quippe quum etiam privatorum minimis in causis falso testimonio circumvenire quemlibet execrabile crimen habeatur; quanto fœdiore perfidia conditor historiæ principum atque populorum acta corrumpere censendus est? cui neque mortalium commodorum quidquam, neque spiritus ipse pulchra veritate debebat esse antiquior, tanto minori spe veniæ, quod ne prætextum quidem mentiendi allegare idoneum ullum potest; cui, si libere, quæ vera sciebat, quacumque de causa non licuisset tradere, tacere certe licuisset. Porro, dum in Sicilia Claudius Hieronem et Pœnos vincit, obsidionem Volsiniensium ad exitum deduxit alter consul M. Fulvius, qui homines adversus vini desperatione validos, inopia rerum necessariarum et famæ domuit. Facta deditio, ingratum illud et insolens libertinorum vulgus cum cruciatu interemptum est: urbs etiam ipsa diruta: reliqui Volsiniensium, et quod servorum fidem atque reverentiam

§ XXXVII. Polyb. I, 20. — Zon. — § XXXVIII. Silius, lib. VI, v. 660. — Eutrop. lib. II. — Polybius, I, 14.

erga dominos non exuerat, in attributas alibi sedes migraverunt : hoc quoque bellum dignum triumpho visum est : eumque consul a. d. kalendas Novembres tanquam de Vol-siniensibus egit.

XI. Iisdem consulibus a Cn. Cornelio, C. Marcio censoribus lustrum conditum : censa sunt civium capita ducenta nonaginta duo millia ducenta viginti quatuor : numerus sane magnus et prope modum incredibilis, tot bellorum a primis ferme urbis initiis nunquam cessantium continua detrimenta, tot ex pestilentia morbisque sævissimis non minores bellicis strages, cogitanti. Cæterum aliis aliisque subinde populis in civitatem recipiendis, quod institutum a Romuli sapientia profectum posteri constanter tenuerunt, invicta nullisque cladibus superabilis effecta est respublica ; quam nec a Pyrrho data damna, neque naufragia sequentia primo punico bello, neque secundo Trasimenus et Cannæ potuerunt affligere, quin ex incommodis suis identidem alacrior ferociorque resurgeret.

XII. At in Græcia Lacedæmonii militari laude et ipsi percelebres, neque impares romanæ virtuti, quoniam arcebant peregrinos, nec imperium, quod pepererant, diu, neque libertatem suam semper tueri potuerunt. Sed quum leuctrica pugna mille non amplius Spartiatæ cecidissent, protinus potentia civitatis corrui : iterum ad Sellasjam, Lacedæmoniorum sex ferme desideratis millibus, statim amissa libertas est. Achæi vero, ejusdem Peloponnesi incolæ, vicinos omnes æquo jure complexi, pulcherrimam constituerunt rempublicam, et mansuram, nisi romanam potentiam, tum etiam longe lateque imperantem, insania paucorum in perniciem suam patriæque provocasset. Atqui tam diversus eventus instituta tam dissimilia necessario secutus est. Sicut enim naturæ congruit, corpus quod justum ad modum salubri cibo reficitur, robustius et longioris ævi esse, quam si ingenito contentum succo extra se natum alimentum

§ XXXIX. Liv. Epit. XVI. — Zonar. — § XL. Capitol. Colum. — Entrop. lib. II. — Suidas in Ῥωμαίων πολις. — Tac. XI, 24.

omne aspernaretur; ita florentiores fuere civitates, quæ suum efficere noverunt, quidquid usquam egregii erat, quam quæ inepta quadam arrogantia habentes despicatui, quod in sua gleba natum non esset, semetipsas multis bonisque potentiæ quærendæ tuendæve adjutoribus spoliarunt.

XLII. Idem annus rei sane crudeli, sed mox intemperantissime usurpatæ, initium attulit, ut sanguis humanus, in gratiam levissimi cujusque spectatoris affatim fusus, voluptas publica fieret. Barbari moris auctores M. et D. Junii Bruti, nescio qua pietate defuncti patris cineres honoraturi, gladiatorum munus ediderunt, magno favore civitatis. Sed hanc humanitatis injuriam ulta postilentia est, quæ per istum et sequentem annum atrocissime sæviit. Ob quam, quum sibyllinos libros adiri placuisset, ira deum immissam esse, repertum. Ergo religiones profecto parum caste haberi suspicione orta, pontifices diligentius observando et inquirendo, plurima sacella fanaque a privatis occupata esse invenerunt; et Capparoniam ex vestalibus incesti crimine teneri. Sed illa, dum rea peragitur, suspendio prævenit supplicium: in corruptorem ejus consciosque servos legibus animadversum est. Loca sacra ex privatorum temeritate priscis usibus vindicata.

XLIII. Sic exsoluta religionibus civitate, Patres animum rursus ad reipublicæ curam retulerunt; et quoniam Etruria jam pacata, nihil in Italia reliqui motus erat, ambos anni novi consules in Siciliam cum legionibus transgredi placuit. Fuerunt hi M. Valerius M. F. M. N. Maximus, qui in hoc honore Messala appellatus est, et M. Otacilius C. F. M. N. Crassus. Ab his transportatas prospere copias eadem in rebus gerendis prosecuta felicitas est. Quum enim Adranitarum urbe post brevem obsidionem per vim capta, Centuripinos circumsiderent, venerunt ab Alæsinis legati oppidum suum dedentes. Inde consules diversas insulæ partes obeundo,

— § XLI. Dionys. II, 17. — Plutarchus in Agesil. c. 49. — Idem in Cleo. c. 41. — Just. lib. XXXIV, 1. — § XLII. Liv. Epit. XVI. — Val. Max. II, 4, 7. — Oros. IV, 5. — Aug. de Civit. Dei, III, 17.

modo divisis, modo junctis exercitibus, ut res et ratio suadebat, Pœnis Syracusanisque, quoties congregari erant ausi, profligatis, terrorem famamque late sparsere: tantaque fortunam sequentium felicitas, tantusque impetus fuit, ut paulo post oppida haud minus septem et sexaginta numerarentur, quæ romanæ fidei se permiserant: quo in numero Tauromenitani quoque et Catinenses fuere.

XLIV. Unde consules imperatis, quæ volebant, auxiliis quotidie validiores, ad ipsas jam Syracusas castra ponere sunt ausi, obsidionem urbis meditantes. Quibus rebus animadversis Hiero, quum suis atque Carthaginiensium viribus diffidere cœpisset, præterea plus apud Romanos esse fidei crederet, amicitiam et ipse cum Romanis inire constituit; legatosque cum mandatis de pace componenda ad consules misit; neque Romanis displicebat Hieronem a societate punica disjungere, maxime ut res annonaria suis legionibus expeditior esset: nam Carthaginiensibus mare obtinentibus, ex Italia transvehi commeatus nequibant; et ab ea re prioris anni consul plus propemodum, quam ab hostibus, incommodi molestiæque persenserat. Hierone vero adjuncto, syracusanum regnum, abundantiam frugum copia, res necessarias Romanis affatim erat præbiturum.

XLV. Itaque legibus his transactum: *ut Hiero quæ de Romanis sociisve eorum loca, quosque homines cepisset, sine pretio restitueret, argentique talenta centum penderet. Ipse tuto imperaret Syracusis, cæterisque syracusani juris urbibus:* ex quibus erant præcipuæ Acræ, Leontium, Megara, Elorus, Netini, Tauromenium. Legatis deinde ab Hierone Romam venientibus, eædem conditiones ratæ fuerunt, pacemque cum eo rege servandam et senatus censuit; et post paucos dies Cn. Atilio Calatino populum rogante, populus jussit. Hoc fœdus in annos quindecim pactum, deinceps perpetuo mansit; Hierone magnitudinem romanam ita colente committer, hisque vicissim illius studium tam benigne prolixèque

§ XLIII. Tabul. Rom. — Diod. Ecl. lib. XXIII. — Zon. — § XLIV. Eutr. lib. II. — Diod. — Polyb. I, 16. — Paus. lib. VI. — Diod. Ecl. lib. XXIII.

remunerantibus, ut neutros eorum societatis institutæ pœniteret. Syracusanæ pacis audita fama, Hannibal pœnus, qui Hieronem obsidione liberaturus cum navalibus copiis jam Xiphoniam accesserat, majori quam venerat festinatione recessit.

XLVI. Romani, quum jam Hierone quoque socio et comilitone uterentur, non diu morati, carthaginiensis ditionis oppida complura subegerunt. Et ab Adranone quidem, vico munito, Macellaque, post multorum dierum obsidionem discesserunt irriti: cæterum Segestanos, occiso Pœnorum præsidio, ad se ultro desciscentes, receperunt. Præter alia, cognationis necessitudine se Romanis fratribus favere dictitabant, originem suam et ipsi ad Æneam ex trojano incendio profugum referentes. Neque multo post Alienæi Romanis accesserunt; ad Hilarum vero, Tyritum, et Ascellum, vi et machinis opus fuit, eoque severius in victos consultum. Quo terrore Tyndaritani, proximos se periculo, et auxilia longe esse cernentes, quum ipsi quoque de tradenda Romanis urbe consultarent, a Pœnis prohibiti sunt: nam illi ex rebus ipsis conjectura capta, quid ageretur, primores civitatis obsidum loco Lilybæum avexerunt; etiam frumento, vino, cæterarumque rerum apparatu asportato.

XLVII. His temporibus Otacilii Crassi consulis utilis et conveniens romanæ disciplinæ severitas fuit: qui milites ab Hannibale turpi pacto incolumitatis sub jugum missos, extra vallum tendere jussit, ut hostium incursionibus expositi, neque alibi quam in virtute spem habentes, confirmarentur animis, armisque potius quam loco se tueri discerent. Post hæc et alia non majoris momenti gesta, quum hiems immineret, præsidiis per opportuna loca dispositis, consules, reliquo exercitu in Italiam reportato, Romam redierunt. Ibi M. Valerio, cujus eo bello felicior et utilior opera fuerat, triumphus decretus, quem ante diem XVI kalendas Apriles

§ XLV. Zonar. — Polyb. I, 16. — Diodor. Ecl. lib. XXIV. — Casaub. in Polyb. — Tabul. Messan. apud Pighinum. — Diodor. — § XLVI. Diodor. — Polyb. — Zonar. — Cic. Verr. IV, 33.

de Pœnis et rege Siculorum Hierone duxit. Prætervectum inter spolia horologium esse ideo annotatum est, quia res ad eam diem incomperta Romæ fuerat: id Catina recepta deportatum, deinde in publico secundum rostra, in columna Valerius statuit. Idemque tabulam, in qua prælium, quo Pœnos et Hieronem vicerat, depictum fuit, in latere Curia Hostiliæ proposuit; quod ante eum fecit nemo, postea plerique.

XLVIII. Messalæ cognomen huic Valerio ab urbe Messana inditum fuisse constat: sed miror, ab ea capta hæsisse non contemnendis auctoribus credi; quum potius ideo impositum ipsæ res evidenter arguant, quod Messanam a Pœnis et Hierone discessu Appii Claudii acrius infestam, illis submotis, hoc reconciliato, liberasset. Inter hæc quum adhuc pestilentia vexaret urbem, dictatorem clavi figendi causa dici placuit. Dictus est Cn. Fulvius Cn. F. Cn. N. Maximus Centumalus: is magistrum equitum Q. Marcium Q. F. Q. N. Philippum dixit. Eodem anno Æsernia colonia deducta est; quum superiore Firmum deducta esset, et, ut quidam volunt, Castrum. L. deinde Postumius L. F. L. N. Megellus, Q. Mamilius Q. F. M. N. Vitulus consules facti. Sicilia provincia utrique data; legiones vero duæ tantum decretæ: sufficere visæ, postquam in societatem accepto Hierone levius bellum factum erat; et rem frumentariam facilius expediri posse rebantur, si minor exercitus mitteretur.

XLIX. Consules, trajectis in Siciliam legionibus, sociorumque contractis auxiliis, minores sibi res prætermittendas rati, ad urbem agrigentinam totis viribus obsidendam animum adjecerunt. Eam rebus omnibus Pœni largissime instruxerant, belli arcem habituri. Quippe quum Hieronem ab amicitia sua defecisse, Romanos contra non perfunctorie rerum sicularum curam capessere cernerent, diligentiore

§ XLVII. Front. Strat. IV, 1. — Zonaras. — Fasti Capitol. — Varro apud Plin. VII, 60. — Varro ap. Macrob. Saturn. I, 6. — Seneca, de Brev. Vit. c. 13. — § XLVIII. Marm. Capitol. — Liv. Epit. XVI. — Vell. I, 14. — Polybius, lib. I, cap. 17.

ad bellum apparatu opus esse rati, primum quidem præsentium virium majorem partem in Sardiniam miserunt, quæ Italiæ litoribus insidiaretur, ut hoc metu Sicilia Romanos abstraherent; aut certe minoribus, quam voluissent, copiis rem ibi gerere cogerent. Mox Romanis ad sua tuenda, Siciliamque novo cum exercitu repetendam, pariter sufficientibus, spe ista falsi, ex Liguribus Gallisque mortales multos, sed plures adhuc ex Hispania mercede conductos, simul rerum ad victum necessariarum magnam copiam, Agrigentum miserunt: ibi horreum annonæ, receptum exercituum suorum esse volentes, loco, et opportunitate situs, et magnitudine oppidi, præ cæteris quæ in Sicilia possiderent, his usibus accommodato.

L. Circum hanc igitur urbem tota belli mole contracta, consules, Pœnis intra munitiones compulsis, ad unum inde milliari castra locant. Erant tum in agris maturæ fruges, et quia diuturnam fore obsidionem apparebat, milites studio demetendi colligendique frumenti, longius et incautius, quam hoste tam propinquo par esset, vagabantur. Neque Carthaginienses imperite aut segniter occasione usi, magnam intulissent cladem, nisi tantumdem virtute restituissent romani milites, quantum negligentia perdidierant. Quum enim frumentatores subitum hostis impetum sustinere non potuissent, Pœni ad ipsa castra romana perrexerunt, divisoque agmine quidam vallum rescindere parabant; alii cum statione pro castris locata prælium conserebant. Tunc igitur, sicut alias sæpe, militiæ leges et incorruptus disciplinæ rigor, rem ancipitem et exitio romani exercitus casuram, crexit.

LI. Quod enim quacunque de causa stationem deseruisse capitale apud Romanos est; excubitores nihil in fuga spei repositum esse gnari, quanquam numero longe superarentur, pugnam præsentissimis animis sustinere, multis quidem suorum amissis, sed hostium interfectis pluribus; donec armari cohortes laborantibusque succurrere potuerunt. Ita et hic pulsi hostes, et qui vallum jam prope ceperant

circumventi : magna ibi cædes fuit ; cæteros ad urbem usque Romani persecuti sunt. Ea res in posterum et timidiores ad erumpendum hostes , et cautiores Romanos ad frumentandum fecit. Inde quum segnior esse cœpisset contentio , rarius , nec nisi ad levia certamina , excurrentibus Pœnis , dividi copias placuit , et duabus urbis partibus , hinc ad Æsculapii fanum , inde via , quæ Heracleam ducit , castra statuit : hæc fossis utrinque permunita : qua urbem spectabant , adversum eruptiones ; foris , quo tutiora contra invasuros essent , iterque subsidiorum in urbem introducendorum præcluderetur.

LII. Medium inter duo castra spatium frequentibus præsidis stationibusque septum est. In his omnibus multum juvabantur opera Siculorum , qui recens in fidem venerant , quorum jam una cum Romanis centum millia facta erant. Ab iisdem commeatus Erbessum usque subvehebantur : ab eo deinceps oppido (non aberat autem longe) ipsi Romani sua in castra deportabant. Ita fiebat , ut affatim esset magna rerum necessariorum copia. Hoc in statu ad menses ferme quinque hæsit obsidio : quum neutris insigne ad victoriam momentum adeptis (præter leves enim velitationes tentatum nihil fuerat) res punicæ deteriore loco esse cœperunt. Quia enim ingens hominum multitudo , haud minus quinquaginta millia bellatorum , tanto jam tempore idem intra oppidum conclusa , annonam fere omnem absumpsisset , sperari vero subvectio nulla posset , aditus omnes Romanis sollicite custodientibus , propugnatorum animi tam præsentibus malis quam expectatione instantium haud mediocriter angebantur.

LIII. Igitur Hannibale , Gisgonis filio (nam hic rebus Carthaginensibus Agrigenti præerat) , crebris nuntiis opem adversus famem et pericula poscente , cum militibus , qui postea contracti fuerant , elephantisque , Hanno senior in Siciliam transmittitur. Peditum erant millia quinquaginta , sex equitum ; sexaginta elephantum. Cum his copiis Lilybæum vectus , inde versus Heracleam movit : statimque venerunt ad eum ,

qui deditiōnem Erbessi pollicerentur. Horum opera Erbesso potitus, unde hactenus ad castra romana deferri commeatus consueverat, rem haud minimi momenti perfecisse videbatur, quum exclusos omni propemodum facultate necessariarum rerum Romanos haud levius urgeret, quam ab his Agrigentini premebantur. Jamque de obsidione solvenda deliberatum erat non semel, nihilque propius factum, quam ut negotium istud pro desperato abjiceretur, nisi rex syracusanus omnes tentando vias nonnihil frumenti cæterumque rerum furtim submittens, præsentem inopiam modico sabinde levamento recreasset.

LIV. Hanno quum Romanos et penuria, et morbis, qui sequi famem solent, graviter affectos, suas contra copias viribus integris agere perpenderet; propius ad Romanos accedere, præliisque, si facultas daretur, fortunam experiri statuit. Elephantis igitur quinquaginta cæteroque toto exercitu assumptis, Heraclea profectus, numidicum equitatum præmittit, qui hostium castris obequitans, eliceret romanos equites, et in præparatas insidias deduceret. Numidis, uti mandatum erat, ad castra consulum contemptim provolantibus, erumpunt Romani, propelluntque resistentes primo, deinde solutis ordinibus via, qua venire Hannonem sciebant, réfugientes, contento cursu persequuntur. Igitur quanto longius abripi se passi fuerant, tanto difficiliorem ad sua munimenta receptum habuerunt; multique eorum, quum et recentes occurrissent copiæ, et qui paulo ante fugerant undique circumfunderentur, desiderati sunt.

LV. Hoc eventu magis etiam ad spem summæ victoriæ confirmatus, Hanno collem quemdam, Torum nomine, mille quingentis passibus a Romanorum castris distantem, insedit. Serius tamen aliquanto, quam inter exercitus tam propinquos sperari potuisset, commissa pugna est; modo Romanis, modo Pœnis unius prælii fortunæ spes universas committere formidantibus. Donec igitur pugnandi avidior Hanno fuit, Romani castris suis se tenuerunt: quod numero, et alacri-

tate, ipsi detrimento equitum suorum perculsi et mœrentes, vincerentur. Postquam autem dubitatione sua sociorum animos languescere, hostes in spem erigi, duriusque sibi bellum cum inopia, quam cum Pœnis futurum arbitrati, certamen detrectare desierunt; Hanno vicissim tergiversari cœpit, et omnia metuere.

LVI. Duo menses sic exacti, ut præter levia prælia, quæ fiebant quotidie, nihil majoris rei gereretur. Ad extremum frequentibus Hannibalis precibus motus, qui et nuntios mittebat assidue, et facibus accensis signa crebra edebat famem amplius obsessis tolerari non posse, multosque ea peste coactos ad hostem transfugere; dimicationi moram ulterius nullam afferre decrevit: eodem tempore Hannibale quoque cum suis eruptionem ex urbe facturo. Quæ quum animadvertissent consules, intra sua se castra quieti tenuerunt; eo ferocius Hanno aciem instructam ostentare, et ubi nemo contra exit, sub ipsa Romanorum munimenta suggredi, ad pugnam audacter provocare, cunctantibus timorem et ignaviam objicere: illi hostem levibus præliis a vallo repulisse contenti, neque contra manentes struebant aciem, neque recedentes insequabantur. Hoc ubi per aliquot continuos dies factum, Pœnisque jam persuasum esset, nihil ultra ausurum Romanum, L. Postumius consul contemptum hostium in suam occasionem solerter vertit. Instructis enim silentio copiis omnibus, intraque vallum retentis, accedentem pro more Pœnum cum paucis submovens, a prima luce ad horam diei sextam velitando detinuit; tum demum recipientibus se hostibus productas ex castris legiones immisit.

LVII. Hanno, quanquam contra opinionem suam pugnandum sibi videret, intrepide congressus in serum diei ambiguum certamen extraxit. Sed Romanos curatis bene corporibus, ad pugnam præparatos, æstus, sitis, labor, non æque fatigabat: Carthaginensis autem acies ante commissum prælium inedia et stando fessa, quanto longius protrahebatur dimicatio, fatiscientibus corporibus minus ad resistendum

virium habebat. Postremo conductitius miles, qui in prima fronte pugnabat, diutius sustinere laborem non potuit, neque solum ipse cessit loco, sed in elephantorum agmen, et alios a tergo stantes ordines trepida fuga se inferens, turbavit totam aciem, hostique acriter incumbenti terga dare coegit. Eadem felicitate tum quoque ab alia parte gesta res: Hannibalque, quum eruptione pugnavisset, majore suo quam hostium detrimento in urbem compulsus est. Capta Carthaginensium castra sunt: elephanti vulnerati tres, cæsi triginta, undecim in manus Romanorum venere: similis et hominum fortuna fuit; de tanto exercitu pauci cum ipso duce Heracleam evaserunt.

LVIII. At qui in urbe clausi erant, rebus plane desperatis, nullam salutis viam sibi relictam esse videntes, maximis terroribus affligebantur: quum Hannibal optimi, ut in fortuna mala, consilii auctor, animadverso Romanos et labore certaminis defatigatos, et lætitia bene gestæ rei solutiores, negligentius solito excubias agere, circa tertiam vigiliam cum mercenariis exit oppido; et cratibus, quas hunc ad usum ante paratas stramento compleverant, in fossas injectis, transgressus, aliquantum itineris præcipit, donec Romani, luce jam oriente quid actum esset sentientes, partem extremi agminis deprehenderunt: Hannibal cum reliquis in tuta loca pervenit. At Agrigentini, desertos a Pœnis se videntes, multos eorum, qui in urbe remanserant, sive per iram, sive ut a victore gratiam initari, concidere. Nec ideo minus direptum est oppidum: homines, amplius quinque et viginti millia liberorum capitum, in servitutem venditi.

LIX. Hoc maxime modo captum a Romanis Agrigentum est, septimum intra mensem quam obsideri cœperat, magna cum utilitate gloriaque populi romani, sed multa quoque sanguinis impensa: quippe supra triginta hominum millia de consulum exercitu, Siculorumque auxiliis, inter istam obsidionem varia peste perierunt. Qua de causa, simul quia

§ LVII. Zonar. — Diodor. Eclog. lib. XXIII. — Oros. IV, 7. — § LVIII. Polyb. — Zonar. — Diodor. — Oros. IV, 7.

nihil jam magnæ rei ob hiemem propinquam suscipi poterat, Messanam redierunt. Anno deinde proximo cum imperio iverunt in Siciliam L. Valerius M. F. M. N. Flaccus, et T. Otacilius C. F. M. N. Crassus, consules; prioribus ducibus ad spem triumphi Romam digressis. Carthaginienses quidem, classe tanquam ad vastandam Italiam missa, novos consules a Siciliæ cura distinere cupiverant; sed ii constitutis circum litora globis militum, qui prædones arcerent, nihilominus in insulam transjecerunt. Tunc quoque multa Siculorum oppida in fidem recepta, recenti cladis Agrigentinae exemplo et metu: neque obsistentibus Pœnis, quos super prælium adversum etiam seditiones mercenariorum militum angebant; Gallis præcipue ob mensium aliquot stipendia non soluta tumultuantibus. Ad quos puniendos fraudem ejusmodi commentus est Hanno.

LX. Sermone blando mitigatos *modicum ad tempus quiescere* jubet: *sibi esse certam et propinquam oppidi cujusdam locupletis occupandi spem ostendit: ex ejus præda cumulate Gallis etiam pro solutionis mora satisfactum iri confirmat.* Ita sedatis illis, adeoque gratias agentibus, opportuno tempore, cum dispensatore suo, quem habebat fidelissimum, agit, *ut specie transfugæ, tanquam rationibus interversis ad Otacilium consulem pergeret, indicaretque, nocte proxima Gal-lorum millia quatuor, ad urbem Entellinam proditorum opera recipiendam venturos, locatis insidiis circumveniri posse.* Consul rem non spernendam arbitratus, licet transfugæ non omnino confideret, mittit delectam militum manum; veniunt et Galli ab Hannone decepti. Consurgentibus ad hos excipiendos Romanis oritur prælium atrox, in quo Galli omnes interfecti, quum inulti noluisent occumbere, duplex Hannoni gaudium præbuerunt, conductitorum insolentiam, cum hostium haud exiguo detrimento, non incallide vindicanti.

LXI. Romæ interim de aqua Anienis in urbem deducenda Minucius prætor in senatu retulit. Opus illud ex manubiis

§ LIX. Diodor. — Eutrop. lib. II. — Zonar. — Polyb. — Front. Strat. III, 16. — § LX. Zonar. — Diod. — Front. Strat. III, 16.

censor M. Curius locaverat; sed variis exortis impedimentis res nonum in annum prolata, tum retractabatur; creatique duumviri Curius et Fulvius Flaccus: sed Curio quintum intra diem defuncto, gloria deductæ aquæ penes unum Fulvium fuit. Sub id tempus Hamilcar in Siciliam Hannonis successor Carthagine venit. Hannonem namque, ex mala pugna domum redeuntem, ignominiose exceperant Pœni, multatumque sex millibus aureorum præfectura dimoverant. Eum Hamilcarem patrem Hannibalis, qui sequens bellum punicum adversus Romanos duxit, fuisse, quidam similitudine nominum decepti non recte tradiderunt: nam genitor Hannibalis Hamilcar extremis ejus belli temporibus in Siciliam cum imperio adolescens venit; sed celebritas ejus effecit, ut alterius ignotioris Hamilcaris acta, Barcæ Hamilcari, omnium qui hoc nomine fuerunt nobilissimo, adscriberentur. Successor igitur Hannonis Hamilcar, pedestri utique exercitu Romanos longe superiores esse cernens, mediterraneas quidem urbes nullas audebat aggredi, neque ex locis montosis et arduis in plano descendere; sed classe validus, qua haud dubie maris imperium tenebat, ea parte virium haud segniter utebatur, missoque iterum Hannibale ad vastandam Italiæ oram, ipse sicula litora circumvectus, pleraque maritima loca, quæ Romanis sese adjunxerant, facile recuperavit. Qua re fiebat, ut Romanis loca procul a mari remota, Pœnis litoralia et occupantibus facile, et tuentibus, æquo utrinque momento spes metusque librarentur, neque facile penes utrum populum totius belli victoria esset futura, judicari posset.

§ LXI. Front. de Aquæd. — Diodor. — Zonar. — Cic. de Off. III, 26. — Corn. Nep. in Hamilcare, cap. 1. — Polyb. I, 20.

JOANNIS FREINSHEMII
SUPPLEMENTORUM
LIVIANORUM
LIBER SEPTIMUS

IN LOCUM LIBRI DECIMI SEPTIMI LIVIANI.

EPITOME

LIBRI DECIMI SEPTIMI.

Cn. Cornelius consul, a classe punica circumventus, et per fraudem velut in colloquium evocatus, captus est. C. Duilius consul adversus classem Pœnorum prospere pugnavit, primusque omnium romanorum ducum navalis victoriæ duxit triumphum: ob quam causam ei perpetuus honor habitus est, ut revertenti a cœna, tibicine canente, funale præferretur. L. Cornelius consul in Sardinia et Corsica contra Sardos, et Corsos, et Hannonem Pœnorum ducem feliciter pugnavit. Atilius Calatinus consul, quum in locum iniquum, a Pœnis circumsessum, temere duxisset exercitum, M. Calpurnii tribuni militum virtute et opera evasit: qui, cum trecentis militibus eruptione facta, hostes in se converterat. Hannibal dux Pœnorum victa classe, cui præfuerat, a militibus suis in crucem sublatu est. Atilius Regulus consul, victis navali prælio Pœnis, in Africam trajecit.

I. **Q**UARTUS jam belli carthaginiensis annus exierat, neque pœnitebat virtutis aut fortunæ Romanos: præliis enim omnibus, quotiescumque congressi cum Syracusanis, aut cum Pœnis fuerant, victores discesserant; opulentas urbes oppugnando ceperant; aliæ conditionibus in potestatem vene-

rant : sed quando bellum in insula gerebatur, neque com-
meatus, neque supplementa, quum opus esset, submitti
poterant : et naves Carthaginiensium liberis et improvisis
appulsibus non modo sículas urbes ad mare positas, ex tuto
vexabant ; sed etiam Italiæ oram subinde vastantes, et de-
trimentum imperio Romanorum, et ignominiam famæ infe-
rebant ; quum interim Africa indemnis, et periculorum ma-
lorumque omnium hostilium exsors haberetur. Itaque re
diligenter deliberata senatui populoque romano placuit, ut
classe comparata, non terra tantum, uti cœperat, dimicaretur
cum Pœnis, sed etiam maritimæ alææ fortuna tentaretur.

II. Hæc prima romanæ urbi de navalibus rebus seria co-
gitatio fuit : quam haud minus forti felicitique opera com-
plevit, ac animo consilioque fidenti susceperat ; ut non im-
merito judicaretur, orbis imperium genti romanæ deberi,
cui adversus exercitatisimum in re nautica populum clas-
sibus bellare volenti, nec ad rem aggrediundam audacia,
nec ad regendam solertia, nec ad perficiendam constantia
defuisset. Quum enim ad eam diem Romani adeo maritimam
militiam non attigissent, ut neque viros, qui navale prælium
vidissent, neque naves ullas bellicas, ne fabricandarum qui-
dem artifices idoneos haberent, maxima fiducia tantum opus
aggressi, brevissimo tempore et navigare cœperunt, et di-
micarunt maritima pugna, et homines a multis ætatibus
rerum earum peritissimos superarunt. Cura classis fabri-
candæ mandata Cn. Cornelio. L. F. Cn. N. Scipioni Asinæ,
et C. Duilio M. F. M. N. qui consulatum recens iniverant.

III. Navis erat una quinqueremis, quam Claudius, quo
tempore freti transitum meditabatur, cupidine pugnandi
propius ad litus perlatam, locisque vadosis et brevibus im-
peditam pedestri manu ceperat : hujus ad exemplum classem
exædificari consules jussere, tantoque studio institerunt
operi, ut sexagesimum intra diem, quam cæsa materia fue-
rat, classis centum sexaginta navium in ancoris staret. Sed
nec ingenio minore quam industria consules expeditionem

istam maturarunt : quum enim neque imperitos remiges in prælii discrimen adducere consultum putarent, neque exercendis iis tempus rerum gerendarum coarctare vellent, commenti sunt rem uti prima specie ridiculam, ita usu eventuque prolixè commendabilem; ut interea, dum naves compinguntur, futuri remiges in litore sedentes officia sua docerentur. Iisdem enim ordinibus dispositi, quos in ipsis navibus servaturi mox erant, hortatore in media turba collocato, ad illius vocem et præcepta, movere et impellere remos, iterumque quiescere, haud aliter, quam navigantes solent, jubebantur. Hac imaginaria exercitatione tantum profectum est, ut postquam paratis jam navibus paucos dies in ipso opere industriam suam probavissent, jam confidere ipsi audent consules, suamque et legionum salutem credere.

IV. Provincias deinde quum sortirentur, C. Duilio terrestre in Sicilia bellum, Cn. Cornelio classis evenit. Qui assumptis navibus septemdecim Messanam progressus, quo in adventum classis, quam sequi, ut primum posset, jusserat, necessaria præpararet; priusquam ad fretum illa accederet, in manus hostium incidit. Factum id Boodis astucia, quem Hannibal punicæ classis imperator legatum habebat, et credulitate consulis, qui Liparæis quibusdam ab hoste subornatis fidem habens, Liparæ urbis per prodicionem occupandæ spem temere conceperat. Ibi circumventus a punicis navibus, conserere tamen manus, et pugnando salutem quærere cogitabat, nisi Boodes altera fraude ipsum et tribunos militum, quasi de conditionibus cum Pœno locuturos, suam in triremem pellexisset : venientibus injectæ sunt catenæ : quo terrore quum cæteri sine certamine se tradidissent, Boodes navibus omnibus potitus captivos Carthaginem misit.

V. Simile mox pœni ducis peccatum fuit, eoque majoris opprobrii, quod neque romani consulis incogitantia tam recenti exemplo ad cautionem profuisset. Didicerat roma-

§ III. Auct. de Vir. illustr. cap. 37. — Plin. XVI, 39. — Polyb. I, 21. —
 § IV. Zonar. — Ὀλυμπιάδ. ἀναγρ. — Polyb. I, 21. — Liv. Epit. XVII. —
 Flor. II, 2. — Oros. IV, 7.

nam classem, juxta litus italicum vela facientem, ad fretum tendere, neque procul abesse jam posse: volens igitur eam ex propinquo considerare, ut numerum navium, et quo in novo instituto Romanis agilitas et habitudo esset, accurate cognosceret, cum navibus quinquaginta proficiscitur, securus futuri, et classe, ut in cursu tuto solet, navigiis temere permixtis, parum composita. Igitur in flexu cujusdam promontorii quum in romanam classem ordine commodo navigantem subito illatus esset, ante victus quam ad pugnam parare se potuisset, amissa meliori parte navium, postquam ipse quoque ad extremum periculi venisset, cum cæteris vix effugit.

VI. Victrix classis, cognito Cornelii casu, simul ad C. Duilium misit nuntios, qui suum adventum ei significarent; simul ad prælium se parabat, quod cæteras Carthaginiensium naves propinquis locis agere compererat: ibi dum sollicitis animis incommoda suarum navium considerant, easque rudi opere constructas, a punicis velocitate longe superari reputant, venit cuidam in mentem machinæ ad comprehendendas hostium naves tenendasque utilis, quam postmodum *corvos* vocaverunt: ejus hæc forma fuit. Tignum erat rectum, teres, quatuor ulnas longum, crassitie dodrantali, trochleam in summo habens: huic in prora navis defixo aptabatur scala sex ulnas lata, longa pedes quatuor, composita ex transversis tabulis, quas impacti clavi ferrei firmiter continebant: in ea machina foramen relictum erat oblongum, quo tigno inducta complecteretur illud, eique cohæreret, per spatium ulnarum quatuor, quanta ipsius tigni longitudo erat.

VII. Scalæ vero reliqua pars et tigno non inserta, quæ ulnarum erat duarum, quibusdam velut articulis ita dependebat, ut facile attolli demittique posset: in extremo scalæ validum affixum erat ferrum, pistilli forma, præacutum, quod in capite anulum habebat, ex quo funis alligatus per trochleam tigni, in ipsam navis proram demittebatur. Tum,

quoties voluissent, attracto fune erigebatur scala, remisso ruebat, quidquid comprehendisset infesto ferrei stili acumine defigens et vinciens. Inter hæc C. Duilius consul pedestri exercitu tribunis tradito, ad naves venit; intellectoque Mylaiten regionem ab hoste vastari, cum universa classe ad eam oram proficiscitur. Grata res Carthaginensibus fuit, qui adversum mediterraneos homines et rei nauticæ imperitissimos, certam sibi victoriam pollicebantur: ipsi quoque documento futuri, nullum unquam hostem ita contemni oportere, ut quidquam de cavendi diligentia et disciplina remittatur.

VIII. Dux classis Hannibal, is qui copias ex Agrigento eduxerat, septireme vehebatur, quæ fuerat regis Pyrrhi: hunc reliquæ naves sequebantur, non tanquam ad prælium, per aciem et distinctos ordines, sed ut cuique primum erat, hostium contemptu properantes: at postquam propius suggesti suspensos ex prorsus adversæ partis minantesque corvos viderunt, rei novitatem admirati paulisper hæserunt: tandem ferocissimo quoque imperitorum hominum rude commentum deridente, primæ quæque naves concitato impetu invehuntur. Tum vero demissi repente corvi, ut in quamlibet inciderunt, ita perforato tabulato hærentes vitam retinebant: milites autem romani, siquidem sors tulerit ut ex lateribus naves connecterentur, omni ex parte in hostiles insiliebant: quoties autem proræ tantum commissæ essent, per ipsum tignum annexumque pontem armati bini transibant, tanto expeditius, quod utroque a latere scalæ lorica genu tenus alta tutiorem incessum gradumque firmiorem præstabat: primi enim quique projectis ante se scutis frontem adversus hostium tela protegebant; pone sequentes sua scuta loricæ utrinque applicabant; sic etiam lateribus defensis, navem adversam collato gradu oppugnabant; fiebatque pugna non rostrorum, sed ensium virorumque cominus, et statariæ similis.

IX. Unde Romano, qui robore præstabat, adversum ho-

mines leviter armatos, naviumque potius agilitate quam manibus confisos, facilis victoria fuit; celeriterque sunt expugnatae naves punicae triginta: in quibus et praetoria septem remis capta est. Hannibal tamen, quum ex navi, quae jam capiebatur, in scapham saltu se demisisset, captivitatem evasit; rapideque misso Carthaginem amico, qui famam cladis praeveniret, imminens ob rem male gestam supplicium astu declinavit. Is enim curiam ingressus, quasi re adhuc integra consilium a senatu petiit, *congregiendumne cum romana classe videretur?* omnibus succlamantibus, *ne dubitandum quidem aut differendum fuisse: Fecit*, inquit, *et victus est.* Ita non audentibus incusare factum, cujus, antequam fieret, auctores esse pro se quisque voluissent, capitis poena liberatus est imperator, praefectura navium adempta.

X. Caeterum post fugam ducis e praelio reliquae Carthaginensium naves (supererat autem pars multo maxima) impedito consilio, quid faciendum esset, ambigebant: pudebat excedere pugna, nullo tum accepto incommodo, ne hoste quidem urgente: rursus romanas naves aggredi corvorum metu cunctabantur: ad postremum undique circumvecti, et nauticas artes omnes experti, ubi omni ex parte opponi sibi rostra et objici formidabiles illas machinas vident, desperata victoria discessere. Mersae traduntur ex praelio naves punicae quatuordecim, captae una et triginta, cum septem hominum millibus, postquam pugnando tria millia periissent. Hoc eventu C. Duilio consule adversus Pœnos juxta Liparæorum insulas certatum est: unde magnus Romanis etiam praedae fructus, sed longe amplissimus gloriae famaeque fuit. Consul assumpto terrestri exercitu Segestam profectus, urbem a Pœnis ad extremum spei adactam, periculo exemit: inde Macellam pugnando cepit, Hamilcare nusquam occurrere auso; confirmatisque civitatum amicarum animis, aestate jam circumacta, Romam rediit.

§ IX. Valer. Max. VII, 3, 7. — Zonar. — Auct. de Vir. illustrib. — § X. Eutrop. I, II. — Oros. IV, 7. — Flor. II, 2. — Zonar. — Polyb.

XI. Cujus discessu res punicæ rursum efflorescere cœperunt. Primum enim ab obsidione Mutistrati, post septimum mensem multis suorum desideratis, discesserunt Romani: deinde, quum inter ipsos et auxiliares dissensione orta, seorsim a legionibus inter Paropum et Thermas castra metati socii essent, illorum vecordia utendum ratus Hamilcar, improvisa irruptione supra millia quatuor occidit: neque multum abfuit, quin totus Romanorum exercitus eadem clade involveretur. Tum igitur multa iterum oppida, partim expugnata sunt ab Hannibale, partim proditione capta. Quæ licet Romæ haudquaquam lætis auribus acciperentur, levia tamen damna præ gaudio navalis victoriæ reputabantur. Quum enim hactenus romana virtus terrestribus bellis invictam se præstitisset, non abs re lætabantur isto prælio maritimarum quoque virium non contemnendam opinionem quæsitam esse: unde ad spem totius belli mirifice confirmatis animis, auctorem decoris inusitati novis etiam honoribus dignum judicaverunt.

XII. Primus itaque Duilius navalem triumphum de Siculis et classe punica egit Kalendis intercalaribus; tulitque civitas, quod honore isto non contentus, alium sibi nullo exemplo privatus sumpsit, ut a cœna redeunti tibicinis inter cantum funale præluceret. Columna quoque rostrata senatusconsulto posita in foro est, ex Pario marmore candido, quæ mersarum captarumque navium numerum, et summam pondusque pecuniæ captæ complexa, adhuc visitur, sed extritis vetustate vocabulis pluribus: auri tamen nummos captos esse ter mille septingentos, argenteorum supra centum millia, æris gravis vicies septies centena millia pondo, satis agnoscitur. Triumpho peracto comitia C. Duilius habuit: L. Cornelius L. F. Cn. N. Scipio, C. Aquilius M. F. C. N. Florus consules facti. Provincias consulares senatus decrevit Siciliam, et classem. Cui classis obvenisset, et in Sardiniam et Corsicam transjicere, si e republica videretur,

permissum. Hæc sors Cn. Cornelio quum evenisset, instructa classe profectus est.

XIII. Hæc prima Romanorum in Sardiniam et Corsicam expeditio fuit. Insulæ sunt locis ita conjunctæ, ut eadem videri possint : cæli tamen solique natura, et quod sequitur, hominum ingenio, multum dissimili. Sardiniam, ut imaginem humani vestigii referentem, *Ichnusam* Veteres, itemque *Sandaliotin* dixerunt. *Inde Sardum Hercule libyco genitum aiunt frequentatæ ab se insulæ nomen, quo hodie noscitur, imposuisse.* Græcos etiam ad ea loca venisse cum Aristæo fabulis antiquis decantatum est; itemque post iliaca bella, Trojanos. Terra neque spatio soli maximis ejusdem maris insularum, neque bonitate fertilissimis multum cedit: parens optima pecudum, frumenti optimi feracissima, metallorumque, sed præsertim argenti, dives. Cælo tamen haud æque salubri utitur, laudemque fœcunditatis apud exteros pestilentioris aeris infamia corrumpit: per æstatem enim morbosa est, et in locis fertilioribus, magis.

XIV. Herbam præterea producit vehementis veneni apiastro persimilem, quæ in cibo sumpta mentem adimit, nervisque violenter attractis labia distorquet in ridentium speciem; exitiali succo, nisi post vomitum lac aut aqua mulsa copiose bibatur: ita vis istius mali præsens diluitur; cæteris deinde incommodis ea medentur, quæ in convulsionibus nervorum usui sunt. Etiam minimum animalculum per imprudentiam supersedentibus mortiferum est. *Solpugam* vocant, formicarum genus, tanto periculosioris malitiæ, quod et latet facile propter exiguitatem, et ab ignaris naturæ ejus etiam animadversum non timetur. Sardi, variis ex barbaris mixta natio, quum ingenio suo permittitur, lubentius latrocinio quam agricultura victitant: pelta et brevi ense armantur: thoraces ex pelle musmonum consuunt; arietes ita vocant, quos insula gignit, non lanam ut alij, sed pro

§ XII. Tacit. II, 49. — Colum. Triumph. — Cic. Cat. cap. 13. — Liv. Epit. XVII. — Plin. III, 4, 5. — Sil. in fine, lib. VI. — Pigh. Annal. — § XIII. Sall. Hist. II, 1. — Plin. III. — Sil. lib. II. — Sall. Fragm. — Pausanias. — Ælian. Hist. XXII, 16, 34. — Sol. cap. 10.

ea pilum caprorum more gestantes. Urbium celeberrima Caralis est, Africam spectans, et inde condita, cum pulcherrimo portu.

XV. Corsica nec amplitudine nec opibus Sardiniae comparanda, tertium tamen inter has insulas magnitudinis locum obtinere creditur: nomen a Corsa, muliere quadam, accepisse incolae tradunt; cujus ab armento taurus in hanc insulam ex Liguria transjecerit. Graecis *Cyrnus* vocatur. Montosa est et aspera, et plerisque locis penitus invia: quare populum etiam terrae suae similem alit, nullo humano cultu feris propemodum ipsis intractabiliorem. Capti in servitatem vix mansuescunt: sed aut impatientia laboris et jugi vitam exuunt; aut contumacia et stupiditate molesti sunt heris. Mel in insula copiosum est, sed amari saporis, quale fit ex flore buxi quam Corsica multam et crassissimam profert. Idem tamen saluberrimum putatur; et sunt qui longaevos in Corsica homines fieri opinentur, quod mel istud suum in continuo usu habeant. Oppida nec magna nec frequentia populo, sed tamen supra triginta numerantur: ex quibus facile principes sunt Aleria, Phocæensium colonia; et Etruscorum Nicæa. Hic quoque grave caelum est, et praeterea importuosum mare.

XVI. Cum his igitur gentibus diu Carthaginenses bella gessere, et utriusque insulae dominatione, praeter inaccessa loca potiti sunt. Sed quia facilius erat rudes et feros homines vincere, quam domare; tum alia, quibus eos continerent, excogitarunt, tum etiam quo res vitae necessarias ex Africa petere cogerentur, quidquid ubivis frugum fructuumve erat, corruperant, etiam supplicio mortis indigenis proposito, si quis tale quid serere aut plantare instituisset: donec longa consuetudine facti mitiores imperium aequioribus animis pati didicerunt. Has ad insulas navigationem eo tempore L. Cornelius consul instituit: et prius quidem in Corsica

§ XIV. Mela, II, 7. — Strab. I. V. — Plin. XVI, 16. — Math. in Diosc. VI, 14. — Plinius, XX, 1. — Lucan. IX, 837. — Claud. de Bell. Gild. — § XV. Sall. Hist. II, 1. — Strab. I. V. — Lycus apud Athen. lib. II. — Plin. XXIX, 4. — Mart. Capella. — Diod. V, 3.

urbem expugnavit Aleriam : quo facto cæteras facile et citra laborem aut periculum adjunxit. Inde Sardiniam petenti classis occurrit hostium : quam aggressus consul, antequam ad manus ventum esset, in fugam conjecit.

XVII. Mox ad Olbiam profectus, quum in portu multas Carthaginiensium naves stare vidisset, neque se satis a pedestri robore instructum ad oppugnationem urbis situ et defensorum multitudine validæ crederet, omisso in præsens negotio, domum ad plures milites assumendos abnavigavit. Per idem tempus servilis in urbe motus inter ipsa initia feliciter compressus, magna rempublicam sollicitudine simul affectit, et liberavit. Ad classem instruendam ex gentibus recens devictis navales socii frequentes cogebantur; eorumque tum ad quatuor millia Romæ convenerant, Samnites plerique : ii, quod a mari abhorrerent, conditionem suam secretis sermonibus miserati, eo usque exarserunt, ut urbem incendere atque diripere agitaverint; jamque ad tria servorum millia in eandem sententiam pertraxerant, quotidie sumente vires conspiratione, quum Erius Potilius præfectus auxiliorum prudenti consilio periculum omne discussit.

XVIII. Simulato enim ejusdem factionis studio, machinationes eorum omnes exacte perdidicit : genus, numerum, nomina singulorum, qui in ea conjuratione essent, cognovit; loca, tempora, quibus ausuri quodque forent, exploravit. Nihil jam deerat ei, quo minus rem ad senatum deferret, præter facultatem curiam adeundi; nam voluntas supererat : sed, Samnitibus nusquam incomitatum sinentibus, perficere institutum nequibat; donec excogitato dolo persuasit eis, *uti, quo die senatus haberetur, in forum agminatim progressi, fraudem sibi in dimetiendo frumento factam esse vociferarentur : inde nascituram occasionem dicens aut exsequendi consilii sui, aut certe speculandi, quid adversus subitos ejusmodi motus animi consiliique Patribus esset :*

§ XVI. Sen. Cons. ad Helv. c. 8. — Arist. περί θαυμασίων ἀκκυμάτων.
— Freinsh. ad Flor. II, 2, 16. — Zonar. — § XVII. Oros. IV, 7.

quoque plus fidei faceret, ipse processit una, neque comitem modo se tumultus ejus, sed principem ducemque præbuit. Unde vocatus ad senatum, conspiracy occultæ periculum commentique sui causas exposuit.

XIX. Patres, dissimulata facti conscientia, miserunt qui turbam illam blandis verbis delinitam domos abscedere juberent: *datturos operam Patres, ut injuria, quæ facta diceretur, sublata, juris sui cuique copia fieret.* Ita conjurati, latere adhuc consilium suum existimantes, digressi sunt: nocte vero proxima suos quisque servos, quos indicio Potilii sceleris esse participes cognoverant, vinxit: Samnitium quoque plerique in hospitiiis suis comprehensi. Nescio, an hæc cura, an vero aliud negotiorum aut valetudinis impedimentum C. Florum tenuerit, ne citius in Siciliam proficisceretur: in qua Hamilcar post proximam victoriam res Carthaginiensium magnis profectibus restituebat. Quippe Camarina et Enna proditione receptis, Drepanum, ubi portus egregius erat, communivit, et in oppidi formam auxit, transductis illuc Erycinis, quorum urbem, ne Romanis usui foret, præter templum Veneris, everterat. Multa deinceps alia loca dolo aut armis in potestatem redegerat, totaque Sicilia positurus videbatur, nisi Florus, ob res istas ne sub hiemem quidem insulam relinquere ausus, obstitisset.

XX. Facilius alteri consuli bellum cum Sardis et Carthaginiensibus ad Olbiam fuit. Quo reversus cum auctioribus copiis, Hannonem invenit, quem Hannibale remoto Carthaginienses rebus maritimis præfecerant. Pugna vehementi facta, Hanno fortissime dimicans, quum vinci suos videret, in confertissimos hostes irruens interfectus est, secutaque oppidi deditio. Consul victoriæ famam etiam humanitatis adversus hostem insigni monumento decoravit: nam e tabernaculo suo corpus Hannonis efferendum curavit, amplasque ipsi fecit exsequias, cessantibus post mortem odiis, virtutem etiam in hoste honorandam esse recte judicans. Inde recentis victoriæ terrorem exolescere non passus, mul-

tas et alias Sardiniae urbes cepit, consilio doloque virtutem adjuvans.

XXI. Solebat enim noctu appulsa litori classe, delectos ex cohortibus haud procul oppidis, quæ adoriri constituerat, exponere: qui locum insidiis opportunum occupantes expectabant, donec ad ipsas urbes sgressus consul oppidanos in arma compulsos, simulatione fugæ longius a mœnibus eliciisset; tum illi advenientes cursu, vacuas defensoribus urbes capiebant: eo astu complures in potestatem vènere; tantumque vincendo processum est, ut neque in Corsica, neque in Sardinia Pœnorum exercitus consistere possent. Qua de causa minime dubitatum est, quin Romam reverso triumphus amplissimus decerneretur. Triumphavit de Pœnis et Sardinia et Corsica ante diem V Idus Martias, quum magnam ex insulis istis prædam, et multa millia captivorum adduxisset. At in Sicilia C. Florus proconsule Mutistratum obsidebat, locum munitum, et semel iterumque frustra tentatum.

XXII. Ne tum quidem prius expugnari potuit, quam novus consul A. Atilius A. F. C. N. Calatinus veniret: huic enim Sicilia provincia, collegæ ejus C. Sulpicio Q. F. Q. N. Paterculo classis evenerat. Ii, quod Panormi Carthaginensium hiberna erant, cum omnibus copiis eo profecti acie instructa fecere pugnandi copiam hostibus. Sed nemine contra prodeunte, Hippanam petierunt: quæ urbs ex itinere oppugnata statimque capta est. Inde Mutistratum perrexit Atilius, quam acriter defensam ad extremum fatigati lamentis mulierum atque puerorum propugnatores deseruerunt. Ita præsidio Carthaginensium noctu digresso, prima luce portas oppidani aperuerunt. Sed Romani, malorum quæ in obsidione pertulerant nimium memores, obvios sine discrimine sexus ætatisve cædebant; donec A. Atilius proclamari jussit, *prædam et homines capientium fore*. Tum demum

§ XX. Valerius Maximus, V, 1, 2. — Silius, lib. VI, vers. 671. — Front. III, 9. — § XXI. Florus, II, 2. — Fasti Capitolini. — Eutropius, lib. II. — Zonaras.

crudelitatem avaritia vicit; servatique Mutistratensium reliqui sub corona venierunt: urbs direpta est et diruta.

XXIII. Camarinam inde ductus exercitus, ob regionem parum diligenter exploratam, maximum in discrimen incidit. Pœnus enim imperator obviam profectus loca superiora prior occupaverat; romanasque copias in vallem iniquam temere demissas circumsidebat. Certum ante oculos omnium exitium, et caudinæ cladis imago versabatur, nisi consilium et virtus M. Calpurnii Flammæ, qui tribunus militum eodem in exercitu agebat, rebus pæne desperatis subvenisset. Nam is P. Decii secutus exemplum, qui tribunus militum idem in Samnio fecerat, assumptis militibus trecentis ad tumultum quemdem occupandum ivit; nulla spe evadendi, sed amore laudis et servandi exercitus cupiditate ipse militesque ejus accensi. Ferunt, quum eo duceret, ita suos allocutum esse: *Moriamur, milites, et morte nostra eripiamus ex obsidione circumventas legiones.* Atque ita factum est: hostibus enim in hos conversis, dum acerrima pugna quantumvis multos morituri detinent, consul evolvere sese locis infestis potuit: Carthaginienses, interfectis qui se objecerant, nihil in detectis jam insidiis ponentes spei discesserunt.

XXIV. Itaque Calpurnii miraculo proxima fortuna fuit: qui repertus inter suorum hostiumque cadaverum cumulos, quum solus omnium adhuc spiraret, sublatus atque diligenti cura reffectus, quum inter multa vulnera letale nullum accepisset, diu postea fortem fidelemque operam reipublicæ præstitit, magnoque terrori hostibus fuit. Qui si apud Græcos tantum virtutis specimen edidisset, neque præmiorum, neque monumentorum satis potuisset decerni; nunc homini romano tanti facinoris merces corona ex gramine fuit: memoria vero facti adeo negligens, ut vix de nomine fortissimi viri constet; eumdem enim *Calpurnium Flammam* plerique, sed M. Cato *Q. Cædicium*, Claudius *Quadrigrarius Laberium*

§ XXII. Diodor. — Zonar. — § XXIII. — Zonar. — Agell. III, 7. — Front. Strat. IV, 5, 10. — Liv. Epit. XVII. — Liv. VII, 34, et XXII, 60. — Flor. II, 2. — Oros. IV, 8.

vocatum esse, tradiderunt. Cæterum emersus ex his angustiis consul, quum et error pudorem, et periculum vigilantiam acuisset, majoribus iterum viribus et intentiore cura oppugnare urbem aggressus, postquam sine machinis parum proficiebat, ab Hierone petitas accepit. Earum violentiæ cessit murus, redactosque in potestatem Camarinenses majori ex parte sub hasta consul vendidit.

XXV. Tum ad Ennam itum; ea quoque proditione recepta: præsiarii partim a Romanis in oppidum admissis interfecti sunt; alii fuga dilapsi ad suarum partium loca se receperunt. Sittanæ possessionem non dolus sed virtus dedit; magna vi pulsus, qui defenderant, et urbe expugnata. Neque moram fecerunt minora quædam in ea Siciliae parte oppida, quin protinus missis legatis consuli se traderent. Qui præsiis per commoda loca dispositis, in Agrigentinum agrum signa promovit, ibique Camicum castellum opera proditorum recepit. Unde percussi, qui Erbessum tenebant, oppido relicto, fugerunt: sic Erbessus quoque ad Romanos rediit. Hoc successu consul animatus, et quod Liparæorum haud paucos sibi favere putabat, ad illorum urbem admovit exercitum. Ibi non pro cætera felicitate res processit. Hamilcar enim, romani ducis consilio sagaciter deprehenso, Liparam clam intraverat, intentusque tempus bene gerendæ rei expectabat. Quod Romanus, quum ignoraret, audacius et incautius subiens muros, repentina Pœnorum eruptione turbatur: vulnerati sunt in eo conflictu permulti, cæsorum quoque non exiguus numerus fuit.

XXVI. Interea C. Sulpicius consul in Sardinia cum Pœnis aliquoties prospere dimicavit; tantumque hinc accessit animi, ut Africam versus vela facere auderet. Id vero minime ferendum esse Carthaginenses arbitrati, Hannibalem, qui ex sicula fuga Carthagine adhuc agebat, iterum navibus suis præponunt, multisque et præstantissimis præfectorum

§ XXIV. Auct. de Viris illustribus, cap. 39. — M. Cato apud Agell. — Plin. XXII, 6. — Front. Str. IV, 5, 10. — Agell. III, 7. — Diod. — Polyb. — § XXV. Polyb. I, 24. — Diodor. — Flor. II, 2. — Zonar.

navalium adjunctis, *classem hostilem a patriis litoribus repellere* jubent. Solvit is quidem ut pugnaturus : cæterum quo minus concurreretur, intercessit tempestas ; quæ utrisque gravis incumbens, ad loca tranquilliora submovit invites. Sardinia tamen portus ambo duces tenuerunt. Ibi quum in ancoris haberent naves, Sulpicius, quo Pœnum in apertum mare perliceret, quosdam subornat, qui transfugarum specie persuaderent Hannibali, *Romanos iterum in Africam navigare*. Deceptus ille hoc vaframento, celeriter educta classe, in consulem idoneo loco præstolantem imparatus incidit ; multæque naves punicæ depressæ sunt, priusquam scire possent, quid ageretur ; quum insidias consulis tempestatis favor et opportune orta caligo texisset.

XXVII. Tandem re intellecta reliquæ repetiverunt portum, aut in litus se ejecerunt ; ibi profugientibus remigibus pleræque inanes captæ sunt. Hannibal enim, desperato teneri portum posse, in oppidum Sulcos se contulerat : ubi seditione orta comprehensus a Carthaginensibus, qui eodem ex pugna confugerant, quod *ejus temeritatem et stultitiam cladis suæ causam fuisse* dicerent, crucique affixus periit. Sed hæc victoria Romanis paulo post detrimenti nonnullius causa fuit : quum enim sublato classis punicæ metu in vastatione agrorum contemptius et securius versarentur, improvise Pœnorum Sardorumque incursu, Hannone quodam duce, fusi sunt. Censuram hoc anno C. Duilius gessit, Janique templum apud forum olitorium struxit. Triumphi dehinc duo spectati : prior C. Aquillii Flori proconsule de Pœnis a. d. IV Nonas Octobres ; alter C. Sulpicii consulis de Pœnis et Sardis, a. d. III Nonas.

XXVIII. Quum deinde C. Atilius M. F. M. N. Regulus, et Cn. Cornelius L. F. Cn. N. Blasio iterum consules essent, sacra quædam procurandis prodigiis fieri solita senatus faciunda censuit ; quod in Albano monte, locisque aliis pluribus, atque adeo in urbe ipsa, lapides frequentes grandinis

§ XXVI. Oros. — Polyb. — Zonar. — § XXVII. Zonar. — Polyb. — Liv. Epit. XVII. — Marm. Capit. — Tac. Annal. II, 49.

instar deciderant. Latinas ferias instaurari, causaque earum dictatorem dici visum est. Q. Ogulnius L. F. A. N. Gallus dictator, M. Lætorius M. F. M. N. Plancianus magister equitum fuerunt. C. Atilius, qui classi præerat, ad Tyndaridem Siciliæ quum appulisset, classem punicam ordine parum composito præternavigantem conspicatus, ejus oppugnandæ consilium subito cepit; jussisque sequi cæteris navibus, ipse cum decem, quæ primæ parari potuerunt, evolat; et ad Pœnos jam longius evectos summa velorum remorumque contentione pergit.

XXIX. Hamilcar in ea classe vehebatur, non contemnendus imperator: qui paucas sibi naves instare videns, alias portu vix egressas esse, magnam partem etiamnum in ancoris hære, converso cursu C. Atilium ejusque naves tota classe circumvenit: deprimuntur celeriter naves novem, impari adversum tanto plures certamine nequidquam omnia expertæ. Prætoria tamen meliori, quam cæteræ fuerant, remigio instructa, sociisque navalibus præsentia consulis animatis, vi perripit, salutemque invenit: jam enim aderant Romanorum aliæ naves, quarum superventu mutatur fortuna pugnæ, merguntur punicæ naves octo, capiuntur cum ipsis remigibus decem: reliquæ ad Liparæorum insulas intendunt cursum. Hæc mari gesta: terrestrium copiarum segnius bellum fuit, urbe Lipara sine successu oppugnata: sed in apertorum locorum vastationem desæviit hostilis ira; eademque calamitas etiam Meliten insulam haud longe disitam comprehendit. Ob hæc gesta C. Atilius consul triumphum navalem de Pœnis egit. Eodem anno etiam A. Atilius proconsule ex Sicilia de Pœnis triumphavit a. d. XIV kalend. Febr.: lætæque tum Romanis res erant, qui non terrestribus modo præliis, sed etiam maritimis superiores, non jam de Sicilia annexisque insulis, quarum imperium satis sibi certum esse putabant, sed de Africa invadenda, bellique terrore Carthaginis ipsius portis impingendo, incipiebant consultare.

§ XXVIII. Zonar. — Fragm. Capit. — Polyb. — § XXIX. — Polyb. — Zonar. — Oros. IV, 8. — Colum. Capit. — Auct. de Vir. illustr. c. 39.

JOANNIS FREINSHEMII
SUPPLEMENTORUM
LIVIANORUM

LIBER OCTAVUS

IN LOCUM LIBRI DECIMI OCTAVI LIVIANI.

EPITOME

LIBRI DECIMI OCTAVI.

Atilius Regulus cos. in Africa serpentem portentosæ magnitudinis cum maxima militum clade occidit; et quum aliquot præliis adversus Carthaginienses pugnasset, successorque ei a senatu prospere bellum gerenti non mitteretur, id ipsum per literas ad senatum missas questus est: in quibus inter causas petendi successoris erat, quod agellus ejus a mercenariis desertus esset. Quærente deinde fortuna, ut magnum utriusque casus exemplum in *Regulo* proderetur, arcessito a Carthaginiensibus *Xanthippo* Lacedæmoniorum duce, victus prælio, et captus est. Res deinde a ducibus romanis omnibus terra marique prospere gestas deformavere naufragia classium. *Ti. Coruncanius* primus ex plebe pontifex maximus creatus est. *P. Sempronius Sophus*, *M. Valerius Maximus* censores, quum senatum legerent, tredecim senatu moverunt: lustrum condiderunt, quo censa sunt civium capita CCXCVII millia, DCCXCVII. *Regulus* missus a Carthaginiensibus ad senatum, ut de pace, et, si eam non posset impetrare, de captivis commutandis ageret, et jurejurando adstrictus rediturum se Carthaginem, si commutari captivos non placuisset; utrumque negandi auctor senatui fuit: et, quum fide custodita reversus esset, supplicio a Carthaginiensibus de eo sumpto, periiit.

I. **CONSULATUM** deinde L. Manlius A. F. P. N. vulgo Longus inivit, et Q. Cædicius Q. F. Q. N. cui in magistratu mortuo suffectus est M. Atilius M. F. L. N. Regulus, qui semel consul fuerat. Hoc anno demum Africa, quæ hactenus cladium hostilium exsors egerat, sentire bellum cœpit, Romanis in eam ingressis, postquam Carthaginiensium classem magna pugna vicissent. Quæ uti gesta sint, ipsiusque Reguli utramque fortunam, et indignum viri virtute exitum, hoc libro exponemus. Anno superiore quum C. Atilio consule Carthaginienses ita prælio navali contenderent, ut quam ipsi pluribus amissis navibus pugna priores excessissent, tamen quia romanas etiam aliquot submerserant, se non inferiores fuisse interpretarentur: Romani contra eventum eum pro victoria haud dubia computabant. Ita fiebat, ut spe et fiducia pari populus uterque studium maritimarum rerum per æmulationem summam prosequeretur.

II. Igitur et consules in Africam transferre bellum jussi, cum trecentarum triginta navium classe Messanam appulsi; atque inde litus Siciliæ dextrum legentes præter Pachynum ad recipiendas pedestres copias, tum castra circa Ecnomum collem habentes, pergebant: et sub idem tempus Hamilcar imperator Pœnorum, et præfectus classis Hanno, trecentarum sexaginta navium duces, Carthagine Lilybæum, et inde Heracleam Minoam transgressi, eo in portu stationem agitabant, consilia Romanorum observantes, et si versus Africam instituere cursum auderent, prohibitori. Quod edocti consules ad utrumque casum studiose cuncta comparant, ut sive navalis prælii tentandæ spes forent, sive alicubi excensionem fieri oporteret, consilium in expedito haberent. Itaque pugnacissimis quibusque militum in naves impositis, quatuor classes, tanquam ejusdem universæ partes totidem, faciunt: legionem primam in prima classe, duas sequentes ordine suo constituunt: in quarta collocant triarios.

III. Has copias ita disponunt, ut singulis navibus treceni

remiges, milites vero centeni viceni vehantur: ita numerus hominum in universa classe ad millia centum quadraginta accedebat. Hunc numerum aliquanto superabant Pœni, plus centum quinquaginta millibus hominum adducentes. Et militum quidem genus præ suis parvi faciebant consules: major ea deliberatio erat, quum in alto mari pugnandum fore appareret, ubi celeritas navium et gubernatorum artes plurimum valent, quo ordine adversus istud discrimen aptissime componi acies posset: postremo rationem instruendæ classis talem ineunt. Hexeres duas, quibus consules ipsi vehantur, pariter in fronte statuunt: utrique harum hinc primam inde secundam classem longa et simplici serie annectunt, ita collocatis navibus, ut omnium proræ foras obversæ essent; hexeresque propemodum conjunctæ irent, proximæ his longius inter se digrederentur; atque ita deinceps spatium inter duas oppositas naves relictum cum ipsis ordinibus cresceret.

IV. Sic minimo inter primas naves, maximo inter postremas intervallo, quum ex duabus istis classibus forma cuneatæ aciei effecta esset, tertiam deinde legionem admo-verunt: quæ simplici navium ordine spatium istud inter priores duas apertum prætexens, triquetram totius aciei faciem exhiberet. Pone hanc, a tergo tertiæ classis, hippagines funibus tractoriis ad naves tertianorum pertinentibus remulco trahebantur. Postremi omnium triarii navibus unam in seriem, sed semicircularem exporrectis, ita priores ambibant, ut ab utroque cornu prominèrent. Ita totum corpus fronte cava, postremis partibus solidis, rostri navalis similitudinem præferebat; non minus ad sustinendam impressionem firmum, quam ad inferendam habile. Sed Carthaginiensium duces, romanæ classis adventu per exploratores cognito, quum urbem suam aditu facilem, imbelle vulgus, accolas leves et ad mutandam fidem pronos cogitarent; obviam ire decernunt, omnia prius experiri certi, quam tutum in Africam cursum romanis navibus permetterent.

V. Igitur suos paucis cohortati, *ut memores non de præsentibus modo, sed omnibus, quos domi quisque carissimos*

haberent, pugnandum esse, obfirmatis et alacribus animis praelium capesserent, naves conscendunt; bonaque cum spe sua et navalium sociorum ex portu evehuntur. Neque longe romana classis aberat: itaque haud procul Heraclea pari utrinque robore concurritur. Pœni duces inter se ita comparaverant, ut in dextro cornu Hanno curaret (erat autem idem ille, qui apud Agrigentum infeliciter pugnaverat), cæteris præesset Hamilcar: naves autem suas animadversa Romanorum acie quadripartito et ipsi diviserant. Harum quæ totius aciei sinistra erat in figuram arcus sinuata, terram versus inclinabat: cæteræ simplicibus ordinibus extantæ, proris navium in hostem versis: ex his dextrum cornu, in quo rostratarum et quinqueremium celerrimæ erant, Hanno versus altum mare quantum poterat exporrexerit, si pugna aliunde commissa esset, circumdaturus hostem.

VI. Neque diu morati consules in medias Pœnorum naves cum duabus classibus suis se intulerunt. Hamilcar, quo Romanorum aciem distraheret, suis præceperat, ut commissa pugna fugam continuo capesserent. Quod quum factum esset, Romanique cedentes avide persequerentur, illis quidem ob celeritatem navium innoxia fuga fuit; at Romanorum acies, uti voluerat Hamilcar prævideratque, divulsa est, triariis et tertia classe suo adhuc loco se tenentibus. Quod ubi perfectum esse vidit, subito dat e navi sua signum, ut conversis proris pugnam cum insequentibus ineant: certatur ambiguo Marte, Pœnis velocitate et peritia nauticæ rei, Romanis robore militum, longe superioribus. Itaque quamdiu navium potius quam hominum pugna esse potuit, punica res haud dubie meliori loco erat: sed quoties corvorum jactu colligatis navibus cominus pugnari cœperat, penes Romanum erat certa victoria; quum miles manu fidens, et in conspectu consulum pugnans, insignitior opera virtutem suam his approbare contenderet.

VII. Dum in ea parte sic dimicatur, Hanno cum dextro cornu, quod hactenus immotum habuerat, in triariorum

naves invectus a mari fecit impetum, magnasque in angustias redactis molestum omnino negotium exhibuit. Eodem ferme tempore sinistra quoque Carthaginiensium acies, mutata priore forma, et æquata fronte rostris infestis tertiam Romanorum classem, quæ hippagines remulco trahebat, invadit. Romani dimissis funibus ad resistendum se parant: hic quoque fortiter confligitur: ita tribus locis, totidem navalia prælia, magno intervallo divisa nascuntur. Quum ita satis diu dubia victoria certatum esset, tandem evenit, quod necessum est, ubi simul pluribus locis æquali virium robore pugnatur, ut quæ pars prima pulsa fuit, totius certaminis victoriam daret. Quum enim Hamilcar vim hostium ulterius ferre non posset, ipsius fuga cæteras etiam punicæ classis partes statim profligavit.

VIII. Nam ex consulibus L. Manlio in captivis navibus conquirendis, et ad suas alligandis occupato, M. Regulus commissum alibi certamen videns, auxilium suis ferre festinavit, assumptis secundæ classis navibus, quotquot ex priore pugna integræ illæsæque evaserant. Celeriter opem istam sensere triarii, receptisque animis, quos prope ad extremum periculum adducti desponderant, strenue dimicare cum adversariis cœperunt. Hanno quum et hos acrius resistere sibi, et a tergo se premi videret a recentibus, velis in altum datis imminens exitium prævenire studuit. Quum inter hæc L. Manlius quoque, tertiam Romanorum classem a Carthaginiensium sinistro cornu ad terram urgeri conspicatus, cursum eo intendisset, supervenit et M. Regulus, qui jam hippagines et triarios in tuto locaverat; ita subito facies rerum vertitur, claudunturque et cinguntur, qui paulo ante Romanos circumdederant: quos equidem in arcum constipatos et velut obsessos olim pessumdedissent, nisi metu corvorum accedere veriti, spatium dedissent consulibus, ut et suos eriperent incolumes, et Carthaginiensibus subito accursu circumfusi, naves quinquaginta cum vectoribus omnibus, velut indagine caperent: paucæ reliquæ juxta litus ipsum se subducentes effugere.

IX. Fuit hoc prælium quum varietate casuum, et conten-

tione pugnandi, tum etiam amissarum utriusque navium multitudinæ inter pauca memorandum. Tres et sexaginta Pœnorum naves captæ; supra triginta depreesse sunt: victores quatuor et viginti naves amiserunt fluctibus haustas; at in potestatem hostium nulla pervenit. Post hanc victoriam Messanam reversi, paucos dies navibus hominibusque reficiendis, et ampliori comœntui parando dederunt. Inter quos Hamilcar, quum Africam ab Romanis adiri vehementer nollet, prohibere vero vi et armis non posset, ad dolos se contulit; missoque ad eos per causam petendæ pacis Hannone tempus extrahere satēgit, donec copiæ, quas Carthagine sibi mitti sperabat, advenissent

X. Hanno quum ad consules accessisset, audiretque voces in illum statuendum esse clamitantium, quod quinto ante anno in Cn. Cornelium Asinam consulem Pœni designavissent; astuto responso periculum intentatum elusit: « Hoc vero, inquit, si feceritis, jam nihilo eritis Afris meliores. » Statimque consules excepero sermonem, tacere jussis, qui vincendum dixerant, conveniensque romanæ gentis gravitate vox audita est: « Isto te metu, Hanno, fides civitatis nostræ liberat. » De pace, quia neque Pœnus serio agebat, consulesque victoriam quam pacem malebant, frustra agitatam est. Africanam igitur expeditionem diutius differri non placuit. Neque pœni duces obstitere, quanquam inter se constituissent, quietum iter hosti non concedere, sed diversis ex partibus carpere morarique. Cæterum Hannone ad præmuniendam Carthaginem festinante, Hamilcar nihil movere ausus, Heracleæ se continuit: naves romanæ et ab hostibus et a tempestate pacatum iter habuerunt.

XI. Neque defuerant, qui longinquam navigationem, et hostile litus, ipsumque Africæ nomen exhorrescerent; ante cæteros imperium detrectante tribuno militum Mannio: sed adversus hunc ita exarsit Regulus, ut virgas securimque minitaretur, ni paruisset: ita demum præstitum est obse-

quum consuli, formidinemque navigandi propior et major metus expulit. Hermæum promontorio nomen est, quod a sinu Carthagini in mare siculum late procurrit: eam oram primæ Romanorum naves tenuerunt: ibi paulisper expectato, donec tota classis convenisset, litus Africæ prætervecti consules ad Clupeam urbem pervenere: hic legiones expositæ sunt, navibusque in portum subductis, vallum ac fossa, quo tutiores essent, circumdata: urbs, quia deditionem abnuebat, obsessa, statimque metu civium, sive dedita, sive deserta (nam utrumque traditur), in potestatem Romanorum concessit.

XII. At Carthaginienses, quanquam sane dura et insueta paterentur, tamen gratulabantur sibi, quod aliquanto mitiora formidatis accidissent. Metuerant enim audito pugnae navalis exitu, ne protinus ad ipsam Carthaginem victrices copiae ducerentur. Itaque nonnihil ex priore metu respirantes, in contrahendas copias urbemque et suburbanam regionem tuendam intenti erant. Consules interea missis Romam nuntiis, qui et res hactenus gestas docerent, et de instantibus sententiam Patrum exquirerent, Clupeam muniunt, ut ea sede belli uterentur: præsidioque ad urbis et agri custodiam imposito, cum cæteris omnibus copiis longius progressi, cultissimam regionem, utpote quæ post Agathoclis tempora ferrum hostile non viderat, perpopulantur: villas magnificas multas destruunt: magnam quadrupedum prædam, hominum præterea supra viginti millia abducunt, nemine prohibere auso; oppida quoque multa vi aut deditione capiunt: in his perfugarum aliquem numerum deprehendunt, magnamque vim captorum proximis bellis civium romanorum liberant; quos inter et Cn. Cornelium fuisse crediderim, qui proximo post biennio consul iterum factus est.

XIII. Dum hæc aguntur, qui Romam a consulibus missi fuerant, cum mandatis senatus revertuntur: jubebatur autem *alter eorum in Africa manere cum ea parte virium, quam*

§ XI. Flor. II, 2. — Polyb. I, 29 et 30. — Zonaras. — § XII. Zonaras. — Polybius.

retineri ex republica judicassent; alter cæteram classem et copias Romam reducere. Sic imminente jam hieme, mansit M. Regulus cum quindecim ferme peditum millibus, equitibus quingentis et navibus quadraginta: classem reliquam mancipiis et præda onustam L. Manlius Siciliæ litora tuto prætervectus in Urbem reportavit. Septem et viginti millia captivorum ab hoc Romam deducta reperio; navalemque de Pœnis decretum ei triumphum esse. Post hæc Serv. Fulvius M. F. M. N. Pætinus Nobilior, et M. Æmilius M. F. L. N. Paulus consules facti. His Sicilia et classis provinciæ decretæ: Regulum res in Africa prosperrime gerentem ex medio cursu victoriarum revocari non placuit; jussusque proconsule bellum in Africa administrare.

XIV. Id senatusconsultum nemo accepit ægrius, quam idem ille, cujus in honorem factum fuerat. Igitur literis ad senatum missis ea de re questus est, interque causas petendi successoris posuit, *villici sui morte (is agellum heri, quem habebat in Pupinia, jugerum septem coluerat) mercenarium occasionem nactum, amoto inde instrumento discessisse: quare necessariam esse præsentiam suam, ne rure deserto non esset, unde uxor liberique sui alerentur.* Decrevitque senatus, *ut ager M. Reguli publice coleretur, res amissæ redimerentur, uxori liberisque ejus alimenta præberentur.* Ii tum mores fuere. Sed ego, quoties hæc atque talia lego tradove, temperare non possum, quin cum animo meo recogitem, quanto sit virtuti firmior a laude, quam ex pecunia merces: quippe tam multis post ætatibus gloria M. Reguli manet; aliorum opes cum dominis et sæpe ante ipsos perierunt.

XV. Carthaginienses interea duobus domi constitutis ducibus, Asdrubale Hannonis F. et Bostare, tertium etiam Hamilcarem ex Sicilia accivere, qui cum peditum quinque millibus, equitibus quingentis, Heraclea Carthaginem pro-

§ XIII. Polyb. — Zonar. — Oros. IV, 8. — Colum. Capitol. — § XIV. Liv. Epit. XVIII. — Front. Strat. IV, 3. — Valer. Max. IV, 4, 6. — Senec. ad Helv. c. 12. — Dio apud Valés. — Polyb.

pere venit. Hi communicato inter se consilio statuerunt, *non mœnibus, ut ad eam diem factum fuerat, continendum exercitum; neque Romanos impune quidvis agere sinendos esse*: sic animis ad bellum gerendum incitatis exercitus educitur. Interea M. Regulus proxima quæque subigendo in loca pervenerat, per quæ flumen Bagrada labitur: ad quod castra habentes Romanos improvisa pestis et damno non mediocri, et terrore adhuc majore percudit. Magnitudinis enim portentosæ serpens aquatum profectos milites invasit; territisque et nequidquam repugnantibus multos ingentis oris hiatu sorbuit: alios spirarum voluminibus et caudæ verberare obtrivit: nonnullos ipso pestilentis halitus afflatu examinavit; tantumque negotii M. Regulo facessere potuit, ut totis viribus cum eo de possessione amnis fuerit dimicandum.

XVI. Quod ubi cum jactura militum fiebat, neque vinci aut vulnerari draco poterat, durissima squamarum lorica, quidquid telorum ingereretur, facile repellente, confugiendum ad machinas, advectisque ballistis et catapultis, velut arx quædam munita, dejiciendus hostis fuit. Post aliquot jactus in vanum emissos ingens saxum, spina dorsi perfracta, vigorem impetumque formidabilis monstri resolvit. Sic quoque difficulter confectum est, tanto cum horrore legionum et cohortium, ut *se oppugnare Carthaginem, quam alteram bestiam, malle* faterentur. Neque diutius ibi morari castra potuerunt, quin tabo infectas aquas, et omnem circa regionem fœtore jacentis pestifero afflatam fugerent: non sine rubore aliquo humanæ superbix, quæ non raro viribus suis nihil negatum esse, stolide putat. Exercitum certe romanum, imperatore M. Regulo, terra marique victorem unus anguis et vivus exercuit, et interfectus submovit. Quare nec puduit proconsulem, hujus etiam hostis spolia Romam mittere, timorisque sui magnitudinem et victoriæ gaudium publico monumento fateri. Corium enim belluæ detractum in Urbem devehendum curavit: quod centum viginti pedes

§ XV. Zonar. — Flor. II, 2. — Liv. Epit. XVIII. — Val. Max. I, 8, 19. — Oros. IV, 8. — Tubero apud Agell. VI, 5.

longum fuisse dicitur : et in templo quodam suspensum, ad Numantini usque belli tempora duravisse.

XVII. Motis a Bagrada castris, versus urbem Adin exercitum duxit consul, obiter expugnatis vastatisque oppidis et castellis, quæ in itinere occurrerant. Ad Adin vero, quam capere majoris erat operæ, vineis machinisque adhibitis iusta instituta est obsidio. Ad quam prohibendam pœni duces quum celeriter accurrissent, in colle quodam castris quidem romanis imminente, sed impedito silvosoque, consederunt. M. Regulus ingenio situs et genere copiarum hostilium æstimato, quum illis peditem suo neutiquam comparandum, sed in elephantis et equitibus spei plurimum esse videret, cæterum eam virium partem in aperto campo formidabilem futuram, iniquitate locorum excludi, inutilemque reddi; stultitia hostium sapienter usus, priusquam errorem suum animadvertere ac corrigere possent, in suis castris eos oppugnare statuit. Quapropter hortatus milites, et cætera, quæ suggerebat ratio, diligenter exsecutus, nondum certa luce castris egreditur, aciemque in adversum collem, ubi Carthaginensium erant castra, erigit.

XVIII. Pœnos ipsa primo Romanorum audacia territabat, quod numero pauciores ex inferiore loco tantas copias in munimentis suis aggrediebantur : deinde major inde tumultus fuit, quod equites et elephantis, unde plurimum auxilii speravissent, non modo nullam utilitatem, sed ultro perturbationem et impedimentum afferebant. Ipsum quoque tempus augebat trepidationem, quod inopinantes et magnam partem adhuc sopitos Romanus invaserat. Itaque multi suis in cubilibus trucidati sunt : alios trepida fuga palantes, et quo se reciperent nescios, insidiæ secundum vias collocatæ exceperunt. Mercenariis tamen Pœnorum Hispanis Gallisque raptim instructis, et extra vallum alacriter certantibus, in ancipiti aliquandiu victoria fuit, fugiente jam legione prima : totusque Romanorum exercitus impulsus foret, ni

§ XVI. Plin. VII, 14. — Oros. IV, 8. — Sil. It. lib. VI. — Val. Max. — Zonar. — Polyb. — § XVII. Zonar. — Polyb.

cohortes, alia ex parte circumgredi jussæ, hostem cedentibus instantem opportune a tergo aggressæ forent: tum etiam qui paulo ante locum deseruerant, recolligi, et ad repetendam pugnam animari potuere. Sic utrinque impetitus hostis, quum aliquandiu fortissime restitisset, cedere coactus est.

XIX. Quod ubi fieri Carthaginienses videre, continuo se ejiciunt castris, et contento studio fugiunt. Et elephantis quidem equitibusque, postquam planiora loca attingere, facilis et tutus receptus fuit: peditatum paulo longius persecuti victores, ad castra diripienda redierunt. Hac pugna Pœnorum septemdecim millia cæsa, quinque capta referuntur, cum elephantis duodeviginti. Eventus hujus prælii non modo totam circa regionem, sed etiam longius dissitos populos Romanis conciliavit, diebusque non ita multis oppida circiter octoginta in fidem venire. Unde Pœnos in magnas angustias redactos prope modum exanimavit capti a Regulo Tunetis nuntium, urbis tam munitæ, et quæ ad duodecimum a Carthagine lapidem posita, ne occultum quidem hostibus sineret esse, quidquid ibi fieret, tum ad ipsam urbem, tum ad mare propinquum patente prospectu.

XX. Neque solum romani belli terror circumsteterat, sed Numidæ quoque veteribus odiis, occasione nova stimulatæ arma moverant; vastandoque et urendo panicos agros plus etiam terroris et cladis, quam romanus hostis, inferebant: et in urbem undique confugientes rustici non consternationem modo maximam, sed jam famem quoque faciebant: absurmente magnam annonæ vim tanta mortalium multitudine, et reliquam adhuc copiam avaritia dominorum occultante, qui ex calamitate publica quæstum aucupantes, cum ipsa rerum necessariarum penuria pretium earundem auctum iri quotidie sperabant. Unde factum est, ut pronis auribus legatio M. Reguli acciperetur, qui belli confecti titulum ambiens, timensque, ne quis Roma successor missus eum interciperet, Pœnos ad pacem hortabatur.

XXI. Itaque manus sunt ad eam quantum ex principibus: sed quam a M. Regulus, qui se certam in manu habere victoriam putabat. in. mercedibus conditionibus fieri. viderent, in. fortis negotio. dicerentur. Scias enim et Scipio tota. cadere, Romanis captivos gratis reddere, suis pecuniis redimere, belis sumptus carnos restituere, preterea septingul. annuum pascere, ; debentur. His aia, neque minus modesta, adiectionibus: ut eisdem cum populo romans hostes amicosque haberent: ne navibus longis, preterquam una mectentur: Romanos autem, quibuscumque significatum esset, tremibus instructi quinquaginta, jurerent. Obstupefactis ad hanc legatis, et ut milia imperaret orantibus; vincendum, aut vincenibus obtemperandum esse, respondit. Quibus in urbem relatis exacerbati Pœni, quanquam rebus admodum acrisis uterentur, omnia tamen prius pati decreverunt, quam eas armittere condiciones, quas nihil aliud nisi captivitate civitatis suæ servitutemque esse arbitrabantur. In eo statu rerum naves, quæ ad conducendum militem in Græciam missæ fuerant, collecta mercenariorum hand exigua manu redierunt.

XXII. In his Xanthippus quidam erat genere Lacedæmonius, qui patriæ disciplinæ, quam edoctus a pœritia excellenter fuerat, usum rei militaris hand inferiorem adjunxerat. Ille rebus, quæ eousque gestæ erant, intellectis, et reliquo punicarum copiarum, elephantorum, equitum apparatu cognito, non dubitavit jactare palam, *Carthaginienses non a Romanis, sed a semetipsis victos esse, per imperitiam ducum, qui viribus suis uti nescivissent.* Hoc sermone celeriter vulgato, vocatus a magistratibus Xanthippus, rationes sententiæ suæ promit tam evidentes, ut prope manibus contrectari possint: *in faciundis itineribus, in castris ponendis, in præliis committendis, loca prorsus incommoda deligi consuevisse, docet: si suum consilium audiant, non incolumitatem modo, sed etiam victoriam promittit.* Probant hanc senten-

§ XXI. Zon. — Liv. XXX, 30. — Aug. de Civ. Dei, III, 18. — Dio ap. Urs. — Diod. Ecl. lib. XXIII, et apud Vales. — Polyb. I, 31,

tiam quum cæteri civitatis principes, tum ipsi duces : et laudabili modestia patriæ saluti suam existimationem posthabentes, homini peregrino deferendum imperium exercitus sui consentiunt consciscuntque. Xanthippus accepta potestate quotidie milites ex urbe educens, campestribus exercitiis ad servandos permutandosve ordines, ducumque jussa celeriter exsequenda adsuefacit : copias hanc disciplinam cum priore comparantes admiratione sui, fiduciaque melioris deinde successus implet : tota civitas recreata ex rebus fere desperatis ad exspectationem futuri erigitur.

XXIII. Hanc alacritatem omnium ubi duces vident, animo et ipsi recepto in hostem iterum ducere constituunt : suosque uti tempus postulabat adhortati, cum duodecim fere millibus peditum, quatuor equitum, et elephantis non multo paucioribus centum adversus Romanos progrediuntur, Romanos unum illud movebat, quod instituto priore mutato Pœnos, vitatis editioribus asperisque locis, per plana camporum videbant incedere : sed perpetua felicitate in superbiam elati, vinci solitas copias ductoremque Græculum despiciebant. Neque Regulus intactus erat hoc fortunæ obsequentis blando veneno : igitur quum se maritimas Pœnorum vires, quum pedestres fregisse, oppida ferme ducenta, hominum ad ducenta millia cepisse, urbemque ipsam punicam variis incommodis laborantem cogi ad deditiōnem posse reputaret ; pacem tolerabili conditione petentibus negavit, scripsitque Romam, *portas Carthaginiæ a se metu obsignatas teneri*. Ita magnos etiā animos sæpius in secundis rebus moderatio, quam in adversis constantia, deseruit.

XXIV. Cæterum Pœnis castra loco æquo habentibus, M. Regulus, cui in peditatu plus roboris, eoque montosa et ardua loca sectanda erant, nihil referre virtutis putans, ubi dimicaret, non timuit et ipse campo se credere, etiam ad majorem ostentationem fiduciæ, fluvio, qui medius fuerat, transmisso : passuumque fere mille ducentorum intervallo

§ XXII. Polyb. I, 32. — Flor. II, 2. — Zonaras. — § XXIII. Zonar. — Front. Strat. II, 2. — Auct. de Vir. ill. cap. 40.

ab hoste constitit. Xanthippus romani ducis imprudentiam conspicatus, *hoc illud tempus esse, quo promissa sua Carthaginensibus exsolveret, testabatur*: quod enim Romanos ex itineris labore defatigatos, qualibus optavisset locis, nactus erat, suam fore victoriam non dubitabat: tempus etiam opportunissimum ad pugnam videbatur, quod præcipiti jam in vesperam die, Afris locorum gnaris, sive vincerentur, effugium per noctem facilius erat futurum; sive vincerent, nihil ad victoriam persequendam impedimenti. Consultantibus ergo Pœnis, quid agendum esset, *deorum hominumque fidem invocans, ne tam præclaram occasionem perderent*, ad prælium capessendum omnes impulit, eo facilius, quod ipsi milites Xanthippi nomen inclamantes, insolita alacritate hostem ultro posebant.

XXV. Summa igitur rei Spartano permissa, educit ille exercitum, instruitque hoc modo: phalanx Carthaginensium, in qua robur erat peditatus, in subsidiis constituitur: huic, spatio relicto conveniente, prætexuntur elephanti, simplici serie latitudinem phalangis exæquantur: in utroque cornu expediti cum equitibus, post hos in dextro, mercenariorum gravis armatura collocatur. Acie sic ordinata, velitibus imperat, uti telis emissis se recipiant in apertos ad hunc usum saorum ordines: et hoste jam a validioribus excepto, rursum erumperent a cornibus, Romanorumque cum adversa phalange pugnantium latera repente incursarent. Regulus contra copiis ex more instructis, quum elephantos in prima Pœnorum acie stantes conspexisset, consilium celeriter capit: leviter armatos in frontem adducit, in subsidiis locat densos legionum ordines: equites in cornua diffunduntur: fit acies in altitudinem firma, sed multo quam fuerat angustior.

XXVI. Ita quum et ab elephantis et ab equitibus hostium periculum esset, adversus belluarum quidem irruptionem recte provisum, sed in locis patentibus spatium equitatu

§ XXIV. Zonar. — Appian. — Polyb. — § XXV. Front. Strat. II, 3, — Polybius.

hostium datum, ut circumfundi contractis ordinibus posset. Prælium ab elephantis cœpit, quos in adversum agmen agi Xanthippus jussit, confestimque Romani clamore sublato arma pulsantes contulerunt gradum. Ab equitibus etiam utrinque in cornibus pugna commissa: sed longe hic minore Romanorum numero, quum sustineri vis hostium non posset, cito fuga facta est. At e peditibus qui sinistri adstiterant, sive elephantorum occursum vitaturi, sive faciliorem sperantes de mercenariis victoriam, horum in aciem irruunt, versosque in fugam ad vallum usque castrorum hostilium persequuntur.

XXVII. Non æque facile reliquis adversus elephantos certamen fuit: quorum intolerabili mole dissipabantur ordines, protrebantur armati, agmina tota tanquam ruina sternerantur. Sustinebat tamen incumbentes ipsa aciei densitas, aliisque alii substituti ordines; donec simul locis omnibus laborari cœptum: dum extremi quique ab equitibus circumventi, priores, quotquot jam elephantorum aciem perruperant, ab integra et instructa phalange hostium, et assultantibus utrinque velitibus excepti, passim trucidantur. Neque minus cædis in ipsa fuga fuit: per aperta loca et plana effusos elephantum Numidæque equites immissi straverunt. M. Regulus cum militibus fere quingentis vivus in manus hostium venit: ex toto exercitu non amplius duo milia hominum, qui mercenarios loco pepulerant, festinato abitu, Clupeam incolumes præter spem evaserunt, Romanorum sociorumque milia circiter triginta sunt interfecta. De publico exercitu ceciderunt non multi, præter octingentos ex mercenariorum agmine, quod adversus sinistrum hostis cornu dimicaverat.

XXVIII. Tanta re perfecta, quum exercitus spoliis caesarum, et imperatore Romanorum capto superbus Carthaginem reverteretur, obviam effusa urbanorum multitudo; alii in vicis aut domibus consistentes incredibili cum voluptate,

§ XXVI. Front. Strat. II, 2. — § XXVII. Polyb. — Front. Strat. II, 3, 3. — Flor. II, 2. — Ὀλυμπ. ἀναγρ. — Eutrop.

spectaculo, quale paulo ante vix optare ausi essent, fruebantur, vix tantæ felicitatis vel gaudium, vel etiam fidem capientibus animis. Qui enim modo proxime in desperationem adducti non regionem tantum suam, sed urbem ipsam, aras, focos amittere timuerant : ii tantam rerum commutationem subito factam esse, quanquam viderent, vix audebant credere. Sed maxime in ipsos duces intenti omnium oculi animique erant : quum modo Xanthippum, modo Regulum intuentes, hujus æstimatione magnitudinem sui imperatoris metirentur extollerentque : *quantum illum esse virum oporteret ; qui ducem acerrimum, fortunatum bellatorem, victorem superbum, hostem implacabilem, terrorem pestemque magnæ Carthaginis, exercitu florentissimo, existimatione amplissima, libertate denique ipsa tam facile tamque celeriter exuisset !*

XXIX. Augebat admirationem habitus viri, quod sub exiguis membris, aspectuque non nimis decoro, ingentem virtutem occultaverat. Quibus ex rebus multum Xanthippo gloriæ, sed nec minus invidiæ nascebatur. Quo in monstro profigando non minore prudentia, quam in bello conficiendo usus, quanquam diuturnus ipsi factorum suorum fructus Carthagine deberetur, relinquere spes ancipites et insidiarum plenas, et ante mutationem animorum aut fortunæ domum regredi statuit. Hoc enim plerumque ingenio homines agunt, ut patriæ studium in ore, privatum in animo magis habeant : igitur quandiu quidem honores et divitias incolumi civitate quærere tuerique possunt, amorem illius ardentissimum præferunt : ubi periculum est, ne ad alios ob magnam virtutem et eximia merita hæc concedant, longe malunt deesse, qui publicæ rei prosint, quam esse, qui obsint suæ.

XXX. Donec autem alios æquiparare posse putant, occultius atque remissius invident ; quum vero longissime relictii, comparatione propinqua se premi sentiunt, opesque et magistratus, quos ipsi sitiebant, penes alios esse ; quod virtute

§ XXVIII. Diod. lib. XXIII, ap. Vales. — § XXIX. Sil. It. l. VI, v. 304. — Polyb. — Oros. IV, 9.

desperarunt, per calumniam et criminationes meliorum consequi student. Ita fit, ut optimo cuique plures inimici sint, pluresque insidiæ struantur: sed adversum has homini indigenæ in propinquis et amicis suis præsidium est: peregrinus hoc auxilio destitutus, malitiam degenerum animorum acuit ipsa facilitate nocendi, quod insidiantibus magis expositus, vel everti citra maximum laborem potest, vel citra periculum offendi. Xanthippum igitur hæc sagacissime perpensis, quæ secuta sunt, evidenter affirmarunt. *Abnavigantem enim per quosdam a Carthaginensibus immissos submersum ferunt, post acceptum beneficium illius auctorem gravatis exosisque; quo extincto famam etiam peregrina virtute servatæ civitatis exspiraturam crediderint.*

XXXI. Alii de fato Xanthippi non eadem; sed *punicam tamen perfidiam* arguunt: *datam enim discessuro navem veterem et rimarum plenam, sed ad speciem firmitudinis recens picatam: cæterum virum nequaquam decipientibus facilem, animadversa fraude, dissimulanter aliud navigium conscendisse, ereptumque periculo esse.* Non minoris perfidiæ, sed ob numerum peremptorum crudelitatis odio superior, iisdem temporibus perpetrata res traditur. Mercenarios enim ob navatam insigniter operam præmia paulo tumultuosius efflagitantes, in naves imposuerunt, facta spe alio quodam loco tributum ipsis iri, quod peterent. Sed a præfectis navium, quibus id negotii datum clam fuerat, in deserta quadam insula expositi relictique, quum omnis humanæ opis egenos, sine alimentis, sine navibus, neque manere fames, neque abire pelagus sineret, fædo horrendoque genere mortis extabuerunt.

XXXII. Apud alios auctores facinus hoc ad superiora tempora referri reperio, quibus Syracusani bellum cum Pœnis habuere: nomenque mansisse infami deinceps insulæ, ut Osteodes (Ossuariam possemus dicere) vocaretur. Ea post Liparam, occidentem versus in alto mari sita est. Quæ facta

§ XXX. Polyb. — Zon. — Appian. — § XXXI. Zon. — Liv. XXVIII, 12. — Diod. V, 11. — Oros. IV, 9.

quomodocumque, aut quocumque tempore evenerint, a cætera Pœnorum immanitate nihil abhorrens habent. Neque igitur mirandum est, qui in socios adjuutoresque suos hoc animo fuerunt, si adversum hostes iidem se gesserunt inclementius. Quanquam profecto cæteros captivorum satis tolerabiliter habuisse feruntur: quod et ipsi multos ex suis in potestate Romanorum esse sciebant, quos permutatione instituta cupiebant recipere.

XXXIII. Sed adversus M. Regulum neque abscondere iram, neque moderari potuere, quin omnibus modis vexarent virum angerentque: cibum enim præbebant, non qui vel voluptatis aliquid afferre sensibus, vel vigoris corpori posset; sed qui tenuissima refectione spiritum infelicis ad producendas ejus miserias detineret: at acerbiores erant contumeliæ perpetuæ, inter quas consueverant creberrime elephantum aliquem adducere, cujus barritu exterritus, et invisæ specie tortus, nec animo nec corpore posset requiescere: postremo ita maceratum exagitatumque in carcerem publicum conjecerunt. Quæ postquam audita sunt Romæ, non dolore modo ingenti, sed etiam metu, civitatem perculerunt. Timebatur enim, ne Carthaginienses acerbitate calamitatum suarum, et victoriæ fiducia stimulati, reddere vicem hostibus, et quid malorum perpessa Carthago foret, Romanæ urbi persentiscendum dare cuperent, auderentque.

XXXIV. Quare consulibus mandavit senatus, *ut Italiam quam possent diligentissime munirent præsiidiis; ipsi cum navibus quamplurimis Siciliam, inde, si videretur, Africam ad-euntes, Pœnos ab Italia petenda propiore metu distinerent.* Cæterum Carthaginiensibus antiquior cura fuit civitates a Romanis occupatas recipere, Afros, qui a se ad hostes desciverant, mulctare, in rebellione persistentes ad obsequium armis cogere. Sed Clupea quidem ab Romanis strenue defensa est: in Numidia, aliisque populis Africæ, magnum magis bellum, quam difficilis victoria fuit. Interea quum in Italia validam adornari classem comperissent, ommissa quam obsederant Utica, naves veteres reficere, novas exædificare, ad prohibendos africo litore Romanos omnia studiose pa-

rare cœperunt. At consules incredibili diligentia tantum effecerant, ut æstatis initio naves jam trecentas quinquaginta instructas ornatasque haberent; quibuscum in Siciliam profecti, postquam ibi satis tuta omnia, nihilque mali, præterquam quod in exspectatione et metu fuerat, reperissent, præsiidiis ubi maxime opus erat relictis, cum cætero exercitu protinus Africam versus contenderunt.

XXXV. Sed tempestate Cossuram delati (inter Africam et Siciliam, qua Lilybæum promontorium est, posita est insula), vastatis agris, et urbe ejusdem nominis capta, præsidium imposuerunt. Inde ad Hermæum promontorium perrexerunt, quod medio inter Carthaginem et Clupeam situ, alterum carthaginiensis sinus cornu claudit. Eo loco quum Pœnorum naves occurrissent, acricque certamine duas inter classes dimicaretur, auxilio venere suis a Clupea Romani, momentumque hoc, paribus eousque rebus, ad victoriam fuit. Pœni naves quatuor supra centum submersas, triginta captas ab hostibus, militum ad millia quindecim amiserunt: ex Romanis mille centum periere milites, cum navibus novem. Tum Uticam profecta classis, expositusque miles, juxta ipsam civitatem eastram munivit: venerunt eodem Carthaginienses copiæ, quas Hannones duo ducebant: ita pedestri quoque prælio res gesta, deteriore Pœnorum fortuna, qui hic quoque circiter millia militum novem perdiderunt.

XXXVI. Capti sunt inter hos aliquot viri nobiles, servatique a consulibus, ut per hos M. Regulus, et qui cum eo similem casum subierant, redimerentur. Deliberatum inde est de præsentibus; magnaque spes fuerat Africam retineri posse: verumtamen regione quaquaversum vastata, quum fames timeretur, abduci Romanos, qui Clupeam tutati fuerant, Siciliamque repeti placuit. Aucta est una ingens præda, quam in urbem Clupeam M. Reguli rebus adhuc prosperis comportatam victoriæ recentes cumulaverant. Per-

§ XXIV. Polyb. I, 36. — Zonaras. — Strab. lib. XVII, pag. 834, et lib. VI, pag. 277. — § XXXV. Strab. lib. XVII, pag. 832. — Eutr. lib. II. — Oros. — Polyb. — Zonar.

ventum erat in Siciliam tuta navigatione, nimiumque felices fuissent consules, si felicitati suæ modum statuerè didicissent.

XXXVII. Sed quia, dum in Italiam revehantur, eadem opera quasdam urbes Siciliæ maritimas recipi posse putabant, nequidquam obtestantibus navium gubernatoribus, *ne inter Orionis et Canis exortum, quæ infestissima navigantibus sunt sidera, obversum Africae litus, intutum et importunum præterveherentur*, tantam tempestate cladem perpessi sunt, ut vix aliud in hoc genere proditum sit exemplum illustrius: denique de navibus trecentis sexaginta quatuor, vix octoginta, onerum jactura facta, servari potuerunt: hippaginum quoque, cæterorumque variae formæ naviorum numerus haud minor periit: ut ita cadaveribus hominum animaliumque, et fractis navium tabulis, a Camarinensium ora, ubi pestis illa classem invaserat, Pachynum usque litus omne completeretur. Tam dura in sorte non leve solatium afflictis humanitas Hieronis regis attulit, qui benigne exceptos, vestibus, cibo, naviumque armamentis adjuvando, Messanam usque deduxit incolumes.

XXXVIII. Sed Carthaginienses hoc fortunæ beneficio non segniter usi, Cossuram insulam urbemque receperunt: et sine mora in Siciliam transjicientes, Agrigentum duce Carthalone circumsessum, quia non subveniebatur, exciderunt dirueruntque: multi hic mortales interfecti captive: cæteri, quibus per mediterranea loca in ditionem Syracusanorum effugium fuit, in vico juxta fanum Jovis, Olympium vocant, consedere. Neque longe aberant a spe totius insulæ recuperandæ Pœnorum duces, nisi audito Romanorum in reparanda classe studio, confirmati socii fortibus animis præsentem metum tolerassent. Tanta enim diligentia huc incubuerant consules, ut vix credibili celeritate, intra unum trimestre naves novæ centum viginti compingentur. Cum his Cn. Cornelius L. F. C. N. Scipio Asina, et A. Atilius

§ XXXVI. Polyb. 1, 36. — Eutrop. — § XXXVII. Eutrop. — Oros. IV, 9. — Diod. Ecl. lib. XXIII. — Polyb.

A. F. C. N. Calatinus iterum consules, impositis ex novo delectu strenuis militibus, primo quoque tempore solvere jussi.

XXXIX. Magnum inconstantis fortunæ documentum Cn. iste Cornelius fuit : utili ad fortiter tolerandas adversitates exemplo : quippe quum septimo ante anno consul insidiis Pœnorum circumventus, captivitatem, vincula, carcerem, quidquid in humanis rebus aut sordidissimum, aut miserrimum habetur, pertulisset ; non cætera modo suæ dignitatis ornamenta, sed etiam ipsum illud consulare fastigium, fascesque non sponte relictos, tanto majore gaudio recepit, quanto acerbiore casu perdiderat. Consules Messanam transgressi, assumptis quas ibi repererant navibus (eæ superioris ferme naufragii reliquiæ erant), cum navibus ducentis quinquaginta ad ostium amnis Himeræ accesserunt, oppidumque Cephalœdium ad duodevicesimum inde milliare in eodem litore situm, prodentibus quibusdam receperunt. A Drepano, nam illuc cursum flexerant, quum neque statim potiri loco potuissent, et œsditionem agitantibus Carthalo suppetias urbi veniret, proposito frustrati recesserunt.

XL. Nec ideo segniores ad audendum facti, majorem aliquanto rem feliciter confecere. Panormum enim directo cursu, punicæ ditionis principem urbem, et occupato portu, juxta ipsos oppidi muros fecerunt exscensionem, recusantesque deditionem Panormitanos fossa valloque circumdare instituerunt. Favebat labori natura regionis, materiem copiosam arboribus passim enatis subministrans. Itaque cito perfectis operibus, quum oppugnationem strenue urgerent, machinarum ope turrim ad mare sitam dejecerunt : milesque per ruinas irrumpens multa cum hostium cæde urbem exteriorem, quæ nova dicebatur, expugnavit. Neque vetus urbs diu morata est : quum enim magna in eam multitudo

§ XXXVIII. Zonar. — Diodor. — Eutrop. — Polyb. — § XXXIX. Val. Max. VI, 9, 11. — Polyb. — Diod. — Cluv. Sicil. Ant. II, 4. — Strab. lib. VI, pag. 266.

confugiens, plus ex urbe nova terroris quam commeatus intulisset; brevi dejectis periculi cogitatione animis, et fame jam imminente, legati venerunt ad consules, corporibus exceptis omnia dedituri. Non acceperere consules, gnari res obsessis angustas esse, nisi pretio statuto redimerentur. Pactæ sunt in capita minæ duæ: redempta capitum millia quatuordecim: cætera multitudo, millia ferme tredecim, cum reliqua præda venierunt.

XLI. Clara ea victoria fuit, magnæque et subitæ utilitatis: multa enim ejus oræ oppida, quædam etiam longius dissita, Pœnorum ejectis præsiidiis, societatem romanam complexa sunt; principio ab Jetinis orto, secutisque statim Soluntinis, Petrinis, Tyndaritanis, aliisque. Rebus ita gestis, præsidioque Panormi relicto, Messanam consules, deinde Romam redierunt. Pœni abeuntibus insidiati, naves aliquot onerarias, cum pecunia quam vehebant, abstraxere. Romæ deinde continui triumphi duo spectati. Duxerunt prioris anni consules, prorogato imperio, de Cossurensibus et Pœnis, navalem utrumque. Prior Ser. Fulvius a. d. XIII Kal. Febr. triumphavit: M. Æmilius postridie. Annus, quem ab Urbe condita quingentesimum numerant, africanam expeditionem habuit, sed inanem et sine fructu. Cn. Servilius Cn. F. Cn. N. Cæpio; C. Sempronius Ti. F. Ti. N. Blæsus consules in Siciliam trajecere: ubi tentato frustra Lilybæo, in Africam direxere cursum, ducentis sexaginta navibus instructi. Litus hi legentes Africæ, multisque locis excensionem facientes, oppida multa ceperunt, prædaque magna potiti sunt.

XLII. Majoris tamen rei nihil geri potuit, quod commo-
dissimorum quorumque locorum aditu prohiberentur, occurrentibus ubique Pœnis, qui minus jam impedimentorum et plus animi habebant, receptis, quæ M. Regulus tenuerat, punitisque defectoribus. Hamilcar enim Numidiam Mauritaniamque pervagatus, tractum eum omnem perpacaverat,

§ XL. Polyb. — Diodor. — Zonar. — § XLI. Polyb. — Zonar. — Marm. Capitol.

imperatis pœnæ loco mille talentis argenti, et viginti milibus boum, punitisque principibus, qui favisse Romanis arguebantur, quorum ad millia tria patibulo affixi sunt. Neque tamen hostium occursum, quam ignorantia locorum, et cæcæ sub aquis insidiæ, formidabilior romanæ classi fuit. Subvectos ad Meningem, Lotophagorum insulam, quæ minori Syrti vicina est, recedente maris æstu vadosa loca tenuere: donec jactura levatas naves, et extrema omnia metuentes, præter spem reversi fluctus explicuerunt.

XLIII. Ita non impune pestem evidentissimam elapsi, et loca tam infesta horrentes, sine mora fugientium in speciem vela fecerunt: ignari non minus ipsis superesse periculum, quod adirent, quam quod evitaverant. Et Panormum quidem redeuntibus innoxium iter fuit. Cæterum Italiam petituros, dum Palinuri promontorium flectunt, quod a lucanis montibus in mare procurrit, magna tempestatis vis adorta, longas naves supra centum sexaginta, cum hippaginibus et onerariis multis, profundo mersit. Quare continuis hoc genus cladibus mœsta civitate, quum imperium maris ipsæ etiam undæ ipsique venti Romano negare viderentur, decrevere Patres, ne amplius sexaginta navium classis, ad præsidium Italiæ, commeatusque exercitui, qui in Sicilia esset, subvehendos haberetur. Alteri tamen consulum C. Sempronio calamitas ista non obstitit, quin triumphum de Pœnis ageret Kalendis Aprilibus, decimo post die quam de iisdem Cn. Cornelius procos. triumphasset.

XLIV. Censores eo anno Romæ fuerunt: sed mortuo in magistratu L. Postumio L. F. L. N. Megello, qui idem præturam tum gesserat, etiam D. Junius D. F. D. N. Pera, censura se abdicavit. Æstate vero proxima C. Aurelius L. F. C. N. Cotta, P. Servilius C. F. Cn. N. Geminus, consules, in Siciliam profecti, inter alia quædam oppida, etiam Himeram fluvio, cui adjacet, cognominem obsidione rece-

§ XLII. Zonar. — Eutr. — Oros. IV, 9. — Appian. apud Urs. — Polyb. — § XLIII. Solin. c. 30. — Diod. — Zonar. — Eutrop. — Polyb. — Fasti Capitol.

perunt; sed vacuam incolis, quos noctu Carthaginienses eduxerant. Juvit tamen loci non ignobilis possessio, quodque deleta sic esset ignominia, quam Romani nuper ad eam urbem incurrerant, occupandarum Thermarum (nam et hoc ejusdem urbis nomen celebratur) certa spe per militarem avaritiam excidendo. Quidam enim ex captivis, cui Thermis custodia portæ cujusdam commissa fuerat, ut proditione urbis libertatem redimeret pactus dimissusque, hora constituta missis ad recipiendam urbem militibus portam aperuerat. Horum præcipui quum ingressi essent, prædæque potioem partem avertere cuperent, *portam obserari* jubent, *neminique præterea suorum aditum dari*. Quod ubi factum est, Thermitanique strepitu exciti ad arma concurrerunt, neque resistere ob paucitatem suam, neque adjuvari a suis, quos arcuerant, valentes, dignum stultitia sua exitum fecere, ad unum omnes interfecti.

XLV. Thermis Himerensibus in potestatem redactis, C. Aurelius consul, Liparam, quæ jam aliquoties a prioribus ducibus tentata irritò conatu fuerat, obsidere cogitans, ex romanis copiis, quæ per universam Siciliam erant, plurimos fortissimosque milites delegit: eosque, acceptis ab Hierone navibus, in Liparæorum insulam trajecit. Unde quum ad auspicia repetenda Messanam rediturus esset, P. Aurelium Pecuniolam agnatum suum (apud alios Q. Cassium tribunum militum lego) obsidioni præfecit, opera tueri diligenter, de cætero abstinere pugna jussum. Sed is posthabito consulis mandato, suæ gloriæ cessurum ratus, si per absentiam illius capta Lipara foret, ad oppugnanda mœnia duxit, non impunita temeritate: nam neque expugnare urbem potuit, et multis amissis, eruptione in recedentem facta, aggre præterea incenso, castra ægre tutatus est. Sed reditu C. Aurelii quum mutata fortuna esset, magna hominum cædes in urbe capta est edita: deinde ad tribuni pœnas itum, quem, adempto militiæ gradu, virgis cædi consul, et stipendia inter gregarios pedites facere coegit; memorabili

severitate, cujus et alia quædam exempla in eodem illo consulatu C. Aurelius edidit.

XLVI. Recepta Lipara, Timasithei, qui locis istis quondam præfuerat, posteris datum, ut immunes a tributis et vectigalibus essent: adeo ne tempore quidem intercideret sinebat gratissimus populus veteris beneficii memoriam, quod Timasitheus craterem aureum Delphico Apollini dono a Romanis missum, quem piratæ liparæi ceperant, legatosque, qui eum deferebant, salvos et in Græciam et deinde Romam reducendos curaverat. Erctam, deinde castellum munitissimum, Romani cum peditum quadraginta millibus, et equitibus mille obsidere aggressi, neque capere potuerunt, neque cum Pœnis ausi sunt collatis signis configere: nam ex M. Reguli casu tantus elephantorum terror romanas legiones incesserat, ut ex eo tempore præliorum aleam fugerent. Sæpe in lilybætano agro, sæpe in selinuntio instructis adversum hostes ordinibus steterunt, vix aliquando passuum sexcentorum intervallo dirempti: sed neque pro solita prius alacritate prælium incipere, neque omnino in plana se demittere tutum rati, loca ardua et inaccessa sectabantur.

XLVII. Unde Carthaginienses majorem in modum confirmati, quum et pedestri exercitu jam confiderent, et mari quoque majores a tempestate Romanis, quam ex adversis præliis sibi accidisse clades judicarent, etiam decreto senatus de classe omittenda cognito, recipi Siciliam posse speraverunt, si novæ eo terrestres maritimæque vires mitterentur. Sed maxime pecuniarum inopia premebat: impensis belli tam diuturni omnes et olim reconditas, et quæ quotidie cogebantur, opes haurientibus. Ergo legatis ad Ptolemæum Ægypti regem, quocum amicitia ipsis erat, missis, duo millia talenta pecuniæ mutuæ petiverunt. Rex, qui Romanos, et ipsos amicos sociosque suos, offendere nollet, pacis auctorem atque pararium utrisque se obtulit. Sed, re

§ XLV. Zonar. — Front. Strat. IV, 1. — Val. Max. II, 7, 4. — § XLVI. Ὀλυμπιάδ. ἀναγρ. — Liv. V, 28. — Diod. — Polyb.

frustra tentata, petitionem suam Pœnis denegavit, *amicos adversum hostes, non adversum alios amicos sibi adjuvandos videri præfatus*. Sub ea tempora Romæ Tib. Coruncanus primus ex plebe pontifex maximus factus est.

XLVIII. Censores is quoque annus habuit, quod munia magistratus ejus, altero censore mortuo, altero abdicante, peragi anno superiore non potuerant. M. Valerius M. F. M. N. Maximus Messala, P. Sempronius P. F. P. N. Sophus lustrum septimum atque tricesimum condiderunt: eo censa sunt capita civium ducenta nonaginta septem millia septingenta nonaginta septem. Tristis hæc et severa censura fuit: in senatu recensendo, tredecim moti: juvenes quadraginti adeptis equis publicis ærarii facti: hoc quidem C. Aurelii consulis querela effecerat, coram censoribus arguentis, *quod in Sicilia, quum necessitas postularet, ad opus jussi accedere, imperium detrectavissent*. Consul ne hac quidem sprete disciplinæ ultione contentus, etiam apud Patres obtinuit, ne eis emerita jam stipendia solverentur. Neque minus, ut illa fuerunt tempora, ob vigorem disciplinæ intente custoditum, quam ob res gestas, decretum ei triumphum opinor, quem de Pœnis et Siculo a. d. Idus Apriles egit.

XLIX. Proximus deinde annus plus minarum, quam eventuum habuit: nam ex magnis utrinque apparatus quum mutuo metu tenerentur, æstas nullo majore negotio memoranda transiit. L. Cæcilius L. F. C. N. Metellus, C. Furius C. F. C. N. Pacilus, consules, legionibus in Siciliam deportatis, neque laccessiverunt ipsi hostem magnopere, nec ab eo laccessiti sunt, quanquam novus Pœnorum imperator Hasdrubal cum ducentis navibus, elephantis centum quadraginta, peditumque et equitum millibus viginti recens advenisset. Ea res senatum denuo de classe paranda consultare coegit: quippe trahendo in longum bello rempublicam exhauriri sumptibus, neque post M. Reguli cladem suis legionibus pristinum vigorem mansisse; et ut terra prosperrime

§ XLVII. Zonar. — Appian. ap. Fulv. — Liv. Epit. XVIII. — § XLVIII. Tab. Rom. — Val. Max. II, 9, 7. — Front. Strat. IV, 1.

res succederet, tamen prohiberi Sicilia Pœnos non posse, donec imperium maris penes illos esset, haud obscure videbant. Ergo rursus ad priora consilia revoluti, victoriæ spem in navibus habere, illasque summa cura reficere, aut ædificare cœperunt.

L. Interea quum L. Metello Panormi relicto, C. Furius ex Sicilia domum reversus comitia consularia habuisset, C. Atilius M. F. M. N. Regulus, L. Manlius A. F. P. N. Vulso, facti: uterque iterum. His mandata classis instruendæ conscribendorumque sociorum navalium cura; L. Metello prorogatum imperium, isque proconsule bellum in Sicilia administrare jussus. Hasdrubal alterum ex romanis ducibus, cum dimidia parte virium abivisse cernens, secumque reputans jam a longo tempore, quanquam instructæ ex adverso acies essent, Romanos metu cunctatos fuisse; quum jam neque voces suorum, qui segnitiem ejus increpabant, diutius ferre posset; omnibus cum copiis Lilybæo egressus, difficili per Selinuntiorum fines itinere, panormitanum agrum attigit, ibique castra metatus est. Forte Panormi cum exercitu reliquo procos. agebat, ut æstate jam adulta, sociis ad demetendas fruges condendasque præsidio esset.

LI. Hic audito hostium speculatores occultos Panormi degere, universos, qui in urbe essent, procedere in concionem jussit: deinde præcipiens, ut sese mutuo prederent, rogando ignotiorem quemque, *quis esset, aut cujus rei causa Panormi ageret*, exploratores deprehendit. Ex quibus ubi didicit, quid apud hostes ageretur, animadverso plus temeritatis quam consilii in expeditione Pœnorum esse, quo magis ad ineptam fiduciam incautos proliceret, simulavit metum, et intra munimenta urbis se continuit. Ferocior ergo factus Hasdrubal, promotis castris agrum panormitanum vastat, urit, fruges corrumpit, ad ipsos usque urbis muros populationem profert: neque moveri hoc vel damno, vel pudore, proconsul; ratus, si paululum susti-

confirmati, quæ proconsul identidem submittebat laborantibus pugnam sustinebant : quum rectores elephantorum æmulatione incensi, quo ipsi potius, quam Hasdrubal, auctores victoriæ fuisse viderentur, concitatis belluis proturbant adversarios ; et ad urbem se recipientibus incaute instantes, ad ipsam usque fossam progrediuntur.

LIV. Ibi vero, quum et a mœnibus sagittarum nimbus rueret, et a recentibus, qui ante fossam steterant hastæ, velitares confertim jacerentur, confecti vulneribus elephantis sævire, conversique quo dolor et ira ferebat, incumbere suis, proterere obvios, perturbare et dissolvere ordines armatorum cœpere. Quo animadverso proconsul, *hoc illud esse tempus provisæ diu victoriæ* clamitans, aperta porta prorumpit : neque difficile certamen instructis et compositis adversus trepidantes et turbatos fuit : magna cædes pugnantium, magna fugientium facta, casu quodam, qui præsidium afflictis afferre debuerat, ultro calamitatem augente. Quippe sub idem illud tempus punica classis comparuit : ad quam, veluti salutis unicum spem, quum trepida multitudo metuque cæca promiscue rueret, multi invicem aut ab elephantis conculcati sunt, alii a persequentibus interempti, magnus etiam numerus inter natandum, aut dum naves tumultuose conscenduntur excussus, in mari periit.

LV. Neque vel ad ea tempora, vel deinceps ulla populo romano inter tot res prosperas victoria clarior cessit : qua et ad priorem fiduciam erecti sunt animi, et tantus hosti metus incussus, ut non modo spem in posterum pedestris militiæ, quandiu id bellum fuit, sed etiam cogitationem deponeret. Viginti millia Carthaginiensium eo prælio cæsa referuntur : elephantis sex et viginti statim, cæteri postea omnes capti ; proconsul enim efferatas palantesque belluas ab ignaris haud facile adduci posse cogitans, præconis voce *incolumitatem et libertatem captivis* promiserat, *quorum opera comprehensi elephantis esse viderentur*. Ita primum captis mansuetioribus sibi que notis, cæteros horum ope haud difficulter

adduxerunt. L. Metellus omnes Romam misit, haud indigno quod memoretur invento per fretum transportatos.

LVI. Quod enim naves ad eam rem idoneas nullas habebat, dolis coactis multis vinctisque, ita ut inter bina quaeque dolia tignum unum immissam, neque collidi inter sese, neque divelli sineret, rates compactae sunt, quae deinde tabulato constrate, materia terraque ingesta, et lateribus undique praeseptis in stabuli formam, ingressas intrepide beluas, sine sensa navigationis, cujus velle impatientes sunt, in rhegino litore exposuerunt. Hasdrubal ex clade Lilybaeum evasit, sed Carthagine damnatus absens, quumque redisset, comprehensus et supplicio affectus est. Interea Poni casos exercitus suos, abactos elephantos, totam Sâciliam praeter Lilybaeum et Drepanum amissum, Romanosque iterum classe confecta, mari terraque validos esse reputantes, ad pacis consilia se retulerunt; gratanter accepturi, si lenioribus paulo conditionibus transigi posset.

LVII. Quae res quum eos M. Reguli, legumque pacis ab ipso quondam dictarum admonuisset, in eam cogitationem venerunt, ut per illum ipsum maxime crederent, vel pacem, vel quod secundum pacem gratissimum erant habituri, permutationem captivorum impetrari posse. Neque dubitabant, quin promptissimam operam in eo negotio, vel sua causa navaturus esset: *quem enim tanta duritiae animi cogitari posse, quin exire miseriae carceris, revisere carissima pignora, frui libertate, patria, dignitate, honoribus cupiat? Esse M. Regulo uxorem Romae, esse liberos: propinquos ejus affinesque in senatu et magistratibus, fratrem etiam patruelem consulari imperio agere: ipsum senatui populoque romano et ob res prosperas carissimum, et ob adversas miserabilem esse: sive se amaret, sive a suis amaretur, neminem neque agenda causa diligentiore patronum, neque impetranda gratiosiore fore.* Non abnuil ille, nulla spe aut cupiditate suae utilitatis, ut postea apparuit, sed ut senatum ad publica

§ LV. Polyb. — Flor. II, 2. — Oros. IV, 9. — Zon. — Front. Strat. II, 5.

— § LVI. Front. Strat. I, 7. — Plin. VIII, 6. — Zon. — Oros. — Estr.

tuenda commoda præsens auctor efficacius permoveret. Ita Carthaginensium legatis additus quum ad urbem venisset, ingredi, quamvis rogatus a Romanis, noluit: *hostium legatis ex disciplina patria senatum extra urbem dari causatus.*

LVIII. Coactis ergo Patribus, inter legatos Carthaginensium verba fecit, *se quoque, ut qui jure belli servus Pœnorum esset, mandata dominorum attulisse, maxime quidem bellum uti finiretur conditionibus, quibus utrique populo visum esset: sin vero, ut saltem captivorum esset permutatio.* Digressos mox legatos et ipse secutus est, neque deliberationi senatus hoc ipsum instanter petentis prius interesse voluit, quam Carthaginenses assentirentur: tum assedit tacitus, donec rogatus sententiam, « Patres, *inquit*, conscripti, « ego tamen Romanus sum, et corpus quidem, ut fortuna « voluit, penes hostes est; animus fortunæ non subjectus, « qui fuit, manet: quare huic potius obsecutus, quem meum « esse reor, quam corpori, quod alienum est, neque capti- « vos permutandi, neque ineundæ pacis auctor sum. Bello « manente captivos reddi, prorsus est inutile: nam illi pro « me uno duces multos, pro sene adolescentes repetunt; in « quibus esse novi, quos non spernatis: finiri vero bellum, « nisi luculentissimis conditionibus, aut universa victoria, « quum indignum esset sapientia vestra, tum rei romanæ « damnosissimum.

LIX. « Scio, vobis etiam in gerendo bello difficilia multa « accidere: neque enim res magnæ citra magnum laborem « magnosque sumptus confieri possunt: sed si Carthaginien- « sium fortunam contuleritis, omnia, quæ momentum ad « victoriam faciunt, penes vos meliora sunt. Magna pugna « superati sumus semel, sive culpa ista mea, sive fortuna « fuit: sed exercitus eorum toties cecidimus, et animos mea « clade rursus erectos victoria panormitana infra priorem « desperationem dejecit afflixitque. Siciliam excepta una al- « teraque urbe amiserunt: in cæteris insulis res ipsorum

« malæ sunt. Classem habetis, cui punica non optet occur-
 « rere : hac quoque parte belli perpetuo superiores : neque
 « accepta tempestatibus damna tantum vobis virium detra-
 « xerunt, quantum adjecerunt cautionis. Pecuniæ fortassis
 « par utrobique inopia : sed obsequentiores tamen vobis
 « Itali, quam Afri Pœnis, quos quum amassent nunquam,
 « nuper etiam impensius odisse didicerunt. Qui enim nul-
 « ladum tam atroci injuria læsi certatim ad me defecerunt,
 « eos post vastatam a prioribus dominis regionem, abacta
 « armenta, extortas pecunias, interfectos principes, quid
 « aliud exspectare creditis, quam ut novus exercitus hinc
 « in Africam veniat ?

LX. « Quod vero delectus vobis facilis et copiosus est,
 « miles bonus, concors, lingua, moribus, sacris, civitate,
 « cognatione junctus, id tantum esse reor, ut hac una re
 « ancipitem facere possetis Carthaginensibus totius belli
 « victoriam, si cæteris omnibus vinceremini. Quid enim ad-
 « versus ejusmodi copias momenti sit in mercenaria manu ?
 « et tamen si quod erat, sua crudelitate jam aboleverunt
 « Pœni, sibi que non minus difficilem effecerunt peregrini
 « militis conducendi rationem, quam conducti custodiam :
 « Xanthippus, cui forte Carthago debet, quidquid ab eo
 « tempore potuit amittere, tam ingrâte perfide que tractatus,
 « documento erit aliis, ne temere locent operam ei populo,
 « qui maxima merita non nisi maximis injuriis novit remu-
 « nerari : vulgus etiam barbarorum, stolidum et venale ge-
 « nus, nihilominus absterrebit in sui generis homines sæpius
 « exercita sævitia, quum modo carnificum aut commilito-
 « num manu perempti, modo in desertis insulis expositi, pro
 « stipendiis emeritis, ne simplicem quidem mortem, et hu-
 « mani moris supplicia pertulerunt. Habetis, Patres con-
 « scripti, rationes meæ sententiæ, qua neque pacem Cartha-
 « ginensibus dandam, neque commutationem captivorum
 « recipiendam censeo. »

LXI. Non displicebat consilium senatui, si auctore salvo accipi posset, sed hujus eo magis miserabantur ; quo ipse, ut reipublicæ consuleretur, magis se neglexerat : appare-

batque huc inclinari, ut qualibet conditione vir animi tam generosi patriæ redderetur : jamque voces jactabantur dicentium, *postquam ad suos postliminio revertisset, suo jam jure manere in civitate, aut retineri posse.* Pontifex etiam maximus affirmabat, *si remansisset in civitate, circa perjurium facturum videri* : quum ille spiritu vultuque, quem etiam iste senatus stupesceret, « Quin, ait, dubitationem istam semel tollitis, Romani, sequiminique sententiam meam, et audetis me contemnere? Frustra tenditis obtinere, quod neque jucundum vobis, neque utile patriæ, neque mihi honestum sit futurum. Fortasse dum nova res esset, alacres, et gratantes vobiscum me versari videretis : sed simul atque primi istius gaudii brevis impetus evanuisset, odiosiore me vobis redderet reditus mei turpitudine, quam absentia mea desiderandum effecisset.

LXII. « Mihi quidem certum est in ea civitate non degere, ubi post servitatem africanam civis honesti dignitatem tueri non potero ; et si maxime vellem, prohiberet fides, prohiberet jurisjurandi sacer honor, numinumque veneratio, quorum invocationem et reditus mei ad Pœnos pingnus feci, et si pejerem, pœnæ non a me tantum, sed etiam a vobis populoque romano repetendæ vindicem timeo. Sunt enim profecto aliquid dii, neque perjuriis aut contemptu hominum impune violantur. Si quis vero posse me religione exsolvi autumat : esse prodita libris auguralibus hujuscemodi piacula ; cærimoniis et victimis perfidiam ac perjurium rite procurari : eum ego meminisse velim, majorem esse majestatem numinum, quam ut pejerando læsa quibuslibet hominum inventis placetur : neque rationi consentaneum, ut maculæ peccatis hominum contractæ, peccorum boumve sanguine ablui credantur.

LXIII. « Ad me quod attinet, scio mihi Carthagine paratos esse cruciatus magnos, exquisita tormenta. Sed his omnibus tristius esse puto fidem fallere. Hoc enim mihi pro-

• facto noceret: illa magis ad ea, quae circa M. Atilium sunt,
 • quam ad ipsam referuntur. Nolite calamitatum existi-
 • mase, quibusque ferre calamitatem potest. Servitatem, con-
 • tempum, dolorem, inediam, vigiliis, quam mala non-
 • quam putaverim, post tanti temporis assuetudinem etiam
 • molesta credere desii. Tolerabilia enim esse, tolerando di-
 • dici: quod si supra quam ab homine ferri possint, intra-
 • dantur, non ab illa tantum, sed ab omni miseria me cita
 • mors liberabit. Nihil igitur timendum esse video mortem
 • non timenti, quam etiam occupare licet: et fecissem nisi
 • viri esset, vincere potius dolorem, quam effugere. Sed haec
 • pauca et confusa ideo dixi, ut vos neque dimoveri me
 • posse a sententia sciretis: neque vicem meam velut ho-
 • minis infelicis et calamitosi misereremini: mihi vero mi
 • consiliū tota ratio facilis et constans est; nam ut Cartha-
 • ginem revertar, id mihi debet esse cura: quid passurus
 • ibi sim, erit diis. » Aiamt etiam, quo efficacius moveret da-
 • bitantes, confirmasse, • priusquam Carthagine dimissus es-
 • set, sibi venenum punica fraude datum, quod lenta peste
 • spiritus vitales exedens, facta permutatione restitutum
 • suis consumeret. »

LXIV. Horribilem vero in hoc viro virtutis constantiam,
 qui, dum ab honesto non discederet, contumētiās, crucia-
 tus, mortem, quidquid denique abominantur homines, ma-
 jori prope contentione secutus est, quam alii vitaverant:
 utā mortalibus documento, eas tantum animas quibusvis
 terroribus pares, honestique propositi ad extremum tenaces
 esse, quae nobilitatis suae sensum habent, seque non ad
 hanc modo vitam natas esse meminerunt. Nec enim acerbi-
 tates tantas M. Regulus sponte pertulisset, nisi aut pulchris
 factis ingentia post mortem fore praemia, aut sceleratis in-
 gentes poenas, credidisset. Igitur in sententiam M. Reguli
 facto senatusconsulto, quum maestos et iratos dominos ipse
 vultu semper eodem sequeretur, repulsæque dolorem appa-
 reret in suasorem ejus crudeliter vindicatum iri, moti qui-

dam sunt, ut vel nolentem retineri juberent : uxore præterea Reguli Marcia, communibusque liberis, omnia fletu planctuque complentibus, dixere consules, *neque manentem dedituros esse neque discedentem moraturos.*

LXV. Sic ille, recusato etiam conjugis colloquio, parvorumque filiorum complexu osculisque vitatis, Carthaginem revectus, atrocissimis suppliciiis vexatum corpus exiit. Palpebris enim resectis aliquandiu in loco plane tenebricoso habuerunt : deinde .quum. sol esset ardentissimus, repente eductum intueri cælum coegerunt : postremo conjectum in arcam ligneam, quam ad solem obverterant, clavis introrsum versis horrentem, atque ita angustam, ut erectus perpetuo manere cogeretur ; dum fessum corpus, quocunque inclinaret, ferreis stimulis confoditur, cruciatu et vigiliis interemerunt. Hic M. Atilii Reguli fuit exitus, ipsa quoque vita, licet maximam per gloriam diu acta, clarior et illustrior. Fuit vir moribus integerrimis, animo infractus ; consilio non spernendus ; in quo nihil accusare neque sua neque sequentia tempora potuerunt, nisi quod fortunam secundam infirmius tulisse visus est, repudiatisque Pœnorum præcibus causa fuisse, cur multis deinde annis bellum maneret, ingenti cum civitatis utriusque detrimento.

LXVI. Cæterum M. Regulus peccatum istud aliis virtutibus, sed maxime mortis admirabili constantia, delevit ; calamitate sic perlata fortunatior, quam si evitare imminentem potuisset. Audito fine Reguli, et barbara Pœnorum feritate, senatus nobilissimos captivorum Marciaë liberisque dedit : quos illi conclusos in armario muricibus præfixo, pari ac Regulus interierat supplicio excruciare constituerunt, alimentis etiam per dies continuos quinque non præbitis ; intra quod tempus Bostar Pœnus mœrore fameque extabuit. Hamilcar vero firmior, etiam alios quinque dies

§ LXIV. Sil. lib. VI. — Zonar. — Dio apud Urs. — Eutrop. — Hor. Car. III, 5. — Appian. Punic. — § LXV. Liv. Epit. XVIII. — Valer. Max. IX, 2, 1. — Tubero apud Agell. VI, 4. — Auct. de Vir. illustr. cap. 40. — Aug. de Civit. Dei, I, 15, et III, 18. — Oros. — Sil. — Cic. de Off. III, 27. — Diod. apud Vales. lib. XXIII.

nuisset, utrumvis in Pœnos cum ingenti fœnore derivatum iri : maxime vero ut flumen Orethum, quod meridiem versus urbem præterlabitur, transirent hostes, exspectabat ; hoc enim si factum esset, præmeditatam expeditamque victoriæ viam habere rebatur. Id ut assequeretur, quum rebus cæteris in speciem timide administratis, tum propugnatores in muris raros collocando, et animum suorum et numerum ab hoste despici cupiebat.

LII. Hœc consilium, quum et prætor hostium audacia sua, et improvise casu sors juvisset, ex sententia proconsulis cessit : nec enim defuit Asdrubal tum copias pedestres, tum equitatum et elephantos omnes transducere, positis juxta muros oppidi castris, tanto cum contemptu confessæ, ut putabant, hostium formidinis, ut neque vallo sibi neque fossa opus esse judicantes, nullis defensa munimentis tentoria figerent. Eo quum lixæ mercatoresque ingentem annonam plurimumque vini convexissent, mercenarii Carthaginensium avidè hausto mero, clamoribus dissonis, tumultuque et strepitu, qualis ebrietatem sequi solet, omnia complevere. Tum vero tempestivum proconsuli visum, emissis expeditis hostes ad pugnam prolicere, processitque res ita feliciter, ut aliis aliisque subinde prorumpentibus, tandem totus Hasdrubalis exercitus e castris educeretur.

LIII. Ibi L. Cæcilius proconsul partem velitum ante fossam urbis disponit : his imperat, *siquidem elephantum propius suggesti essent, densa in eos tela conjiciant : si urgeantur ipsi, refugiant in fossas, atque rursum inde conentur* : sordidos opifices et forensem turbam componere missilia jubet, et extra muros projicere, ne copia horum velitibus desit : sagittarios in muris locat ; ipse cum cohortibus gravioris armaturæ intra portam, dextro hostium cornu obversam, instructus paratusque consistit. Interea qui prælium commiserunt, modo multitudine hostium pressi, servatis ordinibus referebant pedem, modo recentibus suorum auxiliis

§ LI. Polyb. — Fazell. de Reb. Sic. lib. II ; Dec. XI, lib. IV, c. 3. — Front. III, 17. — § LII. Diod. — Polyb.

confirmati, quæ proconsul identidem submittebat laborantibus pugnam sustinebant : quum rectores elephantorum æmulatione incensi, quo ipsi potius, quam Hasdrubal, auctores victoriæ fuisse viderentur, concitatis belluis proturbant adversarios; et ad urbem se recipientibus incaute instantes, ad ipsam usque fossam progrediuntur.

LIV. Ibi vero, quum et a mœnibus sagittarum nimbus rueret, et a recentibus, qui ante fossam steterant hastæ, velitares confertim jacerentur, confecti vulneribus elephantum sævire, conversique quo dolor et ira ferebat, incumbere suis, proterere obvios, perturbare et dissolvere ordines armorum cœpere. Quo animadverso proconsul, *hoc illud esse tempus provisæ diu victoriæ* clamitans, aperta porta prorumpit : neque difficile certamen instructis et compositis adversus trepidantes et turbatos fuit : magna cædes pugnantium, magna fugientium facta, casu quodam, qui præsidium afflictis afferre debuerat, ultro calamitatem augente. Quippe sub idem illud tempus punica classis comparuit : ad quam, veluti salutis unicam spem, quum trepida multitudo metuque cæca promiscue rueret, multi invicem aut ab elephantis conculcati sunt, alii a persequentibus interempti, magnus etiam numerus inter natandum, aut dum naves tumultuose conscenduntur excussus, in mari periit.

LV. Neque vel ad ea tempora, vel deinceps ulla populo romano inter tot res prosperas victoria clarior cessit : qua et ad priorem fiduciam erecti sunt animi, et tantus hosti metus incussus, ut non modo spem in posterum pedestris militiæ, quandiu id bellum fuit, sed etiam cogitationem deponeret. Viginti millia Carthaginensium eo prælio cæsa referuntur : elephantum sex et viginti statim, cæteri postea omnes capti; proconsul enim efferatas palantesque belluas ab ignaris haud facile adduci posse cogitans, præconis voce *incolumitatem et libertatem captivis* promiserat, *quorum opera comprehensi elephantum esse viderentur*. Ita primum captis mansuetioribus sibi que notis, cæteros horum ope haud difficulter

adduxerunt. L. Metellus omnes Romam misit, haud indigno quod memoretur invento per fretum transportatos.

LVI. Quod enim naves ad eam rem idoneas nullas habebat, doliis coactis multis vinctisque, ita ut inter bina quæque dolia tignum unum immissum, neque collidi inter sese, neque divelli sineret, rates compactæ sunt, quæ deinde tabulato constratæ, materia terraque ingesta, et lateribus undique præseptis in stabuli formam, ingressas intrepide belluas, sine sensu navigationis, cujus valde impatientes sunt, in rhegino litore exposuerunt. Hasdrubal ex clade Lilybæum evasit, sed Carthagine damnatus absens, quumque rediisset, comprehensus et supplicio affectus est. Interea Pœnicæ exercitus suos, abactos elephantos, totam Siciliam præter Lilybæum et Drepanum amissum, Romanosque iterum classe confecta, mari terraque validos esse reputantes, ad pacis consilia se retulerunt; gratanter accepturi, si lenioribus paulo conditionibus transigi posset.

LVII. Quæ res quum eos M. Reguli, legumque pacis ab ipso quondam dictarum admonuisset, in eam cogitationem venerunt, ut per illum ipsum maxime crederent, vel pacem, vel quod secundum pacem gratissimum erant habituri, permutationem captivorum impetrari posse. Neque dubitabant, quin promptissimam operam in eo negotio, vel sua causa navaturus esset: *quem enim tanta duritiæ animi cogitari posse, quin exire miserias carceris, revisere carissima pignora, frui libertate, patria, dignitate, honoribus cupiat? Esse M. Regulo uxorem Romæ, esse liberos: propinquos ejus affinesque in senatu et magistratibus, fratrem etiam patruelem consulari imperio agere: ipsum senatui populoque romano et ob res prosperas carissimum, et ob adversas miserabilem esse: sive se amaret, sive a suis amaretur, neminem neque agendæ causæ diligentiorum patronum, neque impetrandæ gratiosiorum fore.* Non abnuit ille, nulla spe aut cupiditate suæ utilitatis, ut postea apparuit, sed ut senatum ad publica

§ LV. Polyb. — Flor. II, 2. — Oros. IV, 9. — Zon. — Front. Strat. II, 5.

— § LVI. Front. Strat. I, 7. — Plin. VIII, 6. — Zon. — Oros. — Eutr.

tuenda commoda præsens auctor efficacius permoveret. Ita Carthaginensium legatis additus quum ad urbem venisset, ingredi, quamvis rogatus a Romanis, noluit: *hostium legatis ex disciplina patria senatum extra urbem dari causatus.*

LVIII. Coactis ergo Patribus, inter legatos Carthaginensium verba fecit, *se quoque, ut qui jure belli servus Pœnorum esset, mandata dominorum attulisse, maxime quidem bellum uti finiretur conditionibus, quibus utrique populo visum esset: sin vero, ut saltem captivorum esset permutatio.* Digressos mox legatos et ipse secutus est, neque deliberationi senatus hoc ipsum instanter petentis prius interesse voluit, quam Carthaginenses assentirentur: tum assedit tacitus, donec rogatus sententiam, « Patres, *inquit*, conscripti, « ego tamen Romanus sum, et corpus quidem, ut fortuna « voluit, penes hostes est; animus fortunæ non subjectus, « qui fuit, manet: quare huic potius obsecutus, quem meum « esse reor, quam corpori, quod alienum est, neque capti- « vos permutandi, neque ineundæ pacis auctor sum. Bello « manente captivos reddi, prorsus est inutile: nam illi pro « me uno duces multos, pro sene adolescentes repetunt; in « quibus esse novi, quos non spernatis: finiri vero bellum, « nisi luculentissimis conditionibus, aut universa victoria, « quum indignum esset sapientia vestra, tum rei romanæ « damnosissimum.

LIX. « Scio, vobis etiam in gerendo bello difficilia multa « accidere: neque enim res magnæ citra magnum laborem « magnosque sumptus confieri possunt: sed si Carthaginien- « sium fortunam contuleritis, omnia, quæ momentum ad « victoriam faciunt, penes vos meliora sunt. Magna pugna « superati sumus semel, sive culpa ista mea, sive fortuna « fuit: sed exercitus eorum toties cecidimus, et animos mea « clade rursus erectos victoria panormitana infra priorem « desperationem dejecit afflixitque. Siciliam excepta una al- « teraque urbe amiserunt: in cæteris insulis res ipsorum

§ LVII. Zonar. — Appian. apud Urs. — § LVIII. Dio. apud Urs. — Liv. Epit. XVIII. — Zonar. — Sil. lib. VI, v. 474. — Cic. de Off. III, 27.

« malæ sunt. Classem habetis, cui punica non optet occur-
 « rere: hac quoque parte belli perpetuo superiores: neque
 « accepta tempestatibus damna tantum vobis virium detra-
 « xerunt, quantum adjecerunt cautionis. Pecuniæ fortassis
 « par utrobique inopia: sed obsequentiores tamen vobis
 « Itali, quam Afri Pœnis, quos quum amassent nunquam,
 « nuper etiam impensius odisse didicerunt. Qui enim nul-
 « ladum tam atroci injuria læsi certatim ad me defecerunt,
 « eos post vastatam a prioribus dominis regionem, abacta
 « armenta, extortas pecunias, interfectos principes, quid
 « aliud exspectare creditis, quam ut novus exercitus hinc
 « in Africam veniat?

LX. « Quod vero delectus vobis facilis et copiosus est,
 « miles bonus, concors, lingua, moribus, sacris, civitate,
 « cognatione junctus, id tantum esse reor, ut hac una re
 « ancipitem facere possetis Carthaginensibus totius belli
 « victoriam, si cæteris omnibus vinceremini. Quid enim ad-
 « versus ejusmodi copias momenti sit in mercenaria manu?
 « et tamen si quod erat, sua crudelitate jam aboleverunt
 « Pœni, sibi que non minus difficilem effecerunt peregrini
 « militis conducendi rationem, quam conducti custodiam:
 « Xanthippus, cui forte Carthago debet, quidquid ab eo
 « tempore potuit amittere, tam ingrâte perfidæ que tractatus,
 « documento erit aliis, ne temere locent operam ei populo,
 « qui maxima merita non nisi maximis injuriis novit remu-
 « nerari: vulgus etiam barbarorum, stolidum et venale ge-
 « nus, nihilominus absterrebit in sui generis homines sæpius
 « exercita sævitia, quum modo carnificum aut commilito-
 « num manu perempti, modo in desertis insulis expositi, pro
 « stipendiis emeritis, ne simplicem quidem mortem, et hu-
 « mani moris supplicia pertulerunt. Habetis, Patres con-
 « scripti, rationes meæ sententiæ, qua neque pacem Cartha-
 « ginensibus dandam, neque commutationem captivorum
 « recipiendam censeo. »

LXI. Non displicebat consilium senatui, si auctore salvo accipi posset, sed hujus eo magis miserabantur; quo ipse, ut reipublicæ consuleretur, magis se neglexerat: appare-

batque huc inclinari, ut qualibet conditione vir animi tam generosi patriæ redderetur: jamque voces jactabantur dicentium, *postquam ad suos postliminio revertisset, suo jam jure manere in civitate, aut retineri posse.* Pontifex etiam maximus affirmabat, *si remansisset in civitate, circa perjurium facturum videri:* quum ille spiritu vultuque, quem etiam iste senatus stupesceret, « Quin, ait, dubitationem istam semel tollitis, Romani, sequiminique sententiam meam, et
 « audetis me contemnere? Frustra tenditis obtinere, quod
 « neque jucundum vobis, neque utile patriæ, neque mihi
 « honestum sit futurum. Fortasse dum nova res esset, alacres, et gratantes vobiscum me versari videretis: sed simul
 « atque primi istius gaudii brevis impetus evanisset, odiosioreme vobis redderet reditus mei turpitudodo, quam
 « absentia mea desiderandum effecisset.

LXII. « Mihi quidem certum est in ea civitate non degere, « ubi post servitutem africanam civis honesti dignitatem « tueri non potero; et si maxime vellem, prohiberet fides, « prohiberet jurisjurandi sacer honor, numinumque veneratio, quorum invocationem et reditus mei ad Pœnos pignus feci, et si pejerem, pœnæ non a me tantum, sed etiam « a vobis populoque romano repetendæ vindicem timeo. Sunt « enim profecto aliquid dii, neque perjuriis aut contemptu « hominum impune violantur. Si quis vero posse me religione exsolvi autumat: esse prodita libris auguralibus hujuscemodi piacula; cærimoniis et victimis perfidiam ac perjurium rite procurari: eum ego meminisse velim, majorem « esse majestatem numinum, quam ut pejerando læsa quibuslibet hominum inventis placetur: neque rationi consentaneum, ut maculæ peccatis hominum contractæ, peccorum boumve sanguine ablui credantur.

LXIII. « Ad me quod attinet, scio mihi Carthagine paratos « esse cruciatus magnos, exquisita tormenta. Sed his omnibus tristius esse puto fidem fallere. Hoc enim mihi pro-

§ LXI. Pœanii Metaphr. in Eutrop. — § LXII. Eutrop. lib. II. — Sil. lib. VI. — Zonar.

«fecto noceret : illa magis ad ea , quæ circa M. Atilium sunt ,
 «quam ad ipsum referuntur. Nolite calamitosum existi-
 «mare , quisque ferre calamitatem potest. Servitutem , con-
 «temptum , dolorem , inediam , vigiliis , quum mala nun-
 «quam putaverim , post tanti temporis assuetudinem etiam
 «molesta credere desii. Tolerabilia enim esse , tolerando di-
 «dici : quod si supra quam ab homine ferri possint , inten-
 «dantur , non ab illa tantum , sed ab omni miseria me cita
 «mors liberabit. Nihil igitur timendum esse video mortem
 «non timenti , quam etiam occupare licet ; et fecissem nisi
 «viri esset , vincere potius dolorem , quam effugere. Sed hæc
 «pauca et confusa ideo dixi , ut vos neque dimoveri me
 «posse a sententia sciretis ; neque vicem meam velut ho-
 «minis infelicis et calamitosi misereremini : mihi vero mei
 «consilii tota ratio facilis et constans est ; nam ut Cartha-
 «ginem revertar , id mihi debet esse curæ : quid passurus
 «ibi sim , erit diis. » Aiunt etiam , quo efficacius moveret du-
 «bitantes , confirmasse , « priusquam Carthagine dimissus es-
 «set , sibi venenum punica fraude datum , quod lenta peste
 «spiritus vitales exedens , facta permutatione restitutum
 «suis consumeret. »

LXIV. Horribilem vero in hoc viro virtutis constantiam ,
 qui , dum ab honesto non discederet , contumelias , crucia-
 tus , mortem , quidquid denique abominantur homines , ma-
 jori prope contentione secutus est , quam alii vitaverant :
 utili mortalibus documento , eas tantum animas quibusvis
 terroribus pares , honestique propositi ad extremum tenaces
 esse , quæ nobilitatis suæ sensum habent , seque non ad
 hanc modo vitam natas esse meminerunt. Nec enim acerbi-
 tates tantas M. Regulus sponte pertulisset , nisi aut pulchris
 factis ingentia post mortem fore præmia , aut sceleratis in-
 gentes pœnas , credidisset. Igitur in sententiam M. Reguli
 facto senatusconsulto , quum mœstos et iratos dominos ipse
 vultu semper eodem sequeretur , repulsæque dolorem appa-
 reret in suasorem ejus crudeliter vindicatum iri , moti qui-

dam sunt, ut vel nolentem retineri juberent : uxore præterea Reguli Marcia, communibusque liberis, omnia fletu planctuque complentibus, dixere consules, *neque manentem dedituros esse neque discedentem moraturos.*

LXV. Sic ille, recusato etiam conjugis colloquio, parvorumque filiorum complexu osculisque vitatis, Carthaginem revectus, atrocissimis suppliciis vexatum corpus exuit. Palpebris enim resectis aliquandiu in loco plane tenebricoso habuerunt : deinde .quum. sol esset ardentissimus, repente eductum intueri cælum coegerunt : postremo conjectum in arcam ligneam, quam ad solem obverterant, clavis introrsum versis horrentem, atque ita angustam, ut erectus perpetuo manere cogeretur ; dum fessum corpus, quocunque inclinaret, ferreis stimulis confoditur, cruciatu et vigiliis interemerunt. Hic M. Atilii Reguli fuit exitus, ipsa quoque vita, licet maximam per gloriam diu acta, clarior et illustrior. Fuit vir moribus integerrimis, animo infractus ; consilio non spernendus ; in quo nihil accusare neque sua neque sequentia tempora potuerunt, nisi quod fortunam secundam infirmius tulisse visus est, repudiatisque Pœnorum præcibus causa fuisse, cur multis deinde annis bellum maneret, ingenti cum civitatis utriusque detrimento.

LXVI. Cæterum M. Regulus peccatum istud aliis virtutibus, sed maxime mortis admirabili constantia, delevit ; calamitate sic perlata fortunatior, quam si evitare imminentem potuisset. Audito fine Reguli, et barbara Pœnorum feritate, senatus nobilissimos captivorum Marciaë liberisque dedit : quos illi conclusos in armario muricibus præfixo, pari ac Regulus interierat supplicio excruciare constituerunt, alimentis etiam per dies continuos quinque non præbitis ; intra quod tempus Bostar Pœnus mœrore fameque extabuit. Hamilcar vero firmior, etiam alios quinque dies

§ LXIV. Sil. lib. VI. — Zonar. — Dio apud Urs. — Eutrop. — Hor. Car. III, 5. — Appian. Punic. — § LXV. Liv. Epit. XVIII. — Valer. Max. IX, 2, 1. — Tubero apud Agell. VI, 4. — Auct. de Vir. illustr. cap. 40. — Aug. de Civit. Dei, I, 15, et III, 18. — Oros. — Sil. — Cic. de Off. III, 27. — Diod. apud Vales. lib. XXIII.

cum cadavere Bostaris inclusus, ciboque tantum ad vitam cum miseria prorogandam dato duravit: donec cognito quid fieret, magistratum imperio sævitia coercita est; injunctumque, ut Bostaris cineribus in patriam remissis reliqui captivorum mitius haberentur: morum utriusque civitatis memorabili discrimine; quum altera nec inique læsa, nec impune læsura, virtutem, quam venerari debuerat, diris suppliciis exstingueret: altera justissimæ vindictæ poneret modum, non quem poscebat irritatus dolor, sed quem reverentia humanitatis, et decora claris imperiis moderatio commendabat.

§ LXVI. Diodor. lib. XXIV, apud Vales. — Zonaras. — Tudit. apud Agell. VI, 4.



JOANNIS FREINSHEMII
SUPPLEMENTORUM
LIVIANORUM

LIBER NONUS

IN LOCUM LIBRI DECIMI NONI LIVIANI.

EPITOME

LIBRI DECIMI NONI.

Cæcilius Metellus, rebus adversus Pœnos prospere gestis, speciosissimum egit triumphum, XIII ducibus hostium et CXX elephantis in eo ductis. Claudius Pulcher consul, contra auspicia profectus, jussis mergi pulis, qui cibari nolebant, infeliciter adversus Carthaginienses classe pugnavit; et revocatus a senatu, jussusque dictatorem dicere, Claudium Gliciam dixit, sortis ultimæ hominem: qui, coactus abdicare se magistratu, postea ludos prætextatus spectavit. Atilius Calatinus primus dictator extra Italiam exercitum duxit. Cum Pœnis captivorum commutatio facta est. Colonæ deductæ sunt, Fregenæ, in agro saentino Brundisium. Lustrum a censoribus conditum est: censa sunt civium capita CCLI millia, CCXXII. Claudia, soror P. Claudii, qui contemptis auspiciis male pugnauerat, a ludis revertens, quum turba premeretur, dixit: *Utinam frater meus viveret, iterumque classem duceret!* ob eam causam mulcta ei dicta est. Duo prætores tum primum creati sunt. Cæcilius Metellus pontifex max. A. Postumium consulem, quoniam idem et flamen martialis erat, quum is ad bellum gerendum proficisci vellet, in Urbe tenuit; nec passus est a sacris recedere. Rebus adversus Pœnos a pluribus ducibus prospere gestis, summam victoriæ C. Lutatius consul, victa ad Ægates insulas classe Pœnorum, imposuit. Petentibus Carthaginiensibus pax data est. Quum templum Vestæ arderet, Cæcilius Metellus pontifex max. ex incendio

sacra rapuit. Duæ tribus adjunctæ sunt, Velina et Quirina. Falisci quum rebellassent, sexto die perdomiti, in deditionem venerunt.

I. **P**ROFECTIS ab Urbe Carthaginiensium legatis, consules senatusconsulto exercitum in Siciliam deportare jussi, cupide paruerunt, et ira in hostes accensi ob M. Regulum, et æmulatione speque ex L. Metelli proconsule victoria. Nec enim confecti negotii magnitudinem damno tantum carthaginiensis populi metiebantur, quod amisso exercitu, tantoque numero elephantorum, ad reliqua belli factus esset infirmior; sed haud minus eo, quod prospera cum belluis pugna romani milites animum ex priore formidine receperant; spesque incesserat, finiri bellum posse, ni occasione defuissent. Igitur classe navium ducentarum coacta consules ambo cum legionibus quatuor Panormum appulerunt: assumptisque reliquis ibi copiis navibusque, præter eas, quæ custodiæ locorum necessariæ videbantur, cum rostratis ducentis quadraginta, cercuris vero (sic vocant navium quoddam breviorum genus) sexaginta, et aliis cujusque modi navigiis plurimis Lilybæum veniunt; ibique consilio habito aggredi urbem constituunt.

II. Hæc est illa lilybætani oppidi nobilis obsidio, quæ per solidum decennium, ab ejus belli anno quarto decimo tracta, non expugnatione urbis, aut deditione ab obsessis facta, sed universi belli eventu finem accepit. Quum enim Pœni Romanique intelligerent, quantum in ea urbe momentum utrisque foret, vel ad Africæ præsidium, vel ad imperium Siciliae, summis utrinque viribus et oppugnata et defensa est. Urbem deinde romanam ex mœrore, quem M. Reguli casus attulerat, refecit L. Metelli triumphus: non visu modo et memoria rerum prosperrimarum, sed etiam adversus inhumanam gentem vindictæ dulcedine. Triumphavit de Pœnis proconsule a. d. VII Idus Septembres. Ducti sunt ante currum duces hostium tredecim, et ingens elephantorum agmen,

§ I. Polyb. I, 41. — Oros. IV, 10. — Diod. Eclbg. lib. XXIV. — Etymol. in κερκύρος.

viginti supra centum : sunt et qui plures numerent. Hi deinde producti sunt, quum ludi fierent, et hastis præpilatis per totum circum ab operis acti, quo contemnere disceret belluas populus, quas vehementissime timuerat. Interfectos esse jaculis Verrius Flaccus auctor est, quum neque uti iis placuisset : neque donari regibus tantam accessionem virium, ex usu reipublicæ videretur.

III. Eodem anno magna vilitas annonæ Romæ fuit : assibus singulis farris modios fuisse ; itemque vini congios, ficique siccæ pondo triginta, olei pondo decem, carnis pondo duodecim traditur : quum plus ubivis earum rerum esset, quam pecuniæ, cujus inter belli tam diuturni sumptus magna jam penuria esse cœperat. Dum hæc Romæ geruntur, in Sicilia Lilybæum summis viribus oppugnabant consules, neque minore pertinacia animorum ab inclusis resistebatur. Prima vis admota est turri, quæ præ aliis longissime versus Lybicum mare procurrebat. Hac dejecta, ad proximam quamque promotæ sunt opera, donec sex omnino turres procubuerunt : tum ad cæteras quatiendas fossæ compleri cœptæ, ut machinæ transduci admoverique possent : quamquam magnus erat labor, quippe latitudo fossæ sexaginta cubitos, altitudo quadraginta æquabat ; tamen impigre cœptus promotusque est.

IV. Contra hæc Carthaginienses, interius aperta fossa, egestam humum amoliebantur : sed quum multitudine materiam apportantium nihilominus agger cresceret, fossæque complanarentur, relicto isto consilio murum alium interiorem extruxerunt ; indefesso ad omnia Himilcone, qui præter urbanam multitudinem, mercenariorum decem millibus instructus, vim omnem dolumque hostium sagacitate, vigilantia, constantiaque eludebat. Ille nihil neque remissum apud suos, neque tutum apud hostes patiebatur ; operibus opera, cuniculis cuniculos, armis arma opponebat : inter

§ II. Col. Triumph. — Liv. Epit. XIX. — Dionys. lib. II. — L. Piso ap. Plin. VIII, 6. — M. Varro apud Plin. XVIII, 3. — § III. Polyb. I, 42. — Zonar. — Diodor. lib. XXIV.

hæc sæpe eruptionibus pugnatum, adeo nonnunquam ferociter, ut haud pauciores, quam justa pugna cadere solent, tumultuariis istis certaminibus desiderarentur. Inter quæ, Romanis muros suffodientibus, quo subrutis fundamentis conciderent, Himilco ex adverso cuniculos agi jussit, ubi Romanos terram egerere animadverterat. His deinde protinus apertis armatos immisit, qui nudos et operi intentos subito aggressi, multos interemerunt; neque pauciores, dum opem suis laturo ad muros accurrunt, sarmentis in fossam coniectis, deinde incensis, concremarunt.

V. Gliscebat tamen in animis obsessorum pavor atque consternatio, qua abusi duces quidam mercenariorum, *stipendia sibi non ex fide soluta prætexentes*, de prodenda Romanis urbe consilia iniverunt: minime dubitantes, quin suos quisque milites facile illecturus esset ad probanda, quæ agerentur. Itaque nocte quadam clam ex oppido ad castra Romanorum elapsi, statum urbis obsessæ, et quid ipsi pararent, exposuerunt. Agebat tum inter mercenarios, qui Lilybæi erant, Alexon quidam, Achæus genere, vir neque militarium artium rudis, et eximius fide. Is, animadverso proditorum consilio, rem ad Himilconem continuo defert. Himilco, ut in magno et instanti metu nihil cunctatus, duces mercenariorum, quot eorum adhuc Lilybæi erant, convocat: quid a quibus tētetur exponit, eosque graviter incusat: hortatur præsentēs, *ne temeritatis et perfidiæ alienæ participes esse velint: in fide perseverantibus integra apud Carthaginienses omnia, stipendium certum, præmia magna fore: proditoris infami crimine se commaculantes, et diis et hominibus adversis acturos esse*. Simul pecuniæ quantum cogere istam inter trepidationem potuerat, dividit: *de gregariorum stipendiis, ut quam maturrime solvantur, sibi curæ futurum esse spondet*.

VI. Magna vis orationis est in tempore adhibitæ, præsertim si gravitate morum fides sermoni concilietur: assensi certe sunt universi, operamque suam ad continendos in

officio milites alacriter obtulerunt. Himilco laudatos et ampliori spe incensos *ire confestim ad suos quemque* jubet, *operamque dare, ut in fide atque potestate sint* : mittit una Hannibalem, filium ejus Hannibalis qui in Sardinia perierat, et Achæum Alexonem; illum ad Gallos, quibus ex veteri commilitio notus et acceptus erat; Alexonem ad cæteros varii generis mercenarios, omnibus ex æquo carum gratumque. Hi fidem suam interponentes, *rata fore quæ Himilco promississet*, negotium adeo ex sententia perfecere, ut paulo post reversos ad mœnia proditores non modo aversarentur omnes, sed etiam conviciis telisque ultro arcerent.

VII. Et hi quidem ad consules re infecta regressi, muneribus tamen quibusdam et agris in Sicilia donati sunt. Cæterum Pœnorum res improvise malo prope desperationem adductas, eo tempore fides Alexonis sustentavit: qui prius servatis itidem Agrigentinis, quibus simili quodam scelere mercenarii Syracusanorum insidiati fuerant, jure suo memoriam laudemque in historia meruit. Creverunt deinde obsessis animi adventu novorum auxiliorum. Carthaginienes enim, licet ignari omnium, quæ Lilybæi gesta essent, res non segnibus consiliis indigere judicabant. Igitur Adherbali rei maritimæ præfecto negotium dederant, ut classe comparata militem, annonam et pecuniam Lilybæum introduceret. Ab hoc missus Hamilcaris filius Hannibal, ab Ægusis, quas vocant, insulis ventum opportunum nactus, recta fronte lilybætanum portum petit, instructos in navibus habens milites, et, si quis obsisteret, vi perrupturus. Jam ab obsidionis principio portus aditum obstruxerant Romani, demissis in fundum maris cercuris quindecim quos ad hunc usum lapidibus oneraverant.

VIII. Igitur, partim hostis celeritate deprehensi, partim metuentes ne ventorum vi convulsi et ipsi in portum et intuta navigantibus loca raperentur, advenientibus hostibus occurrere neglexerunt. Et Hannibal portum tuto tenuit,

copiisque (decem erant millia militum) expositis, magna cum lætitia Lilybætanorum, in urbem acceptus est. Romani, quum ingressum hostium impedire non potuissent, de cætero consultabant, quemadmodum opera sua tutarentur, quæ tanta multitudine novorum militum recepta Himilconem profecto oppugnaturum esse videbant. Neque fefellit eos opinio. Pœnus enim aliorum recentibus viribus, aliorum refectis adventu sociorum animis usus, veteres novasque copias in concionem vocat; spe victoriæ ac præmiorum ad faciendam eruptionem impellit; dispositisque, ut res poscebat, manipulis, sub primam lucem opera Romanorum pluribus locis aggreditur.

IX. Erant et apud hos provisa cuncta, quaque plurimum periculi metuebatur, firmæ stationes oppositæ: cum his itaque confestim acre certamen contrahitur: cadunt utrinque multi, quum et magna animorum contentione, et numero pugnantium non contemnendo res gereretur, haud paucioribus viginti millibus urbe egressis, et majore aliquanto multitudine obsidentium. Quippe consules contractis ex amica Sicilia auxiliis plusquam centum millia hominum effecerant: ex quibus ad expediendos commeatus aliasque necessitates dimissis cæteris, ad obsidionem urbis millia ferme sexaginta adducta. Sed quum ex omni parte vehementer dimicaretur, maxima circa machinas erat contentio: quas alii ut corrumperent, alii ut defenderent, non magis suæ quam hostis vitæ parcebant. Jacebat ingens agmen occisorum in ea statione, quam tuendam ab initio ceperant: augebat clamorem præliantium et terrificam discriminis faciem alia turba, quæ facibus tædisque armata, per pericula, per cædes suas alienasque ad incendenda opera ruebat; propiusque factum est nihil, quam ut pervicaciæ hostium miles romanus cederet, machinæque defendi nequirent. Sed Himilco multos suorum occumbere cernens, Romanos autem de ardore propugnandi nihil remittere, signum receptui dedit, pugnaque prior excessit: neque Romani institerunt,

contenti servatis operibus, quæ propemodum pro amissis jam habuerant.

X. Proxima nocte Hannibal, clam hostibus, dum fessi ex prælio ejus abitum observare negligunt, navibus, quibuscum venerat, Drepanum ad Adherbalem vectus est; abductis una equitibus, quos in locis impeditis ad nullam rem obsessis utiles, alibi bonam operam navare posse recte judicaverat. Hi enim a Drepano sæpe excurrentes, intuta faciebant itinera, rerumque necessariarum subvectionem difficilem, multosque pabulatorum, longius a castris vagantium, excipiebant, sociosque Romanorum omni cladum genere vexantes, consulum rationes non mediocriter conturbabant. Neque mari tutas iis res Adherbal esse patiebatur, qui modo siculis modo italicis litoribus improvisus incidens, nihil quo nocere Romanis posset, inausum intantumque relinquebat. Ita factum, ut magna in castris nata inopia (nec enim præter carnes pecudum quidquam ferme cibi supererat), magna pars fame, plures etiam morbis, ut solet, obortis morerentur.

XI. Hunc ad modum quum aliquot hominum millia desiderata essent, alterum ex consulibus ad comitia Romam discedere, suasque legiones deportare placuit, quo remanentibus in obsidione expeditior annonæ ratio foret. Iterum deinde majori conatu terra lapidibusque aggestis, aditum portus sepire aggressi sunt, validis trabibus decussatim compactis aggerem communientes, quæ ferreis ancoris revinctæ, totius operis compagem firmiore nexu continerent. Sed propter maris altitudinem, ob quam inter descendendum convellebatur quidquid injectum erat, ingens et inutilis labor fuit: nam oborto vehementiore ventorum flatu, undisque intumescens, perfracta omnia ac direpta sunt. Quum tamen ipsa operis fama clausum aliquandiu portum tenuisset, anxios ea res Pœnorum animos, vehementerque sollicitos habuit; neque enim ulla in promptu erat ratio, qua cognoscere statum suorum possent, neque quisquam aude-

bat operam suam ad inspiciendas Lilybætanorum res polliceri : donec Hannibal quidam, cognomento Rhodius, vir ex illustribus, se ingressurum urbem, et postquam omnia coram perlustrasset, ex fide renuntiaturum recipit.

XII. Ei promisso gratia primo major apud Pœnos, quam fides fuit : quippe præter moles in mari jactas, aditum portus a romanis navibus ad ancoras stantibus custodiri sciebant. Sed ille privata, quam habebat, adornata navi, ad insularum, quæ Lilybæo præjacent, unam, hinc deinde, quum postridie ventum ferentem nactus esset, circa quartam horam diei, palam, inspectantibus universis hostium copiis, hominibusque fiduciam stupentibus, portum investus est. At romanus consul, ut regredientem interciperet, selectas ex omni numero naves decem per noctem instrui jubet : eas ab utroque latere portus, quam proxime ad ipsum ejus ostium constituit. Hannibal celeritate navis suæ confisus clara luce procedit : expectabant eum intenti paratique Romani, simulque conatu quanto poterant, in eum ferebantur. Sed ille velocitate tantum vincebat, ut effugisse non contentus, ultro illuderet, modo adnavigans, modo circumvectus, quasi ad pugnam hostes provocaret.

XIII. Hac audacia quum sæpius uteretur, multum rebus punicis adjumenti contulit, quod et obsessorum animi nuntiis suorum mirifice recreabantur ; et quæ postulabat usus Carthagini mature cognosci poterant, et contumeliosa istius hominis temeritas Romanos molestia et pudore vexabat. Juvabatur autem peritia maxime locorum, quod in palustri illa cœnosaque eluvie, per quam Lilybæum aditur, certum fidumque navibus iter accurate observaverat : quoties enim ab alto veniens in conspectu habere urbem cœperat, ita obvertebat navem, ut puppis Italiam respiceret, ex prora turris lilybætana, quæ mari imminebat, ita cerneretur, ut omnium Africam versus sitarum turrium conspectum tegeret : quæ una tutissima est via pleno cursu portum petentibus nautis. Jamque plures esse cœperunt, qui audacia et felici-

tate Hannibalis incitati Lilybæum commearent : donec casu quodam quadriremis celeritatis eximiæ comprehenderetur.

XIV. Licet enim aliis partibus moles a romanis jactas venti ac undæ raptavissent; uno tamen loco, ubi minus profundum mare fuerat, constiterunt. Ei dorso impacta navis quum obhæsisset, capta a Romanis, optimoque milite et remigio instructa, etiam Hannibali exitium attulit. Quippe noctu forte ingressus urbem, quum in reditu palam solvisset, quadrirememque istam ad omnes suæ navis motus similiter occurrentem videret, animadverso statim periculo fugere, et quum hoc frustra esset, repugnare conatus, in validiorum potestatem venit. Romani hac quoque nave potiti, parique modo ad observandum portus aditum usi, ne quæ deinceps naves Lilybæum penetrare possent, facile prohibuerunt. Acrior inde vis obsidentium esse cœpit: adortique munimenta Romani, quæ mari vicina erant, omne defensorum agmen ad tuenda loca, quæ oppugnabantur, pertraxere. Sic via facta reliquis copiis, quæ ex diversa parte occasione huic insidiabantur, ut murum exteriorem caperent; quanquam id frustra fuit: quippe dux pœnus cum delectis suorum tempestive accurrens, multa cum cæde tenentes locum Romanos rejecit.

XV. Alia deinde major fortuna spem obsessis universæ victoriæ dedit. Forte ventorum ingens vis exorta fuerat, adeo veluti data opera Romanorum incumbens machinis, ut et vineas quateret, et ipsas turres in capitibus earum structas convelleret. Non fefellit ea res oppidanos, deorumque munere oblatam sibi opportunitatem credidere, qua toties frustra tentatis operibus ignem injicerent. Itaque tripartito agmine erumpunt, faces, et quæ alendo igni paraverant, immittunt; eratque per se facilis ad concipiendam flammam materia machinarum, quam diu ante cæsam sol et æstus arefecerant. Neque segniter ad opem ferendam concurrerant Romani: sed impar certamen erat, quum alii machinis jam incensis ad tela certius validiusque conjicienda luce ignium

et tempestatis impetu juvarentur; aliis haud minus ab his causis impeditenti periculique, quam ab hostili ferro, esset: quippe flatus vehemens et Romanis prorsus adversus, fumum, favillam, flammam in ora oculosque hominum pervolvebat; telaque ab hostibus missa majori violentia deferebat in obnoxios, quum interim Romanorum ictus incerti et invalidi, nec dirigi per caliginem possent, et vehementia reflantis venti frangerentur.

XVI. Ita factum, ut omnes Romanorum vineæ, petrarizæ, arietes, et quidquid operum vel agendis cuniculis, vel verberando muro paratum fuerat, eodem incendio absumerentur. Tum vero spes omnis potiundi per vim Lilybæi excidit; desertaque obsidio foret, ni Hiero, magna iterum frumenti copia submissa, uti maneretur evicisset. Ita omissa oppugnandi consilio, castrisque ex omni parte communitis, tempori et casui rem permittere decreverunt. Obsessi quoque refecta murorum parte, quæ ceciderat, majores in posterum ad tolerandam obsidionem animos habuerunt. Hæc nequaquam lætis aut securis animis Romæ audita; neque tamen dubitabatur, quin bello accepta detrimenta bello sarcienda essent; adeoque hæc sententia penitus infixam mentibus fuit, ut quidam senator in ipsa curia occisus esse memoretur, quod verba de pace fecisset. Magni deinde apparatus facti, inter quos remigum (nam hujus generis jactura ingens facta erat) millia decem ex novo delectu in Siciliam missa.

XVII. Consules jam erant P. Clodius Ap. F. C. N. Pulcher, L. Junius C. F. C. N. Pullus. Clodium illum nepotem Cæci fuisse, falso a quibusdam traditum est. Is quum in Siciliam venisset, accepto qui ad Lilybæum erat exercitu, milites in concionem convocat, prioris anni consules acriter reprehendit, *quod per ignaviam et delicias, obsessis quam obsidentibus similiores tempus ad Lilybæum sine ullo profectu, nec sine magna Romani nominis ignominia damnoque trivissent.* Erat enim vir asper et acerbus, et qui violentia ingenii, fastuque ob nobilitatem suam prolaberetur ad facta

dictaque vix sanæ mentis homini convenientia. Idem in puni-
 endo sævus et immitis nullum delictum venia, levissimum
 quodque nimia severitate prosequēbatur; quum interim ipse
 in rebus maximis, non misere tantum, sed etiam prorsus
 amenter impingeret. Nam et consilium priorum ducum,
 quod acerbe vituperaverat, imitatus est, ut ad portum ob-
 struendum moles in mare jaceret; et quod capitalioris amen-
 tiæ fuit, temere Depranum aggressus, non minus sua im-
 prudentia, quam Adherbalis virtute, florentissimam classem
 perdidit.

XVIII. Persuaserat sibi cæterisque, hostem ignarum sup-
 plementi, quod romana classis accepisset, imparatum Dre-
 pani deprehendi posse; nihil enim crediturum minus, quam
 audaciam et vires Romanis esse ultro hostem mari laces-
 sendi. Sic delectis navibus optimis ducentis et viginti, im-
 positoque remige, et fortissimo quoque ex legionibus, nam
 ut ad certam prædam, minimeque longum laborem (Dre-
 panum enim Lilybæo abest millia passuum non amplius
 quindecim.) certatim sese offerebant; circa tertiam vigiliam
 silentio solvit, cursu per noctem prospero, et hostes fal-
 lente. Lux orta, primis jam navibus a Drepano haud procul
 conspectis, ad miraculum insolitæ rei excivit Adherbalem,
 neque dubitare poterat, quin hostis adesset. Duarum rerum
 erat proposita optio, ut aut confestim prælio congredieretur,
 aut aditu hosti concesso, cingi se obsiderique sineret; quod
 postremum, quum haud minus flagitii quam molestiæ dis-
 criminisque plenum videretur, aversatus, socios navales su-
 bito in litore coegit: mercenarios autem milites voce præ-
 conis in concionem advocatos brevi sed efficaci oratione
 monuit, quanta spes esset prælium prompte capessentibus;
 quantus, si illud refugissent, ex obsidione metus.

XIX. Alacriter succlamantibus omnibus, Adherbal collau-
 datos naves sine mora conscendere jubet, prætoriamque

§ XVII. Plinius, XV, 1. — Diodorus apud Valesium, lib. XXIV. —

§ XVIII. Polybius, I, 46 et 49. — Diodorus, Ecl. I. XXIV, 1. — Eutropius.
 — Orosius.

(hac ipse vehebatur) oculis et remigio sequi. Hæc tibi præcepta dedit, primus ipse altum petit, sub ipsas portui impendentes petras egressus, quum eodem tempore ex adverso latere romanæ naves portum intrarent. P. Clodius, non uti speraverat territo hoste præliumque detrectante, sed ad defensionem sui strenue converso, perturbatus ipse, naves suas propere revocat, in aperto mari structurus aciem. Sed illæ nullo ordine, ut unaquæque præcurrerat, aliæ intra portum jam penetraverant, aliæ petebant aditum, quædam in ipsis faucibus versabantur: inde factum, ut dum magno nisu retrocedere omnes tendunt, aliæ in alias incurrentes turbarent mutuo, remosque invicem detergerent; donec ut potuerunt evolutæ portuque egressæ, quoniam spatium temporis nullum supererat, continuo juxta litus ipsum in ordinem aciei adstitere.

XX. Ipse consul, qui prius agmen coegerat, tum converso cursu ante omnes evectus sinistro classis suæ lateri se applicuit. At Pœnus interea lævum hostilis aciei cornu prætervectus, cum navibus rostratis quinque, tot enim secum habebat, Romanis obvertere frontem cœpit, altum patensque mare a tergo habens: simul alios suorum, ut quisque advenerat, adjungere se justo intervallo prioribus navibus jubet, et postquam omnes eadem serie directæ sunt, servatis ordinibus in hostem movet. Jamque sublatum utrinque ex prætorii pugnæ signum erat, quum omni ex parte acriter concurreretur, pari primo spe, sed subinde meliore Carthaginiensium fortuna. Quanquam enim numero navium vincebantur, armatis tantum nonaginta, longe tamen rebus aliis superiores erant; nam et navibus melioribus, et exercitatissimo remigebantur: locum autem pugnæ sortiti erant commodissimum, ut quoties urgerentur liberum in mare receptum haberent, velocitate sua ex facili vel elusuri hostem instantem, vel etiam si longius prosequeretur, circumventuri. Romanis contra ad litus appressis in arcto omnia: non procurrere libero impetu, non inhibere tuto poterant; sed quoties ur-

gente hoste retrocedebant, aut puppe in sabulo desidente hærebant, aut impacti litoribus periclitabantur.

XXI. Ita quum neque perrumpere hostium ordinem, et rursus a tergo invadere possent, ob tarditatem navium, remigumque imperitiam; neque ob angustias locorum, intra quæ conclusi erant, laborantibus suis opem a puppi ferre, impune a Carthaginiensibus vexabantur. Ad has difficultates accesserat et alia desperationis ex religione causa; iraque deorum se premi rebantur ob temeritatem consulis, qui contra auspicia pugnare sustinuisset, ad neglectum religionum etiam contumelia addita. Pullos enim, quoniam non pascebantur, in mare præcipitari jusserat, *ut biberent, quando esse nolent*: ea res, tanquam invitis iratisque diis præliantes, ad omnia segniores timidioresque fecerat. Sed ipsi cladis auctori, quum cætera perdidisset, ad se conservandum, nec ingenium, nec audacia defuit. Quippe quum naves suas passim deprimi capique videret, assumptis triginta, quæ proximæ constiterant, inter litus et hostilem classem elapsus est; et quo tutior ad Lilybætanum exercitum receptus foret (præternaviganda enim Pœnorum erant præsidia), naves in speciem victricium ornari jussit.

XXII. Ita Pœnis victoriam penes consulem fuisse, reliquasque naves ejus mox secuturas putantibus, non modo tutus ei reditus, sed etiam hostibus terribilis, Lilybæum fuit: relictas a consule naves tres et nonaginta cepit hostis una cum propugnatoribus et remige, præter eos qui navibus magna vi in litus impactis, ejecerunt se in terram, fugeruntque. Sed et in ipso prælio magnus navium numerus depressus est: nam plures ducentis Lilybæo P. Clodius advexerat. Tanta victoria minimo impendio Carthaginiensibus stetit: *non modo navem, sed ne hominum quidem ullum interiisse, vulneratos oppido paucos, traditur; quum de romana classe octo millia hominum cæsa, capta millia viginti*

§ XXI. Eutrop. lib. II. — Cic. de Nat. Deor. II, 3. — Flor. II, 2. — Val. Max. I, 4, 5. — Suet. Tib. cap. 2. — Front. Strat. II, 13. — Polyb. lib. I, cap. 51.

referantur. Sub idem tempus etiam a Panormo naves frumento onustas rapuere Pœni, Drepanumque avexere, et vicissim ex agro drepanitano commeatus Lilybæum importantes, omni genere bonorum obsessos large refecerunt.

XXIII. Neque hic substitit ejus anni fortuna, quin alio quoque magno incommodo mactaret Romanos, nec possessione modo maris, sed etiam spe potiundi depelleret. Alter enim consul L. Junius, cum onerariis multis, quibus annonam ad exercitum deferret, rostratisque sexaginta ex Italia profectus, ubi Messanam appulit, obviam aliarum navium multitudinem habuit, quæ tum ab exercitu, tum aliis Siciliæ partibus eo convenerant. His assumptis, et classe facta navium longarum CXX, onerariarum prope DCCC, Syracusas provehitur. Quo postquam venit, quæstoribus partem navium Lilybæum ducendam tradit: ipse substitit Syracusis, exspectans eos, qui Messana proficiscentem consequi non potuerant, simul annonam cogens, quam ex locis mediterraneis socii subvehebant. Interim Adherbal missis Carthaginem navibus, hominibusque captivis, fortuna gloriaque ad res gerendas incitante, Carthagini, qui suas septuaginta naves cum totidem ferme onerariis ex Africa adduxerat, triginta alias addidit, misitque hominem ad naves Romanorum, quæ in portu ad Lilybæum stabant, abstrahendas, aut corrumpendas.

XXIV. Ille sub primam lucem magno terrore invectus, quum aliis navium manus, aliis ignem injiceret, et in Romanos ad defensionem navium accurrentes, præfectus urbis Himilco mercenarios eruptionem facere jussisset, magna in castris trepidatio fuit: ad extremum Carthalo confractis non ita multis, abreptis quinque, Heracleam versus cursum direxit. Iis locis excubanti, ne quis Romanorum impune Lilybæum navigaret, nuntiatur, navium omnis generis classem haud pœnitendam adventare. Jam ille præfectos alios ad se pertrahendo naves bonas ad centum viginti effecerat:

§ XXII. Eutrop. lib. II. — Diodor. XXIV, 1. — Oros. lib. IV, cap. 10. — § XXIII. Polyb. I, 52. — Diodor.

confisus igitur viribus, et superiore victoria, confestim egreditur portu, venientibusque occurrit. Juxta Geloum litus in conspectum classes venere: sed romani quæstores impar certamen veriti, ad Phintiadem, quod in amicitia Romanorum erat oppidum, deflexerunt. Portus ad Phintiadem nullus est: tantum procurrentes in mare petræ stationem navibus haud usquequaque incommodam præbent.

XXV. Hic exscensione facta Romani hostium adventum instructi expectabant, catapultis atque ballistis ex oppido advectis, et pro litore ad tutelam navium dispositis. Carthaginiensibus initio consilium fuerat obsidendi hostem, quem putabant metu perculsum statim refugiturum in oppidum esse, navesque ad prædam relicturum. Sed ubi Romanis graviter se defendentibus, certamen periculi plenum experiebantur, prætereaque loco multa habenti incommoda parum fidebant, destiterunt; paucisque navibus ex earum numero, quæ comæatum vehébant, abductis, ad Halycum fluvium, qui haud procul inde aberat, discesserunt: ibi dum saucios reficiunt, hostium abitum ex comodo suo observaturi. Alii scriptores, credo Philinum, secuti, *haudquaquam levi damno defunctos esse Romanos*, volunt: *sed primo statim aspectu hostium percultos quæstores, dum Phintiadem cursu petunt, onerarias naves, aliasque præter bellicas, deseruisse: in ipso vero prælio rotunda Romanorum navigia quinquaginta, longas vero naves sexaginta depressas, tredecim ita percussas quassatasque, ut deinceps usui esse nequiverint.*

XXVI. Non longo post tempore, Pœnis adhuc stationem ad Halycum amnem habentibus, L. Junius cos. rebus, quarum gratia Syracusis substiterat, perfectis, præter Pachynum promontorium, vela Lilybæum versus faciens, a speculatoribus Carthalonis conspectus est. Carthalo, re nuntiata, quanta potest celeritate obviam consuli proficiscitur, ignaro eorum, quæ ad Phintiadem gesta essent: quo longissime a quæstorum classe cum illo dimicaret, neque juvari ille facile a suis posset. Consul eminus visa Pœnorum classe,

quum neque configere auderet, neque hostem instantem effugere posset, juxta Camarinam in locum asperum et importuosum naves adigit; metum hunc vincente alio majore metu, ne aliter universus exercitus in potestatem hostium deveniret. Carthalo eadem loca intrare non ausus, ad promontorium quoddam stationi locum capit, ita situm, ut inde pariter in utramque Romanorum classem intentus esse posset.

XXVII. Neque multo post ventis violenter flantibus, quum ingentis tempestatis signa Carthaginensium gubernatores rerum istarum periti vidissent, Carthaloni persuaserunt, uti relicta, quam ceperat, statione, Pachynum flecteret; ita nec sine magno labore vim tempestatis punica classis effugit: at Romanorum utraque classis inter saxa cautesque deprehensa funditus interiit, uti ne tabula quidem ulla ullius usus ex naufragio reliqua fuisse credatur; duabus exceptis navibus, quibus postea consul, reliquos ex ea clade milites remigesque secum ducens, Lilybæum pervenit. Hoc naufragio naves, quæ annonam portabant, omnes, longas supra centum periisse traditum: exercitus tamen servata pars est, multis in vicina litora enatantibus ejectisve. At senatus, qui paulo ante P. Clodium consulem ob rem male gestam ex Sicilia revocaverat, quum insuper tristis de juniana clade nuntius advenisset, in classe quidem spem habere desiit: cæterum ab bellum terrestri Marte prosequendum, animum consiliumque strenue advertit.

XXVIII. Et Lilybæi quidem obsidionem solvi non est visum: sed datum idoneis hominibus negotium, ut necessaria exercitui justo tempore subveherentur. Spem faciebat, quod uti mari Pœnus, ita Romanus terra plus poterat, totamque ferme Siciliam ditione aut fœderibus complectebatur. Sed neque consules ejus anni placebant: neque consulari imperio, quod isti contemptu religionum profanassent (nam et L. Junius contra auspicia navigasse dicebatur) res

§ XXVI. Polyb. — Diodor. — § XXVII. Oros. IV, 10. — Polyb. — Diodor. — Entrop. lib. II. — Liv. Epit. XIX.

putabatur feliciter geri posse. Igitur ad rem novam et inusitatam ventum, uti dictator diceretur, qui in Siciliam iret; quum ad eam diem extra Italiam nemo ea potestate præditus exercitum duxisset. Mira eo tempore et prope incredibilis P. Clodii consulis insolentia fuit: jussus a senatu dictatorem dicere, tanquam parum in patriam deliquisset tantæ cladis auctor, nisi dignitatem etiam imperii contumelia et derisu macularet, M. Claudium Glyciam dixit, scribam aut viatorem suum.

XXIX. Tum vero coorta merito in eum indignatione omnium, coactus abdicare, ac in populi iudicium adductus est. Condemnatum auctores, quos Cicero vidit, retulere; sed apud alios annotatum est, *illum haud dubia jam populi voluntate, casu ereptum esse imminenti damnationi, quum subito coortus imber comitia diremisset: tum enim velut quæstionem interpellantibus diis, aliam deinceps institui non placuisse.*

Cæterum Glycias, quod ultimæ sortis hominem in maximo imperio conspici pudor civitatis non ferebat, coactus abdicare, ludos tamen postea prætextatus spectavit. In ejus locum dictator creatus est A. Atilius A. F. C. N. Calatinus, dixitque magistrum equitum L. Cæcilium L. F. C. N. Metellum, qui de Pœnis triumphaverat. Hi profecti quidem sunt in Siciliam, sed rem memorabilem nullam gesserunt. Interea L. Junius anxius rerum suarum, et naufragii culpam egregio facinore abolere studens, quum in omnes occasiones intentus esset, Erycis occupandi viam, proditione nocturna quorundam, quos donis et promissis suos fecerat, invenit.

XXX. Eryx mons est Siciliæ post Ætnam editissimus, in ea parte insulæ, quæ Italiam respicit, medio ferme inter Drepana et Panormum situ: sed ab illa parte asperior. In vertice planiciem habet cum templo Veneris, quam ex loco *Erycinam* vocant, longe omnium, quæ in Sicilia sunt, opulentissimo. Sub ipsum deinde cacumen, in medio montis

§ XXVIII. Polyb. I, 54. — Cic. de Nat. Deor. II, 3. — Liv. Epit. XIX. — Suet. Tib. I, 2. — Fasti Capitol. — § XXIX. Polyb. I, 52 et 55. — Cic. de Nat. Deor. et de Divinat. — Val. Maxim. VIII, 1, 4. — Fasti Capitol. — Plin. VII, 43. — Dio, lib. XXXVI, in Orat. Catuli. — Zonar. — Diod.

quidem fortuna cœptis adfuit : missus enim ad prohibendas sociorum injurias cum urbano milite prætor, de successu consilii sui desperantem redire in Siciliam compulit. Ubi quum mercenarius miles seditionem excitasset, quod stipendia non solvebantur; multos ex eo numero in desertis insulis exposuit, multos ad pœnam remisit Carthaginem : quam rem ægre ferentibus reliquis, adeo sunt exasperati animi, ut manifesta defectio omnium, et ex eo novi belli materia timeretur. Sed in tempore Hamilcar, successor Carthalonis datus, advenit : tumultuantesque noctu adortus, alios occidit, alios demersit mari : cæteros veniam petentes, in gratiam concordiamque recepit. Hic est ille Barcæ cognomento notus Hamilcar, quo meliorem ducem Carthago non habuit, futurus incomparabilis, nisi Hannibalem genuisset.

XXXIII. Ex eo tempore durius Romanis bellum fieri cœpit. Statim enim sedato mercenariorum motu, cum classe ad Italiam devastandam profectus Hamilcar, Locrensium et Bruttiorum agros late populatus est. At Romani, quum Hieronis syracusani regis in eos constans fides et magna exstarent merita, remisso tributo annuo, quod priori fœdere pepigerant, perpetuam cum eo societatem amicitiamque sanciverunt. Interim Hamilcar ex Italia reversus in finibus panormitanis excensione facta, inter Panormum et Erycem castris locum cepit natura munitissimum. Epiercte vocatur mons omni ex parte abruptus, qui ex circumfusa regione in magnam altitudinem se erigit, non tenui fastigio, sed spatium centum plus minus stadiorum complexo : quæ tota regio pecori alendo frugibusque serendis aptissima est, ut quæ marinis flatibus opportune adversa, pestiferis animalibus omnibus vacat. Ibidem verruca quædam assurgit, quæ et arcis vicem et speculæ in circumjectos campos obtinere queat.

XXXIV. Adjacet portus perquam aptus Drepano aut Li-

§ XXXII. Diodor. lib. XXIII et XXIV, apud Vales. — Oros. IV, 10. — Polyb. I, 56. — XXXIII. Appian. apud Urs. — Polyb. — Barclay, l. II.

lybæo Italiam petituris, cum aqua dulci copiosa. Tribus omnino viis iste mons adiri potest : a terra duo sunt aditus, unus a mari, sed omnes impediti et perdifficiles. Hic castra locavit Hamilcar, audaci plane consilio, quum urbem sociam habens omnino nullam in medios hostes se demitteret : sed munitione loci suaque virtute et peritia rei militaris confisus, plurimum negotii Romanis exhibuit, Carthaginiensiumque res valde confirmavit, quæ jam etiam domi satis prospere ire cœperant : namque Pœnorum alius dux Hanno, cui cum Hamilcare virtutis erat æmulatio, gloriæ parandæ causa, simul ut militem citra sumptum civitatis ex hostico aleret, belloque exerceret, Libyæ parti, quæ circa Hecatonpylon est, arma intulerat; et urbe potitus, obsidum tria millia Carthaginem deduxerat. Neque tamen usquequaque res eis lætæ eo tempore fuere. Quippe L. Cæcilio L. F. C. N. Metello secundum, Num. Fabio M. F. M. N. Buttone coss. privatorum opibus parata classis Africam vastavit.

XXXV. Quanquam enim senatus iterum abstinere mari decreverat, civibus tamen id postulantibus navigandi potestatem fecit, ea conditione, ut naves ex publico acceptas restituerent; prædam servarent sibi. Sic facta classis non contemnenda, litoribus africanis multum terroris damnique intulit : sed et Hipponem regium urbem non e vilissimis adorti, naves Hipponensium et ædificia multa igne consumpserunt. Regressuri deinde, quum exitum portus catenis clausum reperissent, ex magno periculo salutem sibi arte et consilio pepererunt. Incitatis enim navibus, quum proræ catenam prope jam contingerent, universi in puppes navium recesserunt : sic levatæ onere proræ catenas facile superarunt : hoc facto contulerunt se omnes in proras, hisque depressis effecerunt, ut puppes itidem supra catenas lapsæ, liberi cursus facultatem periclitantibus redderent. Sic ingenti metu liberati, paulo post apud Panormum cum punicis navibus prosperam pugnam fecere.

§ XXXIV. Polyb. I, 73. — Diodor. apud Vales. lib. XXIV. — § XXXV. Polyb. — Diodor. lib. XXIV. — Zonar.

XXXVI. Consules autem romani, divisis belli muniis, L. Metellus Lilybæum, Num. Fabius Drepanum obsidebant. Adjacet Drepano austrum versus insula, sive scopulus verius est, quem Peliadem insulam Græci, nos Columbariam appellamus. Hanc occiso præsidio punico per suos milites noctu consul occupavit. Neque distulit Hamilcar, qui ad defendendum Drepanum accurrerat, orta luce ad locum recuperandum egredi. Quo animadverso consul, quum suis opem ferre non posset, tota vi Drepanum oppugnare instituit. Sic retracto Hamilcare, tenuit insulam, eaque deinceps ad obsessos acrius infestandos usus est. Jactis enim molibus continenti eam annexuit; et quoniam illa parte infirmiora urbis erant mœnia, operibus excitatis oppugnationem inde est orsus.

XXXVII. Sed pugnas Hamilcari cum his et sequentium annorum consulibus pugnatas, neque ob frequentiam posse describi, neque ob similitudinem casuum debere Polybius censuit: quum triennio fere continuo Epiertæ castra habens cum romanis ducibus, maxime postquam illi castris ante Panormum locatis, vix quinque stadiorum intervallum inter se et hostem reliquissent, propemodum quotidiana prælia fecerit: neque enim aut quiætæ res esse poterant, quum collata castris castra essent; neque rursum ad universæ dimicationis discrimen ventum est: multa enim prohibebant: præcipue quod pari copiarum firmitudine, locorumque munitionibus, etiam qui in prælio inferiores fuerant, vicinitate castrorum protegerentur. Ita fiebat, ut inter pugnandum semper aliqui caderent: acie semel inclinata, tutus ad munimenta receptus esset. Cæterum eodem anno, quo Drepana obsessa sunt, non sicula modo, sed etiam italica litora Carthaginensium classes infestarunt: et ipse Hamilcar, deprædando quidquid adiri poterat, maritimam Italiæ oram ad cumanos usque fines pervastavit.

XXXVIII. His incursionibus, et siculis pugnis quum multi

§ XXXVI. Cluv. Sic. Ant. II, 1. — Zonar. — § XXXVII. Zonar. — Polyb. I, 56 et 57.

romanorum civium in servitute apud hostes essent, duces romani cum pœnis pacti sunt, ut captivi permutarentur: utra pars plures accepisset, argenti pondo bina et selibras in capita daret. Plures quum recepissent Pœni, quam reddissent, pecuniam ex pacto pependerunt. Duas hoc anno colonias in Italia deductas invenio, Æsulum et Alsium. Lustrum item Romæ conditum duodequadragesimum, ab A. Atilio A. F. C. N. Calatino, A. Manlio T. F. T. N. Attico, censoribus. Censa sunt civium capita ducenta quinquaginta unum millia ducenta viginti duo; quum superiore lustro paulo minus trecenta millia censa fuissent: tantam civium multitudinem eo tempore bellum et naufragia consumpserunt. Nec ideo segnius suppleti exercitus siculi, M. Otacilio C. F. M. N. Crasso iterum, M. Fabio C. F. M. N. Licino consulibus deducuntibus.

XXXIX. Hi laboriosam quidem et exercitam militiam habuere; verumtamen, quia locorum, quæ præceperat, opportunitatibus emovere Hamilcarem nequiverant, nihil memoria dignum gessere: quod sequentibus etiam aliquot romanis consulibus accidit, ob idem incommodum: et quia repentini duces adversus perpetuum veteremque delecti, plus propemodum temporis in apparatibus, et locorum situ, militum voluntate statuque belli cognoscendo consumere cogebantur, quam ad res gerendas superabat. Quo etiam consilio factum videtur illo anno, ut quum instaret comitiorum tempus, dictatorem potius dici placeret, quam consulum alterutrum ex Sicilia evocari. Dictus est Ti. Coruncanius Ti. F. Ti. N. comitiorum habendorum causa: is magistrum equitum M. Fulvium Q. F. M. N. Flaccum dixit. Interea duo tribuni plebis C. Fundanius et Ti. Sempronius Claudiæ, Appii Cæci filiæ, diem ad populum dixerunt, quod a ludis rediens, quum turba premeretur, in conferta multitudine ægre procedente carpento, vocem miserat impii voti, *utinam frater meus revivisceret, iterumque classem duceret!*

§ XXXVIII. Zon. — Liv. XXII, 23. — Ej. Ep. XIX. — Vell. I, 14. — Fasti Cap. — § XXXIX. Zon. — Agell. X, 6. — Liv. Ep. XIX. — Suet. Tib. I, 2.

XL. Nulla fere nobilis Romæ domus erat, quin claudiam gentem propinqua cognatione aut affinitate contingeret. Itaque non deerant, qui ream tuerentur, *claritatem familiæ, patris Appii merita, fragilitatem sexus* obtendentes : *inauditum esse, feminas ad iudicium populi vocari : neque satis gravem causam, cur a Claudia mos novus inciperet, quæ nullo aut consilio aut facto majestate populi romani deminuta, tantum intra verba peccavisset.* Adversum quæ duo tribuni plebis ita disseruere : « Quam impiam, quamque
« detestabilem vocem Claudia jecerit, non ignoratis, Quirites : neque enim testimoniis opus est, confitente rea :
« neque etiam illa negare, si vellet, posset; quod palam
« in publico, non Jovem, quum sub dio hæc diceret,
« non multitudinẽ ipsam civium, quam incusabat, revelata, effudit. Quorsum igitur, quum de crimine constet,
« de pœna dubitamus? parumne diligenter legibus cautum
« est? an nos verba legum numerantes, mentem earum circumveniri patimur? Feminam hoc iudicio peti novum esse
« contendunt : esto : novum enim etiam est, feminam hoc
« pacto delinquere; necdum enim ullam tanta improbitate
« mulierem urbs nostra tulerat.

XLI. « Atque utinam ne nunc quidem novum exemplum
« statui opus esset ! mallems profecto nullis delictis quietam
« ac veluti conditam legum aciem pati, quam adversus nocentes, utili quidem, sed tamen acerbo rigore distringere.
« Cæterum civitati stare volenti necessaria legum est custodia : quas utique minime deberent subvertere, qui reipublicæ nostræ principes et columnina haberi volunt. Quos
« profecto juris omnis peritissimos latere non potest, quum
« pluribus in legibus nulla sit expressa mulierum mentio,
« verbo *si quis*, et similibus, non minus illum sexum, quam
« masculinum contineri. Quid igitur mirum, si leges, quæ
« de majestate latæ sunt, ad utrumvis sexum pertinere credimus, quum exemplo sit isthæc Claudia, ab utrovis in eas

§ XL. Valer. Maxim. VIII, 1. — Liv. Epit. — Sueton. L. XXIX; ff. de Leg. lib. I, tit. 3.

« peccari posse? Sed elevant illi rem, parvumque videri delictum volunt, quod ultra verba non processisset. Hoc enim restabat, ut conatum, studium, facta conjungeret, cum Pœnis consilia sociaret, centuriaret homines, armaret servitia, occuparet Capitolium, et pestem, quam civibus verbo voverat, opere quoque ipso et manu inferret?

XLII. « Atqui legibus profecto non facta magis, quam consilium et animus patrantis puniuntur: neque enim si quid furiosus aut infans nocuit, jure adversus eum prodita est actio: animi vero cujusque multis in causis non minus certa ex verbis, quam ex operibus, indicia petuntur. Quæ sic optat, quid faceret, si facere quod optet, in ejus manu esset? Quod si aliorum quoque hominum judicia non contemnimus (cur autem contemnamus?) etiam alibi pro scelere habitum vindicatumque est impium votum. Athenis, quæ Græciæ civitas præ cæteris sapientiæ laudibus clara habetur, damnatus est, qui magnum lucrum optaverat, quum necessaria funeribus curandis venderet, quod consequi posse non videbatur, nisi multi mortales interissent. Et tamen illis in verbis locum habere poterat mitior interpretatio: hæc non ambigue neque perplexe, exitium civibus, cladem exercitui, calamitatem reipublicæ optavit. Utinam frater meus revivisceret! votum improbum, etiamsi fratris causa sic optavisset.

XLIII. « Cur enim illi reddenda vita esset, cujus opera tot civium millibus erepta est? qui rempublicam non minus per superbiam despexit, quam per temeritatem afflixerat? qui prædamnatus omnium hominum sententiis, non infamiam ejus judicii, sed pœnam casu effugit? Hunc tu, si saperes, optares reviviscere? cujus si memoriam eodem tumulto potuisset obruere, quo cineres teguntur, nihil antequam habere debuisset. Quemadmodum enim fratrum egregiorum fama aliæ matronæ non inepte gloriantur; ita tibi hic pudori esset, si quidquam apud te pudoris remaneret. Sed ignoscamus feminæ nobili, si fratrem stulte

« fortassis, sed tamen pie desideravit : immo absolvite eam,
 « si tam insolens ineptumque votum, quam causa optandi
 « abominabilis fuit. Cur enim voluisti fratrem reviviscere?
 « ut aspectus propinqui hominis te recrearet? ut opera ejus
 « utilitati, auctoritas præsidio, honores ornamento essent?
 « nihil horum : quid igitur? ut iterum classem duceret. Hoc
 « enim erat, o scelestissimum caput, cur, quantum in te
 « fuit, suscitare mortuos, naturam in ordinem cogere, in-
 « ferorum refringere claustra cupivisti, ut reperires, per
 « quem periremus.

XLIV. « Hæc est, Quirites, cujus misereri vos jubent, qui,
 « dum bonos se propinquos probant, vix satis cavent, ne
 « mali cives habeantur. Et tamen intercedit nemo, quin
 « ipsorum arbitrato misereamini, si cujusquam vestrum illa
 « miserta est. Sin vero aliis interitum, aliis luctum et orbi-
 « tatem, omnibus calamitatem, cladem, pestem imprecata
 « est; tam inepta mansuetudine quisquam erit, ut animum
 « tam hostilem, tam infensum, tam inhumanum ulla mise-
 « ricordia dignum existimet? Nuper quum lustro confecto
 « civium numerum censores edidissent, qui gemitus homi-
 « num, quanta mœstitia fuit! quanquam multa prospere per
 « annos istos evenerant, vix tamen bonis viris satis salva
 « videbatur respublica, quæ minus nunc civium numeraret,
 « quam superiore lustro habuisset. At hæc illorum jactura,
 « qui periire, nihil movetur : hoc dolet, quod aliqui super-
 « fuerunt : nimiam Romæ turbam esse queritur; reviviscere
 « optat eum ipsum, cujus maxime culpa superioris census
 « rationes decrevere. Sed ipsa quidem mulier indigna est
 « misericordia vestra : cæterum si quid peccavit, majoribus
 « ejus et patri condonabitis !

XLV. « Hoc igitur jus in civitate nostra statuemus, ut si
 « quis patriæ quoquo modo profuisse dicatur, ejus posteri
 « possint eandem illam patriam impune lædere? Minime pro-
 « fecto sic sensere majores nostri, qui M. Manlium de saxo
 « dejecerunt, quum Capitolium, ultimam tum spem romani
 « generis, non pater ipsius aut avus aut progenitorum ali-
 « quis, sed ipse servavisset. Non debebat quidem adjunctæ

« reipublicæ præmium uberius quæri, quam facti conscien-
 « tia : sed tamen si qua bonam ei operam Ap. Claudius præ-
 « stitit, mercedem abunde recepit, locupletatus opibus,
 « satiatus honoribus, quibus ad ultimam usque senectutem
 « perviguit. Quanquam fortasse satius fuisset Appii et su-
 « periorum Claudiorum mentionem prætermittere, quam
 « admonere vos injuriarum, quas domus illa ab extrema ori-
 « gine minime popularis, atroces vobis sæpe et acerbas in-
 « tulit. Quem enim Appium vos meminisse volunt? aliumne,
 « quam illum, qui semper commodis vestris inimico animo
 « adversatus est; qui potius cum exercitu perire voluit, quam
 « a plebeio consule, collega suo, servari; qui censuram
 « ultra legitimum tempus gerere invitis ordinibus omnibus
 « perseveravit.

XLVI. « Si jam placet, ulterius merita claudicæ gentis
 « populo romano exprobrent, et ad decemviralia usque
 « tempora procedant; vel ad ultimam usque generis istius
 « originem : reperient profecto potius, quomodo superbia
 « et contumacia mulierem istam majoribus suis similem esse
 « ostendant, quam ut illorum in gratiam huic parcendum
 « esse demonstrent. Quid igitur causæ, cur hæc mulier im-
 « pune peccare debeat, vel isti attulerunt, vel afferre quis-
 « quam potest? nisi forte metuitur, ne tam salutaris exem-
 « pli feminam ex civitate nostra amittamus. Quod si vos
 « etiam veremini, Quirites, retinete, retinete hanc Claudiam,
 « ut, quum matronæ nostræ dubiis reipublicæ temporibus
 « ad pulvinaria deorum supplicatum ibunt, illarum pia vota
 « contrariis votis hæc moretur : ut, quum illæ salutem mili-
 « tibus vestris; hæc exitium optet : illæ incolumes videre;
 « hæc audire oppressos, concisos, trucidatos voveat : illæ sol-
 « licitent deos, ne multi in bello pereant; hæc incuset, si
 « multi revertantur.

XLVII. « Retinete mulierem, quæ, sicut aliæ matronæ,
 « clarorum virorum æmulatione liberos propinquosque so-
 « lent ad virtutem, ad amorem patriæ, ad caritatem civium
 « incendere, suos exemplo P. Claudii pugnare temere, fu-
 « gere turpiter, cives sceleste perdere, rempublicam contu-

« meliose despiceré doceat : hæc ab infantia meditanda proponat nobilibus pueris; hæc imitanda adolescentibus; sic imbuantur, quibus classes vestras, quibus exercitus commissuri estis. » Talia quum ultro citroque jactata essent, missus in suffragium populus damnavit ream, mulctaque ei dicta est æris gravis quinque et viginti millia. Ex hac aliaque mulctatitia pecunia Ti. Sempronius ædilis ædem Libertatis in Aventino fecit, dedicavitque. M. deinde Fabius M. F. M. N. Buteo, C. Atilius A. F. A. N. Bulbus, consulatum ineunt. Coloni tum deducti Fregellas, urbem Etruriæ maritimam, ad nonum lapidem ab Alsio, colonia ante biennium deducta. Pugnatum his consulibus est navali prælió magno apud Ægimurum, neutris læto exitu : quippe magnum et hominum et navium numerum perdidere Pœni; victrix Romanorum classis ex hoste parta ingentia spolia, vi tempestatum amisit.

XLVIII. In Sicilia pari et consilio et fortuna res gestæ, quam superiore anno factum fuerat : difficili consulibus bello non magis ob asperitatem locorum, quam ob Hamilcaris ingenium, qui sicut in audaciam promptus, ita ad artes belli callidissimus erat. Quibus rebus illo tempore Romanos ita sustinuit, ut non modo loca, quæ ceperat, tutaretur, hostiumque socios in Sicilia Italiæque ora incursaret; sed etiam in alia intentus, ruentem rem punicam ubique fulciret, industrius idem, et cum animi firmitudine consiliū ex tempore capiendi artifex. Itaque Lilybætanos, qui terra maxime premebantur, inopia et metu liberare cupiens, partem classis, ut Lilybæum petentem, in alto jussit obversari : cujus ad conspectum quum Romani evolassent, ipse cum navibus, quas ad hoc in loco, unde conspici nequiverant, occultas habuerat, portum occupavit, obsessosque præsentia sua et rerum necessariarum invecta copia, magnam in spem alacritatemque erexit.

XLIX. Quum ad hunc modum tempus in Sicilia bellando

§ XLVII. Agell. X, 6. — Liv. XXIV, 16. — Ejusd. Epit. XIX. — Fasti Capit. — Vell. I, 14, 8. — Flor. II, 2, 30. — § XLVIII. Front. St. III, 10.

extraheretur, consules A. Manlius T. F. T. N. Torquatus Atticus, C. Sempronius Ti. F. Ti. N. Blæsus, iterum, ad exercitus venerunt. Sub id tempus non tam commutata, quam magis adstricta ejus belli ratio est. Romani, uti paulo ante narravimus, supra Erycem urbem in summo monte præsidium collocaverant, aliud itidem infra urbem in radice montis : munitio præterea situsque loci, quum custodiæ tales accederent, facile efficiebant, ne quid ei urbi metuendum videretur. Sed audacia Hamilcaris, nihil homini impervium esse passa, quod aggredi libuisset, rem tantam brevissimo tempore perfecit. Ille enim noctu cum copiis appulsus, et ascensum stadiorum triginta silentio emensus, quum ipse ante agmen suorum princeps incederet, nec opinantes oppressit : majorique parte eorum, qui in urbe reperti fuerant, interfecta, cæteros Drepanum amandavit.

L. Ex eo tempore mira facies rerum et valde severa militia fuit; nam Hamilcar inter duo præsidia hostium medius, ab inferiore obsidebatur, quum ipse vicissim superius obsideret : Romanique pariter Pœnique, toleratis laboribus et periculis incredibilibus, quum in tanta vicinia castrorum nulla non dies modo, sed ne hora quidem, aut discrimine prælii aut metu vacaret, fortissimorum virorum opera per proximum ferme biennium ediderunt : non fessi cedentesque invicem, neque sua aut victoria aut clade dirempti, sed ad extremum pares invictique, et navali interim pugna decreto bello. Iisdem consulibus Brundisium in agro sallentino colonia deducta est, vicesimum post annum, quam in dedicationem regiones istæ venerant. Sub idem tempus T. Coruncanio, qui primus ex plebe pontificatum maximū gesserat, in extrema senecta mortuo, L. Cæcilius Metellus in locum ejus factus est. Interea consulatus Romæ C. Fundanio C. F. Q. N. Fundulo, C. Sulpicio C. F. Ser. N. Gallo mandatur.

LI. Tum quoque pari forma et fortuna, ut hactenus, bel-

§ XLIX. Fasti Capit. — Polyb. I, 58. — Diod. lib. XXIV. — §. L. Vell. I, 14, 8. — Liv. Epit. XIX. — Ὀλυμπ. ἀναγρ. — Pigh. Annal. — Cic. Cat. major.

lum cum Hamilcare gestum est : nisi quod Gallorum mercenaria manus, alique nonnulli, qui Pœnis militaverunt, ob stipendia non soluta injuriasque alias, Erycinam urbem Romanis conati prodere (ibi enim præsidium agitabant) postquam consilium irritum fuit, ad consules transfugerunt : primique exterorum ab Romanis in commilitium adsciti sunt. Sic auctis viribus, tamen pedestri exercitu finem bello imponere non poterant, obsistente quumprimis Hamilcaris audacia, qui neque decipi dolis, neque domari viribus patiebatur. Ergo denuo reditum est ad classis instaurandæ consilia, marisque repetundi : nec enim aliter posse Carthaginienses prohiberi Sicilia, quam si maris usum perdidissent : spemque non vulgarem fecerant res superioribus annis privatorum ausu bene gestæ. Sed pecunia deerat, inani dudum ærario, et sumptus tam diuturni belli male sustinente. Tum vero romani mores laboranti reipublicæ tempestivo auxilio subvenere.

LII. Quippe tanta fuit senatorum eo tempore generositas, ut in publico discrimine privatis opibus puderet parcere, plusque statim pecuniæ reperiretur; quam ad impensam classis opus esset : nam ex ditissimis singuli, aliorum bini ternive, ut facultates erant, quinquagemam unam cum armamentis omnibus justoque remigio præstandam suscipiebant, ea lege, ut republica meliorem in statum reversa, sua cuique pecunia restitueretur. Hac cura consilioque quinquemes ducentæ comparatæ sunt : quas ad exemplum navis, quæ Hannibalis Rhodii fuerat, fabricandas curaverunt. Magna inde exspectatio fuit, certis hominum animis, quod ad extrema remedia ventum esset, hac classe de summa belli necessario decretum iri.

LIII. Dum hæc ita frunt, consulatum C. Lutatius C. F. C. N. Catulus, A. Postumius A. F. L. N. Albinus, inivere. Flaminium martiale A. Postumius habebat; eoque provinciam sortiri cupiente, L. Cæcilius Metellus pontifex maximus dicta mulcta prohibuit, negans fas esse flamini a sacris recedere :

cujus facti posterioribus quoque temporibus probata ratio est. Aliud in tuenda religione patria exemplum iisdem temporibus senatus edidit, vetito C. Lutatio consule prænestinas sortes consulere, peregrinisve auspiciis in administranda republica uti. Tum ad belli curam conversis animis, quia neque salvis religionibus ambo consules proficisci posse, neque unus tanto oneri suffecturus videretur; alterum ex prætoribus, quum eo primum anno creati duo cœpissent, cum C. Lutatio proficisci placuit: ea provincia Q. Valerio Faltoni obvenit. Hi quum omnes et publicas naves studiose collegissent, numero circiter trecentarum expleto, cum pontonibus aliisque navigiis septingentis, Siciliam, statim atque remisit hiems, petivere. Venientibus confestim lilybætanus drepanitanusque portus patuerunt: quippe hostes nulla suspitione classis ex Italia venturæ omnibus suis navibus in Africam regressi fuerant.

LIV. Hoc tam prospero rerum initio consul animatus, quum et suoapte ingenio impiger, et ad res gerendas incitatus esset, Drepana operibus factis obsedit: neque eo seignius ad prælium navale, quod instare prævidebat, classarios milites quotidie exercuit, eo successu, ut quos rudes fere maritimorum casuum adduxerat, ii satis jam ad quodlibet discrimen eruditi paratique viderentur. Inter hæc quum urbs drepanitana terra marique oppugnaretur, jamque muri parte dejecta res Pœnorum in summo periculo esset, consul, dum inter primores strenue pugnam ciet, grave vulnus in femore accepit; ejusque periculo perterrefacti milites, et ad saucium concurrentes, locum jam pæne captum omisere.

LV. Nondum usum pedis receperat, quum maxima Pœnorum classis adesse nuntiatur. Naves erant quadringentæ, refertæ commeatu, quem ad exercitum portabant, copiis præterea militum permagnis, armorumque et pecuniæ amplissimo numero. Summæ rerum Hanno præerat, nobilis

§ LIII. Liv. Epit. XIX. — Tacit. III, 71, 5. — Cic. Philipp. XI, 8. — Val. Max. I, 3, 1, et I, 1, 2. — Eutr. lib. II. — Diod. lib. XXIV. — § LIV. Polyb. I, 59. — Zonar. — Oros. IV, 10. — Eutr.

Pœnus : hic magno studio id agebat, ut Erycem appulsus, onere levatas naves, acceptis ab Hamilcare strenuis viris compleret, atque sic deinde cum romana classe confligeret. Cæterum conceptum optime consilium C. Lutatii consulis circumspecta prudentia fregit. Is enim victoriam in eo consistere reputans, si cum classe gravi suisque apparatus impedita congredieretur, ante diem VII Idus Martias, assumpto in naves optimo quoque militum, Ægates insulas, contra Lilybæum jacentes, progressus, Hannonem ab Hieronneso venientem conspexit. Tum gubernatores militesque hortatus, pugnam in diem sequentem indixit.

LVI. Cæterum orta luce, rursus ambigua consultatio fuit : quod ventus hosti favens, Romanis adversus surrexerat. Quare jactatis utrinque momentis rationum, cum ventis et Hannone solo pugnare, classem onustam habente, satis visum, quam permittere, ut ille navibus onere levatis, florem pedestris militiæ, ipsumque adeo Hamilcarem, quo nihil eo tempore formidabilius habebatur, in certamen adduceret. Itaque conspectis hostium navibus, quæ pleno cursu iter suum prosequerentur, e portu progreditur, et quo suis animum adderet, ipse, licet uti pede non posset, in prætoriam se deportandum curat. Pœni quoque viam sibi interclusam cernentes, aciem instruunt, vi perrupturi. Sic utrinque signo dato acriter concurritur ; per valetudinem C. Lutatii, quæ vicibus eum suis fungi prohibebat, omnia imperatoris munia obeunte Q. Valerio. Neque diu pugnatum est, quin appareret, utra ex parte futura esset victoria.

LVII. Quippe graves et propemodum immobiles Pœnorum naves arbitrio suo romanæ leves et expeditæ assultabant, cæteris etiam rebus omnibus longe superiores : quidquid enim hactenus infestum incommodumque fuerat, experientia docti mutaverant correxerantque : naves ad optimum exemplar fabricatæ : onera pugnae inutilia diligenter amota : remiges exercitati validique, robur legionum, haudquaquam

§ LV. Flor. II, 2, 34. — Polyb. I, 50. — Liv. XXII, 14, 15. — Diodor. — § LVI. Eutrop. — Val. Max. II, 8, 2. — Flor. et Polyb.

spernenda ad victoriam momenta, aderant. Contra Pœnis gratia oneribus navigia, recens delecti remiges, et, ut in magna securitate, negligenter: neque enim Romanos mare retenturos esse speraverant. Ergo, uti necessum erat, in tam impari certamine, non longa victoriæ mora fuit. Centum et viginti navibus amissis, quarum septuaginta cum ipsis hominibus millia ferme decem erant, captæ sunt, cæteri percommode mutato inter pugnae tempus vento, Hieronnesum fuga evaserunt.

LVIII. Hæc est illa nobilis Pœnorum ad Ægates insulas clades, quemadmodum a Polybio maxime descripta est: nam alii scriptores captas naves tres et septuaginta, centum viginti quinque demersas, duo et triginta millia hominum capta, tredecim millia cæsa retulerunt. Præda fuit ingens, non in commeatu modo et armis, sed etiam auro argenteque. Ex romana classe naves interiере duodecim. Ferunt ab initio pugnae inspectam in caelo supra romanas naves facem, punicae classi velut infesta cuspide minitantem, præsagium eventus mox consecuti fecisse. Hanno cum reliquis ex prælio navibus, præter eas quæ Lilybæum evaserant, Carthaginem revector, pœnas infelicitatis suæ supplicio capitis luit. At C. Lutatius consul ad lilybætanum exercitum profectus, donec percuratur vulnus, recensendis navibus hominibusque captivis, imperandoque quid de singulis fieri vellet, tempus impendit. Inde profectus ad Erycem cum Hamilcare prælium secundum fecit, duobus occisis Pœnorum millibus.

LIX. At Carthaginienses, cognita cladis suæ magnitudine, nondum quidem animi ad instaurandum bellum, sed jam vires et facultates deficiebant: neque enim erycino exercitui subministrare necessaria poterant, mare tenentibus Romanis: neque si hunc amisissent, alium aut militem aut ducem habebant, cui auderent confidere. Hac necessitate ad desperationem acti, miserunt ad Hamilcarem, potestatem

§ LVII. Flor. — Polyb. I, 61. — Diod. lib. XXIV. — § LVIII. Eutrop. — Oros. IV, 10. — Zonar. — Polyb.

ei deferentes agendi, quidquid e republica videretur. Neque ipse, quum hæcenus optimi ducis officium fecisset, deteriorẽ patriæ civem præstitit. Libratis enim rationibus omnibus quum videret, omnia se expertum nullam amplius ad salutem civitatis suæ viam, nisi per pacem, reperire; legatos ea de re ad consulem misit. Neque huic ingrata accidit pacis mentio: exeunte enim jam magistratu suo, nullam ampliorem sperare gloriam, quam finiti per se belli quavis ratione poterat; eam vero gloriam ad successorem transmittere, quum sui operis esse videretur, importunum inconsultumque iudicabat. Movebatur etiam notis romanæ rei angustiis, et post labores continuos tot annorum, aliquando rempublicam quiete refoveri oportere sentiebat.

LX. Itaque conditionibus ultro citroque jactatis, convenit, *ut universa Sicilia Pœni excederent: bellum cum Hierone, Syracusanisque et sociis eorum ne gererent: captivos omnes sine pretio confestim redderent, itemque transfugas: argenti puri talenta euboica bis mille et ducenta per annos viginti æquis pensionibus penderent: socii utriusque populi ab utroque tuti forent: neutri in alterius ditione quidquam imperandi, publice inædificandi, militisve inde conducendi jus esset; neque alterius populi socios alter in amicitiam et societatem admitteret.* Additum est, *hæc ita rata fore, si populus romanus jussisset.* At, ut arma, qui Erycem tenebant, traderent, quanquam a consule postulatum fuerat, obtineri non potuit; quum Hamilcar prius et patriam et se oblaturum exitio diceret, *quam tantam adiret ignominiam.* Illam tamen conditionem, *ut in capita duodevicens denariis præstitis, ab Eryce emitteretur,* accepit.

LXI. Missi deinde Romam et a consule et a Pœnis legati, qui de pacis initæ legibus senatum populumque romanum edocerent. Non probavit pacem populus: sed *decem legatos ad res inspiciendas mitti jussit: iisque reversis intendit conditiones, ut mille talenta statim, deinde proximo decennio*

§ LIX. Nep. Hamilc. I, 3. — Polyb. — Zonar. — § LX. Appian. apud Urs. — Polyb. I, 62, et III, 29. — Liv. XXI, 41.

duo nullis ducentis penderentur : ut præter Siciliam, omnibus insulis, quæ inter hæc et Italiam essent, excederetur: nove longis navibus in Italiam aut romanæ juris insulas navigarent Pæni; neque militum mercenarium ex iis condicerent. Carthaginienses, dum pace potirentur, nihil recussare. Hamilcar statim deposito imperio, priusquam jurejurando pacta sancirentur, Lilybæum, atque inde Carthaginem transmisit; quum et consiliis et armis ducum omnium, qui res eo bello gesserunt, haud dubie præstantissimum se exhibuisset. Hoc maxime modo et gestum et confectum est bellum illud carthaginiense primum; quod in quartum et vicesimum annum traxere variæ casus, et atrocità utrinque damna, sed majora eorum, qui ad extremum vicerunt.

LXII. Nam punicas quidem quinqueremes circiter quingentas eo bello periisse tradunt, qui singularum cladum rationem inivere; romanarum ad septingentas: quo maxime argumento romanæ constantiæ robar apparuit, quod nullis neque præhorum adversis, neque temporum casibus fractum, vim hostium, impetum fortunæ, tedium laboris, paupertatem ararū pari patientia sustinuit vicitque. Post hæc ad res Siciliæ constituendas C. Lutatio Catalo, cujus annus jam exierat, prorogatum imperium est: ex novis consulibus eodem missus Q. Lutatius C. F. C. N. Cerco, Catali frater, A. Manlii T. F. T. N. collega. Hi provinciam ordinarunt, quietamque reddiderunt, omnibus turbarum causis, quæ ut ex tanto motu non pauca supererant, abolitis resectisque: nam et Siculis, qui cum Hamilcare senserant, et Gallis, qui ab eo desciverant, arma adempta: Galli navibus impositi, et extra populi romani ditionem abire jussi; quod præter alia facinora, quum in præsidio montis Erycis essent, templum Veneris spoliaverant. Siciliæ vero urbibus tributa et portoria sunt imposita, pro facultatibus singularum; factaque provincia, quo prætor cum imperio annuo Roma mitteretur.

§ LXI. Zonar. — Polyb. I, 63, 64, 66, et III, 27. — Auct. de Vir. ill. c. 12. — Liv. Ep. XIX. — § LXII. Polyb. — App. ap. Urs. — Fasti Capit.

LXIII. Adfuere interea Romæ Pœnorum legati, petentes, *ut sibi captivos suos redimere liceret*; redditique sunt senatusconsulto gratis, quotquot custodia publica attinebantur: qui in privatorum manu essent, eos certa pecunia redimi placuit: *cujus pars major jussu senatus ex ærario soluta est*. At romani populi lætitiâ valde imminuerunt graves in urbe casus. Jamprimum Tiberis amnis ultra solitum auctus, late stagnantibus aquis, omnia inferiora Urbis loca replevit. Multa tum ædificia primo allabentis impetu prostrata sunt; et quibus ista pestis pepercerat, exesis sensim fundamentis (per multos enim dies isthæc inundatio tenuit) recedente jam aqua vitium fecere. Secutum est hanc calamitatem gravius ex igne damnum, qui noctu temere ortus, multasque urbis regiones pervagatus, domorum hominumque incredibilem numerum hausit; neque privatis cladibus contentus, omnia in circuitu fori devastavit. Ad extremum ipsa quoque ædes Vestæ ardere cœpit.

LXIV. Tum vero L. Cæcilius pontifex maximus sacra populi romani et arcana imperii pignora periclitari videns, dignum loco suo animum gessit. Nam in medios ignes insiliens, nulla sui cura, dum divinæ res salvæ essent, deserta a virginibus sacra ex incendio rapuit. Ipse brachio semiustulatus, et exusta flammis oculorum acie, præter solatium facti sui, præmium a populo romano pulcherrimum accepit, ut quoties in senatum iret, curru veheretur ad curiam: quod a condita Urbe tributum nemini fuerat. Interea Q. Lutatius consul cum fratre Catulo, et Q. Valerio proprætore, rebus in Sicilia constitutis, exercituque deportato, ad Urbem redierant; decretosque sibi triumphos navales C. Lutatius Catulus a. d. IV nonas Octobres, Q. Valerius a. d. prid. easdem nonas duxerant. Memorabile certamen inter duces istos de triumpho Q. Valerii fuit.

LXV. Quum enim C. Lutatio haud dubie decretus triumphus esset, Q. Valerius haud leviozem in eo negotio suam

§ LXIII. Zonar. — Polyb. II, 7. — Appian. — Eutrop. lib. II. — Oros. IV, 10. — Aug. de Civ. Dei, III, 18. — Val. Max. IV, 4. — § LXIV. Liv. Epit. XIX. — Dionys. II, 67. — Oros. — Plin. VII, 43.

operam fuisse contendens, honore quoque pari haberi postulabat, quemadmodum societate periculi cureeque fuisset. Pugnavit contra Catulus, ne minor potestas majori in tribuendis honoribus æquaretur. Quum incaluisset certamen, sponsione Catulum provocavit Q. Valerius, *ni suo ductu punica classis oppressa esset*; nec ille dubitavit restipulari. Delectus est arbiter Atilius Calatinus: qui interrogato Valerio, *utrum in consultatione de pugna ineunda, si dissensissent, consulis an prætoris major futura fuisset auctoritas? itemque si diversa habuissent auspicia, utra potius sequenda fuissent?* quum utrobique majus consulis quam prætoris jus futurum, Q. Valerius respondiisset, non exspectato Catuli sermone, litem secundum illum dedit: quod controversia de imperio et auspicio inter eos fuisse videretur. Sed Q. Valerius, quanquam arbitri sententia victus, quum nota et celebris eo bello virtus ejus fuisset, nihilo secius triumphandi jus obtinuit.

LXVI. Censores eo anno C. Aurelius Cotta, M. Fabius Buteo, lustrum undequadragesimum fecere. Censa sunt civium millia ducenta sexaginta: duabus adjectis tribubus, Velina et Quirina, numerus quinque et triginta tribuum, quem deinde retinuerunt, expletus est. Quum jam perdomita Sicilia, quæ Pœnorum fuerat, et pace cum Carthaginiensibus facta, non quieta modo omnia, sed etiam tuta viderentur; repentinum, unde minime timebatur, bellum paucis diebus et terrore motus intestini sollicitam, et admiratione celerrimi exitus stupentem Italiam habuit. Falisci, nescio quibus causis ad insaniam conciti, arma romana provocare sustinuerunt. Sed missi cum legionibus consules, sextum intra diem confecere bellum, gente in potestatem populi romani redacta. Priore tamen prælio (nam duo facta traduntur) ambiguum victoriam fecere, peditatu superiores, quum equestri prælio vincerentur.

§ LXV. Fasti Capitol. — Val. Max. II, 8, 2. — Agell. XIII, 14. — Val. Max. IV, 4. — § LXVI. Pigh. Ann. — Euseb. n. 1772. — Eutr. lib. II. — Liv. Epit. XIX. — Polyb. I, 65. — Zon.

LXVII. Sed posterius certamen, minime dubio Marte pugnatum, Faliscos ad pacem petendam compulit, quum suæ juventutis ad millia quindecim amisissent. Facta deditione armis, equis, suppellectile, servitiis, et agri semisse muletati sunt: urbs, cujus munitionibus confisi bellum ceperant, ex arduo et prærupto loco in planum translata. Severius in deditos consulturus populus romanus fuerat, odio civitatis, quæ toties rebellaverat, acrem vindictam meditans; sed imperavit iræ, edoctus a Papirio (qui jussu consulum sua manu deditionis formulam scripserat) *Faliscos non potestati, sed fidei se Romanorum commisisse*; tantumque apud omnes sacrosanctum *fidei* nomen valuit, ut *hoc interposito nihil inclementius in victos statuendum esse* judicarent. Id bellum effecit, ut triumphis consulum annus iste clauderetur. Q. Lutatius a. d. kalendas Martias de Faliscis triumphavit: a. d. IV. non. Mart. de iisdem A. Manlius.

§ LXVII. Oros. IV, 11. — Entrop. lib. II. — Valer. Maxim. VI, 5, 1. — Zonar. — Fasti Capitol.

JOANNIS FREINSHEMII
SUPPLEMENTORUM
LIVIANORUM
LIBER DECIMUS

IN LOCUM LIBRI VICESIMI LIVIANI.

EPITOME
LIBRI VICESIMI.

Spoletium colonia deducta est. Adversus Ligures tunc primum exercitus promotus est. Sardi et Corsi, quum rebellassent, subacti sunt. Tuccia virgo Vestalis incesti damnata est. Bellum Illyriis propter unum ex legatis, qui ad eos missi erant, occisum, indictum est; subactique in deditionem venerunt. Prætorum numerus ampliatus est, ut essent quatuor. Galli Transalpini, qui in Italiam irruerant, cæsi sunt. Eo bello populus romanus sui latinique nominis CCC millia armatorum habuisse dicitur. Exercitibus romanis tum primum trans Padum ductis, Galli Insubres, aliquot præliis fusi, in deditionem venerunt. M. Claudius Marcellus consul, occiso Insubrium Gallorum duce Viridomaro, opima spolia retulit. Istri subacti sunt: item Illyrii, quum rebellassent, domiti in deditionem venerunt. Lustrum a censoribus conditum est, quo censa sunt civium capita CCLXX millia, CCXIII. Libertini in quatuor tribus redacti sunt, quum antea dispersi per omnes fuissent, Esquilinam, Palatinam, Suburanam, Collinam. C. Flaminius censor viam Flaminiam munivit, et circum Flaminium extruxit. Coloniam deductam in agro de Gallis capto, Placentia et Cremona.

I. PACATA rursum Italia, cum securitate et imperio etiam voluptates publicæ crevere. L. Livius Andronicus scenæ spectacula, quæ hactenus ultra satyram non processerant,

comœdiam tragœdiamque Græcorum imitatus, ad fabulas transduxit, C. Claudio Ap. F. C. N. Centhone, M. Sempronio C. F. M. N. Tuditano consulibus, quum ludi romani celebrarentur. Idem annus alii quoque generi ludorum initium attulit. A. d. IV kalendas Maias Floralia sunt instituta ex Sibyllinis libris, ad avertendam pestem frugum, aliorumque terra nascentium, quæ illa parte anni florere solent. Ludos edidere L. et M. Publicii Malleoli fratres, iidemque ædiles plebis, ex pecunia mulctaticia, condemnatis pecuariis, qui in publico paverant. Magistratus horum fratrum alio quoque nomine celebris est, quod clivum, qui exinde Publicius vocatus est, sternendum locaverunt: quo commodius in Aventinum iter vehiculis esset, quum antea rupes ibi difficilis et aspera fuisset; quodque ædem Floræ, juxta circum maximum, construxere.

II. Hæc domi acta: foris fere quietæ res fuerunt, nisi quod in Gallis et Liguribus consilia belli agitari suspicio tenuit. Has igitur provincias consulibus fuisse, jamque tum bellari cum Gallis utique cœpisse, conjecturæ potius, quam historiæ est, nullis, qui gesta ea satis accurate doceant, ex vetustate reliquis scriptoribus: id unum constat, in Umbria Spoletium coloniam latinam esse deductam. De proximo quoque anno proclivius est dicere, pacem non fuisse, quod Jani templum clausum non est, quam indicare, quibus in locis, quave fortuna bellatum sit: neque ulla ferme re notior est C. Mamili Q. F. Q. N. Turini, Q. Valerii Q. F. P. N. Faltonis consulatus, quam quod anno eo natus est Ennius, primus apud Romanos poetiarum elegantiarum conditor. Sed anno sequente, quum Ti. Sempronius Ti. F. Cn. N. Gracchus, P. Valerius Q. F. P. N. Falto, consules essent, et gallica bella recruderunt, et, novus hostis, Ligures tum primum exercitu petiti sunt.

§ I. Liv. VII, 2, 6. — Agell. XVII, 21. — Liv. VII, 2. — Cic. Bruto, cap. 18, et Cat. c. 14, et Tuscul. I, 2. — Cassiod. Chron. — Vell. I, 14. — Plin. XVIII, 29; Ovid. Fast. lib. V. — Festus in voce *Publicius Clivus*. — § II. Var. de Ling. Lat. IV. — Ovid. Fast. lib. V. — Tac. II, 49, 2. — Liv. Epit. XX. — Vell. I, 14. — Cic. pro Balbo, c. 21, et Bruto, c. 18. — Fasti Cap.

III. Ti. Sempronio hæc obvenit provincia. P. Valerius, Gallos aggressus, primum improspere pugnavit, amissis militum tribus millibus quingentis. Repetita pugna illustrem victoriam dedit, qua Gallorum millia quatuordecim cesa sunt, duo millia capta. Sed ob prioris prælii detrimenta, negatus est consuli triumphus: præsertim quum etiam alioqui res bene gesta non tam ad rationem consiliumque consulis, quam ad fortunam publicam referenda videretur. Ille enim, audito post primum certamen auxilia sibi ab Urbe adduci, confirmavit, *se malle cum suis internecone deleri, quam aliena ope vincere*; atque hoc cestro instigatus, seque et exercitum populi romani in discrimen dedit. Melior feliciorque Ti. Graccho in Liguribus administratio belli fuit. Profligatis enim prælio hostibus, magnam Liguriæ partem victor populatus est. Ex Liguria deinde transmisit in Sardiniam et Corsicam, magna inde captivorum multitudine reportata, locum proverbio dedit, quo *Sardi venales* dicuntur, in fastidiosa rerum vilium copia.

IV. Cæterum, ut vera fateamur, occupandæ Sardiniae Corsicæque bona magis occasio temporibus istis, quam justa causa adfuit. Carthaginienses, post pacem siculam gravi bello cum mercenariis suis implicati, ad extrema pericula venerant. Unde sumptis animis conductiti eorum alii, qui per Sardiniam in præsidiis erant, Bostarem Pœnorum ducem cum suis interfecere: Hannonem alium ducem ad vindicandum facinus Carthagine missum, pertracto in societatem rebellionis exercitu ejus, comprehensum in crucem egere: totaque passim insula punici sanguinis hominibus interemptis, ipsi munita loca obtinuerunt: donec discordia inter ipsos et Sardos orta, pulsus ab his, in Italiam se receperet. Tum igitur perfecerunt, quod aliquanto prius, quum adhuc in Sardinia essent, nequiverant: nam eo quoque tempore Romanos ad insulæ dominium occupandum invitaverant. Sed præsentibus sive precibus, sive occasione crescendi apertius demonstrata, ut in Sardiniam navigatio susciperetur, obti-

nuere: nec enim vulgatæ virtutis est, abstinere rebus alienis, quarum prompta sit possessio; neque hic animus apud cupidos et ambitiosos aut bene aut diu simulatur.

V. Sed hæc paulo supra repeti non alienum videtur. Nam Romani ut humanitatis laudem consequerentur, ab initio belli istius magno animo Carthaginiensium causam foverant: et copias quidem auxiliares, uti petiverant Pœni, nullas miserere. Sed neque Uticenses, neque quemquam ad se deficientium receperunt: mercatores suos ex Italia et Sicilia res necessarias ad Carthaginienses deferre jusserunt; cum hostibus carthaginiensis populi commercium vetuerunt: militis ex Italia, et in istud saltem bellum, conscribendi fecerunt potestatem. Missis quin etiam legatis bellum componere, quanquam irrito conatu, studuerunt. Et inciderat quidem paulo ante controversia, quod homines italicos forum rerum venalium ad hostem deportantes capiebant Pœni, carceribusque publicis includebant.

VI. Jamque ad quingentos ejus generis habebant in vinculis; neque pauci dicebantur occisi, et ad tegendam latrocinii famam in mare præcipitati esse; quum Romani rem eam graviter ferentes, belli minas ostentare cœperunt. Sed Pœni legatis missis, qui omnes, quotquot detenti Carthagine fuerant, reducerent restituerentque, adeo placarunt populum romanum, ut reliqui ex siciliensi bello captivi punici omnes sine pretio restituerentur. Sed postremo vicit ambitio, premendique populi studium, quocum per annos quatuor et viginti ancipiti fortuna pugnatum meminerant, et nisi in tempore occurreretur, etiam postea pugnandum sibi prospiciebant. Quare quum Sardiniam inviti dimitterent Pœni, jamque bello contra mercenarios defuncti, arma defectionis auctoribus inferre meditarentur, arrepta hæc a Romanis est occasio, *bellumque Pœnis decretum, ni armis, quæ in speciem adversus rebelles suos, re autem vera contra Romanos sumpsissent, abstineretur.* Ita Carthaginienses alieno tempore

§ IV. Polyb. I, 65, 79, 83, 88. — § V. Zonar. — Nep. in Hamilc. — App. ap. Urs. — Polyb. I, 83.

bellum gravissimum suscipere nolentes, non modo cessere Sardinia, sed etiam postulantibus Romanis ad priorem summam adjecerunt argenti talenta mille ducenta: quæ maxime injuria ægros habuisse Carthaginensium animos, nèque ulla magis causa bellum mox hannibalicum exarsisse, creditur. Hamilcaris enim perpetuum adversus Romanos odium, cui bellum punicum secundum non inepte imputatur, non aliunde aut stimulum acriorem, aut fomentum certius habuit. Cæterum hæc postea evenerunt.

VII. Tum vero novis consulibus L. Cornelio L. F. Ti. N. Lentulo Caudino, Q. Fulvio M. F. Q. N. Flacco, Galli Cispadani provincia data. Coloniam hoc anno deductam esse Valentiam, quanquam a quibusdam traditur, haudquaquam constans opinio est: nisi alia Valentia præter Vibonem fuit, quam annis post quinquaginta L. Quinctio Flaminio, Cn. Domitio Ænobarbo consulibus, colonis occupatam esse certioribus auctoribus credam. Cæterum consulibus in agro gallico, donec conjunctas legiones habuere, tuta et prospera expeditio fuit: postquam cupidine plura vastandi diviserunt exercitum, Q. Fulvii castra noctu oppugnata, et ægre tentata sunt. Galli, re infecta digressi, paulo post graviore cum terrore auctisque majorem in modum copiis ad bellum reverterant: Boiorum enim duces, clanculum inter se consiliis agitatis, ingentem Transalpinorum manum ad societatem armorum contra Romanos exciverunt.

VIII. Interea L. Lentulus consul, qui ad ligusticos fines exercitum abduxerat, cum Liguribus prospere collatis signis dimicavit. Decretus igitur ei triumphus est, quem duxit idibus Intercalaribus. Auctores habeo, *illos primum consules romana signa trans Padum fluvium promovisse, diversisque præliis Ligurum et Gallorum Insubrium interfecta millia quatuor et viginti, capta quinque fuisse.* Sed verius esse putem; tumultu gallico, qui postea maximus secutus est, Padum

§ VI. Appian. — Zonar. — Polyb. III, 28 et 88. — Corn. Nep. in Hamilc. — § VII. Fasti Capit. — Vell. I, 14. — Liv. XXXV, 40. — Zon. — Polyb. II, 21. — Eutr. lib. III. — Eutr. Sanctensis MS quem vidit Pighius.

transitum, Insubresque in suis sedibus bello tentatos primum fuisse. Sub idem tempus ad Ptolemæum, Ægypti regem, legati missi *auxilium* obtulerunt *cum Antiocho et Syris bellanti*: gratias egit rex, cæterum *in præsentia sibi opus auxilio esse* negavit, *quod pactionibus finitum jam bellum esset.*

IX. Lætus deinde Romanis adventus Hieronis fuit, Syracusarum regis: exceptus omnibus honoribus, sicut regem amicissimum, et bene meritum, et maximæ victoriæ socium oportuit, populo romano ducenta millia modium tritici dono dedit. Venerat ad ludos spectandos, qui in sequentem annum apparabantur. Nam ludi seculares tertii, secundum quosdam, P. Cornelio L. F. Ti. N. Lentulo Caudino, C. Licinio P. F. P. N. Varo celebrati sunt, ut supra quoque retulimus. Magistri procurandorum ludorum M. Æmilius M. F. M. N. Livius M. F. M. N. Salinator creati. Boiorum interea principes, elati numerosis Transalpinorum auxiliis, ad consules misere, petatum, *ut ariminensis ager cum urbe, quæ haud ambigue gallici juris essent, sibi restituerentur: ni fieret, bellum atrox et internecivum* minabantur.

X. Consules, qui nondum contractis copiis, neque casui paucitatem suorum objicere audebant, neque postulata Gallorum concedere poterant, *si quid vellent, ad senatum mittendos esse legatos*, responderunt: placuit conditio Gallis, et dum ire ac redire legati possent, utrinque dierum aliquot induciæ constitutæ. Et legati quidem Romam profecti adversum a senatu responsum accepere: simul majores contra hunc tumultum apparatus facti, quorum usus postea non fuit, quum formidabile bellum sine romano sanguine fortuna confecisset. Dum enim legati redeunt, Boii cum transalpinis auxiliis acie dimicavere his de causis. Ignara plebe Boiorum transalpinus exercitus Ariminum processerat. Inde suspiciones ortæ, ne ad regionem istam sibi retinendam venissent, tantumque conflatum est odiorum, ut regibus suis Ate et Galato, tanquam ob prodicionem interfectis, advena-

§ VIII. Eutrop. lib. III. — § IX. Supra XIX, 31. — Fasti Capitol. apud Pigh. — Zonar.

rum copias agro suo depellere vi conarentur. Ita magna cæde pugnatum; et valde imminutis utrinque viribus, Transalpini domos rediere; Boiis adempta pars agri pacem a Romanis dedit.

XI. Hoc bello tam celeriter confecto, consules in Liguriam abivere. Ibi P. Lentulus proffigatis, qui occurrerant, hostibus, de cætero per illorum regionem exercitum circumducens, castella quædam armis, alia deditione recepit. C. Licinius in Corsicam transjecturus, quum ad universum exercitum una deportandum navigia deessent, M. Claudium Glyciam cum parte copiarum præmisit. Qui vanitate vecors, quum perterritos adventu suo Corsos vidisset, neque consulis, cujus auspiciis venerat, neque sui juris aut loci memor, certis conditionibus fœdus cum Corsis suo nomine pepigit, tanquam in se tracturus insulæ receptæ gloriam. At Varus cum exercitu reliquo superveniens; frustra claudianam pacem invocantes, armis urgere non desiit, donec in potestatem redacti sunt. Senatus ad liberandam perfidiæ nota rempublicam, fœdæ pacis auctorem Corsis dedendum censuit. Deinde, quia receptus non erat, in publica custodia necari jussit.

XII. Censores is annus habuit L. Cornelium L. F. Ti. N. Lentulum Caudinum, Q. Lutatium C. F. C. N. Cerconem, qui lustrum non condiderunt, Q. Cercone in magistrata mortuo. Quanquam M. Claudius deditus Corsis, deinde supplicio affectus fuerat, non ideo persuaderi barbaris potuit, justo se postea bello petitos fuisse. Quare saucios eo dolore amicos vicinæ Sardiniae motus facile impulit, ut ad arma resumenda prosilirent. Nam Sardos Pœnorum occulta promissa traxerant ad rebellionem cœptandam, proclivibus ad hoc barbaris, qui nec nimium odissent veteres dominos, nec amarent novos. Quæ Romæ audita metu et ira impleverunt urbem, non ob Sardiniam, quam tanti non faciebant, sed quia bellum punicum videbatur renasci. Quod quia facilius

§ X. Polyb. II, 21. — Zonar. — § XI. Dio apud Vales. — Zonar. — Marcel. XIV, 40. — Val. Max. VI, 3, 3.

futurum credebant, quanto citius inciperetur, invalidis adhuc a superiore bello Carthaginiensibus, quamprimum adornandum, inferendumque Pœnis decreverunt.

XIII. At Pœnos quidlibet potius eo tempore, quam bellum romanum; pati certos, ea res nuntiata sic exterruit, ut legatis semel iterumque missis, postquam nihil mite responsum esset, decem ex principibus itidem iterato mitterent; infimis precibus, *ut impetrata semel pace frui liceret*, obtestaturos. Ne sic quidem æqui quidquam obtineri potuit ab iratis et metuentibus; donec inter legatos ætate minimus Hanno, adolescens intrepidus, et linguæ ut mentis liberæ, « Atqui, inquit, si vobis sedet denegare pacem, Romani, quam non in unum aut alterum annum, sed perpetuam a vobis emimus: at pretium ejus Siciliam et Sardiniam red- dite: ne privatis quidem contractibus viri boni est, em- ptione rescissa, recipere mercem, non restituere pecu- niam. » Tunc vero pudore commoti Romani, ne injuste bellum inferre viderentur, meliore cum responso legatos dimisere. Sic alter consulum ejus anni C. Atilius A. F. A. N. Bulbus, qui magistratum hunc iterum gerebat, in Italia mansit: T. Manlius T. F. T. N. Torquatus, cui Sardinia evenerat, profectus est.

XIV. Hic multis locis cum hoste feliciter congressus, universam insulam pacavit, Sardosque subegit: et de iis ante diem sextum idus Martias triumphavit. His rebus perfectis, quum nullo jam usquam hoste, romana arma quiescerent, insolitum bellatrici Urbi spectaculum, Jani ædes clausa est, quod indicium pacis, post Numæ tempora, per annos ferme quadringentos quadraginta, visum non fuerat. Quo nomine miseram fuisse civitatem romanam arbitror, quod perpetuis conflictata laboribus, præmia laborum assequi non potuit: quum enim nemo sapiens bellum, nisi pacis ergo, gerat, hæc urbs tot maximis bellis prospere confectis, nec impetrare tamen pacem sæpe, nec retinere diu didicit: nam tunc quotque, post menses non ita multos, novi terrores

rum copias agro suo depellere vi comarentur. Ita magna cæde pugnatum; et valde imminutis utrinque viribus, Transalpini domos rediere; Boiis adempta pars agri pacem a Romanis dedit.

XI. Hoc bello tam celeriter confecto, consules in Liguriam abivere. Ibi P. Lentulus proffigatis, qui occurrerant, hostibus, de cætero per illorum regionem exercitum circumducens, castella quædam armis, alia deditione recepit. C. Licinius in Corsicam transjecturus, quum ad universam exercitum una deportandum navigia deessent, M. Claudium Glyciam cum parte copiarum præmisit. Qui vanitate vecors, quum perterritos adventu suo Corsos vidisset, neque consulis, cujus auspiciis venerat, neque sui juris aut loci memor, certis conditionibus fœdus cum Corsis suo nomine pepigit, tanquam in se tracturus insulæ receptæ gloriam. At Varus cum exercitu reliquo superveniens; frustra claudianam pacem invocantes, armis urgere non desiit, donec in potestatem redacti sunt. Senatus ad liberandam perfidiæ nota rempublicam, fœdæ pacis auctorem Corsis dedendum censuit. Deinde, quia receptus non erat, in publica custodia necari jussit.

XII. Censores is annus habuit L. Cornelium L. F. Ti. N. Lentulum Caudinum, Q. Lutatium C. F. C. N. Cerconem, qui lustrum non condiderunt, Q. Cercone in magistrata mortuo. Quanquam M. Claudius deditus Corsis, deinde supplicio affectus fuerat, non ideo persuaderi barbaris potuit, justo se postea bello petitos fuisse. Quare sancios eo dolore amicos vicinæ Sardiniae motus facile impulit, ut ad arma resumenda prosilirent. Nam Sardos Pœnorum occulta promissa traxerant ad rebellionem cœptandam, proclivibus ad hoc barbaris, qui nec nimium odiissent veteres dominos, nec amarent novos. Quæ Romæ audita metu et ira impleverunt urbem, non ob Sardiniam, quam tanti non faciebant, sed quia bellum punicum videbatur renasci. Quod quia facilius

§ X. Polyb. II, 21. — Zonar. — § XI. Dio apud Vales. — Zonar. — Marcel. XIV, 40. — Val. Max. VI, 3, 3.

futurum credebant, quanto citius inciperetur, invalidis adhuc a superiore bello Carthaginensibus, quamprimum adornandum, inferendumque Pœnis decreverunt.

XIII. At Pœnos quidlibet potius eo tempore, quam bellum romanum; pati certos, ea res nuntiata sic exterruit, ut legatis semel iterumque missis, postquam nihil mite responsum esset, decem ex principibus itidem iterato mitterent, infimis precibus, *ut impetrata semel pace frui liceret*, obtestaturos. Ne sic quidem æqui quidquam obtineri potuit ab iratis et metuentibus; donec inter legatos ætate minimus Hanno, adolescens intrepidus, et linguæ ut mentis liberæ, « Atqui, inquit, si vobis sedet denegare pacem, Romani, « quam non in unum aut alterum annum, sed perpetuam a « vobis emimus: at pretium ejus Siciliam et Sardiniam red- « dite: ne privatis quidem contractibus viri boni est, em- « ptione rescissa, recipere mercem, non restituere pecu- « niam. » Tunc vero pudore commoti Romani, ne injuste bellum inferre viderentur, meliore cum responso legatos dimisere. Sic alter consulum ejus anni C. Atilius A. F. A. N. Bulbus, qui magistratum hunc iterum gerebat, in Italia mansit: T. Manlius T. F. T. N. Torquatus, cui Sardinia evenerat, profectus est.

XIV. Hic multis locis cum hoste feliciter congressus, universam insulam pacavit, Sardosque subegit: et de iis ante diem sextum idus Martias triumphavit. His rebus perfectis, quum nullo jam usquam hoste, romana arma quiescerent, insolitum bellatrici Urbi spectaculum, Jani ædes clausa est, quod indicium pacis, post Numæ tempora, per annos ferme quadringentos quadraginta, visum non fuerat. Quo nomine miseram fuisse civitatem romanam arbitror, quod perpetuis conflictata laboribus, præmia laborum assequi non potuit: quum enim nemo sapiens bellum, nisi pacis ergo, gerat, hæc urbs tot maximis bellis prospere confectis, nec impetrare tamen pacem sæpe, nec retinere diu didicit: nam tunc quoque, post menses non ita multos, novi terrores

nuntiati, lætitiā otii vix adhuc animis perceptam cito discussissent : nam et Sardi recens subacti, jugum excutiebant; et Corsorum erumpēbant consilia; et in ipsa Italia Ligures tumultum moverant.

XV. Ergo L. Postumio A. F. A. N. Albino, Sp. Carvilio Sp. F. C. N. Maximo consulibus negotium datum, ut exercitus conscriberent : quibus trifariam divisus, ut hostes ab ope mutuo ferenda distringerentur, L. Postumius Ligures adortus est; Sp. Carvilius Corsos; in Sardiniam P. Cornelius ivit. Hujus insulæ cælum insalubre morbis et pestilentia tentavit exercitum : multi ex eo mortales cum ipso prætore assumpti. Unde elatos animo Sardos consulis Sp. Carvili adventus ingenti prælio coercuit : Corsi quoque ab eodem sunt subacti. Ob eas res triumphus ipsi decretus est, quem a. d. kalendas Apriles duxit. In Liguribus etiam ab altero consule et exercitu consulari res bene gestæ. At Romæ Tuccia virgo vestalis incesti damnata, eo majore probro, quod consuetudinem stupri cum servo habuerat, sua se manu interemit. Censores deinde C. Atilius A. F. A. N. Bulbus, A. Postumius A. F. L. N. Albinus, lustrum quadragesimum fecere.

XVI. Hoc quoque lustro pauciores, quam superioribus, fuisse censos (numerum enim non reperio traditum) argumentum est, quod ad augendam hominibus civitatem censores jurare singulos coegerunt, *uxorem se liberorum quærendorum gratia habituros*. Hoc anno Cn. Nævius Campanus, qui bello punico stipendia fecerat, fabulas primum scenæ dedit. Interea Ligures et Sardi denuo rebellantes consulibus novis provinciæ decretæ. Q. Fabio Q. F. Q. N. Maximo Verucoso ligusticum bellum, M. Pomponio M. F. M. N. Mathoni Sardoum obvenit. Quum *horum motuum causa penes Carthaginenses esse diceretur, qui barbaros ad defectionem secretis nuntiis allicerent*, legati missi sunt Carthaginem

§ XIV. Fasti Capit. — Zonar. — Liv. XXIII, 34. — Col. Capit. — Flor. II, 3, 1. — Vell. II, 38, 3. — Oros. IV, 2. — § XV. Zonar. — Liv. Epit. XX. — Colum. Capit. — Marian. Scot.

cum asperis mandatis, quo *stipendium* exigerent, atque *insulis ad Romanos pertinentibus abstineri* juberent, *belli* minis additis, *ni imperata fecissent*.

XVII. Jam ex priori calamitate vires et animum receperant Pœni, Hamilcaris maxime industria non modo pacatis Africæ populis, qui a Carthaginiensibus desciverant, sed etiam latius promota ditio; magnoque jam in Hispania imperio per eundem ducem parto. Itaque tum ad cætera ferociter legatis responsum est; tum etiam, quum illi, quemadmodum in mandatis habebant, hastam caduceumque proposuissent, data Pœnis optione, *utrum mallent eligendi; neutrum se legere* succlamatum est, sed *utrum mallent ipsi legati relinquerent, æquo animo accepturis*. Inde flagrare denuo cœperunt inter duos populos odia; sed neutro bellum adhuc incipere volente, species amicitiae, magis quia non bellabatur, quam quod fida pax esset, interea tenuit. Ambo deinde consules ad Urbem reversi, quum de rebus a se gestis disseruissent, triumphum impetraverunt. Q. Fabius multos Ligurum in prælio occiderat, coegeratque reliquos in alpestribus locis se continere, tutumque ab illorum latrociniiis vicinum Italiae latus reddiderat. Sic ante diem kalendas Februarias triumphavit de Liguribus. Idibus deinde martiis M. Pomponius triumphum duxit de Sardis, quos vicerat.

XVIII. Neque tamen destitere bello Sardi, sed irritati potius damnis suis, quam fracti, majori mole rebellionem instaurarunt. Ambo igitur consules M. Æmilius M. F. M. N. Lepidus, M. Publius L. F. L. N. Malleolus in Sardiniam missi, magnam ex ea insula prædam coegere: quam deinde, quum in Corsicam transmisissent, ereptam a Corsis amiserunt. Domi quoque vehementer eo tempore turbatum: agrariam legem ferente tribuno plebis C. Flaminio, *ut picenus atque gallicus ager, qui Senonum Gallorum fuerat, populo viritim divideretur*. Resistebat huic actioni senatus, neque

§ XVI. Agell. IV, 3, et XVII, 21. — Zonar. — Fasti Capit. — § XVII. Diod. apud Vales. et Ecl. lib. XXV. — Polyb. II, 21. — Nepos in Hamilc. — Zonar. — Plut. in Fab. I, 3. — Capit. Tab. — Auct. de Vir. ill. cap. 43.

precibus apud tribunum, neque minis abstinens, postremo dato magistratibus negotio, ut exercitum conscriberent, quo rempublicam tutarentur; neque dimoveri a sententia C. Flaminius potuit, adversum vim contumax, et precibus inexorabilis.

XIX. Monuerat eum pater quoque, *ut voluntati senatus cederet, neque seditionis auctor audire vellet*. Sed ille persistens in sententia, vocata concione, recitare legem instituit: tum vero pater Flaminius dolore ardens accessit ad rostra, correptumque manu filium detraxit: mirumque est exemplum editum sive pietatis, sive venerationis, qua tum homines jus patriæ potestatis prosequabantur: qui enim universi senatus indignationem minasque atroces contempserat, in maximo calore perficiendi operis, inspectante plebe romana, apud quam gratiosissima erat ferendæ legis mentio, unius senis manu de superiore loco detrali passus est. Nec omittenda concionis in hoc negotio modestia: que licet habitu tribuni spes suas destitui videret, ne minimo quidem murmure factum illius improbavit. Dilata tamen hoc modo potius, quam evitata lex est, C. Carvilio tribuno plebis collegam adjuvante: quod quidem initium fuit, et corrumpendæ plebis, et gallici belli, quod octavo post divisionem agri gallici anno, gravissimum exortum est.

XX. Tum vero M. Pomponius M. F. M. N. Matho, C. Papirius C. F. L. N. Maso, quum magistratum inivissent, provincias M. Pomponius Sardiniam, C. Papirius Corsicam obtinere. Utrobique cessit hostis, et in silvas montesque arduos refugiens, locorum potius, quam armorum, munitionibus se tutatus est. Ergo M. Pomponius, quum laboriosius esse videret invenire barbaros, quam vincere, canes sagaces et Italia curavit advehendos, quorum indicio homines more ferarum in cubilibus suis latentes deprehenderet. C. Papirius Corsos, campis pulsos, ad montana loca secutus est.

§ XVIII. Zon. — Polyb. II, 21. — Val. Max. V, 4, 5. — § XIX. Cic. de Invent. II, 17, et in Brut. c. 14, et Acad. Quæst. IV, 5, et apud Sosipatrum Charisium, lib. II, de Adv. pag. 198. — Val. Max. II; 21 et 23.

Ibi labor ingens cum periculo fuit : multique militum siti, aut subito barbarorum incursu periere, donec inventis aquis, refectoque exercitu, Corsi de exitu rei timentes, consuli ad deditionem hortanti paruerunt.

XXI. Dum his rebus gerundis attinentur consules, comitia per dictatorem ad hoc creatum sunt habita. C. Duilius fuit M. F. M. N.; is magistrum equitum dixit C. Aurelium L. F. C. N. Cottam. Censores etiam tum fuere T. Manlius T. F. T. N. Torquatus, Q. Fulvius M. F. Q. N. Flaccus : sed vitio facti, abdicarunt. Novi moris originem huic anno scriptores assignant, non indignam quæ referatur. Divortium ab Urbe condita nullum fuerat : primus Sp. Carvilius Ruga sterilem uxorem dimisit, jurejurando a censoribus obstructus, *se liberorum quærendorum causa conjugem habiturum*. Displicuit populo non magis novitas, quam atrocitas rei, quod ad perpetuam vitæ societatem junctas uxores, quacumque de causa repudiari sævum et iniquum putabat : et Sp. Carvilius semper deinceps odio habuit, quanquam necessitate coactus, de amicorum sententia, uxorem bene convenientem morumque gratia carissimam dimiserat. Ex eo tempore plus in jure nexuum, plus apud prætorem litium fuit, tum primum cautionibus rei uxoriæ repertis, quarum, nullis antea divortiis, supervacanea fuerat calliditas.

XXII. Eodem anno alia quoque nova consuetudo in honoribus imperatorum cœpit. Sub finem consulatus sui, C. Papius de Corsis in monte Albano triumphavit, a. d. III nonas martias. Causa ejus consilii fuerat, quod ipse sibi res triumpho dignas gessisse videbatur, pacata tandem Corsica : neque ab senatu honorem eum impetrabat. Idque deinceps exemplum multis ad imitationem placuit, ut negato sibi triumpho in Albano monte triumpharent. Spectavit deinde ludos myrto coronatus, delecta hac corona ob memoriam rei gestæ, quod in campis myrteis Corsos superaverat. Sardinia Corsi-

§ XX. Fasti Capitol. — Zonar. — § XXI. Marm. Capitol. — Plutarch. Numa, c. 48. — Agell. IV, 3, et XVII, 21. — Serv. Sulp. in L. de dot. ap. Agell. — Val. Max. II, 1, 4.

cæque motibus compositis, Ligures restabant; adversus quos missi consules M. Æmilius L. F. Q. N. Barbula, M. Junius D. F. D. N. Pera, inter proficiscendum comperto, Gallis rebus novis studere, fines illorum cum exercitu intraverunt.

XXIII. Irritatis enim lege Flaminia Gallorum animis, natus erat metus Romæ, ne quid molirentur homines læti bello, et ad iram præcipientes: quare nuper edictum fuerat a magistratibus, ne quis homini gallo aurum vel argentum daret; Boii enim cæterique Galli, tum ex aliarum rerum, tum mancipiorum venditione ingentem pecuniam cogebant; incenseratque suspicio, ne ista ad bellum romanum uterentur. Quare magis etiam incitati, cognito consulibus ligusticum bellum esse decretum, occultis consiliis hoc agere dicebantur, ut exercitibus romanis expeditione longinqua detentis, ipsi Urbem aggredirentur. Cæterum adventu consulum territi, quum ad vim faciendam imparati essent, Romanos in pacis amicitiaque speciem simulatis obsequiis exceperunt. Consules quoque bellum oppressisse contenti, causam, cur eo venissent, finxerunt, *ut per gallicum agrum commodius exercitum in Liguriam ducerent.*

XXIV. Superiore anno censores vitio facti abdicaverant: ita his demum consulibus Q. Fabius Q. F. Q. N. Maximus Verrucosus, M. Sempronius C. F. M. N. Tuditanus, lustrum primum et quadragesimum condidere. Dum hæc in Italia et Urbe geruntur, novi cum Illyrii belli causæ talibus initiis exstiterunt. Illyrii, ferox et avidum prædæ genus, piraticam faciendo, multos italicorum negotiatorum brundusino portu egressos, ceperant, nonnullos quoque trucidaverant: et primo quidem delatas ob ea querimonias senatus inter alias curas negligentius auscultaverat: postremo tamen quum prædonum audacia impunitate cresceret, crebrioresque jam querelæ pervenirent, visum est legatos mitti ad res repetendas; simul ut Issæorum, qui nuper in fidem Romanorum concesserant, causam tuerentur.

§ XXII. Col. Capitol. — Valer. Max. III, 6, 5. — Plin. XV, 29, 10. — Festus in voce *Myrtea*. — Zonar. — § XXIII. Polyb. II, 13.

XXV. Hos enim Ionii maris insulam habitantes, quod a se defecerant, gravibus odiis damnisque Illyrii prosequerantur. Missi sunt C. et L. Coruncanii. Hi dum in itinere sunt, Illyriorum, qui Ardyæi vocantur, rex Agron Pleurati F. ad quem ibant, morbo decessit; filio adhuc impubere (cui nomen fuit Pinneus) relicto: regnumque noverca pueri Teuta, consiliis amicorum administrabat. Hæc impotens animi, et rebus prosperis elata, legatis Romanorum contemptim auditis, respondit, *curæ sibi futurum, ne Romani ab Illyriis publice læderentur: vetare vero, ne quis suorum privatim lucrum, quod posset, ex mari captaret, id regibus Illyriorum nequaquam in more positum esse.* Non tenuit ad hæc iram minor Coruncanius, et intempestiva potius, quam injusta, libertate usus, « At Romanis, inquit, in more positum est, Teuta, privatim factas injurias publice exsequi, læsisque consulere. Conabimur autem, diis bene juvantibus, te ad instituta regia cupide et celeriter emendanda cogere. » Quibus verbis supra modum offensa mulier, sed animo interim utcumque dissimulato, legatis jam profectis latrones immisit, a quibus minor Coruncanius cum parte comitum interfectus est, cæteris in vincula conjectis, præfectisque navium igne combustis. Legatus etiam Issæorum, *Calemporus* nomine, ab iisdem prædonibus occisus est.

XXVI. Iis rebus Romæ cognitis, T. Coruncanio et P. Junio honoris causa tripedaneæ statuæ in foro sunt positæ: Teutæ vero et Illyriis bellum indictum. Teuta rudis imperandi, et muliebris ingenii vitia neque ratione, neque usu domare docta, sicut ad irritanda odia præcipitem, sic ad toleranda timidam se gerebat. Itaque comperto, bellum adversus se parari, *reddituram Romanis vivos pollicita est: interfectos reddere non posse, quos injussu suo prædones peremissent.* Hæc legatio, quanquam pro magnitudine delicti parum satisfaceret, tamen, quia spem præbebat, controversæ

§ XXIV. Marm. Cap. — Dio apud Urs. — Polyb. II, 8. — § XXV. App. Illyr. — Polyb. II, 4, 8. — Zonar. — Flor. II, 5. — Plin. XXXIV, 6. — Liv. Epit. XX, et XXII, 33.

sias illyricas citra bellum componi posse, inhiberi vim placuit, petique ad pœnam eos, a quibus interfecti legati dicebantur. Mulier arma, quæ timuerat, differri videns, vicissim ex metu ad priorem insolentiam rapiente animi levitate, *neque dedituram se quemquam* dixit; et ut factis quoque ferociam ostenderet, quam verbis prætulerat, continuo copias ad Issam obsidendam misit.

XXVII. Non ergo diutius cunctari visum, qui ambo consules (Lucius Postumius A. F. A. N. Albinus iterum, Cn. Fulvius Cn. F. Cn. N. Centumalus jam iniverant) cum navalibus pedestribusque copiis proficiscerentur. Cn. Fulvius classem ducebat navium ducentarum; L. Postumius legiones. Tum iterum territa Teuta Demetrium Pharium ad consules pacem petitum misit. Atqui illi pepigerunt inducias, *si Corcyra, quam nuper occupaverant, Illyrii decederent*. Profectis ad recipiendam Corcyram Romanis, tanquam longissime metus omnis abscessisset, ad priora consilia relabitur Teuta, præfectosque suos ad Dyrrhachium et Apolloniam obsendas mittit. Alii *non voluntate Teutæ deditam Corcyram, sed Demetrii privato consilio tradunt, qui criminibus se apud Teutam peti gnarus, adversus illius iracundiam proditione præsidii, cui præerat, apud Romanos perfugium sibi quaesiverit*. Præsidio Illyriorum tradito, Corcyrenses publico consilio Romanis se permisere, nullam sibi reliquam salutis viam esse rati, nisi potentia tam claræ civitatis adversus Illyriorum injurias protegerentur.

XXVIII. A Corcyra consul Apolloniam cum classe petiit: venitque eodem L. Postumius, qui Brundusio transjecerat, cum pedestribus copiis: peditum ad viginti millia erant, equitum duo. Romanos Apolloniæ cupide recepere, seque fidei illorum tradidere. Ab hac liberata statim ad Dyrrhachium itum: id quoque Romanorum extemplo factum, ad famam advenientis exercitus, dilapsis pavore Illyriis, qui obsidere urbem cœperant. Eodem impetu gens Ardyæorum

§ XXVI. Zonar. — Dio apud Fulv. — Polyb. II, 11. — § XXVII. Fasti Capitol. — Polyb. II, 10 et 11. — Zonar. — Dio apud Fulv.

ad deditionem coacta est; veneruntque ab ulteriore Illyrico legati variarum nationum, *imperata facturos suos polliciti, si in amicitiam recipiantur*: ex quibus Parthini fuerunt, et Atintanes. Plurimus ad hæc usus Demetrii Pharii fuit, qui a consulibus circumductus, robur et fidem Romanorum extollendo, Teutæque incusando temeritatem et inconstantiam, alios rationibus et consilio, alios auctoritate sua ad societatem Romanorum adducebat. Post hæc ad Issam cursus institutus: et iater navigandum multis locis exscensione facta, pleraque oppida levi negotio capta sunt. Nutria strenue ab Illyriis defensa est, multoque sanguine constitit victoria, tribunis etiam quibusdam, et quæstore desideratis. Cujus rei leviolem dolorem fecerunt lembi viginti, quos cum præda et pecunia ex Peloponneso venientes Romani exceperunt.

XXIX. Jam ad Issam ventum erat. Ibi perinde, ut ad Dyrhachium acciderat, adventu romanæ classis obsidio soluta est, diversa in loca diffugientibus barbaris, præter Pharios, qui in gratiam Demetrii, quod ex eadem insula ortus, eique sub Agrone præfectus fuerat, corporibus rebusque salvis in fidem accepti sunt. Hæcaudita instabilem Teutæ animum varie moverunt, alternantibus timoris et fiduciæ causis. Nam sicut amissa et deleta oppida, vastatæ maritimæ regiones, ubivis fugatæ Illyriorum copiæ, metum ei maximum incusserant; ita vicissim spem dabat Nutrinorum audacia, et hibernum jam mare, cujus formidine rebatur Romanos cito repetituros domum. Itaque Rhizonem oppidum, cognomini fluvio impositum, cum paucis se contulit, expectatura remedium, quod tempus offerret.

XXX. Alebant vanam opinionem acta consulum, qui pleraque parte regionum, quas occupaverant, Demetrio tradita, Dyrhachium et classem et exercitum reduxere. Sed postquam L. Postumius cum quadraginta navibus relictus, exercitum ex finitimarum urbium delectu fecit, Ardyæis, et qui præterea Illyriorum ad societatem romanam accesserant,

§ XXVIII. Appian. Illyr. — Zon. — Dio. — Polyb. — § XXIX. Polyb. — Appian. — Dio. — Oros. IV, 3.

præsidio futurus; tum vero desperatis rebus suis, Teuta de pace quibuslibet conditionibus redimenda cogitavit. Ideo sub initium veris legatione Romam missa, quæ præterita essent, tanquam Agronis imperio facta, excusavit, cujus facta tueri necessum sibi fuisset. Romani non illi, cujus ea propria potestas non esset, et quæ de Romanis nihil tale meruisset, verum Agronis filio Pinneo pacem dederunt his legibus: *ut stipendia imperata penderet: Illyrico omni, paucis exceptis locis, decederet: neque ultra Lissum pluribus, quam binis lembis, et his inermibus, navigaret.*

XXXI. Corcyra, Pharos, Issa, Dyrrhachium et Atintanes hac pace Romanis cesserunt: cætera, quæ sub Agronis imperio fuerant, Pinneo relicta. Teuta, sive pudore et metu, sive jubentibus Romanis, administratione regni abiit, quam tutorio nomine suscepit Demetrius Pharius. Sic finita cum Illyriis contentione, finibusque imperii jam ad limites Græciæ promotis, ab alia parte parum secunda respublica erat: meditantibus bellum Gallis, et maximis in Hispania inere-mentis rei punicæ, quam sine periculo romanæ confirmari posse nemo credebat. Hasdrubal, gener et successor Hamilcaris, vindicata soceri morte, multas præterea nationes partim armis, plerumque consilio et facundia, qua mire pollebat, Carthaginensium imperio subdidit; etiam altera *Carthagine*, quæ *nova* appellata est, in sinu maris juxta portum amplissimum et satis commodum, condita. Sed propior a Gallis metus, durius aliquod contra Pœnos consilium inire vetuit: quod reliquum erat, foederibus pactisque cursum fortunæ eorum sistere studuerunt. Legatis ergo Carthaginem missis, aliisque ad Hasdrubalem, pepigerunt, *ut trans Iberum amnem se continerent Pœni, Saguntinis suæ leges et libertas servaretur.*

XXXII. Hæc in annum inciderunt, quo Sp. Carvilius Sp. F. Cn. N. Maximus, Q. Fabius Q. F. Q. N. Maximus Ver-

§ XXX. Appian. Illyr. — Polyb. II, 2. — § XXXI. Dio. — Zonar. — Diodor. lib. XXV. — Polyb. II, 13, 12. — Liv. XXI, 2, et XXVI, 42. — Appian. Iber. — Flor. II, 6.

rucosus, uterque iterum, consules fuere. Sub idem tempus L. Postumius proconsule, qui in Illyrico hibernaverat, legatos ad Ætolorum Achæorumque populos Corcyra misit, ad exponendum rei gestæ ordinem, *quibus causis bellum istud susceptum, qua fortuna gestum, quibusque conditionibus finitum esset*. Comiter excepti, studioseque auditi sunt, quod eæ nationes cæterique Græci vehementer exosum habebant Illyriorum nomen, ob continua latrocinia, quæ sub Agrone Teutaque exercuerant. Hæc ubi domum nuntiata sunt, senatus *rite atque ordine a proconsule facta esse* censuit, aliamque statim legationem decrevit, quæ publico nomine Corinthios et Athenienses adiret, *populique romani studium erga Græcos, et æquitatem erga omnes* commendaret.

XXXIII. Ea res magnam in iis terris nomini romano benevolentiam peperit, confestimque decreto Corinthiorum honor hic populo romano est habitus, ut *Isthmiarum* (qui ludi inter quatuor celeberrimos sunt Græciæ) *participes haberentur*. Maxime movit eos, præter Apolloniam et alias græci generis civitates, Corcyra libertati reddita, quæ colonia Corinthiorum fuerat. Athenienses quoque societatem romanam amplexi, decreverunt, *ut Romanis jus civitatis atticæ, initiarumque eleusinarum esset*. Interea Cn. Fulvius proconsule triumphum navalem ex Illyriis egit a. d. kalendas quintiles; et principes Illyricos in triumpho ductos securi percussit. Hic primus de Illyriis triumphus fuit. Anno sequente P. Valerio L. F. M. N. Flacco, M. Atilio M. F. M. N. Regulo consulatum gerentibus, prætorum duplicatus est numerus; quaternosque creari visum, ut essent, qui in Siciliam Sardiniamque provincias cum imperio mitterentur: ex his M. Valerius Sardiniam, attributamque huic Corsicam, C. Flaminius Siciliam sortiti sunt. Ingens eo tempore fuit metus gallici belli, de quo Boii Insubresque non inter se modo, sed etiam cum transalpinis populis agitare, magnas-

§ XXXIII. Zonar. — Appian. Illyr. — Thucyd. VII, 10. — Tab. Capitol. — Flor. II, 5. — Eutrop. lib. III. — Liv. Epit. XX. — L. 2, ff. 32; ff. de O. J. — Solin. c. 11. — Polyb. II, 22. — Sextus Rufus.

que Gæsatarum Gallorum copias stipendio conduxisse ferebantur.

XXXIV. Ergo non solita modo remedia quæsita sunt, sed etiam iis rationibus malo, quod timebatur, occursum, quas apud severos iudices, præter amorem patriæ, et in ejus gratiam quandoque concessa, quæ alias negarentur, nihil excusaret. Quum enim præter alios ex diis hominibusque terrores, etiam in Sibyllinis libris repertum esset, *Gallos et Græcos urbem romanam occupaturos*, ad prædictionis ejus minas calliditate avertendas, M. Valerio M. F. M. N. Messalla, L. Apustio L. F. C. N. Fullone coss. ex auctoritate pontificum homines quatuor, Gallum et Gallam, similiterque Græcum et Græcam, in medio foro boario vivos defoderunt, ut ita quasi partem aliquam Urbis tenentes implevisse fata viderentur. Cæterum hic annus inter res alias non magnas, apparatu maxime gallici belli, quod jam instabat, consumptus est. Descriptæ sunt ad id bellum equitum peditumque copię, incredibili numero, tota pro Romanis Italia consentiente. Q. Fabius historicus, qui rebus gerendis interfuit, *effecta fuisse scribit armatorum octingenta millia.*

XXXV. Romanorum quidem Campanorumque numero, peditum explente ducenta quadraginta octo millia ducentos; equitum viginti sex millia sexcentos: cætera multitudo reliquorum Italiæ populorum fuit. Etiam Veneti ac Cenomani auxilia dederunt Romanis, hominum millia viginti, qui jussi sunt finitimos Boios metu et damnis, ad patriam tuendam cogere, ne cum cæteris hostium copiis conjungi possent: quando a bellandi consilio legationis romanæ studiis avocari nequiverant. Venetis enim et Cenomanis ad instaurandam cum populo romano amicitiam persuasis, Insubres Boiique in hostili animo propositoque perstitere. Minutæ tamen vires eorum fuerunt, non ausis omnem armatorum multitudinem educere regibus, coactisque partem juventutis ad fines defendendos relinquere.

§ XXXIV. Plut. Marc. — Liv. XXII, 57. — Fasti Capitol. — Oros. IV, 13. — Entrop. lib. III — Plin. III, 20. — § XXXV. Diodor. lib. XXV. — Oros. IV, 13. — Polyb. II, 23, 24. — Strabo, lib. V.

XXXVI. Ita reliquis cum copiis (peditum quinquaginta millia, equitum viginti numerabantur) iter per Etruriam tentare cœperunt. Interea L. Æmilius Q. F. Cn. N. Papus, C. Atilius M. F. M. N. consules Sardiniam et Ariminum cum vicina Gallia provincias obtinuerunt. Sardi enim gravati perpetuam romani prætoris præsentiamque, fascesque non ante inspectos, iterum tumultuati fuerant: sed hos C. Atilius consul haud magno negotio coercuit. Major moles L. Æmilio cum Gallis fuit, perrupta Etruria Romam tendentibus: eos prætor, cui Etruria provincia decreta fuerat, quam arcere transitu nequivisset, circa Clusium consecutus, præcipiti in occasum die, castra non procul ab hostilibus posuit. Galli, quo Romanos ad pugnam elicerent, meditato dolo, cum omni peditatu ad oppidum Fæsulas nocturno itinere perveniunt; relictis equitibus, quibus imperatum fuerat, ut orto die conspiciendos se tantum præberent hostibus, deinde statim ad pedites se referrent, castra ad recipiendum equitatum, hostesque ex improvise turbandos apto loco habituros.

XXXVII. Ea fraus Romanis imposuit, ut quasi fugientes avidè sequerentur. Ita circa Fæsulas a recentibus et paratis excepti sunt, fessi cursu, et consilio, ut in re nec opinata, destituti. Quod unum supererat, pugnando tueri salutem, aut vindicare sanguinem statuere. Sed præter alia numero quoque vincentibus Gallis, plures sex millibus in loco pugnae concisi sunt, cæteri fugerunt. Galli munitum quemdam collem, quo pleraque fugientium turba concesserat, capere conati, postquam nocturno itinere diurna quoque pugna vires exhaustas sensere, ad corpora curanda abiverunt; relicta parte equitum, quæ tumulum obsideret, postridie vi aut deditone haud dubie in potestatem redigendum. In hoc articulo rerum L. Æmilius consul optabili potius, quam sperato, casu supervenit. Nam ad famam adventantium Gallorum Ariminum missus, defensurus Adriatici litoris oram, postquam Urbem audivit peti, magnis itineribus Arimino profectus,

ad ea loca bona quadam fortuna pervenerat, et parvo ab hostibus intervallo castra metatus fuerat.

XXXVIII. Obsessi ex ignibus ab ea parte conspectis, id quod erat, romanum exercitum venisse conjicientes, quosdam suorum miserunt sine armis, quo facilius hostium excubias fallerent. Ex his cognito rerum statu, consul, citra longiorem deliberationem, quam neque res, neque tempus ferebat, statim orta luce cum equitatu præcessit ad tumultum, tribunus militum cum legionario milite sequi jussis: Gallos jam iidem ignes admonuerant de adventu Romanorum, et ad consilium de præsentibus coegerant. Ibi rex Aneræstus suscit, *ne agmen locupletissima præda onustum objicerent hosti: sed domum digressi, deposita præda, si bellandum ultra videretur, expediti redirent.* Probato ab omnibus consilio ante noctem disceditur, itinere per Etruriam juxta litus maris instituto. L. Æmilius receptis, qui in tumultum confugerant, et Gallorum profectioe cognita, cum his quidem collatis signis pugnare volebat; sed insèqui tamen statuit, occasione, quam tempus obtulisset, usus.

XXXIX. In hoc articulo rerum rursus aliquid ex improvise molita fortuna est. Alter consul C. Atilius ex Sardinia cum legionibus Pisas appulerat, atque ibi militibus expositis pedestri itinere petebat Romam, per eandem etrusci maris oram incedens, qua Galli veniebant. Circa portum Etruriæ Telamonem primum obviam sibi facti sunt præcursores utriusque exercitus: captivisque nonnullis ad consulem adductis, ubi de itinere Gallorum, et insequentis eos collegæ instituto cognovit, miratus casum, et spe impulsus, quod medius inter duos consulares exercitus hostis teneretur, tribunus præcepit, *ut acie instructa, quantum locorum natura pateretur, quadratum agmen gradu militari ducerent*: ipse animadverso colle opportune itineri, qua venire Gallos necessum erat, imminente, ad præoccupandum eum cum equitatu contendit. Festinabat enim cum hoste quamprimum decernere, certus, si urgeretur, collegam venturum subsidio;

et si inceptum successisset, potioŕem bene gestæ rei laudem penes se futuram esse.

XL. Galli viso in superioribus locis hostium agmine, noctu circummissos ab L. Æmilio equites rati, suum et ipsi equitatum emittunt, adjuncta levis armaturæ parte, ad iter aperiendum : deinde captivorum indicio consulis alterius adventus cognitus, peditatum continuo instruere coegit ancipiti acie, quæ ante et retro in hostem versa, interius oppositis invicem tergis cohæreret. Nam videbant a fronte C. Atilium instare ; a tergo sequi L. Æmiliium noverant. Huic igitur ex transalpino genere mercede conductos, qui ab armorum nomine Gæsatae vocantur, opposuerunt in prima acie ; post hos in subsidiis Insubres : at Taurisci Boiique adversus atilianas copias locati sunt ; essedis deinde carrisque cornu utrumque vallarunt : præda cum idoneo præsidio vicinum in collem seposita est. Jam pugnari ad tumulum ab C. Atilio occupatum cœperat, et ex eo conjiciebat L. Æmilius adesse collegam, cujus de itinere nihil habebat compertum, præterquam quod appulisse Pisas audiverat.

XLI. Igitur ex tempore consilio capto, equites suos et ipse ad collem, ubi pugnabatur, jussit accurrere. Certatum ibi est equestri prælio acerrimo, in quo et C. Atilius consul occisus est, ejusque caput ad reges Gallorum relatum : ad extremum tamen connisi totis viribus Romani, loco retento, hostem repulere. Decrêta hunc ad modum equestri pugna, pedites concurrere. Ibi vero certamen vidisses cum numero atque robore virorum, tum ipsa dispositione acierum terribile ; quum inter duos romanos exercitus Gallorum intercepta multitudo, simul in utrosque obversa dimicaret, ambiguo judicio, plusne prodesset eis ista prælii forma, quod cum divisis hostium copiis pugnantes, terga sibi invicem tuta præstabant, etiam amissa spe fugæ ad fortitudinem stimulatî, an vero noceret, quod inter duos consulares exercitus conclusi tenebantur. Cæterum Romanos partim aspectus viro-

§ XXXIX. Clav. Ital. Antiq. II, 2. — Polyb. II, 26. — § XL. Liv. XXVI, 6, 4. — Oros. IV, 13. — Polyb. II, 2.

rum terrebat, qui eximia specie et magnitudine corporum, primis in ordinibus stabant; partim ad pugnandum incitabat, non modo laudis, sed etiam spoliiorum dulcedo, quod inter Gallorum antesignanos erat nemo, quin manicis armillisque aureis fulgeret.

XLII. Conserto igitur prælio, immissi primum velites maximam hostium edidere cædem, præsertim ubi Gæsatae pugnabant, qui per ferociam et barbaram ostentationem abjectis vestibibus, nudi ante prima signa constiterant. Quam enim scutum gallicum prælongum et angustum, non possit corpus obtegere, tanquam exposita jaculatoribus signa certis ictibus petebantur; cadebantque inulti, quod neque ferire hostem eminus poterant, neque conserta manu pugnari secum levis armatura patiebatur. Qua desperatione pars temere in hostem ruentes, priusquam ad manus venirent, missilibus confossi sternebantur: cæteri sensim referentes gradum, suorum perturbabant ordines. Ita Gæsatarum acies per velites disjecta, gravis armaturæ miles Boios Insubresque ac Tauriscos undequaque adortus, multos interfecit.

XLIII. Stabant tamen obfirmatis animis, neque ulla re inferiores, nisi quod armorum genere vincebantur, neque ad muniendum corpus apte instructi, neque ad hostem percutiendum: gladius enim gallicus tantum ad rem cæsim gerendam accommodatus, mucronem idoneum non habet: præterea ad primum ictum incurvatur, sequentesque parum efficaces habet, nisi pede pressus iterum dirigatur. Eventum prælii, quum in meliore spe Romani essent, haud dubium fecit equitum reditus, qui gallico equitatu in fugam compulso, ex colle decurrentes, in latus hostium impressionem fecerunt, tanto minus tolerabilem, quod ex superiore loco ingruerat. Hoc maxime modo cum Gallis in Etruria pugnatum Polybius tradidit; a quo parum probabiliter alii dissentiant: quis enim temere credat, ita potius rem gestam esse, ut Gallos noctu orta tempestas fugere coegerit, tanquam deorum iram timentes? postremosque eorum aggressus C. Ati-

lius occubuerit? deinde post aliquot dies, quum interea suo quilibet in colle se continuisset, L. Æmilius cum exercitu gallico prospere pugnaverit? Neque plus merentur fidei, qui pugnae locum ex litorali regione, in agrum aretinum translulerunt.

XLIV. Cecidisse tum Gallorum millia quadraginta non ambigitur: capta sunt haud minus millia decem cum uno regum Concoditano: alius Aneræstus, qui plurimum opinione virtutis et potentia valuerat, paucis comitantibus elapsus, in fuga necessarios suos seque ipsum secta gula interemit. Recepta est præda ingens, quam consul reddendam iis curavit, quibus adempta fuerat, suas unoquoque res agnoscentibus dominis. Inde cum suo et atiliano exercitu juxta fines Ligurum in boicum agrum profectus, ut operæ navatæ mercedem haberet miles, diripiendam ei regionem dedit; paucisque diebus satiata præda copias in Urbem reduxit, tanto majore omnium lætitia, quanto acrior istius belli metus fuerat. Ergo vix cujusquam triumphus faventium vocibus tam celebratus est: insignis alioquin, et rerum gestarum gloria, et captivorum spoliisque prælatorum numero pretioque.

XLV. Multa inter hæc signa militaria fuere, plurimique torques aurei armillæque, virorum fortium apud Gallos ornamenta. Sed maxime adverterunt oculos hominum Britomarus, aliique principes Gallorum, quos L. Æmilius per ludibrium accinctos in Capitolium duxit, tanquam voti sui religionem servaturos, quod *non prius soluturos se baltea, quam Capitolium ascendissent*, juraverant. A. d. III nonas mart. L. Æmilius consul de Gallis triumphavit. Eodem anno lustrum alterum atque quadragesimum conditum esse reperio, a censoribus Q. Claudio Ap. F. C. N. Centhone, M. Junio D. F. D. N. Pera. Depositus jam belli gallici metus, nondum vindictæ cupiditas erat; ambobusque proximi anni consulibus ea provincia data. T. Manlius T. F. T. N. Torquatus, Q. Fulvius

§ XLIII. Polyb. II, 30, 33. — Zonar. — § XLIV. Oros. IV, 3. — Eutr. lib. III. — Diodor. lib. XXV. — Polyb. II, 30 et 33. — Zonar.

M. F. Q. N. Flaccus erant, uterque iterum. His exercitus, et quæ ad bellum instruendum gerendumque pertinebant, alacriter decreta. Spes enim erat, post tantam victoriam, toto circa Padum agro depelli Gallos posse, si nervi intenderentur.

XLVI. Consules cum copiis profecti primo statim terrore Boios ad deditionem compulere : segnior deinde expeditio fuit, ob pestilentiam et continuos imbres. Alii tradunt, *hos consules Pado transito collatis signis vicisse Insubres, hominum occidisse tria et viginti millia, cepisse quinque* : sed nobis Polybii potior est in his rebus auctoritas. Interea quia consules e longinquis regionibus, sive rebus gerendis, sive tempestatibus impediti ad comitia occurrere non potuerant, ejus rei gratia dictator creatus est L. Cæcilius L. F. C. N. Metellus, isque N. Fabium M. F. M. N. Buteonem magistrum equitum dixit. Comitibus habitis consules facti sunt C. Flaminius C. F. L. N. P. Furius Sp. F. M. N. Philus. Hi, primi Romanorum, ut existimo, Padum transivere cum exercitu, qua fluvius Padusa Pado committitur, in regionem Insubrum irruptione facta. Multo labore neque nullo sanguine hæc audacia constitit : nam et in transitu fluminis, et dum castra ponuntur, acriter incurrentes hostes Romanorum haud paucos occiderunt.

XLVII. Ex harum rerum nuntiis ortam sollicitudinem immensum auxere prodigia, quod *in Piceno flumen manasse sanguine, in Etruria cælum ardere visum, Arimini noctu luxisse, tresque lunas eodem tempore appuruisse*, nuntiabatur; et quod Romæ in foro vultur per dies complures sederat : nam sub idem forte tempus Caria motu terræ concussa, et collapsus Rhodi colossus nihil tum ad rem romanam pertinere credebantur. Cæterorum causa consulti augures, *consules vitio creatos videri*, responderunt, secutæque sunt senatus ad eos literæ, quibus in Urbem revocabantur. Illi inter hæc

§ XLV. Flor. II, 4, 2 et 3. — Zonar. — Fasti Triumph. — Fasti Capit. — Polyb. II, 31. — § XLVI. Polyb. — Oros. IV, 13. — Fasti Capit. — Liv. Epit. XX. — Zonar.

per inducias Insubrum agro excesserant, deinde in Cenomanorum finibus sociorum adscitis auxiliis, iterum campos Alpibus subjacentes infestare cœperant; permotique ira Insubres, etiam aureis signis ex æde Minervæ depromptis, quæ *immobilia* vocabantur, quod nisi ob extremam necessitatem moveri fas non esset, cum exercitu quinquaginta milium occurrerant, acie dimicaturi.

XLVIII. Hoc ad tempus literæ senatus venere. C. Flaminii sive conjectura earum argumentum assecutus, sive literis amicorum præmonitus, collegæ persuasit, *ne ante pugnam commissam aperirentur*. Sic obstinato ad dimicandum animo, de auxiliis Gallorum deliberabant, *ne forte neglecta causam nocendi haberent; adhibita, occasionem*: levitas enim gentis timebatur, præsertim adversus cognatum hostem suscipiendo prælio: tandem hoc consilium placuit. Gallos in ulteriorem ripam miserunt; deinde ruperunt pontes. Ita neque lædi ab iis Romanus poterat, et copia fugæ penitus ablata, omnia in virtute erat habiturus. Post acre prælium, victoria Romanis cessit, majori tribunorum laude, quam consulum. Nam C. Flaminius aciem ita ripæ fluminis admoverat, ut nihil ad receptum cohortium relinqueret spatii; haud dubie totum exercitum perditurus, si urgentibus hostibus vel minimum recedere coactus fuisset. Tribuni vero, prioribus præliis experti, Gallorum vim omnem in primo impetu esse, hunc acerrimum, sed brevem, si quis sustinisset, nihil postea metuendum habere; primis ordinibus hastas triariorum dividunt, quibus hostium excipiant ictus, deinde abjectis his gladium stringant.

XLIX. Ubi ventum ad certamen est, hastarum objectu gallici gladii statim ad primum ictum hebetati curvatique sunt; quos donec dirigere student, suggestus stricto mucrone Romanus omnem armorum usum iis ademit. Nam et hoc habent enses gallici, quia cæsim tantummodo iis pugnari

§ XLVII. Polyb. II, 32. — Plut. Marcel. c. 4 et 40. — Marian. — Oros. IV, 13. — Plin. XXXIV, 7. — Zonar. — Polyb. — § XLVIII. Strab. lib. V, p. 216. — Liv. XXI, 63. — Zonar. — Polyb.

potest, ut ad feriendum aliquantum requirant spatii, quod si quis abstulerit, omnino fiunt inutiles. Romani vero etiam punctim ferire ex minimo intervallo poterant, eoque modo ad corpus hostis appressi faciem ejus atque pectus impune cædebant. Interfecta dicuntur millia Gallorum novem; quasi duplum ejus numeri captum esse. Post victoriam ager hostium longe lateque vastatus est, multumque prædæ partum. Tum demum literas senatus legi placuit: quibus quum pariturnus P. Philus esset, C. Flaminius, *invidiam hanc Patrum esse testatus, nullis auspicioꝝ vitiiis, cujus rei nullum argumentum certius ipsa illa, quam obtinuissem, victoria adduci posset*, negavit, *se nisi finito vel bello, vel magistratus tempore, decessurum esse*. Quin etiam addidit *effecturum, ut populus romanus auguriorum aliarumque talium rerum inepta observatione falli desinat*.

L. Cæterum in sententia persistente P. Furio, flaminianus exercitus, metuens, ut digresso illo satis in hostili regione tutus esset, exoravit eum, ut per dies aliquot remaneret: nihil tamen rerum postea gerere voluit; C. Flaminio interim castella quædam, urbemque non incelebrem illis gentibus recipiente, concessaque militi præda ad instans cum senatu certamen sibi conciliante animos. Tanta enim exorta fuerat in Urbe indignatio, ut redeuntibus consulibus neque obviam ex more iretur; triumphusque non C. Flaminio modo, sed in ejus odium etiam P. Philo negaretur. Ad extremum C. Flaminii magnus apud plebem favor vicit: isque triumphans Urbem ingressus est, a. d. VI idus martias. Multa in eo triumpho translata sunt spolia, magna vis armorum, torques itidem aurei permulti, ex quibus tropæum Jovi C. Flaminius in Capitolio posuit, inverso Gallorum voto, qui *de spoliis Romanorum Marti suo torquem* promiserant. Alter mox consul de Gallis et Liguribus triumphum egit a. d. IV idus martias.

LI. Sic magis accensa, quam victa, senatus odia non quie-

§ XLIX. Oros. IV, 13. — Plut. Marcel. c. 4. — Zon. — L. Liv. XXII, 6, et XXIII, 14. — Zon. — Plut. — Col. Capit. — Flor. II, 4.

verè, donec consules statim secundum triumphum abdicare sunt coacti. Pari severitate sub idem fere tempus viri clarissimi duo sacerdotii honore caruerunt : M. Cornelius Cethegus, extis non rite porrectis ; Q. Sulpicius, quod inter sacrificandum apex ei de capite defluerat. Quum magistratu consules abivissent, comitia per interregem sunt habita, quibus consul factus M. Claudius M. F. M. N. Marcellus, qui magistratu inito collegam ascivit Cn. Cornelium L. F. L. N. Scipionem Calvum. Hi pacem petentibus Insubribus resistere, M. Marcello potissimum cupiditate provinciae triumphique, conditiones omnes aspernante : sed et ipsi Galli belli potius, quam otii, consilia tractare videbantur, quum de integro mercede conducta Gæsatarum triginta millia, superatis Alpibus, longe majorem Insubrium multitudinem concivissent.

LII. Bello sic exorto, profecti primo vere consules, Acheras (oppidum est inter Padum et Alpes) circumsederunt. Cujus obsidione quum depellere Romanos difficile videretur, Britomarus, assumpta decem millium Gæsatarum manu, circumpadanam regionem vastare instituit : quo comperto, consules ita inter se partiti sunt copias, ut Cn. Cornelius cum exercitu reliquo urgeret obsidionem ; M. Marcellus duas partes equitum et delectos ex levi armatura ducens, sociis succurreret. Delegit expeditissimum quemque, non ultra sexcentos ; cum his et equitibus suis non die non nocte intermisso itinere contendit ad hostes : quos circa Clastidium adeptus, priusquam reficere suos quiete posset, adortus est, non voluntate sua, sed ferocia Gæsatarum, qui numero potiores, et equestris militiae principatum sibi vindicantes, audito, paucos adduci pedites a consule, protinus ad obterendum eum, omissa Clastidii obsidione, proruperunt. M. Marcellus, acie in longum porrecta, ne circumveniretur ab hostium multitudine, Gallis processit obviam ; neque longe aberant invicem acies, quum jam impetum fa-

LI. Plutarch. — Val. Max. I, 4. — Polyb. II, 34. — § LII. Polyb. II, 34. — Plutarch. — Zonar.

cere molientem equus clamore cantaque Gallorum exterritus abripuit, et retrosum tulit.

LIII. Ibi consul, veritus, ne in omen tractus ille casus animum suis minueret, equum circumagendo solem adoravit, tanquam ea de causa convertisset: ex veteri more, quo deos adoraturi se circumagebant. Ferunt, eum ante primum congressum *pulcherrima hostilium armorum Jovi Feretrio* vovisse, mox conspecto Britomaro, qui suorum agmen precedebat arma ferens auro argentoque et coloribus eximie perornata, hæc judicavisse arma esse debere, quæ vovisset. Jam ipse quoque rex, viso Romanorum duce, proventus longe ante suos, voce et gestu eum ad pugnam provocabat: neque cunctatus M. Marcellus, perfosso regis thorace, vulneravit eum hasta, et equi adacti impetu dejectum humi, semel iterumque repetitis ictibus occidit. Tum desiliens ex equo, manibusque arma tenens, suspexit in cælum, « Jupiter, inquit, Feretri, qui fortium ducum in præliis facta præclara aspicias, en ego te teste tertius Romanorum, cæso hostium imperatore imperator, opima tibi spolia consecro. Tu vero ad reliqua etiam belli res nostras prospera fortuna pergere sinito! »

LIV. Repente post hæc locum M. Marcello, totis viribus conflagri coeptum, fortissime pugnantibus Romanis, quos consulis audacia et fortuna non minus ardore pugnandi, quam spe victoriæ impleverat. Itaque non eques gallus, non pedes, quanquam et ille suis subsidio venerat, sustinere vim tantam potuit; raroque exemplo paucissimi de numeroso exercitu pulcherrimam victoriam retulere. Lectis deinde spoliis ad collegam revertit consul, qui Acerris occupatis, ubi magnam annonæ copiam reperit, circa Mediolanum caput Insubrium Gallorum adversus hostes ægre se tutabatur; nam illi validissimæ frequentissimæque urbis obsidione implicatum, vicissim quasi obsidebant. Sed adventu M. Marcelli cito commutatus est rerum status. Nam et Gæsatæ auditio regis fine discesserunt; et ab his relictæ Mediolanenses de-

fendere urbem non potuere. Sic ingentibus Insubrum copiis cæsis, captaque Mediolano, et subinde Como, cæteræ deinceps urbes, et Insubrum tota natio, pecunia et agrorum parte mulctati, de cætero satis æqua pace impetrata, in deditiōnem venerunt.

LV. M. Marcellus provincia confecta celeberrimum triumphum de Gallis Insubribus et Germanis duxit, kalendis Martiis. Hæc prima Germanorum in historia romana mentio, qui ex transrhenanis gentibus mercede conducti, Viridomaro duce in Italiam venerant. Ex his Gallisque captivi forma staturaque corporis ingenti, currum victoris inter spolia maximi pretii antecedeabant. Sequebatur ipse consul rarissimo spectaculo cæsi ducis arma Jovi Feretrio ferens: quem persecutus a tergo exercitus splendidis ornatus armis, militari acclamatione cantuque celebrabat. Hoc ordine quum ad ædem Feretrii perventum esset, descendens curru M. Marcellus, opima spolia post Romulum regem et A. Cornelium Cossum tertius, neque post illum alius suspendit. Hæc arma populus romanus majori cum voluptate spectavit, quod romanorum militum arma hostes Vulcano vovisse dicebantur: tantaque victoriae ejus lætitia fuit, ut senatus populusque romanus ex manubiis donum Apollini Delphico cratera aureum, et circum amicas sociasque civitates arma de spoliis gallicis mitteret: ad Hieronem syracusanum præter spolia, missum etiam frumenti pretium est, quo inter bella gallica rem romanam juverat.

LVI. Novi deinceps hostes Istri exorti, qui piratico scelere maria infestantes, Romanorum aliquot naves frumentarias diripuerant. Adversus hos ambo consules, P. Cornelius, M. Minucius Rufus missi, multos populos vi aut deditiōne subegerunt. Triumphatum tamen ab his non reperio, credo quia multo etiam romano sanguine victoria constiterat. Hoc

§ LIV. Valer. Maxim. III, 2, 5. — Zon. — Pol. II, 34. — Plutarch. — Oros. IV, 13. — Zon. — Eutr. lib. III. — Liv. Epit. XX. — § LV. Oros. IV, 13. — Marm. Capit. — Propert. IV, 11. — Virg. Æn. VI, 856. — Flor. II, 4, 5. — Plutarch. Marcel. cap. 11. — Liv. I, 10; IV, 20, et XXIV, 21, 9. — Diod. lib. XXV.

anno infaustum multis gentibus urbibusque sidus in Hispania exortum est, Hasdrubalis successor Hannibal, de cujus initiis gestisque multa deinceps majori spiritu dicenda erunt. Interea novi consules L. Veturius, C. Lutatius cum exercitu ad Alpes progressi sunt: sed conditionibus magis, quam armis usi, multos eorum locorum populos voluntate ipsorum ad amicitiam romanam adduxerunt. Bellum hoc tempore cum Illyriis instauratum est improbitate Demetrii Pharii, adversus quem sub amicitiae romanae pretextu vicinas civitates arbitrio suo vexantem, omnibus ex partibus querelae venerunt.

LVII. Nam fretus potentia, quam a Teuta deficienti Romani circumdederant, tutelaque regis Pinnei, cujus matrem Tritentam connubio sibi junxerat, regem et ipse se ferens, popularibus juxta, finitimisque gravis et intolerandus incumbebat. Et Illyrici quidem populos, Romanorum socios et amicos, suae dominationi studebat subjicere: Cycladas autem insulas, contra foedus cum lembis armatis quinquaginta ultra Lissum proventus, alias depopulabatur, ab aliis extorquebat pecunias; jamque et Istrorum partem, quotquot a recenti bello Romanos oderant, et Atintanes vi coactos in partes suas traxerat; neque Romanos reverebatur, quibus gallico bello implicitis, deinde punicum metuentibus, neque vires neque otium ad vindicandas sociorum injurias fore censebat; et a Philippo, Macedonum rege, quidlibet sperabat, quod bello cleomenico dux illyricorum auxiliorum macedonicas opes adjuvisset: igitur decretum adversus eum bellum est, apparatusque facti:

LVIII. Lustrum interea tertium et quadragesimum L. Aemilius, C. Flaminius censores condiderunt. Censa sunt civium capita ducenta septuaginta millia ducenta tredecim. Libertinorum promiscua multitudo per omnes tribus sparsa, multum hactenus turbarum dederat: eam imitatione Q. Fabii

§ LVI. Oros. IV, 3. — Eutrop. I. III. — Zon. — Liv. Ep. XX. — Appian. Illyr. — Dio apud Vales. — § LVII. Just. XXIX, 2, 1. — Polyb. III, 16, et IV, 16. — Appian. Illyr.

Maximi censores in quatuor tribus, Esquilinam, Palatinam, Suburranam, Collinamque redegerunt. C. Flaminius in eadem censura viam Ariminum usque munivit, et circum exstruxit: utrique operi nomen ab auctore est impositum, circusque Flaminius, et via Flaminia vocata. Iidem censores legem Metiliam de fullonibus ad populum ferendam dedere: ne minorum quidem rerum curam tanti magistratus fastigium dedecere rati. Per idem tempus Illyriorum rebellio senatum movit, ut M. Livio M. F. M. N. Salinatori, L. Æmilio M. F. Paulo consulibus provinciam illam mandaret.

LIX. Contra Demetrius bellum et ipse haud segniter comparare instituit, valido præsidio Dimalum misso, provisisque omnibus, quorum ad longam sustinendam obsidionem usus est. Quibusdam locis interficiendos curavit principes, de quorum fide dubitabat, aliisque sibi addictis regimen urbium tradidit: ex omni vero regno delectum robur, sex millia virorum, secum ad præsidium Phari retinuit. Dum hæc aguntur, L. Paulus consul, primo vere profectus, in Illyricum venit; intellectoque, magnam esse hostibus spem in munitionibus Dimali, quem locum inexpugnabilem putabant; ratus plurimum inde terroris oriturum, si hunc expugnasset, tanta sua militumque alacritate est aggressus, ut septimo quam oppugnare cœpta esset die, vi caperetur. Neque falsus fuit animo consul, sparsaque per vicinam regionem fama confestim ex omnibus urbibus oratores venere, se suaque omnia Romanis dedituri.

LX. Quibus in fidem receptis, Pharam insulam, ubi Demetrii regia erat, petiit. Quam ubi copiarum omni genere refertam, fortissimorumque virorum præsidio, tum situ operibusque, ad hæc præsentia tyranni munitam esse didicisset; moram obsidionis veritus, astum excogitavit accelerandæ victoriæ non inutilem. Partem enim majorem exercitus,

§ LVIII. Liv. XXIII, 32, 2, et IX, 46, 14; et Epit. XX. — Cassiodor. — Festus voce *Circus Flam.* — Plin. XXXV, 17. — § LIX. Polyb. III, 16 et 18.

noctu trajectis copiis, in silvosis quibusdam callibus occulit : ipse cum navibus viginti luce clara proximum urbi portum petens, elicit Pharios ; inter quos ipse Demetrius ad prohibendam hostium exscensionem accucurrit. Conserto certamine, plures subinde, ut fit, suis auxilio venientes, ad extremum omni fere præsidio militarium virorum urbem nudavere. Interea Romani, qui noctu exscenderant, itinere per tecta loca facto, collem inter oppidum portumque medio ferme spatio situm occupavere : quo facto iis, qui urbe fuerant egressi, reditus ad eam occludebatur.

LXI. Demetrius, animadverso quid fieret, consilium cepit, ut in tam ancipiti periculo, non spernendunt. Omisso enim præsentis certamine, revocatisque suis, « Viri fortes, inquit, « apparet virtutem nostram hostibus formidabilem esse : nam « ad dolos conversi fatentur se viribus armisque diffidere. « Furto noctis usi hanc in terram irrepsere, unde, si bene « vos novi, retinebunt nihil, nisi quod corporibus tegent, « anima emptum. Vos modo, Pharii mei, vosque omni ex « Illyrico delecta juvenus, vel patriæ, vel gloriæ vestræ me- « mores, ostendite Romanis, neque suæ fortitudinis, neque « nostræ imbecillitatis fuisse, quod semel de Illyriis Romæ « triumphatum est. Non Fulvius eo tempore aut Postumius « Illyricos consiliis et armis, sed impotentia, sed temeritate « sua Teuta vicit : neque ignoratis, ut de aliis taceam, non « ita proclivem illis futuram fuisse victoriam, si me defensorum « rem potius, quam inimicum, habere Teuta maluisset. Verum « enimvero, et quia vobis præclare confido, et quia « facta potius quam verba tempus postulat, abrumpo. Habetis animos, habetis arma, videtis necessitatem, quæ timidissimum quemque posset acuere, vobis pariter urbi que « discrimen extremum imminet, nisi virtute vestra discuteritis. Eamus igitur, et fortuna bene juvante istos e latibus suis paulo ante progressos petamus, securi de his, qui « exscensionem faciunt : nam illos si ceciderimus, hi majorem « cum studio naves repetent, quam reliquerunt. »

LXII. Ita suos pro tempore cohortatus, instructis ordinibus ad eos invadendos, qui collem tenebant, ducit : qui et

ipsi non segnius congressi sustinuerunt hostem, donec advenientes, qui excensionem interea fecerant, et a tergo eum adorti, magno cum terrore detrimentoque disjecere. Paucos in oppidum retulit fuga: cæteri passim per invios calles dilapsi. Demetrius, qui solis quibusdam locis paratos lembos in omnem casum habebat, uno eorum conscenso ad Philippum, Macedoniae regem, profugit, cujus in amicitiam receptus, mores adolescentis antea laudatos adulatione et tyrannicis consiliis corrumpit, bellique romani et multarum præterea calamitatum, suasor et auctor ei exstitit. Post hanc pugnam Pharus ex itinere capta, jussuque imperatoris direpta et diruta est. Illyrici deinde rebus ex sententia ordinatis, ad triumphum petendum, affecta jam ætate, consul Romam rediit.

LXIII. In hujus quoque belli narratione Polybium sequi malui, non ignarus, apud alios auctores ambobus consuli-bus ejus perfecti gloriam communiter tribui, qui evocatum ad se Demetrium, quia non parebat, aggressi primum in Issa insula, quibus dixi artibus vicerint; deinde Pharo proditione capta, Demetrium expulerint: de cujus fine quoque dissentanea Polybio tradunt, istis et annis et locis proximo: quæ aliud in tempus egressa prætermitto. Cæterum Illyriis in regis Pinnei gratiam, quem innocentem ætate et proposito fuisse constabat, pepercit senatus, foedusque cum eo, adjectis tamen conditionibus quibusdam, renovavit. Interea L. Æmilius consul splendidissimum de his populis triumphum duxit; sed et M. Livium ex eo bello triumphasse reperio: plures tamen scriptores hunc prætereunt; credo, quod majores L. Pauli res fuerunt, quibus collegæ famam gloriamque potuerit obscurare: sed nobilior ejusdem M. Livii paulo post judicium et condemnatio fuit. Per invidiam ipse ac L. Paulus accusati, quod prædam militibus non æqualiter divisissent, quodque ex ea multa avertissent, judicium populi subiverunt.

§ LXII. Polyb. IV, 66, et apud Vales. I. VII. — Appian. Illyr. — Liv. Ep. XX. — § LXIII. Zonar. — Dio apud Vales. — Appian. Illyr. — Polyb. IV, 66. — Auct. de Vir. ill. c. 50. — Just. XXIX, 2. — Front. Strat. IV, 1.

rum terrebat, qui eximia specie et magnitudine corporum, primis in ordinibus stabant; partim ad pugnandum incitabat, non modo laudis, sed etiam spoliorum dulcedo, quod inter Gallorum antesignanos erat nemo, quin manicis armillisque aureis fulgeret.

XLII. Conserto igitur prælio, immissi primum velites maximam hostium edidere cædem, præsertim ubi Gæsata pugnabant, qui per ferociam et barbaram ostentationem abjectis vestibus, nudi ante prima signa constiterant. Quum enim scutum gallicum prælongum et angustum, non possit corpus obtegere, tanquam exposita jaculatoribus signa certis ictibus petebantur; cadebantque inulti, quod neque ferire hostem eminus poterant, neque conserta manu pugnari secum levis armatura patiebatur. Qua desperatione pars temere in hostem ruentes, priusquam ad manus venirent, missilibus confossi sternebantur: cæteri sensim referentes gradum, suorum perturbabant ordines. Ita Gæsatarum acies per velites disjecta, gravis armaturæ miles Boios Insubresque ac Tauriscos undequaque adortus, multos interfecit.

XLIII. Stabant tamen obfirmatis animis, neque ulla re inferiores, nisi quod armorum genere vincebantur, neque ad muniendum corpus apte instructi, neque ad hostem percutiendum: gladius enim gallicus tantum ad rem cæsim gerendam accommodatus, mucronem idoneum non habet: præterea ad primum ictum incurvatur, sequentesque parum efficaces habet, nisi pede pressus iterum dirigatur. Eventum prælii, quum in meliore spe Romani essent, haud dubium fecit equitum reditus, qui gallico equitatu in fugam compulso, ex colle decurrentes, in latus hostium impressionem fecerunt, tanto minus tolerabilem, quod ex superiore loco ingruerat. Hoc maxime modo cum Gallis in Etruria pugnatum Polybius tradidit; a quo parum probabiliter alii dissentiunt: quis enim temere credat, ita potius rem gestam esse, ut Gallos noctu orta tempestat fugere coegerit, tanquam deorum iram timentes? postremosque eorum aggressus C. Ati-

lius occubuerit? deinde post aliquot dies, quum interea suo quilibet in colle se continuisset, L. Æmilius cum exercitu gallico prospere pugnaverit? Neque plus merentur fidei, qui pugnae locum ex litorali regione, in agrum aretinum transulerunt.

· XLIV. Cecidisse tum Gallorum millia quadraginta non ambigitur: capta sunt haud minus millia decem cum uno regum Concolitano: alius Anercestus, qui plurimum opinione virtutis et potentia valuerat, paucis comitantibus elapsus, in fuga necessarios suos seque ipsum secta gula interemit. Recepta est praeda ingens, quam consul reddendam iis curavit, quibus adempta fuerat, suas unoquoque res agnoscentibus dominis. Inde cum suo et atiliano exercitu iuxta fines Ligurum in boicum agrum profectus, ut operæ navatae mercedem haberet miles, diripiendam ei regionem dedit; paucisque diebus satiata praeda copias in Urbem reduxit, tanto majore omnium lætitia, quanto acrior istius belli metus fuerat. Ergo vix cujusquam triumphus faventium vocibus tam celebratus est: insignis alioquin, et rerum gestarum gloria, et captivorum spoliisque prælatorum numero pretioque.

XLV. Multa inter hæc signa militaria fuere, plurimique torques aurei armillæque, virorum fortium apud Gallos ornamenta. Sed maxime adverterunt oculos hominum Britomarus, aliique principes Gallorum, quos L. Æmilius per ludibrium accinctos in Capitolium duxit, tanquam voti sui religionem servaturos, quod *non prius soluturos se baltea, quam Capitolium ascendissent*, juraverant. A. d. III nonas mart. L. Æmilius consul de Gallis triumphavit. Eodem anno lustrum alterum atque quadragesimum conditum esse reperio, a censoribus Q. Claudio Ap. F. C. N. Centhone, M. Junio D. F. D. N. Pera. Depositus jam belli gallici metus, nondum vindictæ cupiditas erat; ambobusque proximi anni consulibus ea provincia data. T. Manlius T. F. T. N. Torquatus, Q. Fulvius

§ XLIII. Polyb. II, 30, 33. — Zonar. — § XLIV. Oros. IV, 3. — Eutr. lib. III. — Diodor. lib. XXV. — Polyb. II, 30 et 33. — Zonar.

M. F. Q. N. Flaccus erant, uterque iterum. His exercitus, et quæ ad bellum instruendum gerendumque pertinebant, alacriter decreta. Spes enim erat, post tantam victoriam, toto circa Padum agro depelli Gallos posse, si nervi intenderentur.

XLVI. Consules cum copiis profecti primo statim terrore Boios ad deditionem compulere : segnior deinde expeditio fuit, ob pestilentiam et continuos imbres. Alii tradunt, *hos consules Pado transito collatis signis vicisse Insubres, hominum occidisse tria et viginti millia, cepisse quinque* : sed nobis Polybii potior est in his rebus auctoritas. Interea quia consules e longinquis regionibus, sive rebus gerendis, sive tempestatibus impediti ad comitia occurrere non potuerant, ejus rei gratia dictator creatus est L. Cæcilius L. F. C. N. Metellus, isque N. Fabium M. F. M. N. Buteonem magistrum equitum dixit. Comitibus habitis consules facti sunt C. Flaminius C. F. L. N. P. Furius Sp. F. M. N. Philus. Hi, primi Romanorum, ut existimo, Padum transivere cum exercitu, qua fluvius Padusa Pado committitur, in regionem Insubrum irruptione facta. Multo labore neque nullo sanguine hæc audacia constitit : nam et in transitu fluminis, et dum castra ponuntur, acriter incurrentes hostes Romanorum haud paucos occiderunt.

XLVII. Ex harum rerum nuntiis ortam sollicitudinem immensum auxere prodigia, quod *in Piceno flumen manasse sanguine, in Etruria cælum ardere visum, Arimini noctu luxisse, tresque lunas eodem tempore appuruisse*, nuntiabatur; et quod Romæ in foro vultur per dies complures sederat : nam sub idem forte tempus Caria motu terræ concussa, et collapsus Rhodi colossus nihil tum ad rem romanam pertinere credebantur. Cæterorum causa consulti augures, *consules vitio creatos videri*, responderunt, secutæque sunt senatus ad eos literæ, quibus in Urbem revocabantur. Illi inter hæc

§ XLV. Flor. II, 4, 2 et 3. — Zonar. — Fasti Triumph. — Fasti Capit. — Polyb. II, 31. — § XLVI. Polyb. — Oros. IV, 13. — Fasti Capit. — Liv. Epit. XX. — Zonar.

per inducias Insubrum agro excesserant, deinde in Cenomanorum finibus sociorum adscitis auxiliis, iterum campos Alpibus subjacentes infestare cœperant; permotique ira Insubres, etiam aureis signis ex æde Minervæ depromptis, quæ *immobilia* vocabantur, quod nisi ob extremam necessitatem moveri fas non esset, cum exercitu quinquaginta milium occurrerant, acie dimicaturi.

XLVIII. Hoc ad tempus literæ senatus venerunt. C. Flaminius sive conjectura earum argumentum assecutus, sive literis amicorum præmonitus, collegæ persuasit, *ne ante pugnam commissam aperirentur*. Sic obstinato ad dimicandum animo, de auxiliis Gallorum deliberabant, *ne forte neglecta causam nocendi haberent; adhibita, occasionem*: levitas enim gentis timebatur, præsertim adversus cognatum hostem suscipiendo prælio: tandem hoc consilium placuit. Gallos in ulteriorem ripam miserunt; deinde ruperunt pontes. Ita neque lædi ab iis Romanus poterat, et copia fugæ penitus ablata, omnia in virtute erat habiturus. Post acre prælium, victoria Romanis cessit, majori tribunorum laude, quam consulum. Nam C. Flaminius aciem ita ripæ fluminis admoverat, ut nihil ad receptum cohortium relinqueret spatii; haud dubie totum exercitum perditurus, si urgentibus hostibus vel minimum recedere coactus fuisset. Tribuni vero, prioribus præliis experti, Gallorum vim omnem in primo impetu esse, hunc acerrimum, sed brevem, si quis sustinisset, nihil postea metuendum habere; primis ordinibus hastas triariorum dividunt, quibus hostium excipiant ictus, deinde abjectis his gladium stringant.

XLIX. Ubi ventum ad certamen est, hastarum objectu gallici gladii statim ad primum ictum hebetati curvatique sunt; quos donec dirigere student, suggestus stricto mucrone Romanus omnem armorum usum iis ademit. Nam et hoc habent enses gallici, quia cæsim tantummodo iis pugnari

§ XLVII. Polyb. II, 32. — Plut. Marcel. c. 4 et 40. — Marian. — Oros. IV, 13. — Plin. XXXIV, 7. — Zonar. — Polyb. — § XLVIII. Strab. lib. V, p. 216. — Liv. XXI, 63. — Zonar. — Polyb.

potest, ut ad feriendum aliquantum requirant spatii, quod si quis abstulerit, omnino fiunt inutiles. Romani vero etiam punctim ferire ex minimo intervallo poterant, eoque modo ad corpus hostis appressi faciem ejus atque pectus impune cædebant. Interfecta dicuntur millia Gallorum novem; quasi duplum ejus numeri captum esse. Post victoriam ager hostium longe lateque vastatus est, multumque prædæ partum. Tum demum literas senatus legi placuit: quibus quum pariturus P. Philus esset, C. Flaminius, *invidiam hanc Patrum esse testatus, nullis auspiciorum vitiiis, cujus rei nullum argumentum certius ipsa illa, quam obtinuissent, victoria adduci posset*, negavit, *se nisi finito vel bello, vel magistratus tempore, decessurum esse*. Quin etiam addidit *effecturum, ut populus romanus auguriorum aliarumque talium rerum inepta observatione falli desinat*.

L. Cæterum in sententia persistente P. Furio, flaminianus exercitus, metuens, ut digresso illo satis in hostili regione tutus esset, exoravit eum, ut per dies aliquot remaneret: nihil tamen rerum postea gerere voluit; C. Flaminio interim castella quædam, urbemque non incelebrem illis gentibus recipiente, concessaque militi præda ad instans cum senatu certamen sibi conciliante animos. Tanta enim exorta fuerat in Urbe indignatio, ut redeuntibus consulibus neque obviam ex more iretur; triumphusque non C. Flaminio modo, sed in ejus odium etiam P. Philo negaretur. Ad extremum C. Flaminii magnus apud plebem favor vicit: isque triumphans Urbem ingressus est, a. d. VI idus martias. Multa in eo triumpho translata sunt spolia, magna vis armorum, torques itidem aurei permulti, ex quibus tropæum Jovi C. Flaminius in Capitolio posuit, inverso Gallorum voto, qui *de spoliis Romanorum Marti suo torquem promiserant*. Alter mox consul de Gallis et Liguribus triumphum egit a. d. IV idus martias.

LI. Sic magis accensa, quam victa, senatus odia non quie-

§ XLIX. Oros. IV, 13. — Plut. Marcel. c. 4. — Zon. — L. Liv. XXII, 6, et XXIII, 14. — Zon. — Plut. — Col. Capit. — Flor. II, 4.

verè, donec consules statim secundum triumphum abdicare sunt coacti. Pari severitate sub idem fere tempus viri clarissimi duo sacerdotii honore caruerunt : M. Cornelius Cethegus, extis non rite porrectis ; Q. Sulpicius, quod inter sacrificandum apex ei de capite defluerat. Quum magistratu consules abivissent, comitia per interregem sunt habita, quibus consul factus M. Claudius M. F. M. N. Marcellus, qui magistratu inito collegam ascivit Cn. Cornelium L. F. L. N. Scipionem Calvum. Hi pacem petentibus Insubribus restitere, M. Marcello potissimum cupiditate provinciæ triumphique, conditiones omnes aspernante : sed et ipsi Galli belli potius, quam otii, consilia tractare videbantur, quum de integro mercede conducta Gæsatarum triginta millia, superatis Alpibus, longe majorem Insubriam multitudinem concivissent.

LII. Bello sic exorto, profecti primo verè consules, Aceras (oppidum est inter Padum et Alpes) circumsederunt. Cujus obsidione quum depellere Romanos difficile videretur, Britomarus, assumpta decem millium Gæsatarum manu, circumpadanam regionem vastare instituit : quo comperto, consules ita inter se partiti sunt copias, ut Cn. Cornelius cum exercitu reliquo urgeret obsidionem ; M. Marcellus duas partes equitum et delectos ex levi armatura ducens, sociis succurreret. Delegit expeditissimum quemque, non ultra sexcentos ; cum his et equitibus suis non die non nocte intermisso itinere contendit ad hostes : quos circa Clastidium adeptus, priusquam reficere suos quiete posset, adortus est, non voluntate sua, sed ferocia Gæsatarum, qui numero potiores, et equestris militiæ principatum sibi vindicantes, audito, paucos adduci pedites a consule, protinus ad obterendum eum, ommissa Clastidii obsidione, proruperunt. M. Marcellus, acie in longum porrecta, ne circumveniretur ab hostium multitudine, Gallis processit obviam ; neque longe aberant invicem acies, quum jam impetum fa-

LI. Plutarch. — Val. Max. I, 4. — Polyb. II, 34. — § LII. Polyb. II, 34. — Plutarch. — Zonar.

cere molientem equus clamore cantuque Gallorum exterritus abripuit, et retrorsum tulit.

LIII. Ibi consul, veritus, ne in omen tractus ille casus animum suis minueret, equum circumagendo solem adoravit, tanquam ea de causa convertisset: ex veteri more, quo deos adoraturi se circumagebant. Ferunt, eum ante primum congressum *pulcherrima hostilium armorum Jovi Feretrio* vovisse, mox conspecto Britomaro, qui suorum agmen præcedebat arma ferens auro argentoque et coloribus eximie perornata, hæc judicavisse arma esse debere, quæ vovisset. Jam ipse quoque rex, viso Romanorum duce, proventus longe ante suos, voce et gestu eum ad pugnam provocabat: neque cunctatus M. Marcellus, perfosso regis thorace, vulneravit eum hasta, et equi adacti impetu dejectum humi, semel iterumque repetitis ictibus occidit. Tum desiliens ex equo, manibusque arma tenens, suspexit in cælum, « Jupi-
« ter, inquiens, Feretri, qui fortium ducum in præliis facta
« præclara aspicias, en ego te teste tertius Romanorum, cæso
« hostium imperatore imperator, opima tibi spolia consecro.
« Tu vero ad reliqua etiam belli res nostras prospera fortuna
« pergere sinito! »

LIV. Repetente post hæc locum M. Marcello, totis viribus conflixi cœptum, fortissime pugnantibus Romanis, quos consulis audacia et fortuna non minus ardore pugnandi, quam spe victoriæ impleverat. Itaque non eques gallus, non pedes, quanquam et ille suis subsidio venerat, sustinere vim tantam potuit; raroque exemplo paucissimi de numeroso exercitu pulcherrimam victoriam retulere. Lectis deinde spoliis ad collegam revertit consul, qui Acerris occupatis, ubi magnam annonæ copiam reperit, circa Mediolanum caput Insubrium Gallorum adversus hostes ægre se tutabatur: nam illi validissimæ frequentissimæque urbis obsidione implicatum, vicissim quasi obsidebant. Sed adventu M. Marcelli cito commutatus est rerum status. Nam et Gæsatae auditæ regis fine discesserunt; et ab his relictæ Mediolanenses de-

fendere urbem non potuere. Sic ingentibus Insubrum copiis cæsis, captaque Mediolano, et subinde Como, cæteræ deinceps urbes, et Insubrum tota natio, pecunia et agrorum parte mulctati, de cætero satis æqua pace impetrata, in deditiōnem venere.

LV. M. Marcellus provincia confecta celeberrimum triumphum de Gallis Insubribus et Germanis duxit, kalendis Martiis. Hæc prima Germanorum in historia romana mentio, qui ex transrhenanis gentibus mērcede conducti, Viridomaro duce in Italiam venerant. Ex his Gallisque captivi forma staturaque corporis ingenti, currum victoris inter spolia maximi pretii antecedeabant. Sequebatur ipse consul rarissimo spectaculo cæsi ducis arma Jovi Feretrio ferens: quem prosecutus a tergo exercitus splendidis ornatus armis, militari acclamatione cantuque celebrabat. Hoc ordine quum ad ædem Feretrii perventum esset, descendens curru M. Marcellus, opima spolia post Romulum regem et A. Cornelium Cossum tertius, neque post illum alius suspendit. Hæc arma populus romanus majori cum voluptate spectavit, quod romanorum militum arma hostes Vulcano vovisse dicebantur: tantaque victoriae ejus lætitia fuit, ut senatus populusque romanus ex manubiis donum Apollini Delphico cratera aureum, et circum amicas sociasque civitates arma de spoliis gallicis mitteret: ad Hieronem syracusanum præter spolia, missum etiam frumenti pretium est, quo inter bella gallica rem romanam juverat.

LVI. Novi deinceps hostes Istri exorti, qui piratico scelere maria infestantes, Romanorum aliquot naves frumentarias diripuerant. Adversus hos ambo consules, P. Cornelius, M. Minucius Rufus missi, multos populos vi aut deditiōne subegerunt. Triumphatum tamen ab his non reperio, credo quia multo etiam romano sanguine victoria constiterat. Hoc

§ LIV. Valer. Maxim. III, 2, 5. — Zon. — Pol. II, 34. — Plutarch. — Oros. IV, 13. — Zon. — Eutr. lib. III. — Liv. Epit. XX. — § LV. Oros. IV, 13. — Marm. Capit. — Propert. IV, 11. — Virg. Æn. VI, 856. — Flor. II, 4, 5. — Plutarch. Marcel. cap. 11. — Liv. I, 10; IV, 20, et XXIV, 21, 9. — Diod. lib. XXV.

anno infaustum multis gentibus urbibusque sidus in Hispania exortum est, Hasdrubalis successor Hannibal, de cujus inijtis gestisque multa deinceps majori spiritu dicenda erunt. Interea novi consules L. Veturius, C. Lutatius cum exercitu ad Alpes progressi sunt : sed conditionibus magis, quam armis usi, multos eorum locorum populos voluntate ipsorum ad amicitiam romanam adduxerunt. Bellum hoc tempore cum Illyriis instauratum est improbitate Demetrii Pharii, adversus quem sub amicitiae romanæ pretextu vicinas civitates arbitrio suo vexantem, omnibus ex partibus que-re-re venerunt.

LVII. Nam fretus potentia, quam a Teuta deficienti Romani circumdederant, tutelaque regis Pinnei, cujus matrem Tritentam connubio sibi junxerat, regem et ipse se ferens, popularibus juxta, finitimisque gravis et intolerandus incumbebat. Et Illyrici quidem populos, Romanorum socios et amicos, suæ dominationi studebat subjicere : Cycladas autem insulas, contra fœdus cum lembis armatis quinquaginta ultra Lissum provectus, alias depopulabatur, ab aliis extorquebat pecunias; jamque et Istrorum partem, quotquot a recenti bello Romanos oderant, et Atintanes vi coactos in partes suas traxerat; neque Romanos reverebatur, quibus gallico bello implicitis, deinde punicum metuentibus, neque vires neque otium ad vindicandas sociorum injurias fore censebat; et a Philippo, Macedonum rege, quidlibet sperabat, quod bello cleomenico dux illyricorum auxiliorum macedonicas opes adjuvisset : igitur decretum adversus eum bellum est, apparatusque facti:

LVIII. Lustrum interea tertium et quadragesimum L. *Emilius*, C. *Flaminius* censores condiderunt. Censa sunt civium capita ducenta septuaginta millia ducenta tredecim. Libertinorum promiscua multitudo per omnes tribus sparsa, multum hactenus turbarum dederat : eam imitatione Q. *Fabii*

§ LVI. Oros. IV, 3. — Eutrop. l. III. — Zon. — Liv. Ep. XX. — Appian. Illyr. — Dio apud Vales. — § LVII. Just. XXIX, 2, 1. — Polyb. III, 16. et IV, 16. — Appian. Illyr.

Maximi censores in quatuor tribus, Esquilinam, Palatinam, Suburranam, Collinamque redegerunt. C. Flaminius in eadem censura viam Ariminum usque munivit, et circum exstruxit: utrique operi nomen ab auctore est impositum, circusque Flaminius, et via Flaminia vocata. Iidem censores legem Metiliam de fullonibus ad populum ferendam dedere: ne minorum quidem rerum curam tanti magistratus fastigium dedecere rati. Per idem tempus Illyriorum rebellio senatum movit, ut M. Livio M. F. M. N. Salinatori, L. Æmilio M. F. Paulo consulibus provinciam illam manderet.

LIX. Contra Demetrius bellum et ipse haud segniter comparare instituit, valido præsidio Dimalum misso, provisisque omnibus, quorum ad longam sustinendam obsidionem usus est. Quibusdam locis interficiendos curavit principes, de quorum fide dubitabat, aliisque sibi addictis regimen urbium tradidit: ex omni vero regno delectum robur, sex millia virorum, secum ad præsidium Phari retinuit. Dum hæc aguntur, L. Paulus consul, primo vere profectus, in Illyricum venit; intellectoque, magnam esse hostibus spem in munitionibus Dimali, quem locum inexpugnabilem putabant; ratus plurimum inde terroris oriturum, si hunc expugnasset, tanta sua militumque alacritate est aggressus, ut septimo quam oppugnare cœpta esset die, vi caperetur. Neque falsus fuit animo consul, sparsaque per vicinam regionem fama confestim ex omnibus urbibus oratores venere, se suaque omnia Romanis dedituri.

LX. Quibus in fidem receptis, Pharam insulam, ubi Demetrii regia erat, petiit. Quam ubi copiarum omni genere refertam, fortissimorumque virorum præsidio, tum situ operibusque, ad hæc præsentia tyranni munitam esse didicisset; moram obsidionis veritus, astum excogitavit accelerandæ victoriæ non inutilem. Partem enim majorem exercitus,

§ LVIII. Liv. XXIII, 32, 2, et IX, 46, 14; et Epit. XX. — Cassiodor. — Festus voce *Circus Flam.* — Plin. XXXV, 17. — § LIX. Polyb. III, 16 et 18.

noctu trajectis copiis, in silvosis quibusdam callibus occuluit : ipse cum navibus viginti luce clara proximum urbi portum petens, elicuit Pharios; inter quos ipse Demetrius ad prohibendam hostium excensionem accucurrit. Conserto certamine, plures subinde, ut fit, suis auxilio venientes, ad extremum omni fere præsidio militarium virorum urbem nudavere. Interea Romani, qui noctu excenderant, itinere per tecta loca facto, collem inter oppidum portumque medio ferme spatio situm occupavere : quo facto iis, qui urbe fuerant egressi, reditus ad eam occludebatur.

LXI. Demetrius, animadverso quid fieret, consilium cepit, ut in tam ancipiti periculo, non spernendum. Omisso enim præsentis certamine; revocatisque suis, « Viri fortes, inquit, « apparet virtutem nostram hostibus formidabilem esse : nam « ad dolos conversi fatentur se viribus armisque diffidere. « Furto noctis usi hanc in terram irrepsere, unde, si bene « vos novi, retinebunt nihil, nisi quod corporibus tegent, « anima emptum. Vos modo, Pharii mei, vosque omni ex « Illyrico delecta juvenus, vel patriæ, vel gloriæ vestræ me- « mores, ostendite Romanis, neque suæ fortitudinis, neque « nostræ imbecillitatis fuisse, quod semel de Illyriis Romæ « triumphatum est. Non Fulvius eo tempore aut Postumius « Illyricos consiliis et armis, sed impotentia, sed temeritate « sua Teuta vicit : neque ignoratis, ut de aliis taceam, non « ita proclivem illis futuram fuisse victoriam, si me defenso- « rem potius, quam inimicum, habere Teuta maluisset. Ve- « rum enimvero, et quia vobis præclare confido, et quia « facta potius quam verba tempus postulat, abrumpo. Ha- « betis animos, habetis arma, videtis necessitatem, quæ ti- « midissimum quemque posset acuere, vobis pariter urbi que « discrimen extremum imminet, nisi virtute vestra discusse- « ritis. Eamus igitur, et fortuna bene juvante istos e latibu- « lis suis paulo ante progressos petamus, securi de his, qui « excensionem faciunt : nam illos si ceciderimus, hi majori « cum studio naves repetent, quam reliquerunt. »

LXII. Ita suos pro tempore cohortatus, instructis ordinibus ad eos invadendos, qui collem tenebant, ducit : qui et

ipsi non segnius congressi sustinuerunt hostem, donèc advenientes, qui exscensionem interea fecerant, et a tergo eum adorti, magno cum terrore detrimentoque disjecere. Paucos in oppidum retulit fuga : cæteri passim per invios calles dilapsi. Demetrius, qui solis quibusdam locis paratos lembos in omnem casum habebat, uno eorum conscenso ad Philippum, Macedoniae regem, profugit, cujus in amicitiam receptus, mores adolescentis antea laudatos adulatione et tyrannicis consiliis corruptit, bellique romani et multarum præterea calamitatum, suasor et auctor ei exstitit. Post hanc pugnam Pharus ex itinere capta, jussuque imperatoris direpta et diruta est. Illyrici deinde rebus ex sententia ordinatis, ad triumphum petendum, affecta jam ætate, consul Romam rediit.

LXIII. In hujus quoque belli narratione Polybium sequi malui, non ignarus, apud alios auctores ambobus consulis ejus perfecti gloriam communiter tribui, qui evocatum ad se Demetrium, quia non parebat, aggressi primum in Issa insula, quibus dixi artibus vicerint; deinde Pharo prodicione capta, Demetrium expulerint: de cujus fine quoque dissentanea Polybio tradunt, istis et annis et locis proximo: quæ aliud in tempus egressa prætermitto. Cæterum Illyriis in regis Pinnei gratiam, quem innocentem ætate et proposito fuisse constabat, pepercit senatus, fœdusque cum eo, adjectis tamen conditionibus quibusdam, renovavit. Interea L. Æmilius consul splendidissimum de his populis triumphum duxit; sed et M. Livium ex eo bello triumphasse reperio: plures tamen scriptores hunc prætereunt; credo, quod majores L. Pauli res fuerunt, quibus collegæ famam gloriamque potuerit obscurare: sed nobilior ejusdem M. Livii paulo post judicium et condemnatio fuit. Per invidiam ipse ac L. Paulus accusati, quod prædam militibus non æqualiter divisissent, quodque ex ea multa avertissent, judicium populi subiverunt.

§ LXII. Polyb. IV, 66, et apud Vales. l. VII. — Appian. Illyr. — Liv. Ep. XX. — § LXIII. Zonar. — Dio apud Vales. — Appian. Illyr. — Polyb. IV, 66. — Auct. de Vir. ill. c. 50. — Just. XXIX, 2. — Front. Strat. IV, 1.

LXIV. L. Paulus ambustus vix evasit; M. Livium omnes tribus, excepta Mæcia, damnaverunt: isque contumeliam istam tam indigne tulit, ut Urbe relicta, cœtus omnes fugeret, donec eum ad instituta vitæ prioris resumenda reipublicæ tempora retraxere. Sed hæc in P. Corneli Scipionis, Tib. Sempronii Longi consulatum inciderunt. Anno autem, quo M. Livius et L. Paulus adhuc consules erant, Archagathus quidam Lysaniæ filius ex Peloponneso Romani venit, qui medicinam professus, jure Quiritum donatus est, eique taberna in compito Acilio empta publice: res ad memoriam minime celebris, nisi tum primum artis medicæ nomen auditum Romæ agnitumque esset, hactenus ad sanitatem tuendam sufficiente temperantia et inemptis remediis. Eisdem consulibus coloniæ deductæ sunt in agro gallico Placentia et Cremona, non postrema causa irarum, quibus commoti Boii Insubresque respicere Hannibalem cœpere, qui tum saguntinam urbem summis viribus oppugnans, per ruinas ejus iter ad romana bella muriebat: sed hi cæterique motus, qui magno numero, neque minori mole, continuo ingruerunt, ab altiore paulo principio sunt repetendi.

§ LXIV. Liv. XXII, 35; XXIX, 37; XXVII, 34. — Plin. XXIX, 1. — Liv. XX; XXI, 25, 2. — Ejusd. Epit. XXIX, 1.

N. E. LEMAIRE
ERUDITO LECTORI
S. P. D.

DE SUPPLEMENTIS
JO. FREINSHEMII.

INCIPIUNT in hoc tertio Liviani operis volumine Supplementa Freinshemii, quæ tibi, lector ornatissime, suo quæque loco editurum me promiseram. Egregium sane opus et ad cognoscendam penitus Romanorum historiam maxime proficiens; de quo etsi parum modeste, non immerito tamen auctor ipse ita gloriari ausus fuit, ut profiteretur « se neutiquam metuere, ne quis ex his omnibus scriptoribus qui sunt in hominum manu, aliquid efficiat in hoc genere conciuius, copiosius, verius. »

Ad formanda historiæ Livianæ Supplementa, quibus tanta literarum damna repararentur (nam vix quarta pars totius operis superstes ad nos pervenit), quot labores exantlandi! qualis sagacitas in eruendis factis et indagatio, in contextendis solertia, in expoliendis constantia! quorum materia in infinitis veterum libris varie dispersa latuit verius quam exstitit. Ea fuit in Joan. Freinshemio diligentia, illud iudicii acumen, ut, cum illo dicere non dubitem nihil

effici potuisse in hoc genere *concinnius, copiosius, verius*. neque tamen is fuit qui se nusquam erravisse arbitraretur; sed monitus emendavit quod opus fuerit; et quum scribendo edendoque ista Augustissimæ Reginæ studiis ac voluntati obsequeretur, nihil omissum curavit, ut omni modo se dignum præstaret benevolentia patrociniisque provocantis CHRISTINÆ, cui maxime post DEUM placere et obedire satagebat. Quanta enim nostro scriptori felicitas contigit, illius CLARISSIMÆ REGUM, ut vocat, adesse quotidie; apud ipsam *conspici*; ab ipsa *respici*; *familiaris speciem, locum, gratiam* obtinere!

Nos igitur operis Freinshemiani novam atque accuratam editionem duce Creverio, aggressi sumus: ejus tamen laborem cum Bipontino opere contulimus, ut nullus diligentiae numerus deesset; et quoties inter eos aliquid dissonum deprehendimus, quæ melior via, aut probata, aut visa est, secuti sumus. Testimonia auctorum, quorum ex membris coaluit Supplementorum corpus, ad imas quasque paginas apte collocanda et singulis capitibus respondentia curavimus: neque illud nobis, quod olim Clerico, inutile visum fuit. Non audiendus enim est ille, quum contendit « homines eruditos satis nosse, ubi singula inveniuntur ex veterum historicorum lectione »; nam præterquam quod non omnes memoria statim adjuvat, immo plures sæpius deficit, multa quoque Freinshemius temporum pulvere abdita in lucem protulit effuditque, quorum ad fontem recurrere, nullo viam monstrante, perquam difficile foret.

Nunc venio ad primam hanc Supplementorum decadem, quam vivus vidensque in publicum ipse auctor emisit: reliquæ non nisi post ejus mortem in lucem prodierunt. In illa igitur parte operis quasi virium periculum fecit, neque conatus frustra fuerunt: quippe decas ea primogenita quemdam præ cæteris vigorem, maturitatemque refert. Hic ad

summum enitent eruditio, diligentia, fides : stylus, ut in historia, facilis ac modestus, qui tamen surgat aliquando, quum res id postulare visa est : nec deest eloquentia, multis orationibus ex æmulatione Livii rerum causas et seriem feliciter explicantibus.

Singulis Supplementorum libris præfiximus Epitomas illas quarum auctorem ignoramus ; nam exsanguis nimium et pallidæ nobis videntur, quam ut ipsi Livio, vel L. illi Floro, *brevi* quidem sed *compto* historico tribuantur. Tamen illas rejicere nolimus, quarum Creverius utilitatem agnoscit ad historiam, ubi Livius deficit, illustrandam.

Hæc igitur præmississe nunc erit satis : quum demum suprema toti Livio accesserit manus, plura subjicientur, inprimis præfatio illa, Creverianæ editioni præfixa, quam omnibus numeris absolutam judicabat Car. ROLLIN, summus iste literarum et sapientiæ magister, omnium in memoria vivens, omnium admiratione et veneratione circumcinctus, cujus laudes non semel in publico prædicavimus, sed præsertim in vol. quinto, pag. 220 nostri Virgilii, et in oratione solenni quam habuimus, quum Academia Parisiensis in Literarum Facultate, velut in olympico stadio, primam exercitationum scenam aperiret (*), sub ædibus iisdem Sorbonæ-Plessæis, ubi clar. professorem Hersanum audiverat discipulus, ubi ipse factus eloquentiæ magister a nostro Creverio pariter auditus fuerat. Hujus igitur maximi optimique Rollini iudicio freti, præfationem Creverianam ad calcem Edit. nostræ subjungemus, ne quid bonum, acriter et acute cogitatum, atque cum Livio quadam necessitudine conjunctum deesse existimaveris.

Interea, lector optime, quo facilius auctorum imis pa-

(*) Anno 1811. Vide, si placet et vacat, *les journaux de cette époque, et notamment le MONITEUR UNIVERSEL, etc., etc.*

ginis allegatorum testimonia possis cum fontibus ipsis conferre, si lubet, hæc tantum observanda tibi indicabimus.

1° Sequetur hanc præfatiunculam catalogus scriptorum quos ad fidem sui laboris testes advocavit Jo. Freinshemius.

2° Eorum libros, vel majorem aliquam operis divisionem semper notabit numerus romanus; arabicus autem, minutas sectiones. Sic ubi reperies Liv. XXVIII, 28, intellige allegari LIVIUM libro vigesimo octavo, capite itidem vigesimo octavo: item quum occurreret tibi, Cic. de Off. II, 21, intellige CICERONEM de Officiis, libro secundo, capite vigesimo primo.

3° Ubi nudum nomen alicujus scriptoris expressum est, non indicata parte operis, in qua reperiatur id cujus ille testis citatur, recurrendum est ad superiora, donec tibi occurrat cum nomine auctoris etiam libri vel operis nota. Zonaras tamen ubique fere sic nude nominatur, quia ex ipsa historiæ, quam ille perpetuam contextuit, serie facile intelligitur locus, ad quem referri quidque debeat.

4° Denique raro paginas librorum notavimus. In Strabone tamen, ubi earum mentionem fecimus, respeximus editionem Parisiensem anni 1620, ab Isaaco Casaubono curatam.



CATALOGUS AUCTORUM

QUORUM FIDE INNIXUS

CONCINNAVIT HOS DECEM SUPPLEMENTORUM LIBROS

JOHANNES FREINSHEMIUS.

- | | |
|---|--|
| Ælianus. | Festus. |
| A. Gellius. | Florus. |
| Ammianus Marcellinus. | Frontinus. |
| L. Ampelius. | Gotefridus Viterbiensis. |
| Appianus, et ejus Excerpta, a Fulvio
Ursino, et Henrico Valesio edita. | Herodotus. |
| Aristoteles. | Hieronymus. |
| Athænæus. | Historia miscella, sub nomine Pauli
Diaconi. |
| Auctor de Viris illustribus. | Horatius. |
| D. Augustinus. | Joannes Antiochenus. |
| Barclaius. | Joannes Sarisberiensis. |
| Berneggerus. | Julius Hyginus. |
| Bongarsius. | Julius Obsequens. |
| Casaubonus. | Justinus. |
| Cassiodorus. | L. I, § 5, ff. de Postul. lib. III, tit. 1;
<i>id est</i> , Lege prima, paragrapho
quinto, Digestis, de Postulando,
libro tertio, titulo primo. |
| Cato. | L. I, ff. de Verh. Sig. lib. L, tit. 16;
<i>id est</i> , Lege prima, Digestis, de
Verborum Significationibus, libro
50, titulo 16. |
| Censorinus. | L. II, §§ 30, 32, ff. de O. J.; <i>id est</i> ,
Lege secunda, paragraphis 30 et
32, Digestis, de Origine Juris. |
| Cicero. | L. XVII, ff. de Legat.; <i>id est</i> , Lege 17,
Digestis, de Legationibus. |
| Clandianus. | L. XXIX et seq. ff. de Ieg. lib. I, tit.
3; <i>id est</i> , Lege 29 et sequentibus,
Digestis, de Legibus, libro primo,
titulo tertio. |
| Cluverius. | Livius, et ejus Epitomæ. |
| Cornelius Nepos. | Lucanus. |
| Curtius. | Lycus. |
| Dio, et ejus Excerpta, a Fulvio Ur-
sino, et Henrico Valesio edita. | |
| Diodorus, et ejus Excerpta, ac Eclogæ. | |
| Dionysius, et ejus Excerpta. | |
| Dionysius Periegetes. | |
| Ennius. | |
| Etymologici auctor. | |
| Eusebius. | |
| Eustathius. | |
| Eutropius. | |
| Fasti Capitolini. | |
| Fazellus. | |

- Macrobius.
 Marianns Scotus.
 Martianus Capella.
 Matthiolus.
 Ὀμηροῦ ἑννεμῶν ἐπιγράμματα, sive ἱστοριῶν
 συνειρηγῶν · opus JOH. SCALIGERI.
 Osmphrius Pavvinius.
 Orosius.
 Otto Frisingensis.
 Ovidius.
 Paeanius.
 Pansanias.
 Pighius; Annales Romanorum.
 L. Piso.
 Plinius major.
 Plutarchus.
 Polyzenus.
 Polybius, et ejus Excerpta.
 Pomponius Mela.
 Propertius.
 Quintilianns.
 Sallustius.
 Seneca.
 Servius.
 Sext. Rufus.
 Sigonius in Fastos.
 Silius Italicus.
 Silius Capito.
 Solinus.
 Strabo.
 Suetonius.
 Suidas.
 Tacitus.
 Thucydides.
 Tabero.
 Tuditanus.
 Valerius Maximus.
 Varro.
 Vegetius, de Re militari.
 Velleius.
 Virgilius.
 Zonaras.
-

TABULA

RERUM QUÆ IN HOC TERTIO VOLUMINE CONTINENTUR.

PRÆMONITIO Editoris ad Lectorem benevo- lum.	Pag.	I
Liber nonus : breviarium		I
Liber decimus : breviarium		121
Liber undecimus : epitome		225
— I Supplementorum Freinshemii		226
Liber duodecimus : epitome		243
— II Supplementorum Freinshemii		243
Liber decimus tertius : epitome		263
— III Supplementorum Freinshemii		264
Liber decimus quartus : epitome		293
— IV Supplementorum Freinshemii		293
Liber decimus quintus : epitome		320
— V Supplementorum Freinshemii		320
Liber decimus sextus : epitome		331
— VI Supplementorum Freinshemii		331
Liber decimus septimus : epitome		365
— VII Supplementorum Freinshemii		365
Liber decimus octavus : epitome		381
— VIII Supplementorum Freinshemii		382
Liber decimus nonus : epitome		417
— IX Supplementorum Freinshemii		418
Liber vicesimus : epitome		454

— X Supplementorum Freinshemii . . .	Pag. 454
N. E. Lemaire erudito lectori, de Supplementis Jo. Freinshemii	489
Catalogus auctorum, quibus ad concinnanda Supplementa usus est Jo. Freinshemius. . . .	493

FINIS TERTII VOLUMINIS.

7112





LEDOX LIBRARY



Bancroft Collection.
Purchased in 1893.

